



ROBERT W. WOODRUFF
LIBRARY
FOR ADVANCED STUDIES



Paul Bernard Seydel
Memorial

✓ 3162


CHL ✓

SEYDEL
BX 2349
S43
1620

1627 3 75




Conventus Tornacensis D.P. Augustini.
Ex donatione nob. Dñi Nicolai Jueur. 1656.



h
n
c
v
m

D. O. M.
REGI, REGVM:
E T
REGINÆ CÆLORVM,
B. VIRGINI MATRI
MARIÆ.

 Lementissime Deus, tua
sunt omnia, cæli & terra, &
quidquid cæli ambitu cōti-
netur; & si quid offerimus tibi, tuum,
quod à benignissima manu tua ac-
cepimus, reddimus; vt ad suum prin-
cipium, ex quo fluxerunt omnia, re-
uertantur. Ideoque hoc opus, non
meum, sed tuum, quàm humillimè
offero: VIAM hanc VITÆ tibi, qui es
VIA, VERITAS, & VITA NOSTRA; nec
non B^{MÆ} MATRI TVÆ: ac rogo, vt
* 2 cum

cum ea ad istam, & omnes, qui eam
legerint & iniuerint, benignè respi-
cere digneris, vt in te, qui VERA VIA
es, ambulent, & in VERITATE per-
maneant; & ad te, qui salus es, & VI-
TA NOSTRA ÆTERNA, perueniant;
atque ita eò, vnde omnia, reuertan-
tur. Amen.



SERE-

SERENISSIMIS
ALBERTO
ET
ISABELLÆ
ARCHIDVCIBVS
AVSTRIÆ,
BELGARVM
PRINCIPIBVS.



Vinam post Deum opt. max.
HANC VIAM *dicarem*, nisi
C. V. SERENISSIMI PRINCI-
PES: *Postulat id argumenti ratio, postu-*
lat instituti mei: illud, quòd singulari
Dei gratiâ S. C. V. intueamur omnes,
non solum ut Principes, verum etiam
ut in VIA ÆTERNÆ VITÆ, ob eximiam
in pietate constantiam, atque in istore-
rum vertice animi modestiam, & tran-
* 3 *quil-*

quillitatem, Duces suspiciamus. Instituti verò mei iuxta ac gratitudinis ratio id efflagitat, quòd Societatem IESV benignè complecti, & beneficijs crebris augere non cessatis. Habebit itaque S. C. V. in VIA ista ÆTERNÆ VITÆ aliquod nostra gratitudinis monumentum. Habebunt qui legent, uti spero, diuinâ gratiâ in illa, à me collecta ex grauissimis Auctoribus præcepta, & compendium: habebunt in limine primo S. C. V. potens in magnis Principibus exemplum, quo inuitentur, ut VIAM istam capeffant, & in VERITATE ambulent: atque ita per breui huius VIÆ emenso stadio, ad VITAM perueniant ÆTERNAM. Ita voueo

S. C. V.

Humillimus seruus ac cliens

Antonius Sucquet.

P R Æ F A T I O

A D

L E C T O R E M.

Peregrini sumus omnes & aduenæ in VIA ista ac VITA, & nescit, eheu! homo finem suum. tot enim in illa ambages, tot pericula, tot viæ, quæ videntur homini rectæ, quarum nouissima ducunt ad mortem: vt meritò quiuis de recta sollicitus esse debeat; & quisquis aliquid conferre potest, vt recta teneatur, tum caritatis lege, ac fratrum periculo, tum zelo honoris diuini meritò compellatur. Accessit etiam, quæ me imprimis impulit, maiorum auctoritas: vt, quamuis subsidij parum in VIA hac reperiās, saltem habeant hi in me, parendi studium; tu verò magnam Dei gratiā, vt quacumque ratione tibi prodessem, voluntatem.

Diuisi VIAM in partes tres, vt Primā, errantibus & incipientibus, eam quasi ostenderem: Alterā, proficientibus stimulos & subsidia adderem: Tertiā, cælestis vitæ in VIA hac fontes indicarem; vt gustare posses & videre, quàm suauis sit Dominus; illique potiùs toto animo seruire, qui est LVX, VIA, VERITAS & VITA, quàm tenebrarum principi, patri mendacij, & morti. Quid eliges? Quo autem totius libri vsus esset

expeditior, eundem, seu praxim eius, initio descripsi; vt præcepta varia atque exercitationes ordine certo non scripta solùm, sed vsurpata, vsum tibi reddant fructuosiore, vti vehementer ad maiorem diuinæ Maiestatis gloriam exopto: vtque ei, si quid probaueris, tribuas. Si quis enim rectè loquitur, quasi sermones Dei sunt; si quis ministrat filiis eius, tamquam ex virtute quam ille administrat, vt in omnibus ille solus honorificetur, cui laus omnis debetur & gloria, & gratiarum actio in sæcula sæculorum. Amen.



P R A-

P R A X I S L I B R I.



Is, ô Lector, ad Dominum conuerti? Primus te in viam liber manu ducet; in quo finis consideratio, & media ad eum, per fidem, pœnitentiam, ac fructus illius occurrerent. Conuersus es? vt perseueres, exercitijs te confirma spiritualibus mortificationis l. 2. c. 11. & 12. atque orationis l. 1. c. 9. & meditationis, ac ordinatione actionum tuarum. illam l. 2. c. 26. hanc l. 3. c. 6. pertractatam reperies, & simul breuia ad perfectionem præcepta. Cùm autem omnia hæc exercitia meditatione constent, oratione, praxi, & iaculatoriâ, seu sententiâ aliquâ: meditatio manẽ institui aut legi potest; oratio eiusdem (quæ totam meditationem ferè continet) iterum in Sacro repeti; praxis autem per diem exerceri, atque affectus meditationis per sententiam aliquam sacrę Scripturæ foueri.

Pro quotidiano exercitio, vniuersim habes l. 3. c. 6. & rursus c. 24. diarium seu formam, quâ singula opera christianè ac piè facere possis, breuemque vitæ rectæ ac viæ normam, veramque ad perfectionem semitam atq; compendium. Meditationis verò seu lectionis matutinæ materiam, toto opere diffusam, eodem quo ordine posita est, decurrere potes; aut eandem sic ordinare: v.g. qualibet hebdomade dispone domui tuæ, & rationes vitæ tuæ ab te repete, vt præscribitur l. 4. c. 3. Deinde, vt dixi, oratione in Sacro vti poteris; praxibusque & iaculatorijs per diem affectum meditationis fouere atque augere. Pro confessione, si quando est instituenda, tum l. 1. c. 6. tum l. 3. c. 10. habes instructionem: pro sacra communione l. 3. c. 11. Dominicâ verò si alicui officio intersis, exercitium aliquod de pace animi, l. 2. 36. vel maximè ex ijs quatuor, quæ pro recollectione posita sunt l. 3. c. 4. assume, præter lectionem aut meditationem matutinam.

Quotidie autem per hebdomadam, manè aliquo saltem tempore aut lege aut meditare: neq; ita tibi iniquus sis, vt existimes dumtaxat Religiosorum esse, diuina meditari, tuum verò secularia. id exemplo te docere suo Carolus V. Imperator alijque magni Principes poterūt. Die Lunæ itaque, si libet, pro exercitio viæ purgatiuæ, accipe aut meditationē de fine c. 1. l. 1. aut de peccatis, aut aliquā de nouissimis, vel de pœnitentiæ partibus, vt habes l. 1. c. 7. 8. 9. & l. 2. c. 32. 33. 34. Die Martis, Mercurij & Iouis pro illuminatiua via meditationem aliquam de vita Christi institue, cuius compēdium videre licet in Blosij Rosario c. 23. l. 3. vel de aliqua virtute, quales habes sparsim toto libro. Die Veneris meditare de passione Domini ex l. 3. c. 14. Sabbato recollectionē institue, vt l. 3. c. 3. significatur.

Post meditationem sequitur sacrificij Missæ auditio, cuius varios modos dabit l. 3. c. 13. Deinde pro vario vitæ genere varia occupatio succedit, quā dirigere potes ex c. 6. l. 3. & l. 2. c. 23. de solitudine. Studēdi praxim in tractatu de sacerdotibus reperies. Deinde faciendum examen generale & particulare, de quibus l. 3. c. 5. Dehinc conuersatio occurrit, de qua lib. 2. c. 8. ad hanc eligendi amici, de quibus l. 2. c. 21. De refectione verò tum l. 1. c. 7. tum l. 1. c. 6. & 24. agitur. Si aduersitas premit, vt ere l. 3. c. 8. & 9. totoq; capite de conformitate voluntatis nostræ cum diuina; ac pace animi. Si prospera lenocinētur, vt ere l. 2. c. 3. 16. 17. & l. 3. c. 9. Quoties deliberandum occurrer, l. 2. c. 1. methodum dabit, & sigillatim si de statu, l. 1. c. 3. Quoties reporsurrepit, vt ere stimulis, de quibus l. 2. c. 4. cap. 30. & seqq. Quoties tentatio te apprehendit, l. 2. c. 3.

Singulis mensibus octo primis diebus, tum exercitijs l. 3. c. 2. te exerce, tum meditatione de pura intentione, de perseuerantia, l. 2. c. 19. & de præsentia Dei, l. 3. c. 16. Diariū autem recognosce, & de iudicijs contemnendis meditationem postremò institue, l. 3. c. 9.

Singulis semestribus, seu festo omnium Sanctorum, & die Veneris sancto para te hoc pacto ad mortem. Per dies aliquot

aliquot renoua mentem meditationibus in modo medi-
tandi propositis, lib. 2. c. 26. & seqq. maximè 32. ac deinde,
iuxta id, quod l. 3. c. 24. traditur, de te tuisque rebus dispo-
ne. Pro Quadragesima meditationes de passione habe,
vel mysteria eiusdè in Rosario Ad. R. D. Ludouici Blosij
in plures partes distributa, pro meditationis materia de-
lige. In Paschate, præter mysteria, sunt in quibus te exer-
ceas per tres Theologales virtutes, sententiæ aliquot: Me-
ditatio item de pura intentione, l. 3. c. 15. & præsentia Dei,
l. 3. c. 16. ac de amore illius, l. 3. c. 17. In Pentecoste verò ex-
pende, quæ de pace animi, vnà cum mysterijs eò pertinē-
tibus. In festo omnium Sāctorum præpara te ad mortem,
vt suprā. Quotannis initio facere poteris, vt quolibet
mense præscripsi l. 3. c. 3. ac monitorem eligere, de quo a-
ctum l. 2. c. 20. Quoties autem festum incidit alicuius Sā-
cti, vitā eiusdem, si libet, perlege, actum de ea iuxta c. 35.
l. 2. meditare. Pro festis B. V. propria est in fine l. 1. c. 23. Pro
festis verò Christi Domini, quibus mysteria salutis no-
stræ recoluntur, seruiet meditatio de imitatione Christi,
l. 2. c. 38. Porro pro secessu & sui renouatione accuratio-
re, lege de solitudine l. 2. c. 23. & per aliquot dies manè &
vesperi ruma vnam ex illis octo considerationibus l. 1.
c. 4. Deinde præpara confessionem generalem, & collo-
quio ibidem posito te excita. Denique si vno tantum die
tibi vacare possis, eundem sic distribue. Meditare Primò,
manè de fine hominis; Secundò, de morte; Tertiò, de iu-
dicio; Quartò, de æternitate: reliquo verò tempore vitæ
tuæ actiones recognosce, & confessionem institue, iuxta
l. 3. c. 6. ac proposita scribe, vt l. 1. cap. 6. Quòd si triduum
cum Christo latere placebit, eādē præparatione præmissā
primò meditare de fine; deinde reliquas decurre medi-
tationes positas l. 2. c. 19. & seqq. pro meditationis affectu
excitando; succisiuis horis exercitium quadruplex l. 3. c.
4. & seqq. pertracta. Quòd si cui non licet secedere, domi-
idem circa festum omnium Sanctorum & Paschæ præ-
stare poterit.

Distrib-

Distributio meditationum accuratior secundum tres vias.

In ijs iuxta methodum sequentē te exercere poteris, ac diebus quidē Lunæ & Sabbati in purgatiua; Martis, Mercurij & Iouis in illuminatiua; die Veneris ac Dominica in vnitiva: quibus huius libri meditationes sic accommodē nisi aliud videatur, distribues.

Notandum autem, puncta ferē singula copiosam materiam meditationi præbere, ideoque singula pro singulis meditationibus, quando sic videbitur, accipi posse; ita vt hoc pacto, & repetitione eiusdem (in qua magnus fructus esse solet; vix enim vnâ meditatione satis altē veritas radicatur ac perspicitur) per annum totum facile, imò abundē habeas, quod quotidie aut legas, aut meditare; maximē si quolibet semestri de nouo incipias, animumque & exercitia renoues.

Pro via purgatiua.

Diebus Luna meditationis materia vel lectionis.

Meditatio de fine, ob quem homo creatus est, l. 1. c. 1. f. 5. de ponderatione virtutis ac vitij, & illius electione, l. 2. c. 30. f. 93. de peccato veniali, l. 2. c. 3. f. 117. de periculis vitæ huius, l. 2. c. 6. f. 159. de morte Prima l. 2. c. 32. f. 409. de morte Altera, ac fugacitate vitæ, l. 2. c. 5. f. 153. de Purgatorio, l. 2. c. 9. f. 175. de extremo iudicio, l. 2. c. 33. f. 415. de æternitate, l. 2. c. 34. f. 423. deliberatio de matura conuersione ad Deum, l. 1. c. 4. f. 31. Considerationes octo breues pro conuersione & vita bona, quæ totidem meditationes esse poterunt, l. 1. c. 4. f. 38. Colloquium Christi IESU cum anima peccatrice, pro contritione excitanda, l. 1. c. 5. f. 42. Exercitium seu deliberatio de sincera ac frequenti confessione, l. 3. c. 10. f. 596. & l. 1. c. 6. f. 48. & seqq. & l. 1. c. 7. de satisfactione, f. 66. & de ieiunio ibid. f. 67. itemque de elemosyna, l. 1. c. 8. f. 74. Dialogus in tentatione legendus, ex locis S. Scripturæ concinnatus, l. 2. c. 3. f. 20. De repeditate & accidia, l. 2. c. 4. fol. 148. Prior de curiositate, insigni progressus

gressus in via Domini impedimento, l. 2. c. 12. f. 205. Posterior de eadem, ibid. f. 206. De superbia, l. 2. c. 14. f. 216. De auaritia, l. 2. c. 16. f. 246.

Pro via illuminatiua.

Diebus Martis, Mercurij & Iouis vsui erit deliberatio de perfectionis seu quotidiani progressus studio, postquā quis in viam reuersus est, l. 2. c. 1. f. 108. Meditatio de prudentia filiorum seculi imitanda in electione virtutis, l. 1. c. 31. f. 401. Deliberatio de secundo medio ad finem, siue de statu vitæ eligendo, lib. 1. c. 3. f. 12. de examine generali, l. 3. c. 5. f. 539. de actionibus ordinandis, lib. 3. c. 6. Meditatio prima de notis spirituum, l. 2. c. 1. f. 103. Secūda de iisdem, ib. f. 104. de feruore Sanctorum, l. 2. c. 7. f. 163. de Ecclesiæ afflictione, l. 2. c. 8. f. 169. de zelo animarum, l. 2. c. 10. f. 179. de mortificatione l. 2. c. 11. f. 188. de passionibus edomandis, Prima l. 2. c. 12. f. 197. Secunda de iisdem, ibid. f. 199. de odio sui Prima meditatio, l. 2. c. 12. f. 201. Secunda de eod. ibid. f. 203. Tertia de eod. ib. f. 204. de humilitate, Prima l. 2. c. 14. f. 219. Secunda de eadem, ibid. f. 221. de diffidentia sui, l. 2. c. 29. f. 385. de obedientia, Prima l. 2. c. 15. f. 230. Secunda de eadem, ib. f. 232. Deliberatio de moderanda cupiditate bonorum, l. 2. c. 16. fol. 238. Meditatio de paupertate, ibid. f. 248. de eleemosyna, l. 1. c. 8. f. 74. de bonorum vsu Prima meditatio, l. 2. c. 16. f. 258. Secunda de eodem, ibid. f. 260. Prima meditatio de castitate, l. 2. c. 17. f. 268. Secunda de eadem, ibid. f. 270. de modestia, l. 2. c. 18. f. 276. de conuersatione, ibid. f. 279. de temporis habenda ratione, l. 2. c. 19. f. 284. de monitore eligendo, l. 2. c. 20. f. 289. de amicorum delectu, l. 2. c. 21. fol. 298. de familiæ delectu, l. 2. c. 22. f. 306. de solitudinis bono, l. 2. c. 23. f. 315. de perseuerantia, l. 2. c. 24. fol. 326. meditatio de lectione pia, l. 2. c. 25. f. 336. de imitatione Christi, l. 2. c. 28. f. 453. de natiuitate & vita Christi viginti mysterijs cōtenta, quæ ex Rosario Blosij petere potes, l. 3. c. 23. & l. 2. c. 27. f. 359. eaq; secundum normam l. 2. c. 28. traditā considerare: vel post
singula

singula mysteria lecta meditationē de imitatione Christi percurrere, cū illa omnibus mysteriis vti & illius oratio sit accommodata. De imitatione Sanctorum, l. 2. c. 35. fol. 429. de pace animi, l. 2. c. 36. fol. 437. de gaudio ex virtute, l. 2. c. 37. f. 445. Adde pro sacerdotibus eas, quæ c. 27. l. 3. & l. 1. c. 2. continentur. Pro omnibus verò varios orandi modos, lib. 1. c. 9.

Pro Via Unitiu.

Die Veneris.

*D. Leo serm.
10. de pas-
sione.*

Meditationes de passione, l. 3. c. 14. f. 649. Sunt autem numero septē aliquoties repetendę ipsa enim materia, vt verbis D. Leonis vtar, ex eo quod est ineffabilis, fandi ac meditando tribuit facultatem, nec potest deficere quod dicatur, dum non potest satis esse quod dicitur. Dicente enim propheta, *Quærite Dominum, & confirmamini, quærite faciem eius semper:* nemini præsumendum, quod totum quod quærit inuenerit, ne desinat propinquare qui cessarit accedere. Quid autem inter omnia opera Dei, in quibus humanæ admirationis fatigatur intentio, ita contemplationem mentis nostræ oblectat & superat, sicut passio Saluatoris? Huc etiam referri potest meditatio de tolerantia alienorum defectuum, l. 3. c. 7. f. 571. de patientia in propriis malis, l. 3. c. 8. fol. 578. Iaculatoriæ aliquæ seu sententiæ, tum de passione Domini, tum de patientia expendendæ, cum exercitio trium virtutum Theologalium, vt habetur l. 2. c. 28.

Die Dominicâ.

Habes pro illa Euangelia; præter hæc verò meditationes de perfectione, l. 3. cap. 1. fol. 493. & seqq. & cap. 2. fol. 516. de vita æterna, lib. 3. c. 26. fol. 815. de communionem, l. 3. cap. 11. fol. 605. & cap. 12. f. 615. & cap. 13. f. 626. de perfectionibus diuinis, l. 2. c. 40. fol. 469. de intentione pura, l. 3. c. 15. f. 671. Secundam de eadem, ibid. f. 672. Tertiam de eadem, fol. 674. de præsentia Dei, vna quidem

dem, sed virtute triplici, l. 2. c. 4. f. 145. & l. 3. cap. 16. fol. 681. Huc etiam spectat ea, quæ de zelo, l. 1. cap. 10. fol. 179. et si illuminatiuæ ex alio capite assignata sit. de amore Dei, l. 3. cap. 17. f. 691. de amore proximi, c. 18. f. 702. de inimicorum dilectione, l. 3. cap. 19. fol. 709. de gratiarum actione, l. 3. cap. 4. f. 533. l. 2. cap. 39. & l. 3. cap. 4. f. 533. de conformitate voluntatis nostræ cum diuina, diuisa in partes decem, l. 3. cap. 21. fol. 739. meditatio super aliqua petitione orationis Dominicæ aut alia, quæ huc pertineat sententia, per actus fidei, spei & caritatis, l. 2. cap. 28. fol. 373. Huc etiam accedunt decem mysteria, quæ respondent quintæ parti Rosarij, l. 3. c. 23.

Die Sabbathi.

Colligere quisque se vtiliter poterit, iuxta id, quod traditur l. 3. cap. 3. ac tum, si viderit aliquâ parte arcem animæ suæ debiliorem, & minùs firmam, eam delectis ad hoc meditationibus & orationibus munire ac confirmare decernet. Hoc etiam die assumi poterit meditatio de B. Virgine, lib. 3. cap. 23. fol. 769. & eodem capite videri potest praxis colendi B. Virginem, fol. 776.

Facultas R. P. Præpositi Prouincialis Pro-
uinciæ Flandro-Belgiæ.

Librum VIA VITÆ ÆTERNÆ inscriptum, & à R. P. An-
tonio Sucquet Societatis nostræ confectum, atque à desti-
natis arbitris lectum & approbatum, ego Carolus Scribani
Societatis IESV per Flandro-Belgicam Prouincialis, ex aucto-
ritate Admodum R. P. N. Generalis Mutij Vitellefci in lucem
prodire permitto; & concedo facultatem typis eum mandandi.
In cuius rei fidem hæc manu meâ subscriptas, & sigillo officij
mei munitas dedi Antuerpiæ, 10. Iulij, anno 1619.

Carolus Scribani.

A P P R O B A T I O.

Liber hic inscriptus VIA VITÆ ÆTERNÆ, auctore R. Pa-
tre Antonio Sucquet, Societatis IESV Theologo, est doctus, &
nil nisi deuotionem spirat, ac simul ad orationem instigat, vt
etiam doctiores viam meditationum facillimè per hunc inue-
niant. Quare omni studio admittendum puto, vt typis mande-
tur, quò in plurium hominum manus perueniat. Quod testor 25.
Iulij, anno 1619.

Egbertus Spitholdius S. T. L. Canonicus
& Plebanus Antuerpiensis.

LIBER PRIMVS
V I A
INCIPIENTIVM.

PRIMÆ IMAGINIS

ANNOTATIO.

Confidera, ò homo, finem tuum
& vias tuas.

A *Confidera coram Deo, quo fine B creatus sis, duplicemq; esse terminum, C felicem, & D infelicem: ad hunc deuoluitur E mundus: qui in fumum abit, tripliciq; ardet concupiscentiâ: & ut F mare naufragum syrtibus ac scopulis plenum semper agitatur. Ad illum siue caelestem gloriam triplex ducit G via: quâ significatur triplex vitæ status: Religiosus, per directam: Ecclesiasticus, per obliquam: secularis, per sinuosam multum ac ambagiosam. Quia scilicet minùs ad perfectionem ex natura sua accommodus est, etiamsi persæpe qui in eo sunt, alijs in perfectiore statu viuentibus virtute multum antecedant. Per triplicem illam similiter viâ purgatiua seu Incipientium, illuminatiua seu Proficiendum, unitiua seu Perfectorum via ac vita designatur. Imò etiam in quolibet statu, gradu, actione moneris viam seu agendi viuendique modum esse triplicem. Vide an in omnibus rectissimam teneas, H Deumq; semper ob oculos habe, & oraturus in omni loco accede ad Deum, vel ut I reus de peccatis ingemiscens, vel ut pauper & inops à virtutibus, aut velut sponsa flagrans amore (Quæ personæ triplicem viam spiritualem exprimunt.) & dic: Appropinquet deprecatio mea in conspectu tuo, Domine, iuxta eloquium tuum da mihi intellectum.*

Psal. 118.

C APVT



CAPVT PRIMVM.

Consideratio de fine hominis.

Vemadmodum nauta ante omnia quem petat portum, sibi statuit, viator terminum quò tendat; ita etiam nihil magis necessarium est in via & vita mortalitatis nostræ, quàm finem creationis, nauigationis (vt ita loquar) atque huius peregrinationis nostræ diligentissimè considerare; vt hoc pacto cætera omnia, quæ in vita agenda sunt, eò dirigantur. Aliàs enim aut sæpè recedimus à via & termino, aut saltem per ambages imus, viasque ambulamus difficiles & laboriosas. Deus bone, quantus hic error in omni hominum vita! quotus enim quisque, dum primùm ratione uti incipit (quod oportere hominem facere S. Thomas ait) tendere ab exilio ad patriam, cogitationesque, studia, verba & actiones eò dirigere satagit? Ferè quiuis fines vanissimos honorum voluptatumque sibi prætuit; cursumque, cheu! miseri quò dirigant, aut dirigere debeant, ignorant: cumque vocati sint ad magnos honores in cælesti Hierosolyma die statuto capessendos, errabundi & ludibundi, longè à Ierusalem in Iericho proficiscuntur. Nulla certè res magis luctuosa, nulla magis digna lacrymis, tanto fine creatum hominem adeò sui & Dei immemorem viuere, vt de fine minima cura sit ac sollicitudo. Ne ergo communi vulgi errore abripiaris, rogo te quicumque hæc legis, vt finem tuum consideres, vt oculos prius in terram, vnde ortum habes; deinde in cælum, cuius regnum vt aliquando possideres à Deo factus es & creatus, attollas; lacrymosos, inquã, ad Deum oculos pere-

Sap. 5.

grinus & aduena, in terra deserta, loco horroris, & vastæ solitudinis.

NOTA verò Primò, in omni meditatione seu consideratione, quasi verseris in Dei præsentia, Orationem præparatoriam præmittendam; vt operationes nostræ sincerè ad Dei gloriam dirigantur, & gratiam ad bene meditandum Dominus largiri dignetur: quæ oratio sit vel mentalis, vel vocalis. v.g. *Veni creator Spiritus*; vel, *Miserere*, aut aliqua alia quâ se excitari sentiat.

ORATIO PRÆPARATORIA,
cuius orationi longiori, vel meditationi communis.

Potentissime Deus, coram quo omnia sunt quasi non sint, dirigatur oratio mea, & omnis operatio sicut incensum in conspectu tuo ad gloriam magni nominis tui. Tu enim calum & terram creasti pro me, & conseruas, aliàs peritura, vt cognoscam & diligam te. Tu Pater amantissime, innumeris beneficiis me filium prodigum affecisti: & ego te, cheu! iniuriis. Tu mihi te, filiumq; tuum dedisti, vt me redimeret in sanguine suo. O Rex regum, & Domine dominantium, qui vbique es, & contemplaris in omni loco bonos & malos, & scrutaris cor & renes; ecce fide vinâ & fiduciâ magnâ (dixisti enim: Quidquid petieritis fiet vobis) accedo ad thronum gloriae tuæ, vt reus ad iudicem, filius pauper & prodigus ad patrem, & quâ possum charitate ad te quem diligit anima mea: vt vni tibi placeam, & vitam seridè corrigam, maximè defectum illum * N. vt offeram tibi sacrificium laudis ex toto corde meo, & cum omni desiderio omnis creatura, quæ fuit, est, eritq; & esse potest, etiam si infiniti mundi potentiâ tuâ crearentur: idq; in vniõne amoris & meritorum Christi IESU, & B. Virginis, & Sanctorum omnium. O Sanctissima Trinitas, desidero te laudare pro omnibus qui te ignorant & blasphemant vel in terris, vel in inferno. Benedico te igitur cum Sanctis tuis, & gratias ago pro omnibus donis humanitati Christi IESU, B. Virginis,

* Scilicet
quem
amine
particu-
lari per-
sequeris.

ac Sanctis omnibus, & mihi concessis, & præcipue pro amore tuo erga me seruum tuum. Restituo etiam me tibi vt fonti omnium, totumq; trado, vt de me disponas in tempore, & in æternitate: animam & potentias eius tibi dico, ô Sanctissima Trinitas, vt teijs cum curia tua, & omni creatura tua ex toto cordelaudem. Da, queso, gratiam, vt humiliter, attentè, & feruenter id faciam, tot beneficiis obstrictus tibi Deo meo. Sine te quid sum? quid possum? quid ergo cupiam extra te?

Hæc vel similis mente attentâ recitari potest: quæ Oratio preparatoria in decursu semper vocabitur. Aliam habes similem infra cap. 9. de Præparatione.

NOTA Secundò, vt animus auocetur ab aliis rebus, vtile esse, fingere ac imaginari quasi locum, & rem meditantam (si corporea) coram nobis geri, aut (si spiritalis) aliquo modo representari, vt humano more concipi solent. Hoc verò Primum præludium, vel Compositionem loci vocabimus.

NOTA Tertiò, rogandum Deum, vt concedat id quod præsentioratione ac meditatione proponitur ac intenditur: idque Præludium secundum dicetur.

Post hæc ingredi in conspectum Domini, & quieto animo ac corpore sic singula considera, quemadmodum facit auarus; qui omnia ad suam vtilitatem, quoad potest, trahit aut rapit.

De his oportuniore loco infra fusiùs agemus, cum de Præparatione ad orationem, & sine illius; & rursum, cum de Meditatione. nunc obiter dixisse sufficiat.

MEDITATIO

De fine ob quem homo creatus est.

ORATIO PRÆPARATORIA, vt suprâ.

PRÆLVDIUM I. seu COMPOSITIO LOCI:

Constitue te coram Deo, & finge velut in deserto vastis-

stissimo sedere, ac spectare omnes homines ab orbe condito ex sinu magnæ matris in vitæ huius prosce-
nium prodire, & transire per portam mortis, quasi post
soparum, in diuersissima regna, infelicissimam aut fe-
licissimam æternitatem, vti in libri fronte videre licet.
Aspice Deum ac Sanctos te hortantes, vt aliorum pe-
riculo cautiore sis.

PRÆLUDIVM II. Deinde suppliciterroga Deum,
vt dignetur tibi viam ostendere, quâ ambules, & con-
cedere, vt tot miserorum infelici spectato exitu, feli-
ciorem vitam & terminum possis sortiri.

PUNCTVM I. Considera Primò chaos illud, & ni-
hili abyssum, priusquam mundus creatus esset: vbi &
quid tunc fuerit rerum hæc machina, Reges, ac Princi-
pes, homines omnes, & quæcumque mundi ambitu
continentur, vbi pleraque, vbi tu post breue tempus
1. Cor. 7. fururus sis in omnem æternitatem: & subsiste. Præterit
enim figura huius mundi, & transeunt omnia tam-
quam vmbra. Diligenter igitur aduerte vanitatem o-
mnium rerum, vt in illa nihili abyssu manifestè vides;
nihil te cæteraque omnia fuisse, potuisse, aut sci-
uuisse, omniaque accepisse à conditore tuo; & humilia
te sub potenti manu eius, neque vmquam nisi in eo
1. Pet. 5. glorieris. Quis enim te discernit? quid habes, quod
1. Cor. 4. non accepisti? si autem accepisti; quid gloriaris, quasi
non acceperis?

Considera Secundò, te ipsum ex illo chao seu nihilo
velut recens diuinâ manu prodiisse, & ab ea statutum
in amplissimo mundi theatro, & quasi vastissimo deser-
to: & vide qualem formauerit Deus de limo terræ, vt
inspirauerit spiritum vitæ, atque ad imaginem suam
formauerit, cum animam dederit intellectualem, spi-
ritualem, vbique totam, omnia mouentem, immorta-
lem, vnâ, & tribus potentijs ornatam: corpus verò
sensus & numeris omnibus absolutum. Et mox agno-
sce,

ſce, ô homo, dignitatem tuam, agnoſce dignitatem conditionis humanæ. Eſt tibi cum mundo corpus: ſic enim decet eum qui conſtitutus eſt ſuper vniuerſam huius creaturæ corpoream molem, aliqua ei ſimilari ex parte: ſed etiam eſt tibi ſublimius aliquid, nec omnino comparandus eſt cæteris creaturis.

*Bernard.
ſerm. 2. de
Nat. Do-
mini.*

Tertiò conſidera Deum tibi præſentem vti Adamo recens creato, & ſuppliciter pete, quorſum te creauerit: & audi dicentem, quòd omnia fecerit propter ſemetipſum & gloriam ſuam, & vt eum in hac vita laudares, eiſque ſeruires, ſicut facit omnis creatura, ac tandem perpetuam in cælo felicitatem obtineres: & tu creatura, plaſma, figmentum, ſeruus ac filius eius deſpice- re eum, & in contumeliam eius viuere audebis? Aſpi- ce monſtrantem tibi cælum, cui cuius ſi voles adſcri- ptus eſ; deſpice ante te inferni barathrum, in quo, ſi ſecus feceris, perpetuò cruciandus ſis. Et vide, precor, anima Chriſtiana, quanta tibi impoſita ſit rectè viuen- di neceſſitas inter æterna ſupplicia & præmia conſti- tutæ.

PUNCTVM II. Finge Primò te in illo vaſtiſſimo mūdi deſerto verſari, & vide quàm alta ſit patria, quàm ar- duus aſcenſus; & meritò ſuſpira, ac cogita, quam viâ te- nere debeas, cùm agatur de omni æternitate. O quantâ ſollicitudine, curâ ac vigiliâ perpetuâ ad hoc incum- bere debes! moueant te creata omnia, quæ ad finem ſuum magno impetu tendunt. Ecce, quomodo ad lo- cum naturalem elementa properent, quomodo ad ſua oblectamenta & finem ſuum animalia ferantur. At- tende filios ſæculi omnes cogitationes potentiaſque animæ conuertere, vt vanum ſibi finem honoris aut voluptatis conſequantur. Age verò, quoties tu de fine tuo cogitas, de viâ ac ſemita ad eum?

Conſidera Secundò, quàm tamen ſit nobilis finis tuus, ſeruire Deo, adhærere illi, & vnum ſpiritum eſſe

cum eo, & æternâ frui felicitate: nihil certè tibi vtile, sed vnicum & solum bonum hîc tuum est tendere ad illum finem creationis tuæ; eoquæ beatior es quo propinquiùs accedis. Ea enim conditio est finis cuiusq; rei vt eiùsdem sit perfectio & beatitudo. Absit igitur, vt aliud bonum quæras: bonum tuum quære, ô anima.

*Aug. in
Psal. 102.*

est enim bonum aliud alteri; quære bonum tuum: nemo bonus nisi summus Deus; quid ergo tibi deest cui summum bonum est? Sunt & inferiora bona, quæ aliis & aliis bona sunt. Pecori quid bonum est? nisi implere ventrem, carere indigentia, dormire, gestire, viuere, sanum esse, generare. tale tu bonum quæris? coheres Christi quid gaudes, quia socius es pecorum? erige spem tuam ad bonum bonorum omnium.

Considera Tertio, quæ præsidia tibi ad viam data à Deo sint, nempe creaturæ omnes, quas immensâ liberalitate creator tuus & ad vsum, & oblectationem plurimas dedit. Quot, Deus bone! artes ac scientias? quàm præclara Sacramenta subsidiaque spiritualia (quæ verè & propriè media sunt) eaquæ plurima etiam largitus est? suntque hæc omnia velut viæ & auxilia ad eam. Gratiâs age immensas tam munifico largitori. Attende verò, nisi insipientissimus sis, his omnibus non aliter vtendum quàm quantum tibi valent ad finem consequendum. Tunc enim, si in patriam eundum est, deteriorẽ viam eligas? si sanitas curanda, periculosiorem adhibeas medicinam? si nauigandum, magis cariosum & quassatum quàm firmum eliges nauigium? Vestem, equum, currum, domum, optima eligis; & viam vnde pendet æternitas (proh dementiam!) eliges periculosiorem? Ah vtinam homines saperent & intelligerent, ac nouissima prouiderent! Considera hîc quas inclinationes erga honores, opes & voluptates, &c. sentias, & vide ne affectu in discrimen æternæ vitæ & viæ rapiare.

Deut. 32.

PUNCTUM III. Considera coram Deo te ignarum viæ. quatenim, eheu! sunt quæ videntur homini rectæ, *Prou. 16.* quarum tamen nouissima ducant ad mortem? Vide quàm incertæ sint omnes humanæ prudentiæ. O quoties status aut occupatio eligitur, prosperoque (vt ita dicam) soluitur vento; & in syrtes miseriarum atque charybdes æternæ salutis tempestate coortâ ferimur, quia viam rectam non delegimus! Cogita igitur, quotiescunque munus, aut vitæ status, aut negotium suscipiendum est, quasi propositas tibi ægro plurimas medicinas, variaque pocula, quorum vnum atque alterum letale sit: sortes oblatas, atque in ijs non vnâ mortis esse sempiternæ. Stare te velut in multiuio periculoso admodû, & in vasta solitudine. Tûne inter hæc eligere auderes? & in vnâ partem omnium ignarus propendere posses? tûne eligeres? ducem respueres? & non potius diligentissimè quæreres, & suppliciter illius arbitrio duci te flagitares? Igitur in his omnibus indifferens esto, id est, nec ad vnâ, nec ad alteram partem inclinatus; sed suppliciter roga Deum, vt vias tuas dirigat, & dic cum Propheta Dauid: Legem pone mihi Domine in via tua, & dirige me in semitam rectam propter inimicos meos. *Psal. 26.*

O R A T I O.

OMnipotens sempiterne Deus, qui vniuersa hac creasti de nihilo potenti manu tua, & me formasti ad imaginem & similitudinem tuam; concede, obsecro, vt numquam tui obliuiscar, numquam originis meæ: neque veniat mihi pes superbiæ, *Psal. 35.* vbi ceciderunt omnes, qui operantur iniquitatem. Et verò, quomodo eleuari cor hominis poterit, qui de nihilo est, & in nihilum quolibet momento rediturus; nisi tu supponeres manum tuam? nisi elementa, ceteraq; ad vitam necessaria conseruares infinitâ bonitate ac beneficentiâ tuâ? Quid autem retribuam *Psal. 115.*

A S

tibi,

- tibi, Deus meus, pro his omnibus, quæ retribuisti mihi? hoc vnum, quod à me postulat bonitas tua; vt finem meum, gloriam tuam & salutem meam, semper ab oculis habeam. Nisi enim hoc fecero, aterna supplicia mihi comminatus es; & si fecero, præmia, quæ nec oculus vidit, nec auris audiuit, promittere dignatus. Eia, creator mi, operi manuum tuarum porrigere dexteram, vt perpetuò cogitem de te, & loquar de te, & vnicum bonum meum: & sic operer, vt veniam ad te, desiderium collium aternorum. Vias tuas rectas & absque vlla iniquitate demonstra mihi, & semitas tuas edoce me; vt nunquam declinem à mandatis tuis, quæ dilexi super aurum & topazion. Ecce coram te, & curia tua ambulare per gratiam tuam propono, & in via immaculata, vt tibi seruiam omnibus diebus vitæ meæ. Ex nunc, siue comedam, siue bibam, siue quid aliud agam, omnia ad gloriam Domini nostri Iesu Christi faciam. Tuamq; vnus spectabo voluntatem, qui vllâ in re quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.
1. Cor. 2. fecero, præmia, quæ nec oculus vidit, nec auris audiuit, promittere dignatus. Eia, creator mi, operi manuum tuarum porrigere dexteram, vt perpetuò cogitem de te, & loquar de te, & vnicum bonum meum: & sic operer, vt veniam ad te, desiderium collium aternorum. Vias tuas rectas & absque vlla iniquitate demonstra mihi, & semitas tuas edoce me; vt nunquam declinem à mandatis tuis, quæ dilexi super aurum & topazion. Ecce coram te, & curia tua ambulare per gratiam tuam propono, & in via immaculata, vt tibi seruiam omnibus diebus vitæ meæ. Ex nunc, siue comedam, siue bibam, siue quid aliud agam, omnia ad gloriam Domini nostri Iesu Christi faciam. Tuamq; vnus spectabo voluntatem, qui vllâ in re quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.
- Iob 14. mittere dignatus. Eia, creator mi, operi manuum tuarum porrigere dexteram, vt perpetuò cogitem de te, & loquar de te, & vnicum bonum meum: & sic operer, vt veniam ad te, desiderium collium aternorum. Vias tuas rectas & absque vlla iniquitate demonstra mihi, & semitas tuas edoce me; vt nunquam declinem à mandatis tuis, quæ dilexi super aurum & topazion. Ecce coram te, & curia tua ambulare per gratiam tuam propono, & in via immaculata, vt tibi seruiam omnibus diebus vitæ meæ. Ex nunc, siue comedam, siue bibam, siue quid aliud agam, omnia ad gloriam Domini nostri Iesu Christi faciam. Tuamq; vnus spectabo voluntatem, qui vllâ in re quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.
- Psal. 24. rium collium aternorum. Vias tuas rectas & absque vlla iniquitate demonstra mihi, & semitas tuas edoce me; vt nunquam declinem à mandatis tuis, quæ dilexi super aurum & topazion. Ecce coram te, & curia tua ambulare per gratiam tuam propono, & in via immaculata, vt tibi seruiam omnibus diebus vitæ meæ. Ex nunc, siue comedam, siue bibam, siue quid aliud agam, omnia ad gloriam Domini nostri Iesu Christi faciam. Tuamq; vnus spectabo voluntatem, qui vllâ in re quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.
- Psal. 118. quam declinem à mandatis tuis, quæ dilexi super aurum & topazion. Ecce coram te, & curia tua ambulare per gratiam tuam propono, & in via immaculata, vt tibi seruiam omnibus diebus vitæ meæ. Ex nunc, siue comedam, siue bibam, siue quid aliud agam, omnia ad gloriam Domini nostri Iesu Christi faciam. Tuamq; vnus spectabo voluntatem, qui vllâ in re quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.
1. Cor. 10. bus diebus vitæ meæ. Ex nunc, siue comedam, siue bibam, siue quid aliud agam, omnia ad gloriam Domini nostri Iesu Christi faciam. Tuamq; vnus spectabo voluntatem, qui vllâ in re quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.
- Prou. 16. quid eligam ignoro. Ecce enim via non raro videtur homini recta, & nouissima, eheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturum ad finem optatum, & portum peregrinationis huius. Fac semper de me sanctissimum beneplacitum tuum; tibi enim, Domine meus, & Deus meus, reuelans causam meam, me millies tibi consecraui, & iterum iterumq; me totum in aeternum consecro & deuotueo. Amen.

Praxis de Fine sibi præstituendo.

Post meditationem hanc, statue Primò, tendere ad finem creationis tuæ, & coram Deo sæpè hoc propositum renoua; & ex te percunctare, Ad quid creatus sum?

Secundò cogita, quæ viæ ad illum ducant, & decerne tibi commodam ac vtilem ad eundem consequendum. Passus in hisce viis sunt cogitationes, verba, & actus nostri.

Tertiò, primum esse scias statim in viam redire: ad quod habes deliberationem infra positam de matura conuersione.

Quartò,

Quartò, conuerſionem in eo poſitam eſſe, vt verè primò quis conteratur, ſecundò conſiteatur, tertio vitam in melius inſtituat: quæ tria quomodo faciendæ ſint, in proximè ſequentibus capitibus explicabitur.

Quintò, ex conſpectu omnium creaturarum aſſurge in gratitudinem; cum propter te omnes ſint creatæ.

Sextò, aliquando inambulando, aut in ſeceſſu cogita animæ immortalitatem, & quid poſt hanc vitam, & ubi actura ſit.

Septimò, ex corporum omnium corruptione, quæ ubique in oculos incurrit, & multorum præſtantiâ animæ nobilitatem agnoſce, & eius ſpiritualitatem. Quemadmodum enim res iſtæ ſenſibiles ſunt & materiales; ita ſunt aliæ inſenſibiles & ſpirituales, quæ illis magno interuallo dignitate, potentia, &c. præſtant: vt in Angelis & dæmonibus pater.

I A C V L A T O R I Æ

ad affectum excitatum in meditatione
per diem fouendum.

Deduc me Domine, in ſemitam mandatorum tuorum, quia *Pſal. 118.*
ipſam volui.

Vias tuas, Domine, demonſtra mihi, & ſemitas tuas edoce me. *Pſal. 24.*

Legem pone mihi, Domine, viam iuſtificationum tuarum, & exquiram eam ſemper. *Pſal. 26.*

Greſſus meos dirige ſecundum eloquium tuum, & non domine tuo mei omnis iniuſtitia. *Pſal. 118.*

Notam fac mihi viam in qua ambulem, quia ad te leuaui animam meam. *Pſal. 141.*

Perſice greſſus meos in ſemitis, vt non moueantur veſtigia mea. *Pſal. 16.*

Vide ſi via iniquitatis in me eſt, & deduc me in viam æternam. *Pſal. 138.*

CAPVT II.

*Deliberatio de primo ac præcipuo ad finem
medio, Fide.*

ECce finem habes; prospicis portum: superest, vt quæras ad eum medium & viam. Quæ autem magis necessaria, quàm fides? Sine fide enim (ait Apostolus) impossibile est placere Deo. Credere enim oportet accedentem ad Deum, quia est, & inquiringibus se remunerator sit. Imò, vt Clemens Alexandr. fides æquè est necessaria, acci, qui in hoc mundo viuit, ad viuendum, respiratio. Vides, quo studio orthodoxæ adhærere, & in eâse confirmare oporteat; eandem verò querere, si fortè quis errauerit. Ideò deliberationem non propriè nutantis, sed in fide se optantis corroborare, hîc subiiciam; quæ tamen ipsa naufraganti à fide, tabula esse queat.

Psalm. 5. HOMO. Domine, deduc me in iustitiâ tuâ: propter inimicos meos, dirige in conspectu tuo viam meam: non enim est alius, qui dirigere possit gressus nostros in semitis tuis, vt non moueantur vestigia nostra, in tot hæresum & sectarum numero. Equidem quis non hæreat aut errer, velut in multiuiuo, nocte horridâ, viæque ignarus viator? quis non moueret penè pedes suos, nisi tu, lux vera illuminans omnem hominem, illucesceres in cordibus nostris? Non enim est volentis, aut currentis, sed tui, Deus, miserentis: neque enim caro, aut sanguis reuelare possunt viam tuam, sed tu solus, qui habitas lucem inaccessibilem; à quo velut patre luminum, omne datum optimum, & omne donum perfectum descendit: quiq; omnes ad agnitionem veritatis vis venire; ideò non reliquisti nos sine testimo-

nio,

*Ioan. 1.**Rom. 9.**Matt. 16.**1 Tim. 6.**Iac. 1.*

nio, sed viam certam, & legem, veluti facem, in mundo hoc lucere voluisti, quâ omnes, sicut filij Israël per desertum, si quidem vellent, deduci possent in terram sanctam, & terram viuentium. Alienum esset à bonitate tua, & crudele, si ad viam ignotam vocares, neque quam sequeremur, ostenderes. Clamat id ratio, & sanguis tuus pro nobis effusus: dictat enim ratio veritatem esse vnâ, vt tu, Deus meus, vnus es, & Christus vnus, vna Ecclesia, velut arca, extra quam non sit salus. eheu! quàm triste videre diluuium errorum, quo mergitur totus ferè orbis terrarum, quo scinditur vestis tua inconlutilis, & inane redditur pretium sacratissimum mortis tuæ, Domine IESV!

CHRISTVS. Respice, & vide quanta fecerim animæ tuæ, qui te inter tot errantes feci veritatem intueri, & viam bonam.

HOMO. Quid retribuam tibi pro hac dignatione tua? numquam certè condignas agere gratias poterò, vocatus in admirabile lumen tuum. 1. Pet. 2.

CHRISTVS. Ego equidem neminem perire volo, & ostendo omnibus viam bonam, & Ecclesiam, velut Pharum in naufrago mari, velut columnam & firmamentum veritatis?

HOMO. Vnde igitur, Domine IESV, tot dissensiones, sectæ, schismata, & hæresum periculosæ charybdes vltro quæruntur?

CHRISTVS. Fili, nōne & lex mea perspicua ac lumine naturali nota est? nōne iugum meum suauē? attamen multi malitiâ suâ ita excæcantur, vt ratio naturalis planè obfuscetur, & mandata mea grauiâ & importabilia existiment, arguant sapientiam & bonitatem meam, quasi ego damnationis eorum cupidus iuberem, quæ seruari non possunt: perinde, ac volare sine alis, sine pedibus stare. Scrutari omnia volunt, neque quidquam credere se, priusquam intelligant, profitentur.

tur. Quasi verò Trinitatem meam capiat quisquam, aut vlla naturæ arcana perfectè comprehendere possit. Sic & ridiculè credere se Scripturæ ab Ecclesia traditæ

2. Cor 3. profitentur, sensum verò illius respuunt ab ea intelligere: atque ita, quos spiritus non viuificat, littera occidit. Sunt, qui nihil horum pensi habent, & quantis in religione salutem sibi promittunt. Quod si ita foret, quorsum Euangelium annuntiasset vobis, & quæ haueram è Patris sinu, enarrasset? Quorsum hæreses iussu meo damnatæ fuissent? Martyres pro fide mea Catholica occubuisse? Apostoli, vt Euangelium prædicarent vniuerso mundo, missi fuissent? Quod esset inter Iudæos, Turcas, Christianos discrimen? Cur mandasset Apostolus meus ex me hæreticum deuitari post secundam correptionem, quòd subuersus sit qui huiusmodi est, & proprio iudicio condemnatus?

Tit. 3.

Psal. 85.

HOMO. Confitebor tibi, Domine, in toto corde meo, & glorificabo nomen tuum in æternum, quia misericordia tua magna est super me, & eruisti animam meam de inferno inferiori: eripuisti animam meam à morte, & pedes meos à lapsu: tenuisti manū dexteram meam, in voluntate tua deduxisti me, & in gloria suscepisti me: gloria enim magna sequi te, Domine, & sanctam legem tuam, legem immaculatam, conuertentem animas: iudicium tuum, verum illuminans paruulos,

Psal. 55.

Psal. 72.

Psal. 18.

CHRISTVS. Ecce tibi notam Catholicæ veritatis. Hæretici siquidem castitatem, quam ego commendauī, impossibilem; vota verò & abstinentiam, impia esse clamant: me peccati auctorem volunt, & liberati ac nequitiae suæ velamen prætexunt. Quorsum verò leges, pœnæ ac præmia, si peccatum vitare homo non potest?

Psal. 65.

HOMO. Hæc luce clariora esse vidi, dum posuisti animam meam ad vitam, & non dedisti in commotionem pedes meos. Sed & illud me plurimum confirmat,

mat, certumq; in tanta rerū incertitudine reddit, quòd Catholicos saluari posse etiam hæretici profiteantur. Quæ ergo dementia esset, cū Catholicis non stare, quos etiam aduersarij saluos esse decernunt? Cui enim non suaderem tutiorem in tanto discrimine viā eligere? illa autem est, quam probat vtraque pars, etiamsi sibi aduersariæ. Sic nemo dubitat vtriusque medici iudicio medicinam probatam tutiùs accipi, quàm alterius opinionione damnatam.

O quantas in hora mortis angustias patiuntur, tot (eheu!) iactati erroribus, quot ferè capita reperiuntur! non est, vbipedem firment, sed dubij viuunt eiusmodi, dubiique moriuntur: & qui ausi sunt, dum viuunt, arguere te, quòd viam certam non monstraues, certò in æternæ damnationis barathrum sese præcipitant. O quis dabit capiti meo aquam, & oculis meis fontem lacrymarum, vt plorem interfectos populi mei? *Ierem. 9.* Venient porro illi ad te, Deus meus, iudicem, quem, matrem Ecclesiam si habuissent, experturi erant patrem: & mox audient, quia esurienti cibis, & sitienti potus fuerit datus aut negatus, ob bona, inquam, vel mala opera, æternis affici hos illosque aut præmiis, aut addici suppliciis.

CHRISTVS. Quid respondebunt mihi, quòd apostatis, nullis miraculis clavis, sed criminibus spurcitiq; notis adhæserint, & tantā antiquitate roboratam Ecclesiam & miraculis deseruerint; hoc solo argumento, quòd Scripturam ac Patres dicerent ipsi sese melius explicare, suoque id sensu; cū nullum (aduerte) aliud, vt ad se trahant vlli hæretici, adferre possint argumentum.

Quid dicent, cū signum crucis meæ fulgebit in cælo, qui omnem carnis afflictionem abhorruerunt, & exemplum meum spreuerunt? laboranti in vinea mea promisi præmium, & villico reddenti fructum in
tem-

Rom. I.

tempore: an verò, cùm omnia illi opera, peccata esse dicant, peccatis ego præmium statui, aut ea fructus appellavi? tunc erubescant coram orbe terrarum, qui dicentes se esse sapientes, stulti facti sunt: & nihil, nisi quod non intelligerent, blasphemarunt; nihil certi habuerunt, nisi quod illi iudicarunt.

Psal. 101.

HOMO. Et si quidem de æternitate omni non ageretur, minùs affligeret me perditio eorum. Sed ô æternitas, æternitas! quàm grauis illos manet æternitas! Misere, Domine, misere, quia tempus miserendi, quia venit tempus.

Luc. II.

CHRISTVS. Mihi proprium est misereri semper & parcere: sed cùm horter, moneam, clamem in plateis, nemo interrogat de vñs antiquis. Si enim id facerent; ecce, quot Monachorum sanctorum agmina illis lucem adferrent? quot Episcoporum lumina caliginem dissiparent? quos Missam fecisse, & ritu Catholico omnia, testatur omnis antiquitas, & templa loquuntur, & anathemata clamant. Quot enim olim ego hodieque ad matris meæ honorem miracula edidi? quot Sanctos iisdem illustravi? at illi, sicut me in principe dæmoniorum eijcere dæmonia dicebant: ita præstigias cæci, & mendacia, veritatis noctuæ vocant, quæ totus orbis testatissima nouit & probat.

Psal. 43.

Quid sibi volunt isti reformatores? ego innocens, impollutus, agnus sine macula (cuius oculi respicere ad malum non possunt) mittam, vt Ecclesiam reformat, apostatas, & homines ventri ac delicijs deditos? & quomodo prædicant si non mittantur? hinc fit, vt inexcusabiles sint, qui hæc norunt, magistri eorum: qui populum meum errare faciunt, vt ducant eos velut oues errantes, & occidant & mactent, donec in infernum perueniant, vbi mors depascet eos.

HOMO. Opaciens & longanimis super malitia hominum, misere saltem populi innumeri, & turbarum,

rum, quæ sūt sicut oues sine pastore. Vide vt infernus dilatit os suum; aspice, Domine, & ne memineris iniquitatum eorum, & nostrarum. Tu enim pastor es, tu dux noster, legis noster. Da illis gustare semel pacem, quam multam dedisti diligentibus te, & venient & adorabunt te, Domine, & confitebuntur nomini tuo. *Isaia 5.*

CHRISTVS. Pax non est nisi in humili corde: quæ verò humilitas esse potest in eo, qui audet grandi supercilio Scripturam meam censere, vellere, truncare; Patres verò falsis erroribus aspergere, aut eos insinulare? Nonne veritas vna est? nonne vbi diuisio, ibi dissensio. quot verò illic capita, tot sunt sententiæ; cum quis spiritum suum audeat appellare auctorem. Nihil enim discriminis est inter sectas illas, vt dixi; nihil adferre possunt, nisi, Nostra hæc explicatio germana est; nostra melior. Quis hoc confirmat? spiritus, sibi scilicet cor trahens; & illorum stulto iudicio veritas vna, facta multiplex. Quis ignorat in omnem partem Scripturam, & Patres torqueri malitiâ hominum posse, vt & leges? Quare nisi iudices & arbitri essent, non forent illæ pacis auxilia; sed dissidiorum fomenta: ideoque ego arbitrum Ecclesiam statui, columnam & firmamentum veritatis, quam si quis non audiret, esset sicut Ethnicus & publicanus. *1. Tim. 3. Matt. 18.* Egone & Apostoli mei sic probauimus veritatem? Nisi, dixi, opera fecissem in eis, quæ nemo alius fecit, peccatum non haberent. *Ican. 15.* Neque mihi hoc seruau; sed libens discipulis meis communicau; adeo vt promiserim etiam maiora me, per me facturos; omniq; æuo miracula, & Sanctos, velut stellas in firmamento Ecclesiæ meæ, esse decreui.

HOMO Hoc etiam animaduerto, nunquam à Catholicis deficere vllos, vt meliores fiant, sed vt libertatem carnis, quam prædicant hostes tui & crucis tuæ, consequantur. Viuere cum hæreticis, & cum Catholicis, eheu! mori frustra vt plurimum optant, qui prudentiores eo-

rum: cùm securè, etiam cum iis, omnium iudicio, moriantur. Heu miser! vsquequo graui corde? vt quid diligitis vanitates, & quæritis mendacium?

O R A T I O.

- Psal. 65. **B**enedictus es, Domine Deus, qui non amouisti misericordiam tuam à me; in æternum non declinabo à mandatis tuis, sed Ecclesiam semper audiam, ne sim sicut Ethnicus & publicanus. Stabo super semitas antiquas, patrum testimonio & pedibus calcatas. Illumina me, lux vera, & confirma me, ne vnquam obdormiam in morte, ne quando dicat inimicus meus, Præualui aduersus eum. O altitudo diuitiarum, sapientia, & scientia Dei: quàm incomprehensibilia sunt iudicia eius, & inuestigabiles via eius!
- Psal. 12. quis cognouit sensum tuum, Domine, aut quis consiliarius tuus fuit? Ecce pereunt in horas singulas innumeri propè mortales, &
- Rom. 11. dilatauit infernus os suum absque vllò termino, & vix est qui annos æternos in mente habeat, qui æterna supplicia, & solatia consideret sempiterna. Quo enim, bone Iesu, si ea cogitarent homines, studio veritatem quærerent? quo feruore Ecclesiam Catholicam complecterentur, tot sanctitate illustribus viris, tot claram miraculis, tot confirmatam sæculis, tot Martyrum sanguine obsignatam? Incredibile certè est, eos errasse & sapientes omnes, donec è cauerna sua Monachus apostata quintum Euangelium, vt ille, id est, suam insaniam annuntiaret, erupisset. Quis credat id quod oculis aspicimus, tot mortales errantes à via veritatis huius fatua doctrina tam securos esse, viuere, dormire? Eheu! nesciunt miseri quæ illis immineat æternitas. ideo neque quærunt de via recta, de viis antiquis; non attendunt viam semel & vitam peractam nunquam esse remeabilem. Venite, quaeso, & videte opera Domini, quæ posuit prodigia super terram, & discite, vbi sit longiturnitas æternæ vitæ, vbi via salutis: sine fide enim impossibile est Deo placere. Afficite Eremitarum & Monachorum agmina abstinentiâ & innocentia vitæ summâ, in Ecclesia sola Catholica in cantia, virginum choros castitate rutilantes, Martyrum inuictam patientiam.
- Psal. 45.
- Hebr. 11.

tiam. O quas tibi debeo grates, Redemptor mi, qui in istis tenebris
 hac lumina oculis meis splendescere fecisti; vt viderem quò & quâ
 tenderem, & columna veritatis Ecclesiæ Catholicæ adharerem; in
 qua vera fides peccatores sanat, ignorantes illuminat, curat agro-
 tos, docet fideles, pœnitentes reparat, iustos reddit feruentiores, co-
 ronatur Martyres, conseruat virgines, coniugatos castificat, refor-
 mat Ecclesiasticos, sacerdotes consecrat, preparat regna celestia,
 æternamq; hereditatem in Angelorum societate communicat? O
 vtinam hæc aspicerent & cogitarent, & præcepta tua, Deus, serua-
 re vellent, quos apostatarum deliria misere seducunt! verè enim
 dixisti, ô Veritas æterna, Si quis voluerit voluntatem Patris mei Ioan. 7.
 facere, cognoscet de doctrina mea, virum ex Deo sit, an ego à me ipso
 loquar. Exirent certè, si peccata & vitam malam deserere opta-
 rent, de synagoga impiorum, cum Abraham de Vr. Chaldaeorum,
 fide cum Moyse relinquerent Aegyptum, & tenebræ eius, & veni- Heb. ii.
 rent ad te, pastor animarum nostrarum; te, bone Iesu, qui expan-
 dis manus tuas tota die ad populum incredulum, qui graditur in
 via non bona post cogitationes suas; te, ô Sapientia æterna, quæ foris
 prædicas, & das in plateis vocem tuam, dicens: Vsq; quo paruuli Prou. i.
 diligitis infantiam, & stulti ea quæ sibi noxia sunt, cupient, &
 imprudentes odibunt scientiam? Illumina, ô bone Iesu, animas eo-
 rum, & meam, & confirma me, & adauge mihi fidem, tu qui il-
 luminas omnem hominem. Sparge, ô bone Iesu, redemptor mi, ra-
 dios pietatis tuæ. & miserere; recordare Domine miserationum
 tuarum, & pretiosi sanguinis tui, quo redempti sumus. Perduc nos,
 pastor bone, ad vera paradisi pascua; libera nos de morte æterna,
 ô vita nostra, & vnicum refugium nostrum.

Praxis pro animabus conuertendis.

Primò, necesse est hominem ad Deum confugere, & lucem
 ab eo postulare.

Secundò, affectus deponere, atque odia, vt animo defæcato de
 re tota possit iudicare. affectus autem maximè erga bona est ex-
 uendus, qui multos irretitos tenet.

Tertiò, legere expedit antiquos Patres, sed non eos, quos pes-

lismo maiorum suorum hæreticorum exemplo, nostri temporis hæretici deprauarunt.

Quartò, conferre cum viro docto, non animo disputandi, sed veritatem agnoscendi.

Præf. 8.

Quintò, eleëmofynas ea intentione largiri, & orationi humiliter ac crebrò incumbere. Et vel Angelum mittere Dominus, ac compelleret nouum Petrum aliquem venire, id est, Apostolicum virum, vel vt Eunuchò Philippum dabit. Qui enim vigilat ad fores sapientiæ, & obseruat ad postes ostiij illius, beatus est, & inueniet vitam, & hauriet salutem à Domino.

Sexto, beneficiis animus errantis, quem iuuare desideras, primò conciliandus. plus enim trahit charitas, quàm suadeat multa disputatio. atque ita celebrem illum Anachoretam Paphautium conuersum fuisse legimus.

Septimò, libellos pios errantibus submittere, eorum proles educandas suscipere, atque in orthodoxa fide instituere, egregia est charitatis industria.

Octauò, adultiore si quis studeat in viam reducere, iuxta consilium R. P. Petri Fabri è Societate nostra, eorum primum animus à vitiis auocandus, & vitæ licentia: hæc enim ferè vnica remora esse solet.

Nonò denique, cùm infidelitas primum peccatum non sit, vt quisquam se in fide conseruet, vtile est Ecclesiæ mores ac præcepta vbique defendere, vti & Patrum traditiones ac Superiorum mandata, diligenterque iis parere; vitam denique, non ex vulgi lege tepidè, sed ex Sanctorum exemplo feruenter instituere.

1 Cor. 11.

Aug. de fide ad Petr.

Decimò, nutanti circa fidem expedit, Primò, certò credere multas hæreses esse; imò, vt Apostolus loquitur, oportere vt hæreses sint, vt qui probati sunt, manifesti fiant. Secundò, hæreticos ab Ecclesia & Patribus censerì damnatos. Tertio, considerare veritatem vnã esse, quæ vt omnibus innotesceret, misit Deus filium suum: tantum abest, vt eam consultò occultarit, errori viam ministrans. Illam proinde toto animo proponat quærere: verum enim verò magna cum humilitate. vna enim superbia omnium hæresum fons est & origo. Hæreticus siquidem Concilia omnia, Patres, Doctores, Sanctos & maiores omnes damnat erroris, vt vnus sapere videatur, neque vllam suæ doctrinæ rationem potest reddere, quàm se, genuinum, supra omnes, sensum Scripturæ esse consecutum.

Praxis disputandi cum hæreticis.

SI disputationem cum hæretico euitare nequis, primò petendum ex eo, ne frustra fiat, quis arbiter sit disputationis vestræ futurus? Si enim dicat, Scripturam, quare quænam illa sit, & unde eam habeat? Ab Ecclesia, inquit: Cur ergo eam, dicito, truncant hæretici, & conuellunt: cur, si absque vllò dubio credant Ecclesiæ Catholicæ, vt veraci, dicenti, Hæc est Scriptura, respuunt eius, vt mendacis, interpretationem? Iam verò, quòd si ex Scriptura sola agendum, vbi scriptum, libros, quòs Scripturam appellamus, esse Scripturam? Vnde colligis multa & præcipua credenda, quamuis scripta non sint, & ad Ecclesiam vt columnam & firmamentum veritatis accedendum: de qua Augustinus: Euangelio non crederem, nisi me Ecclesiæ commoneret auctoritas. Quòd si tunc ad Ecclesiam ire cupiat, quærenda ea est certis notis, antiquitate, sanctitate, vnitatem doctrinæ, & Apostolicâ traditione. Stultum enim est, & petitio principii, consulendam esse de sensu Scripturæ Ecclesiam, & cum quæ sit, quæritur, vnâ notâ illam definire, nempe, Quæ optimè Scripturam explicat. Et rursus, Si quæram, ecquæ illa sit, suam assignare. si rursus virgeâ, quis hoc asserat, suum quem habet spiritum erroris, scilicet & vanitatis proferre; si petâ unde constet eum spiritum habere, id ipsum tantum asserere; ac denique fidei totius fundamentum hominis vani delirium constituere. Accuratiorem cum hæreticis disputandi rationem tradit R. P. Veronius in sua Methodo.

*Aug. epist.
contra Ma-
nich. c. 5.*

I A C V L A T O R I Æ, quibus affectus deliberationis per diem foueat.

Accedite ad eum, & illuminamini, & facies vestra non confundentur. Ita fac Angelum tibi loqui: Venite ad me omnes qui laboratis, & onerati estis, & ego reficiam vos. Hæc Dominum Iesum verba tibi ingeminare, audi anre cordis tui, illudq; noli obdurare.

*Psal. 33.
Matth. 11.*

Vel illa: Si quis sitit, veniat ad me, & bibat.

*Ioan. 7.
Ioan. 8.*

Vel: Ego sum lux mundi, ego via, veritas, & vita.

Psal. 94.

Hodie si vocem Domini audieritis, nolite obdurare corda vestra.

Eccli. 6.

Audi, fili, accipe consilium intellectus, & ne abiicias consilium meum, inuestiga sapientiam, & manifestabitur tibi, & continens scilicet ne derelinquas eam.

- Ierem. 6. *State super vias, & videte, & interrogate de semitis antiquis, qua sit via bona, & ambulate in ea.*
 Deut. 32. *Interroga patrem tuum, & annuntiabit tibi; & maiores tuos, & dicent tibi.*
 Proq. 22. *Non transgrediaris terminos antiquos, quos posuerunt patres tui.*
 Matth. 24. *Videte ne quis vos seducat: surgent enim multi pseudoprophetae.*

CAPVT III.

Deliberatio de secundo medio, seu de statu vitæ eligendo, ut finem consequamur.

Post fidei cognitionem, alterum ad salutem medium necessarium est status electio: cum enim varios Deus dederit instinctus, qui à prima pueritia ferè emicant, & singulos ad aliquod vitæ genus destinet, vt prudentissimus paterfamilias liberos suos; neq; ad otium, sed ad laborem creati simus; planè de illo maturè statuendum est. Sic Dominus Adamum, mox vt creatus fuit, in paradiso constituit, vt custodiret & operaretur illum. Certum enim est, plurimos idcirco malè viuere, & æterna excidere salute; quòd vitæ genus non eligant, aut perperam libidine potius quàm voluntate. Si quis autem vitæ statum nactus sit, is hac deliberatione in eo se firmare debet, neque perpetuò fluctuare; sed in suo se perficere. Non leuis enim est tentatio sibi nunquam constare; aliorum vitam laudare, de sua queri. Nullus status est, in quo perfectio, quæ in charitate consistit, nequeat acquiri. Et quamuis forsitan error in prima electione fuerit, quando tamen is mutari nequit, in eo se perficere oportet, atque ad Patrem misericordiarum confugere, ne fiat nouissimus error peior priore.

ANIM. Ecce, Domine Deus meus, ex bonitate tua immèsa creasti me; sed scio, melius mihi esset natum non fuisse,

fuisse, nisi viam nouerim, quâ peregrinus in terra defer- *Psal. 62.*
 ta, inuia & inaquosa, perueniam ad te finem meum, &
 summam felicitatem meam. O lux vera quæ omnes illu-
 minas, ô via, ô veritas, ô vita, quâ ibo, vt veniam ad te pa- *Ioan. 8.*
 storem meum? Deduc me, Domine; quia cæcus & puer *3. Reg. 3.*
 paruulus ego sum, ignorans egressum & introitum meum.
 Multæ sunt viæ, multi status, & si hunc elegero, in spe-
 ciem bonum, forsitan teterrimus erit exitus; si illum, simi-
 liter. Est enim via, quæ videtur homini recta, & nouissi- *Prou. 16.*
 ma eius ducunt ad mortem. Quis nouit viam hominis? *Prou. 20.*
 quis scire potest? omnes enim sunt incertæ prouidentia *Sap. 9.*
 nostre. Cum autem placuerint tibi viæ hominis, inimicos *Prou. 16.*
 quoque eius conuertes ad pacem. Idcirco, ego supplex
 per viscera charitatis tuæ rogo, vt ostendere mihi digneris
 viam, in qua ambulem, in hoc loco horroris, & vastæ so- *Prou. 30.*
 litudinis. Tria enim difficilia mihi, ait Sapiens tuus, &
 quartum penitus ignoro; viam aquilæ in cælo, viam co-
 lubri super terram, viam nauis in medio mari, & viam viri
 in adolescentia.

CHRISTVS. Signatum est super te lumen vultus mei: *Psal. 4.*
 vide itaque, vt nō nisi me, qui sum Sapientia æterna, & v-
 bique adsto paratus, cōsulto quid statuas; vide ne præcep-
 tuas; pro re nata eligas statum; quia offertur, vtpote vxo-
 ris copia, præbendæ, dignitatis, opum, sociorum & com-
 moditatum: sed scito nullam rem diligentius esse consi-
 derandam, cū à status electione sæpè aut felicitas, aut
 miseria dependeat sempiterna.

ANIMA. Valdè me distrahit multitudo statuum, &
 omnino nescio, quem eligam. Illumina me lux vera, &
 deduc me in semitam rectam, semitam mandatorum *Psal. 118.*
 tuorum: quia ipsam volui.

CHRISTVS. Cū ita velis, caue certum destinare sta-
 tum; sed esto paratus, vt eum suscipias, qui ad salutem tuā
 maximè sit accommodus: sicut enim æger peritissimo
 medico committit valetudinem, tantumque perit curari,

paratus etiam vt fecer, vrat, si pro sua tuenda vita ita iudicauerit: sic te facere pro vita æterna conuenit. Et rursum; sicut viator viæ ignarus, quam nouit periculosissimam; ducem quærit, neque repugnat quin ducatur; ita fac, & veni sequere me.

ANIMA. O vtinam, Iesu dulcissime, ô vtinam scirem, quâ mihi eundum esset!

CHRISTVS. Id assiduè meroga, & dic cum Paulo:
Aa. 9. Domine quid me vis facere?

ANIMA. Quid vis me facere, Deus meus, in domo tua, quam viam ingredi, quod munus gerere? paratum cor meum, Deus, paratum cor meum, respice in me, & miserere mei.
Ps. 107.

ANGELVS. Non cesses clamare ad Dominum, de manè vigila ad eum, vt benedicat tibi, & mittat Angelum qui te ducat, vt Israëlem, Tobiam, & Iacob. Quid quid verò petes, crede, quia accipies, & fiet tibi. Nõne id quod à seruo, filio fieri cupis, ipsi vltro indicas? & si famulus ex peteret sollicitè, quid ab eo fieri velles, nõne explicares mentem tuam? quanto magis Dominus noster, qui stat ad ostium & pullsat, vt consulat, vt ducat, vt portet etiam te in humeris suis.
Tob. 5.

CHRISTVS. Propone autem tibi finem, ad quem te creauit, & vide, an status hic vel iste ad eum te perducere commodè possit: siquidem certum hoc habet, eundem omnibus minimè conuenire. Quorsum enim tot status ordinassẽ, tam varia vitæ genera; nisi quia sciebam figmentum meum; variisq; viis volebam venire ad me, & trahere oues meas, pro cuiusque talentis & viribus? finem igitur attende ante omnia; deinde ad eum media delige. Quis enim prudens media eligit ante finem? viam, ante terminum? medicinam ante morbos? quis viam incommodam, periculosam, ambagiosam, latronibus obstitam eliget, vt perueniat in urbem, cum aliam possit?

HOMO. Nemo, Domine; sed sunt qui hanc, vel illam eligunt,

eligunt, vt dicunt, quia aliam non possunt, aut ignorant.

CHRISTVS. In quo autem existimant se posse illam, quam eligunt, peragere; nōne in me, & per gratiam meam? Cui verò eam largiri me par est; illīne qui voluntatem meam & ductum spernit, an qui sequitur? Ego illis possum eandem facere abundare; etiam in quouis statu, & facio, eò quod voluntatem meam sequantur. Exquirendum igitur ante omnia, quid velim abs te, in quo genere vitæ & munere te degere in familia mea: & vbi cognoueris, caue ne facere omittas: ego enim Dominus, ego Pater, ego Rex regum, & Dominus dominantium, nemo restitit mihi, & pacem habuit. Consule igitur te, *Iob 9.* pioſque & prudentes, qui sano consilio tibi adesse possunt: neque cum irreligioso tracta de sanctitate, cum iniusto de iustitia, cum cæco de coloribus, cum sæculari de cælestibus; sed cum sapiente & probò communica consiliū tuum. Semper autem, vt dixi, finem attende, & an eius folius, & salutis tuæ causā, vel saltem primariā hoc consiliū suscipias. si enim per hoc te tantum moueri fenseris, cum nemo possit, vt Apostolus meus scripsit, *1. Cor. 12.* dicere, Dominus Iesus, nisi in Spiritu sancto, securum te esse iubeo.

HOM. Video, Domine Iesu, meliora, sed, cheu! fasciatio nugacitatis obscurat bona, & inconstantia concupiscentiæ transuertit sensum sine malitia. *Sap. 4.*

CHRISTVS. Exue affectum terrenarum rerum; indu eum, quem in hora mortis habiturus es: tunc defæcato animo & oculo hæc aspicies, & cognosces vana esse, quæ iam terrent & tenent. Nōne enim tunc securiorem viam & vitam elegisse te optabis? sed in iudicio illo meo terribili, si consilia appendas tua, manifestè mundi argues vanitatem. iam commoditas, opes, honores, velut glutino retinent; tum votis summis securissima in tanta perplexitate te elegisse optabis. Age, quid Sæcti mei fecerunt? etiam in solitudinem abierunt; hoc vt salutis nego-

- rium seriò tractarent, & audirent quid loquerer sibi.
- Osee 2.* Scriptum est enim: Ducam eum in solitudinem, & loquar ad cor eius: vox enim hæc, vt dicit seruus meus, vox
- Bernard.* hæc non sonat in foro, nec auditur in publico; secretum consilium, secretum quærit auditum. Secede igitur si potes; nec desit tibi tempus vitæ pro te, pro anima tua; ac potiùs erubescere totum aliis rebus sæpè frivolis impendi, & graue tibi videri, si dies aliquot solidos animæ tuæ neges, propter quam omnia, tempus, studia, opes & occupatio concessa sunt. Si hoc feceris, futurum, vt postea in vocatione, quâ vocatus eris, constans sis & quietus; cum alii semper studia laudent aliena, plurima experiantur aduersa, plurima metuant. Quemadmodum enim is, qui initio viæ aberrauit, perpetuò metuit ne quo longiùs prouehitur, longiùs aberrer; ita hi delegerunt vitam absque me duce, & terrentur, meritoque pericula in via ignôta & lubrica reformidant. Vita siquidem via est. Et vehementer mihi displicet, quòd ubi ego, Sapiëntia aterna, adsum semper, & paratus sum consilij magni Angelus, non me dignentur interrogare de via recta, & voluntate mea famuli mei; quodque cum prouidere futura nequeant,
- Sap. 8.* ruant in id, quod primò arridet; et si inquam ego, qui attingo à fine ad finem fortiter, & suauiter omnia dispono, paratus sum semper, vt viam ostendam, viam rectam & planam, viam immaculatam & salutis. O si cogitarent vel hoc, quidnam consulerem, si me oculis suis aspicere possint, & audire quid loquar in iis: ego enim cum hominibus vsque ad consummationem sæculi in Eucharistia esse volui, vt oraculum, vt propitiatorium verum esset fidelibus meis. Cum ergo hoc eis præstiterim, & innumera quotidie beneficia; quid est, quòd meum consilium despiciant; extendam manum, & non sit qui aspiciat? voluptas, scio, trahit ad hunc illù me statum; honor, vel ambitio, libertas inuitant; hæc cine verò media ad finem, hæc cine sunt humana consilia?

O R A T I O.

HOMO. *Proſiteor hodie coram te, Deus meus, & rex meus, Iuravi & ſtatui cuſtodire iudicia iuſtitia tua: quamcumque viam mihi oſtenderis, eligam; etiamſi difficilis ſit, tu potens es; etiamſi humilis ſit, tu ſapiens es; etſi laborioſa, tu bonus es. nemo poteſt venire poſt te, Domine IESU, niſi traxeris illum; trahe igitur me. Nemo poteſt venire, niſi qui tollat crucem ſuam; impone mihi eam, quæ placet maiſtati tuæ. Tu enim es Dominus, nos ſerui; tu pater, nos filij; tu rex, nos ſubditi; tu ſapientia & lumen, nos cæci; tu denique paſtor es, & nos oues. fac, quæſo, vt audiam vocem tuam, & cognoscam eam, vt ſequar: qui enim non audit non eſt ex ouibus tuis, neque ex electis tuis, qualem me eſſe conſido, quodq; me paratum ſequi te, non deſeres; ſed perduces, paſtor bone, vt paſcua inueniam, & vitam habeam, & abundantius habeam in te, ô vita mea, & omne bonum meum.*

Pſal. 117.

Ioan. 6.

Cant. 1.

Mat. 16.

Ioan. 10.

Ibid.

Praxis in vitæ ſtatu deligendo.

PRima eſt; ſeceſſum, ſi quis poteſt, captare, vel ſaltem negotia aliquantiſper ſepondere, atque Sacramento pœnitentiæ animam purgare; in maleuolam enim animam non ingreditur ſapientia. Obſerua deinde maximè neceſſariam eſſe reſignationem; qua homo paratus eſt viam ſibi monſtratam ſequi, neque vult diuinam ſapientiam ſuæ inſipientiæ conformari; aut illius voluntatem ſanctam & benè placentem, ſuæ accommodare. Præterea verò orationi inſtare, ſi vnquam, oportet, eleëmofynis item aliſq; piis operibus; cùm res ſit omnium maxima, & voluntas Dei vnica exquirenda ſit, qui ſolus nouit talenta noſtra quæ dederit, quæ dare decreuerit, quis ſtatus nobis conueniat. Ad hoc iuuabunt Notæ ſpirituum, de quibus infra diceretur.

Sap. 1.

Secunda; frequenter accedere ad ſacram communionem, & poſt eam ſuppliciter, animoq; ad Dei nutum ſequendum comparato petere: Domine quid me vis facere? Multis enim id euenit, vt i & B. Aloyſio Gonzagæ, vt tum vocem Domini & voluntatem penitus intelligerent.

Tertia;

Act. 9.
Eccli. 37. Tertia; viros spirituales & sinceros super hoc negotio audire. Solet enim Dominus per alios, maximè tamen confessarios, aperire quid à nobis fieri velit. Ita S. Paulo ad Ananiam misso dictum: Surge, & ingredere ciuitatem; & ibi dicetur tibi quid te oporteat facere: ita etiam euenisse B. Teresæ refert P. Ribera. Anima enim viri sancti enuntiat aliquando vera plus quam septem circumspectores sedentes in excelsis ad speculandum.

Quarta; inprimis quidem vtilem dixi secessum in ista deliberatione; verum si is obtingere alicui non potest, tum vespere saltem per aliquod spatium ruminare ac considerare expedit illa capita quæ in Modo deliberandi & meditandi infra ponentur; maximè illud, quod in hora mortis quisque optabit vitæ se genus delegisse. Neque tamen idè sequitur omnes eandem viam inituros, verbi gratia, securissimam & Religiosam: multis enim ea non conuenit, imò neque segura est: habet vnusquisque donum suum, & vocationem. Vnusquisque autem in qua vocatione vocatus est, in ea permaneat oportet, iuxta D. Pauli consilium. Numquid enim, vt idem monet, dicit figmentum ei qui se finxit, Quid me fecisti sic? Varia sunt equidem in corpore membra, neque eundem actum habent, alterumque altero indiget, neque quidquam hic æmulari oportet, præter charismata meliora, id est, charitatem: non est enim personarum acceptor Deus.

1. Cor. 7.
Rom. 9. Quinta est, sanctum Angelum custodem colere & inuocare: cum enim ille nobis sit datus dux & comes viæ in patriam, velut Tobia Raphael, dubio procul hoc illi maximè curæ est vt nos ducat viæ ac vitæ genere diuinæ voluntati maximè accommodo; vt clientes sibi commissos & Dei filios reducat ad cælestem Patrem.

Sexta; ante omnia, vt dixi, necessaria ea animi præparatio, qua homo firmiter statuit cognitam Dei voluntatem amplecti. neque inchoanda deliberatio, priusquam mens nostra in æquilibrio posita fuerit; vt momenta diuinæ voluntatis clariùs perspiciamus. Quodd si eam in nobis resignationem non inueniamus; sæpè exercere eam oportet, inclinando voluntatem ad eam partem quam magis auersatur.

Septima; vt autem commoda atque incommoda ad finem consequendum clariùs perspicias, plicata charta scribendæ rationes & commoda quæ hoc vitæ genus suadent, deinde illæ quæ dissuadent; considerando an commoda incommotis non præponderent; & obiectiones scripto in quiete examinando.

IACVLATORIÆ,

quibus deliberans se per diem excitare
pöterit.

Deduc me Domine in via tua, & ingrediar in veritate tua. Psal. 85.
Viam iustificationum tuarum instrue me, & exercebor in mi- Psal. 118.
rabilibus tuis.

Domine quid me vis facere? Act. 9.

Seruus tuus sum ego; da mihi intellectum, ut sciam testimonia tua. Psal. 118.

Cor hominis disponit viam suam, sed Domini est dirigere gressus eius. Prou. 16.

Via stulti recta in oculis eius: qui autem sapiens est, audit consilia. Prou. 12.

A Domino diriguntur gressus viri, quis autem hominum potest intel- Prou. 20.
ligere viam suam?

Loquere, Domine, quia audit seruus tuus. 1. Reg. 3.

Omnis via viri recta sibi videtur, appendit autem corda Dominus. Prou. 21.

Vtinam dirigantur via mea ad custodiendas iustificationes tuas. Psal. 118.

In toto corde meo exquisivi te, ne repellas me à mandatis tuis. Ibid.

Deduc me Domine in semitam mandatorum tuorum, quia ipsam vo- Ibid.
lui.



SECYNDÆ

SECUNDÆ IMAGINIS

ANNOTATIO.

Quid tardas conuerti ad Dominum
Deum tuum, & omne bonum?

Conuertere cito, ô peccator, ad creatorem ac redemptorem tuum, neque ut **A**iste, dubius morare: ecce enim instat mors, ecce tibi **B** Iesum paratum ut te recipiat, aspice vulnera eius, **C** tormenta attende, & benignissimum occursum illius. Contemne **D** mundum, eiusq; fallaciam, detestare **E** peccatum, teterrimum monstrum, & sequere Iesum, ac **F** virtutem, quam **G** Angelus monstrat tibi: eiusq; præmium attende, atque ad eam **H** contritione de peccatis excitatâ, & **I** confessione sacerdoti factâ conuola, ac **K** pœnitentium exempla, ut Deo satisfacias, imitare. hac via à iugo Pharaonis infernalis liberabere, & seruitute eius, quemadmodum **L** filij Israël exitu de terra Aegypti. Neque hîc subsiste, sed perge in patriam, viator, viamq; sterne ac muni **M** eleemosynâ, **N** ieiunio, & **O** ratione. O quàm gaudent **P** Angeli super uno peccatore pœnitentiam agente! O quantis præmiis in celo anima illius coronabitur!

NIS

inum
um?

rem ac
bus m
m parat
menta

Contem

peccato

ac Eum

gram

peccatis

nuola, u

imistare

re, & f

su de m

atram

i, Nemo

li super

pram

CAPIT



C A P V T I V.

*Deliberatio de matura conuersione ad Deum
& finem nostrum, postquam deuiauiimus.*

Verùm, ô viator, quid tibi proderit finem vitæ non
uisse; fide Deum & ad Deum viam scire, statumque
elegisse; si in hoc declines à via, auertaris à Deo, & finis
tui ac beatitudinis obliuiscaris? utique præstabat Deum
eiusque voluntatem non cognouisse. Seruus enim qui *Luc. 11.*
scit voluntatem domini sui, & non facit, plagis vapula-
bit multis. quemadmodum illos Apostolus ait inexcus- *Rom. 1.*
fabiles, qui cum Deum cognouissent, non sicut Deum
glorificauerunt, aut gratias egerunt; sed euauerunt in
cogitationibus suis, & obscuratum est inspiens cor eo-
rum; dicentes se esse sapientes, stulti facti sunt, & pro-
pterea tradidit illos Deus in desideria cordis eorum, in
immunditiam, in passionem ignominie. Quòd si igitur
pro fragilitate humana adhuc à Deo, id est, omnibono,
patre amantissimo, creatore potentissimo, auersus es qui
hæc legis; quæso te per sanguinem Christi, & salutem
tuam, ne tardes conuerti ad Dominum, & ne differas de
die in diem. Subitò enim veniet ira illius, & in tempore *Ecclesi.*
vindictæ disperdet te; sed reuerte hoc ipso momento
& ingemisce. Ecce enim manus eius extenta est; reuerte-
re, & conuerte in viam, & ad Dominum Deum tuum.
Dixit enim: Derelinquat impius viam suam, & vir ini- *Isaia 55.*
quus cogitationes suas, & reuertatur ad Dominum, &
miserebitur eius; ad Deum nostrum, quoniam multus est
ad ignoscendum.

HOMO. En scio, & manifestè cognosco, finem crea-
tionis meæ esse, ut Domino seruiam; & ob hoc creatum
esse me, & in eo positam esse omnem felicitatem meam:
sed.

*Ambros.
lib. de v-
nica pœ-
nit. c. 10.*

Rom. 2.

Luc. 19.

Malach. 3.

1. Reg. 2.

Psal 144.

1 Tim. 6.

nitus, vt gaudere possem super conuersione tua & pœnitentia, ecce tanto tempore restitisti mihi. Neque tam facile esse putes conuerti (inquit Ambrosius) Facilius inueni, qui innocentiam seruarent, quàm qui congruè pœnitentiam agerent. Et quamuis aliud nihil foret, quid tristius quàm perpetua in lucta, angustia, conscientiae aculeis & stimulis vitam agere? Hæcine verò de te meritis est Dominus IESVS? hocine est eius exemplum sequi, & propter misericordiam eius illum ad iram prouocare, & perseuerare in illusione illius, eò quodd misericors sit & clemens? An ignoras, ait Apostolus, quoniam benignitas & bonitas Dei ad pœnitentiam te adducit? O quanta est bonitas, quam continuo te alendo, fouendo, seruando te & creaturas omnes propter te demonstrat! neque quidquam hæc te commouent? O si cognouisses & tu, & quidem in hac die tua, quæ ad pacem tibi! Et quid est quod te auertit à Deo tuo, à salute, à gloria, à vita bona, beata, ab optimi Patris & Dei tui charitate, amplexu? quid est, nisi voluptas aut vanitas brevis, multis quærenda sollicitudinibus, multâ seruanda anxietate, multum dolenda vbi amissa fuerit, & luenda inauditis supplicijs, aut hîc eluenda diuturnis lacrymis? Si enim aliquando saluus futurus es, mille mortes optabis potius obijssè, quàm offendissè Dominum Deum tuum. Vade igitur, & semina in momentanea voluptate, quod in æternis doloribus metes. Conuertere, conuertere, & vide quid intersit inter iustum, & impium; inter seruientem Deo, & non seruientem ei. Ecce enim ipse est Dominus, & non est alius, ipse mortificat & viuificat; magnus est, magnitudinis eius non est finis; solus habet immortalitatem, & lucem habitat inaccessibilem: & tu audes hunc contemnere, & maius seruire hosti per ambitionem, auaritiam, & sæculi vanitatem? Ierusalem, Ierusalem, conuertere, conuertere ad Dominum Deum tuum.

HOMO.

HOMO. Non est, ô Angele mi, quod respondeam tibi dicenti: Surge qui dormis, & exurge à mortuis, & illuminabit te Christus: cumque vndique cognoscam te vera dicere, iam non est omnino quod respondeam veritate conuictus. Si enim credo me locum veniæ non inuenturum, quæ dementia peccare sine spe remissionis? si autem cogito Dominum meum bonum & misericordem, qui, etiamsi plurimis peccatis meis grauissimè offenderetur, ignosceret tamen; quæ malitia mea velle malum esse me, quia bonus est?

Ang. l. 2.
Conf. c. 5.

Oratio conuertentis se ad Deum, ex S. August.

Domine Iesu Christe, fili Dei viui, qui in cruce expansis manibus, propter mortalium omnium redemptionem hausisti calicem passionis, mihi hodie præbere digneris auxilium. Ecce pauper venio ad te diuitem, miser ad misericordem: ne recedam vacuus vel cōtemptus. Esuriens incipio, ne desinā de te ieiunus. Famelicus accedo, ne recedam impastus. Et si antequam comedam suspiro, da vel post suspiria, vt comedam. In primis, dulcissime Iesu, coram magnificentia tuæ suauitatis, confiteor aduersum me iniustitiam meam. Ecce, Domine, quia in peccatis fui conceptus, & natus: & tu me abluisisti, & sanctificasti: & ego postea me maioribus sordidavi peccatis. Fui enim in necessarijs natus, postea in spontaneis volutatus. Hac sunt mala mea, Domine, quibus exhonoraui te, & maculaui me (quem ad imaginem & similitudinem tuam creasti) superbiam, vanā gloriā, & ceteris alijs malis multis, quibus vexatur & affligitur, laceratur & destruitur infelix anima mea. Ecce, Domine, iniquitates meæ supergressæ sunt caput meū, & sicut onus graue grauata sunt super me: & nisi tu, cui proprium est misereri semper & parcere, dexteram tuā maiestatis supponas, mergi cogor miserabiliter in profundum. Attende, Domine Deus, & vide, quoniam sanctus: & ecce insultat aduersum me inimicus meus, dicens, Deus dereliquit eum, persequar & comprehendam eum, quia non est qui eripiat. Et tu Domine vsquequo, con-

Psal. 37.

Psal. 70.
Psal. 6.

- uertere, & eripe animam meam, saluum me fac propter misericordiam tuam. Miserere filio tuo, quem in dolore non modico peperisti: & noli attendere malum meum, vt obliuiscaris bonum tuum. Quis est pater, qui filium non liberet? aut quis filius, quem pater pietatis baculo non corripiat? Ergo pater & Domine, licet peccator sim, non possum non esse filius tuus: quia tu me fecisti & refecisti. si quid peccaui, emenda me, & prius flagello emendatum trade
- Isaia 49. me filio tuo. Numquid obliuisci potest mater infantem vteri sui? Et certè si illa oblita fuerit, tu, pater, promissisti te non obliuisci. Ecce clamo, & non exaudis me: dolore crucior, & non consolaris me. Quid dicam, vel quid faciam miserrimus? ego tanto destitutus solatio proiectus sum à facie oculorum tuorum. Heu me, de quanto bono in quantum malum cecidi! quò tendebam, & quò deueni! vbi sum, & vbi non sum! ad quæ adspirauì, & nunc in quibus suspiro! quæsiui bona, & ecce turbatio; ecce iam morior, & Iesus non est mecum: & certè melius est mihi non esse, quàm sine Iesu esse: melius est non viuere, quàm viuere sine vita. Et tu Domine Iesu, vbi
- Psal. 78. sunt misericordiae tuæ antiquæ? Nunquid irasceris mihi in finem? Placare, obsecro, & miserere mei, & non auertas faciem tuam à me, qui pro me redimendo non auertisti faciem tuam ab increpantibus, & conspuentibus in te. Fateor, quia peccaui, & conscientia mea meretur damnationem, & pœnitentia non sufficit ad satisfactionem; sed certum est, quòd misericordia tua superat omnem offensionem. Noli (quæso) pijsime Domine, scribere aduersum me
- Psal. 50. amaritudines meas, vt intres in iudicium cum seruo tuo: sed secundum multitudinem miserationum tuarum, dele iniquitatem meam. Væ mihi misero, cùm venerit dies iudicij, & aperti fuerint libri conscientiarum: cùm dicetur de me, Ecce homo & opera eius. Quid faciam tunc, Domine Deus meus, cùm cali reuelabunt iniquitatem meam, & aduersum me terra consurget? Ecce nihil respondere potero, sed demisso capite præ confusione, coram te stabo trepidus & confusus. Heu me miserum, quid dicam? Clamabo ad te, Domine Deus meus, quare tacens consumor? verumtamen si locutus fuero, nō quiescet dolor meus: & si tacuero, amarissima amaritudine cruciabor interius. Plange, anima mea, sicut vidua super
- virum

virumpubertatis sua. Vlula misera, & plora, quoniam dimisit te sponsus tuus, id est Christus. Ira Omnipotentis ne irruas super me, quia nunquam capi posses in me. certè non est in toto me, quod posset tolerare te. Miserere, ne desperem, sed desperando respice: & si ego commisi, vnde me damnare potes; tu non amisisti, vnde seruare soles. Tu, Domine, non vis mortem peccatorum, nec letaris in perditione morientium: imò vt mortui viuerent, tu mortuus es; & mors tua peccatorum mortem occidit: et si ipsi te moriente vixerunt. Obsecro te, Domine, vt ego te viuente, non moriar. Mitte manum tuam de alto, & libera me de manu inimicorum meorum: ne supergaudeant mihi, & dicant, Deuorabimus eum. Quis vnquam, bone Iesu, de tua misericordia diffidat, qui, cùm inimici tui essemus, redemisti nos in sanguine tuo, & reconciliasti nos Deo? Ecce sub tuæ misericordie vmbra protectus, ad thronum gloriæ veniam postulans curro, clamans, & pulsans donec miserearis mihi. Si enim ad veniam nos vocasti, veniam non quærentes, quanto magis veniam impetrabimus postulantes? Ne memineris, dulcissime Iesu, tuæ iustitiæ aduersus peccatorem tuum: sed esto memor benignitatis tuæ, aduersus creaturam tuam. Ne memineris iræ aduersus reum, sed memor esto miserationis tuæ aduersus miserum. Obluiscere superbum prouocantem, & respice miserum inuocantem. Quid enim est Iesus, nisi Saluator? Ergo Iesu, per temetipsum exsurge in adiutorium mihi, & dic animæ meæ, Salus tua ego sum. Multum Domine de tua bonitate præsumo, quoniam tu ipse doces petere, quærere & pulsare. Et ideo tua oratione admonitus, peto, quæro & pulso. Et tu Domine qui iubes petere, fac accipere: consulis quærere, da & inuenire: doces pulsare, aperi pulsanti: & confirma me infirmum, restaura me perditum, suscita me mortuum, & omnes sensus meos, cogitatus & actus dirigere & gubernare digneris in beneplacito tuo: vt de cetero tibi seruiam, tibi viuam, tibi que me tradam. Scio, Domine mi, quia ex hoc quòd me fecisti, debeo tibi me ipsum: & quia me redemisti, & pro me homo factus es, deberem tibi plus quàm me, si haberem: quanto tu maior es, pro qua dedisti te ipsum. Ecce nec plus habeo; nec quod habeo dare tibi possum sine te: sed accipe me tu, & trabe me ad te: vt tuus sim imita-

tionē & dilectionē, sicut tuus sum conditionē & creationē, qui uiuis & regnas in sæcula. Amen.

Praxis ad maturam conuersionem.

Matt. 16.

Prima; apud se statuere stultum esse quæuis alia negotia huic antepondere, a quo omnia pendent, & vniuersa salus hominis. Quid enim prodest homini si vniuersum mundum lucretur, & animæ suæ detrimentum patiatur?

Secunda; quotidie vespere vnā ex infra positis considerationibus ruminare; quibus excitetur & vigeatur: & simul attendere ante somnum an paratus sit mori. Verē enim somnus mortis est imago, & via. Quoties is qui in somnum caput inclinauit, telum mortis se improvidus induit! Quot sani incubuerunt, quos somnus simul cum morte oppressit! Quisquis prudens est, somnum non capiet, & æternæ simul mortis periculo sese exponet. Horrendum est incidere in manus Dei viuentis.

Tertia; horas aliquas succursivas certò huic negotio tribuere, præsertim festis diebus. Sed eheu! eò cæcitatē ac teporis venimus, vt succursivas nobis, animæ nostræ, salutē, Dei cultui vix impetrare à negotiis possimus; cū illis vita tota concessa sit.

Considerationes breues pro conuersione, & vita bona, sæpè, & maximè sub noctem, breuiter expendendæ.

Considera Primò, te velut viatorem, & peregrinum; & teipsum interroga, Quò proficiscor? quo fine creatus sum, & iter huius vitæ ingressus? Certè vt in Ierusalem cælestem peruenirem. Eòne me mea vita & via ducit? Quando veniam, & apparebo ante faciem tuam, Deus meus? Heu mihi, quia incolatus meus prolongatus est!

Considera Secundò, viatorem quotidie progredi oportere, & vias maximè securas & breuiore quærere: & vide an sic agas. Sane si in itinere compendiosius & tutius occurreret, nōne illud eligeres? Si in te aliqua graui, aut expeditione, varia sese offerrent consilia, nōne tutius, maximè si a sapientissimo id daretur, eligeres? Eadem prudentiā in anima vtē. Audi quid Sapientia æterna

terna suadeat: &, quod alteri suaderes, ipse fac. frequenter confiteri, & communica, & miserere animæ tuæ placens Deo, ita vt nunquam, vel ad horam maneat Dei inimicus, ab eoque deseraris, & in dæmonis sis potestate, & pro eius arbitrio viuas. Heu! quanto prudentiores sunt filii huius sæculi filiis lucis in generatione sua?

Considera Tertiò, occupationes hominum varias, & quorsum iis animi & corporis vires omnes impendant, nempe vt vel opibus, vel honore, vel fauore hominum augeantur, idq; ad horam vnam vel momentum vitæ nostræ: & hæc omnia in illo momento sæpenuerò, vel culpa leuissima, vel maleuoli verbo vno, vel ictu globi vnus deperdi. Quanto ergo satius de æterno honore, fauore æterni regis & opibus cogitare? Vanitas vanitatum, vanitas vanitatum, & omnia vanitas.

Considera Quartò, quid sint Reges & principes terræ, quis verò Deus? illi terræ vermes, & mancipia seu conserui nostri: hodie sunt, & cras non erunt. Attende autem, quomodo hinc vermis & conseruus ab hominibus obsequium petat, inde Deus: & vide quàm prompti sint homines & indefessi, vt seruiant principi, qui conseruus est; quot verò opus habeat Deus promissis, exhortatoribus, vt sibi vel decima pars præstetur: nec hanc quidem illi concedi, nisi conseruo arrideat, & permittat; & quàm id turpe & indignum, & dic: Mihi autem adharere Deo bonum est, ponere in Domino Deo spem meam

Quintò, considera Primò, iam reuersos ab inferis eos qui in gentilismo & christianismo tuæ conditionis fuerunt, seu Cæsares, seu bellatores, Principesque, Consiliarios, &c. pete ab iis quanta sit merces laborum, quam tulerunt à mundo. Eheu, quàm multi laudantur vbi non sunt, & cruciantur vbi sunt! Secundò, quàm multa bona pro Dei gloria, talis, v. g. vir princeps præstare possit, qui tot labores & pericula subit, vt mundo seruiat. Certum, illum ad magnam sanctitatem faciliè peruenire posse, & latè gloriam Dei propagare. Ergo dic: Quid prodest homini si vniuersum mundum lucretur, animæ verò suæ detrimentum patiatur?

Considera Sextò in rebus agendis, Primò, nihil sine Deo te posse, proinde soli illi humiliter omnia tribue, qui deponit potentes de sede, & exaltat humiles; & ante omnia cura, vt illum habeas propitium. Secundò, vt famuli, & alii quibus ad executionem vteris, quoad potes boni sint. Non enim sunt, vt patet, apta instrumenta fidei tuendæ, & gloriæ Dei propagandæ, aut agendi præclara, inimici Dei, & diaboli mancipia, qui eos ad mala omnia

trahit & instigat Tertio, impossibile esse euentus futuros providere, propterea, postquam diligentiam adhibueris, omnia relinquenda Dei prouidentia. Quarto, cum ipse sit solus Dominus, solus altissimus, eius honorem & gloriam præ oculis semper habendam. Alioquin enim merito grauiter indignabitur, & consilia non fortunabit, in quibus videbit magis gloriam quæri serui, quam suam: dicit enim, Gloriam meam alteri non dabo. Quis sicut Dominus Deus noster, qui in altis habitat, & humilia respicit in caelo & in terra? *Quicumque glorificauerit me, glorificabo eum: qui autem contemnunt me, erunt ignobiles.*

Considera Septimò vitæ breuitatem, quodque instar nauis, sagittæ, cursoris & vaporis transeat. Quocirca præmitte thesauros bonorum operum & eleemosynarum eò vbi perpetuò victurus es, ibi principatus potius stude acquirere, quam hinc vbi horâ vnâ manendum. Secundò, incertitudinem mortis. Ideò omni horâ esto paratus; nec vnquam cubitum concedas nisi Deum excussâ conscientia placaueris, memor illius verbi Veritatis æternæ: *Quâ horâ non putatis, filius hominis veniet.*

Considera Octauò, principes habere qui curent diligenter pecuniam suam, qui curent corpus suum, & magna præmia illis tribui, qui damna præuertunt, signa morbi indicant, hostiumque machinationes clandestinas significant. Refer ad animam, & habe saltem confessarium, à quo moneri petas si quod animæ periculum videat, si quem morbum detegat, aut hostium inferuallum molimina, vt occurrere malo venienti possis. Vias tuas, Domine, demonstra mihi, & semitas tuas edoce me. Vtinam dirigantur viæ meæ ad custodiendas iustificationes tuas! Iuravi & statui custodire iudicia iustitiæ tuæ.

I A C V L A T O R I Æ.

Psal. 7.

Nisi conuersi fueritis, gladium suum vibrauit, arcum suum tendit, & parauit illum.

Psal. 79.

Deus viriutum conuertere nos, ostende faciem tuam, & salui erimus.

Psal. 84.

Conuertere nos, Deus salutaris noster, & auerte iram tuam à nobis.

I. rem 31.

Conuertere me, Domine, & conuertar ad te, quia tu Dominus Deus

meus es.

CAP V.

*De poenitentia vera salutis semita, quâ homo
ad Deum & salutis viam reuertitur, eius-
que parte prima, Contritione.*

Postquam homo coram Deo statuit se conuertere ad
Deum, & reuertiad viam salutis, respicere ad termi-
num creationis & vitæ suæ; mox debet contritionis semi-
tam legere, quo compendio rursus in viam redire pos-
sit, & pergere itinere tridui in desertum cum Israëlitis, vt *Exod. 12.*
Domino sacrificet, ac seruitute diaboli liberetur. tridui
eius primus dies, primaque itineris pars est contritio; se-
cunda, confessio; tertia, satisfactio.

Quemadmodum enim admirabili & suaui prouiden-
tia sua statuit Dominus, vt anima quæ concepit dolorem,
& peperit iniquitatem, morte moriatur; sic vt eadem quæ
post peccatum concepit dolorem, in vitam reuocetur:
atque ita peccati proles, dolor, inquam, qui de eo nasci-
tur, illud vicissim, quod nos destruxerat, perimit. Duplex
verò ille est, alter Attritio appellatur; cùm quis ex peccati
fœditate, & timore gehennæ, aut simili cōsideratione de
præteritis dolet. Alter Cōtritio dicitur; quo anima non ob
pœnam, non ob amissionem bonorum, non ob molestiã,
sed ob id gemit ac dolet, id est, optat nō à se patratum de-
lictum (etsi nō sentiat teneros affectus ac lacrymas) quòd
benignissimū Patrem, liberalissimū Dominum contrista-
rit, iniuriã affecerit, quæ omni amore & honore prosequi
debuerat: atque hic est filiorum dolor, Deo Patri gratissi-
mus, adeò vt ad salutem sufficiat, quando Confessarij co-
pia defuerit. Huic igitur acquirendo plurimū insisten-
dum est potius, quàm anxie peccatorum enumerationi,

Luc. 7.

cū plerumque secū s fieri solitum sit, ideoq̃ue hīc subsidia ad illam propono. Sanē Magdalena dolore & amore peccata deleuit. Publicanus in pristinam gratiam receptus est, quando eructauit ex intimo sensu, & charitatis affectu verbum illud bonum & salutare: Deus, propitius esto mihi peccatori.

Luc. 18.

Complectitur vterque dolor in se, etiamsi non semper explicitē, desiderium seruandi præcepta; inter quæ in primis est confessionis tuo tempore explendum: cuius ea vis, vt ex attrito contritum faciat. Constat igitur sæpè vsurpandam esse, vt certam vocationem & salutem nostram faciamus.

COLLOQVIVM CHRISTI IESV

*cum anima peccatrice, pro contritione
excitanda.*

Deut. 32.

Iob 38.

CHRIſTvs. Audite cæli quæ loquar, audiat terra verba oris mei. Ecce NN. interrogabo te, responde mihi. Nōne ego te creau ex infinito amore & spontaneo, in laudem & gloriam nominis mei? Age verò, nōne tibi consciū est cor tuū, quòd viuas, & coram me, in opprobrium meū, vt meritò, si vita tua nota mundo foret, propter te blasphemaretur nomen meū? & tamen te vt filium enutriui & exaltaui. Tu autem spreuisti me, & tacui: & cognouit bos possessorem suū, & asinus præsepe domini sui, tu verò me non cognouisti: sed quia longanimis sum, super malitia hominum patiens fui.

Isaia 1.

Psal. 31.

ANIMA. Verè, Domine, factus sum sicut equus & mulus, quibus non est intellectus. Creatorem te vocaui & Regem & Deum meū, & ad contumeliam tuam te vilissimæ creaturæ posthabui. Nec, si interroges me, causam scio, nisi quia mihi lubebat, etsi vetares; quia licet creabar, etsi tibi doleret. Eheu! à planta pedis vsque ad

Isaia 1.

verticem

verticem capitis non est in me sanitas. Sed quò ibo ? ad quem confugiam? Pater misericordiarum & Deus totius consolationis, ne proijcias me à facie tua, & Spiritum sanctum tuum ne auferas à me. Operi manuum tuarum porrige dexteram, Domine meus & Deus meus. *Psal. 50. Iob 14.*

CHRISTVS. Si ego sum Dominus, vbi est timor meus? si pater, vbi est amor meus? Credísne Dominum esse me, & contemnis? Patrem vocas, & eum eiusque mandata, vt capitali tuo placeas hosti, despicias? Quoties te volui congregare, sicut gallina congregat pullos suos sub alas, & noluisti? Quoties dixi: Vsq̃uequo graui corde? vt quid diligis vanitatem, & quæris mendacium? An, putas, quíquam facinorosus credit Regem sibi adstare, se contempleri, minari, & non cessat maledicere ei? Quis reus in carcere, iudicem operiens, scit superiore horâ, & hac etiam ipsa, in foro plurimos dirè cruciari ob similia suis delicta, & non terretur? Tu verò cùm nosse ob illa N. horâ proximè lapsâ innumeros ferè in infernum demersos, & hac ipsâ, abijisti contemnens. Vocauí tamen iterum, & reuisti; extendi manum meam, & non aspexisti: spreuisti omne consilium meum. *Matt. 23. Psal. 4.*

ANIMA. Memento, Domine, quòd sicut lutum fece- ris me, & reminiscere miserationũ tuarum antiquarum: citò anticipent misericordiæ tuæ, quia pauperes facti sumus nimis. O quis dabit capiti meo aquam, & oculis meis fontem lacrymarum! Amarum est mihi dereliquisse te Dominum Deum meum. *Iob 10. Psal. 78. Ierem. 9.*

CHRISTVS. Reduc in memoriam beneficia, quæ contuli tibi, & iudicemur simul. Narra, si quid habes, vt iustificeris. Nónne retribuisti mihi mala plurima N. pro bonis sterilitatem animæ meæ? Ego te redemi pretio magno sanguinis mei, non corruptilibus auro & argento, vt glorificares & portares me in corpore tuo: tu verò vendidisti animam tuam sine pretio, & ego factus tibi sum vilis. Recordare, quòd dilectam animam meam dederim

in

in mortem propter te, vt sperares & confideres in me: at

Isaia 48. verè neruus ferreus ceruix tua, & frons tua ærea; & quia

Mat. 20. ego bonus sum, oculus tuus nequam est. auertisti enim faciem tuam à me, & fecisti pactum cum morte, & pepigisti fœdus cum inferno in mei contumeliam, vt is triumpharet de sanguine meo. Ego te dilexi, & laui in sanguine meo; ille te odit capitaliter, & sitit sanguinem tuum: ego te creauit; & ille mille modis te destruere nititur: ego æternis præmijs inuito; ille vanissima voluptate & æternis supplicijs: ego summum bonum; & ille summum malum: clamo tamen ego, & non exaudis; rogo, & repulsam patior: lacrymor ob pericula tua, & irrideor à te, atque adeò in ijs gaudes, & maiora quæris; ille ob turpem voluptatem mille cum molestijs colitur, rogatur, honoratur: eius decreta etsi durissima seruantur; mea etsi grauias non sint,

Ierem. 2. mandata contemnuntur. Obstupescite cæli super hoc, & portæ eius desolamini vehementer: me dereliquerunt fontem aquæ viuæ. Nónne ego plantaui te vineam electâ, omne semen verum: quomodo ergo conuersa mihi es

Isaia 5. in prauû vinea aliena? Expectaui, vt faceres vuas; & ecce labruscas. Quid debui vltra facere vineæ meæ, & non feci? Quid inuenisti in me iniquitatis, quia elógasti te à me? nónne siliui? nónne tacui? nónne paties fui, longanimis, & misericors super malitia hominû? Verumtamen post hæc omnia, quia facilis eram ad veniam, & bonus, crebrius me offendisti: confregisti iugum, & dixisti, Non seruiam. Gloriatu es in malitia, potens in iniquitate. Hæccine reddis mihi, popule stulte & insipiens? Vbi sunt dii tui, consolationes tuæ, in quibus habebas fiduciam? abierunt omnia tanquam vmbra, & tanquam nauis cuius non est inuenire vestigium in fluctibus. Nónne quidquid mundus voluit, quidquid carni allibitum fuit, mox fecisti, & conatu quidem magno? quidquid ego præcepi, consului, rogaui per amorem & sanguinem meum, despexisti. & ecce quod tot annis mandaui, cōmendaui per

Pro-

Prophetas & præcones meos, id est Superiores tuos, quasi nihilum reputasti. hæccine prima charitas, quâ omnibus propter me in baptismo renuntiasti? quâ ad omnia te mihi obtulisti? hæccine retribuis mihi? & dicis, Nequam faciam, adamaui alienos, & post eos ambulabo.

ANIMA. Ah, Domine, quis stabit ad loquendum tibi, aut respondebit vnum pro mille? Cæli non sunt mundi in conspectu tuo, & in Angelis reperisti prauitatem. Quis *Iob 14.* potest facere mundum de immundo conceptum semine, nōne tu qui solus es? Tu quidem gressus meos dinumerasti: sed parce peccatis meis, & memento, quia ventus est vita mea. Quid faciam tibi, o custos hominum? *Iob 7.* quare posuisti me contrarium tibi? Et eheu! factus sum *Iob 16.* mihi grauis. Ecce oppressit me dolor meus, & ad nihilum redacti sunt omnes artus mei. Sagittæ tuæ in me sunt, *Iob 6.* quarum indignatio ebibit spiritum meum. O quis mihi *Iob 29.* tribuat, vt sim iuxta menses pristinos, secūdum dies, quibus tu, Domine, custodiebas me! O quis mihi tribuat!

CHRISTVS. Quare recessisti, & non reuerteris vltra ad me? Numquid obliuiscetur virgo ornamentis suis, aut *Ierem. 2.* sponsa fasciæ pectoralis sui? Tu verò oblita fuisti mei creatoris tui diebus innumeris. Reuertere, reuertere. en paraui tibi stolam primam, extendi brachia mea ad amplexus, caput ad osculum pacis inclinaui.

ANIMA. Pater, non sum dignus vocari filius tuus. Re- *Luc. 15.* spice in me, & miserere mei, quia vnicus & pauper sum ego. Eheu! ecce inuenio aliam legem in membris meis re- *Rom. 7.* pugnantem legi mentis meæ: & non quod volo bonum, hoc ago.

CHRISTVS. Ecce ego arguam te, & statuam coram te faciem tuam. Si morbo aliquo pressus fuisses, nōne in medicos plurima expendisses? si lis mota de iugero terræ, etiam maria transiisses. Et si decimam partem eorum quæ pro mundo præstas, pro anima fecisses tua, nōne beatè vixisses? nōne ego Veritas dixi: Iugum meum sua- *Matt. 11.*

- 1. Ioan. 5.* ue & onus meum leue est; &, Mandata mea graua non sunt: & tu difficilia asseris: verbo & facto, & exemplo tuo alios in perniciem trahis. Non potes, inquis, abstinere hoc confortio, hoc peccandi periculo: & si quis amicissimus iniuriam vel leuem dixisset, nec rogatus coniungi ei velles, nec placari. si peste locus aut amicus infectus foret, aut medicus hoc vel illud cibi genus vetaret, pare-res: vt verò animæ consulas, vt corpus edomes, mihi placeas & obedias, nihil facere aut pati dignaris. Me ergo solum non timebis, & à facie mea non dolebis? nōne
- Ier. 11.* cōtestans contestatus sum, & dixi: Audi vocem meam, & non audisti, nec inclinasti aurem tuam, sed abijsti in prauitate cordis tui mali: ecce hac horâ forsan rapieris ad iudicium seuerissimū, iturus es in domum æternitatis tuæ: & ecce manus tuæ adhuc plenæ sunt sanguine. Popule meus, quid feci tibi, aut quid molestus fui tibi? Recordare, anima, fellis & paupertatis meæ, & lacrymarum mearum, quibus pro te deprecatus sum, quia pretiosa eras in conspectu meo; tu tamen fornicata es cum amatoribus multis. Verum tamen reuertere: reuertere, ecce sto ad ostium & pulso: aperi mihi soror mea sponsa, caput meum plenum est rore sanguineo, & cincinni mei guttis notium.
- Ierem. 3.*

ANIMA. Excitauī iracundiam tuam, Domine, & peccaui super numerum arenæ maris; agnosco iniquitates meas: sed ne simul perdas me cum iniquitatibus meis, neque in æternum referues mihi mala: ostende mihi bonitatem tuam, & reminiscere miserationum tuarum antiquarum, & proijce post tergū tuum omnia peccata mea. Ecce enim coram te & curia tua cælesti sincerè statuo numquam vltà te offendere, occasiones illas deuītare; tibi Deo meo potiùs quàm dæmoni seruire. Accipe, Domine Iesv, & ne despicias cor contritum & humiliatum; tu qui scrutaris cor & renes, tu nosti, tu nosti suspirium & desiderium meum.

Oratio,

Oratio, seu actus contritionis.

Domine Iesu Christe, vere Deus & homo, creator pariter ac redemptor, doleo ex intimo corde me offendisse diuinam tuam Maiestatem, quia tu es Deus meus & omnia, quem super omnia diligo & colo. Proinde firmiter statuo ac propono, me non amplius te offensurum, sed omnes peccandi occasiones pro viribus deuitaturum, insuper de noxis meis rite confessurum, & pœnitentiã quacumq; imponetur impleturum: ad pleniorẽ verò satisfactiõnem, hodie tibi me ipsum offero, vitam meam, & mea omnia, & omnes labores meos. Et quemadmodum rogo te suppliciter & flagito veniam delictorum meorum, ita confido me eam impetraturum per infinitam misericordiam ac benignitatem tuam, per merita quoque pretiosissimi sanguinis ac sanctissimæ passionis tuæ: daturum te quoque gratiam emendandi vitam meam, & in bono vsque ad finem perseuerandi. Amen.

Praxis de contritionis frequentiori usu.

Primò, commendatur hic à viris doctis ac piis, potissimum manè, vt, cùm Deo reconciliati sumus, opera nostra alias mortua, vitæ æternæ meritoria sint. Secundò, vesp̃eri in examine conscientie contra repentinam mortem. Tertiò, post peccatum grauius admissum, ne inimici Dei permaneamus. Quartò, ante omnem orationem: non enim est speciosa laus in ore peccatoris. Quintò, in omni periculo mortis, & grauiori tentatione. Sextò, quoties negotium arduum tractandum, & gratiæ cœlestis auxilium implorandum.

I A C V L A T O R I Æ.

- Heb. 4. **A**deamus (o anima) cum fiducia thronum Domini ut misericordiam consequamur, & gratiam inueniamus in auxilio opportuno.
- Eccli 17. Reuertere ad Dominum, & auertere ab iniustitia tua, & nimis odito execrationem, & cognosce iustitiam & iudicia Dei.
- Isaï 33. Vivo ego, dicit Dominus, Nolo mortem impij, sed ut conuertatur à via sua, & uiuat. Conuertimini à viis vestris pessimis, & quare moriemini domus Israël?
- Psal. 24. Delicta iuuentutis mea, & ignorantias meas ne memineris Domine.
- Psal 50. Cor mundum crea in me Deus, & spiritum rectum innoua in visceribus meis.
- Psal 78. Domine ne memineris iniquitatum nostrarum antiquarum, citò anticipent nos misericordia tua; quia pauperes facti sumus nimis.

CAPVT VI.

De Confessione, secunda parte pœnitentiæ: ac primò de generali, eiusque utilitate.

- V**erumtamen contritio non sufficit, sed secundæ diei iter siue pars illius superanda; vt sicut corde creditur ad iustitiam, sic ore fiat confessio ad salutem. Quid hæres aut horres? homo es, & humani à te alienum nihil: errare, labi, ignorare. dicigitur cum Propheta: Dixi, Confitebor aduersum me iniustitiam meam Domino; &
- Psal. 31. tu remisisti impietatem peccati mei. Non ergo declines cor tuum in verba malitiæ ad excusandas excusationes in peccatis, neque confundaris confiteri peccata tua. Qui enim abscondit scelera sua, non dirigitur: qui autem confessus fuerit, & reliquerit, misericordiam consequetur.
- Psal. 140. Eccl. 4. Pron. 28.

Vis ergo conuerti in toto corde ad Dominum? ecce viam; recogita omnes annos tuos in amaritudine animæ tuæ;

tua; & sinceram ac veram institue confessionem generalem, nisi aliud confessario videatur. Neque formides molestiã aliquam subire pro anima tua; sed scito eam, si methodo vti velis, æquè facilem esse quàm sit aliquibus vnius hebdomadæ. Vtere examine quod subiicietur, singulaque peccata in suas classes refer, ac confitere: nec difficilius tibi erit dicere, Millies, quàm, centies peccavi Domino.

Quamuis autem ea semper necessaria non sit, sapè tamen utilis est, sapè etiam necessaria.

Necessaria est, quando præteritæ confessiones imperfectæ fuerunt, aut defectu integritatis, aut defectu doloris, aut defectu potestatis in confessario: tum enim instituenda foret.

Vtilitatem verò habet magnam, licet certi nõ simus de defectu priorum confessionum. Primò siquidem hominem ad sui cognitionem & despectum adducit. Secundò, cum sit insignis humilitatis actus, Deum ad singularia tribuenda auxilia prouocat: vti contingere videmus ijs qui sedulò hanc peragunt, & nouam prorsus vitam instituere, quasi rationibus vniuersim redditis, & compositis. ideoque in Ordinibus Religiosorum id primò proponitur pro vitæ morumque emendatione. Tertiò, securitatem adfert in tanta salutis incertitudine: vnde in hora mortis Spiritu sancto impulsì multi eam facere decernunt.

Obseruatamen, non omnibus generalem confessionem conuenire. Primò, non conuenit ijs, qui timore magno & scrupulis agitantur: his enim non est medicina, sed crux & exulceratio: frustra enim hi per confessiones se expedire sperant, cum id solà obedientiã, & in Deum fiducia cum charitate futurum sit. dum enim in consideratione suorum peccatorum, quæ tenebræ sunt, versantur, magis obtenebrescit intellectus. Si verò fiducia & charitate in Deum tendant, ad eum accedunt, & illuminantur.

D

Denique

LUC. 10.

Denique nōne certum est aliquando quiescere oportere, & dubio procul melius id alterius iudicio, de quo tibi dictum: Qui vos audit, me audit; quàm tuo? Itaque sic facito. Accedit, quòd impossibile sit hominem assequi certò numerum peccatorum suorum: ergo certum eum ad hoc non obligari, sed sufficere, vt adhibeat moralem (vt dici solet) diligentiam, sicut in re seria solet. est enim Sacramentum pœnitentiæ non ad carnificinam institutum, sed solatium. Et hoc quidem ad præterita pertinet.

Quātum præsentia spectat, is qui verè timet Deū, eumq; offendere nollit, quoties dubitat, sibi persuadere potest nullum fuisse aut saltem non deliberatum consensum. si quidem cū tam serium ac graue & deliberatè fecerit decretum Deo seruiendi, irritum id non potest esse, nisi contrario actu & plena cum aduertentia; quod ipsum protestari posset coram Deo, & manè hoc pacto aduersus omnes scrupulos se armare.

Secundò, illis qui turpem vitam egerunt, maximè mulieribus, & semel eam rite instituerunt, non conuenit. Si quidem præteritæ vitæ recordatio, ac multò magis enarratio periculi plena est; & longè melius illa post se relinquere, & ad anteriora sese extendere, destinatumq; profequi brauium. Certissimum in hac re consilium prudentis confessarij; qui si verè talis est, non permittet confessionem generalem iterari ab ea, quæ semel generaliter eam instituit, nisi necessitas Sacramenti id exigeret: & illusionem diabolicam facilè detegit, qua irretitas peccatis, aliquando etiam liberatas, in pristinum statum & laqueos speciei pietatis pertrahere conatur.

Oratio ante confessionem.

O Clementissime Deus, qui scrutaris cor & renes meos, concede per sanguinem Filij tui, propter quem negare mihi nihil potes, vt recogitem tibi annos & delicta mea in amaritudine anime mee, priusquam moriar, & compleas furorem tuum in die indignationis tue. renouetur nunc, obsecro, vt aquila iuuentus mea, vt purissimis tuis oculis placeam, dilecte anima mea; & non ex necessitate aut consuetudine, sed sincero corde cum spe bona remissionis, charitate perfecta, delicta mea tibi & vicario tuo non abscondam. Qui enim abscondit scelera sua, non dirigitur: qui autem confessus ea fuerit, & reliquerit ea, misericordiam consequetur. Tu omnia nosti, & contemplaris omnia in omni loco; sed & multus es ad ignoscendum. Recordare, Domine, quodd sicut lutū feceris me, & totius refeceris; vt verē dicere possis, Quid potui facere vinea mea, & non feci? Quot enim ad salutem media, quot in sanctissima vita exempla virtutum multo cum labore & sudore dedisti, quæ piguit sequi? quot incentiua amoris in passione & morte tua reliquisti? Et, eheu! expectasti vt facerem vvas, & ecce labruscas. Pater, peccaui, & sicut arena maris sunt multiplicata iniquitates mee, quas tepor mentis mea coaceruarat; sed venio vt lauer, ô fons eterne vite, ad quem sitio vt ceruus ad fontes aquarum; venio vt illuminer, ô lux mea; vt amem te, ô amor eterne, Sana me à phrenesi mea, quā te & remedia respuo. Veni, lux mea, duc me in viam bonam. O Pater eterne, da meminisse peccatorum meorum; ô Fili Dei, da expendere & cognoscere; ô sancte Spiritus, da detestari, scilicet mortem & hostes meos, & te omne bonum non abhorrere. Quorsum enim venimus in hanc vitam, anima mea? nōne vt perfectē Domino seruiremus, cunctis diebus, aut momentis potius, quibus hic militamus? Respice & reflecte oculos ad præteritum tempus, quod datum ad pœnitentiam, ad amandum, & celestes opes requirendum; quid ex eo iam superest, nisi bonorum tantorum amissorum tristis recordatio, & malorum commissorum erubescenda memoria? Pulsantem te, bone Iesu, sponsum

Prou. 28.

Iob 10.

Isaïa 5.

non admisimus, sed demonem eiusque affeclas. Sed audiamus tamē vel nunc, parentis dulcissimi, & amantissimi Regis & sponsi vocem, dicentis: Conuertere fornicatrix, & suscipiam te: veni dilecta mea, & iniquitatum tuarum non recordabor. Quomodo dilecta, bone Iesu, qua tuos filios enecaui, scilicet sanctas inspirationes, & te repuli vt gratificarer adulteranti sensualitati, & hosti querēti animam meam? Nā si humilitatem, paupertatem, mansuetudinē, charitatem, patientiam sanguine tuo signatam commendasti; ego exaltaui cor meum, nihil mihi deesse volui, nihil pati, vt parerem mundi legibus, & tuas proculcarem. Verumtamen ecce audio mellifluam in auribus meis vocē, Fili, prabe mihi cor tuum: ecce ego me in cruce pro te immolo, & tui amore langueo, & abluere rursum meo sanguine volo. Ne ergo sis mihi formidini tu spes mea Iesu; perueniant ad te voces & singultus ouis perditæ, & filij prodigi redeuntis à regione longinqua, ô pater, ô pastor, ô sponse anima mea: detestor culpam omnem & occasionem N. quā te grauiter offendi. Pater mi, nolo esse, aut viuere sine te, sed propter te: sana me per vulnera tua, dolores tuos, & ignosce mihi. numquid enim letaris in morte peccatoris, qui vt viuerem pro me dignatus es mori? numquid tibi proderit perditio mea, qui de calo venisti relictis nonaginta nouem ouibus, vt me quæreres inter dumeta, & reportares in humeris tuis? Utinam oratio mea sit sicut incensum in conspectu tuo; hoc vltimo fortē die peregrinationis meæ! Iuravi & statui custodire iudicia iustitiæ tuæ. & sæpē quidem irrita proposita feci defectu contritionis, & fragilitatem meam noui: verumtamen nūc gratiā tuā, quā supplex peto, sine qua nihil omnino valeo, propono in æternum non declinare à mandatis tuis in cōspectu tuo, Deus meus, Deus cordis mei, & illa N. potissimos fontes malorum vitare. Ita statuo in præsentia beatæ MARIÆ virginis, & Sanctorum tuorum; quos omnes in testes huius desiderij mei & auxiliores, maxime patronos meos, inuoco. Adiuua me, ô Iesu, vnica spes mea. Amen.

Psal. 118.

Praxis,

*Praxis, seu methodus examinandi con-
scientiam.*

CIRCA I. PRÆCEPTVM.

AN in his quæ ad fidem pertinent ab Ecclesia dissenserit, õp-
positum cum pertinacia credendo, aut alios docendo? quàm
multos, & quoties? Is autem pertinax est, qui suum errorem de-
fendit, sciens Ecclesiam contrarium tenere.

An fecerit aliquem exteriorem actum infidelitatis, vel hæ-
resis, nempe verbo, signo, vel opere aliquo hæresim profitendo,
etiã si non mente, licet ex timore fecisset, vt ceremonias hære-
ticorum proprias exercendo, sub vtraque specie communican-
do, carnes cum hæreticis prohibito tempore comedendo.

An dubitauerit pertinaciter de aliqua fidei veritate? quales
non sunt dubitationes quædam, quæ voluntatem in veritate fir-
mam contristare solent.

An hæreticis contra Catholicos fauerit, eosque defenderit?
quoties & quo modo?

An nimiam cum hæreticis familiaritatem habuerit cum pro-
babili periculo incidendi in hæresim? quamdiu?

An hæreticorum vel prohibitos libros scienter legerit, vel eos
domi seruauerit? quoties, & quamdiu?

An incantationes vel maleficia exercuerit, vel diuinos consu-
luerit, per se, vel per alios?

An schedulas supersticiosas apud se habuerit ad sanitatem a-
liamve rem obtinendam? & an alios induxerit ad earum vsum?

An fidem habuerit somniis vel auguriis, accipiendo illa pro
regula suarum actionum?

An artes magicas didicerit, aut alios docuerit? quàm multos
& quoties? Et an earum artium libros apud se scienter retinue-
rit? & an adhuc retineat?

An valdè negligens fuerit in addiscendis necessariis ad salu-
tem? vt sunt decem decalogi præcepta Ecclesiæque, ad quæ erat
obligatus, & articuli fidei.

An de emendatione vitæ, de consequenda æterna salute, vel
Dei misericordia, & peccatorum remissione aliquando despe-
rauerit?

An impediuerit verbo vel opere profectum spiritualem proximi, dissuadendo vel simili ratione impediendo ingressum in Religionem, aut alia bona opera.

CIRCA II. PRÆCEPTVM.

Notari debet ad huius præcepti cognitionem, quòd iurare est Deum in testem eius quod dicimus vocare. Vocatur autem Deus in testem duobus modis: vno modo expressè, vt quando quis per Deum iurat; altero modo tacitè, vt cum iurat quis per Sanctos, per crucem, per animam suam, vel per aliam creaturam, quatenus in ea relucet diuina bonitas: non tamen iuramentum est dicere, Verè, certissimè, in veritate.

An mendacium aliquod, etiam officiosum, iuramento firmauerit, aut id de quo dubitabat an esset verum?

An iurarit deliberatè se aliquod peccatum mortale patraturum, & quale peccatum?

An iurarit aduertenter absque animo adimplendi?

An violauerit aduertenter suum iuramentum, quod seruare tenebatur? quale non est quando quis iurat se aliquid mali facturum; tunc enim seruari iuramentum sine peccato non potest.

An causam dederit alicui vt falsum iuraret, vel non obseruaret iuramentum licitum; & an id fuerit cum aliquo damno alterius?

An nimis præcipitanter iurauerit, maximè ex consuetudine, non discutiendo verumne esset aut falsum quod iurabat? quamdiu hæc consuetudo durarit, & an duret adhuc?

An diabolum inuocauerit, aut eius auxilium implorarit, deliberatè & ex animo, cum intentione vt ab illo iuuaretur?

An iurando sibi imprecatus sit grauiam mala, vt malam mortem, damnationem, &c. & quoties hoc contra veritatem, vel dubitans?

An in iudicio iurarit falsum, vel iuridicè interrogatus non responderit veritatem ad intentionem iudicis. An hoc aliis suaserit? In quo casu non solum est peccatum mortale, sed etiam onus incurritur reparandi damnum & iniuriam illatam proximo.

An dixerit aliquam blasphemiam. Est autem blasphemia dicere contra Deum vel Sanctos aliquid contumeliosè: vt quando quis Deo vel Sanctis maledicit; vel asserit Deum esse iniustum, vel non curare humana; aut cum quis indignatus Christi & Sanctorum membra contumeliosè nominat. Possunt autem hæc solo corde committi, vt, exempli causa, optando, Vtinam Deus mea peccata nesciret, non esset iustus, &c.

An

An vouerit aliquid Deo absque animo adimplendi?

An votum legitimè factum violauerit aduertenter?

An promissa, maximè iuramento firmata, deliberatè violauerit?

An Scripturam sacram facetiis applicarit, maximè si crebrò & ad turpia?

CIRCA III. PRÆCEPTVM.

An festos dies violauerit, seruilia in eis opera exercendo vel præcipiendo, consulendo, aut consentiendo, idque per multum temporis, sine necessitate? Seruilia autem opera vocantur quæ ad artes mechanicas pertinent. Si non audiuit Sacrum diebus festis, vel notabilem partem omisit, sine legitima excusatione, & an causam aliis dederit idem faciendi. Notabilem Sacri partem omittit, qui omittit vsque ad Euangelium, vel qui ante communionem recedit.

An in festis per notabilem partem Missæ distractus fuerit siue fabulando, siue profana legendo, siue aliis se exterius occupando, exteriorem saltem attentionem impredientibus.

An curarit sibi subditos diebus festis interesse Sacro? Huc pertinent quæ contra Ecclesiæ præcepta fiunt, vel Sacramenta.

An non confessus sit semel in anno, aut non curarit vt idem facerent omnes suæ curæ commissi.

An iuerit ad confessionem sine aliqua saltem præparatione & examine, vel sine proposito deferendi aliquod peccatum; vel peccatum aliquod mortale sciens in confessione subticuerit ex pudore aliæ causa; & an postea illud peccatum sit confessus in sequenti confessione, prioremque confessionem illam repetierit.

An omiserit communionem tempore Paschatis in propria parochia, postquam ad eam venit ætatem, vt iudicio confessarii communicare iam posset.

An communicarit cum conscientia peccati mortalis, quod nondum erat confessus.

An cum conscientia certa vel dubia peccati mortalis receperit, vel administrarit aliquod aliud Sacramentum Ecclesiæ.

An comederit cibos prohibitos in Quadragesima, vigiliis, & aliis diebus interdictis, etiam si propter ætatem ieiunare non teneretur.

An post completum vigesimum primum annum, ieiunia Ecclesiæ violauerit, sæpius comedendo, licet à cibus vetitis abstinuerit.

An causam dederit aliis violandi ieiunia, veluti suadendo, vel

aliis prohibito tempore cibos veritos ministrando, vel alios cibos, quibus ieiunium soluant, nisi legitima esset causa.

An, cum excommunicatus esset, sciens perceperit Sacramenta, dederitque, aut sacris interfuerit.

An contumelia aliqua vel irreuerentia affecerit imagines, reliquias Sanctorum, aliaque res sacras.

An putet se fecisse aliquid, cui sit annexa excommunicatio.

An obligatus ad recitandum Breuiarium, omiserit recitare siue totum, siue partem eius notabilem, veluti vnius Horæ officium, sine sufficienti excusatione, ex tædio rerum spiritualium.

CIRCA IV. PRÆCEPTVM.

An parentes contempserit, aut verbis & factis contumeliosis offenderit.

An maledixerit patri vel matri, vel in eorum absentia iis detraxerit.

An verbo vel cogitatione illis mortem propter ipsorum bona, aut ob aliam causam, aliudque graue malum sit imprecatus deliberatè.

An eis obmurmurauerit, asperiusque fuerit locutus.

An in re graui vel ex contemptu iussis eorum non obtemperarit.

An in notabili necessitate subuenire illis recusat.

An testamentum parentum defunctorum fuerit executus.

An fuerit paratus propter amorem parentum transgredi præcepta Dei, & peccare mortaliter.

An Superiores suos siue sæculares, siue Ecclesiasticos contempserit, & iustas eorum leges in re notabili violauerit.

An de Superioribus & maioribus suis detraxerit in re graui, aut etiam de Religiosis, sacerdotibus, magistris, doctoribus, &c.

An decimas, vectigalia, & alia quæ illis debentur, retinuerit.

An prædicta deliberatè facere proposuerit, etsi non fecerit.

An, si filios habeat, iis maledixerit, nec eos Christianæ fidei mysteria, Dei præcepta, aliaque scitu necessaria docuerit.

An filios reprehenderit & correxerit, maximè in peccato graui.

An domesticos necessaria scitu docendos curauerit, & peccantes correxerit.

CIRCA

CIRCA V. PRÆCEPTVM.

An aliquem habuerit odio, cum desiderio vindicandi se, & quanto tempore in eo odio & vindictæ cupiditate perseverarit.

An optauerit alicui mortem, vel aliud malum graue, & damnum corporis, famæ, honoris, bonorum tam temporalium, quàm spiritualium, ex malo & deliberato animo.

An fuerit alicui grauitè iratus, cum animo notabiliter ipsi nocendi.

An contendendo cum aliis verberauerit aliquem, vel vulnerauerit, vel occiderit, aut commiserit aliis vt id facerent, vel quod suo nomine ab aliis erat factum approbauerit, vel ad id dederit auxilium, consilium, vel fauorem.

An clericum percusserit. Nota. Qui percutit clericum, etiam primæ tonsuræ, percussione quæ est peccatum mortale, incurrit excommunicationem, dummodo sciret, aut scire deberet, eum quem percutiebat esse clericum, & legem de excommunicatione, proinde circumstantia clerici est exprimenda.

An sibi vel aliis maledixerit serid, & ex animo. Est autem maledicere, malum aliquod sibi vel aliis imprecari: nempe mortem, infamiam, diras, &c. vt si se vel alterum tradat vel commendet diabolo. Est autem maledictio semper peccatum mortale, quando serid profertur.

An litigans cognomina dederit, aut conuicia iecerit cum graui proximi iniuria. Tunc semper iniuria est reparanda, & fama refarcienda, si læsa fuerit.

An eum, quem grauitè offenderat, rogare veniam detrectarit, & cum inimico redire in gratiam recusauerit, vel condonare ei offensam noluerit, aut omiserit alloqui vel salutare suum inimicum cum scandalo.

An defectus corporis aut paupertatis alicui exprobrarit, aut verbis, aut cachinnis, vel signo aliquo alios turpiter irriserit. quod peccatum tanto est grauius, quanto maior debetur reuerentia iis qui ridentur, & eos tenetur sibi reconciliare, & si infamia sit secuta, debet famam refarcire.

An rixas & inimicitias seminauerit, & an inde graue malum sit secutum.

An deliberato animo doluerit de bono aliquo notabili proximi, vel de eius malo lætatus sit. Bonum notabile est sanctitas, fama, scientia, diuitiæ. Inuidere in rebus paruis veniale tantum est.

An blasphemantes, vel alio simili modo grauitè delinquentes

non correxerit, cum spes alicuius emendationis esset, & id facile poterat.

An homicidis & extorribus fauorem aut receptaculum præstiterit.

Huc pertinet peccatum scandali, quo quis ad peccatum mortale prouocat alterum, verbo vel opere aliquo, quod natura sua præbet occasionem ruinæ, & explicandum est ad quam speciem peccati induxerit; vt, Induxi alium ad omittendum Sacrum die festo, aut ad fabulandum per notabilem partem Sacri, ad non ieiunandum cum teneretur, ad furandum, &c. De quo si (præter ea quæ singulis præceptis) occurrat aliquid, poterit illud huc reuocare.

CIRCA VI. ET IX. PRÆCEPTVM.

An turpes cogitationes habuerit, in quibus voluntariè sit delectatus, etsi opere perpetrare noluerit id quod cogitabat. Est enim peccatum mortale.

An cum desiderio perficiendi operis, tales cogitationes habuerit, & an obiectum cogitationis fuerit virgo, soluta, coniugata, Religiosa, &c.

An turpia & obscena locutus fuerit animo lasciuo, vel libenter audierit. & an turpes cantilenas cecinerit animo lasciuo, maxime alijs præsentibus.

An libros impudicos legerit animo lasciuo, vel ex sola curiositate cum probabili periculo delectationis morosæ, vel consensus. & an adhuc tales libros habeat.

An inhonestas choreas duxerit cum probabili peccati periculo.

An aliquam personam aspexerit cum periculo probabili consentiendi peccato.

An probabili peccandi periculo se exposuerit, loca quædam pecculosa adeundo, vel cum certis personis conuersando.

An conatus sit verbis vel aliquo facto suo pellicere aliquam personam ad res turpes. Hic personæ circumstantia est exprimenda.

An lasciuo animo turpia oscula & alios contactus impudicos habuerit, vel se turpiter contingi permiserit, vel an seipsum voluntariè polluerit, & quid tunc cogitabat. Est enim species cogitationis exprimenda.

An nocturnas vel diurnas pollutiones procurarit, vel experietus se oblectarit in pollutionibus, vel turpibus somniis.

An ipsum peccatum carnis opere expleuerit. Explicetur species peccati;

peccati; quales sunt fornicatio, adulterium, stuprum, incestus, sacrilegium, & vitium contra naturam.

CIRCA VII. ET X. PRÆCEPTVM.

An aliquid furto sustulerit. Explicet speciem peccati. & an rem sacram in loci sacri tutela. Exprimat quoque quantitatem, quando notabilis summa est.

An invito domino rem alienam alicuius momenti retineat adhuc absque animo restituendi.

An inuenta notabilis valoris non restituerit domino, si cum adhibita diligentia poterat rescire.

An aliorum hortis, agris, vel similibus bonis notabile damnum intulerit.

An ex eo quod debita suis creditoribus non soluerit, cum alioqui posset, aliquod damnum incurrerint.

An in emptione vel venditione fraudem fecerit, cum notabili proximi damno; vel res furtivas, aut quas dubitabat esse alienas, emerit vel vendiderit.

An mercedem famulis, subditis, vel operariis subtraxerit, aut ministerium ad quod conductus fuerat fideliter præstiterit.

An ratione mutui vel anticipatæ solutionis aliquid acceperit: & est usura.

An pro Beneficio Ecclesiastico obtinendo pecuniam vel rem pecunia æstimabilem dederit, vel alius quispiam eius nomine; & est simonia, collatio nulla, & fructus omnes sunt restituendi.

An plura Beneficia habeat: quàm multa & quamdiu?

An desiderauerit accumulare opes per fas & nefas; aut habuerit voluntatem determinatam accipiendi, si posset, rem alienam.

An pecunias sibi à parentibus ad victum collatas, in lusus consumpserit, vel in conuiuia immoderata, aut aliis modis profuderit.

An ex parentum bonis quidpiam notabile acceperit contra ipsorum voluntatem: & est ipsis restitutio facienda; secus, si constaret de ipsorum voluntate.

An litem aliquam contra iustitiam mouerit, vel mendaciter aut fraudulentè in ea obtinenda processerit.

An luserit ludis vetitis, vel ludendo fraudem fecerit, cum notabili proximi detrimento.

An lucratus sit notabilem summam in lufibus, etiam sine fraude, ab iis qui pecunias exponere non poterant, vt sunt filii familias, &c. vel, an fuerit causa vt aliquis bona parentum dissiparet.

An iniuste lucrum alterius impedierit, aut consilium vel auxilium

lium præstiterit ad iniuste nocendum proximo.

An furantem non impediuerit cum posset.

An aliquid ex dictis deliberatè concupierit.

CIRCA VIII. PRÆCEPTVM.

An alicuius famæ detraxerit, graue aliquod crimen, vel ignominiosum quidpiam alicui falsò imponendo. & tenetur retractare coram eis, quibus præsentibus famam alterius læsit.

An peccatum graue alicuius, verum quidem, sed occultum, alijs manifestauerit, mala intentione, vel cum graui famæ detrimento. quo etiam casu famam refarcire tenetur.

An dicta vel facta alicuius sine vllis aut ex leuibus coniecturis in malam partem acceperit, certò & definitiuè apud se statuendo illum peccasse mortaliter. Est enim hoc temerarium iudicium, & peccatum mortale: si autem tantum fuerit suspicio, vt cum quis de alterius bonitate ex leuibus indicijs dubitat, solum est veniale.

An detractoribus aures accommodauerit, ex odio illius cuius famæ detrahebatur. vel si detrahentes cum notabili proximi detrimento non prohibuit, cum faciliè prohibere posset.

An perniciofa mendacia protulerit in notabile detrimentum alterius.

An præceptores, scholas, conuictum apud parentes diffamauerit, falsas ad eos litteras scribendo. & tenetur ad restitutionem retractando serid, nisi certò sciat parentes ei non credidisse.

An secretum sibi commissum, maximè si sponderit se taciturnum, alijs reuelarit, & an inde aliquod detrimentum proximi secutum sit.

An litteras alicuius cum damno aliquo, vel saltè periculo aperuerit.

CIRCA GVLAM.

An se aliquando spontè inebriauerit, & an intemperantiùs comederit, aut biberit, cum notabili detrimento sanitatis.

An alios datà operà ad ebrietatem induxerit.

Qui officium aliquod administrant, examinantur se etiam de peccatis, quæ in tali officio vel statu solent committi.

Interrogatorium breuius, in carmen redactum habet P. Polancus in Appendice Directorii.

Oratio post confessionem.

Misericordias tuas, Domine, in aeternum cantabo, qui me to- Psal. 88.
 ties sanguine tuo lauisti; & lacrymarum tuarum fonte,
 quas tuam Maiestatem fundere pro me, eheu! siccis oculis intueor.
 O bonitas infinita, quanti facis adulteram, pro qua reliqueras do-
 mum tuam, & dimiseras hereditatem tuam, & dederas dilectam
 animam tuam in manus inimicorum eius, & facta tibi erat he-
 reditas tua quasi leo in silua, & fornicata fuerat anima mea cum
 amatoribus multis; sed respexisti terram, & fecisti eam tremere,
 & longè errantem & diu expectatam non proiecisti à facie tua,
 sed omnia peccata mea post tergum tuum? Ah! Domine, confirma
 hoc quod operatus es in me, & miserere mei, ne fiant nouissima pe-
 iora prioribus, postquam ad amplexus tuos suauissimos, per ve-
 niam peccatorum dedisti peruenire. Ardeat in me amor tui, ne per
 temporem principatum meum accipiat alter, si in terra sanctorum
 iniqua geram. Eia, bone Iesu, quomodo tepidus esse possum, cum tu
 langueas amore mei, pares gaudia aeterna pro labore momenta-
 neo? Quid tibi in iudicio dicam ostendenti vulnera & labores,
 Domino meo seruus nequam, si nunc contempsero sequi te & San-
 ctos tuos, qui post labores nunc letantur sicut victores rapti præ-
 dâ, & in messe messores? crescebant illi quotidie, & ego in deterio-
 ra prolabor, tepidus in amore tuo, distractus in precibus, affectu
 vagus, quia te, ô Deus meus & omnia, dereliqui, fontem vitæ, &
 quæsiui toto corde aquas putidas creaturarum. Doleo, doleo, & de-
 testor hæc, & offensas præterita vitæ meæ. O amator hominum, do-
 leo quia te offendi, quia bonus es, non ob infernum aut celestium
 gaudiorum detrimentum. Vtinam ita hoc sentirem, vt sentiuntur
 incommoda corporis, perditio liberorum, opum, &c. & tamen
 qui te perdit, omnia perdit, calum, Sanctorum præsidium, amici-
 tiam tuam, omnia bona opera. Tu autem Domine bonorum no-
 strorum non egres, sed beatè me viuere hic & aeternum cupis, animo
 tranquillo & tibi coniuncto. Video Domine, & confundor, ac tum
 magis, dum ob vanam gloriam, pecuniæ amorem, tanta video fieri,
 quod-

quodq; amor tuus tantum me impellere nequeat: sed iterum rogo, parce Domine, parce Domine, propter merita & sanguinem Filij tui, quæ offero diuinæ Maieſtati tuæ, & in vnione meritorum eius omnia mea ad ſeruiendum tibi. Illis omnino, & gratiâ tuâ confido in nouitate vitæ ambulare. Adeſte Angeli, ſancti patroni mei, vt quæ in conſpectu Sanctiſſimæ Trinitatis, & veſtro propono, diuinæ gratiæ innixus perficere valeam. Amen.

*Quæ agenda poſt confeſſionem generalem
peractam.*

Primò vide, quomodo iam multa cum moleſtia in gratiam cum prodigo redieris, & gratias age ex toto corde, atque imitare Magdalenam, exemploque eius quidquid vanitati hactenus in corpore tuo ſeruiuit, ſtatue Deo dedicare, &c.

Ioa. 8.

Secundò, cogita tibi dictum illud eſſe: Ecce ſanus factus es, iam amplius noli peccare, & coram Deo, & Sanctis eius, vt teſtibus, iterum contritionem excita, & præſtare coram eis, quòd in æternum non declinabis à mandatis Dei tui.

Eccleſ. 3.

Tertiò conſidera, quæ ſint tibi inclinationes præuæ, & præcipuè occaſiones peccatorum tuorum, eaſque vitandi ſtudium ſcias tibi præcipuum eſſe debere: qui amat enim periculum, peribit in eo. Neque verò contritus videtur, & ad Deum conuerſus, qui ſciens ſe creberrimè tali occaſione lapſum eſſe, & frequèti lapſu debilitatum, iterum ſe eidem periculo committit, v. g. conuerſationi cum diſpari ſexu, cum ebrioſis, &c. Dic mihi, ſi in loco aliquo vigefies grauiffimam bonorum iacturam feciſſes, nonne vitares? Si aliquoties fuiſſes in eodem grauiter vulneratus, nonne diligentiffimè caueres? Si quis ſæpius vitæ diſcrimen adiſſet, & naufragii, & famæ, & bonorum omnium, & ſciens & prudens abſque cauſa eidem periculo exponeret, crederes ei aſſerenti ſe naufragium ſtudioſè vitare velle, an potius temerariè ruere in certum interitum? Ita in animæ periculis cauendis prouidum eſſe omnino conuenit.

Huc pertinet videre quibus vitiis potiffimum obnoxius ſis; habet enim quiſque defectus aliquos, è quibus cæteri ferè manant: & hos eradicare, ac velut fontes obſtruere oportet, idque per examen particulare, de quo infra, & ſtudium ſingulare mortificationis.

Quartò

Quartò considera actiones tuas & occupationes, diligenter: quæ attende, quomodo eas perfectius agere poteris.

Quintò considera, quæ tibi molesta & aspera ab aliis accidere possent, quæque ex vitæ genere tibi obuenire solita sint: & primò accepta ea in satisfactionem peccatorum de manu Domini, deinde aliis etiam modis ad ea fortiter & Christianè ferenda animum præpara.

Exemplum propositorum post confessionem generalem ad vitæ emendationem.

CONsideratis semitis domus meæ, diuinâ misericordiâ statuo: Primò, benè & christianè me mori velle, atque similiter vitam mihi instituendam, cum talis sit futura mors, qualis vita fuerit. Ducem autem in via hac, & animæ negotio eligo N. doctum iuxta ac pium, eiûque illam omnino aperire, eiûque directionem sequi propono, ac de profectu sæpè cum illo conferre, & exposcere, vt amicè & confidenter me moneat. Adiuua me Domine Deus meus, quia tu es Deus fortitudo mea, & refugium meum, & te querere & amare toto corde desidero. Amen.

Secundò, quoad animam eiûque cibum, propono eam sacrosancto Eucharistiæ Sacramento decimo quinto quoque die saltem pascere, octauo verò per pœnitentiæ Sacramentum expiare: nam video manifestè mihi illudum, & vehemèter errasse me; cum dilatione imparatior hætenus euaserim, neque sit vlla excusatio apud Deum ob negotia (vnicum siquidem & grauissimum est salutis meæ,) & erubesco coram te, Domine, dum cogito me plurimis friuolis, ludo & otio, tempus absumpsisse, lucri, &c. occasionem auide arripuisse, & solius animæ curam posthabuisse.

Illam etiam oratione & verbo tuo pascere, coram te, Deus meus, statuo, & quotidie Missam audire, examinare conscientiam, & lectioni piæ quadrantem saltem vnum tribuere. ad hoc enim viuo & creatus sum: & si semper iussus sum orare, quomodo hæc negligere poterò? Inter morbos verò animæ illum N. primum diligenti curâ persanare conabor, per gratiam tuam, quemadmodum facerem si corpore æger forem.

Quod ad corpus, per tuam gratiam nunquam illud tam delicatè nutriam, vt velut seruus molliter nutritus contumax fiat & rebelle diuinæ Maiestati tuæ; sed vt iumētum habebō moderato cibo ac potu, vestitu & recreatione, vt decet statum meum, vtque

que aptum sit obsequio animæ meæ, & tuo inprimis, Deus meus. Sensus, inprimis verò oculos, aures, & linguam sic custodiam gratiâ tuâ, vt portas animæ meæ.

Tertiò, cum reddenda mihi sit de bonis ratio (tua enim sunt omnia, & iussus sum ego dispensator esse fidelis) propono Primò, non auxiliè accumulare, sed moderatè ea curare; tum vt vitam sustentem, tum vt creditoribus satisfaciam, ne clament in cælum vindictam grauiter pressi inopiâ fratres nostri, & filii Dei ad Patrem misericordiarum. Secundò, vt familiam aliam iuxta statum, non vanum mundi iudicium: neque enim opulentior videri cupio, neque alieno illustrior apparere. Tertiò, ad honestam tantum recreationē. quid enim turpius quam opes magno sudore miserorum expressas, & parentum labore partas, quibus mihi cælum parare, & ventres famelicos fratrum meorum pascere possum, prodigere aleæ iactu, &c. Non feram deinceps, vt clamet ad portam frustra pauper, pro vna panis buccella, & ego ludo dilapidem summam quâ multi refici & Deum benedicere possent, & benedictio eorum plurima venire super me.

Quartò, reddenda cum sit familiæ ratio, Primò, non superbè me geram, sed conseruos meos famulos existimabo. Secundò, necessaria eis diligenter curabo. Tertiò, sollicitus ero vt saltem æquè Deo meo seruiant, ac mihi, neque permittam quin singulis saltem mensibus Pœnitentiæ & sanctæ Eucharistiæ accedant Sacramentum: æquum est vt non seruiat quis mihi, qui non seruit tibi, Deus meus. Quod autem attinet ad alios subditos potestati meæ subiectos, scandala amoueri, iustitiam breuiter & rectè administrari curabo.

Quintò, officium quid à me poscat meum, expendi, & video, ô Domine Deus, cò mihi maiorem rectè viuendi necessitatem incumbere, quò plura de manu tua liberali indignus accepi. Deinde multa occurrunt quæ in obsequium tuum, & gloriam nominis tui facere potero, atque hæc coram Maiestate tua decerno N.

Sextò, temporis autem primam mihi rationem habendam esse video, cum pretiosissimum sit, & irrecuperabile: quocirca illud distribui vt animæ prius meæ, vt virtutis ac rationis studio, vt proximo, & muneri suum tribuatur.

Septimò, cum nihil ad probitatem magis valeat quam bonorum conuersatio & societas, tales deligo, quos scio diuinæ Maiestati tuæ fideles famulos, alios verò vitare volo. Vitia enim serpere videmus, neque potest tibi esse gratum, vt nec vlli patri & Principi, si cum eo filius aut subditus tractet aut agat, qui nihil aliud

aliud nititur, quàm suadere, vt parentem perimat filius, cliens Regi rebellis sit. Id enim faciunt mali inuitantes ad peccatum, per quod Christus Dominus iterum crucifigitur, & tibi Deo meo rebellis quis efficitur.

Octauò, vt verò hæc proposita firma sint, statuo Primò, de iis referre Confessario, vel decimo quinto quoque die. Secundò, vt melius ea seruem, mihi indico legem dandi eleëmofynam, nisi hoc N. fecero. Tertiò, si Confessario probetur, ad tempus aliquod voto pœnali me obstringam, donec quod potissimum mihi necessarium est, perficiam. Quartò, quotidie propono hæc manè relegere. Quintò, saltem quothæbdomadis aut mensibus eadem attentè considerare.

*Oratio, pro perseverantia in bonis
propositis.*

Domine Deus meus, Rex regum, & Domine dominantium, confiteor tibi coram curia tua celesti, quòd infidus hæctenus fuerim maiestati tuæ, post innumera accepta à liberali manu tua beneficia, quibus non ad obsequium tuum, sed ad rebellionem usus sum. O Pater misericordiarum, miserere mei: pœnitet enim me vehementer, & velut prodigus supplex venio, & projicio me ad thronum gloriæ tuæ; respice ad opus manuum tuarum. Ecce abrenuncio Satana, & mundo, ac pompis eius, atque hæc NN. statuo coram te, & vitare illas occasiones N. vt lapides offensionis. Scio quòd in die iudicij nihil habebò, quòd excusem: ostendisti enim mihi viam in qua ambulem, & quòd non fecisti omni nationi, iudicia tua & leges manifestasti mihi; & gratiam dedisti vt præstare possem. Et certè si centesimam partem fecissem eorum, quæ pro mundo feci ac toleraui, profectò seruasset legem tuam, & in amicis tuis ac filiis numerarer: iam autem non sum dignus vocari filius tuus; sed fac me sicut vnum de mercenarijs tuis, & cõcede mihi gratiam per sanguinem Christi Iesu, quâ desideria ista complere, tibiq; & Christo filio tuo, ac sanctissimæ Matri illius seruire valeam, & tecum in æternum viuere. Amen.

Luca 15.

IACVLATORIÆ.

- Psal. 118. **I**uravi & statui custodire iudicia iustitia tua.
 Psal. 61. **N**onne Deo subiecta erit anima mea? quoniam ab ipso salutare
 meum.
 Psal. 118. **P**aratus sum, & non sum turbatus, ut custodiam mandata tua.
 Ibid. **C**oncupiuit anima mea desiderare iustificationes tuas in omni tem-
 pore.
 Ibid. **V**iam veritatis elegi: iudicia tua non sum oblitus.
 Ibid. **I**n toto corde meo exquisiui te: ne repellas me à mandatis tuis.
-

CAPVT VII.

De satisfactione, tertia parte pœnitentiæ.

- Exod. 12. **I**ntrare trium dierum Israëlitæ ad montem Dei Oreb
 profecti sunt, ut sacrificarent Domino Deo nostro.
 Tres illæ dies spirituali intellectu, de contritione, con-
 fessione, & satisfactione commodè, ut suprà dixi, acci-
 piuntur. Cùm autem de prioribus dictum sit, superest vt
 Tobia 12. de satisfactione agamus, quæ operibus à Raphaële com-
 mendatis perficitur: Bona, aiebat, est oratio cum ieiunio
 & eleëmofyna. Tria siquidem satisfactionis opera tribus
 mundi malis remedia peropportuna constituta sunt: ieiu-
 nio carnis concupiscentia; eleemosynâ verò, oculorum;
 oratione humilii superbia vitæ persanatur. Mandarat
 Leuit. 6. Dominus vt holocaustum cremaretur in altari, nocte to-
 tâ vsque manè, & vt cineres sacerdos spoliatus vestimen-
 tis sacerdotalibus, & alijs indutus, efferret extra castra,
 & in loco mundissimo alio igne quàm sanctuarij vsque
 ad fauillam consumi faceret. Quid hæc figura adumbra-
 uit? nisi holocaustum tui ipsius, atque omnia peccata to-
 ta huius vitæ nocte, exurenda igne sanctuarij, id est, cha-
 ritatis:

ritatis: quòd si quid manè superfit, te ire debere extra castra, exutâ mortali veste, ibiq; igne purgatorij expiandum, donec infauftæ reliquæ peccatorum penitus consumantur, & reddas nouissimum quadrantem.

Ac primum quidem de ieiunio, & pœnitentia: postea de eleëmofyna: ac demum de oratione, quia longior illius tractatio futura, differendum est.

MEDITATIO

de ieiunio, primo opere satisfactorio.

COMPOSITIO LOCI est, statuere sese coram Christo in cruce felle potato.

ORATIO PRÆPARATORIA, vt suprâ.

PUNCTVM I. Considera te positum in hac valle verè lacrymarum cum parente primo; vt in sudore vultus tui vesceris pane tuo, & cælestem hereditatem obtinere contenderes, atque ascenderes in montem Domini: nullum verò maius esse impedimentū quàm corpus hoc tuum quod corrumpitur, & aggrauat animam; ac proinde illud fræno temperantiæ & disciplinæ refræmandum; ne è præcipiti dei ciat sessorem suum. Secundò, quàm fœdè per illud & gulæ concupiscèntiam prostratus fuerit Adam, cheu! in ipso paradiso deliciarum. Illa, illa nos in miseriarum adduxit pelagus, in quo fluctuamus; è quo enauigare & eluctari vix possumus. Tertiò, vide, & obstupesce quid sapièntissimum Adamum eò adegerit. Scilicet brevis è pomo hauista voluptas. O infelix pomum, in quo omnia mundimala, & æterna continebantur! Edisti, ô Adam, & ecce quàm grauiter obstupescunt adhuc dentes filiorum tuorum! Quartò, attende quemadmodum Eva nostra, id est, caro & hostis noster, nos sollicitet ad imitationem infelicitis parentis; quàm vilia ea quæ

appetit, quæque gula proponit: quanto labore & periculo appetantur, dum non habentur: & tamen quàm breui omnia fastidio sint.

Ecce enim plurimos gula depauperat, & ad indigna cogit. quot, IESV bone, Religiosos, qui aliàs essent futuri columnæ cæli, in terra figit, neque crescere sinit in paradiso cælestis voluptatis, id est, Religione, quia in ea superare se nolunt! Immò non caret certè mysterio Adamum in statu perfectionis positum, vnâ gulâ deturbatum.

*Climachus gra-
du 26.
Cassian.
lib. 4. c. 3.
Greg. in
1. Regum
cap. 2.
Basil. de
abdicat.*

PUNCTVM II. Considera gulæ incommoda: Primò, impedit omnem in spiritu profectum, corpusque spiritui rebelle facit. Nam, teste Climacho, vt apud mūdanos cupiditas est radix omnium malorum: sic apud spirituales ac monachos gulæ concupiscentia. impossibile enim est, vt Cassianus ait, saturum ventrem pugnas interioris hominis experiri. Ex vno etenim gulæ vitio innumera vitiorum agmina producuntur, vt Gregorius ait. Basilius verò vitijs alijs omnibus obnoxios se vidisse respuisse; qui huic sese subdidissent, aut secretò, aut alieno tempore aut loco edendo, tandè excidisse à Religione: vel si māserrint, mancipia diaboli, curiosos, querulos, commodi amantes, obstinatos factos. Secundò, neque tantum spiritui & pietati officit, sed omnes omnino functiones animi præstantiores impedit, & hebescere ingenij aciem cæterasque animi potentias facit. Tertiò, accedit quòd corpus morbis repleat, vitam curtet, multisque afficiat incommodis. Atque ita homo ob voluptatem, quæ, vt Innocentius, spatio loci vix est quatuor digitorum; spatio temporis vix totidem momentorum, vitam hanc tristem & miseram reddit, & in æternæ se vitæ discrimen adducit, vt caro tantillo oblectetur. Meritò proinde exclamat Bernardus: O crudelitas! corpori seruitur, vt anima iuguletur. Adde, vt corpori tribuatur momentanea voluptas, æterna homo subit supplicia; aut saltem sese eorum periculo exponit.

*Innoc. 1.
2. de con-
temptu
mundi,
cap. 17.*

*Bernard
in Apol.*

PUNCTVM

PUNCTUM III. Considera è contrà commoda abstinentiæ. Primum, quòd hostis grauissimus hac dometur; multoquæ magis quàm omnibus alijs corporis exercitationibus, cilicijs, flagellis, humi cubationibus, deprimatur. Nam vt nullo faciliùs ignis quàm subtractione lignorum extinguitur: ita concupiscentia fomesque peccati nullo magis curatur, quàm si vitiorum omnium alimenta per abstinentiam submoueantur. Secundò, contemplare olim eremi cultores omni virtutum genere illustres. Percunctare ex eis quem de ea sensum habuerint, cùm in ea magnam sanctitatis partem posuerint. *Basil. cons. stitut. monast. c. 5. Chrysol.* Basilus certè ait: Ventris moderatio, animi perturbationum cõpressio est. Chrysologus autem, Ieiunium omnium vitiorum mors, & vita virtutum. Tertiò, neque Sancti tantùm; sed & Philosophi, ac prudentiores, plurimi hanc virtutem fecerunt: adeò vt Artaxerxi & Ptolemæo aqua & panis deliciæ fuerint: & à Lacedæmonijs coquus omnis decreto perpetuo proscriptus.

PUNCTUM IV. Considera Primò, quàm sæpè, quàm grauitè gula à Deo punita fuerit: nam præter Adamum, quò Lothum adduxerit ignominia notum est, quò miseriarum Sodomam; quò filios Heli, quò Esau, quò Prophetam illum in Bethel: quanti steterit Israëlitis concupiscentia carnis in deserto; & aliàs iterum, cùm triginta tria millia interfecta sunt. Omitto diuitem Epulonem, immò plurimos quos hæc bellua vorauit, & in æternas ærumnas præcipitauit. Vide igitur quomodo ieiunio maxime, & alijs mortificationum generibus corpus in seruitutem redigere oporteat.

PUNCTUM V. Considera quomodo omnes quotquot fuerunt celebrati in vtroque Testamento viri, ieiunio & mortificationibus corpus domuerint. Moyses ieiunio legem & Dei familiaritatem, vt etiam Elias, impetravit: Niniuitæ eum placarunt. Cogita Secundò, in nouo quàm hoc illustris fuerit Ioannes, quo non surrexit maior: Anna

- 1. Cor. 9.* illa prophetissa. Apostolus Paulus certè de se ait: Castigo corpus meum & in seruitutem redigo, ne fortè, cùm alijs
- Galat. 5.* prædicauero, ipse reprobus efficiar. qui enim Christi sunt, carnem suam crucifixerunt cum vitijs & concupiscentijs suis. Tu coram Deo an ex iis sis vide, an oblectamenta carnis quæras, ijs inhies, & spiritus ac salutis tuæ & aliorum detrimenta, vt carni blandiaris, contemnas. Tertiò, attende ad totius exemplar perfectionis Christum IESVM, esurientem, sitientem, notibus orantem, & in laboribus plurimis à iuuentute sua; postremò aceto & felle in cruce potatum. Extremum illum actum esse voluit, vt temperantiam nos edoceret; & lueret benignissimus IESVS quod primus parens noster, & nos filij eius peccatum gulæ, peccatum omnino grande, coram Domino peccaueramus. O Domine IESV Christe, doce me, quæso per viscera misericordiæ tuæ, vt, quemadmodum medicamenta, sic alimentum sumpturus accedam. Tu sis mea delectatio, tu mea gloriatio, IESV mundi saluatio. cibus meus sit facere voluntatem tuam: absit vt ego, qui tuus esse volo, carnem non crucifigam, sed ei seruiam; ventris sim mancipium, sanguine tuo libertate donatus. da mihi, quæso, in te delectari: da quod iubes, & iube quod vis: iste, aiebat Augustinus seruus tuus, accepisse se fatetur. audiui alium rogantem vt accipiat: aufer à me, inquit, concupiscentias ventris. aufer & à me. quis enim, IESV bone, vincet eam quæ superati sunt fortissimi athletæ; nisi perte, qui es vnica salus & fortitudo mea? Amen.
- Aug. l. 10. Conf. cap. 31.*
- Aug. l. 10. Conf. cap. 29. & 31.*

*Oratio, pro pœnitentia & ieiunij virtute
impetranda.*

Psal. 129. **D**E profundis clamaui ad te Domine, Domine, exaudi vocem meam: veni enim in altitudinem maris, & tempestas demersit

merſit me. Quis verò me liberabit, Deus meus, niſi tu qui conturbas profundum maris, & ſonum fluctuum eius mitigas? ah! quis mihi tribuat lauare cum Propheta tuo per ſingulas noctes lectum meum, & lacrymis meis ſtratum meum rigare, vt eluere poſſim peccata mea, & irriguo duplici ſterilem animam meam ſecundare, vt poſſit aternum luctum, aternaſq; redimere lacrymas? Si enim gehenna pœnas in hoc paruo vitæ ſpatio compenſauero, ſcio quòd tuâ gratiâ eas euadam: neque enim punis bis in idipſum, ſed miſericordia tua ſuper omnia opera tua. verum tamen vis, vt fructus agamus dignos pœnitentiæ bone Ieſu; & in te ipſo exempla nobis dare dignatus es, atque aded ſi quis, vt Apoſtolus tuus ait, tuus eſt, carnem ſuam cruciſigit cum concupiſcentijs ſuis, non tractat mol- Galat. 5.
liter, vt velut ſeruum ſentiat contumacem. Si ergo tuus eſſe nequeo, bone Ieſu, niſi carnem cruciſigam; quid mihi, & illi pernicioſè blandior, & veſtigia tua & Sanctorum tuorum negligo? Ego ne audebo delicatus miles molli ſtrato vti, & indui ſplendide, & epulari? carniq; & curioſitati vix quicquam negare, imò ei curare ſedulo, vnde anima crucietur, ſpiritus extingatur, deuotio intepeſcat, profeſtus retardetur, proximus offendatur, ac nihilominus petere regnum tuum qui non habuiſti vbi caput reclinare; qui & fame cruciatus fuiſti, & felle potatus? verè ſi regnum tuum vim patitur, & violenti rapiunt illud, quomodo in illud penetrabo? ſi mortificanda membra noſtra quæ ſunt ſuper terram, quomodo quæram incentiua vitiorum, & hoſti præbebo manus & auxilia? ſi beati qui lugent, eheu! quomodo felices erunt quibus nihil placet niſi iocus, cibus & ludus? Statuo itaque, benigniſſime Ieſu, pœnitentias cum Sanctis omnibus amare: aut enim ipſe homo in ſe pœnitens punit peccatum ſuum (vt præclare Gregorius) aut hoc Deus meus cum homine vindicans punis. Statuo facere fructus dignos pœnitentiæ, vt gaudium tibi ſit tandem, Deus meus, & Angelis tuis ſuper me peccatore pœnitentiam agente, qui toties contriſtaui Spiritum ſanctum tuum, & malum coram te feci. Difficile ſcio eſt dignos facere, cum dicat Ambroſius ſeruus tuus: Facilius inueni- Ambro. l.
de vn pœ-
nit. c. 10.
qui innocentiam ſeruauerint, quàm qui congruè pœnitentiam e-
gerint. Sed, pater mi, omnia tibi poſſibilia & facilia ſunt, & mihi
erunt

erunt gratiâ tuâ, quam humillimè rogo, vt mihi concedere digneris. Amen.

Praxis ad ieiunium seruandum.

Prima, attendere quemadmodum quis corpus suum foueat, an nutriat illud, vt seruum delicatè, sentiatque eundem contumacem: id verò nonne futurum est, si gulæ quis seruiat, si verita edat, si noxia, si multa, si intempestiue, si delicatè, ardentè corpus nutriatur.

Secunda, abnegationis signa perpendere an ea in te sint: Primum est, timor ne quis rapiatur extra metas necessitatis. Secundum, diligens custodia sui ante cibos, & inter edendum, ne præcurrat voluptas necessitatem, & illa huic præferatur. Tertium, si molestum necessitati parere. Quartum, necessaria admittere condimenta, exquisita reijcere.

Tertia, optima praxis erit statuere sibi mensuram aliquam cibi & potus moderatam. si enim animantibus etiam id fieri consuevit, multò magis homini conuenit, vt ratione potius quàm sensu ducatur. Si quis verò nos trahat sensus voluptatis, cogitandum nos homines esse, Christianos esse, ac liberos, non voluptatis, non carnis mancipia, sed Christi Iesu seruos & filios, ad maiora natos ac vocatos: imò fingere nos iam eâ fruitos fuisse. quòd si enim nobis id persuaserimus, perinde certè erit, vt Bonauentura eleganter ostendit, ac si verè fruii fuissetmus.

*Bonau de
projectu.*

Quarta erit, còdimenta alieno relinquere arbitrio, de nullo queri, imò etiam quæ maximè appetit gula alteri, potissimum pauperi, largiri. Quod quàm Deo ac Domino nostro gratum sit sacrificium, ipse aliquando miraculis declarauit.

Quinta, horam statam seruare, neq; etiam extra tempus facillè quidpiam sumere.

Sexta, non protrahere mensas ad horas, neq; exquisitas parare. turpe certè est sacrificium ab ijs quorum Deus venter est, vt Apostolus loquitur, diutius illi fieri quàm summo Deo: ibi longitudinem laudari, hic etiam breuitatem magno esse fastidio. Inspice quorsum conuiuia producantur, nempe vt diutius seruiatur cupiditati, venter magis distendatur, atque is plura sensim admittat qui respuit subito repleti, vt pretiosissimo tēpore, sumptu, cupedijs & condimentis inuitetur & inducatur ad fastidium, cum breui & paruo illi fames constare possit, vt grauetur anima, corpus oneretur, hominemque homo paulatim exuat. Audite, audite,

te, ait Bernardus, quia esca ventri, & venter escis, Deus autem & hūc & has destruet. aer, terra, mate gulositati vix sufficiunt, propter hoc cōtingit pauperes spoliari, & rapinas fieri, vt fames pauperū transeat in delicias diuitum. Filij hominum vsquequo graui corde, quia pingui corpore, vt quid diligitis vanitatem, & veritatē negligitis? O delicate, qui delicijs & diuitijs circumfusus atque confusus confusionem expectas ad mortem! non est regnum Dei esca & potus, non purpura & byssus, quia diues ille vtroque circumfusus in puncto ad inferna descendit. Quid ad hæc dicitis vos gulosi & luxuriosi, quorum Deus venter est, quorum omnis vsus aut in ventre, aut sub ventre est; qui in luxurijs enutristis corda vestra & corpora vestra? Omitto, pauperes ad portam panem postulare, dum diuites famem student cupidij irritare, pretiosa quærentur, vt illa exciteretur, & perduntur, & si vilia pauperi fuissent proiecta famelico, cibis & annona parata diuiti fuisset in æternum. Cauendum igitur iuxta D. Pauli monitum & exemplum, ne faciamus animam nostram pretiosiores quam nos ipsos. Probabimus hoc, inquit Bernardus, si perdiderimus eam, corporis voluptatibus renunciando, & carnem crucifigendo cum vitijs & concupiscentijs. Quid, ait suos alloquens, hic vos dicitis obseruatores ciborū, morum neglectores? Hippocrates & sequaces eius docent animas saluas facere in hoc mundo, Christus & eius discipuli perdere. Quemnam vos è duobus magistrum sequi eligitis? at manifestum se facit qui sic disputat, Hoc oculis, hoc capiti, &c. nocet. non in Euangelio legistis has differentias, aut in Prophetis, aut in literis Apostolorum. caro & sanguis profectò reuelauit tibi hanc sapientiam, non spiritus Patris. & infra: Putate, quæso, monachum esse, non medicum, nec de complexione iudicandum, sed de professione. Temperat multum voluptatem in Religione pia super mensam lectio; vtinam sæculares, quibus de coquo magna cura, non puderet sic animam pascere, nec pigeret plurimis ferculis corpori præparatis vnum animæ tribuere! Vtilior certè pincerna, qui huic, vnde crescat, firmetur atque ornetur, ministrat, quàm is qui corpori, vnde vt plurimum delicietur & infirmetur.

*Epist. 2. ad
Fulcanem.*

*Serm. 30. in
Cant.*

IACVLATORIE.

- Galat. 9. **Q**ui Christi sunt, carnem suam crucifixerunt cum vitijs & concupiscentijs suis.
- Lucæ 13. Nisi poenitentiam feceritis, omnes similiter peribitis.
- Ioel 2. Conuertimini ad me in toto corde vestro, in ieiunio, fletu, planctu.
- Coloss. 3. Mortificate membra vestra quæ sunt super terram.
- Psal. 43. Propter te mortificamur totâ die, facti sumus sicut oues occisionis.
- Abdiæ 15. Sicut fecisti, sic fiet tibi, retributionem tuam conuerteret in caput tuum.
- Habac. 3. Ingredietur putredo in ossibus meis, & subter me seateat, ut requiescam in die tribulationis.
1. Cor. 9. Castigo corpus meum, & in seruitutem redigo, ne fortè, cum alijs prædicauero, ipse reprobus efficiar.
- Galat. 2. Christo confixus sum cruci, uiuo autem iam non ego, uiuit uerò in me Christus.
- Philip. 3. Configuratus sum morti Christi, si quo modo occurram ad resurrectionem quæ est ex mortuis.
- Galat. ult. De cætero nemo mihi molestus sit, ego enim stigmata Domini nostri Iesu Christi in corpore meo porto.

CAPVT VIII.

*Meditatio de eleēmosyna, secundo opere
satisfactorio.*

*Dei erga
homines
liberali-
tas.*

PVNCTVM I. Considera coram Deo vniuersum, & quæ in eo continentur, & vide, quàm liberalis fuerit Deus, quàm munificus in te, hominem tam ingratum, id-que ultro & sponte, absque merito tuo, & quomodo imiteris. Secundo, vide quid pro his omnibus ex his, quæ illius sunt, sibi non reddi (omnia enim in manu eius) sed præsentari velit; & quàm indignum hoc ei negare. Nihil enim est aliud facere eleēmosynam; quàm Deo id, quod suum

suum est, & in manu eius, illi petenti per pauperem à se missum offerre. Tertiò, Deum perinde facere, ac si puero *Pretiosa* parens plurima daret, deinde, vt videret gratitudinem *dat Deus,* & indolem, exiguum quid peteret: ita enim à diuite petit *vilia re-* per pauperem; pro aureis à se datis areos; pro sericis scruta; *petis.* pro delicijs vilia petit esculenta. Petis, & negantur, eheu! tibi sæpè lacrymosa postulanti voce pauperum, bone *Iesv:* quæ etiam si penetret in cælum, in aures tuas, Domine Deus exercituum, emollire sæpè nequit dura pectora mortalium. Quartò considera, si parens plurimæ bona sua, vt filio suo nuptias illustres conciliaret, dedisset; atque is deinde filij causâ pauper ab eo stipem frustumque panis peteret; nōne durissimum & crudelissimum esset negare? Ita certè fieri, cùm famelico pauperi & eiulanti panis negatur, certum est; quem si egentem non pauisti, occidisti, vt Ambrosius loquitur.

PUNCTUM II. Considera Primò, quid sit, & quàm vile, quod à diuitibus eleëmofynæ nomine datur; terræ frustulum, vilis lacerna, is ferè cibus, quem satur venter fastidiuit; attamen grata hæc pro summa benignitate Deo nostro esse munera; & erubescere hæc ei negare, atque admirare summam Dei tui bonitatem. Reminiscere, ait August. non solùm quid des, sed & quid accipias. Panis quem das, terra est de terra in terram, vt fulciatur terra. *August.* Poterit itaque pauper dicere: Vide ne plus tibi præstem accipiendo, quàm tu dando. Si enim non esset, qui à te acciperet, non erogares terram, & emerces cælum. Contemne me, si nihil petis ab eo qui fecit me & te. Secundò considera, eleëmofynam à nobis fieri perinde esse, ac si *Eleëmo-* in incendio, diluuiò, in dirèptionis summo periculo aliena nostræ fidei essent commissa, & præstanda forent pericula; Dominus verò, & idem nobis integerrimus amicus se offerret, qui hæc rapienda seruare nobis vellet, & augere æternum. Quæ foret infania nolle ei tradere, quod suum est, quodque, vt nostrum possit esse perpetuò, *fyna ser-* *uat nobis* *qua peri-* *tura e-* *rant.*

vult

*Auarus
Deo cre-
dere non
videtur.*

Luca 11.

Luca 12.

Mat. 19.

Leuit. 19.

Leuit. 23.

Deut. 24.

Isaia 59.

Deut. 15.

*Ad mo-
mentum
possidere
vult a-
uarus po-
tius, quã
aternum.*

Matth. 7.

1. Cor. 9.

*Crudelis
sibi est
qui par-
ens in e-
leemosy-
na.*

Galat. 6.

Prou. 19.

Prou. 28.

vult seruare, ne mox eripiat? mors enim omnia citò eri-
piet. Hoc sanè corripitur manifestè avarus; qui omnibus
suos præterquam Domino centuplum promittenti, cre-
dere nummos exoptat. Vide, an hic dici verè possit cre-
dere Euangelio, & veritati eius? quid enim frequentius
commendatur? Date, ait Saluator, eleëmofynam, & om-
nia munda sunt vobis. Et rursus: Vendite quæ possidetis,
& date eleëmofynam. Atque adeò perfectionem in eo
posuit, dicens: Si vis perfectus esse, vade, & vende omnia
quæ habes, & da pauperibus, & habebis thesaurũ magnũ
in cælo. Neque id tantum in nouo Testamento; sed & in
veteri, racemos in vinea pauperi relinquendos, & spicas
in agro, & manipulum oblitum. Denique iussit frangi
esurientipanem, & egenos vagosque induci in domum,
&c. Iterum: Ego præcipio tibi, vt aperiās manum tuam
fratri tuo egeno. Tertiò, quàm brevis omnino hîc sit pos-
sessio; scilicet ad momentum vitæ, & quàm turpe totã vi-
tã de eo sollicitum esse, ac pro tota æternitate numquam
seriò cogitare. Quis enim tãtum opum, honorum ibi sibi
certò acquirere studet, quantum hîc ad momentum per-
mittitur possidere?

PUNCTVM III. Considera immisericordem sibi ipsi
maximè esse in hac vita crudelem. Primò, quia quã men-
surã mensus fuerit, eãdem remetietur ei; & qui parcè, vt
Apostolus, seminat, parcè & metet. Iusto enim iudicio
fit, vt hîc etiam tales experiantur paupertatem, qui eam in
membris Christi subleuare noluerunt. Quot enim potẽ-
tes ære alieno & ludo & fastu patrimonia absumpserunt,
de quibus pauperi arrosam stipem largiri, videbatur illis
esse onus maius, quàm ferre possent? Non irridetur Deus.
Contrà verò fieri plurimã cõstat experienciã, quòd sc̃ene-
ratur Domino, qui miseretur pauperis, & vicissitudinem
suam reddet ei: qui enim dat pauperi, non indigebit; qui
despicit deprecãtem, sustinebit penuriam. Exempla plu-
rima obuia sunt. Fallere enim non potest, qui centuplum
pro-

promisit, quiq; dixit: Honora Dominum de tua substan- *Prou. 3.*
 tia, & de primitijs frugum da pauperibus; & implebuntur
 horrea tua vbertate, & torcularia tua abundabunt vino.
 Verissimum est illud: Alij diuidunt propria, & ditiores
 fiunt: alij rapiunt non sua, & semper in egestate sunt. Ita *3. Reg. 17.*
 patuit in vidua paupere, quæ Eliam pauit, & diues facta *Mendici*
 fuit in communi egestate. Considera Secundò, nos quo- *sumus, &*
 tidie mendicos esse ad portam magni regis; illum verò *mendicos*
 submittere, qui nomine suo à nobis petat. Quid iustius, *audire no-*
 quàm vt qui obturat aurem suam ad clamorem pauperis, *lumus.*
 & ipse clamer, & nō exaudiatur? vnde Augustinus: Quid *Prou. 25.*
 sunt pauperes quibus damus, nisi delatores nostri? Dela- *August.*
 tori enim das; in cælum portat, quod das an excidit tibi?
 Et securius certè deferuntur diuitiæ per manus plurium,
 quàm vnius. Tertiò, attende quomodo Dominus in hac *Luc. 16.*
 vita immisericordes sæpè puniat, vt patet in diuite Epu-
 lone, in Mauritio Imperatore, &c. Quartò, quæ bona ab
 eleëmofyna proueniant. Illa à peccatis liberat, & pro ijs
 satisfacit. Ideo quæ Daniel Nabuchodonosori ait: Consi- *Daniel. 4.*
 lium meum tibi placeat: peccata tua eleëmofynis redime.
 Quoniam eleëmofyna à morte liberat, ipsa est quæ pur- *Tobia 12.*
 gat peccata, & facit inuenire misericordiam, & vitam æ-
 ternam. Illa fidem impetrauit Cornelio: illa denique gra- *Act. 10.*
 tiam conseruat. Eleëmofyna enim viri quasi sacculus cum *Eccl. 17.*
 ipso, & gratiam hominis quasi pupillam conseruabit su- *Eleëmofy-*
 per scutum potentis, & super lanceã aduersus inimicum *na regno.*
 tuum pugnabit. Attende itaque eleëmofynæ præstan- *utilior.*
 tiam, cuius artem scire teste Chrysost. amplius est, quàm *Chrysost.*
 esse Regem, quàm mortuũ suscitare: per hoc enim Deus *hom. 33.*
 de nobis, per illam nos de Deo bene meremur. Quintò *ad popul.*
 & postremò, considera in iudicij die ferendam senten- *Antioch.*
 tiam: Venite benedicti Patris mei, & possidere regnum:
 esuriui enim, & dedistis mihi manducare; & damnatis: Ite
 maledicti: esuriui enim, & non dedistis mihi manducare,
 &c. O quid optabis tunc fecisse, qui hæc legis? quàm lu-
 gebis,

gebis, si habueris in hac vita, vnde tu & filij tui & cognati luxuriarentur; & non vnde Christus egenus pasceretur!

O R A T I O.

- Matt. 7.** **C**lementissime Deus, qui hanc legem nobis statuisti, vt quā
mensurā mensi fuerimus, remetiatur nobis; da mihi, quaeso,
gratiam tuam ne qui quotidie panem & veniam peccatis meis, ac
Tob. 4. regnum tuum postulo, & exaudiri opto, auert a faciem meam ab
Matt. 9. vilo paupere: vt nec à me auertatur facies tua, qui misericordiam
Osee 6. velle te dixisti, & non sacrificium. Quomodo enim sustinere pos-
sem in iudicio tuo, hoc verbum tuum penetrabilius omni gladio
Matt. 25. ancipiti, Esuriui ego, & tu non dedisti mihi manducare; etiam po-
scis manducare panem perpetuū in regno meo? sitiui, & potum ne-
gasti; & iam vis inebriari ab vbertate domus meae? nudus eram, &
non me texisti; & nunc poscis indui gloriā, ac stolā immortalita-
tis vestiri? in carcere iram, nec me visitaſti; & libertate filiorum
meorū frui exoptas? hospes eram, & nō me collegisti; & iam māſio-
nem perpetuā vindicare tibi audes in regno meo? infirmus erā, &
non me visitaſti; mortuus erā, & non me sepeliuisti; quomodo ergo
Matth. 5. audes vitam aeternam à me flagitare? Nesciebas solos misericordes
misericordiā consecuturos? Verè, Domine, non est quod respondere
potero; arguit me conscientia mea iniquitatis, auaritie & infide-
litis meae. Nōne enim certò scio tua esse omnia, celum & ter-
ram, & omnia, quae in eis continentur; me verò dispensatorem, cui
ratio sit reddenda seuerissima, nisi reddidero tua tibi: si autem
reddidero, mea futura, quae tua sunt in aeternum? Cur ergo quae
tua sunt non reddam tibi? Quid peccasti in me, liberalissime Deus
Psal. 115. meus, quid omni homini infideli & mendaci (Omnis enim homo
mendax) credo & non tibi, qui veritas es? an tanto mei tuiq; odio
feror; vt potiùs nolim esse beatus & felix, quàm reddere tibi quod
tuum est? nolim centuplum habere potiùs, quàm tibi, quod tuum
est, vnum largiri, & hoc ipsum mihi retinere? Eheu! quae cecitas!
nolo in manus pauperis, id est, gazophylacium tuum conferre, vt
seruetur aeternum mihi; & malo infelix homo rapere tibi (quod
tamen

tamen non valeo) & perire mihi; quàm tuo consilio omnia serua-
re, & seruari. Onerant me opes meae, & va dirum pronunciant
mihi, etiam fures insidiantur, nolo tamen comiti dare, & leuari;
furi opto tradere, & rapi. O misericordia, qua de spinis diuitia-
rum colligis uas, de malis aliorum bona, de paupertate opes, in fir-
mitatibus vires, ignominiâ gloriam sempiternam. O charitas in-
finita, Deus meus, da mihi cor latum sicut arena maris, vt tui imi-
tator libens omnibus, maximè aduersarijs, tribuam, & honorem
te, Domine, miserendo pauperi. Quot enim maledicentes tibi, &
idololatrias alis, pascis, & delicijs affluere facis, & solem tuum oriri **Matt. 5.**
super bonos, & malos! nolo deinceps videre, quis sit qui accipiat,
sed pro quo ipse capiat, & cui ego tribuam; nolo parcè seminare, &
parcè metere: sed seminare in benedictione, vt tandem audiam in
illo die dulcissima verba, Venite benedicti Patris mei, & possidete **Matt. 25.**
regnum, quod spero, & humillimè rogo per viscera misericordiae
suae. Amen.

Praxis in eleëmofynis erogandis.

Primò, inspicere rationes, & bona tua; & vide quid in æterna *Vide quid in*
patria, quid hîc possideas. O quàm sæpè flamma, vis, casus au- *calo possi-*
fert bona; quæ si tribuisses pauperi, æterna tibi fuissent, thesau- *deas.*
rumque habuisses in cælo; & argue infidelitatem tuam. inuadere
domum hostis potest, cælum non potest.

Secundò, partire bona tua, & pauperibus certam de omnibus *Assigna*
portionem assigna, eamque humiliter tribue petenti; & nulli *pauperibus*
eleëmofynam nega quoad potes. si pauper, si Religiosus es, argen- *partem bo-*
rumque & aurum non est tibi, pete à Domino vt pauperi tri- *norum.*
buat: si potes, verbis solare, & benigniore vultu, quique com-
miserationem spiret, non indignationem.

Tertiò, non tantum petenti largire, sed vltro eos quære, qui *Vltro quære*
tuas opes in cælestem patriam velut baiuli portent. *pauperes.*

Quartò, filios, & tibi commissos aslueſce eleëmofynis. sic de *A pueris e-*
pientissima Regina Hispaniarum Margareta memoriæ prodi *leëmofynam*
tur, ita suos, quos pepererat ad Christiani orbis solatium & præ- *dilige.*
sidium liberos, instruere solitam, vt illi à teneris vnguiculis suâ
etiam manu tribuerent eleëmofynam.

Conuiuium institue illis quandoque, & ministra. quod so **Luc. 14.**
lenne

*Conuiuium
pauperibus
tribue.
Luca 14.*

lenne est etiam Regibus, & aliquibus familiis in bacchanalibus; ubi illud Euangelium seruatur: Cùm facis conuiuium, noli vocare amicos: sed voca pauperes, debiles, claudos, cæcos; & beatus eris, quia non habent retribuere tibi.

*Primitias
omnium
Deo dica.*

*Hom. 43.
in 1. ad Co-
rinth.*

*Christus sit
heres tuus.
vt tu illius.
Deus asse-
curator est.*

Sextò, optima est praxis de omni lucro diei, nec non artis, industriæ, & contractus Deo primitias dedicare: imò in mercatura Christum socium habere, eiusque negotium gerere, & lucrum pauperibus elargiri. suadet D. Chrysostomus arcam habere, atque in ea eleëmofynam ante orationem seponere.

Septimò, inter heredes etiam Christum scribere; & perpetuò aliquem pauperem Christi nomine perfectè alere, bona est praxis, & vsitata, etsi à paucis.

*Industria
bona.*

Octauò, id quod assicuratori dares, Deo, aut pauperibus tribuere. Sic nobilis mercator Hispali felicissimè negotiatus est: contrà verò cùm Olissipone alius idem facere solitus, naues propè in portu aspiceret, & à pia simul consuetudine descisceret; mox illæ orrà tempestate, & herus omnibus fortunis euersus est.

Nonò, curare, vt pueri petitori pro paupere eleëmofynā assuescant dicere, Deum petere pro foribus stipem; nobisque hanc phrasin facere familiarem, Deo dedi, vel potius reddidi sua. Deus à me petiit, ego restitui. neque erubescas Christianam ac piam phrasin vsurpare, cùm passim leges mundi atque axiomata, loquendi ac scribendi formulas ciuilitatisque tam accuratè videas obseruari.

Alterà.

Decimò, vt autem eleëmofyna duplex sit, possunt persapè (quod non in vno loco fieri noui) illè his, qui confessi, & communionem resecti fuerint; vel in Catechismo rectè institutis attribui.

Tertià.

Vndecimò, quotidie in mensa lancem apponere, quæ Dei appelletur, & de ferculis singulis Domino Iesu in membris suis præcidere, & consecrare; vt in familia nobili fieri scio, in qua etiam sabbato omne lac armenti in honorem Deiparæ egenis distribuitur.

*Tria ser-
uanda in e-
leëmofyna.*

Duodecimò, obserua tria circa eleëmofynam: Primum, praxes huius virtutis tot esse obuias, & plurimas, & amanti faciles; ac sunt humanæ vitæ miseræ. Sunt autem ex duplicis generis, corporis, & animi; quibus leuandis opera misericordiæ spiritualia, & corporalia succurrunt, hisce versibus comprehensa:

Visito, poto, cibo, redimo, tego, colligo, condo.

Consule, castiga, solare, remitte, fer, ora.

Luca 21.

Secundum, affectum & voluntatem attendere Deum magis, quam id, quod datur: quemadmodum in vidua, & in mercede potus aquæ frigidæ demonstratur. Tertium, eleëmofynam fieri debere

debere clam, si potest; eamque esse vtilissimam quæ secretissima est. O quot sunt qui ubiq; nomina sua ponunt in terris, quorum nusquam littera inuenietur in calis; eò quod iam receperint miseri mercedem suam! Quam pauci enim alias fundaciones, aut pia opera faciunt, quam quæ simul etiam concilient famam aut potentia aut pietatis? Saltem oportet vt omnia fiant bono fine ac intentione, non vt hypocritæ: lubenti item animo, prompto, *Math. 6.* hilari & humili In omni dato hilarem fac vultum tuum, ait Sa- *Eccl. 35.* piciens. nam se beneficium accipere putat, non dare, qui nouit, vt oportet, eleemosynam præstare.

IACVLATORIE.

Quamdiu fecisti uni ex minimis meis, mihi fecisti. *Math. 25.*
 Esto pupillis misericors, vs pater, & pro viro matri illorum, & *Eccl. 4.*
 eis tu velut filius Altissimi, filius obediens, & miserebitur tui
 magis quàm mater.

Beatus, qui intelligit super egenum & pauperem: in die mala libera- *Psal. 40.*
 bit eum Dominus.

Qui miserebitur pauperis, beatus erit. *Prou 14.*
 Beneficentia & communionis nolite obliuisci: talibus enim hostijs pro- *Hebr. 13.*
 meretur Deus.

Nihil tam diuinum habet homo, quàm de alijs bene mereri.
 Estote misericordes, sicut Pater vester celestis misericors est.
 Vnicuique mandauit Deus de proximo suo.
 Estote inuicem benigni, donantes inuicem
 Alter alterius onera portate, & sic adimplebitis legem Christi.
 Filioli mei, non diligamus verbo, neque lingua: sed opere & veri- *Galat. 6.*
 tate. *1. Ioan. 3.*

CAPVT IX.

De oratione, tertio opere satisfactorio, & illius
 vsu ac fructu.

Tertium genus bonorum operum, quo etiam Deo sa-
 tisfacimus, est oratio: Deo enim illa suauissimum est
 F in-

incensum, & propitiatorium sacrificium, si ex corde contrito & humiliato proficiscatur; & si, vt S. Chrysostomus, *Chrys. in Psal. 116.* magnum aliquod donum Deo offerre volumus, nihil habemus laudatione maius, nihil laudatione difficilius: neque enim solum animus, sed & corpus patitur, testante Spiritu sancto, frequentem meditationem, carnis esse afflictionem. Omitto, quod eleemosynas aliqui præstare nequeant, aut ieiunia tolerare. Imitare ergo Dauidem, *Eccli. ult.* qui afflictus & humiliatus rugiebat à gemitu cordis sui, & lacrymosâ oratione Dominum placauit. Sanè D. Augustinus pœnitentiales Psalmos, cum morituro sibi ad lectum affigi mandasset, se dignam pronunciauit sententiam; neminem Christianum absque pœnitentia mori oportere. Orationi igitur instare conuertentem se ad Dominum oportet: sapissimè enim ignis concupiscentiæ, inundatio cogitationum, hostium oppugnatio clamare compellit, & leuare corda nostra cum manibus ad illum.

Varij autem sunt orandi modi. Primus, si perfectionem spectes, est contemplatio. Secundus, meditatio, de illa in libro tertio, vbi perfectorum exercitia; de meditatione, verò, secundo, cum proficientium maximè sit, commodius tractatur. Præter hos, alios hîc enumerabimus. Nam Primò, potest quis alienis verbis orare, vt cum Psalmos recitamus, aut alias vocales orationes: gratumque hoc Domino sacrificium est, animæ scilicet & corporis, & vultorum labiorum nostrorum.

1. *Alienorum verborum usurpatio.*

Or. 14.

2. *Proprium verborum ex affectu exultatio.*

Secundò, proprijs ex affectu interiore nascentibus verbis, diuinam maiestatem alloqui: qui modus ex abundantia affectus prouenit. quando enim sicut adipe & pinguedine repletur anima nostra, tunc labijs exultationis Deum laudat os nostrum; & cum lætatum est cor nostrum, tunc exultat lingua nostra. ex abundantia enim cordis os loquitur, & facundos efficit amor atque disertos.

3. *Alienis*

Tertius modus mixtus est, cum alienis verbis quasi pennis

pennis anima eleuatur à terra, & postea per se fertur, suis- *verbis su-*
que se librat. quod fit, quando quis attentè legit & sen- *orum in-*
tim aliquas vocales orationes, & ex affectu suboriente *tersectio.*
ipse pergit sibi formare orationem: ac subinde redit ad
aliam.

Quartò, quando vocali orationi non aliam addimus, *4. Suspi-*
sed tantummodò affectibus & suspirijs feruentioribus *orum in*
in Deum interfecamus eam, crebrò, vel post singula ver- *oratione*
ba, aut certè complura attentè expensa: ita vt quæuis *intersectio.*
corporis respiratio sit ad Deum mentis eleuatio & ad-
spiratio.

Quintus modus est, & compendium totius perfectio- *5. Breuium*
nis, iaculatorijs velut sagittis cælum petere, & se Deo *orationum*
coniungere. Qui enim adhæret Deo, vnus spiritus est *in cælum*
cum Deo. Illis certè cor amantissimi Redemptoris nostri *iacula.*
suauissimè vulneratur. Vulnerasti, ait, sponsa, cor meum *Cant. 4.*
in vno crine colli tui, in vno oculorum tuorum. Vel se-
mel enim oculos in cælum attollere cum ardenti affectu,
efficax oratio est, & tenerrimè afficit Patrem misericor-
diarum. affectus enim fons sit oportet eiusmodi oratio-
num; quales sunt dolor de peccatis, compati Christo, de-
siderium cælestis patriæ, tædium huius vitæ mortalis, tri-
stitia in aduersis, gratitudo magna ob innumera Dei be-
neficia, admiratio operum eius, fiducia in Deum, zelus
honoris eius; sed in primis charitas in Deum accensa, quâ
anima perpetuis ignitisque desiderijs desiderat, vt cer-
uus ad fontes aquarum, haurire aquas in gaudio de fontibus
Saluatoris. Affectuum autem huiusmodi ignis maxi-
mè in meditatione exardescit, vt loquitur Propheta Da-
uid: qui proinde toto die iaculatorijs fouendus est, re-
præsentatâ etiam sibi personâ Christi, vti in meditatione
fuit considerata, vel vt in communione, aut alio exerci-
tio, quo affectus singulariter excitatus fuit. si enim sic om-
nia ad illam referantur, aut Christo offerantur, affe-
ctus excitatus magis fouetur & roboratur, cum in omni

opere renouatur. Perutile tamen est etiam absque affectu illo certas, ex Psalmis potissimum & sacris Literis, habere paratas, & vsurpare, vt eo pacto sæcularium conuersatio, & negotia condiantur spiritali succo, & rerum quas sensibus percipimus species non se tantum, sed Dei nostri gloriam nobis loquantur. Nihil enim vtilius, aut suauius est, quàm istâ arte, vt ita loquar, chymicâ, exterrenis aurum obryzum diuinæ charitatis eruere, & vnum in omnibus quærere ac inuenire Deum, & ijs, quibus velut pedicis mortales illaqueantur, quasi pennis volare, in Deo requiescere, ac in æstu tentationum os nostrum aperire, & attrahere spiritum verum filiorum Dei.

6. Singu-
lorum ver-
borum me-
ditata ex-
pensio.

7. Præ-
ceptorum, vel
Regularum
considera-
tio.

Sextò, orationis Dominicæ vel alterius orationis verba singula meditatè expendere, atque ijs quamdiu sapit insistere, ac deinde ad alia pergere; colloquijs interiectis, quæ in Deum charitas varijsque affectus dictauerint.

Septimò, aut Decalogi mandata singula, aut Ecclesiæ præcepta, aut Regulas sui instituti considerare, quo nimirum pacto eas seruet, & seruare oportuerit, quomodo aduersus eas deliquerit: atque excitatâ contritione, recitare Pater, & Ave, aut Psalmum aliquem, v.g. Miserere, Te Deum. Idem potest fieri circa peccata capitalia, potentias animæ, sensus quinque.

Triplex o-
rationis
vocalis
attentio.
1. Cor. 14.

NOTANDVM I. in oratione vocali triplicem esse attentionem. Prima ac necessaria est ad verba: vt ea debitè, distinctè, intelligenter & integrè proferantur. Secunda, quâ ad sensum animum aduertimus, & oramus spiritu & mente, cibumque quasi mandimus, ac eius saporem degustamus. Tertia est ad Deum, quem oramus, & rem illam, quam impetrare optamus. Quapropter initio orationi finis præstituendus, & quoad fieri potest diuinæ præsentia, ac curia cælestis memoria excitanda.

Quæ præ-
paratio ad
orationem
preliminorè
necessaria.

NOTANDVM II. in hisce modis orandi prolixioribus in principio oportere animum colligere, velut ante meditationem. Secundò, se coram Deo statuere. Tertiò,

tiò , gratiam ad rectè orandum suppliciter flagitare.

NOTANDUM 3. dum sic percurruntur præcepta, & *huius orationem penale opus.* post singula dicitur excitanda contritio, expedire, cum contritione aliquod opus satisfactorium adiungere, aut genua flectendo, aut hoc vel illo situ laborioso, decenti tamen, supplicando. Est & ipsa quidem oratio satisfactoria, quæ subijcienda dicitur; sed & ipsa magis erit, si eiusmodi fuerit, quâ Indulgéntias promereri possimus, quemadmodum in varijs articulis Indulgentiarum meritò concessarum ad honorem S. Caroli Borromæi, tam illustris hoc tempore in Ecclesia orti fideris, inuenies. In illis enim is qui consilio Confessarij paret, aut actum regulæ suæ exercet, aut mortificationis, aut quid simile, remissionem tertiæ partis peccatorum consequitur. Qui conscientiam examinat, aut crucem aut imaginem deuotè salutat, aut se Deo commendat, aut Angelo Custodi, aut sancto Patrono suo, aut initio operis faciet ter signum sanctæ crucis, aut dicet ter, Deus in adiutorium; lucratur decem annos Indulgentiarum. Similiter is qui dolet de peccatis, & confessionis habet propositum. Qui verò recitat Miserere, Credo, aut Te Deum laudamus, ad honorem sanguinis Christi IESU pro nobis effusi, & septies terram osculatus fuerit; lucratur eas Indulgentias, quas obtineret si eo die scalam sanctam ascenderet.

Hæc carptim attingo, vt indicem solùm quantum thesaurum quiuis colligere possit, siue sanus, siue infirmus, si prudens spiritualis mercator existat.

TERTIÆ IMAGINIS

ANNOTATIO.

Ante orationem præpara animam tuam.

Cum A oratio sit cum Deo colloquium, sedulo ad
 ceam te confer, B Deumq, præsentem cogita, nec
 eam (quod hic C mundanus facit) ob vlla D mundi ne-
 gotia differ. Verum omnibus postpositis oraturus E
 conscientiam examina, detestare F peccatum, teterri-
 mum monstrum, cuius caput est pavonis, venter hy-
 dropici, pedes salacis hirci, cauda scorpionis. pavone su-
 perbia vite, hydropisi auaritia, concupiscentia carnis
 petulantis hirci pedibus, scorpionis caudâ peccati ve-
 nenum, & caluariâ stipendium eius mors denotatur. G
 Ieiunium (sub quo omnis mortificatio continetur) &
 Heleemosynam cum oratione coniunge, ductum tui I
 Mai. 30. Angeli Custodis sequere; animumq, K silentio, L soli-
 tudine, piaq, lectione, ut hic Eremita, para: M spem ex-
 cita, N orationemq, qua gladium habet verbi Dei, cor
 accendit, ad vitia superanda animat, ad Dei honorem
 institue, ut O peccata superes, utq, P virtutem à Deo
 impetres. Hæc autem Deo adstat, alata, quia animam à
 terrenis eleuat: armata, quia vinci à malitia nequit;
 sed per crucem & ardua coronam obtinet. Hanc pro-
 stratus ante thronum Dei humiliter flagita, vel ut Q
 reus, aut ut pauper, aut sponsa. Hanc præparationem R
 Moyses præmonstrauit.



Dep

S

is

ca

Du

Adre

cura

tes,

nibu

rope

coll

bea

del

mo

ni

fi

qu

al

m

ca

Pl

le

fa

re

e

i

n

h

*De præparatione ad orationem, maximè
ad meditationem.*

Sapientis monitum est: Ante orationem præpara ani- *Eccli 18.*
mam tuam, & noli esse quasi homo qui tentat Deum: *Præparatio*
is enim eum tentat, qui temere confidit se collectum in *ante orati-*
oratione animum absque præparatione habiturum. *onem ne-*
cessaria.

Duplex autem est præparatio: remota, & propinqua. *Ea duplex:*
Ad remotam pertinet Primò, curas superfluas abijcere: *propinqua*
curæ enim velut spinæ animum in meditatione pun- *& remota.*
gentes, vt D. Bernardus loquitur, ineptum diuinis inspiratio- *Remota est*
nibus efficiunt. Et sanè irreuerentia magna est, illis se tan- *varia.*
topere implicare, vt Deus opt. max. pulsans ad ostium,
colloquiumque nostrum expetere dignatus, quasi iu-
beatur morari, propter vilissimas occupationes. Ideò in
desertum populus Israëliticus, quò Deo sacrificium in *Exod. 3.*
monte offerret, abire iussus est; vt occupationibus terre-
nis expeditus, diuinis aptior fieret. Illi enim soli, vt Cas- *Cassian.*
sianus, purissimis oculis diuinitatem ipsius speculantur, *col. 10. c. 5.*
qui de humilibus ac terrenis operibus, & cogitationibus
ascendentes cum illo secedunt in excelsò solitudinis
monte.

Considera igitur curas tuas, & cum alijs quoad potes *Agenda cū*
eas partire: vti Moyfes consilio soceri sui fecisse legitur. *alijs par-*
Pharao olim operibus lateris & luti, & quæstione pa- *tire.*
learum distingere conabatur electum Dei populum, ne de *Exod. 18.*
sacrificio cogitaret: idem nunc molitur dæmon, sed de-
tectâ fraude eundum est, quò Deus animam, Deumque
etiam ipsa anima sic inuitat; Veni dilecte mi, egrediamur *Cant. 7.*
in agrum, manè surgamus ad vineam.

Secundò, ei qui orare desiderat, planè expedit breui- *Examina*
ter ante orationem discutere conscientiam, & contritio- *conscientiæ.*
nem elicere, Deique alloquium humiliter flagitare. non *Eccli 15.*
enim

enim est speciosa laus in ore peccatoris: & verè, vt Psalmista ait, Iniquitatem si aspexi in corde meo, non exaudiet *Psalm. 65.* Dominus. Sed si cor nostrum non reprehenderit nos, fiduciam habemus ad Deum. Quà enim fiducià supplices manus adhuc sanguine peccatorum plenas, extendet ad Deum Patrem peccator? & inimicus illius, ab illo auxilium, & pretiosa dona sibi postulabit?

Tobia. 12. Tertiò, iuxta id quod Angelus Tobiam docuit, Bona est oratio cum ieiunio & eleëmofyna, proinde iuuerit eam facere seu corporalem, seu spiritualem, v.g. cupiendo proximis orationem suam prodesse, atque illam proprijs diuinæ bonitati offerendo. D. Chrysostomus suadet, vt Christiani arculam habeant domi paratam, in quam oraturi eleëmofynam conijciât. Si etiam mortificationem aliquam, quæ ieiunij nomine continetur, exercueris, orationem longè fructuosiore reddes.

Isaia 30. Quartò, ab inanibus colloquijs lingua refrananda est, & spes in Deum erigenda. In silentio enim & spe, ait Propheta, erit fortitudo vestra. Spes autem & fiducia adeò necessaria est, vt nihil absque illa, cum illa verò omnia *Marci 9.* obtinere possimus. si potes credere, ait Veritas ipsa, omnia possibilia sunt credenti.

Propinqua, finē debitum orationi præfigere. Altera præparatio & proximior est, finem debitum orationi præfigere: qui non est, consolationem quærere, varias pias & doctas considerationes venari, sed Deo honorem exhibere, & virtutem ac sanctitatem acquirere. Vidèdum igitur, quomodo defectus nostros per orationē superare, & cum qui in via virtutis nobis maximè resistit, expugnare possimus. luctatores enim in oratione sumus cum Patriarcha Iacob, vt nobis Dominus benedicat, & neruus femoris concupiscentiæ prauæ emarcescat. Dirigenda autem oratio ad virtutē maximè necessariam, & contra vitium, vt dixi, illud, quod potissimum nos in via Dei impedit. hoc enim velut principe superato, cetera cadent, aut perfacilè vincentur. Non est tamen alia-

rum

rum virtutum exercitium pro re nata negligendum.

At, inquires, quo pacto ex quauis materia elicere poteris auxilia ad propositam mihi virtutem inferendam, aut vitium extirpandum? Respondeo, mox ut affectus aliquis pius prædominatur, ex quauis materia illi consentanea elicere perfacile est, ut P. Puente in Introduct. ad Medit. §. 4.

Huc etiam spectat personam, eiusque affectus assumere, vel rei, vel pauperis, vel denique sponsæ, iuxta affectum quem in se suscitare, vel augere quisque proponit. Idque plurimum iuuare tradidit B. P. Ignatius in libello Exercitiorum.

Verum enim verò ut distractus negotiorum varietate *lunat & Lectio.*
& puluere animus ad se redeat, lectio etiam cum materiæ, tum alicuius alterius libri pij, plurimum conducet. Lectio enim velut ad meditationem & orationem gradus est. Postremò commendata oranti est Saluatoris verbo atque exemplo solitudo: sic quippe Matt. 6. Tu autem *Item Solitudo. Matt. 6.*
cum oraueris, intra in cubiculum tuum, & clauso ostio, ora Patrem tuum.

Denique Angelo duce, coram Domino eiusque curia vniuersa se statuere, instar omnium est, atque ad fructum simul & consolationem maximè opportunum. de quo sic Bernardus: Quid aliud cogitare debet intrans ad orationem, quàm Propheticum illud, Ingrediar locum tabernaculi admirabilis vsque ad domum Dei? omnino siquidem oportet nos orationis tempore curiam intrare cælestem, illam, inquam, curiam, in qua Rex regum stellato sedet solio, circūdante innumerabili & ineffabili beatorum spirituum exercitu. vnde & ipse qui viderat, maiorem numerum non inuenit, Millia, ait, millium ministrabant ei, & decies centena millia assistebant ei. Quanta ergo cum reuerentia, quanto timore, quanta illuc humilitate accedere debet ē palude sua procedens & repens ranuncula vilis, quàm tremebundus, quàm denique hu-

*Maximè
statuere se
corā 1.º eo.
Bernard.
serm. de 4.
mod. orandi.*

Daniel. 7.

milis & sollicitus; & toto intentus animo maiestati glorię in præsentia Angelorum, in concilio iustorum & congregatione assistere poterit miser homuncio? Porro, ait, quamuis vbique sit Deus, in cælo tamen orandus est, ibique orationis tempore cogitandus, &c.

Meditatio de oratione ritè ac reuerenter instituenda.

ORATIO PRÆPARATORIA, vt suprà cap. i.

*Alcantara de med.
c. 8.*

PRÆLVD. I. Est compositio alicuius loci, quâ imagnatio in proposita materia retineatur; quæ in mysterioris est, fingere coram se ea peragi, vel in corde suo (vt potius anima in seipsa quàm extra se sit) iisdem circumstantijs, quibus olim peracta fuere: in alijs alia. Est crebrò (quæ & hîc maximè opportuna) coram Deo omnipotente vnà cum Angelo Custode se sistere.

PRÆLVD. II. Deo humiliter supplicare pro gratia ad benè orandum, id est, opus omnium grauissimum & utilissimum peragendum. quod ante omnem meditationem exigitur.

Ecclesi 12.

PVNCTVM I. Considera hæc verba Sapientis: Ante orationem præpara animam tuam, & noli esse quasi homo qui tentat Deum. Tentat enim Deum, eiusque iram, quam placare venerat, prouocat; qui absque præparatione ad eam se confert, vel negligenter peragit. Itaque ante eam apud te statue, orare, an tentare Deum velis. Si enim hoc opus Dei negligenter facis, quid aliud agis; quàm illius iram prouocare, quam placaturus adueneras?

Secundò considera, quantâ diligentiam, studio, tempore litem tuam apud iudicem instrueres, vt vel à crimine absoluereris, aut terræ frustum acquirereris; sed nōne in oratione coram supremo Iudice, & curia eius, de æterno supplicio, vel præmio causam dicere paras, & omnia

ne-

necessaria impetrare? & forsan qui etiam in ludo vigilans & sedulus es, hîc torpere te reperies.

Considera Tertiò, vnde contingat illa in oratione irreuerentia, & animaduertes Primò, ex eo quòd alia pluris faciamus, & proinde ad ea aspiremus, quasi vtiliora, magis necessaria & iucunda; cùm tamen oratione nihil magis necessarium, nihil vtilius, nihil iucundius sit. Necessitas probatur, quia sine Deo nihil possumus, idque diligentissimè expende. Orando verò gratiam necessariã ad ea quæ facienda sunt facilè impetramus. Quid enim certius & facilius hoc Veritatis verbo: Omnia quæcunq; orãtes petitis, credite, quia accipietis, & eueniẽt vobis? Quẽadmodum autem volenti legere vanum est, vt Psalmista, ante lucem surgere; & quisquis eam impedit, lectionem impedit ceteralq; functiones ad quas lux nobis necessaria est: ita qui in oratione alia ab ea tractat, lumen, vires, ac robur, id est, gratiam tollit sibi: quæ tamen ante omnia ad res agendas necessaria est. Et quo plus de futuris cogitat & anxius est, eo magis præposterã atque stultã diligentia successus retardat, negotijsque obicem ponit. Quanta autem vtilitas ex oratione promanet, hoc vnum arguere potest; quòd per eam homo tum primæ causæ Deo opt. max. coniungatur, atque ita instrumentum illius aptum euadat, tum etiam (quod ad delectationem pertinet) fonti bonorum omnium, vnde liquidam hauriat, cùm voluerit, voluptatem.

PUNCTVM II. Considera irreuerentiam committi, cùm in ipsa oratione, tum verò in accessu ad eandem & recessu.

Committitur autem in accessu, Primò, dilatione: quando absque causa iusta alijs occupationibus ea postponitur: quod perinde est, atque Regem, qui te velit conuenire, imò pulset ad ostium, negligere; neque eum nisi post faciem hominum prolixè auditam, obiter ad breue colloquium admittere; vel, cùm res & causa maxi-

*De negotijs
in oratione
cogitare
nocet ijsdẽ.
Marci 11.*

*Irreuerentia
quomodo
in oratione
committatur.*

mi momenti in manibus est, vbi de bonis, de vita agitur, muscis captandis, & arenis numerandis, tempus impendere. quamque illud indignum factum expende.

Secundò, irreuerentia etiam est, negligere præparationem, non secùs ac si res nihili tractanda foret, cum sit omnium grauissima. vide igitur quam orationi præparationem præmittere solitus sis, quam verò illi qui Regem allocuturi, quam concionator, vel de re aliqua in confesso grauissimo, sententiam dicturi.

Præparatio verò ad orationem maximè necessaria est, Primò, mentem euagationibus vacuam ad orationem adferre, ideoque affectus prauos diligenter mortificare, negotia relinquere, & sancta cum fiducia Deo prorsus omnia tantisper committere. Nullo enim pacto melius illa quis promouebit, quàm ei diligenter supplicando, sine quo nihil possumus, qui que op^{er}atur omnia in omnibus. Secundò, de peccatis, conscientia excussâ, excitare contritionem; scimus enim quia peccatores Deus non audit. quis enim hostis, & Deo nondum reconciliatus post iniurias grauissimas illatas, nisi cum insigni arrogancia ad Deum magna petiturus adibit? Tertiò, eleëmofynâ & ieiunio, silentio & spe ad orationem comparare se oportet. dicit enim Propheta: In silentio & spe erit fortitudo vestra; & Tobia Angelus: Bona est oratio cum ieiunio, & eleëmofyna; Christus verò Dominus: Omnia quecumque orantes petitis, credite, quia accipietis, & euenient vobis. Nec non B. Iacobus magistrum sequens: Si quis autem vestrum indiget sapientia, postulet in fide nihil hæsitans: non enim qui hæsitat æstimare debet quòd aliquid accipiet à Domino. Quartò, lectione aliquâ piâ in solitudine animus seuocandus, atque videndum quod vitium potissimum superare, ad quam virtutem in oratione conueniat collimare; denique quasi cum Angelo in conspectu Dei, & cælestis curiæ tibi comparendum esset, indue personam rei, pauperis, vel sponsæ,

Ioan. 9.

Isaia 30.

Tobia 12.

Marc. 11.

Iacob. 1.

sponsæ. multis id salutare fuisse perspicuum est.

PUNCTUM III. Aspice Primò, Sanctorum atque Angelorum choros, ante Deum tremantes, & quòd millia millium assistant ei; & tu forsan, eheu! miser terræ vermis, & vapor ad modicum parens, rides, & cum Deo locuturus toto cum mundo fabularis, causam tuam acturus reum te facis. Secundò, attende Dei potentiam, qui tribus digitis orbem suspendit, & portat omnia verbo virtutis suæ, quamque indignum hominem minore cum eo sæpè reuerentiâ, quàm cum quouis mortalium loqui. ut rectè omnino dixerit Philosophus: Sic cum Deo loquere, quasi homines audiant; sic cum hominibus, quasi Deus te audiat. *Seneca.*

Oratio pro reuerentia in oratione habenda.

Potentissime Deus, præsentem te hîc & ubique scio, atque infinita esse maiestatis, coram quo tremant vniuersæ potestates, & iubilent omnes filij Dei: quantâ ergo me, qui sum pulvis & cinis, humilitate par esset apparere in conspectu tuo? & quâ gratitudine, qui me de nihilo creasti, redemisti in sanguine Filij tui, & innumeris me beneficijs omnibus diebus vitæ meæ fuisti dignatus? Et tamen, eheu! peccaui super numerum arena maris, neque sum dignus qui veniam in conspectum tuum. Verùm quò ibo à facie tua? veniam potius ad te Patrem misericordiarum, & Deum totius consolationis, & dicam: Pater, iam non sum dignus vocari filius tuus, sed fac me sicut vnum de mercenarijs tuis. Scio propter innumera peccata mea, in secreto regalis palatij super me latum iudicium mortis, sed venio, Deus meus, ut placare possim vultum tuum. da mihi, quæso per sanguinem Filij tui, ut oratio mea non fiat mihi in peccatum, & ne projicias vnquam me à facie tua. Agnosco, Domine Deus meus, me nihil posse facere absque te, & omnem spem meam in te colloco, omniaq; tibi committo, ut oratio mea, & omnia mea dirigantur sicut incensum in conspectu tuo, & descendat

Humilia-
tio sui.
Gratiarū
actio.
Contriti-
onis actus.
Confiden-
tiæ actus.
Luc. 15.
Bernard.
serm. 3. de
natali.

Diffiden-
tia sui.

super

Oblatio
sui.

super me misericordia tua; quâ possim illa, quæ à me exigis; maxime orationem, ritè perficere, ad gloriam nominis tui, ac tibi, ex quo, & in quo, & per quem sunt omnia, cõiunctus esse, ô Deus meus & omnia. Absit vt deinceps te ad colloquium inuitantem; & pulsan-tem ad ostium negligam, præ mundi fallacibus negotijs; inquietus sim & præceps, dum rem omnium grauissimam ago & vtilissimam, qui in alijs menses & annos ponere soleo. En venio, vt sincerè tibi offeram cor contritum & humiliatum, quod despicere non soles, certus de promisso tuo, quod petenti tribues, quærenti te offeres, pulsanti aperies, & vincere dabis vitia mea & imperfectiones meas. N. præsertim si ieiunio & eleëmofynæ cõiuncta sit oratio mea. O Domine, qui solus potes facere mundum de immundo conceptum semine, munda cor meum & labia mea, vt exultent cum cantauero tibi, quod in omni æternitate cum sanctis & electis tuis, per tuam gratiam facturum me esse confido. Amen.

Praxis præparationis ad orationem, & collectionis post eam.

PRimò, pridie tempus & negotia distribuenda quoad fieri potest; & in primis orationi & Missæ sacrificio certa hora assignanda. Id mirè ad pacem animi valere & profectum dicebat B. Ignatius.

*Ante som-
num quid
agendum.*

Secundò, ante somnum mens piâ lectione, ac deinde cogitatione & affectu occupanda, imaginando te iuxta crucem, aut coram Deo esse, & SS. Trinitate, vel in loco vbi mysterium proximo die meditandum gestum est. quod ad loci compositionem pertinet.

Tertiò, destinare aliquam eleëmofynam saltem spiritualem, & mortificationem; vt nulla dies abeat quin hæc linea ducta sit. Postridie manè, & quoties orandum, Primò, negotia seponere, Deoque committere, imò verò oratione ea promouere. Secundò, excitare contritionem. Tertiò, finem orationi præponere, & puram renouare intentionem. Quartò, Deum atque Angelum præsentem intueri, magnamque excitare reuerentiam, & veniam cum diuina maiestate loquendi humillimè postulare, ac fidei, spei & charitatis actum elicere cū trina genuflexione, si locus patiatur.

Post orationem, reuerenter ab ea discedere oportet, examina-

re

re defectus admissos, ac de ijs veniam flagitare; & pro beneficijs ac donis Dei gratias agere; pia decreta ac proposita iterare, atque horum deinde memoriam per diem renouare, & occasiones exequendi diligenter obseruare.

Oratio post orationem longiorem aut meditationem.

Domine Deus meus, qui custodis pactum & misericordiam seruis tuis, gratias tibi ago quia dignatus es audire deprecationem meam, exaudi quæso eam propter gloriam nominis tui; & da mihi gratiam (sine qua nihil possumus) vt voluntatem tuam quam cognoui, & defectus meos. N. de quibus vehementer doleo, emendare, ac pia desideria ista. N. perficere possim, vt magnificetur nomen tuum vsque in sempiternum. Suscipe illa, obsecro, & opera mea in vnione meritorum Filij tui, & omnium Sanctorum tuorum: dispone de me vilissima creatura tua secundum beneplacitum tuum; resigno me, & proiicio totum in te, omniaque accepto à paterna manu tua, ac toto corde te diligere, & tibi seruire desidero. Amen.

Aliam longiorem infrà habes.

Nota Primò, id quod dicitur, orationem ad finem certum instituendam, etiam in vocali plurimum valere. sic enim pro varijs necessitatibus Psalmos singulos recitare vtile est, & attentionem conciliat: simile, si singulos Psalmos pro beneficijs singulis Deo offeramus.

Nota Secundò, Angeli Custodis familiaritatem ac præsentiam, *Cultus Angelus Custodis.* tum in oratione frequentandam, tum in alijs nostris operibus; cum eo consultando, & per eum diuinæ maiestati opera nostra offerendo, proximorum animos, quando cum ijs agendum est, per eum præparando.

Nota Tertiò, lectionem piam quotidie statam esse debere: siquidem in ea nobis loquitur Deus. Quid enim aliud est, ait Gregorius, Scriptura sacra nisi quædam epistola omnipotentis Dei ad creaturam suam? quocirca attentè ac reuerenter instituenda est, non præcipitanter, sed quasi auscultando, vt audire possimus quid loquatur Dominus. Idq; vt facere dignetur, ante lectionem propositum faciendum exequendi ea quæ diuina bonitas dignata fuerit inspirare. Post lectionem gratiæ Deo agendæ, ac sententiæ aliquæ in memoriæ thesauro reponendæ, ex consilio D. Thomæ Aquinatis. O quantum is excresceret, si quotidie ei aliquid adijceretur: cuius oportunitatem cum tantam Religiosi quotidie in mensa habeant, felices fuerint si agnoscant bona sua.

Nota Quartò, quòd quâdo ariditas maior est, lectio meditationis

Gregor. lib. 4. ep. 40.
Lectio pia quomodo instituenda.

nis vices supplere potest; præsertim si sententijs vtilioribus instructamus: aut certè huiusmodi lectionem tunc accipiamus, quâ aliquando experti sumus diuinæ gratiæ radiū nobis affulsiſſe.

I A C V L A T O R I Æ,
*quibus orationis factæ pia desideria per diem
renouentur, & ad eam anima præparetur.*

- Pſal. 62.** **D**EUS, Deus meus, ad te de luce vigilo, sitiuit in te anima mea, quàm multipliciter tibi caro mea. Oratio enim fons est animæ sitientis.
- Pſal. 118.** *Adiuua me, & saluus ero; & meditabor in iustificationibus tuis semper.*
- Ibid.** *In iustificationibus tuis meditabor, non obliuiscar sermones tuos.*
- Ibid.** *Quomodo dilexi legem tuam Domine! tota die meditatio mea est.*
- Pſal. 140.** *Dirigatur oratio mea sicut incensum in conspectu tuo.*
- Pſal. 118.** *Iuravi & statui custodire iudicia iustitia tua.*
- Pſal. 39.** *In capite libri scriptum est de me, ut facerem voluntatem tuam: Deus meus volui, & legem tuam in medio cordis mei.*
- Pſal. 118.** *In corde meo abscondi eloquia tua, ut non peccem tibi.*

FINIS LIBRI PRIMI.



LIBER SECVNDVS

V I A

PROFICIENTIVM.

QVARTÆ IMAGINIS

ANNOTATIO.

De tentatione.


Certa bonum certamen, vt bonus
Christi miles.

ET si conuersus sis ad Dominum, & egressus de seruitute peccati, nunquam tamen esto securus. tentatio enim ac militia est vita nostra super terram. quomodo resistes illi? cogita hoc solum, stare te **A** Christum inter, Dominum tuum, & **B** diabolum hostem capitalem, qui te ad peccatum, & æternam perditionem nititur reuocare; inuitat **C** mundi propositâ voluptate, ac **D** vanitate; **E** peccatum illis allicit ad se. verum, ecce, inclamat Christus, clamant vulnera eius, & tormenta, qua salutis tuæ causâ perpeffus est. Attende virtutis præmium, peccati momentaneam voluptatem, pænâsq; sempiternas. vide cui adherere malis: nonne Deo opt. max. abominare igitur hostem fallacem. Aspice, vt **F** filios Israël concupiscentiâ carniū reducere consimili dolo olim voluerit in **G** Aegyptum; quo nunc tendentes in celum aut **H** gulâ, aut **I** auaritiâ retrahere nititur; aut etiam propinquum calo **K** vanâ gloriâ præcipitare. Qui perseuerauerit in finem, saluus erit.

Mat. 10.
& 24.

PRÆ-





P R Æ F A T I O

IN LIBRVM SECVNDVM,

*De progressu, eiusque impedimentis, siue
tentionibus.*

Postquam anima, quæ à fine aberrauerat, & à scopo, id est, Deo opt. max. eiusque sanctissima lege, redijt in viam bonam; similis est filijs Israël, quos in manu forti, & brachio excelsa de Pharaonis iugo, & seruitute Ægyptia Dominus liberauit. Itaque quemadmodum illi non constiterunt in terra captiuitatis suæ; sed duce Moyse progressi sunt versus terram sanctam per desertum, ita & illi facere incumbit. Verum vti Israëlitis accidit persecutione hostili, & asperitate deserti tentari: ita & illa incipiet ad reditum sollicitari. Quid igitur? firmandus animus, & deliberatione seriâ de progressu excitandus, contemptis hostis nostri telis ac robore: Dominus enim pugnat pro nobis; neque permittet, etsi propinqui sint hostes, vt nobis noceant, si boni æmulatores fuerimus; sed nube proteget misericordiae suæ, statuetque eam inter nos, & inimicos nostros; etsi in nocte tentationis terrores ac timores nocturni defuturi non sint.

Exod. 14.

Vt verò modus deliberandi, quo aliquoties

suprà vſi ſumus , quique erit in progreſſu ſæpè vſurpandus , perſpectus ſit, eum hîc paucis ſubijcere viſum eſt ; quem poſtea in modo meditando pluribus videbis explicatum. Quoties enim dubium aliquod incidit in via ſpiritali, in rerum humanarum vſu ; modus ille conſilium explicare poterit, & nutantem firmare, incertumque dirigere.

C A P V T I.

De modo deliberandi.

*Quid ſaciedum
ante deli-
beratio-
nem.*

*Quid in
ipſa deli-
beratio-
ne.*

Primò.

Secundò.

Tertiò.



OBSEVA priusquam deliberationem instituas , vt coram Deo opt. max. te ſiſtas , ab eoq; humiliter ſagites lumen & gratiam, vt eius ſanctiſſimam voluntatem cognoſcas; ſiquidem ille ſolus quid expediat noſcit. Hoc peracto, Primò, rem deliberandam in medium profer; vt de ſtatu, de progreſſu in via virtutis, de multa familia, officio, beneficio, acceptandumne an reiſciendum; & ita de ceteris rebus, an & quomodo, & quando faciendæ, an o nittendæ. Secundò , ante omnia affectum renoua , ita vt in neutram partem quoad fieri poteſt propendeas: quando enim animus velut bilanx in æquilibrio erit, paruo momento huc illucque inflectetur, & aduerte- re ſignificationes diuinæ voluntatis licebit. Expende deinde, propoſito tibi creationis tuæ ſine, vtrum hæc, an illa pars deliberationis, id eſt, vtrum officij acceptatio aut repudiatio, hic aut ille ſtatus , hæc aut illa conuerſatio, ſtudio, exercitatio, progreſſus ad finem propoſitum

con-

consequendum magis conducatur, maiora an minora incommoda habeat; necne. Hoc enim desiderare magis vel minùs debemus, quod ad vitam æternam consequendam, & diuinam voluntatem implendam magis vel minùs conducere potest. sic re & utrâque eius parte appensâ coram Deo, & in luce illius, decernere oportet, atque eam oculis diuinæ maiestatis offerre; ac obseruare inter nos animi motus & quietem, quibus solet Dominus voluntatem suam declarare ijs, qui eam sincero corde & resignato exquirunt. Atque hæc plerumque sufficere possunt pro electione faciendâ, & deliberatione concludendâ. Quemadmodum enim in meditatione sæpè vna atque altera consideratio affectum sic commouet, Dei gratiâ concurrente, vt non sit necesse alia auxilia quærere; ita in electione seu deliberatione, in qua non minùs inspirationes & motus Spiritus sancti obseruandi sunt.

Quòd si tamen suprà dicta puncta non sufficerent, ad voluntatem confirmandam in bono; tum vltteriùs, vt in meditatione, procedere oportet, quemadmodum infrâ latè explicabitur. v.g. dispiciendum tibi quid amico tuo coram Deo suaderes; & quâ similitudine, id quod iudicas melius esse, persuadere nitèreris. sic enim naturâ comparatum est, vt recta ferè consilia alijs demus, ipsi se quiora amplectamur. Perge dehinc vltteriùs; & considera quid in morte velles elegisse, atque ipsum iam scias eligendum esse. similiter animaduerte quo consilio, quando coram tribunali æterni iudicis sistendus eris, vsum te fuisse velles; atque illud multò acriùs stimulabit, si cogites æternitatem, quodque semel elegeris, id esse æternum. Quod enim factum semel, infectum esse nequit. Si autem attendas quid Sancti fecerint, vel facerent in hoc negotio; còsequè inuoces, & quasi in consilium adhibeas, velut stellæ tibi fulgebunt, in tenebris & ancipiti consilio hærenti. Vide similiter, vtra pars consilij maiorem pacem & tranquillitatem & gaudium animi tibi conciliaret. At multò

Quid faciendum si superior deliberandi modus non succedat ex vobis.

Alia considerationes.

Prima.

Secunda.

Tertia.

Quarta.

Quinta.

Sexia.

magis iuuerit, si à Christo Domino magni consilij Angelo humiliter quid vitæ verbisq̃ suaserit, & suaderet, interrogares; os, inquam, Domini, & arcam testamenti, Sapientiam æternam, magistrum & pastorem animarum nostrarum. Et si fortè id quod cōsultius, quia difficilius, minus allicit; ecce, recordatio beneficiorum quibus nos præuenit, & ad sequenda sua sanctissima consilia, & inspirationes inuitat, calcar addant oportet.

*Inuestigā-
da remora.*

Quod si necdum animus verum cernere & amplecti potest, videndum quæ & ubi remora sit; & deprehensâ eâ, optimum elige, ac tandem diuinæ maiestati in holocaustum offer, gratiasq̃ deinde age pro lumine & bona voluntate.

*Qua rati-
one ani-
mus con-
firmandus,
& ad pri-
mū ser-
uicium re-
uocandus.*

Hunc modum expressi in præcipuis piæ vitæ officijs. Primò, vt paradigma foret. Secundò, vt, postquam ea toto reliquo libro prosecutus sum, & conatus voluntatem pro tenuitate mea excitare, eandem illâ quasi alterâ industriâ confirmarem. certum enim est omnes qui aut religiosæ vitæ statum, aut aliquod aliud pium viuendi genus maturo consilio elegerunt, pro humana fragilitate flaccescere; ac tum ad renouationem perutile esse relegere vestigia, & rationes quibus sanctè illud cōsiliū amplexi eramus. Quod enim aded celebratum est in vita religiosa, vt pro spiritus renouatione commendetur; repræsentare sibi diem quo quis egressus est de terra Ægypti, quo spiritu, quibus rationibus impulsus fuerit; idem valet in omni exercitio pietatis deliberatè suscepto. varia autem hîc habes; quibus adspirare diuinam gratiam ad vtilitatem omnium simplex rogo.

Obserua autem in omni deliberatione varijs motibus ac spiritibus animam huc illucq̃ impelli: illos discernere plurimùm expedit, imò necessarium est; vt voluntatem Dei certius exploratam diligentius exsequamur. ideo considerationem de spirituum notis hîc subiectam accipe.

Con-

*Consideratio seu meditatio prima, de notis
spirituum.*

PVNCTVM I. Considera nos velut in via obfita pluri- *Mundi pe-*
mis periculis latronum ac præcipitiorum esse, & du- *ricula.*
ce opus habere: multos verò se specie amici offerre, cum
sint hostes capitales: quàm igitur diligenter obseruandi?
Applica spiritibus varijs, inter quos diabolus transfigu-
rans se in Angelum lucis. Secundò considera, nos peregrini-
nos, & varias ante nos stare vias irremeabiles, quarum
aliæ tutæ, aliæ periculosissimæ: & proinde de ijs diligen-
ter quærendum à peritis, & imprimis Sapientiâ æternâ.
Tertiò, nos velut mare magnum nauigare: & quàm optet
nauta prosperum ventum, vt naufragium euitet; te verò
inter ventos contrarios, malum spiritum & bonum: &
quàm ille in horrenda naufragia abyssi magnæ impellat.
Humiliter ergo roga Dominum, & dic: Vias tuas, Domi- *Psal. 24.*
ne, demonstra mihi, & semitas tuas edoce me, dirige me
in viam rectam propter nomen tuum: da mihi, Domine,
vt spiritu tuo agar, vt filius tuus sim: qui enim spiritum
Christi non habet, non est eius.

PVNCTVM II. Considera, quot fallaciæ & deceptiones *Fallacia.*
sint in orbe, vt patet Primò, in ethnicorum sectis; Secun-
dò, hæresium; Tertiò, malorum vita; Quartò, bonorum
etiam, & spiritualium, quorum non pauci ducuntur vel-
ut per ignes fatuos, in palustria carnalium, vel syrtes.
Gratias itaque age Deo, & diffidentiam excita. Secundò,
in omni etiam minima actione nos aliquo spiritu impel-
li. quare dispice diligenter, vt suauem spiritum Domini
sequaris, & statue datos à Deo duces sequi, id est, Superio-
res, &c.

PVNCTVM III. Confid. demones tot millibus anno- *Demonum*
~~rum~~ exercitatos, & perpetuò vigiles in hoc vno inten- *vigilantia*

Numerus. tos, vt nos superent, & euigila. Secundò, numerum eorum (vt patet in S. Antonij vita) qui in vnum miserum conſpirant homuncionē, & humiliat te. Tertiò considera, *Imbecilli- & u.* timidissimos, & fractos Christi virtute, velut mulieres, vbi viderunt viriles animos, cedere, etiam pueris & virgunculis in nomine Domini pugnantibus. Magnanimitatem hinc disce, & dic cum Propheta; Etiamſi conſistant aduerſum me caſtra, non timebit cor meū. Secundò considera, explorare illum vti militum ducem, ex qua parte arx animæ noſtræ imbecilla ſit; id etiam fac, eamque vicissim munire perge, & excuba. Tertiò, hosti extra muros posito facile reſiſti, non admiſſo: vnde venientes cogitationes in ſemine opprime. Quartò, cum rimari quomodo rectè ingrediatur ſub pelle ouina lupus, obſequendo primò bonis cogitationibus; poſteà vero ad minus bonum, vel etiam malum inuitando, quare ſtatue ſeriò examinare principium, medium, & finem cogitationum tuarum.

Consideratio ſeu meditatio de notis ac diſcretionem ſpirituum.

*Vt malos
turbet da-
mon:*

qui bonos

*Vult late-
re ſugge-
ſtiones.*

PVNCTVM I. Considera dæmonem vt Pharaonem malis carnis, aut honoris, aut opum, aut terrenarum rerū desideria immittere, & ſic irretire. vnde quidquid his affine à diabolo tibi vt venenum proponi ſinge, & reſpue. Secundò, bonos vexare moleſtijs, velut Pharao Iſraëlitas opere lateris & luti: vt profectionem ad terram ſanctam impediatur, cum contrà bonus Angelus agat. Tertiò, triſtitiā & mœrorem, quibus ipſe interno addictus plenus eſt, vt ſimiles ei ſimus, inducere. Quartò, in omni ſuggeſtione cum ſit princeps tenebrarum, nolle vt ſua conſilia pateſcant, quia malus odit lucem, & ad ſimulationem & duplicitatem ſuos excitat. Statue igitur firmiter

seruati casta puella fœdi amatoris technas aperire Patri spirituali. Secundò, dum tenebræ erunt ab illo menti offusæ, noli pergere vel retrocedere in propositis: sed stare, vt facit qui in periculoso & tenebroso loco subito extincto lumine hæret, dum iterum lumen veniat. atque velut in tempestate fige anchora nauem, & ad Deum clama, qui est lux & solatium nostrum.

PUNCTVM II. Considera nihil à dæmone immitti, vel suggeri nisi Deo permittente; vt patet in Iobo, quem diabolus petijt vt tentaret; & S. Petro, quem postulauit vt cribraret; & fiduciam in Deo excita. Secundò, Deum velut imperatorem semper in acie adesse, spectare nos pugnantes, vt S. Antonio contigit, & generosos animos indue. Tertiò, Deum permittere vt concurrant nobiscum hostes, & aliquândo nos quasi relinquere. idq; ob tres causas. Primò, vt appareat virtus & fidelitas seruorum eius in aduersis, & malorum ignauia. vnde Scriptura sacra ideo Iob & Tobiam probatos ait. Secundò, vt torpor nostrer excutiat. Tertiò, vt, cùm superbi sumus, infirmitatem nostram discamus. Hinc explora quare Dominus affligit te, vel affligere solitus sit.

*Nil potest
dæmon nisi
Deo per-
mittente.*

Tobia 12.

PUNCTVM III. Considera Primò, quòd etsi vita nostra tentatio sit super terram, tamen eam multis consolationibus abudare, si boni simus, vt patet in vita Christi Domini, B. Virginis, & Sactorum, &c. Vbi semper tristibus læta permisceri considerabis; cumq; id iudicet sapiëntia & bonitas æterna atque infinita, te illi resigna & committe, atque in nubilo, serenitatis spe te confirma. Secundò, nullâ esse consolationem à Deo nisi quæ trahat ad illum; per fidem intellectum nostrum, per spem & amorem voluntatem nostram: vel ad cælestia; auocando à terrenis animum, eumque lætitiâ sanctâ excitando. vel saltem magnam tranquillitatem ingerat, quam in bona anima turbari mali spiritus signum est, vt pax & quies Dei est ac spiritus boni, maximè si nulla causa præcesserit. Itaque

*Bonorum
consolatio-
nes.*

hanc curare, & omnia animum turbantia eijcere stude. sicut autem qui, dum lux est, postea cariturus luce, prospicit quò eundum; ita etiam facito, & collige æstate in hiemem spiritualement animos, &c. Postremo cogita te inter Deum & diabolum stare, vtrumque pellicere & inuitare, & vide quem audire velis & sequi.

*Oratio seu protestatio sequendi bonum
spiritum.*

Veni, sancte Spiritus, & emitte calitis lucis tuæ radium: veni lumen cordium; surge oriens, & dispelle tenebras meas, ne quando dicat inimicus meus, Præualui aduersus eum. O lux amabilis, quomodo non diligam te potius quàm tenebras meas, quàm principem tenebrarum harum: nisi enim tu illucesceres mihi, paulò minùs in inferno habitaret anima mea: nisi nubem vanitatis dispergeres, numquid rectum iter tenere possem in magno vitæ huius pelago? neque tenere potero, nisi tu spes omnium finium terræ, & in mari longè aperiās te mihi, & viam monstres. Ecce, quot miserās animas syrtes infernæq; charybdes absorbent! Ecce quot erroribus & specie recti decepti ethnici & heretici abeant, eheu! in tenebras exteriores, quia tu lumen iustitiæ non fulsisti eis! mihi autem apparuit humanitas ac benignitas tua, vt abnegando impietatem & secularia desideria, sobriè, iustè & piè tibi viuam, & te sequar, ô vitæ mea, ascendamq; super altitudinē terræ, vt frustra iaciatur rete ante oculos pennatorum. Cùm enim videro meas cogitationes ad terrena, ad caduca inclinare; nōne manifestum erit, quòd sapientia hæc terrena sit, animalis & diabolica: sapientia enim quæ de sursum est, à te, Deus, lux incommutabilis, fons bonorum omnium, vocat nos à terrenis ad celestia, à creatura ad creatorem, à transitorijs ad aterna. In his dilatatur animus, & gustat quàm sis suavis, ô dulcedo ineffabilis: in illis tenebrescit, & amaritudine repletur, nec quiescere potest, quia non est ei quies nisi in te. Dignare ergo, Domine, præcedere omnes actiones meas, fac
vt

Tit. 3.

Prou. 1.

ut omnis cogitatio & operatio à te semper incipiat, & per te semper finiatur; & licet consurgant aduersum me castra, non timeat cor meum. nonne enim certò noui, quia non patieris me tentari supra id quod possum, neque relinques sine testimonio; sed præcedes faciem meam, & ostendes viam in qua ambulem? Quia ad te leuaui animam meam, Deus meus, in te confido, non erubescam: neque irrideant me inimici mei: etenim vniuersi qui sustinent te, non confundentur, sed in sæcula sæculorum laudabunt te, & benedicent nomini tuo in sæculum, & in sæculum sæculi. Amen.

Psal. 26.

Psal. 24.

Praxis in deliberatione adhibenda.

CONsidera semper coram Deo in luce eius, p̃ncipium cogitationum & finem, etsi maximè remotum, atque attende an sis resignatus & pacificus. hoc enim certissimum Dei præsentis signum, quia in pace factus est locus eius. Plurimum certè lucis hauriet, quisquis in cogitationibus, verbis & actionibus finem sæpè scrutabitur, & quantum à pura intentione declinet ceu lucidissimo septentrione ac helice operationum nostrarum Christo IESV Domino nostro.

Psal. 75.

Secundò, consilium aliorum exquire: nemo sibi bonus medicus, nemo consiliarius: & cum moneat Spiritus, ne innitamar prudentiæ nostræ; nisi illi pareamus, sapientium sapientiam reprobandit qui humiles & mites consuevit docere vias suas.

Tertiò, adi Venerabile Sacramentum, atque os Domini consule, Patronosque, maximè Angelum Custodem roga & interroga de via bona.

IACVLATORIÆ

quibus directio sancti Spiritus exquiritur.

Vlas tuas, Domine, demonstramihim, & semitas tuas edoce me? Psal. 24.

Notam fac mihiviam in qua ambulem, quia ad te leuaui animam meam. Psal. 142.

Doce me facere voluntatem tuam, quia Deus meus es tu. Psal. 142.

Actiones nostras, quasumus Domine, adspirando praueni, & adiunando

do prosequere, ut cuncta nostra oratio & operatio à te semper incipiat, & per te cœpta finiatur.

Psal. 90. Cor mundum crea in me, Deus, & spiritum rectum in uisceribus meis.

Psal. 134. Proba me, Deus, & scito cor meum: interroga me, & cognosce semitas meas.

Psal. 118. Deduc me in semitam mandatorum tuorum, quia ipsam volui.

Act. 9. Domine, quid me vis facere?

C A P V T II.

Deliberatio de perfectionis seu quotidiani progressus studio, postquam quis in viam reuersus est.

HOMO. O Sapiencia æterna, Christe IESV, salus mea, dux meus, & dulcissimum refugium meum, posuisti me in via hac qui creasti me, & ostendisti mihi bona plurima, quæ præparasti diligentibus te. & perfectionis veræ studiosus ardet animus, suspirat, & sæpè ingemiscit

Psal. 131. inter viarum discrimina ac diuerticula. Ostende, quæso, bone IESV, viam in qua ambulem, quia ad te leuaui animam meam: doce me in quo perfectio verè consistat, in quo beatitudo huius & futuræ vitæ. Quemadmodum desiderat ceruus ad fontes aquarum, ita anima mea ad te Deus.

Mat. 22. CHRISTVS. Mandatū magnum, & maximū est, Diliges Dominū Deum tuū ex toto corde tuo, ex tota anima tua, ex tota mēte tua, & ex totis viribus tuis; proximū verò, sicut te ipsum. In his præceptis vniuersa lex pendet, & prophetæ.

Rom. 10. Plenitudo enim legis est dilectio. In eo autē dilectio & perfectio apparet, si idem mecum velint homines in

in re omni, idemque nolint. ex quo sequitur, ut semper de me ferè cogitent, loquantur, nihil optent, nisi voluntatem meam fieri, & me, qui sum exemplar omnis perfectionis, imitari. In omnibus tranquillè meæ sese providentiæ committant, omniaque iusta iudicia mea arbitrentur, quæ verè dicuntur iustificata in semetipsa; hinc numquam queruli, numquam tristes, sed semper gaudentes. *Psal. 138.*

HOMO. Sed ardua res est perfectio, laboriosa, & longi temporis; quis ad eam, Domine IESU, pertingere poterit?

CHRISTVS. Fili mi, si paululùm laboraris, sincerè in vera mortificatione & oratione: non quantum filij huius sæculi defudant; sed vel pro sexta parte; certè in perfectorum meorum numero esse poteris. Modicum, aiebat Ecclesiastes meus, laboravi; & inveni mihi multam requiè. Et si strenuè quis, non deflectendo ad dexteram, vel sinistram, perrexerit; spatium breui eum ad perfectionem adducam: sicut in breui, multos etiam pueros & puellas, virgines duodennes ad sinceram charitatis perfectionem promoui. verè enim dicitur de ijs quòd in breui expleuerint tempora multa. vin' eos imitari? *Eccli. 31. Sap. 4.*

HOMO. Doc me facere voluntatem tuam, quia Deus meus est tu. *Psal. 141.*

CHRISTVS. Audi verba mea, quia spiritus & vita sunt. beatus enim eris, si audieris me, & ambulaueris in præceptis meis. ecce metam propositam nosti: omnes enim in stadio curritis, sed vnus accipit brauium; omnes imitatores estis, sed vnus palmam refert; omnes discipuli mei, & vnus lauream euincit. quis verò ille? nisi qui omnia opera sua perfectè facit, se vincit, animo suo imperat. is enim velut in via rectam tenet semitam, alius obliquis vijs vix tandem ad metam pertingit. Tunc amico suaderes cum viam, domum, uxorem, agrum, hortos, cibum, potum bona habere possit, ut deteriora eligat; viam, domum, vestem, omniaque imperfecta relinquat: & vide, precor, an tu non optima & perfecta in omnibus eligas præter animam

mam tuam, omniaque certè te excepto, optima esse velis. Magna hæc insipientia est. si enim animam bonam haberes, omnia bona forent: si verò omnia bona, & anima mala, omnia mala. vti enim me diligentibus omnia in bonum cooperantur: ita verè me non diligentibus, & malis, omnia in malum coöperantur. Et quid quæso est causæ, cur benè habitare, sanus esse, edere, bibere, dormire, ire, loqui, operari, pingere, ludere cùm possis, id nō negligas; cū bene viuere, orare, mihi placere pro nihilo ducas? cuius odio facis? mei, an tui? cuius gratiā? meā, an hostis tui? te consule, te iudicem & arbitrum statue. Cū ad exitum vitæ ventum erit; ô quæ tristitia inuadet te, qui tam somniculosè hoc vnum agis, quod vnum agere debuisti, & diligenter alia omnia? Cū enim tunc percontaberis ex te cur vixeris, vixisse te vix & creuisse deprehendes: posueram tamen te vt semita tua quasi lux splendens cresceret vsque in perfectum diem; & ecce forsitan factæ erunt tua nouissima peiora prioribus; qui, cū primò manum ad aratrum posuisti, gnauus & strenuus eras ac feruens, sed respexisti retro, & auersus es à me. O quàm rara auis est, qui eundem, quem, cū primò vitā cœpit meliore viuere, hauserat spiritum, eundem, inquam, conseruet!

HOMO Ah, Domine, quid in iudicio dicturi sumus, si, quanto diutiùs in perfectionis & virtutis schola fuerimus, Sacramenta frequentauerimus, eo imperfectiores, eo minùs mortificationis, humiliationis, resignationis studiosi deprehensi fuerimus? tunc coram orbe terrarum parebit industria singulorum, confundeturque qui sapiens in oculis suis fuit, & stultus apparebit. O quantum ingemiscet tunc tepidus & otiosus discipulus tuus, quem tot exemplis docueras, vt esset mitis & humilis corde! erubescet enim vehementer coram orbe terrarum, quod te magistrum sequi & ducem contempserit.

CHRISTVS. Latabuntur verò Sancti, qui perfectionem,

nem, id est, beatitudinem, tanto studio hîc sectati fuerunt, ita vt parentes, liberos, animam suam abnegarent, ne declinarent ab eo, quod perfectionis esse iudicabant. semper ad maiorem mei gloriam collimabant, ad id quod magis mihi placeret: imò Tereſia mea etiam voto se obſtrinxerat, facturam se quod perfectius iudicaretur. erant enim veri filij, quorum cibus & omnis delectatio erat facere voluntatem Patris mei & meam. certamen nullum inter eos, nisi de humilitate, abſtinētia, charitate. quàm pulchra lucta! quàm gloriosa victoria! Minimè certè bonus est, qui melior esse non vult; & vbi incipis nolle fieri melior, ibi etiam desinis esse bonus. qui enim mollis est & dissolutus in opere suo, frater est sua opera dissipantis. & nihil magis odit anima mea, quàm tepidas animasque dissolutas, de quibus sic dixi per Apostolum meum, Vtinam frigidus esses aut calidus! sed quia tepidus es, incipiam te euomere ex ore meo. Prou. 18.

HO. M. Certamen verè pacificum, & toti curiæ cælesti iucundissimum: ex eo enim inter illos, & in illis pax summa, lætitia perpetua, & gaudium in Spiritu sancto. currunt siquidem perfecti in via mandatorum, assument pennas vt aquilæ, volant & non deficiunt: numquam enim sine pœna sunt vitia, nunquam sine præmio virtutes: & rerum honestarum pretium in ipsis est. Sicut enim eos, Domine, qui te triduo sustinuerunt, pauiſti in deserto; ite filios Israël mannâ cælesti, quod omne delectamētum n se habebat; ita illos consolatus es, de petra mortificationis exierunt illis aquæ dulcissimæ, & aquæ amaræ per lignū crucis factæ sunt suaues. & meritò, quia obediētes uerunt voci tuæ: dixisti enim: Estote perfecti, sicut pater vester cælestis perfectus est. quod & Apostolus tuus Petrus monuit, Vt & ipsi, inquit, in omni conuersatione sancti sitis; quoniam scriptum est, Sancti eritis, quoniam ego inctus sum. & Iacobus commendat omnibus, vt sint perfecti & integri, in nullo deficientes. Boët. de consol.

CHRIST-

CHRISTVS. Neque enim cùm viderent tot vndique beneficijs se à me præueniri, cessare poterant, quin vicissim quibus possent modis placere mihi summopere laborarent: assiduè hoc in corde versantes, *Psal. 115.* Quid retribuam Domino pro omnibus, quæ retribuit mihi? idque quàm gratum mihi sit, ipse expende. sicut enim si filij regis nihil omitteret quod vetitum esset, regi; molestiam adferret, nisi sub capitis pœna mandatum esset, vno excepto, qui ne minimum quidem mandatum aut nutum præteriret: nonne æquum esset eum plus diligere: ita ratiocinare, & vide cui filiorum similis sis; & quàm turpe sit ob vilem voluptatem perfectionis semitam deferere, id est, felicitatem summam, ac gaudium huius vitæ. non voco enim vos in immunditiam, sed in sanctificationem, vt gustetis & videatis quàm suavis sim ijs, qui me diligunt: quàm magna multitudo dulcedinis meæ, quam præparavi illis. loquantur & narrent vobis Sancti mei, quanta fecerim illis; quàm dulce fuerit illis absynthium mûdi deseruisse, & torrente voluptatis delibare, quo inebriabûntur in domo Patris mei. Verùm non propterea solùm adhærere mihi bonum existimabant, sed charitate pleni & illustrati, videbant quàm iustum esset seruire mihi corde perfecto: & erubescabant, si quando cerneret promptius meliusque dæmoni quàm mihi seruire. O quomodo vrgebat eos charitas mea: requiem non capiebant, fugiebat somnus ab oculis eorum, solliciti ambulabant coram me, vt vni mihi placerent: ibant de virtute in virtutem, crescebat eorum semita quasi lux splendens. verùm cùm omnia fecissent, dicebant, *Luce. 17.* Serui inutiles sumus, quod debuimus facere fecimus; & infinita quæ tibi, Domine Deus, Rex regum debentur, omisimus.

Psal. 138. HOMO. Imperfectum nostrum viderunt oculi tui, perface opus manuum tuarum, & suscipe illud, sicut incensum in conspectu tuo. dignus es enim, vt in nomine tuo omne genu flectatur, vt omnes tibi in sanctitate

Veritate & iustitia ſeruiant omnibus diebꝯ vitæ & peregrinationis ſuæ.

Capita nonnulla exempli gratiâ allata, in quibus deliberationis modus uſui eſſe poteſt.

Pro principibus virtis in republica.

DE Magiſtratu, an aliquis perendus & ſuſcipiendus.
Quomodo Dei hoſtes ad illius obſequium adduci poſſint, & animæ, vel à gentiliſmo, vel hæreſi conuerſi.

Qui ad dignitates vocandi.

Quomodo pietas promouenda, & cultus Dei in ſe & in ſubditis.

Quomodo iuſtitia adminiſtranda.

Qui qualesque conſiliarij adhibendi.

Quomodo pauperes ſubleuandi.

Quomodo inimici conciliandi.

De iniuriarum obliuione.

De debitorum ſolutione.

De familiæ ordinatione.

Pro ijs qui in ſecundis conſiſtunt, ac media fortuna.

An officium aliquod ſuſcipiendum.

An coniugalis ſtatus, an cælibatus eligendus.

An & qualiter præcipuè pietas colenda.

Qualiter familia ordinanda quoad pietatē & neceſſaria.

De liberorum educatione.

De pace cum propinquis ſeruanda.

De litibus fugiendis, & inimicitijs tollendis.

De ſumptuum moderatione & conuiuiorum.

De æmulatione mala extirpanda.

De pauperum ſingulari cura habenda.

Pro alijs.

Quis status eligendus, coniugalis, an Religiosus, & quis,
vel quæ vxor, &c.

Quod genus artis pro vita tuenda eligendum.

Quo pacto pietas colenda, & quoties confessio institu-
enda.

An Sodalitati nomen dandum.

An & quales focij deligendi.

De monitore eligendo.

De eleëmofynarum largitione.

De orationis studio.

De relaxatione animi.

De B. Virginis cultu singulari.

Oratio pro perfectionis studio.

Psal. 54.

ANIMA. Quis dabit mihi pennas sicut columba, & volabo,
& requiescam!

Cant. 2.

CHRISTVS. Surge, propera, amica mea, columba mea, for-
mosa mea, & veni; iam enim hiems transiit, imber abiit & recessit,
flores apparuerunt in terra nostra, tempus putationis aduenit, vox
turturum audita est in terra nostra, ficus protulit grossos suos,
vineæ florentes dederunt odorem suum; surge, amica mea, speciosa
mea, & veni, columba mea, in foraminibus petrae, in cauerna ma-
ceria.

ANIMA. Audiui, dulcissime Iesu, vocem tuam, sonuit illa in au-
ribus cordis mei: postquam abiit hiems peccatorum meorum, &
inuitas me vt sequar te, quem diligit anima mea. Sed indica, que-
so, mihi vbi pascas, vbi cubes in meridie, ne vagari incipiam post
greges sodalium meorum. Te enim solum sequi & imitari opto,
quia salus mea tu es. Quis verd me separabit à charitate tua, à per-
fectionis studio: tribulatio, an angustia, an fames, an sitis, an crea-
tura aliqua? Ascendam in arborem sycomorum, & calcabo mun-
di

di vanitatem cum Zachæo, vt videam te, & expectatio seculorum:
ascendam in palmam, & apprehendam fructus eius, ingrediar Cant. 7.
ad plenitudinem legis dilectionem perfectam. Iesu bone, quàm
paruus mihi erit labor! quàm longa quies! quàm suaue erit sequi
te, Domine! non habet amaritudinem conuersatio tua; sed dulce-
dinem summam imitatio tua. Ecce enim tu pulcher es, dilecte mi, Cant. 1.
& decorus: ostende mihi faciem tuam, in quam desiderant Angeli
prospicere, & sufficit mihi. Sede heu! quid est, Domine, quod deside-
ria mea & perfectionis studium moratur? Ecce, ecce Domine, NN.
impediunt ista me, quo minùs te sequar, quo minùs gustem quàm
suaui sis, quo minùs dulcis sit fructus tuus gutturi meo. Moneat & Bernard.
moueat me saltem secularis cupiditatis exemplum: quem enim epist. 23.
ambitiosum vidimus aliquando contentum adeptis dignitatibus
ad aliam non anhelare: sic & curiosi cuiusque non satiatur oculus
visu, nec auris impletur auditu. Quid eorum qui auaritie ser-
uiunt, aut amatores sunt voluptatum, seu vanas sectantur laudes?
nonne & ipsorum insatiabilia desideria arguunt me negligentia
& tepiditatis? Pudeat certe spiritualium bonorum non minùs cu-
pidos inueniri. Erubescat anima mea conuersa ad te Dominum
meum minori affectu sectari iustitiam, quàm iniquitatem antea
sectaretur. Pudeat negligentius nunc in vitam, quàm priùs in
mortem, & minori studio salutis acquirere, quàm perditionis
augmentum. Nam vt omnes simus inexcusabiles in via vite, quo
citius, eo facilius curritur, & leue tuum onus, quo crescit ampliùs,
portabilius est. Quid respondebo tibi? tantine mihi est miserum
esse, & tot imperfectionibus obnoxium? tanti vanitas vniuersa, vt
perfectus & beatus esse nolim, & tui esse ac tibi adherere? In le-
ctulo meo & voluptate mea quasiui te, & non inueni: surgam &
circuibò ciuitatem per vicos & plateas, queram te quem diligit a-
nima mea. Quasiui te, & non inueni; non inueni requiem meam,
non inueni vbi requiesceret pes meus, non inueni in anima mea in
quo requiesceres. Trahe me, quaeso, post te, & curremus in odorem Cant. 7.
vnguentorum tuorum. Ecce enim profiteor hodie coram te Domi-
ne, qui eripuisti animam meam de morte, & pedes meos à lapsu, Psal. 55.
vt placeam tibi. In æternum non declinabo à mandatis tuis: expo- Cant. 5.

liaui me tunicâ meâ, quomodo induar illâ ? laui pedes meos, quomodo inquinabo illos ? sed ibo de virtute in virtutem, donec videam te Deum decorum in Sion, & habitem in domo tua omnibus diebus vite mea.

Praxis perfectionis acquirenda.

Primò, vide quem gradum virtutis habeas: vt verò id noueris, vel Albertum magnum vel D. Bonauenturam consule; eoquæ cognito, statue tibi metam, seu gradum aliquem, ad quem certo tempore magno conatu contendas, neque requiem capias, aut desideres somnum oculis tuis, donec illum adsecutus sis.

Secundò, præterea vtile erit, Angelo Custodi, aur Patrono dedicare talem conatum, seu tui victoriam, vt sic præsidium eorum impetrare valeas, & vitium eiusmodi extirpare. Ad hoc hortabatur omnes D. Chrysost. hom. 2. in Genes. Obsecro igitur vos omnes, vt vnusquisque, si non antea, iam operam det, vt vitium, quod affectiones suas magis interturbat, ex anima exsecet, & piâ cogitatione, quasi spiritali quodam gladio vtens, seipsum ab affectionibus liberet.

IACVLATORIE.

1. Cor. 9. **S**ic currite, ais Domine, vt comprehendatis. trahe nos post te, & curremus in odorem vnguentorum tuorum.
- Isaïa 2. **Venite, ascendamus ad montem Domini, & ad domum Dei Iacob: & docebit nos vias suas, & ambulabimus in semitis eius.**
- Psal. 76. **Ego dixi, nunc cœpi. Perfice quæso gressus meos in semitis tuis.**
- Psal. 82. **Beatus vir, cuius est auxilium abs te, ascensiones in corde disposuit, in valle lacrymarum, in loco quem posuisti. at quis venire poterit ad te Domine, nisi tu traxeris eum?**

CAPVT III.

De impedimentis progressus in via Dei, peccato veniali, & tentationibus.

Postquam aliquis cum filiis Israël de Ægyptiaca seruitute liberatus est, & ad montem Dei Oreb tendere conatur; infernalis Pharaon nihil non obijcit ac mouet, vt, si omnino à salutis via auertere nequeat peregrinantem in cælum; saltem varijs tentationibus seu velitationibus eius progressum ac cursum retardet. Necessè igitur est, armis esse instructum, modumque nosse pugnandi cum principibus tenebrarum harum: idcirco de peccato veniali, & de tentationum remedijs pluribus agendum est.

Meditatio de peccato veniali.

ORATIO PRÆPARATORIA, vt supra.

COMPOSITIO LOCI, considerare animam, & totum velut lepra opertum imperfectionum coram Deo, & curia illius vniuersa.

ORATIO, vt supra.

PVNCTVM I. Considera vitam aeternam, & quàm multa peccata & defectus admiseris. Primò, circa vitæ tuæ institutum. Secundò, si Religiosus sis, circa vota & Regulas, in mortificatione, in modestia. Tertiò, in oratione & vsu Sacramentorum. Quartò, in operibus tuis etiam ex obedientia factis. Quintò, in conuersatione quotidiana: & contere ex toto corde, & humilia spiritum tuum valdè. nihil enim esse videbis aliud iustitiam tuam, quàm velut pannum menstruata.

*Ephes. 4.**Serm. 7. in
conuers.
S. Pauli.*

PVNCTVM II. Considera grauitatem peccati venialis. Primò, eò, quòd summum Deum offendar, & sanctum Spiritum contristet, adeò vt, si totus mundus posset saluari vno peccato veniali admissò, non esset faciendum. quòd, & heu! toties tam leui causà perpetrasti. Secundò, ex multitudine beneficiorum Dei. Tertiò, ex eo quòd in baptismo, & magis Religione quisque consecratur Deo. Quartò, ex multitudine auxiliorum in ea. vnde Bernardus: Non est magnum, dicis, si in his maneam venialibus minimisque peccatis: hæc est, inquit, dilectissimi, impœnitentia, hæc blasphemia in Spiritum sanctum, blasphemia irremissibilis.

*Hier. epist.
ad Iul.**Eccles. 19.**De ord. vi-
ta ad Fra-
tres.*

PVNCTVM III. Considera quæ damna adferat. Primò, etsi gratiam non adimat, tamen tardat in via virtutum, & molestam facit. Secundò, omnes virtutes obscurat, sponsam Christi animam fœdat, & feruorem minuit. Tertiò, desolatione graui afficit, mœroribus & scrupulis ad plures annos. Sic soror Petri Damiani sedecim annis ob curiositatem afflicta fuit. Quartò, quia consolationis spiritualis incapaces reddit, vt nec sæcularia, nec religiosa gaudia habeat; cum nemo possit hîc implere ventrem & ibimentem. Quintò, quia exponit nos grauib; periculis peccati mortalis; nam, vt Augustinus, timenda ruina multitudinis, si non magnitudinis, secundum illud: Qui spernit modica, paulatim decidet. Vnde & Bernardus, Mēs Deo dicata sic caueat minora vitia, vt maiora. Quid interest enim si fluctu magno an guttis plurimis persentiam mergaris? quibus scilicet vires animæ contabescunt, vt sic in mortalia facile homo labatur. Imò, vt Greg. nonnumquam in parua deterius, quàm in maiori culpa peccatur: maior enim quo citius, quia sic culpa agnoscitur, eo etiam celerius emendatur; minor verò, dum quasi nulla creditur, eo peior est, quo & securius in vsu retentur. Sextò, considera omnia magna ex paruis necessario pendere: sic orator etiam syllabas & interpunctiones obseruat.

seruat. Septimò, sapè apud Deum magna esse quæ nostro iudicio parua sunt, vt in colligente ligna, Num. 5. A- *Iosue 2.*
 cham, Moysè dubitante, Num. 20. Heli, 1. Reg. 3. Anania *Ad. 5.*
 & Saphira, in ijs qui opera misericordiæ omiserunt, Matt.
 26. O anima, ecquid est in orbe tibi tam charum, quod
 ad tanta incommoda te impellat?

PUNCTVM IV. Considera, quanto offendiculò proximo sint & impedimento peccatà venialia. Nam omnem auctoritatem tollunt, et si parua sint, & magnas etiam res impediunt: dum alij mirantur eum qui roues comunicat, confitetur, orat, psallit, & si Religiosus, omnia deseruit, in minutis istis harere, quæ ipsi sepè, et si minus id profiteantur, superant. Et sanè dolendum tanta hominem fecisse, vt Deo frueretur in Religione, & tantilla impedimenta non tollere; tantum fodisse vt aquam inueniret, & iam desistere. Secundò, etiam talis offendit totam communiatem, dum tali vitio prauas inducit consuetudines, quas postea nulla quandoque Prælati industria valet corrigere. Tertiò, vide vt Sancti etiam minima vitarent & castigarint, vt Eusebius apud Theodoretum, &c.

PUNCT. V. Considera, seruile valde esse peccata venialia committere. Hoc enim perinde est, ac si dicas; Illud non est vititū sub pœna capitis, ergo libet & licet offendere: contrà, filiale etiam minima vitare. quod Deo ita grātū, vt talem præferat mille alijs iustis, vt in Antonio, Iob, Abraham patet. Talem enim virum querit Deus, qui interponat se- *Ezech. 22.*
 pem; & stet oppositus cōtra se pro terra ne dissipet eā. Vide ad quanta Deus talē minima vitantem eleuet, vt cōtrà alios tepidos scrupulis & tētationibus castiget. Qui enim nō cooperatur paruæ gratiæ, indignus est maiore; eaq; ob teporē illi negatur. Peccata enim siue parua, siue magna, impunita esse non possunt; quia aut homine pœnitente, aut Deo iudicante plectuntur hīc; vel post hanc vitam igneo flumine expiantur. Age, dic quo pretio viuus exurvelles; nullo, inquis, & tamen quotidie ob vanitatem,

Isaiah 8.

&c. huic periculo te exponis. Vē igitur qui trahitis iniquitatem infuniculis vanitatis, & quali vinculum plaustrum peccatum. Ideoque propone diligentissime examen generale facere, vt puritatem conscientie adipiscaris.

Dialogus in tentatione legendus ex locis Scripturae concinnatus.

HOMO. Conturbant me cogitationes meae, & cum anteā in pace dormirem, & requiescerem; ecce nunc cor meum estu magno, ventis contrariis agitur; nec credere, nec sperare in Deo videor, languidus & torpescens; nil nisi terrena cogito, non placet caelestia meditari, orare non delectat, sed fabulari; tristitia impletur cor meum,

Amos 9. & cantica mea versa in lamentationem. Numquid mare ego sum? si dixero, Consolabitur me lectulus meus, & releuabor loquens mecum in strato meo; terreor per somnia,

Iob 10. & cogitationibus ipsis horrore concutior. quam obrem tædet animam meam vitae meae, parce mihi Domine: nihil enim sunt dies mei.

Iob 7.

Psal. 41.

ANGELVS. Quare tristis est anima tua, & quare conturbas te? Tentatio te apprehendit, & venit super te tribulatio; sed animae quior esto, & scito hoc primum, tentationem esse quam iam pateris.

HOMO. Non existimo equidem; aut certe grauior est quam vt vincere queam.

ANGELVS. Nonne sentis rem in specie bonam tibi proponi à diabolo, & quasi ostendi; (nemo enim intendens, vt dicit Philosophus, ad malum vel minor bona operatur) & hac velut illecebrā ad peccatum te trahi, perturbarique te dicis, anxium esse & inquietum? hoc est tentari, & à concupiscentia tua abstrahi, & allici. En ab Eva tua proponitur tibi pomum: caue per Deum immortalem; latet sub melle venenum, venenum aspidum insanabile. Ægyptia mulier seu caro te inuitat, vt castus Ioseph

*Deut. 32.**Gen. 39.*

seph fuge: aut velut Thamar allicit, aut vt Dalila impo- *Gen. 38.*
 tunitate & frequentia cogitationum fatigat, aut velut A- *Iud. 16.*
 gar rebellat; vigila, & ora, ne intres in tentationem. for- *Gen. 21.*
 san se iungit hosti tuo mundus seu peccator, exemplo &
 verbo prouocans, & vel pie volentem viuere persequi- *2. Tim. 3.*
 tur, vel creaturæ seducit amore: quippe, vt Sapiens, factæ *Sap. 14.*
 sunt in odium & tentationem & muscipulam pedibus
 insipientium. Ergo ad Deum confugas supplex, & ad-
 uerte quid, & quo fine ea proponat, Dei que gratia inni-
 xus, superare hostem poteris.

HOMO. Vix id sperare audeo, quid enim agā? si locutus *Iob 16.*
 fuero, non quiescet dolor meus; & si tacuero, nō recedet
 à me: nunc oppressit me dolor meus, & ad nihilum reda-
 cti sunt omnes artus mei. collegit hostis furorem suum in
 me, & infremuit cōtra me dentibus suis; aperuit super me
 os suum, & exprobrans percussit maxillam meam. con-
 clusit me Deus apud iniquum, & manibus eius me tradi-
 dit. Ego ille quondam opulentus repente contritus sum,
 tenuit ceruicem meam, confregit me, & posuit me sibi
 quasi in signum, circumdedit me lanceis suis, & conuul-
 nerauit lumbos meos; non pepercit, & effudit in terra vi-
 scera mea: terra, ne operias sanguinem meum, neque in-
 ueniat in te locum latendi clamor meus.

ANGELVS. Ecce in cælo testis tuus & conscius tuus in
 excelsis; immò verò tecum est in tribulatione, & à dextris
 tuis ne fortè commouearis. Inuoca, ait, me in die tribu- *Psal. 49.*
 lationis, & eruam te, & honorificabis me.

HOMO. Defecerunt oculi mei suspicientes in cælum *Isaia 38.*
 excelsum, non est qui confoletur me: clamo ad Domi-
 num, & non exaudit; sed sagittæ eius in me sunt, quarum *Iob 6.*
 indignatio ebibit spiritum meum. Quis det vt veniat pe- *Ibid.*
 titio mea? & quod expecto tribuat mihi Deus? quæ est
 enim fortitudo mea vt sustineam? aut, quis finis meus vt
 patienter agam? nec fortitudo lapidum fortitudo mea,
 nec caro mea ænea est. ecce non est auxilium mihi in me;

& necessarij quoq; mei recesserunt à me: semitam meam circumsepfit, & transire non possum, & in calle meo tenebras posuit, destruxit me undique, & perco, & quasi euulsa arbori abstulit spem meam: dereliquerunt me propinqui mei, & qui me nouerant, obliiti sunt mei.

ANGELVS. Nihil in terra sine causa fit, & de humo non oritur dolor. deprecare Dominum, & pone ad eum eloquium tuum. Qui facit magna & inscrutabilia, & mirabilia absque numero, qui dat pluuiam super faciem terre, & irrigat aquis vniuersa: qui ponit humiles in sublimi me, & in ceteros erigit: qui dissipat cogitationes malignorum, ne possint implere manus eorum quod coeperant: qui apprehendit sapientes in astutia eorum, & consilium prauorum dissipat: per diem incurrent tenebras, & quasi nocte sic palpabunt in meridie. porro saluum faciet egenum à gladio oris eorum, & de manu violenti pauperem, & erit egeno spes, iniquitas autem contrahet os suum. Beatus homo qui corripitur à Deo, increpationem ergo Domini ne reprobes: quia ipse vulnerat, & medetur, percutit, & manus eius sanabunt.

Psal 68. HOMO. Sed veni in altitudinem maris, & tempestas demersit me: quomodo exurgam? quis me liberabit? quomodo poterò resistere tam longæ, tamque molestæ tentationi, & aduersus mundi principes & tenebrarum, spiritualia nequitia.

Eph. 6. **ANGELVS.** Ecce ingrederis viam salutis, diffide tibi, & confide in Domino, dabitque tibi petitiones cordis tui. Fidelis est Deus, qui non patitur vos tentari supra id quod potestis. nonne hoc credis, quæ Veritas ipsa, & Sapientia locuta est?

I. Cor. 10. HOMO. Credo utique, quia veritas est Deus, & mentiri non potest; sed quia attenuata est ad eam virtus mea, toties me labi video, quodque nolo, hoc malum facere metuo vehementer. Verumtamen credo, quia fidelis est, & non sinet me tentari supra vires: nec nisi volens succumbam:

bam: immò si voluero, faciam illius gratiâ cum tentatione prouentum. *Conto.*

ANGELVS. Rectè, siquidem: vix dissolutis corde, qui *Eccli. 1.*
non credunt Deo, & ideo non proteguntur ab eo: vix his
qui perdiderunt sustinentiam, & qui dereliquerunt vias
rectas, & diuerterunt in vias prauas, & quid facient cum
inspicere cœperit Dominus? Qui timent Dominum, non
erunt incredibiles verbo illius; & qui diligunt illum, con-
seruabunt viam illius. Qui timent Dominum, requirunt
quæ beneplacita sunt ei; & qui diligunt eum, replebuntur
lege ipsius. Qui timent Dominum, custodiunt mandata
illius, & patientiam habebunt vsque ad inspectionem
illius. Deprime cortuum, & sustine; inclina aurem tuam,
& suscipe verba intellectus, & ne festines in tempore ob-
ductionis, sustine sustentationes Dei: coniungere Deo, &
sustine, vt crescat in nouissimo vita tua. Omne quod tibi
applicatum fuerit, accipe, & in dolore sustine, & in humi-
litate tua patientiam habere: quoniam in igne probatur
aurum & argentum; homines verò receptibiles in cami-
no humiliationis. crede Deo; & recuperabit te, & dirige
viam tuam, & spera in illum. Respice, fili, nationes homi-
num, & scito, quia nullus sperauit in Domino, & confu-
sus est.

HOMO. Scio, scio, & credo, quia non est qui mansit in *Eccli. 2.*
mandatis illius, & derelictus est; neque inuocauit illum,
& despexit illum. fortitudo mea, & laus mea Dominus, *Isaia 12.*
& in nomine eius despiciam omnes inimicos meos. *Psalm. 117.*

ANGELVS. Attende verò quis sit qui te inuitat vt de-
ficias à semita recta. nōne teterrimum vitium, quod ex
nunc priusquam te captiuum teneat, animæ vires labefa-
ctat, eamq; rebus terrenis immergit, captiuam reddit, &
manifestè à salute sua abducit? Illinc verò virtus ad se vo-
cat, opem promittit, vt in amœnâ cæli viam & palatiū de-
ducat, victorij celebrẽ efficiat, tentationibus meritum
augeat, diligentiam & humilitatem. Vincenti verò datur *Apoc. 2.*
manna

Mat. 4. manna. & ut olim Saluatori, tibi Angeli ministrent. Imò verò, si superaueris generosè temptationem, ut est sanctorum Patrum sensus, ab ea deinde liber eris, & alium in ea iuuare poteris, & aduersus alia peccata munieris. Nónne

2. Cor. 12. Paulus ait, Datus est mihi stimulus carnis meæ, ne magnitudo reuelationum extollat me? Et verò suaderéne alteri, peccato illi consentire? nónne vides hac velut illecebriá, te in abyssum trahi miseriarum? scis enim eum qui facit peccatum, seruum esse peccati. O quàm dura seruitus est, quæ hominem tot tantisque inuoluit calamitatibus! Cui verò seruitur? carni, & inexplibili sensuum cupiditati. Quemadmodum autem seruus, si dominari incipiat, intolerabilis est, ita caro nostra. Cito igitur temptationis scintillam excute, aperi amico fideli hostiles technas. Væ enim soli, ait Sapiens, & considera, quæso, an in horam mortis consensisse te optares.

HOMO. Non equidem.

ANGELVS. O quot gemitibus & lacrymis, si feceris, si consenseris, non factum, non cogitarum optabis, & serà forsan pœnitentiã! quin igitur maturè sapis? hodie si vocem Domini audieris, noli obdurare cor tuum. Quid dicam de iudicio illo terribili? nónne puderet te huiusmodi cogitationem tuam toti orbi patefieri? Quid responderis Domino, qui te iam per me monet? quid mihi, qui iam assidue te exhortor? quid excusare poteris?

HOMO. Certè nihil: video enim malum esse si hoc agam; & si verè ac sincerè iudicare volucro, hoc pacto me legem Dei mei, & consilium eius despicere.

ANGELVS. Si ergo in æternitatem cogitatione transieris, quid tristius ibi erit, quàm momentaneã voluptate æterna emisse tormenta, & perdidisse gaudia sempiterna? **Eccli. 7.** Memorare ergo nouissima tua, & in æternum non peccabis. Neque existimes te esse solum in hoc certamine: aspice Sanctos, quomodo Antonij, Pauli, Tobix, alijq; exerciti fuerint, & quàm sint, eò quòd viriliter certaue-

runt,

runt, toto orbe nominati. nemo enim coronatur nisi qui *1. Tim. 2.*
legitimè certauerit. Imò, Beatus, ait S. Iacobus, qui sus- *Iacob. 1.*
fert tentationem; quoniam, cum probatus fuerit, accipiet
coronam vitæ. Esto verò post hanc vitam nulla superes-
set, nòne melius est animo tranquillo viuere, & beatè,
quàm aut turpibus, aut alijs cogitationibus animam fœdari,
inquietam & perturbatam reddi? Ecce, vt dixi, iam expe-
riris quantas hostis molestias tibi creet, etiamsi necdum
intra animæ tuæ portas admissus sit. Quid faceret, ô mi-
ser! quam stragem ederet, si vt in capta vrbe cordis tui
grassari liceret: omnia ibi ferro flammaque vastaret.

CHRISTVS. Quid inuenisti in me iniquitatis, quia e-
longare te vis à me? Transite, ait Propheta meus, ad insu- *Ierem. 2.*
las Cethim, & videte: & in Cedar mittite, & considerate
vehementer, & videte si factum est eiusmodi. si muta-
uit gens deos suos, & certè ipsi non sunt dij: populus au-
tem meus, & tu mutas gloriam tuam in idolum. Obstu-
pescite cæli super hoc, & portæ eius desolamini vehe-
mèter. Nòne meritò idolum vocatur id, propter quod me
despicias, qui te creauit & exaltaui, & laui in sâguine meo?
Ecce vt voluptate breui fruaris, despicias omne consilium
meum; nihil valent apud te omnia beneficia mea, vt hoc
vno quod dæmon offert fruaris; nihil promissa, vt fallacis
mundi gaudijs ad momentum exultes. Obstupescite cæli
super hoc, & portæ eius desolamini vehementer. Nòne
vides quàm illa fœda, quàm fluxa? enumera generationes
singulas, & vide quot millia sint, qui ijsdem inebriati fue-
runt, & aut miseri postmodum perierunt, aut multis la-
crymis & doloribus vix tandem breuem voluptatem ex-
piarunt. Denique nòne scis te stare in conspectu meo,
Iudicis tui, Domini tui, Regis regum, & tu audebis illu-
dere mihi, spernere iussa mea? Ego te inuito æternis præ-
mijs, & diabolus supplicijs. ego pro te sanguinem fudi, &
mortem subi; ille nihil nisi mortem tuam spirat. ego te
creauit; & ille destruere nititur: & præualere adhuc pote-
rit?

rit. Ego permisi, vt tentareris, vt probarem te, infidelis
Apo. 3. esses, nec ne. Vide igitur, vt coram me & vniuersa curia
 mea id ostendas: aut citò veniam tibi, quasi vir armatus,
Jerem. 2. & effundam iram meam in te, & videbis quòd amarum
 sit tibi dereliquisse Dominum Deum tuum. neque tibi
Luc. 12. promittas pœnitentiæ spatium: tot repentini aliorum casus
 satis te monent, & dixisse me, Quà horâ non putatis filius
 hominis veniet. Frustra ergo tibi blandiris de spatio
 pœnitentiæ, qui coaceruas tibi iram & vindictam meam:
 neque potes tibi veniæ spem, & misericordiæ magnitudinem
 proponere, qui iam sponte coram me hortante, monente,
 comminante, rogante, tantillum omittere non vis, aut facere. Iusta sunt iudicia mea, & omnes viæ meæ
Hob. 10. æquitas: & horrendum esse scias incidere in manus Dei
 viuientis.

Oratio contra tentationem.

E Tiamsi vehementer sollicitet me ista tentatio, ecce coram te,
 Deus meus, propono per gratiam tuam, nullâ ratione consentire:
 & scio liberum esse me, neque compelli posse: sed etsi fortè
 surrexerit aliqua cogitatio, protestor coram te & curia tua, me
 ratum non habere, quod contrarium quocumque modo est decre-
Rom. 9. to huic meo, & voluntati tuæ. Non est volentis, neque quærentis,
 sed (scio) tui misèrentis: atque in te, Domine, transgrediar mu-
Psal. 17. rum, & spernam insurgentes in me. Obsecro te, adiutor meus esto,
Psal. 26. ne derelinquas me, neque despicias me, Deus meus. Non enim est
2. Par. 20. tanta fortitudo nostra, vt resistere possimus absque te, sed pone
Iob 17. me iuxta te, & cuiusuis manus pugnet contra me. Tu dixisti,
Psal. 90. Cum ipso sum in tribulatione; ecce tribulor, adesto mihi vnica
 spes mea. Tentas me an verè amem te, & video non posse me tenta-
 ri supra id quod possum: cum omnia in pondere, numero &
 mensura ab æterno à te ordinata sint. Cur igitur pusillanimis ero,
 cum tu desuper adstes mihi, virtus mea & fiducia mea. Conserua
 ergo

ergo me, Domine, quoniam Deus meus es tu, vindica sanguinem
 tuum de inimicis tuis. Agnosce figmentum tuum & fragilitatem
 meam, & fac me vas in honorem; nec sinas me fieri vas in contu-
 meliam magni nominis tui. Nolo exhibere membra mea arma Rom. 6.
 iniquitatis; sed anima mea seruiet tibi, & omnia interiora mea
 dicent, Domine, quis similis est tibi? scio enim quia post tempesta-
 tem tranquillum erit, & cum iratus fueris, misericordia recor-
 daberis. & tunc letabitur & dilatabitur cor meum, & cantabo
 tibi gloria mea: quia in nomine tuo spreui insurgentes in me.
 Tunc in templo anima mea suspendam spolia de inimicis meis, &
 idola voluntatis meae sacrificabo tibi, & confitebor nomini tuo. Psal. 53.
 Domine, quoniam bonum est, quoniam ex omni tribulatione eri-
 puisti me, & super inimicos meos despexit oculus meus.

Quid mihi illudis voluptas brevis & exigua,
 Cum sequantur dolor & angustia,
 Supremum detrimentum anima,
 Sit hac vita somnium & stultitia?

Pici Mirā-
 dula spiri-
 tualis pu-
 gna arma
 12.

Ecce, mors propè latitat in ianua,
 Reatus forsan erit sine gratia,
 Aeterna poena & retributio.
 Quàm digna hominis conditio,
 Pax dulcis munda conscientia,
 Tot dona Dei caelestis gratiae,
 Tormenta crucis Christi horrida,
 Sanctorum gesta tot conformia,
 Vbi tot sunt animae subsidia,
 Nisi sponte ruam ex dementia,
 Nisi me tradam dira insania,
 Inanis erit per te orci potentia.
 O IESV spes & amor meus, & omnia. Amen.

P R A X I S.

*Regula duodecim Ioannis Pici Mirandula
partim excitantes, partim dirigentes homi-
nem in pugna spirituali.*

Primò, si homini videtur dura via virtutis ob pugnam assiduam, aduertat plura esse in quauis via alia, dura, aduersa, tristia.

Secundò, consideret in mundo diurna bella, & æmuletur constantiam.

Tertiò, recorderetur stultum esse credere posse ad cælum perueniri aliter, quàm per violentiam, cum Christus vim regnum cælorum pati dicat, & per crucem obtinuerit.

Quartò, gaudeat conformari Christo: & cum sensibus suis vim faciet, cogitet cui parti crucis conformis sit.

Quintò, confidat in virtute Christi, qui dixit: Confidite, ego vici mundum.

Sextò, vnâ tentatione superatâ aliam expectet, cum dzmon semper circumeat.

Septimò, non tantùm diabolus vincendus est, sed faciendus cum tentatione prouentus, ac tentatio accipienda, v.g. superbijs, vt ad humilitatem adhortatio & inuitatio.

Octauò, dum pugnas, pugna quasi perpetuam deinde pacem habiturus, quia sæpè generosis animis Deus hoc largitur; sed cum vicisti, geras te quasi mox pugnaturus.

Nonò, fuge semper occasiones peccati.

Decimò, principijs occurre.

Vndecimò, cogita dulcius esse vincere tentationem, quàm ire ad peccata: atque ita compara dulcedinem victoriæ, dulcedini peccati; non pugnam, voluptati.

Duodecimò, ne putes à Deo te derelictum, aut ei ingratum: iustos enim probare solet, sed humilia in primis spiritum tuum, ne ruas in superbiam,

Aliæ praxes ac remedia.

Primò, obserua præsentissimum esse remedium fingere sese inter Christum & diabolum, vti in imagine est, vtriusque in nos merita, affectum, &c. pendere; & mox opem Domini implorare, atque occasiones vitare. Sic Lotho dictum, vt statim è Sodoma egrederetur, & in monte saluum se faceret. Eoque item pertinet à tentatione eiusque materia memoriam & imaginationem auocare; siue occupatione, siue cogitatione, quâ aliquando quis à bripi solet; vt esset casus tristis, aut admirabilis, vel eiusmodi. Id maximè in carnis tentatione, scrupulis, & molestioribus tentationibus blasphemiarum, &c. locum habet: vti etiam in minutis ac friuolis, quæ vt muscæ, non gladio, non hastâ, abigendæ; sed leni flatu: aut certè negligendæ, vt canis latratus ab equite solet, suauiter enim equitat quem gratia Dei portat. Auertat ergo se suauiter, oculosque ad Deum conuertat absque perturbatione: & actu vno, si libet, contrariæ virtutis elicit, vel potius amoris Dei, qui omnia complectitur, pergat in via studioque virtutis.

Secundò, confugiendum ad orationem. Orate, ne intretis in tentationem, ait Dominus: neq; ab ea desistendum, donec redeat tranquillitas. Ita Dominus in horto orauit, donec ab Angelo confortaretur, neque deiecit ipse, si quis perseuerauerit, quia veniens veniet, & non tardabit.

Tertiò, mox vt tentatio ingruit, eleuandus saltem oculus in Deum præsentem, cum Dauid dicente: Leuaui oculos meos in montes, vnde veniet auxilium mihi. Cogitatio autem ea sic suscipienda est: Ecce Deus videt hanc tentationem, & permittit, certoque certiùs non patietur me tentari supra id quod possum; sed in tantum, vt, si velim, facere queam cum tentatione prouentum. Tentat me Deus, & probat an sim fidelis; vt, si sponsus sinat tentari pudicitiam sponsæ; Rex fidem ducis sui: & si hic sciret se superari non posse, nisi omnino veller, & simul à Rege videri: qualiter putas se gereret? dic itaque cum Regio Propheta: Etiam si consistent aduersum me castra, non timebit cor meum. dæmon siquidem violentiùs, vt femina, quo timidiore nos reperit, minusque Deo confidentes, insultat: quiq; gigas & leo est torpido, fidenti in Deum nanus & formica apparet, vt in Vigis Patrum narratur.

Quartò, patientia etiam necessaria est: nam impatientia superbæ manifestum argumentum, iram Dei prouocat: vt aperte

I. ait

Gregor. ait Gregor. Qui appetit plenè vitia vincere, studeat humiliter purgationis suæ flagella tolerare. cum Deo enim contendere non possumus, nec dicere ei, Cur sic facis?

August. Quintò considera, Christum velut crucifixum: stringe illum, eiusque pedes osculare, & lateri adhære. nihil præstantius reperit S. Augustinus, quam eum amplecti, intueri, & proteſtari, & auertere hoc pacto cogitationem: iraque cum aduersario non contendere, sed eundem contemnere: nōne enim potius est loqui cum Deo postulando adiutorium, quam cum dæmone præliari?

Climach. Sextò, cum primum poteris, explica tentationem Patri spiritali: nullum præſentius remedium omnium sanctorum Patrum iudicio. adeò vt Climachus referat olim Religiosos etiam tabellas circumtulisse, vt incidentes cogitationes annotarent, quas deinde aperirent: addatque, qui cæcum duce, pastore gregem, viæ ignarum ductore, infantem patre suo, ægrotum medico, gubernatore nauim destituit & fraudat, virisque periculum parat: qui verò sine Patris auxilio contra spiritus nequam pugnare nititur, ab illis occiditur. Idcirco in confessione vtiliter tentationes aperiantur, non quòd sint peccata, sed peccatorum semina: quæ hoc pacto opprimuntur in semine. Id tamen consilij, nec scrupulosi, nec mulieribus passim dederim, neque ijs qui pusillanimes sunt vt minuta scilicet conſectentur.

Psalm. 138. Septimò, principijs obſtandum strenuè, & portæ obſerandæ sunt memoriæ ac voluntatis nostræ; atque, vt ita loquar, pes suspendendus, id est, affectus, donec perspicuè constet quid vel le oporteat. Beatus, ait Propheta, qui tenebit & allidet paruulos Babylonis (scilicet prauos instinctus) ad petram, id est, Christum IESVM.

Dici non potest, quantum præsidium, memoriam mox purgare noxijs cogitationibus, & vitare omnem admonitionem rei cupitæ: atqui, vt id rectè fiat, bonis ea cogitationibus ex ijs quæ videmus & audimus efformatis, præoccupanda est virtutis studioſo.

Oſtaudò, occurrendum tentationi, & (vt dici solet) arma paranda in tempus belli. Considerabis igitur (quod iterum monui) ad quæ vitia sis magis propensus. v. g. superbiam, &c. illique occurre. Primò, frequenter de eius turpitudine, & virtutis contrariæ pulchritudine cogitando. Secundò, de ea loquendo. Tertiò, actus contrarios humilitatis exercendo. Idem in alijs faciendum existima.

Nondò, vitanda omnis tristitia & inquietudo animi: quia vt ortâ tempeſtate tenere cursum difficile, & cum ſeditione omnia

commouentur, consilia maturè capi nequeunt, sed in arena, vt dici solet, neque hosti commodè resisti: ita prorsus in anima contingit. Curandum igitur ante omnia Primò, ne appetitu boni allicuius, aut odio mali inquietetur, oratio negligatur: committendaque omnia diuinæ prouidentiae, & illius vna voluntas desideranda: nescis enim quâ viâ eundum, quid expediat. quid ergo meritò anxie petis, aut times? aut de quo immoderate gaudes, aut doles? id fortè maximè noxium, quod maximè appetis; & contrà. Secundò, suauiter, ordinatè, non anxie adhibenda sunt ea, quæ necessaria maturè iudicantur, vt id quod optamus consequamur. Tertiò, vtile erit, confessorio aut amico, vulnus hoc aperire, neque si lapsus quis fuerit, idèò perturbationi locum dare conuenit, aut asperius in se inuehi, sed humiliter ad Dei thronum confugiendum, & gratiæ agendæ, quòd grauiora quis non commisit Dei beneficio atque manu sustentante: quod alias procul dubio futurum erat.

Aliae praxes, seu remedia contra vitia capitalia.

Contra superbiam vide humilitatem Christi, & miseriam ac calitiam nostram; eiusque auxilio implorato sententiam aliquam animo versa velut antidotum & amuletum. Quid fui, sum, & ero? omnis qui se exaltat humiliabitur, & qui se humiliat ex- *Luc. 14.* altabitur.

Contra avaritiam valet paupertas Iesv Christi, qui propter nos pauper factus est, cùm diues esset. Audi illum, & si credis asserenti, viciisti: Beati, ait, pauperes spiritu, quoniam ipsorum est *Matth. 5.* regnum cælorum. & rursum: Væ vobis diuitibus, qui habetis hic *Luc. 6.* consolationem vestram.

Expugna luxuriam, intuenso Christi Iesv puritatem. virgo enim fuit, virginem elegit matrem. Agnus immaculatus: & qui illum sequuntur quocumque ierit, virgines sunt. Si verò voluptas trahat, audi pronuntiantem: Beati qui lugent, quoniam ipsi con- *Matth. 5.* solabuntur: & dicito: O Iesv crucifixe, ô vera delectatio; libera me, ô dulcedo ineffabilis, per sanguinem tuum à cæco hoc, infami, inextricabili & æterno malo. Amen.

Contra inuidiam, Christi charitas stabit: qui pro inimicis mori dignatus est. Deum ergo sic appella: O Deus meus, ex te, in te, & pro te sunt omnia; da mihi charitatem veram: etenim in hoc

cognoscent omnes quòd discipuli tui simus, si dilectionem habuerimus ad inuicem.

Matt. 5. Damnat gulam Christus, in cruce felle & aceto potatus. aspice in eum, & sanabere, & audi dicentem: Beati, qui esuriunt & sitiunt iustitiam, quoniam ipsi saturabuntur.

Matt. 11. Moderari iram discce, a Christo patiente, & tam longanimi super innumeris hominum malis & blasphemijs: sic enim ille voluit: Discite, ait, a me, quia mitis sum & humilis corde.

Si acedia te oppugnat, considera IESVM baiulantem crucem, & quanta pro tua salute fecerit, audi dicentem, In laboribus a iuventute mea.

In omni tentatione hac oratiunculâ uti potes.

*T*entas me, Domine, an amem te, neque tamen ultra id quod possum. Scio quòd sine gratia tua spernerem te, ò omne bonum, ut terrissimo hosti placerem: aeternum luiturus, momentaneum gaudium. *Psal. 118.* at iuravi & statui custodire iudicia iustitiae tuae. *Psal. 26.* Adiutor meus esto, ne derelinquas me, neque despicias me.

Alia remedia.

Primò, manè cogitationes, verba, & actiones illius diei propice quoad potes: atque eas ad Dei gloriam dirige, cum protestatione coram Deo, & curia eius, & Angelo Custode nominatim. quòd ne minimo quidem peccato tantam maiestatem offendere sciens eo die velis, ac mortem potius obire.

Secundò, contere toto corde, & nominatim de peccato, si fortè aliquando commisisti ad quod tentaris. Secundò, abnega rem illam, quæ est occasio & obiectum peccati: hic enim est funis, quo quis trahitur in interitum, præsciendendus omnino: nec refert an affectus & sensus maneat. voluntatem enim Deus inspicit, seu in bono, seu in malo, quam & solam coronat aut damnat. Neque te commoueat hostis importunitas: nemo læditur nisi a seipso etiam in hac pugna.

Tertiò, accipe clypeum fidei, & illius actum exerce etiam recitando attentè Symbolum. dura ceruix esset quæ tantis in eo recensitis beneficijs non flecteretur: ideoque in hora mortis promouuarii consuevit: idque est quod Apostolus suadet, assumere clypeum

clypeum fidei, in quo possumus omnia tela nequissimi ignea extinguere. Secundò, spei in Deum actum elice, & diffidentia tui. Tertiò, charitatis. quod breuiter sic facies: Credo Domine, & in te spero, & toto corde te diligo: ex te enim, & pro te, & in te sunt omnia.

Quartò, inuoca Sanctos, qui virtute contraria claruerunt, & maxime B. Virginem, quæ verè castrorum acies ordinata. Per immaculatâ conceptionem eam rogasse in graui luxuriæ lucta, multis salutare fuisse, vsu compertum est.

Quintò, neminem iudica de vilo vitio: quia verissima illa sententia: In quo tu alterum iudicas, in eo teipsum condemnas. & *Rom. 2.* ferè nemo est qui id expertus non sit. Iusto siquidem iudicio simili punitur tentatione, qui alium seuerè iudicat & damnat. Ita in *Vita Patrũ.* Vitis Patrum, cum adolescens durè à seniore, cui carnis tentationem aperuerat, correptus esset, ab eadem pulsatus fuit senex, ac tantum non superatus. misericordes verò misericordiam consequentur.

IACVLATORIÆ.

Domine vim patior, responde pro me.

Isaia 38.

In te, Domine, speraui, non confundar in aeternum.

Psal. 30.

*In nobis, Domine, non est tanta fortitudo, vt possumus huic multitudi- 2. Paral. 20.
ni resistere, qua irruit super nos; sed, cum ignoremus quid agere debeamus, hoc solum habemus residui, vt oculos nostros dirigamus
ad te.*

Deus in adiutorium meum intende, Domine, ad adiuuandum me festina. *Psal. 69.*

Eripe me de inimicis meis, Deus meus, & ab insurgentibus in me libera me. *Psal. 58.*

Deus in nomine tuo saluum me fac, & in virtute tua iudica me, quoniam alieni insurrexerunt in me, & fortes quaesierunt animam meam. *Psal. 59.*

Illustra faciem tuam super seruum tuum, saluum me fac in misericordia tua. *Psal. 30.*

Alia remedia.

*Apud Au-
gust. de cō-
flictione
virt. & vi-
tior.*

SVnt & alia remedia vitiorum, quæ Ludoui-
cus Granatensis in Duce suo peccatorum
laudat, & existimantur esse D. Augustini lib. de
conflictu virtutum & vitiorum tomo 9. Visum
ea hîc referre vt remediorum sit copia & dele-
ctus. Sunt verò aptè per modum dialogismi
proposita inter virtutem & vitium.

SVPERBIA DICIT:

Multis, imò penè omnibus meliores, verbo, scientiâ,
diuitijs, honoribus, cunctisque quæ carnalibus & spiri-
tualibus suppetunt charismatibus. Cunctos ergo despi-
ce, cunctis temetipsum superiorem attende.

HVMILITAS VERA RESPONDET:

*Memento, quia pulvis es, quia cinis es, quia putredo & vermis
es; quia & si aliquid es, nisi tantum te humilies quantum magnus
es, perdes omnino quod es. Numquid tu altior es quàm primus An-
gelus? numquid tu splendidior in terra quàm Lucifer in celo?
Quòd si ille de tanta sublimitate cecidit per superbiam, quomodo
tu ad tantam sublimitatem superbiens de imis conscendes, qui illâ
quamdiu hic viuus conditione teneris?*

INANIS GLORIA DICIT:

Age bonum quod vales, ostende cunctis bonum quod
agis, vt sanctus & venerabilis ab hominibus prædiceris,
vt Dei electus voceris, vt nemo te contemnat, nemo de-
spiciat, sed vniuersi tibi debitum honorem persoluant.

DOMINI TIMOR RESPONDET:

Si boni aliquid agis, non pro transitorijs, sed pro aternis honoribus id age. Occulta quod agis, in quantum vales. Quòd si ex toto non vales, sit in animo occultandi voluntas, & non erit de ostentatione vlla temeritas: nec criminis erit aliquando manifestare, quod semper vis celatum habere. sic has duas denique Redemptoris sententias sibi, quasi contrarias videberis adimplesse, quibus dicitur, Te faciente eleemosynam nesciat sinistra tua, quid faciat dextera tua; sed sit eleemosyna tua in abscondito, & Pater tuus qui videt in abscondito reddet tibi. Et: Videant opera vestra bona, & glorificent Patrem vestrum, qui in calis est. Matt. 6. Matt. 5.

SIMVLATIO VERÆ RELIGIONIS DICIT:

Quia nihil boni in abscondito facis, ne à cunctis cognitus detesteris; finge te foris esse, quod intus non appetis.

RELIGIO VERA RESPONDET:

Imò magis sat age esse quod non es. nam ostendere te hominibus quod non es, quid aliud quam damnatio est? Memor esto igitur quod dicitur: Vae vobis Scribae & Pharisei hypocritæ, qui mundatis quod de foris est calicis & paropsidis, intus autem pleni estis rapinâ & immunditijs. Pharisee cace munda prius, quod intus est calicis & paropsidis, vt fiat id quod foris est, mundum. Matt. 23.

INOBEDIENTIA DICIT:

Quis tu es, vt peioribus obtemperes, deterioribus famulatum exhibeas? Te magis quam illos decuerat imperare, qui tibi non possunt ingenio vel industriâ coæquare. Obtempera igitur magis Domini imperio, & non sit tibi cura de aliquo.

BEATA SVBIECTIO RESPONDET:

Si Domini obtemperandum est imperio, humano subdi necesse est magisterio. ipse enim dixit: Qui vos audit, me audit; & qui vos spernit, Luc. 10.

ſpernit, me ſpernit. Ita, inquis, oportet, ſed ſi talis qui imperat eſſet qualis debet eſſe: non talis eſt per quem imperat Deus. ſed Apoſt-
lus contrà ait: Non eſt poteſtas niſi à Deo. Quæ autem à Deo ſunt,
ordinata ſunt. itaque qui reſiſtit poteſtati, Dei ordinationi reſi-
ſtit. Quales enim eſſe debeant hi qui imperant, non eſt à ſubditis
diſcutiendum.

INVIDIA DICIT:

In quo, illo, vel illo minores? cur ergo eis vel æqualis vel ſuperior non es? quanta vales ipſe quæ ipſi non valent? Non ergo tibi aut ſuperiores aut æquales eſſe debent.

CONGRATVLATIO FRATERNI PROfectVS RESP.

Si ceteros virtutibus antecellis, tutius in loco infimo, quàm in ſummo temetipſum conſeruas. ſemper enim de alto peior fit ruina. Quòd ſi tibi, vt aſſeris, quidam ſuperiores vel æquales ſunt: quid te lædit, quid tibi nocet? Caue prorsus ne, dum alijs locum celi-
tudinis inuides, illum imiteris de quo ſcriptum retines: Inuidiâ
diaboli mors introiuit in orbem terrarum. Imitantur autem illum, qui ſunt ex parte illius.

ODIVM DICIT:

Abſit vt illum ames, quem in omnibus contrarium habes, qui tibi derogat, qui tibi inſultat, qui te iniurijs exaſperat, qui tibi peccata tua impropere, qui te dictis, operibus, honoribus ſemper præire feſtinat: niſi enim tibi inuideret, nequaquam ſe tibi ita præferret.

VERA CHARITAS RESPONDET:

Numquid quia hac narras, odio habenda ſunt in homine? propterea non eſt amanda Dei imago in homine? ſicut Chriſtus qui in cruce poſitus inimicos ſuos dilexit, & ante crucis tormenta admonuit dicens: Diligite inimicos veſtros, benefacite his qui voſ oderunt, & orate pro perſequentibus & calumniantibus vos, vt ſi-
tis

ris filij Patris vestri, qui in celis est. At, inquis, sufficit mihi quòd amantes me diligo. Sed Dominus contrà: Si enim diligitis eos, qui vos diligunt, quam mercedem habebitis? nōne & publicani hoc faciunt? Quid tu quoque ad hoc obijcere vales? Certè qui odit fratrem suum, manet in morte, & qui diligit, in Deo manet, & Deus in eo. Omnem ergo amaritudinem fellis euome, & quo pacto valueris, charitatis dulcedinem sume. Nihil enim suauius, nihil illà beatius. Ioannes Euangelista hoc affirmans ait: Deus charitas est. Matt. 5.
1. Ioan. 3.
1. Ioan. 4.
Ibid.

DETRACTIO DICIT:

Quis potest sustinere, quis silentio tegere quantaille praua committit, nisi fortè qui consentit?

LIBERTAS IVSTÆ CORREPTIONIS RESPONDET:

Nec tacenda sunt mala proximi, nec consentiendum: sed charitate fraternâ in faciem proximus est arguendus, non autem occultè detrahendus. Quòd si obijcitur, idcirco fratrem coram oculis increpare noli, ne exasperatus increpatione non proficiat, sed magis ex correptione scandalumumat: occurrit Scriptura diuina, & versâ vice hos magis scandalum esse denunciat, dicens: Sedens aduersum fratrem tuum loquebaris, & aduersus filium matris tue ponebas detractionem. Maius enim scandalum sumit, qui se detrahentem intelligit, quàm qui corripientem sustinet. Et quia nonnumquam errata delinquentium ad tempus silentio tegenda sunt, vt aptiori tempore corrigantur; propterea subiungitur: Hæc fecisti, & tacui. Ne autem ex hoc discreto silentio detractores sibi applauderent, qui dum semper occultè derogare malunt, nunquam in apertam increpationem profiliunt; adhuc subinfertur: Existimasti iniquè quòd ero tui similis. Ac si diceretur: Iniquum est cogitare, vt inde detractori similis appaream; vnde ad tempus reticens, nec derogans locum apertæ correptionis expecto. vnde & protinus subditur: Arguam te & statuam contra faciem tuam. veluti diceretur: Non occultè, vt est tua consuetudo; sed in aperto, vt est mea sollicitudo, aptum corrigendi tempus expectans, peccatorem arguam, vt eius delicta contra faciem eius statuam. At, in-

quis, Non odio, sed amo quem ita in absconditis diiudicans reprehendo: imò magis hinc odis & non diligis, vnde detrahis & non corripis.

IRA DICIT:

Quæ erga te aguntur, hæc æquanimiter ferri non possunt, imò tolerare peccatum est: quia si non eis cum magna exasperatione relistitur, contra te deinceps sine mensura cumulantur.

PATIENTIA RESPONDET:

Si passio Redemptoris ad mentem red. citur, nihil tam durum,
 1. Pet. 2. *quod non æquo animo toleretur. Christus enim, ait Petrus, passus est pro nobis, nobis relinquens exemplum, vt sequamur vestigia*
 Matt. 10. *eius. Ipse enim dicit: Si patrem familias Beelzebub vocauerunt,*
 Ioan. 15. *quanto magis domesticos eius? si me persecuti sunt, & vos persequentur. Sed quanta sunt in comparatione passionum eius quæ patimur? Ille enim opprobria, irrisiones, contumelias, alapas, sputa, flagella, spineam coronam, crucemq; sustinuit, & nos miseri ad nostram confusionem vno sermone fatigamur, vno verbo deijcimur?*

PROTERVIA DICIT:

Numquid stultis, numquid brutis animalibus ac insensatis lenia verba, non asperrima magis, vt tales decet, dum delinquant, obijcienda sunt?

MANSVETVDO RESPONDET:

Non tua in his persuasio, sed Apostoli sequenda est præceptio,
 1. Tim. 5. *qui de hac sententia dilectum discipulum admonuit dicens: Seniores ne culpaueris, sed obsecra vt patrem, iuuenes vt fratres, anus*
 2. Tim. 2. *vt matres, iuuenulas vt sorores, in omni castitate. & rursum: Seruum, inquit, Domini, non oportet litigare, sed mansuetum esse ad omnes: doctorem, patientem, cum modestia corripientem eos qui*
 2. Tim. 4. *resistunt. rursumque: Argue, obsecra, increpa, in omni patientia & doctrina. Quod videlicet proteruia malum deterius adhuc subditis*

is quàm Prælati nocet. Sapiùs enim contingit, vt leniter ac cum caritatis dulcedine prolatam correptionem spernant, & contra humilitatis verba deſpectionis emittant iacula.

TVMOR DICIT:

Testem habes in cælis, non ſit tibi curæ quid de te ſuſpiciantur homines in terris.

HVMILIS SATISFACTIO RESPONDET:

Non eſt danda detrahendi occaſio, non ſuſurrandi ſuſpicio; ſed ſi ad ſunt quæ corrigantur, manifeſtanda; aut certè ſi deſunt, humili proteſtatione negāda: quia Apoſtolus admonet, nullam occaſionem dare diabolo maledicti gratiā. Quod etiam in illis deteſtatus eſt, qui Chriſtiana fidei conſentientes in idolio ad comedendum recumbebant. 1. Tim. 2. 1. Cor. 8.

TRISTITIA DICIT:

Quid habes vnde gaudeas, cū tanta mala de proximis ſpargas? Perpende, cum quo mœrore omnes intuenti ſunt, qui in tanto contractæ amaritudinis felle verſantur.

SPIRITVALE GAVDIVM RESPONDET.

Geminam eſſe triſtitiam noui, imò duas eſſe triſtitias noui: vnam ſcilicet, quæ ſalutem; alteram verò, quæ perniciem operatur: vnā, quæ ad pœnitentiam trahit; alterā, quæ ad deſperationem perducit. Tu quidem vna ex illis eſſe cognoſceris, ſed omnino quæ mortem operaris. Non eſt igitur in his contriſtandum, quæ ſuades: ſed e contra magis gaudendum in his, quæ nondum intelliguntur, quia & dator gaudiij perennis dicit: Cū perſecuti vos fuerint homines, & dixerint omne malum aduerſus vos mentientes propter nomen meum; gaudete in illa die & exultate: ecce enim merces veſtra multa eſt in cælis. Matt. 5.

TORPOR VEL IGNAVIA DICIT:

Si lectioni & continuato ſtudio ſemper inſiſtis, oculorum

lorum caliginem incurris : si indefinenter lacrymas fundis, ipsos etiam oculos amittis : si protelatis vigilijs psal-
morum pensum perfoluis , insaniam capitis acquiris : si
quotidiano labore te conficis , ad opus spiritale quando
con furgis?

VIRTVTIS EXERCITIVM RESPONDET:

*Quid tibi ad hoc proferendum tam longa temporum spatia
proponis? numquid scis, si crastinum viuas? imò etiam si vnâ ho-
ram in hac vita facias, ignoras. An forte mente excidit, quod Sal-
uator in Euangelio dicit: Vigilate itaque, quia nescitis diem neque
horam. Quapropter discute corporis inertiam, semperq; memento,
quod regnum calorum non tepidi, neque molles, neque desides,
sed violenti atque feruentes diripiunt.*

DISSOLVTA VAGATIO DICIT:

Si Deum vbique esse credis, cur vnum locum singula-
riter quo tanta mala perpetrantur, custodis, & non po-
tius ad alia transis?

STABILITAS FIRMA RESPONDET:

*Si ita est, vt asseris, quia vbique Deum esse fateris: ergo nec iste
locus deferendus quem fugere appetis, quia & in ipso Deus est. At,
inquis, meliorem inquiri, meliorem inuenio; sed respondeo, Num-
quid meliorem aut etiam talem inuenies, qualem diabulum &
Angelos eius, & hominem perdidisse cognoscis? Memor esto itaque,
quia primus Angelus de celo ruit, & primus homo de paradiso ex-
pulsus, ad erumnam huius sæculi peruenit.*

DESPERATIO DICIT:

Quæ & quanta commisisti, quàm graua crimina,
quàm numerosa delicta! & tamen in melius vitam non-
dum mutasti, necdum conuersationem vtiliter correxisti:
ecce enim, vt cernis, malâ consuetudine obligatus tene-
ris. Conaris exsurgere, sed peccatorum oneribus prægra-
uatus relaberis. Quid ergo agendum est, quando de præ-
teritis

teritis certa damnatio imminet, & de præsentibus emendatio nulla succurrit? nisi vt non amittantur rerum temporalium voluptates, dum consequi nequeunt futuri sæculi delectationes?

SPEI FIDVCIA RESPONDET:

Si de criminibus & de delictis agitur, ecce David adulterij simul & homicidij reus, de inferni faucibus Domini misericordiâ describitur liberatus. Ecce Manasses nefandissimus, impurissimus, sordidissimus, illecebrofissimus quoque, & sceleratissimus, per poenitentiam ad vitam de morte redijt. Ecce Maria Magdalena innumeris peccatorum sordibus coinquinata, ad fontem pietatis anxiam currens, Domini vestigia lacrymis rigans, capillis detergens, deosculans quoque & lambens, vnguentoque, vngens ablui meruit. Ecce Petrus negationis suæ vinculis astrictus, amarissimis lacrymis infidelitatis nodos resoluit. Ecce seditione simul & effusione fraterni sanguinis latro obnoxius, vnius horæ momento vnaque confessionis voce, de cruce ad paradysum transit. Ecce Saulus Ecclesiam Dei persequens, multos pro Christi nomine perimens, &, vt ita dicam, Martyrum cruore totum se inficiens, Apostolus factus, in vas electionis est commutatus. Vbi ergo tot tantaque præcedunt exempla, dent locum desperationis mala colloquia? cum scriptum sit: In quacumque die peccator conuersus ingemuerit, saluus erit.

2. Paral. 33.

Luc. 3.

CVPIDITAS DICIT:

Valdè sine culpa es quòd quædam habenda concupiscis: quia non multiplicare appetis, sed egere pertimescis; & quod malè alius retinet, ipse melius expendis.

MVNDI CONTEMPTVS RESPONDET:

Ista nec apud homines sine periculo vel offensione procurantur. quia quanto quisque amplius habere cœpit, tanto amplius habere concupiscit: fitque vt modum in concupiscendo non habeat, dum innumeris huius æculi curis de seruire festinat. Vt enim ait Scriptura, auarus pecunijs non implebitur.

Eccles. 5.

VENTRIS INGLUVIES DICIT:

Adeſum Deus omnia munda condidit, & qui ſaturari cibo reſpuit, quid aliud quàm muneri conſeſſo contradicit?

CIBORVM PAR SIMONIA RESPONDET:

Ezech. 16. Vnum horum quod dicis verum eſt. Ne enim homo fame moreretur, omnia ad eſum Deus creauit; ſed ne menſuram comediendi excederet, & abſtinentiam imperauit. Nam inter cetera ſua mala ſaturitate panis maximè Sodoma perijt, Domino atteſtante, qui ad Ieruſalem per Prophetam loquitur dicens: Haeſt iniquitas ſororis tuae Sodoma ſaturitas panis. Quapropter ſicut ager ad medicinam, ſic ad ſumendas dapes debet quiſque accedere, nequaquam videlicet in illis voluptatem appetens, ſed neceſſitati ſuccurrens.

INEPTA LÆTITIA DICIT:

Vt quid animi gaudium intus abſcondis? Egredere in publicum lætus, dic aliquid foris vnde vel tu vel proximi rideant: face eos lætos tuà lætitià.

MODERATVS MOEROR RESPONDET:

Ioan. 18. Vnde tibi ineſt tanta lætitia? Numquid iam diabolum viciſti? Numquid iam inferni pœnas euafiſti? Numquid iam de exilio ad patriam veniſti? Numquid iam de tua electione ſecuritatem accepiſti? An forte in obliuionem venit quod Dominus dixit: Mundus gaudebit, vos autem contriſtabimini; ſed triſtitia veſtra vertetur in gaudium? An forte memoriam exceſſit, quod idem alibi dicit, *Luc. 6.* Va vobis qui nunc ridetis, quia plorabitis & flebitis?

MULTILOQVIVM DICIT:

Non ille reus tenebitur, qui plura quidem, ſed bona loqui: ſed ille qui ſaltem rara, ſed mala dicere probatur.

DISCRETA TACITVRNITAS RESPONDET:

Verum eſt quod dicis: ſed, dum multa bona proferri videntur, ſepe

sapè contingit vt à bonis locutio inchoata ad aliquod prauum deriuetur. Hoc ipsum sancta Scriptura denuntiat: In multiloquio, Prou. 10. inquit, peccatum non deerit. An fortè inter innumera verba declinantur criminosæ? sed numquid declinari poterunt inutilia atque otiosa, de quibus vtique ratio in futurum erit reddenda?

LVXVRIA DICIT:

Curte in voluptate tua non dilatas modò, cùm quid te sequatur ignoras. Acceptum ergo tempus in desiderijs perdere non debes: quia quàm citò pertranseat nescis. Si enim misceri Deus hominem in voluptate coitus nollit, in ipso humani generis exordio masculum & feminam non fecisset.

CASTITAS ILLIBATA RESPONDET:

Nolo vt ignorare teingas, quid post hanc vitam recipias. Si enim piè & castè vixeris, sine fine gaudebis; si vero impiè & luxuriosè, æternis incendijs subiacebis.

SPIRITALIS FORNICATIO DICIT:

Numquid damnandum aliquid agit is qui in corde libidini consentit, & ad opus concupitæ libidinis non pertranfit?

MVNDITIA CORDIS RESPONDET:

Omnino delinquit, qui castimoniam animæ non custodit, vnde & auctor munditiæ in Euangelio dicit: Qui viderit mulierem ad concupiscendum eam, iam mœchatus est eam in corde suo. Matt. 5. Quò contrà per beatum Iob dicitur: Pepigi fœdus cum oculis meis, Iob 31. vt ne cogitarem quidem de virgine.

AMOR SÆCVLI DICIT:

Quid pulchrius, quid honestius, quid diu potest esse delectabilius, quàm quod in præsentī vita quotidie cernimus? O quàm mirabilis cæli camera in aëre iucundo, in lumine solis, in augmento lunæ atque defectu, in varietate stellarū & cursu, quàm oblectabilis terra in nemorum floribus, in fructuum suauitatibus, in pratorum riuulorum-

rumque amœnitatibus, in segetum culmis luxuriantibus, in vinearum vitibus & botryonibus, plenis palmitibus, in sylvarum umbris, & planis exitibus, in equorum & canum excursibus, in ceruorum & caprarum saltibus, in accipitrum volatibus, in pauonum, columbarum, turturumque pennis & collis, in domorum pictis muris & laquearibus, in organorum omniumque musicorum tinnulis cantibus, in mulierum venustis aspectibus, earumque supercilijs, crinibus, oculis, genis, gutture, labijs, naso & manibus, atque extrinsecus adhibitis auro & gemmis distinctis monilibus, & si qua sunt alia, quæmodò non recolit sensus?

AMOR CÆLESTIS PATRIÆ RESPONDET:

Si te ista delectant, quæ sub celo sunt; si carcer ita pulcher est; patria, ciuitas & domus qualis est? si talia sunt quæ colunt peregrini, qualia sunt quæ possident filij? si mortales & miseri in hac vita taliter sunt remunerati, immortales & beati qualiter sunt in illa vita ditati? Quapropter recedat amor præsentis sæculi, in quo sic nullus nascitur, vt non moriatur: & succedat amor futuri sæculi, in quo sic omnes viuificantur, vt non deinceps moriantur: vbi nulla aduersitas turbat, nulla necessitas angustat, nulla molestia inquietat, sed perennis letitia regnat. si quæris, quid ibi sit, vbi talis & tantâ beatitudo persistit? aliter dici non potest, nisi, quid quid boni est, ibi est; & quid quid mali est, ibi nusquam est. Quod, inquis, illud bonum est? quid me interrogas? A Propheta & Apostolo definitum est, Quodd oculus, inquit, non vidit, nec auris audiuit, nec in cor hominis ascendit, quæ præparauit Deus diligentibus se.

Quid quid hætenus à nobis dictum est, eò spectat, vt semper nobis in promptu sint arma spiritualia, quæ nobis in hac militia sunt necessaria, ad primam partem virtutis, quæ est fuga vitiorum, nobis comparandam, defendendamque fragilem hanc domum, in qua Deus nos constituit ne ab amicis occupetur. Nam si habitaculum
hoc

hoc fideliter custodierimus, dubium non est quin & ipse
 cælestis hospes ad illud diuertet, & in eo commorabitur:
 cùm B. Ioannes dicat: Deus est charitas, & qui manet in 1. Ioan. 4.
 charitate in Deo manet, & Deus in eo. Ille autem in chari-
 tate stat, qui nihil charitati facit contrarium: contrarium
 verò charitati solum est peccatum mortale. Contra pec-
 catum denique mortale, militat omne id quod hactenus
 à nobis dictum est.

C A P V T IV.

*De ardenti profectus & orationis desiderio, per
 septem considerationes, seu stimulos exci-
 tando: quorum primus est consideratio finis
 & præsentiae Dei.*

Quemadmodum fames non tantùm est optimum ci-
 borum condimentum, sed etiam vt corpus reficia-
 tur plurimùm confert: ita desiderium feruens, pietatis
 studiũ & exercitationes pias mirificè commendat ac pro-
 mouet, maximè verò orationem; cumque eam præcedit,
 magnâ condit suauitate, & fructuosam animæ efficit. Hu-
 iusmodi cerrè habebat Isaias dicens, Anima mea deside-
 rauit te in nocte, sed & spiritu meo in præcordijs meis de-
 manè vigilabo ad te. Excute igitur torporem omnem in
 virtutis exercitijs: dilata ante orationem desiderio
 tuum, & implebit illud Dominus, & dabit tibi petitiones
 cordis tui.

*Desiderium
 feruens opti-
 mum orati-
 onis con-
 dimentum.
 Isaia 26.*

Psal. 81.

Ad hoc acuendum, cùm videbitur, iuuare poterit ali-
 qua ex his septem considerationibus quæ subiicientur.
 Sic quoties remitti animum ad pietatis exercitia & tor-
 pescere

*Septem con-
 siderationi-
 bus id exci-
 tandum.*

Ierem. 48.

2. Cor. 9.

1. sine crea-
tionis & Dei
præsentia
proposita.

2. nouissimâ
hac fortè
horâ.

3. malis cir-
cumstanti-
bus.

4. sanctorû
feruore.

5. Ecclesiâ
preces expe-
rento.

6. animabus
Purgatori
suffragia
postulanti-
bus

7. multitu-
dine pereû-
tium.

percipere senties, ex ijsdem colliges vnde eum promptum & alacrem in diuinæ Maiestatis obsequio reddas. Male- dictus enim homo est qui facit opus Dei negligenter: hi- laremque datorem diligit Deus, neque sibi ex tristitia aut necessitate, sed bonâ voluntate optat seruiui.

Primò, ergo statue ante oculos creationis tuæ finem, atque antè omnia diuinam præsentiam, quâ nihil effica- cius ad orationem rectè perficiendam. Pluribus hæc iam suprâ c. tractata sunt, & infra videbis.

Secundò, attende seriò hanc forsitan nouissimâ actio- nem, v. g. orationem fore, & occasionem Deo opt. max. supplicem pro æterna salute libellum offerendi.

Tertiò, vide quot mala te circumdent, à quibus, nisi ad virtutem & orationis asylium confugas, liberari non possis.

Quartò, aspice Sanctorum feruorem, eoq; te languen- tem accende.

Quintò, audi Ecclesiam matrem vndique ab hostibus oppugnatam, à te petèrem strenuos in virtute progressus & orationum subsidium; imò & Christum Dominum, qui amore nostri in Venerabili Sacramento nobiscum permanere dignatus est, & exponere sese mille iniurijs, quibus eum quotidie improbi afficiunt, quasque vitâ sanctè institutâ & oratione, bonâ parte posses auertere.

Sextò, neque minùs te excitabit animarum implora- tio, quæ in Purgatorio detinentur, & orationum suffra- gium efflagitant. ô quàm piè & fructuosè vnâ horam, si daretur, impenderent?

Septimò, fac te videre animarum pereuntium nume- rum, & orationibus atque omni pietate adiuuare con- tende.

Oratio suprâ dicta motiua complectens.

Defecit caro mea, & cor meum, Domine Deus meus, longè à salute mea verba delictorum meorum. ô Domine, quando respicies, quando restitues animam meam à malignitate hostium meorum, & à leonibus vnicam meam? Ecce dereliquerunt me vires mea: memorare, queso, quæ mea substantia; ecce ventus est virtus mea, & forsitan illius extrema est hora, quâ licebit in tempore miserendi alloqui te, ô Pater misericordiarum, & operari pro te. Multipliati sunt qui tribulant me super capillos capitis mei, qui oderunt me gratis, & insuper timor & tremor venerunt super me, & contexerunt me tenebræ: non legero libet, non delectat, meditationes solitas non inuenio. Eheu! vbi est illa inebriatio spiritus? vbi mentis securitas & gaudium, & pax in Spiritu sancto? attenuati sunt oculi mei, suspicientes in excelsum; quando apparebo in conspectu tuo, in concilio iustorum, & congregatione sanctorum tuorum caritate summâ ardentium? quo pacto succurram Ecclesiæ matri opem poscenti? quomodo solabor gementes in Purgatorio animas sponsas tuas? quis mihi tribuat, vt auertam ab interitu tot pretioso sanguine tuo redemptas, ad quas infernus dilatauit os suum! Obsecro, Domine, da mihi incensum offerre dignum in conspectu tuo, & vitam in melius instituire. velociter exaudi me, quoniam defecit me virtus mea, quoniam benigna est misericordia tua. Respice in me secundum multitudinem miserationum tuarum, & ne auertas faciem tuam à puero tuo, intende anima mea, & libera eam, propter inimicos meos eripe me. tu scis, Domine, improprium meum, & confusionem, & reuerentiam meam: in conspectu tuo sunt omnes qui tribulant me. Si respicere dignatus fueris, sicut fluit cera à facie ignis, sic peribunt omnes peccatores, & inimici mei à facie tua; & exaltabo te Deus meus Rex, & benedicam nomini tuo in sæculum, & in sæculum sæculi. Amen.

Psal. 27.

Psal. 21.

Psal. 34.

Iob. 7.

Bern. serm.

54. in Cant.

Isaïæ 38.

Psal. 110.

Psal. 68.

Psal. 67.

Meditatio de tepiditate & acedia.

ORATIO PRÆPARATORIA solita.

COMPOSITIO LOCI. Aspice supra te velut cælum apertum, atque ibi Beatos de momentaneo labore exultantes; infra, damnatos de momentaneo gaudio vultantes.

ORATIO, vt suprâ.

- PUNCTVM I.** Considera Primò damna acediæ: mul-
- Eccli 33.** tam enim malitiam docuit otiositas. Et Primò, hominem adducit in periculum peccatorum grauium, quia temptationi omni exponit, tristitiam adducit & paupertatem; quia dum tempus est, negligit seminare & operari. Secundò, est velut tinea virtutum ac meritorum, cum omnia imperfectè fiant (homo enim instar limacis ad omnia tardus fit) consolationesque ipsa spirituales arefacit, facitque plenum suspicionibus, & desiderijs vanis: denique
- Deut. 15.** maledictus est homo qui facit opus Dei negligenter: incipitque; illos Dominus euomere ex ore suo; talentaque; quæ
- Apoc. 3.** dederat aufert à pigro, atque eadem habenti ac diligenti largitur. Tertiò, adducit acedia hominem in periculum lapsus grauis. nam, vt Cassianus, non subita ruina credenda, si aliquis labi visus, sed sensim vitijs increbrescentibus casu miserabili cõcidisse existimãdus est. Quartò, id quod
- Collat. 6. c. 7.** longè grauissimum, periculum magnum est numquam emergendi ex tepiditate. Qui enim in peccatis est, adhuc
- Greg. in Pastor. c. 35.** conuersionis fiduciam non amisit: qui verò post conuersionem tepuit, & spem quæ esse potuit de peccatore, subtrahit. Ratio verò est, quia nascitur ex tepiditate mala cõsuetudo: & vt Augst. dum consuetudini non resistitur, fit necessitas Considera præterea feruentium gaudia, tepidorum molestias: coguntur enim portare pondus diei & æstus, & tamen nequeunt solatia participare, cum con-

conscientia perpetuò virgeantur, atq; inter mundi & Dei gaudia locati, neutris frui possint, desiderijsque molestissimis ferantur; adeò vt Bernardus dicat: Num tibi horum tepidorum vita inferno potius appropinquare videtur, dum intellectu affectui, & affectu intellectui repugnante, necesse habent mittere manum ad opera fortium, qui cibo fortium minimè sustentantur?

*Serm. 6. de
Alcenj. Do-
mini.*

PVNCTVM II. Considera illa verba, Omnis arbor quæ non facit fructum bonum, excidetur. Secundò, labores Christi pro tua salute susceptos, pœnitentias, orationes, legis obseruantiam, etiam si non teneretur. Tertiò, Sanctorum labores, Apostolorum, Martyrum, pro sua salute consequenda; & accingere ad opus. illud enim remedium optimum docet Cassianus. Considera Quartò feruores eorum omnium qui Religiones ingrediuntur: vide pompam virginum mundo valedicentium. Quintò, vt omnia creata strenuissimè laborent. Sextò, homines mundo deditos, honoribus & opibus inhiantes. Septimò, breuitatem vitæ nostræ, quodque nox veniet fortè hodie, quādo non licebit laborare. Octauò, quod hilarem datorem diligat Deus. Nonò, nouissima considera, & tempus irrecuperabile præterire: vnde ne simus hîc negligentes, carissimi mei, vt non per infinita sæcula pœnitentiam agere cogamur, ait B. Ephrem.

Matt. 3.

l. 10. c. 25.

*2. Cor. 9.
Ephr. in 2.
Iromini
Aduentu
tom. 1.*

PVNCTVM III. Considera quomodo Scriptura inuehatur in otiosos. Qui sectatur, ait, otium, stultissimus est: vnde etiam hæc iniquitas Sodomæ fuisse dicitur: & alibi: Omnis piger semper in egestate erit. Secundò considera, hominem natum ad laborem, sicut quis ad volandum, & vnumquemque propriam mercedem accepturum, secundum suum laborem. Tertiò, considera quid in hoc mundo vile ac pulchrum, aut iucundum, in victu & vestitu, quod sine labore à nobis aut bestiis haberi possit: imò omnia operantur, cælum & terra, Deus etiam ipse. Pater meus vsque quodò operatur, & ego operor, ait

*Prou. 12.
Ezech 16.
Prou. 14.
Iob 5.*

1. Thess. 4.

Ioan. 8.

Dominus; & tu torpere & otari auderes? Quartò, considera stagnantia & torpida omnia putrescere, hebescere
Serm. II. ferrum, & rubigine obduci, sine vsu, &, vt Ambrosius, tētare otia, quos bella nō fregerunt. Quintò, vide, vt periculum omnia perdendi merita adeant tepidi, sicut & peccati grauissimi, & numquam mergendi ex torpore, vtsuprà dixi, quia scilicet se sanctos putant: deinde quia tentationibus omnibus otiosi expositi sunt. hinc Matthæus:
Cassian. collat. 4. c. 19. Dum dormirent homines, zizania superfeminata sunt:
Mat. 13. Israëlita ad idololatriam per otium illecti: Samson victus, & Dauid ac Salomon ceciderunt. Sextò, Domini
Exod. 32. num attende operarijs dare mercedem, non otiosis; & eum qui parcè seminat, parcè & metere. Septimò, præmium immensum considera, & pudeat ob obolum mundanos ita strenuos, te tam pigrum ob æternitatem.

Praxis ad teporem abijciendum.

Considera in secreto cordis tui signa tepiditatis. Primò, horere difficultates, abiecto animo esse & pusillanimum in arduis, desperare finem, & hinc otium quærere, tempusque perdere. Secundò, diuinis non delectari, at facile fatigari, frigide Sacramentis vti, & absque conatu ad feruorem, remisè orare, ac sine attentione; vagis orationi interesse oculis, spuerè, aliorum defectus notare, illis suis velare, fictè confiteri, verbum Dei grauè audire, examinare se perfunctoriè, & agrè colligere. Tertiò, zelum non sentire, consortia hominum quærere, ad fastidium leuandum, alios obseruare, censere, ac ijs obrectare. Quartò, effundere se in corporis commoda, memoriâ repetere mundanorum gaudia, ad ea suspirare, diuinos instinctus ad vitæ seueritatem non aduertere, vndique emendicare solatia, honorificè haberi velle, & honorifica affectare. Quintò, negligentem esse in ijs quæ præcepti & consilij, circumstantias ac cæremonias facile omittere, inconstantem esse, disciplinam grauiter ferre, ac tardè obedire, indignari melioribus, putare quòd alibi melius proficeret. Sextò, excelsa vox, sermo rigidus & superfluous. Hæc ferè ex Bernardo serm. 6 de Ascens. Cassiano l. 10. c. 2. 3. 4. item l. 12. c. 25. 26. 27. Deiphinus Firmanus: Tepidus, inquit, dicit, Non est iam
vita

vita Sanctorum, verbaque mouet otiosa, captiosa, cauillis plena-
curiosa, inania; securè in dies recedit, teporem excusat per dis-
cretionem, atrogantiam dicit maturitatem.

Secunda, a paruis incipere vtilissimum, eaque constanter age-
re potius quàm multa complecti: sic enim crescit animus & ad
ardua comparatur.

Tertia, necessitatem sibi imponere, vel voto pœnali, aut spōsio-
ne, aut aliter. optima certè hæc necessitas secundum Augustinum
quæ ad meliora compellit. Obseruandum autem hæc non ince-
pere quempiam oportere, nisi multa præmissa oratione, aut sal-
tem crebriore, cum nullum propè genus morbi difficiliùs cure-
tur. Alias toto propè libro praxes reperies.

IACVLATORIÆ.

*S*itit anima mea ad Deum fontem viuum.

Psal. 42.

Vsquequo graui corde, ut quid diligitis vanitatem, & queritis Psal. 4.
mendacium?

Ne proijcias me in tempore senectutis, cum defecerit virtus mea, ne de- Psal. 70.
relinquas me.

Laboraui in gemitu meo, lauabo per singulas noctes lectum meum, la- Psal. 6.
crymis meis stratum meum rigabo.

Non est sanitas in carne mea, à facie ira tua: non est pax ossibus meis, Psal. 37.
à facie peccatorum meorum

Miser factus sum, & curuatus sum vsque in finem: tota die contrista- Ibid.
tus ingrediebar.

QVINTÆ IMAGINIS

ANNOTATIO.

Mors instat, vita fugit; quid
cessas viator?

Considera **A** tempus vita incertum, breue, volu-
cre. Fingitur illud personâ grandæui senis; quia
in singula momenta innouatur, consenescit, labitur si-
mul ac emoritur tempus. Vtere igitur quasi mox
transituro. Eius fluxum horaria **B** clepsydra notat; ab
hora autem **&** vita filo pendet aternitas; in quam
mors nec opinantes rapit. Aeternitatis hieroglyphicum
veteribus est anguis circum faciens; quia hic neque
principium, neque finem habet: **&** ipsa à filo fragilis
huius vitæ dependet. Fugit hæc instar **C** fumi, bullæ, sa-
gittæ, navis fluminis, avis, cerui, ac verni floris: **D** mes-
sis instar decerpimur; ac velut **E** candela extingui mur,
flatu minimo. Vigilandum itaq; nam **F** securis ad radi-
cem posita est. Qui sapiens est custodiet hæc, **&** viuet:
agetq; omnia quauis horâ, quasi **G** nouissima foret, vt
monet Angelus, quamq; felix aut infelix **H** aternitas
exceptura sit.



CAPVT V.

De secundo stimulo perfectionis; qui est de morte, ac fugacitate vite, meditatio.

PRÆLVDIVM I. erit, contemplari ea, quæ in imagine proponuntur.

Secundum, petere gratiam, vt diligentem rationem temporis & occasionis, quæ modò offeruntur, habere possis.

PVNCTVM I. Considera, vitam hanc, diuitias, honores, ac voluptates, instar nauis, fluminis, volucris, sagitte, fumi ac floris fugere. quod Salomō elegāter expressit: Transierunt, aī in persona impiorū, omnia illa tamquam vmbra, *Sap. 5.* & tamquā nuntius percurrentis, & tamquā nauis quæ pertransit fluctuātem aquam: cuius, cūm præterierit, non est vestigium inuenire, neque semitam carinæ eius in fluctibus: aut tamquam auis, quæ pertransuolat in aëre, cuius nullum inuenitur argumentum itineris: aut tamquam sagitta emissa in locum destinatum, diuisus aër continuò in se reclusus est, vt ignoretur transitus illius; sic & nos nati continuò desijmus esse. Spes enim impij tamquam lanugo, quæ à vento tollitur; & tamquam spuma gracilis, quæ à procella dispergitur: & tamquam fumus, qui à vento diffusus est, & tamquam memoria hospitis vnius diei prætereuntis. Itaque dum tempus est, operemur bonum, & ambulemus dum lucem habemus, ne tenebræ nos comprehendant, & ianuā clausā audiamus illud triste: Nescio vos. *Vanitas vite humana. Galat. 6. Ioan. 3. Luc. 13.*

Secundò, attende, quid de præteritis lustris, annis, mensibus & transitorijs rebus, vbi transierunt, supersit; nihil sanè, nisi benè vel malè factorum iucunda aut tristis recordatio. quocirca statue, vtrā hac ex hora perperuam

habere malis, & quo pacto iam orare, viuere, &c. Sanè nemo sapiens vnâ horulâ epulari, recreari, honorari optabit, potius quàm æternùm.

Casarius.
Omnis ho-
ra velut
ultima
habenda.
Cyprian.
Simile.

S. Th. opus.
de diuinis
moribus.

Omnia
perfectè fa-
cere oportet
Deum
que imi-
tari.

PVNCTVM II. Memoriâ repete casus repentinos eorum, quos aliquando nosti, & cuius accidere posse, quod cuiquam, agnosce; ac horam omnem velut vltimam ob oculos pone. Casarius ait, Omnis dies velut vltimus ordinandus est; tu etiam ad horam transfer: & cum incertus sis, quo loco te mors expectet, tu illam omni loco expecta: liquidem talem te iudicat Deus, qualem te inuenit, cum vocat, ait Cyprianus. atque ita ab hora vna pendet longissima æternitas. Sicut autem is, qui carceri inclusus est, damnatusque cum alijs ad mortem, videns hunc illum à latere suo ad supplicium citari, non ludo fallit tempus, sed rebus suis consultit: ita facito. quod si verò is veneno vitam finire deberet, ei que septem panes in dies septem dati essent, quorum vnus foret veneno infectus; quo sensu, putas, quotidie panemsumeret? Aut si adhiberetur quis epulo, in quo totidem fercula, vnum verò lethale, quanto ex mortis recordatione cum timore ea attingeret? Eundem affectum induc, & Omnè crede diem tibi diluxisse supremum, imò horam, vt tua omnia perfectè facias, iuxta illud D. Thomæ: Alius, ait, est mos Dei, quo omnia opera sua in summo benefecit; similiter & nos diligentiam apponere debemus, vt singula opera nostra, quantò vnquam melius possumus faciamus; ex omni virtute Domini nostri IESV Christi, & cum omni desiderio triumphantis & militantis Ecclesiæ, & sub nomine creatoris: quasi tota salus nostra, & omnis laus Dei, & vniuersitatis vtilitas ex vno opere dependeat: quasi numquam ad id opus reuersuri, neque opus aliud postmodum incepturi. Etenim densè cadunt velut in conferta turba mortales, mortis iaculis confecti. Mortem igitur omnibus horis impendentem time, & occasione vttere, quæ numquam, vbi semel abierit, reditura est.

PUNCTVM III. Considera occasionem orandi & rectè agendi quam iam habes, ac simul inspirationem ad eam non negligendam: etsi etenim vita progetur, non tamè tempus in quo Dominus recordetur nostri. siquidem si, postquam Dominus vocauit, occasionem offerendo, à nobis negligatur; iustè etiam nos deinde negligit. *Prov. x.* Vocauit, ait, & renuistis; extendi manum meam, & non fuit qui respiceret, ego quoque in interitu vestro ridebo. Quid enim dignius, & quid iustius? Non audimus? nō audimur: non respeximus? non respicimur. & Saluator Ioannis 8. *Ioan. 8.* Qui ex Deo est, verba Dei audit; propterea vos non auditis, quia ex Deo non estis. & lib. i. Reg. Samuel Sauli sic *1. Reg. 15.* intonat: Pro eo quod proiecisti sermonem Domini, proiecit te Dominus, ne sis Rex super Israël. Proijcere autem sermonem Domini videtur, qui ad Dei vocem audiendam non se uti debet comparat, torpidè ad orationem & opera pia procedit, atque ita ineptum sese diuinis inspirationibus reddit, quas tunc ei Dominus largitus fuisset, quibusque forsan, & aliàs non, esset salutem consecutus. Ait enim: In tempore accepto exaudiuite: diesque nostri *2. Cor. 6.* non solum numerati sunt, quoad vitam temporalem, sed etiam sempiternam.

Oratio pro actionibus piè ac rectè perficiendis.

O Rex regum, & Domine dominantium, numerasti dies nostros, qui prateriri non poterunt, & tempus pœnitentiæ *Iob 14.* concessisti: quod ubi elapsum fuerit, nullo redimi pretio aut recuperari industriâ poterit. da ergo mihi gratiâ, quâ illud redimam, & ut, dum lux est, operer salutem meam; ne serò frustra defleam prateritos annos, & dies mercatus, ac horas peregrinationis nostræ. heu mihi, quàm multos coeuios & notos mors immatura aut inopina abstulit, qui tamen sibi ab ætate & viribus multos annos promittebant! sed improuisum fore aduentum tuum illi didicerunt, & nos docuerunt, ut omni horâ essemus parati. Desidero, Domine

mine Iesu, iam sic vitam & orationem meam instituire, & omnes actiones meas, quasi ex quolibet opere tota salus mea, & omnis laus tua, & vniuersitatis vtilitas dependeret; quasi numquam ad hoc opus reuersurus, quasi nullum aliud postmodum incepturus. Tempus est iam miserendi, Domine, tempus miserendi venit. Recordare igitur miserationum tuarum, & cito anticipent vos misericordiam tuam, quia inclinata est iam dies; & ecce venit nox, quando amplius nemo poterit operari. Veni ergo, Domine, & noli tardare, & relaxa facinora plebi tue, vt in sanctitate & iustitia seruiamus tibi omnibus diebus vite nostre.

Psal. 101.

Psal. 78.

Luc. 1.

Praxis ordinandarum actionum.

Primò, contemplari aliquando ex editiore, si res ferat, loco ea quæ Sapiens cap. 5. de vanitate rerum humanarum eleganter disserit, cogitando, quot in vrbe ista vixerint mortales, & vbi iam sint, &c. tum verò id magis afficit cum ruinæ apparent veteres, & casus magnarum urbium oculis mentique obijciuntur; vitamque ordinare suam in melius.

*Catalogum
habeas me-
moriam a-
micorū mor-
tuoꝝ.*

Secundò, catalogum habere familiarium & notorum, magnorum maximè virorum, quos, dum viuerent, suspiciebas, & videre vbi sit homo, & opera eius: percontari quasi ex eis quid de huius mundi rebus iam sentiant.

Tertiò, percurrere qualibet hebdomadâ vel mense vitam antea actam, & multa quæ euasimus diuinâ misericordiâ pericula; vt ex iis prouidi efficiamur & feruentes.

*Vide occasio-
nes pietatis.*

Quartò, quas occasiones pietatis quisque habuerit & habeat, perconsulere; maximè si oculos ad alios retrò conuertat, & chartas geographicas consideret; maximamque terræ partem & hominum, aut ignorantiam aut malitiam perire.

Quintò, aliquando percurrere actiones suas omnes die aliquo solemniori dum officio interest diuino, & secum dispicere, an non aliter eas in hora mortis fecisse voluisset: hoc enim plurimum illuminat intellectum, & voluntatem accendit.

*Cogita horam
supremam in
omni actione.*

Sextò, sæpius, cum dubii hæremus, vt animus ab affectu liber sit & sincerius iudicet, cogitare quid iam nos si hæc hora mortis foret, egisse optaremus: certè faciliè quis hac ratione induceret animum, vt inimico condonaret, faciliè torporem excuteret, Missam debite audiret, conscientiam discerneret, &c.

In

In actionibus verò ordinandis, hoc imprimis obseruandum, *Ordina omnes
vt non tantum definitæ sint quoad modum, sed etiam quoad
actiones tuas.*
tempus: & prouideantur bona non solum coram Deo, sed etiam
coram omnibus hominibus.

Septimò, sententiam etiam illam D. Thomæ antè allatam consi-
derare plurimum iuuerit: maximè, vt actiones vitæ præcipuas
perfectè exequamur. sed de his infra pluribus agendum erit.

IACVLATORIÆ.

Considerando innumeros, qui hac horâ æternum pereunt,
dic affectu magno:

Ne perdas cum impijs, Deus, animam meam, & cum viris sanguinum Psal. 25.
vitam meam.

Quid est homo, quod memores eius, aut filius hominis, quoniam visi- Psal. 8.
tas eum?

Memento, Domine, quia ventus est vita mea. contra folium, quod Iob 7.
vento rapitur, ostendis potentiam tuam, & stipulam siccam per- Iob 18.
sequeris?

Ego dixi in dimidio dierum meorum, Ecce nunc cæpi. Isaia 38.

Adiutor meus esto, ne derelinquas me, neque despicias me, Deus salu- Psal. 26.
aris meus.



SEXTÆ IMAGINIS

ANNOTATIO.

Vide pericula tua, quæ à mundo, dæ-
mone, peccato, morte tibi immi-
nent, & ad pietatis & orationis a-
sylum confuge.

Considera quomodo *A* mundus, *B* demon, *C* pec-
catum, cum *D* morte te persequantur, & confu-
ge ad crucifixum *E* Iesum amantiſſimè ad se omnes
inuitantem, cum ait: Venite ad me, omnes qui labora-
tis, & onerati estis, & ego reficiam vos. Ad *F* oratio-
nem quoque, ac Dei præſentiam velut ad asylum te re-
cipe. ſic magnus ille *G* Antonius, & plurimi ſancti vi-
ri, orationis armis de hoſtibus triumpharunt. *H* Moy-
ſes eadem *A* malecitas ſuperavit. hos imitare, ac ma-
gnis paſſibus ad Chriſtum contende, eiſq; imitatio-
nem: omnis enim qui inuocauerit nomen Domini, ſal-
uus erit.

יהודה



CAPVT VI.

De tertio stimulo, timoris Domini, qui est meditatio de periculis huius vitæ.

PRÆLVDIVM I. seu COMPOSITIO LOCI, est velut in imagine.

PRÆLVDIVM II. Oratio.

PVNCTIVM I. Considera Primò, te vndique cinctum hostibus esse, mundo, diabolo, carne, & peccato, eiusque occasionibus; neque vlllo vnquam tempore aut loco eos cessare ad internecionem te persequi. quid ergo facturus es? Secundò, eos esse potentissimos, vaferrimos & pessimos, & ne quidem vnum eorum te posse absque singulari Dei præsidio & gratia superare. Tertio, aduerte, quomodo Angelos è cælo peccatum deturbarit, & deinde Adamum ex paradiso, etsi illi in gratia creati, & infinitis (vt ita loquar) præsidijs vallati essent. Omnem ergo operam adhibe, vt orationis fideique clypeo iacula excipias inimici & extinguas. O Domine Deus exercituum, in nobis quidem non est tanta fortitudo, vt possimus huic multitudini resistere, quæ irruit super nos; sed cum ignoremus quid agere debeamus, hoc solum habemus residui vt oculos habeamus ad te.

Hostes plurimi & potentissimi.

2. Par. 20.

PVNCTIVM II. Considera ruinas bonorum, qui columnæ cæli videbantur & Ecclesiæ Dei, postquam annos plurimos sanctè pieque vixissent, vti fecerat Hosius, Lucifer Calaritanus, Origenes, Tertullianus, &c. tam multi Religiosi, qui à Religione & sanctissima vocatione sua, atque adeò etiam à fide persæpè apostatarunt. O iudicia Dei abyssus multa! Vide etiam, quàm multi penè vsque ad extremum vitæ multo te prudentiores & pietatis studiosiores, tãdem in superbiam elati, per hypocrisim lapsi, miserè perierint. Causam horum malorum si exquiras à Sanctis, eam ferè audies; sinceram, puram ac feruentem

Attende ruinas bonorum.

ora-

Tepiditas orationem, & virtutis studium homines eiusmodi dese-
causaru- ruisse, & sic tepiditate suâ Dei iram, eheu! prouocasse.
na. Cùm autem non sit peccatum, quod facit homo, quod
 non faceret alter homo, nisi Dei gratia adesset; humilis
 esto in oculis tuis, & orationi & pietati diligentèr incum-
Exod. 17. be. sic B. Antonius de suis hostibus, sic Moyses de Ama-
 lech, & quotquot beati sunt in cælis, de inferno trium-
 pharunt.

Matt. 11. PUNCTVM III. Considera hæc verba Christi in cruce
Psal. 118. velut coram pendente: Venite ad me, omnes qui labo-
Iesu Chri- ratis & onerati estis, & ego reficiam vos. O quàm dulcia
sti suavis- hæc faucibus nostris eloquia tua, ô bone IESV! at quo-
sima inui- modò veniemus ad te, nisi traxeris nos in funiculis Adæ,
ratio. in funiculis caritatis? Trahe, quaeso, nos ad te, vt curra-
 mus velut cerui ad fontes aquarum, qui iam laboramus,
 & ambulamus vias difficiles & incertas; deduc nos in
 viam mandatorum tuorum, & semitas tuas edoce nos.
Psal. 78. onerati, eheu! sumus multis peccatis; adiuua nos, & pro-
 pter gloriam nominis tui libera nos, neque despicias nos,
 Deus salutaris noster.

*Oratio, vt à multis vitæ huius periculis
 liberemur.*

Psal. 56. **C**ircumdederunt nos inimici nostri vndique, & laqueum
Psal. 6. parauerunt pedibus nostris, & anima mea turbata est val-
Psal. 107. de: turbatus est à timore oculus meus, & inueteraui inter omnes
 inimicos meos. Quis deducet me in ciuitatem munitam? quis me
 liberabit de inimicis meis iracundis? conuertere, Domine, & eripe
Psal. 6. animam meam, & saluum me fac propter misericordiam tuam,
 quoniam non est in morte qui memor sit tui, in inferno autem quis
 confitebitur tibi? erubescant & conturbentur vehementer inimi-
 ci mei, conturbentur & erubescant valde velociter. quia exaudi-
 uit Dominus deprecationem meam, Dominus orationem meam
 suscepit: Discedite à me omnes, qui operamini iniquitatem, quo-
 niam

nam exaudiuit Dominus vocem fletus mei. Non timebo milli ap-
 puli circumdantis me, quoniam tu, Domine, vocasti me, & susce-
 pisti me. Exurge Domine, adiuua nos semper, ne vnquam domi-
 nentur nobis inimici nostri, sed sciant quia manus tua hac, & tu
 Domine fecisti eam, & factus es refugium pauperi, adiutor in op-
 portunitatibus, in tribulatione. Sperent in te, qui nouerunt nomen Psal. 91
 tuum, quoniam non reliquisti quærentes te, Domine, sed exalta-
 sti eos de portis mortis, vt annuntient omnes laudationes tuas in
 portis filia Sion. Tibi derelictus est pauper, & orphano tu eris ad-
 iutor, quoties in oratione confitebitur tibi, & extollet manus suas
 in sancta, & benedicet tibi. Oculi enim tui in pauperem respi-
 ciunt, & propter miseriam inopum & gemitum pauperum exur-
 ges, & seruabis nos, & custodies nos à generatione hac in ater-
 num. fiat, fiat. Psal. 135

Praxis considerandi pericula.

Primò, vnîuersum orbem mente decurre, die aliquò certo ac
 horâ vt in Sacro solēni, vel Vesperis; & miseras quas in cor-
 pore & anima homines alii patiuntur, Deo quæ grates age, quòd
 ab iis liberum te esse singulari beneficio voluerit.

Secundò, contemplare aliquando mundum velut laqueis te-
 ctum, vt eum vidit D. Antonius (laquei verò & decipula sunt
 creaturæ, quòd earum amore homo implicitus ab hoste capia-
 tur) & quo pacto iuuare te aliosque possis, & euadere.

Tertiò, corâ Ven. Sacramento aliquoties per diem vel saltem
 semel te siste, velut ante propitiatorium, imò velut in cælo cû in
 viuâ fide; & pugnas ipsi consecra, victorias acceptas veter, gra-
 tiamque pete, vt resistere queas insidiis diaboli, ac protestare te
 numquam ratum habiturum, neque habere, si quid humanâ fra-
 gilitate subrepperit.

IACVLATORIÆ.

Domine Deus meus, in te speraui, saluum me fac ex omnibus per- Psal. 7.
 sequentibus me, & libera me.

Iudica Domine nocentes me, expugna impugnantes me: apprehendi Psal. 134.
 arma & scutum, & exurge in adiutorium mihi.

Eripe me de manu inimicorum meorum, & à persequentibus me. Psal. 130.

Vt quid Domine recessisti longè, despicis in opportunitatibus, in tribu- Psal. 131.
 latione?

SEPTIMÆ IMAGINIS

ANNOTATIO.

Æmulare Sanctos, & charismata
meliora,

Quod si te torpentem tepidumq; esse videris, mo-
reare Sanctorum feruoribus: intuere quàm fer-
uore prompteq; precationi, & omni pietati incumbant
A Benedictus, Augustinus, Dominicus, Bernardus,
Norbertus, Bruno, Ignatius, Catharina Senensis, Te-
resa, aliq; sexcenti. Vide quàm multi in **B** cænobijs, in
eremo Deum nocte dieq; laudent. en **C** Hieronymum
pectus cruentantem, en **D** Stylitas in tempestatum
procellis perstantes; atque in primis **E** diuum Fran-
ciscum in **I**ESV vulneribus colliquescentem. & heu! **F**
peccator in medijs periculis obdormiscit. audi, audi **G**
Dominum dicentem: Vigilate & orate, ne intretis in
tentationem.



C A P V T VII.

Meditatio de quarto stimulo sanctæ æmulationis, qui est feruor Sanctorum.

COMPOSITIO LOCI, vt in imagine.
CORATIO, vt suprâ.

PVNCTVM I. Considera Primò, quomodo Sancti dum in terris agerent, bonam vitæ partem orationi consecrarent, pietatem diligentissimè coluerint. Ibant illi de virtute in virtutem, & requiem non habebant die ac nocte: sed quærebant Dominum in toto corde suo, & curru igneo ac equis igneis Eliæ, id est desiderijs, ferebâtur in cælestia. Omnia eorum sacrificia ignis ille consumebat, quem Dominus venit mittere in terram, & voluit vehementer accendi, id est, caritatis: ob eâ ad solitudines & monasteria, vt in imagine vides, conuolabant, vt in sacro orationis otio Deo suo quietiùs fruerentur. Eat tu mente perambulâ, & vide quam diligentiam adhibeas, vt Deo coniunctus sis. Secundò, quanta impetrarint sibi & alijs, nec non in omni elemento per orationem patrarint. oratione Elias pluuias stitit, & oratione reuocauit; alius ad sanitatem ægros, alius mortuos ad vitam. Vide quanti Deus & orationem & pietatem facere solitus sit. Tertiò, attende quantis in periculis mundani iaceant, securi tamen, & inter medios hostes crudelissimos altum dormiant, etiam si Dominus inculcarit: Vigilate & orate, vt non intretis in tentationem. Ab inferiori parte, ait Bernardus, timor nocturnus insurgit, à sinistris sagitta volat in die, à dextris perambulat negotium tenebrosum, à superiori parte daemonium meridianum insurgit; nos verò tot serpentibus atque hostibus circumdati perniciosissimâ securitate & inertia torpemus, otio dormitamus in negotio maximè

Apoc. 4.

*4. Reg. 2.
Leuit. 6.*

3. Reg. 18.

Paz to. 1. l.

5. p. 2. c. 16.

Matt. 26.

Bern. serm.

2. de S. Andrea.

arduo, pigri ad spiritualia, prompti ad temporalia, segnes
Ecclesi. 12. ad salutem, parati ad interitum. Quis miserebitur incantatori à serpente percussio, & omnibus qui appropiant bestijs? Tu Domine, qui dominaris potestati maris, & motum fluctuum eius tu mitigas.

PVNCTVM II. Considera Primò, quanta solatia ex oratione perceperint Sancti, vt sine tædio annos plurimos absque omni humano solatio in solitudine multi perseuerarint, alij in laboribus plurimis & periculis, atq; adeò in tormentis. non habet enim, ô Deus meus, amaritudinē conuersatio tua, sed in gaudio summo propinare soles de fontibus tuis, ô Saluator mi, vinum tuum, vinum germinans virgines, quo inebrias Sanctos tuos. Secundò, cōsidera vanitatem omnis humani solatij: prætereunt enim omnia tamquam vmbra, &

*Boët. de
 Consol.*

*Habet omnis hoc voluptas,
 Stimulus agit furentes,
 Apiumq; par volantum,
 Vbi grata mella fudit
 Fugit, ac nimis tenaci
 Ferit iccta corda morfu.*

Platus.

At verò reliquiæ cogitationis & meditationis sanctæ diē festum agunt in anima quæ in Domino delectatur. Orando enim, inquit Bernardus, tuum bibitur vinum lætificans, vinum spiritus, quod inebriat, & carnalium infundit obliuionē. Et Augustinus vulneratus amoris telo aiebat: Dulciores sunt lacrymæ orātium quàm gaudia theatrorū. Quid verò Propheta Dauid? Quemadmodum, inquit, desiderat ceruus ad fontes aquarum: ita desiderat anima mea ad te, Deus. Quid verò Dominus, qui diues est in misericordia, his retribuit? id quod ipse promisit, Ego sitienti dabo de fonte aquæ viuæ gratis. Quis mihi det, vt veniat etiam petitio mea, & quod expecto tribuat mihi Deus?

*Apoc. 21.
 Iob 6.*

PVNCTVM III. Considera, quomodo Sancti in cælo nostra

stra pericula & labores contemplantur, & pro sua erga mortales caritate ardentissimè pro nobis supplicet Deo; & quàm turpe somniculosos nos in salute nostra curanda, & maximè in orando, corâ eo comparere, ac tepidos in medio feruentium Cherubim & Seraphim? Vnde meritiò certè Ecclesia cum ijs nostras preces vt pater misericordiarum admitti iubeat, deprecatur. Secundò, quomodo ij in omni æternitate exaltent Dominum in Ecclesia plebis, & in cathedra seniorum laudent. Itaq; etiam nunc id incipe, ô anima Christi sponsa, ad quod perpetuò faciendum à Deo creata es, neque committas vt vanis rebus & colloquijs temporis plurimum perdatur, orationi & pietati succilum & exiguum ægrè concedatur.

Oratio ad feruorem Sanctorum impetrandum.

O Peruit confusio faciem meam, Domine Deus meus, quia ex- *Psal. 68.*
 traneus factus sum fratribus meis Sanctis tuis & peregrinus,
 quia dissimilis filijs matris meæ Ecclesiæ tuæ. Video enim eos, dū vi-
 uerent, Spiritu sancto & gratiâ plenos, numquam ab oratione spi-
 ritum relaxasse, operibus pijs instituisse, sollicitè ambulasse coram
 te. ô quot suspirijs pulsabant portas palatij tui, & dulcissimum cor
 tuum, Domine IESU! quot desiderijs humilitate plenis penetra-
 bant aciem ordinatissimam Angelorum tuorum! Centies ille per
 diem flectebat genua corporis sui, & millies cordis sui: iste lacry-
 mosus oculis tacitus clamabat ad te afflictus & tribulatus, vt ra-
 dius aliquis affulgeret à te sole iustitiæ, & dissiparentur nubes
 iniquæ cogitationes, tribuli eruerentur & spina terra nostra. Ego
 verò multò magis miser & miserabilis, vt eos sequar, suspiro: &
 velle quidem adiacet mihi; sed perficere non inuenio, nisi tu dede-
 ris mihi. Surgam, & queram te vnum quem diligit anima mea, *Cant. 3.*
 ibo ad solitudinem, vt loqui digneris ad cor eius, & possit procede-
 re de virtute in virtutem, donec videat te Deum deorum in Sion,
 donec inebrietur ab vbertate domus tuæ. Ad hoc, quaeso, Domine, *Psal. 35.*
 deduc me in semitam mandatorum tuorum, in loco hoc horroris *Psal. 118.*

- & vastæ solitudinis, vt cum timore & tremore semper seruiã tibi, neque inter pericula securus, neque inter aduersa pusillanimis. Hoc*
- Bernard. *certe vehementius me terret, & omnino timoris acerbissimo gladio reuerberat cor meum, quod inter tanta pericula minùs timoratus, minùs exercitatus, minùs quàm necesse sit sollicitus inueniar. si quidem vnum è duobus hac ipsa negligentia nostra probat, aut omnino traditos nos hostibus, & nescire (quod auertere dignetur clementissimã bonitas tua) aut si inter hæc conseruamur, tibi,*
- Isaia 48. *qui nos tueris, ingratos nimium reperiri. infrena igitur os meum laude tuã, vt benedicant tibi opera mea. Iubes enim semper orare, & non deficere. Vtinam igitur, dum me fragilitas, & instabilitas cordis mei non sinit tecum loqui, opera sancta & iusta & pia benedicat nomini tuo: & cum celis illis, quos semper velut premium & palatium & regnum promissum in conspectu nostro esse voluisti, enarrent gloriam tuam! Creasti enim me ad honorem tuum & laudem tuam, & ecce vagus mente ac oculis inhonoro te, & cū odorem ac thymiamã suauissimũ Domino meo oblaturus sum ex fonte impuri cordis mei, nefarie etiam cogitationes ascenderunt in cor meum. Quid faciam, cui vnctio orationis, & medicina contemplationis vertitur in culpam, in vulnera anime meæ? cui oratio, solatium bonorum, tristitiam parit? cui refugium miserorum iram prouocat? cui Angelorum summa felicitas & cibus laus tua*
- Psal. 138. *& oratio paulò longior nausea est & fastidium? Imperfectum meum viderunt oculi tui, ne derelinquas, ne deseras me; & am-*
- Psal. 130. *bulabo, & non deficiam; volabo, & non requiescam, donec inueniam locum Domino tabernaculum Dei Iacob. non dabo somnum oculis meis, nec palpebris meis dormitationem, donec euigilet ad te cor meum, & rapiat me ad te omne desiderium meum.*

Praxis ad feruorem Sanctorum consequendum.

Primò, sanctos patronos, maximè menstruos, constitue præfides orationum & actionum tuarum, recita cum illis psalmos, affectum quæ illorum induc.

Secundò;

Secundò, eorum singulares virtutes studiosè obserua ac imitare. quod vt facere possis, vitas eorum sedulò volue.

Tertiò, eorum manibus frigidās orationes tuas Domino offer.

Quartò, visita eorum sepulcra, reliquias, aliòsque ad eorum cultum exemplo tuo & narratione eorum quæ gesserunt, inuita.

Quintò, orationis studium diligenter complectere. Ignitum enim est eloquium Dei vehementer, ideoque si tepidus es & frigidus, accede ad Dominum, loquere ad eum qui est ignis consumens, tu qui es pulvis & cinis.

Sextò, quemadmodum filij Israël diem habebant solemnem ignis, siue Vrim, quo ignem cælitus missum sibi gratulabantur, Deoque gratias agebant: ita etiam nos oportet gratijs agendis pro iustificationis & vocationis gratia, & illius renouatione designare tempus certum, imò etiam ignem illius caritatis qualibet horâ innouare atque augere. Quid dulcius illâ esse potest? quid vtilius? exsuperat omnem sensum, & omne gaudium quod de te, Domine Iesv, sumit anima, quæ non præsumit de se, sed vîuit in te. 2. Machab. 2.
Leuit. 9.

IACVLATORIÆ.

Quam magna est multitudo dulcedinis tuæ, Domine, quam abscondisti timentibus te! Psal. 30.

In conspectu Angelorum psallam tibi, adorabo ad templum sanctum tuum, & confitebor nomini tuo. Psal. 139.

Quemadmodum desiderat ceruus ad fontes aquarum, ita desiderat anima mea ad te Deus. Psal. 43.

Expandi manus meas ad te, anima mea sicut terra sine aqua tibi. Psal. 142.

Velociter exaudi me Domine, defecit spiritus meus. Ibid.

Insuper ut palma florebit, sicut cedrus Libani multiplicabitur. Psal. 19.

OCTAVÆ IMAGINIS

ANNOTATIO.

Miserere Ecclesiæ matris , & probitate ac feruore tuo eam tueri conare.

Considera **A** Ecclesiam velut matrem esse fidelium, illamq; à **B** demonibus, hæreticis, ac Turcis oppugnari ferro ac stylo , adeò vt magnam **C** mundi partem ab ea diuertat ac diuellat demon. Vide eandem petentem à **D** filijs suis opem orationum, ac vitæ emendationem flagitantem, etsi à **E** Spiritu sancto **F** Angelisq; propugnetur. Id ipsum à nobis exigit Christus Iesus benignissimus Dominus noster, qui in **G** Venerabili Sacramento , amore nostri se nobis impertiri, & nobiscum esse vsque ad consummationem sæculi dignatus est , quamuis non ignoraret multis idcirco se onerandum iniurijs, quas nostrum est virtutum ferore auertere.



CAPVT VIII.

De quinto stimulo charitatis erga Ecclesiam matrem, quæst meditatio de Ecclesiæ afflictione.

PVNCTVM I. Considera Primò, quomodo Ecclesiam Dominus velut sponsam sibi pretioso sanguine subarrhauerit, adeoque amarit, vt pro ea mori dignatus sit: ac proinde fideles eius seruos hostibus cinctâ strenuè propugnare, idque egregiâ virtute oportere. Secundò, attende quàm multi in ea sancti & pij homines; quos quotidiana propè procella multarum aduersitatum & persecutionis exagitat, Omnes enim qui piè volēt viuere in Christo, persecutionem patientur; neq; deerit tribulatio persecutionis, si numquam desit obseruantia pietatis. Atque adeò repete, si placet, altiùs; neque in veteri testamento vllum Deo probatum inuenies, quem velut aurum antea tribulationis ignis non repurgarit. Tertiò, attende quantas per orbem vniuersum persecutiones patiatur vniuersa Ecclesia, tum à Mahometo, tum Ethnicis, tum vel maximè hæreticis. quæ regna hi non vastarunt? quæ sacra non profanarūt? omnium tamen maximè à dyscolis Prælati: qui, vt dicit D. Bernard. cùm ministri Christi sint, seruiunt Antichristo: honorati incedunt de bonis Domini, & Domino honorè nō deferunt, vt Ecclesia meritò dicere possit: Ecce in pace amaritudo mea amarissima, amara priùs in nece Martyrum, amarior in conflictu hæreticorum, amarissima nunc in moribus domesticorum. Et Gregorius, Nullum puto, fratres carissimi, ab alijs maius præiudiciũ quàm à sacerdotibus tolerat Deus, quando eos, quos ad aliorum correctionem posuit, dare de se exempla prauitatis

2. Tim. 3.

Bernard.

Isaia 38.
Ecclesiastici
mali nocent
plurimum.
Greg. hom.
17. in Eudg.

tatis cernit; quando ipsi peccamus qui compescere peccata debuimus. Neque minùs tamen à Religiosis Ordinibus peccatur, quorum multos miserè discerptos & deformatos lugemus: quorum aliqui cùm sal mundi esse deberent, infatuati sunt; cùm eorum sit angelicam vitam inter homines degere, & exemplo præire, ex ipsis scandala multa nata sunt, atque etiam magistri errorum.

*Dominus
Iesus in
S. Eucha-
ristia, præ-
sentia sua
nos ani-
mas.*

PVNCTVM II. Considera Christum **IESVM** ex infinito amore se Ecclesiæ suæ dedisse in augustissimo Sacramento altaris, vt etiam sic cum ea esset vsque ad consummationem sæculi, ad præsidium, refugium ac solatium omnium fidelium. Iam vide quantis amore tui se exposuerit simul iniurijs magorum, hæreticorum, qui eum non tantum conculcare, sed & mille indignis modis & blasphemijs dehonestare consueuerunt. Et vtinam hi tantum! sed, quod multò magis lacrymis dignum est, à Catholicis & sacerdotibus aliquibus, & Religiosis improbis eadem patitur: vt meritò illud iterum dicere possit, His plagatus sum in domo eorum, qui diligebant me. nam qui pro Domino sanguinem ponere debuerant, hi sunt qui eum ostentui habuerunt, & eum rursus sibi crucifixerunt. Iam vide quo pacto subditi Registerreni, eum in media acie pro se stantem iuuare & tutari, suis etiam corporibus oppositis conarentur: & idem pro Rege tuo Christo **IESV** facito, imò pro patre, pro redemptore, tanto benefactore & sponso animæ tuæ.

Zach. 13.

PVNCTVM III. Considera quàm fortiter zelati sint pro Deo & eius Ecclesia Machabæi, & post Domini mortem à principio pro ea pugnarint Apostoli, Martyres & Doctores, & diui Arhanasius, Hieronymus, Augustinus, &c. hæreticos scriptis, & quibus poterant modis prosequentes. Quantâ sollicitudine, velut boni speculatores in Ecclesiæ specula constituti, vigilarint super gregem suum: neque tantum pro animabus, quod præcipuum est, sed etiam pro immunitate Ecclesiæ fortiter steterunt, vt Stanislai,

nissai, & Thomæ Cantuarienses. Secundò, quanta hinc
 illis meritò gloria accesserit: non enim de hostibus carna-
 libus triumpharunt, sed principibus mundi huius, & po- *Ephes. 6.*
 testatibus tenebrarum. Tertiò, quantum aliquis vir ze-
 losus possit, uti B. Dominicus, Franciscus, Ignatius, Xau-
 rius. Certè duodecim Apostoli modicum fermentum,
 pauci aliquot viri Religiosi, plus aliquot millibus posue-
 re opere, & fructum collegere. Solitus sanè B. Ignatius di- *B. P. Ignatius.*
 cere, neminem nosse, quantum Deus per eum gratiâ suâ
 operaretur, si homo illâ quæ iam concessa est, vteretur.
 Attende ergo matrem Ecclesiâ his te verbis compel-
 lantem: Fili, miserere mei, quæ te in vtero portavi & lac *1. Mach. 7.*
 dedi, & in ætatem istam perduxì. peto, nate, ut adspicias
 ad cælum & terram, & ad omnia quæ in eis sunt, & intel-
 ligas, quia ex nihilo fecit illa Deus, & hominum genus. ita
 fiet ut non timeas propter eum carnifices vltos, sed di-
 gnus fratribus tuis effectus particeps, suscipe mortem, ut
 in illa miseratione cum fratribus te recipiam. Illa enim
 nos Domino regenerauit & pascit, ut in sanctitate & iu- *Luc. 1.*
 stitia coram illo viuamus. Induamus ergo Mathathææ ze-
 lum, videntes contritionem populi nostri. En sancta in *1. Mach. 1.*
 manu extraneorum facta sunt, templa nostra sicut homo
 ignobilis, vasa gloriæ eius captiua abducta sunt, trucidati
 sunt senes eius in plateis, & iuvenes eius ceciderunt in
 gladio inimicorum: omnis compositio eius ablata est,
 sancta nostra, & pulchritudo nostra, & claritas nostra de-
 solata est.

Oratio

Oratio pro Ecclesia.

Psal. 2. **A**sciterunt reges terra, & principes conuenerunt in vnum,
Ihren. 1. aduersus Dominum, & aduersus Christum & Ecclesiam
 eius: ideoploransplorauit in nocte, & lacryma eius in maxillis
 eius, & vix est qui consoletur eam ex omnibus charis eius. habita-
 uit inter gentes, nec inuenit requiem: omnes persecutores eius ap-
 prehenderunt eam: inter angustias filij eius. Idcirco egoplorans,
 & oculus meus deducens aquas, quia facti sunt filij eius perdit, quoniam
 inualuit inimicus. Iacuerunt in terra foris puer & se-
 nex, iuuenes & virgines ceciderunt in gladio. quomodo obscu-
 ratum est aurum, mutatus est color optimus, dispersi sunt lapides
Ihren. 4. sanctuarij, in capite omnium platearum! Filij Sion inclyti, & a-
 micti auro primo, quomodo reputati sunt in vasa testea, opus ma-
 nuum figuli! candidiores nazarei eius niue, nitidiores lacte, rubi-
 cundiores ebore antiquo, & sapphiro pulchriores, Religiosi, in-
 quam, aliqui apostata, & sacerdotes eius. Denigrata fuit super
 carbones facies eorum, & non sunt cogniti in plateis. Propter pec-
 cata enim Prophetarum eius, & iniquitates aliquorum sacerdo-
Psal. 105. tum eius iratus es, Domine, furore in populum tuum, & abomina-
 tus es hereditatem tuam, & ecce qui nutriebantur in croceis, am-
Ihren. 4. plexati sunt stercora. Recordare, Domine, quid acciderit illi: in-
 tuere & respice opprobrium nostrum. verè hereditas nostra versa est
 ad alienos, & Aegypto plurimi etiam Religiosi dederunt manus;
 serui dominati sunt nostri, & non fuit qui redimeret de manibus
 eorum. Conuerte nos, Domine, ad te, & conuertemur, innoua dies
 nostros sicut à principio. auertatur ira tua à nobis, quia derelicti
 sunt filij tui, & zelatores honoris tui pauci inter gentes. Exaudi,
 Domine, preces nostras, & orationes nostras, vt sciat omnis terra,
 quia tu es Dominus Deus noster, & quia nomen tuum inuocatum
 est super Israël, & super genus ipsius. Amen.

Praxis iuvandi Ecclesiam laborantem.

Primò, statas preces sibi indicere, aut applicare pro Ecclesia, Principibus, & iis qui multum obesse & prodesse bono publico possunt. Sic B. Ignatius ter pro Hispaniarum Rege quotidie coram Domino cum lacrymis supplicare se aiebat, cum quidam eum commendaret.

Secundò, pro Religiosis Ordinibus, quia florere eos plurimum Ecclesiæ interest: & hoc pacto per còplura sacra numismata particeps quis sit meritorum, ut videre est in variis Indulgentiis.

Tertiò, Sanctos provinciarum hæresi infectarum, & Angelos earum præfides colere atque orare.

Quartò, conferre pro virili ad Seminaria, & catechumenos instituendos & promouendos, & eiusmodi pietatis exercitia, aut per facultates, aut industriam.

Quintò, immunitates Ecclesiæ diligenter tueri, pro quibus etiam fortissimi Martyres occubuere, ut D. Thomas Cantuariensis, &c.

Sextò, de Ecclesiasticis Prælatiis honorificè semper loqui, eosque venerari; adeoque id D. Francisco cordi erat, ut diceret prius se sacerdotem obuium, quàm Angelum salutaturum fuisse, si vterque simul occurrisset.

IACVLATORIÆ.

Deus virtutum convertere, & visita vineam istam.

Psal. 79.

Protektor noster aspice, Deus, & respice in faciem Christi tui.

Psal. 83.

Memento nostri, Domine, in beneplacito populi tui; visita nos in salutari tuo, ut lauderis cum hereditate tua.

Psal. 105.

Saluos nos fac, Domine Deus noster, & congrega nos de nationibus, ut confiteamur nomini sancto tuo.

Ibid.

NONÆ

NONÆ IMAGINIS

ANNOTATIO.

Miserere animæ tuæ placens Deo, & defunctorum; ac strenuè virtutem cole.

Considera ut **A** anima in Purgatorio à virtute tua & precibus opem postulent: illis compatere, earumq; petitionem, & **B** Angeli Custodis admonitionem (ut ille **C** imprudens) noli despicere; quia sicut illarum iudicium, ita erit & tuum. Eas itaque adiuua (ut hic **D** filius matrem) **E** sacrificijs, **F** orationibus, & **G** eleëmofynis. O quàm gratum de ijs nuntium ferent **H** Angeli! Attende quomodo vel unam **I** horam, si daretur, impenderent; & num opera tua sic expianda non sint, utrum sint **K** lignum, fœnum, aurum, lapides pretiosi. De his **Cyrillus** ait, esse quadam peccata ita leuia ut stipula comparentur, cui itaque ignis illatus diu non potest immorari: alia verò fœno esse similia, quæ & ipsa non difficulter ignis absumat; sed aliquanto tardius quàm stipula immoretur: alia verò esse quæ lignis conferuntur, in quibus pro qualitate criminum diuturnum ac grande pabulum ignis inueniat. Admirare **L** Dei iustitiam ista videntis ac permittentis.

IS

Deo
virtuem

io a' m
is com
odis m
re; qu
saguna
cratum
nuntia
am l'ov
a sic ex
anum, l
peccata
ignis ill
esse sim
d aliqu
rò esse
crimini
Admi
sentia.



Ch.

CAPVT IX.

De sexto stimulo caritatis erga animas in Purgatorio existentes, seu meditatio de Purgatorio.

PVNCTVM I. Considera, quomodo esses affectus; si damnatum te scires vt igni interires magna cum confusione coram orbe terrarum vniuerso, & quid non faceres, vt illud genus mortis cum alio commutare liceret: sanè nihil intentatum relinqueres. Et fierine potest, vt *Tormenta* quisquam credat pro peccatis venialibus tā atrocia sub- *atrocia a-* eunda esse supplicia, & tam diuturna; eaquē sæpè parcen- *nimiamus.* do verbo otioso, aut aliā quapiam parua mortificatione redimere non libeat? Considera, si parentes vel amicos videres in illis torqueri cruciatibus, quem sensum haberes: maximè si opem tuam gemitibus & eiulatibus miserabiliter implorarent, an ridere & deliciarī luberet? *Au-* *Iob 19.* diiigitur eos iam clamantes: Misere mini mei saltem vos amici mei: & inua quā potes oratione, ieiunijs, eleemosynis.

PVNCTVM II. Percontare ex ijs quæ patiantur & quare: *Pœna sen-* & intelliges Primò, pœnam sensus tantam eos pati, quan- *sus quanta.* tam nullus vnquam maleficus, aut Martyr passus est in *Greg. in ps.* hac vita, vt D. Gregorius & Augustinus asserunt; imò et- *37.* iam grauiorem quàm vllus in hac vita pati possit, atque *August. de* adeò, vt Cæsarius, maiorem quàm à crudelissimis tyrann- *vera & fals.* nis excogitari queat: & tamen quæ nō malitia eorum ad- *pœnit. c. 18.* inuenit! Secundò, pœnam patiuntur damni, & si spes hīc *Casar. ho-* dilatæ affligunt vehementer animam, quantum existimas *mil. 7.* eos percipere doloris, quòd amantissimi patris & sponsi *Pœna dam-* tanto tempore optatissimo adspectu & amplexu frustrē- *ni.* tur; eoquē vel maximè, quòd paruo eam moram dum vi-
uerent

uerent redimere potuissent; quam iam non nisi exquisitissimis tormentis luere concedatur? O quàm tristis illa relegatio amicorum, filiorum, & sitiētium ad Deum fontem viuum, ad quem tot annis suspirarunt & contendunt? iusta tamen sunt iudicia Dei, & vera.

*Cur ista
patiatur
anima.*

PUNCTVM III. Attende ob quæ crimina ista patiantur, & videbis vel ob mortalia, quorum condonata est culpa; vel ob leuia, vt otiosa verba, negligentiam in rebus diuinis, &c. Secundò, quid illi de huius vitæ voluptatibus & honoribus iam iudicent, exquire. Tertiò, quanta crudelitas esset huiusmodi tribus verbis liberare nos posse, & negligere aut obliuisci, & qualiter id te afficeret si earum loco fores. Enimuerò, quid aliud requiritur quo eas liberare possimus, quàm pauculas preces recitare, eleëmofynam dare, Indulgentiam ijs applicare? O quàm sedulò hæc illi præstarent, si eis horula daretur pœnitentiæ, ad redimendum tam iusta & immania tormenta! Postremò iusto Dei iudicio scias euenire, vt qui immites sunt erga illas, tales etiam post mortem suam viuos erga se experiantur; & è contrario ita à diuina benignitate videri decretum, vt qui animam è Purgatorio liberat, propè de salute certus sit: cùm gratissimæ sint piæ illæ animæ, & non cessent in cælis orare pro eo, quem sciunt tanta bona sibi repræsentasse.

*Magnum
salutis
praesidium
orare pro
anima-
bus.*

Oratio pro animabus Purgatorij.

O Pater misericordiarum, & Deus totius consolationis, miserere animarum istarum, super quas inuocatum est nomen tuum: perueniat ad te suspirium earum, aperi aures clementia tua, & ostende eis faciem tuā, tot annis tantis desiderijs petitā. Iusta quidē sunt iudicia tua, & non est iniquitas in eis; verum misericordia tua super omnia opera tua. Parce, Domine, parce populo tuo electo, & ne des hereditatem tuam in opprobrium, vt irrideant eam inimici eius. Concede mihi gratiam, vt orationibus, ieiunijs,

ieiunijs, & pijs operibus eas iuuare, & ad amplexus desideratissimos perducere valeam. Scio equidem quòd, cum venerint in regnum tuum, meminerint longè melius mei quàm Iosephi pincer-na ille Pharaonis: sed & meritò iusto iudicio tuo eà mensura mihi remetientur homines, cum hac mortalitate ero defunctus, quàm eis mēsus fuero. Nihil sanè crudelius quàm audire illud: Misere-mi mei; & videre fidei oculis flammas voraces & tormenta, nec dignari vel pauculis precibus, aut Indulgentijs refrigerare tibi ca-rissimas animas, & quibus ego plurimum debeo. O qualiter illas horas, quæ mihi abeunt inanes, traducerent! quantum exiguo tē-pore quæstum facerent pietatis! Cupio igitur per gratiam tuam sic instituere vitam meam, & delicijs & vanitati sæculi renun-ciare, vt non veniam in locum tormentorum eorum; sed hoc cor-pore mortis exutus veniam ad te, ô desiderium oculorum meorum, optata & millies desiderata quies, gaudium, & gloria mea. Amen.

Praxis iuuandi animas in Purgatorio.

Primò, curare quis potest, vt piæ foundationes non negligantur.

Secundò, statas quotidie preces & eleëmoinyas ad hæc di-rigere, quoties se in iter dat, quoties in publicum prodit.

Tertiò, benefactorum & propinquorum memoriam facere rediuiuam, & pro animabus eorum orare. Eo sine variis in oppi-dis nocturnus circuitor pio ritu id monere consuevit.

Quartò, per cæmeterium eundo, *De profundo* recitare, aut a-lias preces, & quoties ante locum iustitiæ pertansit.

Quintò, sibi quotannis se superstitem fingere, & facere secre-tò obsequia defunctis præstari solita, vti a pluribus feliciter ad-modum factum scimus.

Sextò, Indulgentias diligenter animabus applicare. & maxi-mæ certè crudelitatis esse videtur illud negligere.

IACVLATORIÆ.

Iustus es, Domine, & rectum iudicium tuum, sed reminiscere mise- Psal. 113.
rationum tuarum antiquarum.

Vt quis, Domine, recessisti longè, despicis in opportunitatibus, in tribu- Psal. 9.
latione?

Vsquequo Domine obliuisceris animas tuas in finem, vsquequo auer- Psal. 12.
tis faciem tuam ab iis?

M

DECI-

DECIMÆ IMAGINIS

ANNOTATIO.

Vide, quàm lata sit via ad perditionem, & quot, si perfectionis studiosus esses, animas liberare posses.

Considera magnum **A** pereuntium numerum: quos **B** demon inuitat, ac sub his latitans ex insidiis **C** sagittat harum **D** vanitatum illecebris: **E** mundus trahit impellitq̃, per leges scilicet suas: & sunt, prò dolor! qui **F** sponte in infernum precipites abeant; hos **G** adiuna exemplo, verbo precibusq̃. **E**heu! vide quàm infida **H** peccatoris fiducia, tela scilicet araneorum, ut est Iob cap. 8. quàm inferni puteus prætexitur. vide ut **I** Angeli omnes ad zelum hortentur: immò ipse **K** Rex noster Iesus iterum (si sit opus) in terras, ut periclitantes **L** animas liberet, descendere paratus sit, ut **M** Carpo quondam Episcopo monstratum, uti refert Dionysius Areopagita.

NIS

erditio-
nis su-
rare pos-

NUMMUM

stantans ex-
Uleebri-
et suas: c
im praxipit
ecubusq; i
cia; tela scilicet
mis pueru pro
mi horrentia
si sic opus u
et, descenden
opa mundu

CAPVT



C A P V T X.

Meditatio de septimo stimulo zelo animarum.

COMPOSITIO LOCI, vt in imagine.
CORATIO solita.

PUNCTVM I. Considera Primò, flammarum vortices & tormenta, quibus tot animarum millia perpetuò voluntur, quibusque erepta fuissent, & iam eripi possent plurima, si vel vnus aliquis vir Apostolicus iis conuertendis gnauiter insudaret. Secundò, suspice & vide quantis laudibus Deum in cælo honorent beatæ animæ, maximo suo solatio & Dei gloriâ: quæ si tibi cordi forent, quantum illam augere, & de animabus mereri posses, animaduerte; si generoso animo sensualitatem, illosque prauos animi motus, N. edomares. Tertiò, attende quanto in periculo sit peccator: verè enim sicut aranearum tela fiducia eius. *Iob 8.*

PUNCTVM II. Quanta sit Dei maiestas, quàm digna vt ab omnibus colatur & ametur. Secundò, quanto opere id ipse desideret, adeò vt exinaniuerit semetipsum, formam serui accipiens, in similitudinem hominum factus, & habitu inuentus vt homo, vt velut pastor benignus ouiculam humeris suis reportaret. Tertiò, neque hoc tantum, sed insuper grauissima tormenta, & mortem acerbissimam pati dignatus est, vt redimeret animas in sanguine suo, & mundaret sibi populum acceptabilem, sectatorem bonorum operum. Quartò, neque id tamen suffecit immensa charitati eius, sed, si ita necesse foret, iterum pro qualibet anima de cælo descendere, & eiusdem passionis calicem exhaurire dignaretur, vt salutem consequeretur. vide an etiam zelum Dei in te habeas, & libenter te tuamque pro salute animarum, & Dei gloria impendas: an verò ne tantillum quidem de commoditate & existima-

tione discedere patiaris, ut animæ Christi sanguine redemptæ saluæ fiant?

PUNCTUM III. Considera Primò dæmonis improbam vigilantiam, quâ circuit tanquam leo rugiens, quærens quem deuoret, & alios quaquauerſus mittit, ut animas perdant, & æternis ſecum ſuppliciis inuoluant. Excita torporem vigilanti illius malitiâ, & quandoquidem illi ſerui eius, ſeu homines, ſeu diaboli, tam ſint ſtrenui in perniciem animarum; non patiare ut in iis iuuandis opera tua deſideretur. Secundò, vide quibus illecebris dæmon inſcare ſolitus ſit miſeros mortales, nempe voluptate aliquâ momentaneâ, vel honore, quæ multâ adſperguntur amaritudine, & nullo pacto exſatiant. Tertiò, expende illa verba, Quod vni ex minimis meis feciſtis, mihi feciſtis, & quo affectu proximo tantis in periculis conſtituto ſuccurrere debeas; cùm Redemptor noſter ſibi fieri exiſtimet quod illi factum fuerit, vti hoc ipſum in nouiſſimo die coram vniuerſo orbe declarabit.

Oratio pro zelo animarum impetrando.

O Chriſte Ieſu, Saluator mundi, qui redemiſti nos in ſanguine tuo, & dediſti pretioſam animam tuam in mortem pro nobis; reſpice, quaſo, quia dilatauit infernus os ſuum abſque vlllo termino, & lata valde facta eſt via quæ ducit ad perditionem, & plurimi ingrediuntur peream: anguſta autem eſt via quæ ducit ad vitam, & pauci ingrediuntur ad illam. idèd defecerunt præ lacrymis oculi mei, & conturbata ſunt viſcera mea, effuſum eſt in terra recur meum; quia facti ſunt hoſtes noſtri in capite, & inimici noſtri locupletati ſunt propter multitudinem iniquitatum noſtrarum, & qui ſe debuerant ponere muros pro domo tua, Principes populi tui, abiurunt abſque fortitudine. Si pereat nummus, maria traiciuntur; pereunt animæ innumera hereditas tua, & non eſt qui recogitet corde. Quis dabit capiti meo aquam, & oculis meis fontem lacrymarum, & plorabo die ac nocte ſuper interfectos

fectos populi mei: Sed misericordia Domini quodd non sumus consumpti: quia non defecerunt miserationes eius, & non repellet in aeternum Dominus, si abiecit, & miserabitur secundum multitudinem miserationum suarum. Verè enim dolores nostros portasti, dulcissime IESU. & liuore tuo sanasti languores nostros. Recordare quod steteris, & stes etiamnum in conspectu Patris, vt loquaris bona pro nobis; & aperi, precor, oculos caecorum, vt cognoscant & diligant te; aperi aures surdorum, vt audiant vocem tuam, ô Pastor animarum nostrarum, & misere omniū; quia non est alius, qui pugnet aut intercedat pro nobis, nisi tu Dominus Deus noster. Amen.

Thren 3.

Isaia 53.

Praxis exercendi zelum animarum.

Primò, proximo prælucere exemplo, & diligenter quæ ad proximi, vt dici solet, ædificationem spectant, obseruare. Id verò Ecclesiasticos atq; in primis Religiosos omnino facere oportet, vt videant homines opera eorum bona, & glorificent Patrem qui in cælis est.

Secundò, sermones pios inferere, colloquiaque praua, quæ mores corrumpere solent, impedire. Idem de cautionibus iudicium.

Tertiò, nullos in domum suâ famulandi gratiâ admittere, nisi cum pacto, vt singulis minimum mensibus confiteantur ac communificent. Idem valere potest in operis adlegendis, in militum delectu.

Quartò, beneficia corporalia eò dirigere, vt aliquid spirituale impetres ab eodem. Sic B. Ignatius ad lulum inuitatus, quem ignorabat, eâ conditione lusi, vt victoris arbitrio victus aliquor dies viueret: itaque hominem ad exercitia spiritualia & viam bonam perduxit. Sic alibi non prius eleëmofynam dari vidimus, nisi post auditam Christianæ fidei explicationem. Alibi verò Sodales Deiparæ opulentiores singuli pauperem deligebant, quem donarent eleëmofynâ post sacram synaxin perceptam.

Quintò, infirmos, afflictos, carceres & nosocomia visitare, iisque pietatem commendare nunquam enim paratiores sunt ad haurienda salutis monita quam cum aduersis premuntur, & reiuuantur. Neque existimandum hoc dedecere Christianum, qui pauperum solum suffragio, vt ita dicam, in iudicio extremo sciat sese absoluendum.

Sextò, libellos pios donare, & imagines, & rosaria: nam & diuites, in alijs profusi, hic negligentes sunt.

Septimò, catechismum, vt supra dictum est, curare, & scholas ac domos pias pupillorum, viduarum, atque in ijs maiorem pietatis & animæ quam corporis habere rationem.

Matt. 10. Octauò, animarum zelatores alere: qui enim recipit & alit Prophetam in nomine Prophetæ, mercedem Prophetæ accipiet. Sic Lusitanix Regina à B Xauerio persuasa est, vt pecuniam in sandalia dari solitam, animarum auxilijs applicaret quippe hac ratione qui concionari, docere, catechismum tradere per se nequit, per alium sæpè fructuosius præstat. Et quemadmodum, qui Ministrum hæreticum aleret ac fundaret, reus esset blasphemiarum & perditionis animarum quæ inde sequeretur, ita è contrario fieri omnino certum est.

Pietatis prima ratio est habenda. Nonò, si quis in republica constitutus ad clauum à Deo est, vt Magistratum creet, militum delectum faciat, pietatis sciat primam sibi in se atque aliis habendam esse rationem. Quis enim nescit ad Magistratum mores atque exemplum alios sese componere? Et si nemo tam improbus ferè reperitur, qui populum ac subditos ad impietatem adhortari, vel cogere velit, suoque ad flagitia simul verbo, & exemplo inuitare; certè non minus conuenit euirare scandalum, publicumque peccatum. Si enim, quod verissimum est; exempla trahunt, mouent verba; seridò cogitandum, quantum sit flagitium, quod plurimos pertrahit in lapsum, vnaque ruinâ inuoluit. Atque hinc est, quod Scriptura dicat, Exiguò conceditur misericordia, potentes autem potenter tormenta patientur; cum non rarò contingat eos pietate minimè ceteris antecedere, quos dignitate præire videmus.

Daniel. 4. Decimò, quod in Magistratu valet, & eius electione, multò magis in militia; siue de ducibus agatur, siue de militibus. Si enim, præter militarem licentiam, trahat ad crimen ducis exemplum, fieri nequit, quin certum sit pietatis exitium. Cum autem omne regnum in manu Dei sit, & cui voluerit, det illud; atque ab illo solo victoria speranda sit, perspicuum est, ducis crimen, aut virtutem, plurimum ad hanc momenti conferre. Si enim propter furtum vnius Achan, castra Israël fusa fuerunt; quid, quæso, futurum si dux furtis, rapinis, sacrilegijs, luxuriâ atque superbîâ irâ Dei in se suosque prouocet? Beniaminitis castigandis, eduxerant castra Israëlitar: at quia fortitudine & numero confidebant, bis fusi fugatique sunt. Quid futurum, si non præfidentîâ tantum laboret miles, sed omni propè vitio diffuset? Certè ex ducibus percunctari liberet, an a Deo putent victoriam impetrare improbos

bos milites magis, quàm probos? Si hos; videre equidem debent, ut tales deligant, atque quoad possunt, efficiant. nam cum illi victoriâ suâ inlolescant, & propagent impietatis regnum; quid interest Dei, hæresis, an vniuersa impietas latè dominetur? Corpus spectas in milite, nōne pluris animus? ignauo hominem corpore recusas, ac debili, cur improbum animo, Deoque perduellem assumis? reipublicæ puras vrilem qui sibi inutilis? tibi fidum, qui Deo infidus? vitium vitio, igne ignem restinguere paras, pietatem propagare flagitio; virtutis regnum, per illius aduersarios, Dei amicitiam, per inimicos eius, honorem illius, per hos, qui eum crucifigunt, templaque animæ suæ & aliorum profanant? In sacris Literis Rex Iuda victus est, quodd copias cum impio 3. Reg. 22. iunxisset: quid si ex improbis eas collegisset? Omitto, aut milites securâ ac rectâ conscientia, esse fortes, Deumque cum illis pugnare; aut temerarios calcato Deo, eiusque præceptis, non sibi, non reipublicæ, sed ei cui seruiunt dæmoni, militare. Obseruent igitur duces, quales sint ipsi, quas habeant zeli occasiones, & præclare ijs vtantur; ne latius pietate regnet impietas: sciantque paucos bonos plurimis malis Dei gratiâ ac fauore longè præstare. Exempla vbique obuia: quis ambigat? nisi qui Deum negarit vltorem esse malorum, bonorum remuneratorem?

IACVLATORIA.

TV autem, Domine, ne elongaueris auxilium tuum à me, ad defensionem meam conspice. Psal. 21.

Erue à framea Deus animam meam, & de manu canis unicam meam. Ibid.

Vsquequo, Domine, exaruit in finem, exardescet velut ignis ira tua? Psal. 33.

Domine, quando respicies? restitue animam meam à malignitate eorum, à leonibus unicam meam. Psal. 34.

CAPVT XI.

*De exercitijs ad quæ proficientes stimulantur:
quorum primum est Mortificatio.*

Quid mortificatio.

PRimo aspectu horridum nomen est, vt sectio, vstulatio: sed, si consideratur vt medicina, quemadmodum verè est, gravior futura. Mortificatio enim nihil aliud est quàm ea exercitatio, quâ per Dei gratiam (absque illa enim nihil) quod in nobis egrum est, sanum fit; quod prauum ac obliquum, rectum; quod obscurum, perspicuû; quod in via virtutis amarum, suaue & iucundum; denique, quâ passiones animæ & corporis, quæ suâ violentiâ post peccatum originale eam perturbant & euertunt, ratione coërentur; homo satisfacit pro peccatis, omnes tentationes vincit, ædificat proximos, orationes suas efficaces facit, actandem ad primæuam pacem & integritatem reuertitur.

Quæ eius dimissio.

1. Cor. 9.

Duplex est mortificatio: alia exterior corporalis, alia spiritualis. Exterior est, quâ corpus ieiunijs, & alijs austeritatibus cohibetur, & sensus quinque iuxta rationis regulas componuntur: de qua Apostolus, Castigo corpus meum, & in seruitutem redigo, ne fortè, cum alijs prædicauero, ipse reprobus efficiar. Spiritualis verò, quâ affectiones animi & spiritus circumciduntur.

Quæ necessitas.

Rom. 8.

Gal. 5.

Et si autem oratio summopere commendetur, & vel ut prima virtus ab Asceticis habeatur, tamen mortificatio nõ minùs collaudatur. adeò vt Apostolus dicat: Si enim secundum carnem vixeritis, moriemini; si autem spiritu facta carnis mortificaueritis, viuetis: qui enim Christi sunt, carnem suam crucifixerunt cum vitijs & concupiscentijs suis. Quemadmodum autem mortificatio ad orationem optima via est, ita oratio non tantum ad mortificationem

nem ducit, sed impellit, & eam suauem efficit. Adscende
 iraque cum sponsa ad montem myrrhæ, seu mortificatio-
 nis, & collem thuris, siue orationis, & exue veterem ho-
 minem, & indue nouum, qui secundum Deum creatus
 est: ac quemadmodum serpentes pellem veterem inter
 angustias sibi detrahunt, ita nos exuere mores veteres, id-
 que sponte nostrâ facere oportet. Ita tamen, vt ab aliis et-
 iam oblata mortificatio, velut de manu Dei sit acceptan-
 da eo animo, quo medicina à medici manu, quo sub-
 sidium ad hostem superandum à fideli amico.

Gant. 4.

Mortificandus autem imprimis est amor proprius, id
 est, quo quis suis nimium studet commodis: qui etiam
 potest obiectum habere res spirituales, quatenus vtilita-
 tem & iucunditatem aliquam habent; isque non minus
 sæpè noxius, quàm ille, qui circa sensuum oblectamenta,
 honores, opes, & alia bona temporalia versatur. nam cum
 perfectio nostra sit diuinam voluntatem in omnibus se-
 qui: si quis affectu illo in obedientia difficilior sit, & suo-
 rum exercitiorum ac iudicii tenacior, æquè ac magis est
 noxius atque alius.

*Qua præ-
 cipue mor-
 tificanda.
 Amor pro-
 prius.*

Effectus huius amoris narrantur ab Apostolo: In no-
 uissimis, ait, diebus erunt homines seipso amantes, cu-
 pidi, elati, superbi, blasphemæ, parentibus non obedien-
 tes, ingrati, scelesti, sine affectione, sine pace, criminato-
 res, incontinentes, immites, sine benignitate, proditores,
 proterui, tumidi, & voluptatum amatores magis quàm
 Dei. Item effectus eius, pudor ob naturales defectus, vili-
 tatem parentum (nam de Dei offensa solum pude fieri o-
 portet) excusare defectum, tractare quæ ad laudem no-
 stram spectant; de aliis contemptim, de se magnificè sen-
 tire ac loqui; ea solum quæ dignitatem, quæque auctori-
 tatem pariunt aut alunt, affectare; studium adhibere, ac se
 coërcere in publicis, non priuatis; terrena curare, æterna
 negligere; honorificè haberi velle, omittere opera pia ob
 iudicia hominum, &c.

*Qui eius
 effectus.
 2. Tim. 3.*

*Qua re-
media.*

Contraria autem in remedium adhibenda, vt sunt, honorem fugere, defectus discretè aperire, non se excusare, de se suisque, nisi necesse, nunquam loqui; in iis quæ ad corpus, voluptuosa & superuacanea non expetere, sed necessaria, & in iis (quod in se est) optare voluptate carere. Denique optimum remedium bonâ ac purâ intentione actuali, aut virtuali omnia facere; non propter proprium commodum, sed Dei voluntatem, & proximi utilitatem, &c.

*Item mor-
tificanda
propria
voluntas.*

Isaia 58.

Alter defectus mortificatione superandus est propria voluntas, lepra pessima animæ nostræ, quæ etiam bona opera vitiat ac corrumpit. Quare, aiebant Iudæi, ieiunauimus, & non aspexisti; humiliauimus animas nostras, & nescisti? responditque Dominus: Ecce in die ieiunii vestri inuenitur voluntas vestra.

Quid ea.

Voluntas autem propria est, quæ non est nobis communis cum Deo & hominibus, sed nostra tantum: quando quod volumus non ad honorem Dei, non ad utilitatem fratrum, sed propter nosmetipsos facimus; non intendentes placere Deo, & prodesse fratribus; sed satisfacere propriis motibus animorum.

*Qui eius
effectus.*

Varij autem huius effectus: siquidem, vt D. Augustin. ostendit, omnia peccata ex eo ortum habent. Est enim homo voluntatis propriæ seruus, curiosus, instabilis, contentiosus, correctionis impatiens, plenus excusatione, & promptus ad eam, tenax iudicij proprii & voluntatis, aliena imperia detrectans, in comunibus segnis, priuatis commodis sedulus.

*Qua re-
media.*

1. Pet. 2.

Remedium est Primò, curiositatem refrænare, stabilitatem colere, deniq; verbo vno contraria contrariis curare, & alterius sequi voluntatem, etiam si Superior non sit. Nunquid enim dicit omnibus Apostolus: Subiecti estote omni creaturæ propter Deum? Hoc enim voluntatem propriam necat, ambitionemque laudis ac honoris (prolem pessimam propriæ voluntatis) exciindit.

Tertiò,

Tertiò, igitur extirpandus est ambitionis affectus, vir- Item mor-
tus longè grauissimū, quod etiam fidem labefactat. Quo- tificandus
modo, aiebat Veritas, vos potestis credere qui gloriam ambitionis
ab inuicem accipitis? Nulla enim pestis latius grassata est affectus.
hodieque grassatur: ob laudem enim & honorem & fa- Ioan. 5.
mam fiunt pleraque ab hominibus, ab Ethnicis omnia: si-
quidem scientia, honores, opes, species, vestium luxus,
nisi spectator & laudator sit, contemnuntur.

Statuendum igitur nullum honorem ac dignitatē, nisi Qua reme-
maiorum iussio interueniat, aut spiritali Patri videatur, dia.
admittere: at verò illius affectum, nunquam. Dignitas (si
obedientia, necessitas, aut vberior animæ nostræ alio-
rumque profectus, & diuinæ gloriæ amplificatio ita re-
quirat) aliquando acceptanda: verum ita, vt nullo pacto
ei animus adhærescat. Quemadmodum enim de diuitiis
dicitur, ita de honoribus iudicandum. Diuitiæ ergo & Psal. 61.
honores si affluant, noli cor apponere: imò honorifica-
liis, in officiis, nominibus, locis, vltro ad imitationem Do-
mini, defer: humilia elige: virtutes occule, quantum licet:
iis operibus tua impende, quæ alios habent auctores, de
rebus tuis ne loquere. Causæ honorem fugiendi sunt in-
firmitas nostra, & periculum vanitatis. si quis enim quos
non habet appetit ardentem, quomodo eos quos habebit
fortiter animo abnegabit? si priuatus & inhumili stare ad-
uersum vanitatis ventum nequit, quomodo in excelsis
locatus? vnde Bernardus verè paucos ait esse qui alios
regant cum profectu; pauciores qui cum humilitate. Imò
Gregorius impossibile ait imperfectos locum honori
dare pro subditorum fructu, & non animo extolli. Ideo-
que omnes omnino Sancti honorem defugerunt, Grego-
rius, Chrysostomus, Martinus, Augustinus, Fulgentius,
Nicolaus. Vide P. Ariam lib. de mortificatione.

Quartum malum mortificatione sanandum, est pro- Item mor-
prium iudicium, altera lepra, vt Bernardus ait, animæ no- tificandus
stræ. Quod autem est proprium iudicium? quando ve- proprium
rum iudicium.

*Basil in
Reg. breu.
9. 123.
Bern. serm.
2. de rejur.
rect.
Qua re-
media.*

rum certumque illud esse iudicas quod Superiori, vel (si Superior non sit, aut sententiam & voluntatem non declarat) aliis viris prudentibus minimè videtur. Arrogantia enim est, vt Basilus, nolle maioris partis sententiæ acquiescere. & Bernardus: Quæ maior superbia esse potest, quàm si vnus suum iudicium præferat vniuersæ congregationis iudicio, quasi solus haberet spiritum Dei?

Ad hoc iuuat aduertere ignorantiam nostram, cuius magnum verè pelagus est; opinionum varietates, & passionibus quibus excæcatur ratio, & quoties experienciâ comperimus, nos falsos & errore delusos fuisse. Sicut autem in Ecclesia, Republica, omni congregatione, hoc vitium omnium est malorum dissensionumque origo; ita etiam gratissimum est Deo abnegationis huius sacrificium. Itaque aliorum voluntati & iudicio tuum libens accommoda; vt sis filius pacis, & Dei optimi Patris tui. Delige verò Patrem spiritualem, cuius prudentiâ te regi permittas, neque tamen omitte propterea aliorum consilia humiliter exquirere, etiam inferiorum; imò & monita libens admitte: nescis enim, vt Iob loquitur, vnde tibi oriatur lux in tantis ignorantia tenebris.

Meditatio de mortificatione.

COMPOSITIO LOCI. Considera Christum Dominum in cruce omnibus membris vulneratum.

PUNCTVM I. Considera Primò in Adamo statum naturæ integræ, quomodo tum corpus animæ subiacebat, passionibus rationi, ipsa Deo: ita vt homo liberè contempleretur, Dei que voluntati in omnibus conformis esset, &c. Secundò, per peccatum omnia inuersa esse: neque id minùs fædum, quàm si membra sursum deorsum essent locata. Tertiò, quòd si homo viuere iam vellet secundum rationem, id est, vt homo (quod eius vnicum est & summum bonum) non vt bestia, mortificatione vti debere: multò

Per peccatum corrupta natura est.

multò magis si Christianè, si Religiosè: neque in sæculum relabi. Aduerte itaque, per mortificationem hominem restitui statui primæuo, cum per eam rationi pareat, legibus & Deo: & contrà, fugiendo eam, agrum manere ac instar bruti, &c. proinde eam diligenter quærere & amplecti constitue.

Mortificatione inflatur.

PUNCTUM II. Considera Primò, mortificationem voluntatem, intellectum, aliasque potentias facere sanas, integras, perfectas; ita ut rationi pareant, & vetus homo crucifixus in seruitutem redigatur. Secundò, quòd ut viator nemo possit perfectè desiderio cælestium bonorum inflammarì, nisi diligens sit in reprimendis cupiditatibus corporis, etiam licitis & necessarijs. Tertiò, quòd tota, iudicio sapientium, philosophia, sapientia & felicitas hominis in mortificatione posita sit: nam homo immortificatus semper plenus est pœnitentiâ, semper ut mare, aut velut in cribro, ut ait Macarius, agitatur: mortificatus verò in pace summa est, atque cælesti vitâ fruitur, humanis rebus superior: neq; prosperis, neque aduersis frangitur. Quartò, considera Sanctorum solatia, quietem, etiam in magna austeritate, & perpetua mortificatione. Quintò, considera quæ passionibus te magis fatigent, quibus faciliùs valeas corrumpi, & proponas examine particulari eas tollere.

PUNCTUM III. Considera quàm gratum sit Deo mortificationis sacrificium: ideò namque Dominus Iesus, etiam si gloriosus esset, coërcuit gloriam, quæ ex anima in corpus redundasset, idque ut tolerare pro nobis acerbissima tormenta & mortem posset; cui proinde humani generis tribuitur redemptio. Secundò, B. Mater illius, & Ioannes Baptista atque Apostoli plurimis aduersitatibus exerciti fuerunt; quorum vnus sic loquitur: *Vf- 1. Cor. 4.* que in hanc horam & esurimus, & sitimus, & colaphis cædimur. Martyres verò quo amore & ardore patiendi tyrannos viferunt, ut sese quibus possent modis affligerent?

rent? Tertiò, omnibus Sanctis Dominus hunc spiritum mortificationis etiam in minimis inspirauit, vt patet in B. Aloisio & aliis: adeò vt Deo sit gratius negligere florem, condimentum, cibum, aquam, vti Dauid, Deoque offerre, quàm mortuum suscitare.

2. Reg. 13.

Eccli 23.

Matt 16.

2. Reg. 15.

2. Reg. 11.

PVNCTVM IV. Considera quàm gloriosum nobis sit per hoc exercitium imitari Christum Dominum tantà passum toto vitæ suæ tempore: gloria enim magna est sequi Dominum: & præceptum eius est, Qui vult venire post me, abneget semetipsum, & tollat crucem suam, & sequatur me. Neque vllum certius signum est amicitiae cum Christo Iesu, quàm crucem cum eo ferre qui est Rex noster, & Dominus, ac caput nostrum. Sic Dauid nudis pedibus egrediente, nullus equum conscendere voluit. Vrias noluit diuertere in domum suam, cum Ioab & arca essent sub pellibus: & quomodo Christianum non pudebit sub cruce militare, & eam horrere? ducem ac caput habere spinosum, & se esse delictum?

3. Reg 21.

Greg. hom.

34. in Eu-

ang.

Luc. 7.

Iona 3.

PVNCTVM V. Considera mortificationem esse satisfactionem pro peccatis. Sic Achab, Dauidem, aliosque Domino satisfecisse Scriptura commemorat. Hinc Gregorius, Cogitandum summopere est, vt qui se illicita meminit quæsisse, quibusdam etiam licitis studeat abstinere, quatenus per hoc conditori satisfaciatur. Sic B. Magdalena & omnes pœnitentes fecerunt. Sciebant enim Deum omne peccatum punire vel hîc, vel in futuro; nisi nos ipsi puniamus. atque ita, vt in Niniuitis monstratum, per mortificationem tum à malis huius vitæ, tum futuræ liberamur.

Oratio pro spiritu mortificationis im- trando.

Quis mihi tribuat, benignissime IESV, vt sequar te, & vesti-
gia pedum tuorum? Video te in laboribus à iuuentute tua, Psal. 87.
& vulpes habere foueas, & volucres cali nidos, te autem, Domine Matt. 8.
mi, non habere vbi caput reelines: & quorsum hæc? nisi vt doceas
me exemplo tuo carnis delicias non amare, sed mortificare mem- Colof. 3.
bra mea quæ sunt super terram. Et quem non inuitabit amor tui,
& suauissima illa vox, Exemplum dedi vobis, vt, quemadmodum Ioan. 13.
ego feci, ita & vos faciatis? O suauitatem! ô gratiam! ô amoris
vim! Tu summus omnium, imus factus es omnium: quis hoc fecit?
amor dignitatis nescius, dignatione diues, affectu potens, suasu ef- Bern. su-
per Cant.
serm. 64.
ficax. quid violentius? triumphat de Deo amor, & me superare
non poterit? amorem mei non poterit extinguere amor Dei mei.
Scio quòd qui non odit patrem & matrem, insuper & animam
suam, non potest tuus esse discipulus. Si igitur te sequi volo, ecce
odisse me debeo, & perdere animam meam, vt inueniam eam. O
quam dulcis erit fructus, quem de cruce tua, & imitatione collige-
re nos iubes? Ascendam igitur in montem myrrha, & in collem Cant. 4.
thuris, & præ amore tuo faciam, vt manus meæ distillent myr-
rham primam: cupio enim tuus esse ex toto corde meo. Qui autem
tui sunt, carnem suam crucifixerunt cum vitijs & concupiscen- Gal. 5.
tijs. Crucifige igitur, Domine, carnem, circumcide præputium cor-
dis mei, vt in numero filiorum tuorum esse possim. Tu, Domine
IESV, Saluatoris nomē suscipere noluiisti, nisi circumcisus: ego sa-
lutis recipere non possum, nisi signaculo iustitiæ fidei & imitatio-
nis tuæ, verà mortificatione à filijs sæculi separatus. Da mihi, quæ- 2. Cor. 4.
so, gratiam, Deus meus, vt pro te alligari, & mori paratus sim, &
gaudere, si quando dignus fuero pro nomine tuo contumeliam pa-
ti. Da semper circumferre mortificationem tuam, ô IESV, in cor-
pore meo; si enim complantatus factus fuero similitudini mortis
tuæ. Spero quòd misericordiâ tuâ similis etiam resurgam in gloria
per gratiam tuam. Amen.

Praxis

Praxis mortificationis.

Prima, præter eas quas suprà habes, erit, certo numero, v. g. quinario ad honorem vulnere Christi, mortificationes offerre, præsertim in materia illa de qua examen particulare instituitur, neque cessare quoadusque illud præstiteris. Quemadmodum enim Dauid amore Michol, donec centum capita Philistinorum collegisset, quibus ei desponsa fuerat a Saule, non cessauit eos persequi; ita, vt anima nostra diuino amore digna sit, de passionibus, amore nostri, cæterisque hostibus aliquot victorias referre debemus.

Secunda est, omnes illas cum Christi passionibus vñire, & sic diuinæ Maiestati offerre, velut in compensatione, & vt membra capiti nostro, duci milites, ac filij parenti simus conformes.

Tertia, catalogum occasionum mortificationis colligere utile est ijs, qui Christi crucem in corpore suo semper & stigmata eius cupiunt circumferre.

Quarta, cogitet in difficili pugna theatrum, in quo stat, mundi huius, & vt generosus miles, ardua illi sint in votis, & gloriosum putet commissum se potius cum forti armato, quam imbeli lixa.

Quinta, sæpè cogitet creaturam vinum esse, pincernam qui propinet dæmonem, in fundo cyathi colubrum, & fontem malorum omnium, iuxta illud Sapientis: Ne intuearis vinum, cum splenderit in vitro color eius: ingreditur blandè, sed in nouissimo mordebit vt coluber, & sicut regulus venena diffundet.

Proverb. 23.

IACVLATORIÆ.

- Psal. 30.* **V**iriliter agite, & confortetur cor vestrum, omnes qui speratis in Domino.
- Psal. 49.* Immola Deo sacrificium laudis, & redde Altissimo vota tua, omnes qui in circuitu eius adfertis munera.
- Psal. 2.* Apprehendite disciplinam, ne quando irascatur Dominus, & pereatis de via iusta.
- Psal. 31.* Nolite fieri sicut equus & mulus, quibus non est intellectus.
- Psal. 43.* Propter te mortificamur totâ die, facti sumus sicut oues occisionis.
- Prou. 16.* Melior est patiens viro forti, & qui dominatur animo suo, expugnatore urbium.

CAPVT XII.

De Passionibus edomandis.

Quemadmodum in parte superiori animæ omnis mali fons est voluntas & amor proprius, ac iudicium proprium; ita in inferiore passionum, quæ alioquin indifferentes sunt, immortificatio. Motus autem animi dicuntur passionēs, eò quòd appetitus sensitivus commotus imaginatione alicuius boni, vel mali, impressionem seu immutationem in corpore faciat. Duplex est autem ille appetitus, concupiscibilis & irascibilis. Concupiscibilis, qui circa bonum, vel malum absolutè versatur, has sex passionēs habet. Amorem boni repræsentati, ex quo desiderium, si non adsit; & gaudium, si præsens sit, promanat: si malum sese menti offerat, mox odium illius; inde fuga, si absens sit; post dolor, si præsens, exoritur. Irascibilis versatur circa bonum & malum, quatenus ardua sunt: cuius passionēs sunt quinque. Spes de bono arduo: audacia contra malum, quod superatu difficile: desperatio de bono, quod acquiri nequit: timor à malo, quod vinci non potest, vti & ira. Passionēs istæ pro obiecto habent ea, quæ sensibus percipiuntur; bona inquam mundi huius, quæ aut vtilitate, aut gloriâ, aut voluptate continentur. Si quis igitur affectum à temporalibus ad æterna transferat, passionum suarum dominium nanciscetur; hæc siquidem ab illo omnes commouentur. Qui enim non amat temporalia, non desiderat, non diffluit gaudio, si affluant: rursus, si contraria accidunt, id est mala, ea non odit, sed, vt Christi seruus, crucem amat, vt verè vtilem, salutarem, gloriosam ac iucundam: non fugit, sed sequitur; non tristatur immodicè, sed cum Apostolo in cruce Domini gloriatur, per quam ipsi mundus cruci-

*Quid passio-**Vbi inueniatur.**Sex passionēs appetitus concupiscibilis.**Quinque passionēs appetitus irascibilis.**Quæ passionum obiecta.**Quæ remedia.**Galat. 6.*

fixus est, & ipse mundo. Similiter spem suam cum in bono æterno totam collocarit, bona mundi huius aspernatur: malum arduum vitat quidem, quatenus ratio dicat, non tamen audacia perturbatur: nihil desperat, aut timet: quia nihil concupiscit. Vides remedium omnium passionum, esse proprii amoris ac creaturæ euacuationem, quam amor Dei cōsequitur? Facigitur ante omnia, vt temperatus in te omnino sit omnium huius mundi bonorum amor: idque fiet si æterna cogites, & hæc fluxa esse multis permixta doloribus, ac fieri non posse, vt quis hîc illis fruatur, & postmodum æternis. vnde dictum Epuloni: Fili, recordare quia recepisti bona in vita tua. Difficile id quidem, maximè in initio, sed Christi exemplo carnem crucifigere oportet, sensuumque voluptatès spectælestium abnegare; ipsoque vsu mortificatio ita dulcescet, vt nō mors, sed vita esse credatur. Obserua quod dictum est, amorem temporalium, seu voluptatis, aut commodi alicuius, causam esse perturbationum: cum autem trahat vnumquemque sua voluptas, atque vti in saporibus & cibis, eorumque gustu euenit; ita in aliis varii variis oblectentur; scrutari quisque debet Primò, quo maximè oblectetur & trahatur, vt mortificationem adhibeat. Secundò, obseruare voluptatem, vt innotum est, per sensuum portas ingredi; itaque ad eas maximè excubandum, vt in limine primo hostis repellatur. v.g. offert sese visui obiectum aliquod delectabile, mox amor, ac deinde concupiscentia, seu desiderium inardescit: & luctâ magnâ illud opus vt superetur: si autem desiderium, seu ignis iste, seu serpētis caput non admissum, si inimicus clausis ostiis ab accessu prohibitus fuisset; in pace anima permansisset: sed cum fieri nequeat, quin in vsu rerum humanarum, maximè si portæ illæ non custodiantur, subrepat hostis; explora illum, an amādus sit: vide dolonem, quo te, vt Ioab Amasam, perimere cupit, aspice sub veste, sub specie creaturæ sagittantem hostem. sic enim moderaberis facile affectum;

*Amor mudi
eijciendus
ex animo.*

Lucæ 16.

affectum; neque species te decipiet, neque in obiectum laqueum seu muscipulam trahet: sed si eâ re sit utendû, separabis pretiosum à vili, aculeum, siue quod noxium est, à melle: quodque tibi non libet solum, sed etiam licet, ex creatura vsurpabis. Magnum verò discrimen inter iustum & impium, in eiusdem rei vsu: ille temperatè atque inuitè ea vititur; & æterna habet in desiderio: hic fertur vt equus & mulus absque intellectu; æternaque sunt illi in fastidio. Postquam ergo sic quis restitit amori inordinato creaturæ, suoque eualit etiam periculo cautior; reuocare licet & iuuat illud in memoriam, sibi que representare, ac rursum generosè repellere id, quod malum est. Et quamuis hæc pugna cogitationum utilis sit, quâ quis se disponit ac parat ad futura, animo suo coram Deo representando præterita; quod ex actibus his nascatur virtutis habitus; longè tamen vtilius, in occasione sese exercere, v.g. quando se offert, vel quæritur occasio iniuriæ, contemptus, inedia, incommoditatis, mortificandi gustus, cupiditatis, &c. Neque illud quod dictum est de cogitatione reuocanda, valet in carnali, aut graui odio, aut simili affectu vehementi: in illis siquidem victoria fuga est, seu auertere cogitationem & omnem illius admonitionem.

Praxis ergo mortificationis passionum, hæc est. Primò, *Quæ praxis.* meditatione frequenti animum à voluptate, & sensuum oblectamentis, tamquam iis quæ infra hominis dignitatem sunt, alienum reddere. Huc spectant meditationes de Vitiis capitalibus.

Secundò, habere considerationes certas in promptu & exempla, quibus se, vnà cum prece in occasione sustentet, animumque lapsantè ac nutantè roboret & cõfirmet.

Tertiò, occasione se offerente, suspendere primò affectum, seu pedem aut manum, ne statim iniiciatur, & explorare an bonum an vtile quod offertur. Quis prudens in tenebris manum aut pedem temerè ponet, vbi spinæ, vbi sordes, vbi contagionis multa pericula?

Quartò, implorato Dei auxilio, ex eius amore & odio nostri, contrarios actus virtutis facere: si verò res necessaria sit, aut utilis, bonâ intentione eam admittere, non solâ voluptate.

Quintò, reuocare post victoriam cogitationem præteritam, & lustrare vnde periculum & lapsus; ac prudenter aliquoties, coram Deo & curia eius (vt dixi) refutare; vnâ occasionem, vel plures quærere, & aliquo numero Domino consecrare, ac sic capitibus Philistinorum (id est mortificationis actibus) amorem Dei promereri. Curiositas autem in primis refrænanda in visu, auditu, &c. vt Guilielmus Parisiensis rectè docet. quanta enim eius sit violentia, patet in omnibus, seu tristibus seu aliis spectaculis, quibus quantum homo inescetur, docet Alipius apud D. Augustinum: etenim cùm semel in theatro spectasset, postea vix auerti potuit. Beatus verò Hugo Lincolnienſis Episcopus totos annos quinquaginta mulierem non aspexit; nec S. Franciscus vllam de vultu norat.

1. Theſſal. 5.

Quid si meruebant viri sancti induti lorica fidei, galeam salutis, & omnem armaturam Dei, quid nos pumilioes inermes, de quibus toties hostis triumphauit, formidare non debeamus? Sic & auditus coërcendus à fabulis, inutilibus, nouis; sic odoratus, ceterique sensus sancto sui odio, & Christi amore mortificandi. Neque tantùm in magnis, sed etiam paruis; quid enim magnum à turpis rei aspectu abstinere? sed à licitis & paruis se continere plurimum est. Sic Dauid haustam è cisterna Bethlehem aquam effudit, & Deo sacrauit; qui enim in modico fidelis non est, & se superare nequit, neque etiam in maiori id poterit. Anima autem sic mortificata, velut pluma sicca, cælum petit; aliàs madida terreno vapore deorsum tendit. Fitque demum animæ, in hac ablactatione, conuiuium grande, vti fecit olim Abraham in filij ablactatione, id est spiritali mortificatione. Non enim inuenitur Deus in terra suauiter viuentium. Vt verò

2. Reg. 23.

Luca 16.

Genes. 21.

ea quæ dicta sunt alijs imprimantur, meditationes de his subnexas vide.

Meditatio prior de Passionibus edomandis.

COMPOSITIO LOCI. Statue te coram Deo, & imagineare velut te circumdari canibus; vel belluas plurimas in corpore tuo pugnantes, & æternam perniciem minitantes.

ORATIO, vt suprâ.

PUNCTVM I. Considera Primò, hominem à Deo sic creatum esse, & donatum omnibus suis membris, potentiis & passionibus, vt ad Dei gloriam, & ex eius voluntate, omnibus iis (quia omnia illius sunt) vtatur, nisi æternum, non in illo solum membro, &c. sed toto corpore malit cruciari. itaque præteritam vitam detestare, & te omniaque Deo offer. Considera Secundò, solas has passionibus ferè æternæ damnationis causam, & omnium esse peccatorum fontem, si malè domitæ sint; imò etiam morborum corporis, & malorum temporalium. pauci enim bonis & mansuetis sunt infesti. Tertiò, vide quas perturbationes faciant, nimirum omnes easque maximas, vt patet discurrenti per singulas; ita vt sicut corpori morbos & mortem humorum adfert perturbatio, ita animæ passionum. Quare te ad eas edomandas excita, quantum tibi vita & salus sempiterna curæ & cordi est.

*Passionum
violentia
omnium
morborum
causa.*

PUNCTVM II. Considera Primò, quàm suavis sit pax & quies in anima, cum illæ domitæ sunt; vt patet in Adamo. nihil hic timet, sperat; perpetuam animæ, & sæpè corporis, suauitate, quiete, serenitate fruitur; quam tanti sapientes omnes fecerunt, vt omnia, etiam Ethnici, pro hac contempserint; quam tanti omnes mortales, vt omni studio ad eam contendant. Quorsum enim mortales implere

*Dæmon pas-
sionibus no-
stris nos op-
pugnat.
Genes. 4.*

ventrem, cupiditatem, ambitionis desideria explere, curiosis opplere rebus intellectum exoptant, nisi vt dicere possint animæ suæ: Quiesce hîc? Sed frustra, cùm saturari his nequeat: & quamuis omnia possideret; nullius tamen certam ac diuturnam sciat esse possessionem, vsum, aut fructum, tantumque sit in humano pectore timoris, quātus fluxæ rei est amor atque cupiditas. Secundò, considera quòd nullus tam sit dirus hostis, tortor crudelis, qui te cruciare ita assidue possit, atque hæ passiones, cùm intrinsecæ sint, perpetuæ atque peruigiles: immò nihil ferè nocere potest tibi dæmon, nisi harum velut ministerio vtatur. Tertiò cōsidera, hominem ad hoc creatum, vt omnibus creatis dominetur, & subter eum sit appetitus eius; per has verò passiones, cuius illum rei etiā vilissimæ subici, si videlicet ei non secundum voluntatem Dei afficiatur. vnde talis quasi amens Deum sæpè, & animæ pacem, æternam gloriam, & omne bonum abiicit, vt illam consequatur; & si petatur, cur ita insaniat, se spòte cruciet? ait, Aliter res ista quàm cupio agere me non permittit, illi pareo, aliter non possum: consequi illam debeo. Persæpè autem vilissima ea res est, à qua si prohibeatur aut vi, aut lege, aut mandato, manus tradit hosti, murmurationi se substernit, ac bonorum omnium suorum oblitus, miseram trahit vitam; fortunatissimus, si voluisset, futurus. O infelicissimum & abiectissimum, qui tot tortoribus se dedit in rei vilissimæ gratiam, & gloriam æternam perdit! Quamuis autem non semper damnetur, tamen gloriam quam haberet, si in eo se vicisset, perdit æternam.

*Quam per-
turbatio ex
amore res
veniat.*

PUNCTVM III. Considera Primò creaturas omnes, & vide quomodo si vni per amorem adhærescas, mox desideria, spes, timores, feruor, zelus, audacia, ira, si quis obstat, in te impetum faciant; & rursus odium contrarij, tristitia cum desperatione boni. quòd si habeatur bonum optatum, amor, zelus, extasis, vnio, inhæsiō. nam prius amatur res aliqua, quæ amorem sui quasi formam imprim

mit amanti, velur ignis alij calorem. hunc sequitur desiderium, cum ardore & feruore & languore, si frui opratis non liceat, dehinc spes, timor ac desperatio, ne bonum consequatur, interueniunt; item ira & zelus & audacia, si quis obster; & rursus odium, fuga mali, & tristitia ex carentia boni. si autem consequatur, nascitur delectatio valdè trahens, feruor, languor, extasis quâ est amans in re amata, liquefactio cordis, vt bonum subintret, viua inhesio & zelus, timor perdendi, spes & desperatio retinendi, odium, fuga & tristitia de malo contrario. & sic perpetuò agitur passionibus sex concupiscibilis, quæ sunt amor & desiderium, item gaudiū, odium, fuga, tristitia; & rursus irascibilis, quæ quinq; numerantur: nempe spes, desperatio, timor, audacia, ira. Cùm igitur quæuis res, etiam vilissima, tot te modis agitare possit, abnega omnem creaturæ inordinatum affectum, & in vno Deo omnem amorem colloca, fonte omnium bonorum.

Meditatio posterior de iisdem.

COMPOSITIO LOCI, vt suprâ.

PUNCTVM I. Considera Primò, Deum vt summum bonum & omnis boni fontem, vbique tibi adesse, vbique operari, in quo sit summa quies tua, & vide an res vlla ab eo te abstrahere possit, quam optes habere, aut iam habes, & retinere; an verò cum Apostolo dicere queas, Quis nos separabit à charitate Christi? Vt verò cognoscas cui rei afficiaris, vide quid sapiùs verses animo tuo, eaquæ quàm sit vilis, amara, turpis, fugax, agnosce. Secundo, quomodo non satiet, sed irriter magis & torqueat, attende. Tertiò, quàm turpe illi se subdere, & ob eam sic velle agitari. Quartò, quòd, sicut nemo ab orbe condito in vlla re hactenus quieuit, neque vnquam quiescere in creatura vlla potuit, ita etiam tu non possis in ista, quodque certè neque in morte voles hanc ita dilexisse, neque in iudi-

Rom. 8.

cio. Quintò, quomodo dæmon velut aranea sedeat in omnibus creaturis, vt sagittet amore earum rectos corde, vt patet in Eua parente nostra à serpente delusa. Cogita verò te primò à dæmone, postea ab omnibus supradictis passionibus, desideriis, spebus, desperationibus, auersionibus, timoribus, ira, antequam habeas, & postquam habueris, agitandum; si dæmon vllius rei amore te vulnerauerit, & similem sibi effecerit. Similes enim, ait Propheta, illis fiant qui faciunt ea: neque refert parua, an magna res sit. multi enim pereunt & opprimuntur arenâ, vt ait Gregor.

PUNCTVM II. Cōsidera Primò, quo modo Deus fons omnium boni, in te hactenus cōtinuò misericordiæ suæ riuos per beneficia innumera siuerit & sinat fluere: itaque in eo omnes passiones merge, sit ille timor tuus, vt Iacob aiebat: sit ille spes tua, cum solus iuuare possit: sit amor tuus & desiderium; nihil oderis, nisi quod ei repugnat, qui omnia continet, & solus bonus est: cum neque quidquâ nocere possit, sine eo; neque quidquam te extra eum beatere. Considera Secundò, quid sit quòd hæctu & plerique omnino homines non apprehendant. Fascinatio oculorum & intellectus, & insania maxima: cum enim pacem & quietem in creatis habere nequeas, & nihil hîc perfectè, vel diu habere possis, quæ dementia te nolle habere vilissimis rebus abnegatis, omnia, id est, Deum possidere per amorem, hîc & in æternum! Tertiò, etsi habere posses, & frui omnibus creatis aliquamdiu; tamen si pacem quæras, aliquando ea abnegare oporteret. Cum enim omnibus creaturarum desideriis id solùm agatur, vt animus quietus sit, idq; fieri omnino nequeat; tum quia extrema gaudii semper luctus occupat; tum quòd vnâ re habitâ,

habitâ, crescat alterius desiderium, vt in hydropico; tum quòd innumeræ sint creaturæ, & frustraneus idcirco omnino labor; abnegare omnia, etiam seipsum necesse est, vt tranquillitas & pax animi inueniatur: si tamen ea tibi, vt omnibus, proposita est. Accedit, quòd dum habetur, vnâ cum possessione eiusdem timor nascitur, eoq̃ue maior, quo res carior. quare igitur omnibus abnegatis, per cõpendium pacem non quæris cum Deo & in illo, non erubescis, aut detrectas fœdam ac turpem mendicitatem à creatis cum opprobrio & molestia summa exercere?

PVNCTVM III. Considera quæ opus sint ad passionem animi tui superandas, id est, hostes tuos crudelissimos. Primò, certè necessarius est generosus animus, qui istis rebus terrenis & vanis subdi nolit. Secundò, sensuum custodia diligentissima; per hos enim, vt portas, hostes intrant, qui longè facilius repelluntur, quàm expelluntur. Tertiò, cogitare Deum, omne bonum, sibi adesse, & in cum omnes affectus conuertere. Quartò, vanitatem & vilitatem rerum omnium assiduè expendere. Vide deinde quorsum in Baptismo mundo renunciaueris; certè vt sæcularia fugeres, non tam corpore, quàm desiderio, firmaque voluntate seruiendi Domino, omnibus diebus vitæ tuæ.

ORATIO & PRÆXES ex meditatione de Mortificatione peti possunt.

Meditatio prima de Odio sui.

COMPOSITIO LOC I erit, cogitare terribilissimam voraginem, velut puteum abyssi, omnia mala eructantem.

ORATIO, vt suprâ.

PVNCTVM I. Considera Primò illa verba: Qui non *LUC. 14.* odit patrem & matrem, insuper & animam suam, non potest meus esse discipulus. Secundò, quomodo is qui a-

liquem odit, erga eum afficiatur, & quòd ita etiam qui se odit, erga se affectus sit. nam in malis illatis sibi gaudet, & inferentes amat, vti contra hostem suum conspirantes: alios sibi blandos, vt hostem fouentes, non magnopere amplectitur. Terriò, vide quàm innumera delideria amor hic gignat in te, & quàm amplasit seges odiù hoc exercendi, ac detestare hunc amorem tui, dicens cum *Sen. epist.* 66. *neca: Maior sum, & ad maiora genitus, quàm vt mancipium sim mei corporis. His te excita, ô Religiose, & aspera amplectere, eosque qui ea offerunt; & contrà sua uia aspernare.*

PVNCTVM II. Considera Primò, omnia peccata, & per consequens omnia mala mundi, nasci ex sui amore. Nemo enim honoris ambitione, aut luxurià peccat, nisi quia commodum suum amat: vnde qui perfectum odium sui habet, liber est ab omnibus peccatis. Secundò, eundem amorem sui Christum crucifixisse. Nam, vt Apostolus, peccator sibi metipsi filium Dei crucifigit: quare odio sui satisfaciendum Deo & Christo. Terriò, considera amorem sui, velut teterrimam lepram, & diaboli characterem; odium verò sui Christi discipuli notam, vt in Sanctis, eorumque gestis apparet.

PVNCTVM III. Considera, cui irasci soleant homines, scilicet hosti capitali: talis est voluntas tua, & amor tui. Est enim proditor venenum propinans, superbissimus & truculentissimus miserorum oppressor, bellorum omnium in anima tua & seditionis auctor, spoliator bonorum, Dei & animæ interfector. hæc omnia amoris sui tribuere quiuis potest, ac sic eum detestari.

I/aia 1. **COLLOQVIUM** cum Christo crucifixo, qui nos sic dilexit, vt à planta pedis vsque ad verticem non esset in eo sanitas.

Meditatio II. de Odio sui.

COMPOSITIO LOCI, vt suprà.

PVNCTVM I. Considera Christum **IESVM**, conculcatum ab impijs in domo Caiphæ, quamque hoc longè peius faciat amor sui; & quàm indignum, vilissimum mancipium, id est carnè, **Deum**, Regem regum pessumdare. Secundò, tuum hostem crudelissimum esse carnem, & quàm turpe, eam velle præ amico, qui sanguinem suum nobis dedit, diligere; insidiatorem admittere, Dominum excludere; vilissimę rei, vtpote vermi fœtido, carni tuæ, plus honoris & fauoris tribuere, quàm summæ Maiestati.

PVNCTVM II. Considera, Regem sapientissimum Christum **IESVM**, qui cùm possit alijs mille modis saluare mancipium, tamen ad ostendendam immensam charitatem, voluisse pro mǎcipio, & quidem sibi iniurio, mori, & omnia quæ homo pati potest, tolerare. Secundò considera, mancipium illud contrà querere vbiq; sua commoda, vt possit Regi & Patri insultare. Tertiò, etiam filios ex Rege conceptos, id est pia desideria, in gratiã hostis adulteri trucidare. Quartò, amantissimum tui Regē quasi abs te opem poscere, ad vlciscendum hostem suum, & tuum; te verò, non tantùm eam non præstare; sed hostem fouere, in delicijs habere, cùm eo Regis tui eadem (crucifigit enim sibi Deum, vt dixi, peccator) tractare. hæc omnia amoris tui, ac sensualitati applica, & detestare, ac vehementi amore complectere Deum omne bonum tuum.

PVNCTVM III. Considera Primò, te constare animâ pretiosissimâ, & corpore vilissimo. Secundò, quàm turpe saccum vermium, corpus inquam tuum, quod est velut brutum, dominari animæ tuæ; & quanta stultitia, pro æterna animæ ruina, hostem momento recreare, & corpus
simul

simul cum anima perdere in gehennæ ardoribus perpetuò cruciandum?

COLLOQVIVM, vt suprà.

Meditatio III. de Odio sui.

COMPOSITIO LOCI, vt suprà.

PVNCTVM I. Considera Primò, quot dæmones nobis insidientur, quæque mala hominibus passim inferant. Secundò, nullum tamen adeò potentem & insensum quàm amorem tui, neque quidquam tibi in mundo magis nocere. Tertiò, omnes alios vinci, si amorem tui vice-ris. Detestare eum igitur, & recreationes, voluptatis illecebras, carnisque blanditias, ac simul attende quàm bonus Israël Deus his qui recto sunt corde.

PVNCTVM II. Considera Primò, breuissimam esse sensuum voluptatē, & quanto diuturnior & potior ea, quam anima de Deo & virtute percipere potest; cum anima tantopere afficiatur recreatione, quæ iumentis suis est. Secundò, attende impossibile utrâque frui; hîc ventrem & ibi implere mentem. Tertiò, etiamsi omnia concedas, tamen tantum irritamentum fore, non satiandos appetitus, sed plura petitorios; & quæ dementia hosti tribuere, vt plura tribuas, & seruitutem indies duriores sibi facere? Quartò, quòd si voluptatem hanc momentaneam reijcias, æternam te habiturum, & in præsentis etiam ex rectè facto maiorem, quàm ex voluptate iucunditatem.

PVNCTVM III. Considera Primò, quàm cæcus sit carnis affectus, quàm turpis, & quanto cum discrimine quis se cæcæ & furiosæ carni mancipet, eius ductum sequatur, cum lumen rationis homo habeat. Secundò, expende carnem, & eius amorem omni virtuti repugnare, cum ea ardua sit, ac radix illius, vt vulgò dicitur, amara; illa verò semper commoda sectetur. Tertiò, considera quantum in amore Dei crescere cupias, tantum in hoc decre-

scendum; nec posse vtrumque consistere. Quardò, considera quomodo Christus IESVS carnem suam odio habuerit, & expende hæc verba: Qui vult venire post me, *Matt. 16.* abneget semetipsum, & tollat crucem suam, & sequatur me: & videbis adeò necessarium esse odium sui, vt Religiosi ac verè pij nomen non mereatur, qui non imitetur. Vide iam an dicere possis, Christo confixus sum cruci; & *Galat. 2.* excitate ad amorem Domini tui.

COLLOQVIUM, ORATIO, & cætera, peti possunt ex meditatione de Mortificatione.

Meditatio prior de Curiositate, in signi progressus in Via Domini impedimento.

COMPOSITIO LOCI erit considerare animam nostram velut arcem, habentem portas quinque, quibus plurimi hostes insidientur.

PUNCTVM I. Considera Primò, qui actus curiositatis sint, ex S. Bonauentura. Curiosus, ait, non curanda curat, *Bonau. spec. discipl. c. 5.* necessaria negligit, & sui oblitus aliena considerat, notat & explorat: si quod insonuerit verbum, anhelat sollicitus ad sciendum, & honestate postpositâ id ab inuitis, & celare forsan volentibus inuerecundè requirit; locis sibi non concessis, congregationi, & colloctionibus Fratrum se ingerit non vocatus; cùm eum abesse putaueris, adest impudens lateri, adest auri, vt nec secretum valeas occultare sermonem; obseruat angulos, vagis circûspicit oculis, hæret ad singula quæ occurrunt, communes obsidet transitus, superuenientium & forensium gaudet occursum; rumoribus, & sæcularibus verbis hauriendis & referendis intendit; res sibi non deputatas curiosè reuoluere non quiescit. Secundò, quàm turpia hæc sint attende.

PUNCTVM II. Considera signa domitæ curiositatis esse,

esse, nec domi nec foris oculos inconsideratè conijcere; nisi vel ob necessitatem, vel honestam recreationem; numquam tamen in mulieres; aliena non explorare, ex obiectis piam aliquam considerationem capere. Secundò, finge te Christum Dominum, vel beatam Virginem videre per omnia continentem: & vide quàm illis moribus dissimilis sis, & ad imitandum te accende.

PVNCTVM III. Considera Primò, hanc vitam, & sensus datos vt Deum cognoscamus, & ea conquiramus quæ nobis necessaria sunt ad salutem; vnde colligendum quantum erret qui animam affectibus fœdis, & noxijs imaginibus rerum deturpat. Secundò, considera hostes nullâ ratione ingredi in nos posse, seu arcem animæ nostræ, nisi per curiositatem sensus nostri indebitè pateant. Tertiò, quòd, sicuti facile est, contra hostes extrà positos sese tueri, ita sensibus custoditis omnia intus fore secura. Quartò, breuissimum esse tempus vitæ nostræ. Vnde serijs & vtilibus quibus cælum comparaturanda opera; & quàm turpe malle de nominibus disputare, noua inquirere, videre velle, &c. quàm animam inferno eripere, & se nosse.

COLLOQVIUM cum Christo crucifixo & sensibus omnibus afflicto.

Meditatio posterior de eadem.

COMPOSITIO LOCI, & ORATIO, vt suprâ.

PVNCTVM I. Considera Primò, quid ex omnibus curiosis hactenus visis vel auditis habeas. Secundò, quid haberes si longè plura & omnia nosses, si te ignores & Deum, ac viam ad illum. Tertiò, attende perfectè nihil ab hominibus percipi posse, sed omnia velut per transennam videri. vnde nullius animalculi naturam omnino capimus. Quartò, cogita inquietudinem summam curiosi, pericula & molestiam: & contrà quietem eius qui in Deo

Deo vno omnia habet, & studet curiositati coërcenda. Audi Sapientem: Proposui in animo quærere & inuestigare sapienter omnia, quæ fiunt sub sole. hanc occupationem pessimam dedit Deus filiis hominum, vt occupentur in ea: & agnoui quòd in his quoque esset labor & afflictio spiritus, eò quòd in multa sapientia multa sit indignatio: & qui addit scientiam, addit & laborem.

Ecclesi. 1.

PUNCTVM II. Considera Primò, quàm stultum esset aliena friuola curare, dum de vita mea agitur, eaque semperiterna. Secundò, eum sapientissimum in cælo fore, qui cum S. Benedicto sapienter indoctus fuerit, rerum, scilicet, curiosarum. Considera Tertio, omnem delectationem, quam ex creatis haurire potes, in Deo plenissimè te reperire, & purissimè. Quarto, frustra te conari satiare animam insaturabilem visis & auditis, cum nec satietur oculus visu, nec auris auditu. Quintò, considera vt curiositatem Bethsamaritarum Dominus punierit morte, in omnibus qui arcam adspexerant. Sextò, in Paradiso Euam curiositate tentatam ac victam, nos in hoc miseriorum pelagus deturbasse.

Ibid.

1. Reg. 6.

PUNCTVM III. Considera Primò, frustra aliquem conari ad contemplationem adscendere, nisi refrænct sensus suos, ideoque dictum sponsæ: Auerte oculos tuos: illi enim me auolare fecerunt. & quantum id damnum sit, attende. Secundò, numquam curiosè perfectiones Dei, eiusque iudicia & facta scrutanda. Scrutatore nim maiestatis opprimeretur à gloria: numquam, vt in fide fit, rationes quærendas esse præcepti, vt propter eas operemur. Dæmonis hæc est vox & inuestigatio: Quare præcepit vobis? At verò silet Abraham, nihil inquit, nec quòd eat, cum abire iussus è terra sua; nec de filij stirpe, cum eum sacrificare iuberetur; neque Isaias, cum nudus incedere; nec Ieremias, cum catenis grauatus; nec Ezechiel, cum vt in latus incumberet mandatum accepisset.

Cant. 6.

Prou. 25.

Isaia 2.

Col.

COLLOQVIVM fiat ad Deum, in quo omnes Sancti omnia vident, cum affectu magno amoris & abnegationis omnis affectus erga res curiosas.

ORATIO, & cætera peti possunt ex meditatione de Mortificatione.

Alia oratio.

Domine IESV Christe, in quo omnes thesauri scientiæ & sapientiæ absconditi sunt; vtinam nouerim te, nouerim me, & nouerim voluntatē tuam! illa enim sola scientia sufficit mihi, quā in æternum sapientissimus esse possum, & cognoscere te, videre te, ac possidere in te omnia; eo plura ac perfectius, quo minus me hic vana curiositas in diuersa distraxerit: vnum enim est necessarium, & hæc est vita æterna, vt vnum te cognoscamus. Quid quero altiora & fortiora me scrutari? cur oculos conuertam ad vanitatem, & non ad te, vnde solūm veniet auxilium mihi? Sed, eheu! dum per negligentiam terra cordis inculta spinas & tribulos germinat, quia in seipsa non inuenit requiem, foris cogitur euagari anima nostra; & dum à sui circumspeditione torpescit, incuria sui curiosam in alios facit. Et verò spectacula vana, & scientia, quid corpori præstant, quid due anime? Satiari enim non potest, neque in vlla creatura quiescere; sed in te solo, in quo omnia sunt. O felix anima, cui tu vnus es omnia, & quæ in te videt omnia, & à te accipit, & ad te dirigit!

PRÆTEX vide suprà.

Eccli 3.

Bernar.
serm. de
7. donis.
Idē term.
ad Cler.

CAPVT XIII.

Deliberatio de Mediocritate tenenda, auxilio primo in via Dei.

ANIMA. O Sapiētia æterna, ô via, veritas & vita, IESV
 Chryste, dirige gressus meos in semitis tuis, & erran-
 tem ouem reduc ad ouile tuum. Ecce velut in biuio hæ-
 reo: illinc sese aperit ad honores via; hinc ad tutam &
 quietam vitam semita: illuc mundus & amici, aut protru-
 dunt aut prouocant; huc mea me felicitas & exemplum
 tuum inuitat, quod, aspirante gratiâ tuâ, sequendum esse
 mihi propono. Nōne enim serui tui sumus & filij? atque
 ideo æquum, vt hoc tantum spectemus quid in tua fa-
 milia, id est Ecclesia, à nobis fieri velis, quæ tua voluntas
 sancta, beneplacens & perfecta. Tu siquidem pro mune-
 re, ad quod, vocas, solus potes largiri vires & gratiam;
 eamque tum denique, si quis illud sibi sumat, quod tuæ
 sanctissimæ voluntati nouit acceptum, largiri soles. Scio
 difficile esse cognoscere viam, quam tenere quisque de-
 beat. Nescit enim homo finem suum, itaque confugien-
 dum mihi est ad te Domine. Doce me facere volunta-
 tem tuam, & vias tuas edoce me; & vbi doctus fuerò, fac,
 precor, vt perseueranter eas teneam ad gloriam tuam.
 Amen.

Rom. 12.

Eccles. 9.
Psal. 142.

CHRISTVS. Verumtamen considerare te oportet, &
 cum signatum sit super te lumen vultus mei, rationis tru-
 tinâ expendere, quam viam eligas: sic enim accedēs ad
 me, & illuminabere; sic ascendes ad montem Domini tui,
 & docebit te vias suas, & ambulare disces in semitis eius.
 Attende verò primò, quid sit honor & dignitas, fama &
 nominis celebritas, ob quam multi, Ethnici potissimum,
 vitam etiam libenter prodegerūt; certè nihil aliud, quam
 O
 testi-

Quid ho-
mor.

Quid laus.

testimonium excellentiæ, quod quibusdam ceremonijs externis exhibetur, sicut laus verbis. quæ autem excellentia est vera nisi virtutis?

Quæ vera nobilitas.

HOMO. Nulla alia, quin & ea sola nobilitas, etiam Ethnicis, & solæ veræ opes: nam opes per se non esse honore dignas, neque nobilitatem patet: sicut nec hastæ, nec arma sunt honor militis; sed obiectum sunt & instrumentum. si autem miles neque hastam ferre, neque vibrare, nisi in suum & cognatum sanguinem nequit, dedecori illi est potius & damno; honori verò si ijs bene uti nouerit & utatur.

CHRISTVS. Idem vides de omnibus bonis externis dicendum. quis enim perduellem, improbum, diuitem seu nobilem non iudicat honore indignum? illis igitur honor verus, neque famulorum, etiam si bonorum, agmine paratur; neque magis his illustrantur, quàm si gemma in se malè colorata inter alias pulchras collocetur.

Externa nō reddunt hominem meliorem.

HOMO. Video perspicuè: quæ rei alicui, aut homini non insunt, cum meliorem reddere non possunt, neque venustiores; sed verâ sapientiâ (quâ viri in omni republica illustres euasere) verâ pietate, iustitiâ, fortitudine, honoris contemptu honor meritò paratur: ab illis etiam suos Ethnici celebrarunt Scipiones, Alexandros, Cato- nes, Cæsares.

CHRISTVS. Discis igitur, honorem, dignitatem, nō esse nisi vanam alterius imperiti æstimatoris æstimationem, quam an habeas scire numquam possis, quamque indies millies, si velit, alter deponere possit. Dixi imperiti æstimatoris: nam prudentior homini nihil tribuit, sed mihi cuius sunt bona omnia; dignitates per se despicit, etiam si omnem potestatem in alijs veneretur, maximè si virtutem illi videat coniunctam.

HOMO. Si verò ea desit, cum virtuti honor deferatur, caremonia illa illusio potius esse videtur, perinde ac si nigro dicatur quòd sit albus, & claudus rectus prædicetur.

rur. Sæpè autem fit (quæ maxima calamitas est) vt virtus parto honore deperdatur; cùm honores mutant mores, vt dici solet, sed rarò in meliores, vt in Dauide, Salomone, & omnibus ferè Regibus Iuda apparet; immò ferè mali ijs gaudent & potiuntur.

CHRISTVS. Expende iam contrà, quid præstare debeat qui honoratur; id quod dux militi, præire scilicet virtute, robore, animo protegere, fortè etiam alere, vt pastor, animamque exponere. Periculo enim pastoris oues pereunt & rapiuntur. Adde ingratitudines, murmuratio-
Dignitatũ onera.
Incõmoda.
2. Cor. xi.
Pericula.
 nes, æmulationes, eo que maiores, quo sæpè magis integrè munus geritur; ita vt millena beneficia etiam à parente collata, vno negato omnia oblitterentur. Sollicitudines vide, quibus etiam se grauari meus Apostolus aiebat, & neminem scandalizari, quin etiam viretur; neminem infirmari, quin etiam infirmaretur. Iam considera, suaderè ne alteri vt ad honores hos graderetur? nõne diceres dementiam, honoris, id est incertissimæ rei, causâ, se alijs mancipare, obnoxium esse vt omnibus ijs satisfiat; cùm tamen impossibile sit, vnum aliquem omnibus, aut per omnia vel vni satisfacere? nõne ergo egregia tibi insipientia videtur, cùm possit homo quietus & tranquillus vitam agere, tempestati se committere? clauum etiam suscipere imperitum in tempestuoso mari, & pro omnium capitibus vadem se statuere, cùm securus in naui ludere possit? quis in acie attolli supra omnes vult, vt ab hostibus appetatur? quis pro alijs (quod omnes in dignitate, quiq; aliorum curam gerunt, patres familias, alijque faciunt) spondere, qui ipse soluendo non sit? alterius sarcinam ferre, qui suam nequit? me Deum pro alijs placare, cùm pro se non possit? alium ignotâ sibi viâ ducere, & quæ ignorat sæpè docere? alium è luto extrahere, cùm ipse altius inhæreat?

HOM. Hæc video omnia omni dignitati communia, seu seculari seu Ecclesiasticæ; huic tamen magis: ideoque
 O 2 longè

longè ampliùs ab eo qui te Dominum timet, fugiendam esse.

Qui honores ambiendi

Matt. 19.

CHRISTVS. Porro si in hora mortis te esse fingas, & hæc enarrata consideres; nōne obstupescas, posse fieri, vt aliquis ad dignitates & honores adspiret, nisi insipiens? Et si in iudicio te statuas, quem sensum horum habiturus es? ibi veri honores decernentur, & qui reliquerunt omnia, sedebunt super sedes duodecim iudicantes duodecim tribus Israël: de quibus D. Bernardus seruus meus dixit: Hæ sedes sunt ambiendæ, hæc pulpita toto conatu exquirenda; at humana ambitio humilitantium locatas sedes quærit, in cælo constitutas non nouit. Infelix ambitio quæ magna ambire nō nouit! O quàm perspicuè toti orbis vanitas ambitiosorum, & honorum etiam non ambiciosè quæsitum apparebit; neque petetur in illo theatro, quis quid gesserit muneris, sed qualiter gesserit quod sibi impositum fuerat: ibi pauper & inglorius honorabitur à me, superbus & opulentus despicietur, & eiulabit dicens: Ecce hi sunt, quos habuimus in derisum, ecce quomodo computati sunt inter filios Dei. Et verò, si honores quærendi, cur non potiùs momentaneum contemnendo, æternos amplecteris & certos?

Sap. 5.

HOMO. O quoties hîc honores adepti, vix eos adspexerunt, & perierunt; spreuerunt alij, & æternos à te nacti fuerunt! Sic narratur de adolescente, qui cognouit se damnandum grauius fuisse, si accepisset Episcopatum: Potentes enim potenter tormenta patientur. Quanto potius esset nomen scriptum esse in vitæ libro, in fastis æternis, quàm in mundo hoc, mortis theatro, perituris mox vocibus resonare? Quid verò est, quòd Sancti omnes tam sollicitè refugerunt honores, adeoque etiam mori petierunt potiùs quàm suscipere?

Honores ambire rapina. Psal. 52.

CHRISTVS. Expendebant illud, rapinam esse Deo soli honorè & gloriâ debitam ambire; atq; altè illud imbiberant: Qui hominibus placet, cōfusi sunt, Deus spreuit eos.

HOMO.

HOMO. Imò tuus Chrysoſt. Mirum, ait, ſi aliquis recto- *Chryſoſt. ſu-*
rū poteſt ſaluari, etiā ſi neceſſitate cōpulſus officiū ſuſce- *per epiſt. ad*
perit, vt Saul, vt Aaron: de quo illud, Nemo ſumit ſibi ho- *Hebraos*
norē, niſi qui vocatur à Deo tamquā Aaron. Et verò ſi ap- *cap. 13. ho-*
petat, eo ipſo videtur indignus dignitate, quo ipſā ambit: *mil 34.*
in ſupergratiā tuā, ô Deus, & auxilio, cū tamen illo ma- *Hebr. 5.*
ximē indigeat; tu enim ſuperbis reſiſtis, & humilibus das
gratiam. atq; ita omnes ſecum periculo ſubditos exponit.

CHRISTVS. Hoc eſt quod metuebant tantopere San-
cti, maximē in hoc exilio, carcere, tempore pœnitentiæ ſe
eſſe conſiderantes; ideoque cum timore & tremore ſalu-
tem ſuam operabantur, quam ambitioſus vti & alienam
parui facit.

HOMO. Imò Ethnici prudentiores honorum culmina
fugiebant, & priuatam vitam eligebant, beatum illum ap-
pellantes, qui procul negotijs & publico foret. Quot e-
nim caſus, ruinæ, ſtrages magnorum? vt verè ſtare in ex-
celſo dici vix quiſquam poſſe videatur. Pax certè, vt vi-
deo, ſuauiſſimum bonum animæ noſtræ, numquam ab
ambitioſo, rarò etiam ab honoribus pleno poſſidetur;
ſerui ſunt omnium, omnium iudicia metuunt, inuidiā &
cupiditate torquentur. Cū verò omni Chriſtiano ad
quietem internam & publicam quoad poteſt, & veram
libertatem tendendum ſit, quantum ſtatus permittit; pla-
nè ambitio maximè deteſtanda, vt video, & fugienda eſt.
vnde enim in conſilijs etſi prauis pertinacia, vnde detra-
ctiones, adulationes? ſerè omnia ex ambitione naſcun-
tur, aut honorum, aut vanæ opinionis; & grauiſſimo ſce-
lere, ſapè ob punctum, vt dicitur, honoris, reſpublica to-
ta, multorumque ſalus periclitatur, boni impediuntur,
fouentur mali, Dei que gloria & honor deſpicitur. O am-
bitio, exclamauit rectè Bernardus, ambientium crux!
quomodo omnes torquens, omnibus places? nihil acer-
biùs cruciat, nihil moleſtiùs inquinat, nihil tamen apud
miſeros mortales maius eſt ac celebrius.

*Vide Greg.
4. Moral.*

*Ambitio
cur vitāda.*

*Bern. 3. l. de
Conſidera-
tione.*

Matt. II. CHRISTVS. Sed quid magis valet quàm quod ego præbui humilitatis exemplum? Discite, dixi, à me, quia mitis sum & humilis corde. vis ergo meus discipulus esse? *Luc. II.* audi & sequere; audi, Væ vobis hypocritæ, qui amatis primas cathedras, & vocari ab hominibus Rabbi.

Gregor. Homo. Imò audio etiam apostasiam ambitionem appellari. sic enim discipulus tuus Gregorius: Toties in apostasiæ crimen Prælatus labitur, quoties præesse deleta ur. & rursus, Quoties hominibus præesse desidero, toties Deum præire affecto: humiliavit enim semetipsum Dominus, factus obediens vsque ad mortem. & fieri ne potest, vbi tu Deus te humilias, homo se exaltet?

CHRISTVS. Si iam commemorem beneficia quæ largior homini, vt humilis sit & obediens mandatis meis; quid magis æquum, quàm vt me imitetur? quid magis rationi consonum? sed, quod indignissimum est, quinon habet nisi propositam sibi vanitatem, beneficijs meis eam accendit, illisq; in odium mei vitur.

HOMO. O vanitas vanitatum! quæruntur, cheu! frustra aquæ istæ, neque sitim explent; tu enim sola satietas, tu solus sufficis. vtinam, ô fons vitæ, sic saperent homines, vt potius sitim à te tolli omnino & esuriem optarent, quàm illius fomenta, res desideratas postularent!

CHRISTVS. Porro num tibi minùs indignum videtur, hominem alijs præesse velle, quàm esset, si quod in aula Regis vile mancipium coram eo vellent munia distribuere, sibi potiora deligere?

HOMO. Tuum certè est, ô Sapia, quæ attingis à fine ad finem fortiter, omnia suauiter disponere. Tuum est familiam tuam regere; summi architecti, lapides ordinare; per te Reges regnant, & legum conditores iusta decernunt. Et quæ impudentia, vilissimum homuncionem hîc tantum sibi assumere, vel præsumere, vt audeat familiam tuam ordinare? & sic aut derogare sapientiæ tuæ ambiciosum, aut bonitati diffidere planè video. Tu nosti
quos

quos elegeris, & in manu tua corda Regum & Principum. fiet semper, & fiat in omnibus sanctissima voluntas tua.

CHRISTVS. Nonne mea in Iosepho prouidentia manifesta euasit? illum è carcere euexi ad regnum, & Dauidem de post fuerantes assumpsit?

O R A T I O.

Non est consilium contra te, Domine, tibi ergo me totum committo, omnemq; sollicitudinem in te proijcio. tu scis quos elegeris; sufficit mihi inuenire gratiam in oculis tuis; neque quidquam de manu tua requiro. sed iacto in te cogitatum meum, & cum sollicitus sis mei, omnem mei curam in te proijcio. Tu nosti quid expediat gloria tua. nolo quidquam aliud, quàm fieri sanctissimam voluntatem tuam; sed in vocatione quâ vocatus sum permanebo, & recumbam in nouissimo tecum loco, donec dixeris mihi, Ascende superius. O vtinam hic latere possim, & fulgere in calo; hic esse paruus, & ibi magnus? imò etiam si magnus non forem, melius mihi est tecum humilem vitam agere, quàm habitare in tabernaculis peccatorum; melius tibi notum esse, quàm vulgo; tibi similem, quàm mundo; vestigia tua sequi, quàm Luciferum imitari; in humili stare, quàm ex alto ruere; tibi assimilari, quàm omnem mundi gloriam possidere. Peream potius, quàm ego ambitione meâ impediam sana consilia, excludam fortiores, prudentiores & me meliores, aut ips detrahā, aut primas deposcam. Protestor coram te, Domine, & curia tua caelesti, seruus tuus sum Psal. 115. ego, & filius ancillæ tuæ; meliusq; esse noui seruire tibi, quàm vanitati; perire, quàm peccare in conspectu tuo. Fiat igitur in omnibus sanctissima voluntas tua, & concede mihi gratiam, vt portare possim improperium tuum, & eligere abiectus esse in domo tua, neque ulli velle placere nisi tibi. Ambitio enim subtile malum, secretum virus, pestis occulta, doli artifex, mater hypocrisis, liuoris parens, vitiorum origo, criminum fomes, virtutum ærugo, tinea sanctitatis, excacatrix cordium, ex remedijs morbos creans, tar.

Bernard.
serm. 6. super
Psal. 115.
Qui habi-

generans ex medicina languorem. Quantos hac pestis nequiter
 supplantatos, turpiter deiecit, vt cateri quique, quos latuit occultus
 effossor, subito expauescerent ad ruinam! quantos trudi fecit in
 tenebras exteriores, veste spolians nuptiali, & virtutum exercitio,
 & fructu pietatis euacuans! Gloria certe in confusione eorum, qui
 sic terrena sapiunt. non veniat anima mea in consilium eorum, &
 ne permittas dominari mihi superbiam, Domine mi, cui seruire
 toto corde desidero. Quid enim magis indignum? quid detestan-
 dum amplius? quid grauius puniendum, quam vt videns te Deum
 celi, paruulum factum, vltra apponat homo magnificare se su-
 per terram? Intolerabilis impudentia est, vt vbi sese exinanivit
 maiestas, vermiculus infletur & intumescat.

Bern. serm.
 1 de Natal.
 Domini.

C A P V T XIV.

Meditatio de Superbia.

COMPOSITIO LOCI. Considera & imaginare coram
 te barathrum inferni, omnesque inferorum crucia-
 tus ab vna superbia esse profectos.

ORATIO, vt supra.

*Quid sit su-
 perbia.*

*Chrys. ho-
 mil 59. in
 Matth.*

PUNCTVM I. Considera Primò, superbiam esse appeti-
 tum inordinatum excellentiæ in temporalibus aut spiri-
 tualibus, quo quis maiorem se facit, & fieri vult, quam re-
 ipsa sit: id verò tam stolidum, quam si pumilio indigne-
 tur, quòd gigas esse negetur, aut vestis huius sibi non
 aptetur. Ideoque aptè Chrysostomus homil. 59. in Mat-
 thæum, Nihil certè arrogantia atque superbiâ peius, quæ
 mentis quoque vires naturâ hominibus concessas ita
 deiciat, vt amentes ex prudentia ac animo stolidos ef-
 ficere videatur. Nam si quis, cum staturâ cubitum non
 superat, instar montium, imò altiores se putet, ac ideo se

se quasi montes excessurus erigat, nullum aliud argumentum suæ insanix quæremus: sic cum inflatum videris hominem, qui meliorem se cæteris arbitretur, contemniq̃ue opinetur, si cæteris hominibus conferatur, nullum iam aliud signum vecordix hominis exquiras: tanto quippe ridiculosior illis est, qui naturâ insaniunt, quanto ipse sibi sponte hunc morbum iniecit. Et post pauca: Certè quasi vile mancipium & miserum captiuū diabolus eum abduxit, agitaturque verberibus, & mille contumelijs quocumque velit. Secundò, cogita oriri illam ex sui ignorantia, & vera stultitia, vt ex allato exemplo patet. Hinc fit vt multa sibi deberi falsò existimet, multa licere, atque ita nec legibus paret, neque beneficiis gratitudinem reddit; quia nemini se debere existimat, cum tamen debeat omnibus; imperia excutit, leges ac regulas parui pendit, alijs imperare affectat, imperiosè agit. Considera igitur pro remedio qui hæc legis, quid tibi post tot peccata deberi existimes. Vt autem id noueris, vide etiam atque etiam quid fueris, quid sis, & eris. Tertiò, considera, nullum esse in mundo malū animi, aut corporis, quod tibi contingere non possit; imò, si rectè iudices, non debeat. nōne enim æquum est, vt creatori à te illatam contumeliam omnis vlciscatur creatura? Admirare igitur Angelos, ac Deum in primis, te tolerare, quæ factis ipsis blasphemias, Christum etiam Dominum, qui talem abs te moribusq̃ue tuis sustinet contradictionem, & in sua schola humilitatis ignauiam, & illiberalitatem, ac cordis duritiem, ad quod pulsanti nec libet tibi aperire. Sic ad creaturas digredere.

PVNCTVM II. Considera te, vt creaturam, Deo parere debere; vt Christianum, Ecclesiæ; vt ciuem, Reipublicæ: imò, si rectè iudicas, omnibus obstrictus es. nam qui Deo per peccatum est iniurius, omni etiam creaturæ consequenter est contumeliosus; vnde ergo gloriari potes? Secundò, cogita talem te verè esse, qualem æstimat Deus.

Expende igitur, qualis coram eo sis, ob opera mala plurima, bona pauca, eaque imperfecta, vt meritò te vlceri comparare possis. Tertiò, compara te cum bestiis quoad corporis qualitates; nōne reperiēs te iis longè inferiorem? ingenio verò non solùm dæmonibus inferiores, imò etiā peior, ob frequentem post tot ac talia beneficia recidiuā. Quid ego futurū, si damnatis ob pauciora longè quàm tua sint crimina, te comparaueris? quid, si Ethnicis tam sedulis in virtutis studio ac dæmonum profano cultu?

*Deo odio-
sa super-
bia.*

Eccli 10.

*Aug. doct.
Christ.
lib. 3. c. 13.*

*Esther 7.
Daniel. 4.*

Basil.

*Cōst. mon.
c. 10.*

Lib. 31.

Mor. c. 17.

Greg. lib.

34. Mor.

c. 13.

PUNCTVM III. Considera quàm Deo sit odiosa superbia. Primò, ex Scripturæ testimonio, quæ vbique superbos ac oculos sublimes detestatur. Odibilis enim coram Deo est & hominibus, & initium omnis peccati superbia: qui hac infecti sunt, despiciunt eos Dominus mente cordis sui. Neque tantùm Deo odiosa est, sed omnibus: adeò vt Scriptura dicat melius esse humiliari cum mitibus, quàm diuidere spolia cū superbis. Certè, vt August. nulla ferè est pagina sanctorum librorū, in qua non sonet quòd Deus superbis resistit. Secundò, cōsidera supplicia superborum hīc & in futuro. O quàm terribile exemplū Luciferi, Adami, Amani, Nabuchodonosor! Tertiò, cōsidera seruitutem duram superborum, vitamque angoribus & sollicitudine plenam, timoribus & spebus variè conturbatam, eamque penitus detestare. Quartò, considera ob grauissimum peccatum superbiæ, iusto iudicio hominem tradi in seruitutem luxuriæ, ac aliorum vitiorum omnium. siquidem bonorum spoliatrix est superbia; atque, vt Gregorius, vitiorum regina superbia, cū deuinctum planè cor ceperit, mox illud septem principalibus vitiis, quasi quibusdam suis ducibus deuastandum tradit; estque euidentissimum signum reproborum, vt humilitas electorum. Considera postremò ignominia superbi in die nouissimo: iudicium enim durissimum his qui præsunt fiet, exiguo autem conceditur misericordia, quando potentes potenter tormenta patiuntur. O quàm
dura

dura erit subfannatio, quâ dæmones superbo insultabûnt, dicentes, Tu vulneratus es sicut nos, nostri similis effectus, detracta est ad inferos superbia tua!

Meditatio de Humilitate.

COMPOSITIO LOCI. Imaginare te velut recens ex nihilo creatum, nudum atque inermem, omnibusque destitutum, coram Deo ac curia eius, & ante te plurima peccatorum præcipitia, post te & vndique plurimos hostes impellentes, subtus infernum apertum, supra cælum & cælestem curiam te spectantem.

ORA Dominum, ut veram humilitatem cordis largiatur.

PUNCTVM I. Considera humilitatem esse virtutem, quâ homo ex sui cognitione sibi vilescit, humilemque verè sese existimat, ex eo quod est ex se. quid verò illud? utique nihil: ex nihilo enim homo est, & in illud relabere-

*Humilitas
quid sit.*

tur, nisi nos sustentaret Dominus, qui portat omnia verbo virtutis suæ; imò in longè peius quàm nihilum volueretur, id est, peccatum, omnium malorum gravissimum.

Gal. 6.

Nunc vide, an sic te æstimes; si enim aliquid existimes te esse, cum nihil sis, ipse te, ut loquitur Apostolus, seducis.

*Homo nihil
habet à se.*

Secundò, cogita, cum nihil à te, quid ab alio habeas, à Deo, hominibus, cæterisque creaturis. detrahe illa & sæ-

1. Pet. 5.

para à te aliena, esse, tuum vivere, & intelligere; redde ea: & quid supererit tibi? nihil sanè. ibi igitur iiste, ut te ipsū

*Humana
miseria.*

noveris, & discas humiliare te sub potèti manu Dei. Tertiò, considèrate ipsum ut aliquid es, diem ortus tui, vitam & exitum illius, & cognosces verè vilissimum ac mi-

ferrimum esse in omni ætate. Quid enim fuisti? nihil. Age verò, quid nunc es? inspicere corpus, quid nisi saccus ster-

corum, scaturigo sordium & vermium? inspicere animam; secundum intellectum, plenam erroribus & multâ igno-

rantiâ, ut de nulla re bona omnino rectè iudicare possit;

secun-

secundum voluntatem, ad omnia bona rebellem, ad praua verò plurimum pronam & inclinatam. nonne enim omnium peccatorum capitalium in te fomitem habes, ac radicem sæpius pullulantem, & concupiscibilis passiones ardentes experiris? irascibilis verò in bono segnes? Quid dicam de memoria? cheu! quam multâ vanitate fœdatur?

Pericula.

Quartò, aspice, quæso, mala quæ te circumstât, vti in Loci compositione dictum est, præcipitia peccatorum, in quæ incidere potes, præterita verò sicut onus graue grauata super te, dæmones vndique te oppugnantes, infernum subtus te hiantem, cælum apertum, ac iudicem ex-

Quid futurum post mortem.

spectantem. Quintò, considera quid futurus sis; certè secundum corpus post tempus breue, morbosque, & miseras exhaustas plurimas, esca vermium, vsque ad diem nouissimum. Subsiste paulisper, ô lector, & descende in sepulcrum viuens. Deinde quid secundum animam futurus sis, nempe post errores & longam spiritus afflictionem, & peccata, morte multaberis, & reus ad iudicem traheris, salutis incertus, eiusque sententiâ cremandus, vt minimum (pauci enim plenè hîc purgâtur) in Purgatorii ignibus. Et fieri potest vt extollas in altum cornu tuum, ac loquaris aduersus Deum iniquitatem, tu vapor ad modicum parens, qui hodie es, & cras non comparebis?

*Psal. 74.
Iacob. 4.*

*Hominum
ignorantia.*

Matth. II.

PVNCTVM II. Cogita te ex te nec posse, nec scire quidquam, sed Deum omnia operari in omnibus; te verò instar pueri, qui nec se attollere, tueri, stare, nutrire, aut hæc ab alio postulare possit. & discere ab amantissimo IESU mitis esse, & humilis corde; omnia illi, tibi verò nihil adscribere. ille enim lux est illuminans omnia, tu velut laterna, in qua si lumen ponatur, non lucet ipsa, sed lumen: imò verò hoc ipsum obscurat, quòd arbitrio Domini vbiuis locari potest. Discere ergo esse humilis corde, ab humillimo IESU. Huccine redacti sunt omnes thesauri sapientiæ & scientiæ absconditi in te, Domine mi, vt hoc pro magno discamus à te, quoniam mitis es & humilis corde? Itane magnum

magnum est, esse paruum, ut nisi à te qui magnus es fieret, disci omnino non posset: ita planè; non enim aliter inuenitur requies animæ, nisi inquieto tumore digesto, quo magna sibi erat, quando sana tibi non erat.

*August. de
S. virginitate.*

PUNCTUM III. Considera aliarum perfectiones creaturarum, quodque præ cæteris nihil habeas, sed plurima tibi quæ alij habent desint, & in multis ab iis supereris, etiam si forsitan in vno superes. Quid igitur in victu, vestitu, (quem nemo pretiosum petit nisi ut videatur) officio, loco tibi conueniat, attende; ne, si iam plus tibi tribuas, in iudicio confundaris, & iubearis nouissimum locum tenere. Inuenies certè, si rectè attendas, omnia infima tibi conuenire. Itaque sicut rideremus, si vilissimus rusticus præ Rege sese extolleret, aut si quis magnum se putaret, quòd super montè staret; sic ridebere si altiora te quæsieris, si te propter dona Dei extuleris, Christo se humiliante & ministrante. Gaude igitur, uti Sancti omnes, tui contemptu; fateare eum tibi deberi, alijs honores, priuilegia, omniaque officia: tu de nullo querere, de quo omnis creatura meritò, sed imprimis Deus grauissimè queri potest. caue si te vilem æstimes, nolle tamen talem haberi, dici, tractari: hypocrisis ista est & iniquitas. si enim alios meliores & sapientiores iudicas, nonne eos honore præuenire, non contristare, non iudicare, sed de omnibus bene te sentire ac loqui oportet, & ijs optima quæque deferre?

Imperfectio.

Secunda pars.

PUNCTUM IV. Considera multitudinem peccatorum tuorum quæ in contumeliam Domini perpetrasti, & disce esse paruus in oculis tuis. Si oppugnet & eleuet vanitas, horum memoriâ te libra, & recale grauissima quæque, ob quæ æterna supplicia promeritus es; de quibus etsi fortè reconciliatus, numquam potes esse sine metu, cum nescias amore an odio dignus sis. Secundò, conside-

*Peccatorum
multitudo.*

Eccli 5.

*August. ho-
mil. 25. l. 50.
homil.*

*Rom 11.
11aia 64.
Luca 17.*

*Humilita-
tis necessi-
tas.
Matt. 18.*

*Bern. serm.
2. de ascens.
Domini.
Chrysost.
hom. 20. in
Acta.
Psal. 101.
1saia 66.*

1. Pet. 5.

rain quanta peccata adhuc cadere possis. non est enim peccatum quod facit homo, quod non faceret alter homo, nisi creator hominis ruentem in præceps sustentaret. in lubrico enim stamus, & præcipiti monte, & cheu! vndique impellimur; at vel maximè pondere nostro. Tertiò, considera quòd certus non sis an vllum Deo gratum opus feceris. quis enim nouit sensum Domini? & ecce iustitiæ nostræ sunt velut pannus menstruatus, & cum omnia fecerimus, serui inutiles sumus; si crescant dona, crescit donorum ratio, quam nemo dignè reddere potest. Quarrò, considera nihil te posse boni præstare per te, sed esse velut terram proferentem spinas, nisi semen in te sit gratiæ Dei; age verò, quoties illud suffocasti, & cum centesimum reddere deberes, minimum tulisti? Quintò, actiones tuas percurrè, & nullam deprehendes, in qua te arguere non queas, aut non queat ille qui scrutatur corda & renes.

PUNCTVM V. Considera tantam esse necessitatem huius virtutis, vt absque illa nulla alia Deo accepta sit; nisi enim efficiamini sicut paruuli, ait Veritas, non intrabitis in regnum cælorum. Fundamentum siquidem est turris spiritualis, & per humilitatem ad sublimitatem ascendere oportet; quia hæc est via, & non alia præter ipsam: qualiter vadit, cadit potius quàm ascendit; quia sola est humilitas, quæ exaltat; sola quæ ducit ad vitã. ita Bernardus. Chrysostomus verò ait, Ipsa mater est, & radix, & altrix, & fulcimentum & vinculum bonorum, sicut superbia malorum; nihil humilitate potentius, fortior est petrâ, solidior adamante. Secundò, considera humilientis se orationem semper exaudiri. Respexit, ait Dauid, in orationem humilium, & non spreuit precem eorum. Imò ad nullum alium respicit. Ad quem enim, ait, respiciam, nisi ad pauperculum, & contritum spiritu, & trementem sermones meos? Deus autem superbis resistit.

PUNCTVM VI. Considera te stare in theatro vniuersi,

fi, & coram cælesti curia; decerne ab ea an à verme laudari malis. Secundò, considera omnem Christianę vitę perfectionem in humilitate consistere: hæc est hominis sublimitas, hæc gloria & magnificentia, verè cognoscere hoc quod magnum est, & illi conglutinari, & gloriam à Domino glorię quærere. Tertiò, attende Christi exempla, *Philip. 2.* qui humiliavit semetipsum vsque ad mortem, vt tu viueres in æternum. Quartò, perpende veritatem huius sententię, Omnis qui se humiliat, exaltabitur; & qui se exaltat, humiliabitur. Quintò, percurre exempla Sãctorum qui gloriabantur in cruce Domini: exultabant, quia digni erant pro nomine eius contumeliam pati. Eligebant affligi, sicut Moyses, cum populo Dei magis, quàm temporalis regni habere iucunditatem. Postremò, considera magnum Dominum nonnisi ab humilibus honorari, *Prouerb. 3.* quodque cum simplicibus sit sermocinatio eius; nihilque illi esse tam amicū, quàm si quis se minimis annumeret.

O R A T I O.

O IESV humillime, Creator & Redemptor meus, nõne ex nihilo creasti me, & redemisti me in sanguine tuo? ac proinde totus tuus sum ego: memoria, intellectus, voluntas, & omnia tua sunt opus manuum tuarũ, & quodcumque his bonum gratiã tuã operor, tuum est; sed mihi hæc data à liberali manu tua, vt ijs vtar, rationem strictam redditurus. Si ergo hæc omnia acceperim, & verè sim villicus malus, quid gloriari possum nisi in infirmitatibus meis, aut quomodo alijs me præferre? Eheu! poterõne tibi respondere vnum pro mille talentis & gratijs tuis? An de vno peccato velut propitiato possum esse sine metu? scio me reum æternę mortis fuisse, sed de vera pœnitentia ignoro, & num amore an odio dignus sim. Video etiam innumeras misérias & casus ac peccata, *Ecclesi. 5.* in quæ hodie labi possum. non est enim peccatum, quod facit homo, quod non faceret alter homo, si tu deesses Deus meus. Ecce vel-

ut infans, nec stare, nec lapsus surgere, nec edere, nec tueri me possum in medio hostium deprehensus & angustias plurimas. Verè, Domine, iure ac meritò agnoscere me debeo ob ista vilissimum; sic de me sentire, loqui, me tractare, & velle ab alijs censi, tractari; illos verò vt meliores sapietioresq; habere & existimare. Sed ecce, Domine, cum talis sim, tam infirmus, tam miser, prae me alios vitupero, praeferrì iis me meumq; sensum volo, peccata excuso, celo, aestimari cupio, ac facta mea laudari, vituperari horreo, de publicis vehementer coram vermibus terra sollicitus, de priuatis coram te securus, atque ita meritò abominabilis tibi sum, despectus & contemptus, fur gloriae tuae deprehensus, cum aeterna ignominia mea. O Domine, ecce ego pulvis & cinis quomodo audea contra te attollere in altum cornu meum? vnde mihi hac insania, vt audeam hominum laudem captare, tuam spernere, qui me in gehennam hoc momento perdere potes? & cur, quaeso, superbio, aut quid vniquam superbia mihi profuit, aut gloria vana mundi huius? Meliorem me non faciet alterius error aut fucus, ac simulatio mea, sed deteriore facili, cum veram aeternamque laudem Sirenes istae si audiantur, eripiant, & aeternum repellant in iudicio vituperium. O insaniam filiorum Adam! curritur, laboratur, studetur, sudatur, vt fumus acquiratur, vt à vanitate quis illudatur. Nonne firmâ fide credo, quòd qui se exaltat, humiliabitur? Si honorem igitur peto; certè humiliationem flagito & vituperium: solus honor is est, quem tua bonitas, & Sancti, in quorum conspectu sto, habent & habebunt in die illo iudicii; aeternus hic, momentaneus ille; verus hic, falsus ille; magnus hic, verè minimus est ille; denique ad salutem hic, ille verò ad interitum, velut venenum melle illitum, propinatum ab hoste vero; aut hostiliter amico. Ergone venabor vltra amorem & fauorem hominum, id est vermium terra, de quo certus esse nequeo, quem vt fumum nequeo retinere? Et tuas laudes spernam, ob vanitatem illam sub diaboli regno me constituam, & discipulus tuus, o humillime I. s. v. esse renuam, & gratiam quam humilibus dare soles, & conuersationem tuam quam simplicibus & humilibus nequis negare, aspernabor? Ecce infra, supra, intra me pericula sunt;

Luc 14.

sunt; imò anima mea malorum omnium fons & origo, vti morborum corpus, quod de sordibus natum, sordibus plenum, in sordes abibit. Quò verò anima mea, tu scis Domine; multiplicata enim sunt iniquitates meae super capillos capitis mei, & bona si quae feci, Psal. 39. omnia, vereor, infecit aut amor mei, aut voluntas mea. Doleo vehementer, ò infinita bonitas, maximè quia retribuì mala pro bonis; quòd pro gratia tua & donis iniurias reposui, quoties vana gloriae seruus fui. nihil est tibi carius humilitate, nihil acceptius modestiâ, nihil perosius gloriâ & studio hominibus placendi. Hac Tertull. de virg. est enim præcipua conseruatrice, & quasi custos quaedam virtutum omnium, nihilq; est, quod nos ita hominibus gratos ac Deo faciat, quàm si vitæ merito magni, humilitate infimissimi. Humillime IESV, qui humilitatem me ab ortu vsque ad mortem tuam docuisti, qui Samaritanus & opprobrium hominum pro me factus, tunc recumbes in nouissimo, Rex meus, & ego in summo? non ita Domine, sed vilior sum, & ero per gratiam tuam humilis in oculis meis; tu enim despicias superbos mente cordis sui, & exaltas humiles amicos tuos. talis esse volo, & gratiâ tuâ opto voluntatem istam sanguine meo signare, ò immense & humillime IESV, ad gloriam tuam. Amen.

Praxis humilitatis exercendæ.

Prima erit, aliquando gradus ac signa humilitatis inferiùs ponenda percurrere, & ad ea se examinare.

Secunda. Sese, vt in meditatione dictum, considerare vndique cinctum periculis; quæ consideratio admodum fructuosa, & vbique in tentatione obuia.

Tertia. Idem fieri poterit, considerando sese velut puerum, infantem, omnibus expositum ærumnis, & nudum præfidiis; aut velut laternam, vt in meditatione exposui. Hac consideratione in omni vanæ gloriæ occasione vtendum est, & habendus is qui te laudat quasi qui aut errore, aut dolo, Deo frustra detrahatur, quod tibi tribuere velle videtur. & te participem sui sacrilegij efficere in conspectu eius; aut certè qui boni operis æternam gloriam nitatur odio aut ignorantia eripere, & velut coronam

*Modus vanæ
gloriam super-
vandi.*

de capite tuo, vt falsam & merè imaginariam reponat, tibi que miserimè imponat atque illudat.

Quarta. Habere in numero suas imperfectiones, earumque alphabetum, quod percurrat, vbi vanitatum aura blanditur. Quod enim aduersus præcipitem iram Imperatori cuidam suggestum, vt alphabetum recenseret, priusquam sententiam ferret, id hinc imitari non erit, inutile, idemque vel leuiter aliquoties in die inspicere.

Quinta. Confessio sincera & frequens optima praxis erit.

Sexta. Considerare se vbiq; esse velut in theatro, & è cælo spectantem Deum ac Beatos; hic ranunculum aliquem coaxare vanitatis. Hoc valebit aduersus vanam gloriam, animique tumorem ex rectè factis aut donis Dei nascentem. quemadmodum & illud, quàm sit indignum accipis à Deo beneficiis, eisdem illi contumeliam facere; si honorem det, eum inhonorare; si soleatur, Spiritum sanctum contristare; si liberalitates erga nos exerceat, etiam quod illius est nobis vendicare. quid enim aliud superbus agere videtur quàm accipere a Deo dona, & mox eadem per vanitatem hosti tribuere in Dei despectum, aut eisdem Deum impetere; exaltari à Deo, & illum deprimere; ideoque per Isaiam queritur, Filios enutriui & exaltaui, illi autem spreuerunt me?

Iugetur etiam non mediocriter si numquam inter loquendum quis sibi aliquid tribuat, sed diuinæ bonitati adscribat, à qua omne donum, fiatque id quod monet Apostolus; si quis loquitur, quasi sermones Dei; si quis ministrat, tamquam ex virtute quam administrat Deus. ideo numquam vsurpet, Ego hoc feci, sed Dei gratiâ hoc factum est: sic Apostolus, Non ego, sed gratia Dei mecum.

Septima. In iis quæ obuia sunt; obserua vbique humilitatis documenta; quid enim vallis abundans frumento, quid ariditas & sterilitas in monte aliud docent quàm humilitatem, &c.

Octaua. Aliquando contemplari septiformem ruinam; Prima est, tui similitum qui fœdè lapsi sunt; Secunda, Gentilium; Tertia, infantium ante Baptismum; Quarta, desperantium; Quinta, præfidentium; Sexta, perfectorum; Septima, penè perseverantium.

Nona. In aliis aliquas virtutes notare, easque sibi imitandas proponere, nulli se antepondere.

Decima. Admonitorem habere amicum & fidelem, qui non seruiat auribus, sed veritati.

Vndecima. Humilitatis opera ac obedientiæ, exemplo Christi Domini exercere. neque quisquam est tam magnus, quin sæpè debeat alienæ parere seruientium sibi voluntati; facit

ciet cum fructu, si libenter virtutum occasione utatur.

Duodecima. Libenter in via comitis & socij in negotiis consilio & voluntari acquiescere, numquam de se suisque rebus ad ostentationem loqui.

Accipe alias è S. Basilio homilia de humilitate. Quonam pacto, inquit, ad salutarem hanc animi humilitatem, perniciosâ superbix elatione relictâ, descendemus? si perpetuò studiû modestiæ exerceamus, &c. Vide ne in sermone arrogantiam vsurpes sophisticam, neque dictionem ostentes superbam, sed in omnibus splendori ac magnificentix detrahas; comis erga amicum, mansuetus erga domesticum, patiens erga temerarios, humanus erga humiles; patronus afflictis, inuisens in dolore constitutos, in summa neminem contemnens; suavis in appellatione, alacer in responsione, dexter & expositus vniuersis, neque tua ipsius celebrans encomia, neque alios qui hoc faciant subornans, neque inhonestam de proximo famam admittens, & virtutes tuas ac prærogativas, quantum fieri potest, obtegens, peccatorum verò gratiâ te ipsum accusans, nec expectans vt ab aliis reprehendares: vt idem facias quod iustus, qui in principio sermonis se ipsum accusat: & sis qualis erat Iob, quem non puduit vrbis tumultuationem propriam contra se deprædicare ruinam. Ne sis increpâdo molestus ac seuerus, neque statim aut cum sanimi commotione quemquam reprehendas, (resipit enim hoc contumaciam quamdam.) Neque propter modica delicta condemnes aliquem, quasi rigidus iuris exactor; sed eos qui deliquerunt complectare, & spiritualiter instruas, quemadmodum admonet Apostolus, considerans te ipsum, ne & tu tenteris. Et tantum studij impendas, ne apud homines gloriosus habere, quantum impendunt alij, vt glorificentur, siquidem Christi memor fueris. At prælatus es aliis, & homines te glorificant, par esto subiectis, non tamquam dominans in cleris, vt Apostolus inquit, neque sæcularibus Principibus te conformes. qui namque primus esse accipit, omnium hominum seruum esse iubet Christus.

Aduerte gradus superbix. Primus, nolle puniri ob peccatum; Secundus, ferre impatienter punitionem; Tertius, non ferre si errasse dicaris; Quartus, agere vt alij credant te nō errasse; Quintus, nolle fateri; Sextus, nō dolere; Septimus, defendere peccatū.

Gradus ex D. Bernardo Primus, curiositas; Secundus, leuitas animi; Tertius, inepta lætitia; Quartus, iactantia; Quintus, singularitas; Sextus, arrogantia; Septimus, præsumptio; Octauus, defensio peccati; Nonus, simulata confessio; Decimus, rebellio; Undecimus, libertas peccandi; Duodecimus, cōsuetudo peccandi.

Homil. 22.

Gradus superbix.

Idem ex D. Bernardo.

Eiusdē actus.

ACTVS. Primus, magni pendere se; Secundus, ad alta se dignum profiteri; Tertius, alta appetere; Quartus, velle ab aliis magni fieri; Quintus, dolere si non; Sextus, præferre se aliis, & meliorem putare; Septimus, Superioribus nō parere; Octauus, nec Deo etiā.

Nota gradus humilitatis.

Humilitatis gradus.

Primus, cognoscere vilitatem; Secundus, dolere; Tertius, fateri; Quartus, facere vt credant alii; Quintus, pati vt dicant; Sextus, pati vt velut viles tractemur; Septimus, optare vt sic fiat.

S. Benedictus hos assignat.

Videm ex D. Benedicto.

Primus, timor Domini; Secundus, resignatio; Tertius, obedientia; Quartus, obedientia etiam in arduis; Quintus, mala & alia aperire Superiori; Sextus, ad omnia se indignum æstimare; Septimus, omnibus se inferiorem ex animo existimare; Octauus, cōmunia seruare, nō esse singularem; Nonus, tacere donec rogetur; Decimus, non esse ad risum promptum; Vndecimus, pauca & rationabilia modestè loqui; Duodecimus, corde & corpore præ se ferre humilitatem.

Eiusdē actus.

ACTVS. Primus, Vilipensio sui; Secundus, putare se ineptum ad omnia; Tertius, nolle æstimari; Quartus, vilem velle se haberi; Quintus, dolere magni fieri; Sextus, aliis se conferendo inferiorem reputare; Septimus, resignare se totum; Octauus, subijcere se hominibus omnibus propter Deum; Nonus, amplecti quod humilius est. Vel sic; Primò, nihil dicere vnde laudem consequatur; Secundò, non gaudere cū laudatur; Tertio, non facere quidquam ob respectum humanum; Quarto, non se excusare; Quintò, vanas cogitationes procul pellere; Sextò, omnes sibi ducere superiores; Septimò, benè accipere humilitatis occasiones.

Signa humilitatis ex Cassiano.

Signa.

Primò, mortificatum esse; Secundò, aperire omnia Superiori; Tertio, omnia eius arbitrio facere; Quarto, obedientia in omnibus & mansuetudo; Quintò, non inferre malum, & illatum pati; Sextò, nihil agere sine exemplo aut rēgula; Septimò, omni vilitate contentum esse, & inutilem operarium se existimare; Octauò, se ex corde putare omnibus inferiorem; Nonò, cohibere linguam, & modestè loqui; Decimò, non facilè ridere.

Alia.

Vel hæc. Primò, nolle laudari; Secundò, simplicem in moribus esse;

esse; Tertio, bona de se dicta non agnoscere, aut, ne ea perdat, quia cognita, timere; Quarto, minus putare de se quam dicatur; Quinto, in proximo videre quod plus habeat sese; Sexto, accusare se, non negare; Septimo, non excusare, & correctionem admittere libenti animo; Octavo, nescire virtutes suas; Nono, humana contemnere; Decimo, pro persecutoribus orare & iis benefacere.

*Praxis pro sui cognitione R. P. Roberti
Sotovvelli.*

Quid fui, Domine? quid sum? & quid ero? fui nihil, nihil sum, & ero forte nihilo peius. Fui conceptus in originali peccato, sum plenus peccato actuali, & quis scit an ero condemnatus poenâ gehennali? fui miserabilis in ingressu, sum miserabilior in progressu, miserrimus ero in egressu: fui sperma foetidum, sum saccus stercorum, ero esca vermium. Cum nihil essem, fui sine periculo damnationis, & sine spe salutis: & iam sum in spe dubia & gravi periculo: ero aut ex re sperata felix, aut ex periculi successu infeliciissimus. sic fui, ut dampnari non possem; sic sum, ut saluari vix possim, sic ero, ut in æternum damnatus, aut in æternum saluus. Quid fuerim scio, quod fui pessimus: quid sim nescio, quia de gratia incertus: quid ero ignoro, quia de salute dubius. Quod fui, Domine, ignosce; quod sum, corrige; quod ero, dirige: dirige inquam à malo præterito, in bono præsentis, ad præmium futurum. Amen.

IACVLATORIÆ.

Nouerim me, nouerim te; ut amem te, & contemniam me.

Tua est, Domine, magnificentia, & gloria, & victoria, tua sunt omnia: & qua de manu tua accepimus, reddimus tibi.

Quis sum ego, Domine Deus, & qua domus patris mei, ut præstares mihi talia?

Quid est homo, quia magnificas eum, & apponis erga eum cor tuum? Psal. 8.

Quis sicut Dominus Deus noster, qui in altis habitat, & humilia respicit in calo & ipse terra? Psal. 112.

Quid tibi sum ipse, ut amari te iubeas à me, & ni faciam, irascaris mihi, & mineri ingentes miseria? O quam excelsus es Domine! sed humiles corde sunt domus tua.

Aug. lib. 1.
Conf. c. 5.

Non veniat mihi, Domine, pes superbia; ibi enim ceciderunt omnes, qui operantur iniquitatem, Psal. 35.

CAPVT XV.

*Meditatio I. de Obedientia humilitatis
filia.*

COMPOSITIO LOCI, videre vniuersum, Christum Dominum, B. Virginem, & Angelos & creaturas omnes Dei nutui parentes.

*Quàm ne-
cessaria sit
in omnibus
subordina-
tio.*

PVNCTVM I. Considera, diuinam Maiestatem, etsi vbi-que præsens sit, tamen noluisse gubernare hæc inferiora, nisi per superiora, vt patet in cælis, Angelis & hominibus. Considera Secundò, subordinationem illam adeò necessariam, vt, quemadmodum in cælestibus orbibus contingit, inferiorem à supremo non nisi per immediatum moueri, ita neque homo à Deo eiusque voluntate gubernetur, nisi ille cum Superiore suo eiusque voluntate coniunctus sit. Primus enim orbis, siue supremus hac in re est diuina voluntas, regula omnium bonarum voluntatum: huic proxima illius quam ipse delegit, Superioris scilicet. omnis enim potestas à Deo est, & à Deo singulari curâ gubernatur, cum per Superiores communitas regatur, cuius meritò curâ maior est Deo quàm singulorum. Considera Terriò, omnia creata Deo parere; atque erubescere esse solùm te rebellem, cui tamen omnia data sunt à liberalissimo Domino, vt pareant tibi, & tu vni vicissim pareas Deo. Considera Quartò, quàm sit indignum hominem voluntati diuinæ, id est Superioris, non parere: siquidem talis, vt equus, non freno, sed sessori resistit. qui enim potestati resistit, Deo resistit; atque ideò Scriptura dicit, Qui superbierit nolens obedire sacerdotis imperio, morte morietur.

Deuter. 17.

*Obedientia
perfectio &
dignitas.*

PVNCTVM II. Considera dignitatem & perfectionem obedientiæ. Primò, quia coniungit nos optimè Deo vo-
lun-

luntati, vt quasi errare homo nequeat. Secundò, nos totos Deo tradit in holocaustum, veluti si arbor, non fructus tantum, daretur; quippe executionem, voluntatem & iudicium, quod difficillimum est, tradit. vide an talis sis, scilicet vt cadauer, baculus senis in manu Superiorum tuorum. Tertiò, obedientia sola virtus est quæ virtutes cæteras (iuxta id quod S. Gregorius) menti inserit insertasque custodit. idque tum quòd omnes actus virtutum iubeantur, tum quòd ipsa humilitatis, patientiæ, fidei & charitatis actus virtute contineat; imò per ipsam vt notam, omnes aliæ virtutes in Sanctis, etiam extaticis probentur. Quartò, considera locum illum Scripturæ, Melior est obedientia quàm victimæ; & auscultare magis quàm offerre adipem arietum. quoniam quasi peccatum ariolandi est, repugnare; & quasi scelus idololatriæ, nolle acquiescere. Victimæ Gregorius corporis castigationem & deuotionem interpretatur; Et obedientia, inquit, victimis verè præponitur, quia per victimas aliena corpora, per obedientiam verò voluntas propria mactatur. Expende item illa verba Saluatoris nostri: Qui vos audit, me audit; qui vos spernit, me spernit. Siue enim Deus, vt Bernardus, siue homo vicarius Dei mandatum quodcumque tradiderit, pari profectò obsequendum est curâ, pari reuerentiâ deferendum. ideoque hortatur Apostolus, Quodcumque facitis, ex animo operamini, sicut Domino, & non hominibus. Considera Quintò, obedientiâ omnes tentationes & pericula superari; iuxta illud, Vir obediens loquetur victorias; operaque in super nostra valdè nobilitari, & meritoria fieri, ac nostras orationes efficaces. Obediet enim Deus orationibus nostris, si obediens fuerimus Præpositis nostris. Sextò, obedientia, vt Climachus, est abnegatio animæ, corporis proprii voluntaria mors, vita sine sollicitudine, nauigatio sine damno, sepultura voluntatis, vita humilitatis, & quasi si quis dormiendo iter faciat: securus enim est, siue

Greg. lib. 35.

Mor. c. 10.

1. Reg. 15.

Luca 10.

Bernard. de

Præcept. c. 6.

disp.

Coloss. 3.

Prou. 21.

Gregor.

Gradu 4.

faciat, siue omittat, quandoquidem Deo se tradiderit.

*Obedientia
commoda.*

PUNCTVM III. Considera quantæ tenebræ sint hominum, quanta cæcitas, quàm incertæ prouidentia nostræ, vt nemo sciat quid expediat, ideoque verè beneficium esse magnum, bonum ducem nancisci, & potissimum

*Aug. l. 3.
Conf. c. 11.
Psal. 22.*

Deum, qui ita intendit nobis, perinde ac si soli essemus. vt verè dicere liceat: Dominus regit me, & nihil mihi deerit, in loco pascuæ ibi me collocauit. Nam vt Deus per Sacramenta sanctificat, ita per homines homines regit, voluntatem indicat: habet enim Religiosus & omnis

Exod. 25.

subditus arcam Domini, Superiores, quam in omni re interroget. Secundò, nullam artem sine magistro facile addisci, ac multò magis vitam spiritualem peritum ducem requirere, magnamque esse stultitiam, rerum incognitarum facere experimentum tuo periculo, cum aliter possis. ideoque Climachus ait, rudè hac duce perfectionem

Grad. 4.

attingere, sine ea peritissimum facile errare. Quartò, cōsidera vtilitatem sinceræ obedientiæ: si quis enim sincerus & obediens sit, statim etiam grauissimas tentationes, potissimum carnis, euanescere sentiet, atque per eam sanari. Quintò, quanto amore & obseruantia Superiores colendi, cum sint patres nostri, vicarij Dei, rationem reddaturi pro animabus nostris. Obedite, ait Apostolus, præpositis vestris, & subiaceate eis. ipsi enim peruigilant, quæfirationem pro animabus vestris reddituri; vt cum gaudio hoc faciant, & non gementes: hoc enim non expedit vobis.

Hebr. 13.

Meditatio II. de Obedientia.

COMPOSITIO LOCI. Considera, Deum omnia creatorem, & suæ voluntatis exequendæ dantem præceptum.

*Obedientia
beatitudo
nostra.*

PUNCTVM I. Considera, Dei voluntatem sequi vt regulam perfectissimam, esse beatitudinem nostram; imò esse

esse beatius quàm esse matrem Dei, vt B. August. vnde Dominus, cùm mulier illa dixisset, Beatus venter, qui te *Luc. 11.* portauit; ait, Quin imò beati qui audiunt verbum Dei, & custodiunt illud. Secundò, Christum promptissimè venisse vt faceret voluntatem Patris sui; factum obedi-
tem vsque ad mortem, non solùm Deo Patri, matriq̃ suæ, sed & hominibus impiis, Augusto scilicet & torto-
ribus. Denique ita eam dilexit, vt diceret cibum suum *Matth. 12.* esse facere voluntatem Patris. Vide an Domino IESV similis sis, itaq̃ auidè ac cibum quæras in omnibus fieri Dei ac Superioris voluntatem. Tertiò, considera hæc verba, Quicumque enim fecerit voluntatem Patris mei, ipse meus frater & soror & mater est. Quartò, considera vt B. Virgo filium sit imitata, vt Apostoli, quos omnes Dominus per Bethaniam, id est domum obedientiæ, ad montem Oliueti duxit, cùm ascensurus esset in cælum. Est enim obedientia perfectissima dependentia à prouidentia diuina, quam per Superiores experimur. Quintò, attende veri obedientis esse, non spectare quis sit Superior, an doctus, an indoctus, quandoquidem ipsa Sapientia æterna nos regat. Sextò, eiusdem esse id omne velle, & optimum id iudicare quod statuit Superior, sicut fit in rebus fidei, quasi ipsum mandatum ab ore Domini proficisceretur. Vnde Hieronymus, Credas tibi salutare quid-
quid Superior præceperit, nec de maiorum sententia iudices; tuum officium est obedire, & implere quæ iussa sunt, dicente Moyse: Audi Israël & tace. qui enim propter rationem obedit, sibi obedit & rationi, non Superiori, neq; obediens est; quemadmodũ qui ob rationem solam credit, fidelis esse nõ potest. Septimò, incommoda quæ ex huius defectu oriuntur. Primò, homo nititur propriâ sua prouidentia, quod stultum est: via verò stulti, vt Sapiens ait, re-
cta est in oculis eius; qui autem sapiens est, audit consilia. *Prou. 12.* Iudicio certè repugnante nemo obedire diu potest; talis enim murmurat, temerè Superiorem iudicat, se illi præ-
Incommoda propria prudentia.

fert: ideoque obedientia illa non est virtus patientiæ, sed velamentum malitiæ. Accedit Secundò, concordiam perire, pro qua æquum est membrum capiti potius, quam contrà caput membris consentire. Considera vt aduersus hæc pecces, quamque graue sit hominem Religiosum, qui vt baculum & cadauer se fore obtulit, & obedientiam pro regula vitæ habet, hîc deficere; quantaq; superbia sit se in sua re sapientiozem Deo aut meliorem putare. Si enim secûs arbitratur inobediens, cùm sciat Deum mandare, cur obedientiæ refragatur?

*Obedientia
fructus.*

*Cass. coll.
Abb. Moy-
sis.*

Basil.

*Cõditiones
obedientia.*

PVNCTVM II. Considera Primò, quòd obedientia voluntatem propriam lepram pessimam animæ destruat: lepra quippe est, facitque vt bona bona non sint, Deumque oppugnat, ac vniuersi ordinem à Deo constitutum perturbat. Secundò, quòd hæc portam aperiat grauissimis tentationibus & perturbationibus: neque villo certè vitio tam præcipitem diabolus monachum pertrahit ad mortem, quàm si suo iudicio suaserit definitionique confidere. Obediens verò, propriaque voluntate carens, tranquillissimo in portu nauigat. Considera Tertiò, quàm sit graue, maxime si vouisti, non parere, cùm ratio, creatio ac redemptio, vocatio & conseruatio nos obstringat. Id eò Basilius, Quidquid eo (Superiore) nesciente facis, furtum ac sacrilegium est, tibi que exitium, nullam autem vtilitatem apportat, esto tu id bonum iudices: nam si bonum, cur non in aperto? Considera Quartò, si non obedias, necessario aut carni aut dæmoni parendum esse; & vide quàm stultum, suaue Christi iugum cum tam dira seruitute commutare.

PVNCTVM III. Considera Primò conditiones obedientiæ, & an ex in te sint. Primò, debet esse integra, etiam in minimis; turpe enim pro tâtillo detrachere holocausto. Secûdò, prompta, vt simus sicut Angeli veloces & ad nutum parati; siue enim Deus, siue homo mandatum aliquod tradiderit, pari profectò obsequendum est curâ, pa-
ri

ri reuerentiâ deferendum. Tertiò, simplex, purè propter Deum, non ob commoditatem. Hinc perfectè obediens nullum in præceptis discrimen facit, fortis in arduis tolerandis, patrandis, appetèdis. Quartò, perseverans; Quintò, alacris; Sextò, humilis; Septimò, ex amore & deuotione; Octauò, cum gaudio spirituali. Considera Secundò exempla Sanctorum verè obedientium, vt Abrahami, cuiusque præmium; Ioannis Monachi, &c. & pudeat nos prudentiæ nostræ: etenim si quis etiam minùs spirituali obediatur, tamen, vt Climachus, non iniustus est Deus vt eas animas fallat, quæ cum fide & humilitate alterius iudicio se submitunt. Tertiò, pœnas inobedientis Adami, Saulis, Prophetæ illius in Bethel; & contremisce. Aduerte Sanctorum omnium summum bonum & solatium esse in omnibus scire & exequi posse diuinam voluntatem; cuiusque obediens verè participem esse. Quartò, considera sine obedientia nullum meritum esse. quis enim remunerat seruum non operantem pro se, nec secundum voluntatem suam? Obedientia verò opera etiam indifferentia veluti virgula Midæ inaurat. Postremò vide, cum tot nominibus Dei ac Domini tui sis, quàm graue sit murmurare, nolle obedire, vt patet in Core, Israëlitis, Maria sorore Moysis: vt verè à Basilio dictum sit, Præmium maius debetur obedientiæ, quàm rectè factò cum continentia.

Gradu 25.

Gen. 3.

1. Reg. 15.

3. Reg. 13.

O R A T I O.

Creator meus, & Redemptor meus, Domine meus, & Deus meus, ecce ego creatura, seruus, filius, infinitis titulis tuus sum, vt obediam Maiestatì tuæ. sed eheu! etsi omnia tibi obediant, & hæc mihi dederis vt obediam tibi; tamen instar prodigi substantiam accipio, & parere recuso; quasi prudentior te sim, & ijs quos vt me regerent constituisti. Hinc vagor incertus consilij, & sollicitus viuo, qui possum securus, si in te iactarem cogitatum meum.

- meum. Quid enim scio quid expediat mihi? certè non hoc vnum vt obediam tibi, & instar Abraham offeram voluntatem meam primogenitum meum, & libertatem; id certè hodie facio in conspectu tuo, & curia tua, ac in omnibus obedire volo, Superiores agnoscere pro vicarijs tuis, eosque amore omni sincero & reuerentiâ colere, non iudicare iussa eorum: nescit enim iudicare, quisquis perfectè didicit obedire. Bone IESV, qui ex amore mei
- Philip. 2. factus es obediens vsque ad mortem crucis, atque ex ijs qua passus es, obedientiam didicisti, & docuisti exemplo & verbo tuo; dicis,
- Luc. 22. Non mea voluntas fiat, sed tua. Ego ne igitur dicam, Non tua, ô Deus, sed mea fiat, repugnando, excusando, & murmurando, quoties sensualitas & proprium iudicium aliud ab obedientia suaserunt? Tu dicis, Nô quero voluntatem meam, sed eius qui misit me; ego verò nisi sensui, nisi palato meo placeat quod iubetur, sæpè quero voluntatem meam. Verùm ecce iam tibi offero eam in victimam & holocaustum; vt nec in paruo, nec in magno eâ vtar absque sanctissima voluntate tua. Nemo enim sibi viuit, sed tibi, qui pro nobis viuere & mori dignatus es, dilectissime Domine. vtinam & ego iam sincerè dicere possim, Viuo ego, iam non ego, viuit verò in me Christus! quid enim beatius, quàm prauam voluntatem meam, qua me toties perdidit, & perdit, quoties eam sequor, exuere, & tuam induere, qua regula est omnis bonæ voluntatis? O Sapiencia aterna, dirige me in semitam mandatorum tuorum, & doce me facere vnicam voluntatem tuam: neque enim aliàs mercedem expectare potero à te, ô Pater familias, qui me vocasti in vineam tuam, cùm operarios vocaturus, si secundum meam, & non tuam voluntatem operatus fuero. Da mihi Domine gratiam, vt cognoscam & faciam eam toto corde. Amen.

Praxis obedientiæ exercenda.

Prima est, considerare diligenter, quos qualibet in rē tibi Deus dederit ductores ac Superiores, deinde eorum mandata ac præcepta, legesque inuestigare & obseruare. Nulla virtus latius pater, nulla vtilius exercetur.

Secunda. Parentum, Maiorum, Præceptorum iussis studiosè parere, etiam in minimis. Hinc B. Catharina Senensis domi in patre Christum, in matre B. Virginem intuebatur, eisque pietissimè obediebat.

Tertia. Manè dum actiones nostras disponimus, eas omnes ad normam legum ac voluntatis Superioris, id est Dei, componere.

Quarta. In omnibus dubiis primò Deum supplici prece, deinde Superiorem adire, cum magna resignatione.

Quinta. Ad mandata quæ grauiora accidere possent, animum præparare.

Sexta. Frequenter illud in cordē reuoluere: Qui vos audit, me audit, id est, sapientiam, bonitatem & potentiam infinitam, cui resistere nemo potest.

Septima. Numquam conari Superiores in sententiam petrahere, sed rationes exponere cum resignatione.

IACVLATORIÆ.

Loquere, Domine, quia audit seruus tuus.

1. Reg. 2.

Domine, quid vis me facere?

Act. 9.

Leuaui manus meas ad mandata tua, quæ dilexi: & exercebar in iustificationibus tuis.

Psal. 118.

O Domine, quia ego seruus tuus: ego seruus tuus, & filius ancillæ tuæ.

Psal. 119.

Fidelia omnia mandata eius, confirmata in sæculum sæculi, facta in veritate & æquitate.

Psal. 110.

Pax multa diligentibus legem tuam, & non est illis scandalum.

Psal. 118.

CAPVT XVI.

Deliberatio de Moderanda cupiditate bonorum, secundo in via perfectionis auxilio.

1. Tim. 6.

Iob 1.

*Bern. serm.
de conuers.
ad Cleric.*

HOMO. Nihil intulimus in hunc mundū, haud dubiū quòd nec auferre quid possumus: nudus egressus sum de ventre matris meæ, & nudus reuertar illuc in matrem omnium. Interea, cheu! luctamur hīc inter desideriorū vndas, spinæque diuitiarum vrunt & trahunt. Felicitas putatur multa possidere; sed magna infelicitas pro felicitate amplecti infelicitatem. Diuitiarum enim amor insatiabilis. longè ampliùs desiderio torquet animam quàm refrigeret vīu suo; vtpote quarum acquisitio laboris, possessio timoris, amissio plena doloris inuenitur. Paupertas verò grauis est, multaq; secū incommoda, multa impedimenta virtutis adfert. Beata quidem esse dicitur, sed omnibus odiosa esse videtur. quid eligam ignoro: dirige mē, Angele mi, dux viæ & vitæ meæ, ne radix malorum omnium cupiditas errare me faciat à fine creationis meæ. Scio opes parandas esse ad vitam sustentandam mortalem; sed vereor ne sollicitudo huius sæculi virtutis opprimat semina, & diuitijs, si potiar, apponam cor meum.

ANGELVS. Age verò quem terminum tibi statuis querendi & augendi opes?

Tobia 4.

HOMO. Nullum nunc equidem, sed si multas habuero facultates, multa largiri decreui, iuxta illud Tobiaë monitum: Si multum tibi fuerit, abundanter tribue; si exiguum tibi fuerit, etiam exiguum libenter impertie.

ANGELVS. Hoc est incerto portu nauigare, cupiditati vela pandere, & fœdi sese periculo naufragij exponere. definias ergo desideria, neque plus opum postula, quàm

vt necessitati subuenias, ac Christianam in proximo exerceas charitatem, idque secundum statum ac vocationem tuam.

HOMO. Sed nescio quomodo perpetuò desiderio torqueamur, crescatque illud semper, & amor diuitiarum, quantum ipsæ augescunt.

ANGELVS. Ita est, si viste diuitem facere & contentum, non pecuniæ est adijciendum, sed cupiditati detrahendum. neque mirum tamen diuitijs auctis augeri earum protinus desiderium. nam si crescant opes, familia ferè augetur, & sic paupertas crescit, quantum opes; quia quo quis plus acquirit, eo etiam pluribus eget. hinc qui volunt fieri diuites in hoc sæculo, incidunt in tentationem, & laqueum diaboli, & desideria multa inutilia & noxia, quæ mergunt homines in interitum & perditionem. Radix enim malorum omnium est cupiditas. Mendicitatem idè & diuitias rogabat Salomon ne daret sibi Deus, tantum tribueret victui suo necessaria, iuxta statum suum. Statue ergo cupiditati modum, & vide quis proventus tibi sit necessarius, eumque bonis artibus, non anxie, sed moderatâ sollicitudine quære. *I. Tim. 6. Pron. 30.*

HOMO. Quomodo moderabor?

ANGELVS. Ecce si inspexeris quid sint, & quid efficiât; fanè illud tibi Dei gratiâ non erit difficile. Quid enim sunt opes? sunt agri? terra? pecunia? terra fulua vel alba, quâ possis comparare salutem æternam, deinde ad eam & vtilia ac iucunda. Nisi enim sit ante omnia hic scopus tibi propositus, neque moderari, nec quiescere poteris. *Quid sint diuitia.*

Cum igitur victus, vestitus, habitatio tibi necessaria, terminum & limites satis angustos habeant, intra eos concludere desideria tua: quæ si naturalia, finita sunt. Neque hoc satis est, sed, si affluant opes, caue cor apponere: paratus enim esse debes omni horâ bonis, & etiam vitâ priuari, ac dispensare in aliorum necessitates graues potius quàm Deum offendere: & id libenter quidem, vt is cui *Quomodo earum affectus moderandus. Psal. 6.*

com-

Iob 31.

commodato data vestis, facilè exuere solet eandem, repente domino, si gratus est. sic Iob affectus erat cùm diceret; Si putauì aurum, robur meum; & obrizo dixi, Fiducia mea; si lætatus sum super multis diuitijs meis, & quia plurimum reperit manus mea, Collige hinc duq. Primum, res in se viles esse opes. Secundum, quantum periculi ne apponatur ijs cor, si necdum habitæ magno ardore quærantur.

Philip. 2.

HOMO. Sanè video, magno Dei auxilio, opus esse mihi vt communem illam maledictionem filiorum Adam euadere possim; omnes enim, vt dicit Apostolus, quæ sua sunt, quærant.

ANGELVS. Roga Dominum, vt auferat à te concupiscentiam prauam, & confide, quia etiam hac pessimâ peste auaritiæ te liberabit.

1. al. 21.

HOMO. O Domine, tu es spes mea à iuuentute mea, in te proiectus sum ex utero: de ventre matris meæ tu es protector meus: adiuua me, & saluus ero.

Opes vt media ad salutem non vt finis quærendæ.

ANGELVS. Videndum verò est in his omnibus, quomodo ad finem ad quem creatus es, id est salutem, tibi vtilia esse possint; opes enim vt media, non vt finis quærendæ. Vtiles autem esse possunt si benè dispensentur, & aliena quidem Primò restitue, Deinde illis largire quibus caritatis lege teneris; Tertiò, pia opera promoue, vt templa, hospitalia, Religiosas domos, quibus rebus optimè diuites æternum nomen celebrant suum. Quartò, pauperes quotidie ale, atque ex substantia tua fac eleëmofynam, & noli auertere faciem tuam ab vilo paupere; ita fiet, vt nec à te auertatur facies Domini. & iterù: Ab inopie ne auertas oculos tuos, propter iram; & non relinquo quærentibus tibi retro maledicere. Maledicentis enim tibi in amaritudine animæ, exaudietur deprecatio illius, exaudiet autem illum qui fecit illum. Conclude ergo eleëmofynam tuam in corde pauperis, & hæc pro te exorabit ab omni malo, honora Dominum de tua substantia,

*Eccli 29.**1. Suerb. 3.*

&c

& de primitijs omnium frugum tuarum da ei: & implebuntur horrea tua saturitate, & vino torcularia tua redundabunt. nisi enim hoc egeris, nihil magis noxium est opibus: æruginē suā inficiunt hominem, & grauant adscensuros in montem Domini, & luctantes cum hoste impediunt plurimum. Nihil honestum, benignum, liberale avarus cogitat; nec sibi ex pecunia, neque alijs vtilitatem ex ea capit. auaro enim nihil est scelestius, nullusque seruius infelicior, quia pecuniæ obedit per omnia, omnesque eius sentit affectus, pro ea se vendit, & omni vitio se deturpat, torquet, &c. Quid hoc cene ergo alteri suadere possēs, vt opibus, quibus ad breue spatium vti potest, totus incumbat, animo oculisque in terra versetur? Quemadmodum enim is qui multis sarcinis oneratus est, difficillimè iter arduum facit; ita diues. diuitiæ enim verè onus sunt.

*Eccli 10.
Diuitum
summa in-
felicitas.*

HOMO. O quanto potius longè est modestè viuere & lætari, quàm immodico opum amore æstuarē, & perpetuò laborare, ac infirmari languore pessimo, qui non senescit, nullâ ætate sanatur?

ANGELVS. Quid proderunt hæc in hora mortis, quæ instat perpetuò, quando omnia relinquenda erunt? quæ paraueris, cuius erunt? multum laboraueris, & paruo vel nullo tempore ijs frui licebit. Quanto prudentiores qui certò scientes ciuitatem diripiendam esse, opes suas in æternam cæli mansionem per manus pauperum præmittunt, vt, cum hinc expulsi, nudi & egeni fuerint, ibi repariant æterna tabernacula! At verò in iudicio iniquitas avaritiæ maximè declarabitur. Quis, precor, diues ibi laudabitur, nisi qui animo pauper fuerit, plurima tribuerit, omnia relinquere paratus, & sequi Dominum, si ita ei visum ac placitum fuisse intellexisset? Quis ibi nisi liberalis in egenos & afflictos laudatur? quis ibi nisi avarus damnatur, & in res vanas prodigus? & quibus annumerari optas?

Q

HOMO.

HOMO. Recogito mecum, & tremore concutior ad voces Saluatoris, quasi cum intonare auribus has audiā. O quā acerbū erit audire, Esuriui, & vt deliciosē viueres, nolūsti me pascere; sitiui, & vt inebriareris, sitim meam leuare detrectasti; nudus eram, & vt multifariā veste splenderes, tegere me recusasti; multisque rebus in membris meis indigui, sed quia tibi libebat ludere & illudere opibus, non valuit deprecatio pauperis, quam ego ore eius pronuntiaui. Clamant nudi, clamant famelici, & conqueruntur, Nobis, inquiūt, fame & frigore miserabiliter laborantibus quid conferunt tot mutatoria, vel extensa in perticis, vel plicata in manicis? nostrum est quod effunditis, nobis crudeliter subtrahitur quod inutiliter expenditis; inueniunt otiosi quo delectentur, non inueniunt miseri quo sustententur. Nec ferē se solos, sed posteros diuites eodem malo inuoluunt, quos exempla trahunt maiorum; & difficillimē suadeas malē parta dimittere. Audiant cupidi, Amen dico vobis, ait Veritas ipsa, quia diues difficilē intrabit in regnum cælorum; imō & facilius est camelum transire per foramen acus. Et quis non contremiscat?

Bernard.

Matt. 19.

ANGELVS. Qui numquam satiatur, neque fortunā suā contentus est, ō quanta vanitas! ō quanto satius esset æternas parare opes: nam momento hīc viuitur, momentoque transit omnis mundi gloria, & quæ parasti cuius erunt? Diues & pauper occurrerunt sibi. in qua via? nisi in ista vita. natus est diues, natus est pauper, occurristis vobis, pariter ambulatis viam. Tu noli premere: tu noli fraudare. Ille eget, tu habes: fecit autem ambos Dominus, per eum qui habet iuuat egentem: per eum qui non habet probat habentem.

*Aug. serm.
9. in Nou.*

HOMO. Nescio an dici possit eos verē credere, qui hæc cogitant: & tamen per omnem vitam de opibus terrenis, & vix de cælestibus tractant: sudant & laborant à diluculo in seram noctem; & vt æternas opes, gloriam, præ-

dia

dia habeant , vix vilem extorquere pauper nummum potest.

ANGELVS. Verè infània omnium hæc maxima est. Nónne enim certa mors est? nónne híc momento , ibi in omnem æternitatem viuere oportet? nónne millies amplius tamen laboras, vt híc laxè habites, lautè viuas, fundos & domicilia habeas? Age verò, dic, tantúmne, vt in æterna habitatione commodè tibi sit, industriæ & studij ponis? quem híc ad momentum censum habeas, quem ibi, expende: & si te, vt debes, dementia summæ & incredibilis damnas, resipisce tandem. Hoc verò magis attendere debes, quòd nisi hæc terrena contempseris, fieri non possit vt æterna emas. eme illa vili nūmo, redime æternas pœnas, adspice & audi quomodo insipientiâ suam auari in inferno testentur eiulatu perpetuo. Verè dixit Ecclesiastes: Contra sanguinem suum insidiantur, & moliuntur fraudes contra animam suam. Hoc est quòd omnes Sancti opes cõtempserunt, profusi in pauperes, in loca sacra, & Deo sacras personas; impiorũ verò viscera iis vbi posunt detrahunt, contra id quod scriptum est, Noli prohibere benefacere, si potes & ipse benefac. Quid verò de Sanctis loquor? etiam Philolophi multi opes contempserunt, quòd intelligerent sapientiæ studio eas incommodas esse, atque animi quietem ad illud necessariam prorsus tollere. Nam, vt Bernardus, non onerosa modò, sed limosa quoque ac glutinosa nimis substantia nostra videtur; & facilè cor humanum omnibus quæ frequentat adhæret.

CHRISTVS. Facebant verò ista, nónne ego pauper esse volui, cū diues essem, beatos pauperes prædicaui, Matrè & Apostolos tales elegi, pauperes in hoc mūdo, diuites in fide? Quid verò videtur? egone Sapiëntia æterna errare potui? si non potui, errat certè mundus, qui ita quærit opes, ac si præcepissem; ita auaritiæ studet, ac si paupertas omnium malorum grauissimum foret. Erras verè si anxie

proponis opes coaceruare, iisq̃ue nō parere te existimas, cū famelicos exsatiare abnuis, & mihi tribuere. Ego promitto omnibus, qui propter me reliquerint domum aut agrum, centuplum in hac vita, & vitam æternam. Quis autem credit mihi? quis mihi scenerari optat? aut sanè arguere me falsi debent, aut fateri quorumcumq; hominum fidem & ab iis lucellum minimum potius esse, quàm id quod ego promitto. Sed & Religiosos hæc tangit parabola, qui amore mei omnia deseruisse videntur, & reculis paruis ita aliquando adhærent, vt difficulter ab iis auellantur, tanto filiis sæculi miseriore, quòd his paruis crepundiis illudat diabolus, illis mundus maioribus insultet. O vtinam meminissent diei quā egressi sunt de terra Ægypti! illine à me regnum petere poterunt mercedem, dicētes, Ecce nos reliquimus omnia, & secuti sumus te? Et quidē si ego meis non prospicerem, esset quòd de se solliciti essent, verumtamen eis asserui dicens: Nolite solliciti esse dicentes, Quid manducabimus, aut quid bibemus, aut quo operiemur? hæc enim omnes inquirunt: scit enim Pater vester, quia his omnibus indigetis. Quærite ergo primū regnum Dei, & iustitiam eius, & hæc omnia adiicientur vobis; nolite solliciti esse in crastinum. Sed quæ multorum est diffidentia, quo plus illis tribuo, eo minùs mihi confidunt, magisq̃ue solliciti sunt: neque tantū, quod vetui, in crastinum anxie sunt solliciti, sed in annos, quibus victuri non sunt.

*Thesaurus
diuina pro-
uidentia.
Matth. 6.*

HOMO. Sic illudit nobis, Domine IESV, & imponit præstigiis suis dæmon, quasi satiari avarus animus, qui spiritus est, pecuniā, terrā istā possit, aut conuiescere. Ignis ille nunquam dicit, Sufficit; tam enim ei deest quod habet, quàm quod non habet. O quanto erant prudentiores Sancti de tuo obsequio solliciti, vbique securi, tranquillī, omnia in te habentes, qui hīc beatam vitam, etiam tecum æternam consecuti sunt!

CHRI-

CHRISTVS. Quos imitari cupis? quorum exitus placeat? quorum præmium?

HOMO. Sequar te, Domine IESV, quocumque ieris: tu Rex meus & Deus meus.

CHRISTVS. Et quamuis horum nihil esset, neque opes, onus, spinæ; neque paupertas, beatitudo; nōne sufficit quòd hoc mihi placeat? nōne expedit magis meum, Dei ac Domini tui consilium sequi; quàm hostis fallacijs, technis & spinis, quo nomine verè opes appellauì, implicari & irretiri, & animam suam pro tantillo venalem habere? nōne mea sunt omnia, & vos dispensatores omnes? cuius verò arbitrio dispensari ea oportet, nōne meo? Verùm, vbi quis auaritiæ semel mancipatus est, me proijcit. est enim illa idolorum seruitus, plusque valet imperium nummi quàm meum, plus ille me honoratur; quòd si verò illum aut creatum quid eripiam idolum, in quo animo fornicatur, querimonijs omnia plena sunt; & iniuriam facere videor.

HOMO. O potentissime Deus, cùm per gratiam tuam cupiditatis mala cognouerim, detestor eam in conspectu tuo; ac primò statuo iuxta vocationem meam cor ab omni affectu immodico terrenarum rerum abducere, vt te sequar; deinde moderatè ea quæ mihi necessaria, quære-re, & piè viuere, ac fiduciam in te collocare, non ita insanire, quin te, Domine, honorem de substantia mea, seu potiùs tua. tua enim petis per pauperem, dicisquæ mihi, Da mihi ex eo, quod dedi tibi; de meo quero, & mihi donas? da mihi, & reddo: habuisti me largitorem, fac me debitorem, habeam te fœneratorem: pauca mihi das, plura reddam; temporalia mihi das, æterna restituam. Itaque quantum de bonis à te largè concessis potero, iudicio prudentis tibi in paupere restituam, & in eternum mihi conseruabo; numquam differam debita dissoluere, aut defraudare mercedem operarij; libens in pia opera, & ad tuum cultum largus ero; omnia enim tua sunt. Denique

cum dispensator fidelis esse debeam, numquam aliud agam, quam secundum sanctissimam tuam voluntatem & beneplacitum tuum. Amen.

Meditatio de Auaritia.

COMPOSITIO LOCI. Considera omnes homines velut montem conscendere, & Christum Regem præire pauperibus, pauperes Christum leniter sequi, alios dæmonem vel Christum, sed suffarcinatos relabi.

ORA, vt Dominus aperiat cor, vt intelligas paupertatis pretium, quam Dominus coluit ab vterio vique ad mortem.

Quid sit avaritia.

PUNCTVM I. Considera quid sit auaritia, nempe pecuniæ & rerum huius mundi inordinata cupiditas, quâ homo ita afficitur illis, vt impotenter ferat iis priuari, quarit superflua & curiosa, etiam aliquando cum damno alterius, & anxie seruat. Secundò, quàm fœda sit. Primò, ratione obiecti, & quomodo homo pecuniæ, id est terræ metallo vili, se tradat (adeò vt idolorum seruitus appelletur) quâ nec melior est, nec beatior, cum extra nos sit, nisi quòd vanitatis aliquid nanciscamur, & dicamur opulenti. Secundò, ob dignitatem hominis, qui ad hoc natus vt amore suo Deum omne bonum complecteretur; ille verò per avaritiam in caduca & peritura se abiicit, & vilissima corpora suæ animæ præfert. Tertiò, ratione modi acquirendi, cum hominem adigat ad vilissima lura sectanda, etiam cum infamia, per lites, mortis discrimina, & curas inexplicabiles, vt nullum tempus, nullus locus vacuus ijs sit, inque mille partes animus distrahatur. Quartò, quia æquali curâ & anxietate cõseruare parata necesse est. Quintò, quòd omniũ, etiam Ethnicorum, iudicio auarus abiectissimus habeatur, vtpote qui frui nequeat, & acquirendo se oneret.

PUNCTVM II. Considera, quis tandem finis acquisitio-

tionis. Primò, sibi proponit auarus pacē, & ecce quantū crescit nūmus, (& idē est in ceteris terrenis) tantū crescit amor, vt in hydrope; non est enim pax impiis. Secundò, commoda carnis; vt benē vestiatur, splendide epuletur, &c. ob quæ, cheu! diues sepultus est in inferno. Et verò quid conferunt diuiti opes, nisi victum & vestitum? nihil enim aliud præstant; verum & pauperes hæc habent. Sed vnū ille habet, quod vbi multæ sunt opes, sint multi qui deuorent eas, quodque præterea ex deliciis morbos plurimos nutriat; quos frugales non norunt, & insuper (quod dolendum maximè) instrumenta gulæ, luxuriæ, & omnium malorum, id est mille furcas habeat ad æternam calamitatem, nullumque ferè in lubrico habeat retinaculum. Quid ergo superest diuiti, vnde inaniter intumescat de opibus? Attende verò opes veros honores nō parere, cū sint homine inferiores, & nihil in se habeant dignitatis. Considera Quartò, in quàm multos diaboli laqueos incidant, qui volūt diuites fieri in hoc sæculo: radix enim omnium malorum cupiditas. Primò, orare nequeunt, ibi enim est cor eorum, vbi thesaurus eorum. Secundò, ab operibus pietatis alieni sunt, cū semper egeant, & satiari numquam possint. Terriò, per fas & nefas acquirunt, & iniquè acquisitis ita afficiuntur, vt propè impossibile sit ad restitutionem cogere. Quartò, morientes, ob rationem reddēdam, pauperes defraudatos, opes deferendas, velut in desperationem agūtur. Itaque, ô homo, veluti si in summa tempestate esses periturus, nisi abijceres opes, iam proijce; & diuitiæ si affluant, noli cor apponere, vt ad æternum portū peruenias. Noli ergo, cū alteri omnia relinquenda, illi gaudium creare, tibi tormentum, non restituendo; & si saltem in morte aliquid abnegandum aut restituendum, noli tam enormi tuo damno differre.

Quàm insatiabilis eius sitis. Isaia 48.

PUNCTVM III. Considera stultitiā auari & conquistoris huius sæculi, qui Deo in paupere, æternæ Verita-

Auari stultitia.

ti, centuplum promittenti & vitam æternam, ea quæ certò alioquin ei sunt peritura dare recusat, & contrà mundo fallaci, & hominibus credit exiguo & momentaneo lucro. Secundò, quanta stultitia, quòd cùm tantum dispensator sit, Domino recuset reddere, & dilapidet alterius bona, redditurus strictam rationem. Tertiò, quòd hîc malit esse momento diues, etiam cum tot miserijs, & in futuro perpetuò pauper, quàm in æternum cum gloria maxima diues, & hîc cum rege Christo pauper. Quartò, quòd res viles tanti faciat, vt puer crepundia, cùm Christus & omnes sapientissimi nihili fecerint. Quintò, quòd animam toto mundo pretiosiores pro qua mortuus est Christus, tantillo vendat, vel saltem imperfectam relinquat, & pauperem in altera vita; & sic opes pluris se æstimet. Sextò, quòd Domino promittente omnia adiicienda, si quærat primò regnum cælorum, hoc neglecto, quasi distidat eius bonitati. Considera, quomodo Dominus punierit hîc auaros, & quidem Achan, iusserit ob furtum lapidibus obrui, Iesabelem vineam Naboth concupiscentem, Ananiam & Saphiram de pretio oblato detrahentes, & Iudam proditorem dirâ morte multarit.

Ios. 7.

4. Reg. 9.

Act. 5.

Mat. 27.

Meditatio de Paupertate.

COMPOSITIO LOCI erit Christum videre cum Discipulis miserè vestitum, famelicum, pauperculum pagos & villas obeuntem, & nos velut peregrinos eum in montem sequentes.

ORATIO. Pete vt possis cognoscere dignitatem paupertatis.

*Quid sit
pauper-
tas.*

PVNCTVM I. Considera paupertatem esse rerum omnium externarum saltem in animo abdicationem, quæ hominem totum ordinat exterius & interiùs circa illas. Primò, in intellectu ponit veram qualem Deus habet illarum æstimationem, ostendit quæ verè esse caducas, viles, noxias. Secundò, in affectu contemptum & fastidiũ,

de-

denique in opere plenam, si Dominus ad perfectionē vocauerit, abdicationem. Vide quanti tu eam facias, quā paratus sis omnibus carere, si salus animæ id posceret, aut necessitas flagitaret. Considera Secundò, quòd sicuti cupiditas est radix malorum, & fundamentum Babylonis, vt Aug. ita paupertas ac contemptus diuitiarum radix bonorum, & parens quædam generatioque virtutum, fundamentū cælestis Ierusalem, & prima beatitudo. Ratio est, quia remouet instrumētum vitiorum diuitias, quæ superbiam, gulam & alunt & tuentur; & bene viuendi adfert quandam necessitatem ac facilitatem: cū iudicio Sapientiæ æternæ facilius sit camelum per foramen acus transire, quā diuitem intrare in regnum cælorum. Cre-dis hæc? attēde præterea paupertatē expiare peccata, iuxta illud, Elegi te in camino paupertatis; & liberum red- dere ab occupatione rerum terrenarum, vt soli Dei vacare quis possit. O felicitas magna Christianorum, quibus datum est, vt paupertatem pretium faciant regni cælo- rum! non tibi displiceat paupertas tua, nihil eā potest di- tius inueniri.

*Aug. l. 2. de
Ciu. Dei
c. 13.
Ambr. l. 5.
in Luc.*

Matt. 19.

Isaia 48.

*Aug. serm.
28. de ver-
bis Apost.*

PVNCTVM II. Considera gratissimos Deo esse pauperes, cū paupertatē sibi copularit, & in se tātò opere dilexerit; diuitias verò vt quisquillas, splendidaq; omnia nascens, viuens & moriens sit auersatus: qui cū diues esset, factus est pro nobis egenus, vt non haberet vbi caput reclinaret, matremq; elegit & discipulos pauperes. Et sanè credendū dignū se statum elegisse. Sic & Sancti, qui cum D. Paulo omnia arbitrabantur vt stercore, gaudebant fame, siti & ni- hil habere: adeò vt B. Franciscus sanctè pauperioribus in- uideret. Cōtrā mundani & molles Dei serui, omnes cona- tus & studia ad opes referunt, vt splendide, carè, curiosè, commodè sint in victu, vestitu, habitatione, vnde amicis adsunt libenter, seruire recusant, &c. Contemne ista, vt vir crepundia, & æternū animum & cor in æternis ha- beto; noli miles Christi aspera horrere, quæ dux

*Paupertas
Deo gratif-
sima.*

*2. Cor. 5.
Luc. 9.*

Philip. 3.

amplectitur. Considera Secundò excelsum Religio-
si pauperis animum, quo super omnia hæc terrena e-
minet, vt ne verbo quidem quid suum dicere velit,
ne fortè iis ipse adhærescat. Tertiò, quàm in eo ingens
difficultas, quâ victi omnes ferè mortales, quæ sua sunt
quærunt, ob innatam cupiditatem, & commoditatem
rerum ac speciem; vnde Sapiens: Beatus vir qui post au-
rum non abiit; quis est hic, & laudabimus eum? quanta
itaque gloria eum affectum quo omnes abripiuntur, lai-
ci, Ecclesiastici, & tepidi Religiosi, superare? Vnde Chry-
sost. Anima pauperis fulget vt aurum, splendet vt gem-
mæ, sicut Angelus ita conuersatur, non subiacet dæmo-
nibus, assistit Deo. Quartò, quòd, vt Paulus ait, paupe-
res hi nihil habentes, omnia sint possidentes; &, vt olim
Climach. monachus nudus est mundi dominus, viroque
forti totus mundus diuitiarum est. Quintò, considera
quòd is qui reliquerit omnia, & secutus fuerit Domi-
num, centuplum in hac vita accipiet, & sedebit super se-
des duodecim, iudicans duodecim tribus Israël; cum
Reges stabunt, & Monarchæ trepidabunt. Vide, ô Reli-
giose, an verè dicere possis, Ecce nos reliquimus omnia,
neque animus tuus reculis adhæserit, qui magnanimiter
antea omnia despexerat.

*Diuina
prouidentia
erga paupe-
res.*

*Psal. 33.
Psal. 143.*

PVNCTVM III. Considera prouidentiam Dei erga pau-
peres secundum illud Psalmistæ, Diuites egerunt & esu-
rierunt, inquirentes autem Dominum non minuentur om-
ni bono. nam pauperibus vt nobilibus de suo prouidet
Dominus in tempore, illum habent æconomum, vt bea-
tus populus, cuius Dominus Deus eius. Secundò, quòd
ipsi sciunt certò iubilationes, nihil metuunt, nihil spe-
rant; curis vacui, paucis contenti; in quo etiam Epicurus
felicitatem posuit; non nauseabundi, vt diuites, sed ex pe-
tra etiam melle saturantur, & cum tam gaudeant nihil
habendo, quàm omnia possidendo, nucleum sine corti-
ce habent: nam quærentibus Deum hæc omnia adijciun-
tur,

tur, vt Paulo, Danieli, Eliæ, omnibus Religiosis. Vnde quouis ire sine viatico parati sunt, animarumque lucro instare, quia Dominus sollicitus est eorum.

O R A T I O.

O Rex regum, & Domine dominantium, ô Saluator mi, qui cum diues esses, pro me egenus factus es, vt tuâ inopiâ nos diuites effemus; concede mihi, vt numquam post aurum abeam, nec sperem in pecunia thesauris, in incerto diuitiarum, neque anxie diues fieri quæram, cum desideria ista nociua & inutilia mergant homines in interitum & perditionem. Vbi sunt enim qui argentum thesaurizant & aurum, in quo confidunt homines? exterminati sunt, & ad inferos descenderunt. Idcirco ego, Domine IESV, pro honore & amore paupertatis tuæ, cuius voluisti me per Prophetam tuum recordari, offero diuinæ Maiestati tuæ quæcumque de manu tua accepi: neque retinere volo, aut detrudere quidquam cum Anania de hoc holocausto, nec sollicitus esse anima mea, quid manducem; neque corpori meo, quo induar. Pater enim meus es tu, & nosti quia his omnibus indigemus: quæram igitur primum regnum tuum, & scio quia ea omnia adicientur mihi. Absit à me, vt apponam cor meum terra frusto, qui ad cali regna vocatus sum, maxime postquam tu, Rex cali & terræ, omnia reliquisti amore mei, & non habuisti, ô dulcissime Redemptor, cui calum sedes est, & terra scabellum pedum tuorum, vbi caput reclinares. Quomodo igitur ego aliquid iniuste ad momentum retinebo vnde aternum crucier? quomodo pretiosis vtar, quando tu, Rex meus, vilius? vbi esset frons mea, te esse nudum, & me vestiri splendidius quàm status exigat meus? congregare argentum, & te inopem non imitari? Scio enim quia satiari cupiditas non potest, sed quo plus adicitur, plus eam irritari. Pudet me vehementer cum audio Philosophos sua proieciisse, & me sollicitum viuere, filium tuum, cui prouidus parens sollicitè & perpetuò inuigilas. Da mihi, quæso, gratiam, vt omnem sollicitudinem meam projiciam in te, & animo verè pauper sim. Beatos enim dixisti pauperes, & eorum esse regnum

2. Cor. 8.

Eccli. 3.

1. Tim. 6.

Bar. 3.

Matth. 6.

Isaia 66.

Matth. 8.

Luc 9.

Matth. 5.

Luc. 1.
Luc. 6.
2. Cor. 6.

Num. 18.
Psal. 72.

regnum calorum, diuites autem dimittis inanes. Cur ego nolim esse beatus, & euadere tristissimum illud, Va vobis diuitibus? qui enim verè serui tui sunt, sunt sicut egentes, multos autem locupletantes; tamquam nihil habentes, & omnia possidentes: interea nihil cum Leuitis possident, nec habent partem, sed dixisti eis; Ego pars & hereditas tua. Mihi autem adherere tibi bonum est, & ponere in Domino meo spem meam.

Praxis ad paupertatem colendam.

PRima. Siue sæcularis, siue Religiosus, recenseat, & enumerata habeat quæcūque possidet, videatq; an quid iniuste retineat, aut Superiore infcio. Si Religiosus est, aut superfluum, vel nimis curiosum, idq; quotannis semel & iterum, omniaq; Superioris potestati resignet ac tradat. Triste certè est & commiseratione dignissimum, Religiosum, qui orbem spēsque omnes suas deseruit, rosario, libello, scalpello adhærescere, eoque turpius illud, quo gloriosius de mundo triumpharat. Ideò nonnullis in more positum, vt catalogum rerum suarum habeant; eumque non nisi bonâ consideratione præmissâ adaugeant.

Secunda. Modestiam in habitu seruet, ceteraque supellestiles quidquid verò splendori suo detrahit, si sæcularis est, aut commoditati, id tribuat Christo pauperi, & nuda membra Christi cōtegat quo parietes velarentur.

Tertia. Quemadmodum Thomas Morus fecisse fertur, potest quiuis alterius curæ se cōmittere, vt sibi prospiciatur, & datis cōtentus esse, quod filiis familias, ac filiabus, ac maximè Religiosis conuenit: qui gaudere debent, si paupertatem experiri digni sint. neque ferendum certè vt conquerantur, pauperesque se velint, ac sibi nihil deesse, cū diuitibus etiam desint plurima.

Quarta. Cū status & dignitas vestem splendidiorem requirunt, potest paupertatis & perfectionis amans interiora vilia amare, vt de S. Carolo Borromæo memoratur.

Quinta est, exemplo Christi pauperes non auersari, sed libenter præ diuitibus qui suam consolationem habent, eis opem ferre, ad colloquium admittere, per se vel suos solari. Et certè quamuis hoc diuitibus omnibus, etiam Principibus, vsu venire potest; maximè ramen Religiosos decet. Intolerabile siquidem est, paupertatem profitentes, & eius in se amorem, ac pauperis Christi sequelam, pauperes fastidire, diuitibus adulari. Venit

nit enim Dominus pauper, & pauperes elegit, & missum se pauperibus euangelizare testatus est; & tu, Religiose, Christi imitator, eos minus complecti, aut etiam quandoque spernere audes? immemorem cerè te declaras instituti & professionis tuæ, quodque paupertati alimenta, & beatitudinem tuam debeas.

Sexta. Examinare se quo in gradu quisque sit. Sunt autem secundum Bonauenturam; Primò, relinquere temporalia; Secundò, amicos sæculares & temporales; Tertiò, seipsum. Vel Primò, pro transitoriis non laborare; Secundò, non appetere, Tertiò, respuere, & tantum coactum admittere. Vel Primò, omnibus contentum esse; Secundò, necessaria tantum admittere; Tertiò, iis etiam velle carere. Vel Primò, nil sine licentia accipere prerogata; Secundò, dare; Tertiò, nihil superflui habere; Quartò, in iis quæ vtenda sunt pauperrima optare; Quintò, gaudere cum necessaria defunt.

*Gradus paupertatis.
Degradu vite.*

Examen quo defectus Paupertatis noscuntur.

Primò, necessariis nolle carere, quod verè pauperis; Secundò, commoda amare; Tertiò, sua non custodire; Quartò, superflua coaceruare, & petacem esse, nec dare libèter; Quintò, viliora respuere, & paritatem odisse; Sextò, pretiosa & affabrè facta in iis quibus vitur exquirere; Septimò, vt re aliquà affectu proprietario, ita vt grauati pateretur auferri; Octauò, per cuniculos agere vt iis vti possit; Nondò, abscondere, obserare aliqua, vel habere apud alium quidpiam; Decimò, transferre sine venia, dispensare, accipere, aut dare, vel vsurpare ex domo per epieicias.

Examen defectuum circa paupertatem.

Septima. Considerare sæpè iuuat insatiabile esse cor hominis, & auaritiam numquam dicere, Sufficit. frustra itaque hominem opibus, honoribus augendis insudare, numquam enim cupiditati magis satisfacièt: cur igitur frustra se fatigabit? cum, si voluerit eam moderari, ex nunc contentus esse possit, quod omnia bona (vt vulgo verè dicitur) superat? O quàm utile hoc esset multis, quibus res domi angusta, animi verò ampli! quibus quia cum paupertate non bene conuenit, inquieti alienis inuident; sordidè quærunt quæ postea prodigant, alieno se grauant ære creditoribus atque amicis graues, & cum omnia fecerint, inde colligunt vituperium & dolorem, vnde famam, quietem & honorem sperant. Verè enim spes impij tamquam lanugo, & tamquam spuma gracilis, quæ à procella dispergitur.

Sap. 5.

IACVLATORIÆ.

- Mal. 61.** **D**iuitia si affluant, nolite cor apponere.
Eccli 31. **B**eatus dives, qui post aurum non abiit, nec sperauit in pecunia thesauris.
Matt. 6. **Q**uarite primum regnum Dei, & hæc omnia adicientur vobis.
Prou. 30. **M**endicitatem & diuitias ne dederis mihi, tribue tantum victui meo necessaria.
1. Tim. 6. **N**ihil intulimus in hunc mundum, haud dubium quod nec auferre quid possumus.
Matt. 19. **S**i vis perfectus esse, vade, & vende omnia qua habes, & da pauperibus.
2. Cor. 8. **P**ropter vos egenus factus est **I E S V S**, cum esset dives, ut eius inopia vos diuites essetis.
Matt. 8. **V**ulpes foveas habent, & volucres cali nidos, filius autem hominis non habet ubi caput suum reclinet.
Matt. 19. **E**cce nos reliquimus omnia, & secuti sumus te, quid ergo erit nobis?
Luc. 14. **Q**ui non renunciat omnibus qua possidet, non potest meus esse discipulus.

Exercitium seu consideratio de Bonorum Usu.

Iob 1.
Vnde habeantur bona.

Considera Primò, vnde, cum nudus in hunc mundum veneris, tibi hæc bona accesserint: & cognosce à Deo tibi data; non ut dominus sis, sed ut dispensator: rationem enim redditurus es villicationis & negotiationis & talentorum vsque ad nouissimum quadranteim.

Quæ eorū reddenda ratio.

Secundò, an obstrictus ad rationem sic reddendam sub pœna non tantum capitis, sed æternæ damnationis, non debeat esse sollicitus pro bona administratione: quæ autem bona est? nonne ea sola, quæ fit secundum voluntatem Domini? quæ autem eius voluntas, & quo fine hæc eum tibi dedisse putas? certè ut ijs salutem æternam acquireret, alios ad eandem perduceret, & ad Domini tui ob-

obsequium & laudem. si quis verò bonis ad luxum & voluptatem, & animæ graue detrimentum vratur, Dei que contemptum, quâ fronte ad Dominum veniet, & rationem reddet? Attende iam qualis sis dispensator, an fidelis, an verò & tuam & aliorum salutem bonis his perdideris, Domino contumeliâ feceris, & quasi tua essent, ijs vsus sis, imò eo deterius vixisti, forsân quo plura tibi contulit bona bonus Deus? Quid ergo? nonne tibi dicit: An oculus tuus, & cor tuum nequam est, quia ego bonus sum? cur retribuis pro bonis mala, & odium pro dilectione?

Considera Tertiò, vnde contingat hæc in sæculi diuitibus infania, vt sibi quiduis libere & licere putent: & verum sit illud Augustini, sæculi potentiam esse impunitam nequitia. & videbis id accidere ex obcæcatione, quâ præcipitia nō videt, sed velut equi effrænes in ea ruunt, vel in angusta trabe ambulâtes se iactât, & ruunt. aurienim fulgor & adulatio, quæ opes consequitur, fascinat diuitē, & tumidum reddit. Vnde Apostolus diuitibus præcipiendū aiebat, ne altū saperent. præstantiores enim sibi videntur propter opes: quasi verò equū strigosum & claudū phaleræ aureæ præstantiorem redderent. Præstantia hominis in anima est. Quid si enim stultus auro splendeat, & niteat margaritis? sanè non eo præstantior. Neque quisquā prudens mallet esse minùs prudens aut sapiens, & magis diues. Imò verò diuites cæteris ferè deteriores sunt. Vnde Ecclesi. Beatus diues, qui inuentus est sine macula, quis est hic, & laudabimus eum? quapropter & Salomon petebat à Domino: Diuitias & paupertatem ne dederis mihi. Et si Sapiencia æterna pauperes beatos dixit, esuriētes, lugentes, patientes propter iustitiam; diuites tamen se propter diuitias beatos dicunt, tenentque tympanum & citharam, crapulâ & ebrietate se onerant, largi in ludo & conuiujs vsque ad infaniam; in pauperes auari, parci & inopes. Si suadet Dominus, Cùm facis conuiuīū, voca pauperes, hi contrâ. Si humilitatem commendat, hi ver-

Diuitum infania.

Aug. de verb. Domini. serm.

37.

1. Tim. 6.

Ecclesi 31.

Prou 30.

Matt. 5.

Iob. 21.

Luc. 14.

bo læsi, verberare, imò alterius morte se vindicāt. Si pacificos laudat Dominus, hi fastu pleni ad duella prouolant, & propter iustitiam pati nihil volunt. Vide quanta diuiti humiliandi se sit causa. Inter vinctos, qui de suspendio certior, humilior est alio de venia propè certo: atqui diues de gehenna quo certior est, eo magis superbit. ita enim Veritas: Væ vobis diuitibus, væ qui habetis consolationem vestram: væ vobis qui saturati estis. Amen dico vobis, quia diues difficilè intrabit in regnum cælorum. Iterum dico vobis, facilius est camelum per foramē acus transire, quàm diuitem intrare in regnum cælorum. Vide an hæc vera putes; an ita viuas, ac si putares.

Luc. 6.

Matth. 19.

*Diuitia
spina.
Eccli 31.*

Considera innumeras spinas diuitias gignere: nō enim frustra à Domino spinæ appellantur. Vnde Sapiens: Multi dati sunt in auri casus: & facta est in specie ipsius perditio illorum. væ illis qui sectantur illud, & omnis insipiens in eo capietur.

Eccli 41.

Iob 27.

Iam vide quis exitus sit diuitum. O mors, quàm amara est memoria tua homini habēti pacem in substantijs suis! post mortem reuertitur in terram communem matrem omniū, vt nudus egressus erat. vnde Iob: Si cōportauerit impius argentū vt puluerem, & sicut lutum præparauerit vestimenta; præparabit quidem, sed iustus vestietur illis, & innocens argentum diuidet.

*Diuitia ad
quid vtilis.*

Luc. 16.

Prou. 3.

Dan. 4.

Considera quomodo deinceps diuitijs ad salutem vteris, & audi Dominum, qui tibi eas dedit; qui id suadet, imò mandat, vt primò animæ tuæ consulas: Facite vobis amicos de Māmōna iniquitatis, vt recipiant vos in æterna tabernacula: honora Dominum de substantia tua, peccata tua eleēmosynis redime. Ecce quomodo Deum placare possis. imò & septuplum & centuplum promisit; sed, cheu! in ludum, in conuiuia & luxum pecunia non deest; pro animæ salute, pro eius victu, pro Dei cultu deficit. Quanto satiùs, cū momentum tantum sit vita nostra, æternos sibi facere thesauros in cælo, quò
fur

fur non appropriat, neque tinea corrumpit. Statue ergo honorare Dominum de substantia tua. Secundò, creditoribus fac satis. Turpe alieno splendore vestiri, & creditorum audiri gemitus in cælo, cum diues exultat illorum bonis in terra. Considera, an in hora mortis, & in iudicio ista non sint futura in singultum. Tertiò, provide familiæ tuæ secundùm rectam rationem, non secundùm leges sæculi: Christianus es, Christi lege, non sæculi iurasti vivere.

Postremò, honestę recreationi aliqui d tribue, vbi hæc legeris, & intellexeris te bonorum tuorum non esse dominum, sed dispensatorem. Vide quomodo hæctenus dispensaueris, & an talem tu dispensatorem habere velles. Attende, quantum ludo & luxu, cum magno animæ detrimento, absumpseris, & Dei iniuria. Secundò, quot, quantaque bona opera illis fecisses si voluisses; quantumque ex ijs thesaurum moriturus in cælis haberes. Tertiò, quàm securè & quietè viuat bonus dispensator: non illum sollicitum creditor agit, non anxium habet rei familiaris angustia, ab omnibus colitur, & gratus est, vbi alius omnibus sæpè supplex, vti obstrictus.

Considera, vnde contingat hæc stultitia, vt plus quisque gratis expendat, quàm habeat in bonis, ista inquam prodigalitas? causa est Primò, quòd putet sese bonis pro arbitrio posse vti; quod falsum. vnde monet Sapiens, Benefac humili, & ne dederis impio: si benefeceris, scito cui benefeceris. Diues autem hoc non considerat, & malè beneficia & opes collocat. Paria autem sunt, ait Hieronymus, dare histrionibus, & sacrificare dæmonibus. Secunda est gula, propter quam Esau primogenita sua dedit pro lenticula, & abiit parui pendens quòd primogenita sua vendidisset. & sic stultè vno die tribuit, & se exhaurit, ita vt diu dare non possit, & cum dicat Scriptura, Si multum tibi fuerit, abundanter tribue; talis de modo multum tribuere vult. Tertia est superbia, quâ se ma-

Diuites bonorum tantum sunt dispensatores.

Eccli 12.

Hieron.

Gen. 25.

Tobia 4.

R

iozem

iorem se & ditiozem haberi cupit, & (vt ita dicam) plus vult ferre quàm potest, & se disrumpit. Vide, precor, quàm vanum sit à parasitis hodie laudari, & cras rideri; hodie largiri, & cras animam debere; posse Deo seruire securè, & in omnibus gratificari, & inquietam tamen vitam ducere, & sæpè perditam, dum loculi vacui pessima suggerunt consilia, & amici ollares.

Remedium in promptu est, quod monet Sapiencia æterna; Primò, sedere nimirum, & computare sumptus, ne census superent; Secundò, generoso esse animo, & scire vbi vera gloria, quæ non famulorum turbâ, sed bonâ vitâ, non sumptu, sed prudenti dispensatione metienda est.

Exercitium primum de Bonorum dispositione.

*Cur bona
hominibus
à Deo data.
Matth. 25.*

PUNCTVM I. Considera, quorsum bona hæc à Deo sint data, nempe vt iis non aliter quàm ad eius gloriam & tuâ salutem vtaris. Expende an ita feceris. Secundò, scias non licere otiosa relinquere, &, vt ille Matth. 25. talentum abscondere; sed mandatū nobis esse, vt negotiemur, dum veniat Dominus; id quæ ad maximam eius vtilitatē, si serui fideles esse velimus & collaudari; vt ille Matth. 25. qui quinque talentis acceptis, alia quinque superlucratus fuerat. Cogita, quæso, an non tu sic velles tua bona administrari, an non semen, quod iacis, fructum adferre centuplum; atque ita collige, meritò Dominum præcipere, vt sic bonis tuis vtaris, vt fidelis dispensator inueniaris. Aduerte deinde, tua quæ appellas, tua non esse, sed Domini, ac proinde tuo arbitratu & commodo de iis nefas esse disponere. Denique non es fidelis; si, cum possis centum annuè (vt ita dicam) lucrari, octoginta tantum Domino reddas; viginti verò in proprios vsus & vanitatem expendas: vt seruus ille Lucæ 16. sic autem facit, quisquis ad Dei gloriam non purè bonis suis vtitur, sed suam etiam quærit, aut certè vanitatem.

Luc. 16.

PVN-

PVNCTVM II. Considera tres classes hominum, seu *Tres hominum classes.* seruatorum, seu mauis filiorum. Prima eorum est, qui bona domini, vel patris, expendunt ad eius contumeliam, utque bellum illi inferant. eiusmodi sunt, qui bonis ad luxuriam & fastum abutuntur, & sodales exemplo & aliter ad huiusmodi inuirtant, vel ijs illa largiuntur qui id faciunt, ut commodius faciant, & sic ære suo hostes Dei fouent. Nōne enim illos comparare aptè possumus his qui à patre vel domino pecuniam accipiunt, ut eis seruiant, eosque tueantur: quique eā acceptā, sicarios & latrones in necem patris, seu domini conducunt, quorum etiam se duces constituunt? Alia classis est eorum qui Deo seruire volunt & Mammonæ, uti Samaritæ Deo & idolis, Domino & sibi negotiantur. Hi, ubi herus ponit insignia sua, illic etiam propria collocant: si hero duodecim debeantur, sex sibi capiunt; gloriæ, inquam, vel utilitatis partem. Hi sunt, qui in conspectu Dei dicunt ei, se velle partim eius voluntatem, partim suam adimplere. Tertia classis est eorum, qui sciunt ea, quæ possident, aliena prorsus esse, eaque Domino offerunt, ut iis ad arbitriū vratur, & sollicitè quærunt, quomodo iis maximam voluptatem, honorem & gloriam cōsequi Dominus possit. Hi sunt verè resignati, & qui inuenti sine macula, post aurum non abeunt: hi sunt, qui, ut Christi sint discipuli, renunciant omnibus quæ possident, ut Luc. 14. præcipitur. *Matth. 6.* Vide in qua classe hactenus fueris, & esse velis. *Lucæ 14.*

PVNCTVM III. Considera rationem bonorum maximam habendam esse in die iudicij: de eorum enim dispositione ita Matth. 25. agitur, quasi aliarum rerū ratio nulla haberetur. Secundò, considera quomodo cupiditas humana in hoc mundo ad summa tendat, & pecuniam in cibum, vestem, domum, agros non nisi optimè collocari optet, & quæ dementia in æternitate, neque de optima mansione, nec de victu aut vestitu, magnopere curare. *Stricta bonorum ratio danda in die iudicij.* Stultus putaretur mercator, qui cum posset eodem pretio

Matth. 13.

Luca 16.

comparare pretiosam margaritā, deteriore longē sciēs sibi vel hero emeret. Aliter Sapientia aeterna docet, dicens: Simile est regnum cælorum homini negotiatori, quærenti bonas margaritas: & inuentā vnā pretiosā dedit omnia sua, & comparauit eam. Expende hæc coram Deo, & ab eo lumen & gratiam pete, & dole, quòd tu filius lucis non tam fueris prudens in generatione tua, atque filij huius sæculi, qui assiduē quærent quomodo plus fructus & honoris & commodi ex pecunia colligere, ex agro, ex arte suā, &c. queāt, & ad hoc mare & terrā obeant; tu verò vlex exemplo, vel nescio quo motu actus, vbi possis centuplum accipere, octoginta cupis; vbi possis certò collocare, plurimis periculis exponis tua & te.

COLLOQVIUM erit, quo te tuaque diuinæ maiestati offeras, hoc vel simili modo: O fons bonorum omnium, à quo omnia mihi bona venerunt, quorum ego dispensator sum, offero ea tibi: tua enim sunt, & vehementer opto ea ad honorem nominis tui impendere. vtinam scirem quo pacto id meliùs præstare possem! certè vt fidelis seruus promptè id facerem, per gratiam tuam ad maximam gloriam tuam. Amen.

Exercitium secundum de eadem.

*In disposi-
tione bono-
rum diuina
voluntas
inuestigan-
da.*

PVNCTVM I. Considera in dispositione bonorum primò quærendam Domini voluntatem: quidquid enim contra, vel præter illam impenderis, reddere cum vsuris oportebit. quocirca vt in alijs rebus Deum suppliciter roga, vt tibi voluntatem suam aperiat: quemadmodum Ioannes Patricius Romanus sollicitè quæsiuit in quod opus pium Deipara erogari suam vellet hereditatem: quæ ei ostendit sibi fore gratum, si in ecclesiam suas facultates expenderet, & hoc insigni miraculo declarauit. Vt autem voluntas Dei tibi cognita sit, resignato animo esse oportet; neque enim reuelat illis Deus voluntatem suam, qui-
bus

bus decretum propriam sectari. Hoc est quod per Prophetam queritur Deus : Me etenim de die in diem quærunt, & scire vias meas volūt; quasi gens, quæ iustitiam fecerit, & iudicium Dei non dereliquerit; rogant me iudicia iustitiæ; appropinquare Deo volunt. Quare ieiunauimus, & non alpexisti; humiliuimus animas nostras, & nescisti? ecce in die ieiunij vestri inuenitur voluntas vestra. *Isaia 58.*

PVNCTVM II. Vt autem ratiocinando quænam sit voluntas Dei assequaris, Considera, quæ eleëmofyna melior sit. Est verò illa, quæ Dei honor maximè propagatur; vnde piorum illa vota, vt optent suis facultatibus & alijs modis efficere, vt omnes Deum agnoscant & ament; atque adeò, si cælos novos creare possent, & Angelorum hierarchias, in Dei laudem perpetuam, id sanè præstarent. Cum verò Deus à iustis & bonis maximè honoretur, si quis, vt id illi commodè præstent, sua conferat, id Deo acceptissimum esse apparet. Bonorum verò duo genera sunt: vnum eorum, qui vt Christum sequi possint, & meliùs illi seruire, sponte sua abdicant. Et quantopere Rex huiusmodi sibi deuotos milites à subditis suis ali desideret, manifestum est. Aliud genus bonorum est eorum, qui aut sorte, aut vitio suo, aut coactè siue ex necessitate pauperes sunt: quibus si tua conferas, rectè etiam feceris. quanto tamen gratior Deo sit eleëmofyna illis potiùs, quàm his collata, liquet. Inter bonos duo item alia genera reperies; vnum, quod sibi viuit, & Domino seruit: aliud, quod insuper complures ad Domini obsequium adducit, nomen eius celebrat, imperium propagat & tueatur. Et huiusmodi Religiosos nonnullos esse, omnibus notum. diuites autem procuratores esse videntur, opibus ad hoc donati, vt operarios eiusmodi ad obsequium Domini adducant. quo verò illi aptiores & perfectiores, eo meliùs rem Domini agunt; magis certè quàm ij, qui incerto euentu erudiendos ad ministerium multo labo-

Quæ eleëmofyna optima.

re adſciſcunt. Id ex militia ſumpto exemplo clariùs euadet. Quis enim Rex nõ mallet exercitatos milites, quàm prorsus tirones? quis non mallet aſcriptis à ſe in militiam annonam præberi, quàm tirones legi, qui incertum an futuri militiæ apti? denique quos ſapientiſſimus dux magno ſtudio delegiſſet è millibus, hos meritò qui uis aptiores militiæ eius, & gloriæ propagandæ iudicaret. Applicæ hæc Chriſto Regi, & Religioſis, qui proximi ſaluti vacāt: his enim teſſera militiæ uocatio eſt, alij quicumque aluntur, hoc fine aluntur, vt tales, vel ſimiles aliquando euadant. ſic etiam gratius eſſet Regi, naucleros pro ſua claſſe alii & conquiri, quàm epibatas & ſentinarios; ſiue architectos potiùs quàm viles operas. Quàm verò glorioſum ſit Deo, & homini, laudatores Dei, propugnatores fidei, complures architectos & naucleros in dubio hoc mari & naufrago vndique colligere, luce clariùs exiſtit: ſic enim eleëmofyna latiffimè diffunditur, eiùſque fructus, cùm vni corporalia præbentur, vt multis ſpiritualia tribuantur; imò etiam corporalia. denique hoc certum ſit, eleëmofynam ex omnium Theologorum conſenſu potiùs ac priùs meliori tribuendam. Vnde Hieronymus cōtra Vigilantium explicans illa verba: Facite vobis amicos de Mammona iniquitatis, Num, inquit, iſti pauperes inter quorum pannos & illuuiem corporis flagrans libido dominatur? non, ait, ſimpliciter pauperes; ſed, pauperes ſpiritu beati appellātur: in vulgi pauperibus ſuſtētandis, nequaquam intellectu, ſed eleëmofynâ opus eſt; in ſanctis pauperibus, beatitudinis intelligentiâ, ſicut ſcriptum eſt: Beatus, qui intelligit ſuper egenum & pauperem; in die mala liberabit eum Dominus.

*Hieron.
contra Vi-
gilant. c. 5.
Luca 16.*

Pſal. 40.

CAPVT XVII.

Deliberatio de delectationum appetitu moderando, tertio auxilio in via Dei.

HOMO. Oquàm pulchra est casta generatio cum claritate! immortalis est enim memoria illius, quoniam apud Deum nota est, & apud homines: cùm præsens est, imitantur illam; & desiderant eam, cùm se eduxerit, in perpetuum coronata, triumphat incoinquinatorum certaminum præmium vincens. Sic sonat in auribus vox tua dulcissima, Christe Iesu, & afficit intima cordis mei: verūtamen cùm in omni vitæ genere dederis, ô Bonitas infinita, vnde gaudeat cor hominis; & rursus intonet Apostolus tuus: Qui Christi sunt, carnem suam crucifixerunt cum vitiis & concupiscentiis suis; quid faciam ô magni consilij Angele, ô Sapientia æterna? trahit me voluptas, periculosa esca, quâ multos aduersarius inescat & in interitum rapit. Sap. 4.
Galat. 5.

ANGELVS. Hæc dicit Dominus Deus tuus: Qui non odit patrem & matrē, insuper & animam suā, non potest meus esse discipulus. Nonne vides, quia transit mūdus & cōcupiscentia eius, & transit velut vmbra? ô si amaritudines quibus cōdiuntur mundana gaudia, degustares! clamares vtrique mortē in olla esse, neque edere ex ea neque bibere posses de calice hoc, cuius fæx non est exinanita, ex quo bibunt omnes peccatores terræ. Quid enim sunt voluptates corporis & sensuum, videre, audire, sentire? nihil aliud quàm momentaneum aliquod gaudium, idq; de re extra nos longè posita, quæ nobis tantummodo per solam sensuum cognitionem coniungitur, vsque adeo, vt quamuis haberes regnum aliquod, & ignorares, nihilo felicior esses, quàm si non possideres; imò si fingeres te Luc. 14.
Voluptates
amaritudi-
dine condi-
untur.
1. Ioan. 2.
4. Reg. 4.
Psal. 74.

eam rem habere, æquè te afficeret: vel si habuiffè, æquè atque eos qui verè vñ sunt, te fictio oblectaret. hinc qui se beatum putat, etiam si miser fit; gaudet vt verè beatus. Vbi verò sis si attenderes, in valle fcilicet lacrymarum, exilio, carcere, putas liberet deliciari tibi, quem lictor ad portam, vt ducat, expectat?

Gen. 25.

HOMO. Magnam omnino sentio vim effè voluptatis, atque cùm video columnas cæli, & stellas cecidiffè totus contremifco. Adamum pomi voluptas, Esau pulvis cepit, & quos non libido supplantauit? Sapiētiffimum vicit Salomonem, & fortiffimum Samsonem superauit. Video, Domine, nemo continens effè potest, nemo delicijs, nemo vitijs abstinere, nisi tu dederis.

*Voluptatis
& abstinē-
tie effectus.
2. Cor. 3.*

Iob 28.

ANGELVS. Hoc est sapientiæ initium & salutis, fcire & cognoscere quòd non sufficientes sitis aliquid ex vobis, tamquā ex vobis cogitare. sufficientia enim omnis nostra ex Deo est. Vide tamen quid ad salutis optatū finem conferat voluptas, quid abstinencia. illa hominem enervat, mollem facit, & velut in via viatorem momento reficit, sed sapè tardantem cælesti patriā excludit. quis enim facilè modum voluptati ponit? in tam lubrico loco quis consistit? & vt possit, non inuenitur sapientia in terra suauiter viuentium. Finge hominem qui cum Salomone nihil denegat oculis suis, & abeat in viam concupiscentiarum suarum. quid enim in illo, nisi imaginem prodigi reperies? Videre omnia ardet, & sitim non restinguit; audire, & semper plura auct cognoscere; vult gustare, & rursum gustata desipiūt; trahitur in omnem partem, & vt Euripus agitur: modò videre vult, modò audire, modò ambulare: vicissitudo in omnibus placet, non tamen placat appetitum, sed accendit vt oleum camino additum. nulla ibi virtus, non modestiæ decor, non temperantiæ splendor, non tranquillitatis cælestis imago; sed multis dominis seruitutem seruiens, in partes trahitur, nullique satisfacit, nusquam quiescit, sibi grauis, sibi ipsi displicet & fasti-

fastidio est. hoc vnum agit, & nihil agit, quando inutilibus se onerat & exonerat. Et quemadmodum turpe foret vni colori & saporī omnem intendere sollicitudinem; ita etiam varijs: varias etenim cupiditates induere non est laudabile, sed magis vituperio dignum. Ille autem id agit, & varijs sese subdit, ac quasi brutorum formam induit, qui gaudet vt canis de luxuria, de voracitate & voluptate vt porcus exultat. Nōne id monebat Propheta Dauid, dicens, Nolite fieri sicut equus & mulus?

Psal. 31.

HOMO. Ita experimur: quanto melius esset generosè seipso esse maiorem, & terrenis his excelsiorem animum gerere? Quis libero amico eam perpetuam seruitutem tuaserit, tot vincula, tot compedes, quibus si non in interitum, in mille molestias trahatur? At verò qui in his temperatus est, nullius nisi tui Domine indiget, liber est libertate sanctà, & tibi propiùs accedit, qui nullius omnino indiges: & quemadmodum si quis omnia in se haberet, felix esset; ita proximè ad felicitatem accedit, qui gratiā tuā paucissimis indiget, eaq; accipit de manu tua, cū de nullis, non cibo ventris sui, non potu, non recreatione sollicitus sit; sed quomodo placeat tibi. ille quouis ire, & in cælum cogitatione cū libet, abire potest, non istis illigatus quæ aggrauant & deprimunt animam nostram.

*Voluptates
vincula.*

ANGELVS. Cū verò ad mortem venerit homo, quātam abstinuissē etiam licitis, iucunditatem, summamq; pariet in eius mente fiduciam? & dulcissimū de eo, quod dimittere tū oportebit necessariò, eò quòd sponte antea dimissum sit, solatium? Quā gaudet tunc qui multa negauit oculis suis, qui pepigit cum iis fædus ne cogitent de virgine!

Iob 31.

HOMO. Sed tamen licita multa in hoc genere sunt.

ANGELVS. Sunt utique; sed diligenter cauendum est, ne, dum relaxare animum volumus, soluamus omnem harmoniam, quasi concentum quemdam bonorum: & sanè necesse est recreari corpus, & animi arcum nō perpe-

Animus interdum relaxandus.

Ambr. l. 10. Officiorum. Eccli. 3. tuò tendere. verùm ear recreationes eligēdæ, quæ ab illi-
citis longiùs dissident: ne qui in confinio peccati ambu-
lat, & periculum amat, pereat in eo. Vide etiam vt qui il-
licita multa cōmisisti, etiam à licitis aliquibus abstineas.
cuiusenim sub vexillo militare te profiteris? nōne Chri-
sti crucifixi? Ertu in mundo talem te probare poteris, si
indulgeas cupiditatibus tuis?

Gal. 3.

HOMO. Et quidem si voluptas placet; magis debet æ-
terna: nam, ecce, si hanc visus vel auditus vitauero, æter-
na mihi promittit Deus. Et quomodo, si hæc credunt
homines, non libentes mortificant carnem cum vitiis ac
concupiscentiis suis?

ANGELVS. Hoc Sanctos in eremo solitarios confor-
tio & solatio hominum vt sponte se priuarent effecit; sæ-
pè toto vitæ tempore, sæpè annis multis austeritatis & si-
lentij obseruantissimos, seueros sensuum custodes. quod
iam multis sæpè cohortationibus, regulis ac statutis à Re-
ligiosis aliquando aut vix, aut nō potest impetrari. Quid
causæ est?

2. Reg. 23.

Hebr. 11.

1. Cor. 9.

*Ethnicorū
modestia.*

HOMO. Rectè ad hoc quidam dixit: Si spectaculis in-
terioribus non careres, numquam ad exteriora exires, si-
ue vacares, aut voluptate abstraheris. Nōne ideò vix
potest videri in sæcularibus detractionis & maledicen-
tiæ emendatio, eò quòd pruritus, cheu! quispiam sit &
delectatio in alterius vlcere sordibusque fodicare? Qui
verò viri virtutū fuerunt, vt David aquā effundens, liba-
runt tibi, Domine, oblectationem sensuū suorū; vt Moy-
ses grandis factus magis elegit affligi cum populo Dei,
quàm temporalis regni habere iucunditatē. S. Paulus de-
niq; castigat corpus suū & in seruitutem redigit, ne for-
tè, cum aliis prædicauerit, ipse reprobis efficiatur. Simi-
liter & omnes Sancti. Quod verò vel maximè pudere
nos debet, Ethnici etiam oculos à forma præstantio-
re, & aures à petulanti sermone, & manus sæpè ab
auaritia abstinebant, qui paulò plus cordis habebant.

Iam

Iam verò, Domine IESV, quasi cum Epicuro laxasses habenas omni voluptati, sic multi passim prouunt in omnis generis curiositates & cōlectationes. Ethnici voluptatis regnum cum virtute cōsistere nō posse asserabant; neque in Republica voluptuosos, qui ei seruirent idoneos, sed probrosos. Quid verò de Christianis multis dicemus? nescio, Domine, an cōfiteri fratres poteris coram Patre tuo, quos adeò degeneres vides ab exēplo tuo? quid enim nos aliud totā vitā docuisti, quā deliciarum affectum moderari? elegisti enim quod carni molestius est: id ergo melius, id vtilius, id magis eligendum. & quisquis aliud docet, vel suadet, ab eo tamquam seductore cauendum est. Huc enim spectare puto, quòd tot innoxias voluptates & oblectationes in pulcherrimo cælorum aspectu dederis nobis, totque quotidie producas herbarum & fructuum genera; vt saltem velut in Paradiso Adamum oportuit, abstinentiam à paucis & paruis libentes tibi dicaremus. Sed infania nostra quærit gaudium & quietē vbi inueniri nō potest, in fædo lacu, scilicet vanitatis: non enim satiatur oculus visu, nec auris auditu impletur. Et qui biberit ex lacu voluptatis, sitiet certè iterum, & magis sitiet; & ipsamet in tormenta oblectamenta vertentur; iugumque imponent iterū bibendi, intolerabile. Quando, ait gulosus, euigilabo, & rursus vina reperiam? & licet voluptas, vt ait Bernardus, videatur esse medicamentum, tamen facit ad infirmitatis augmentum, ipsumque medicamentum in vulnus vertitur.

ANGELVS. Vnde Sapiens meritò aiebat: Inueni a maiorem morte mulierem. quod ad omnem voluptatem transferre potes, in qua pereunt robusti Israël, & cum satiati fuerint, arctantur, & omnis dolor irruit super eos. Ebrietas enim vnius horæ hilarem infaniam longi temporis tædio pensat.

Homo. Itaque si delectari libet, delectari in te, Domine, cupio, & scio dabis mihi petitiones cordis mei: & si

me-

Bern. serm.

1. de Nat.

Quare tam

pulcher ca-

lorum aspe-

ctus.

Eccles. 1.

Eccles. 7.

Iob 10.

Seneca.

Oratio.

medico præcipiente ob valetudinem aliquibus abstinere, quanto magis propter te, Deus meus, qui tam seuerè eam voluptatem in parente nostro castigasti, & in nobis filiis etiamnum punis? Teneant alij tympanum, & citharam, & gaudeant ad sonitum organi; ego verò delectabor in te, Domine. viuant sæculi filij in delicijs; melius longè mihi adhærere Deo meo, & voluptas mihi maxima erit propter te carere voluptate, vt gustare possim & videre, quàm suavis sis, Domine Deus meus, & diligere te ex toto corde meo.

Meditatio I. de Castitate.

COMPOSITIO LOCI erit spectare Christum Dominum, quem B. Virgo, & tot myriades virginum in cælesti palatio sequuntur.

*Præstantia
castitatis.*

PUNCTVM I. Considera præstantiam huius virtutis, quantam animo pariat tranquillitatem & felicitatem: adeò vt Philosophus Plato diceret hominum vitam fore instar deorum, si absque vxoribus homines esse possent. Secundò, contrarij vitij molestias: nam verè omnino experiuntur tribulationem carnis voluptatum amatores. Tertiò, collige dignitatem illius ex pretio quod pro ea sapientissimi dederunt. Quot enim virgines pro hac ex Christi amore vitam prodegerunt? Aspicce Agnetes, Catharinas, Barbaras, & totum virginum chorum. Quòd si martyrium defuit, domesticum quæsierunt, id est mortificatione durâ, & asperâ vitâ seruare puritatem studuerunt. Collige Quartò pretium eius ex difficultate, quâ totus ferè mundus superatur: vnde etiam cum tanta foret ac supra naturam, consilij Deus opt. max. non præcepti esse voluit. Considera Quintò, quòd sit signum prædestinationis, ideoque castos vasa honoris appellari.

1. Thess. 4.

PUNCTVM II. Considera priuilegia castitatis. Primò,
An-

Angelis similes facit, imò, quia illi sine corpore sunt & *Priuilegia castitatis.*
 luſta, caſti ſuperiores ijs ſunt, iuxta S. Bernardi ſenten-
 tiam. Secundò, ab Angelis caſtus cingitur & cuſtoditur,
 vt pueri illi in camino, & percipiunt quaſi ventum roris
 flantem, ac reſtinguentem ardorem libidinis. Tertiò,
 Deo gratiſſimus eſt caſtus, cuiusque deliciae, vt Baſilius *Baſil. lib. de vera virgi-
 nitate.*
 ait, ſunt eſſe cum caſtis. hinc B. Virgo electa è millibus,
 B. Ioannes præ cæteris dilectus. Quartò, anima caſta de-
 ſponſatur à Chriſto in fide & miſericordia, & ſuaui-
 tate *Oſea 2.*
 ſpirituale perfunditur, pro relicta carnali; vt centuplum
 in hac vita accipiat, cum innumeris miſerijs liberetur, &
 plurimis bonis cumuletur: ideò eunuchis Dominus pro-
 mittit nomen melius filijs & filiabus, & quòd fors illorum
 erit in templo Dei acceptiſſima. *Iſaia 56.*

PVNCTVM III. Conſidera caſtiram aptiſſimum face- *Effectus ca-
 ſtatis.*
 re hominem amori Dei, ob libertatem quã fruitur; alli-
 gatum verò vxori corporis ſui poteſtatem non habere:
 qui enim ſine vxore eſt, cogitat quæ Domini ſunt, quo- *1. Cor. 7.*
 modo placeat Deo; qui cū vxore eſt, diuiſus eſt. Secundò,
 quia anima caſta Chriſtum ſponſum habet in cælo, Ver-
 bum Dei in ipſo ſinu Patris; ipſe enim virgo virginem e-
 legit. Tertiò, attende quòd ſimiles Deo faciat: incorru- *Ambroſ.
 lib. 2. de
 virgin.*
 ptio enim facit proximum Deo, & ſpeculum mundum.
 Quartò, quòd ſacrificium ſit, quo, vt dicit Orige-
 nes, nihil Deo eſt gratius, nihilque ad illum nobis con-
 ciliandum aptius. Quintò, quòd vt D. Hieronymus, *Lib. 1. de
 virgin.*
 martyrio comparetur, immò Martyres faciat. Sextò,
 quòd præmium ſummum tribuat in cælo, vt ſequa-
 mur agnum quocumque ierit, & cantemus canticum *Apoc. 14.*
 eius. Conſidera deinde, quantã curã ea gemma ſeruan-
 da ſit ob tot pericula. Tollenda propterea omnis occa-
 ſio, & familiaritas in diſpari ſexu. Secundò, humilitatis
 cuſtodia adhibenda. Tertiò, obedientia diligenter colenda:
 quia talem inuenit anima inferiore ſuum, vt Bernard. *Bern ſerm.
 1. in feſt. SS.*
 qualem ſe exhibuerit Superiori, & rebellionem carnis
 dicit

dicit arguere inobedientiam. Quartò, votorum crebra renouatio etiam inuenerit plurimum.

Meditatio II. de Castitate.

COMPOSITIO LOCI. Considera Beatissimam Virginem stipatam virginibus, in cælo coruscantem.

*Quomodo
peccetur cõ-
tra castita-
tem.
Signa casti-
tatis.*

*Gregor. 11.
Moral. c. 8.*

PUNCTVM I. Considera peccari contra hanc puritatem Angelicam; Primò, cogitatione impura; Secundò, verbo quocumq; modo huc vergēte; Tertiò, quinq; sensuum blâditis. Signa autem castitatis sunt: Primum, oculos, linguam & aures, habere benè custodita. Secundum, magnâ paritate ijs vti, quæ sensibus delectabilia, & reijcere mollia. Tertium, puritas in ore. Quartum, puritas in amicitijs, vitando mulierum familiaritatem, colloquia & munuscula. Quintû, fuga omnium quæ huic virtuti aduersantur, vt iræ, superbiæ, confortiorum. Sextum, puritas in cogitationibus & motibus, in somno & vigilia. hæc folia sunt lilij castitatis.

*Immundi-
tia fœditas.*

*Greg. lib. 31.
Mor. c. 17.*

Iob 31.

PUNCTVM II. Considera vitij turpitudinem, videndo corporis nostri originem, quod est fœditatum & mille morborum seminarium fœdissimum, & vermium denique pabulum. Fige ibi oculos, & colliges vitij fœditatem, adeò vt natura ipsa semper latebras querere docuerit. Attende contrâ, animæ dignitatem, eius delicias longè puriores: & detestare corporalia, & ad cælestia animum transferas. Secundò, considera effectus huius. Hi sunt cæcitas mentis, inconsideratio, inconstantia, præcipitatio, amor sui, odium Dei, affectus præsentis sæculi, & horror ac desperatio futuri. Denique ad omnia indigna cogit hoc vitium, & est, vt B. Iob, ignis vsque ad perditionem deuorans. Tertiò, vide in quot mala ruant homines hoc igne succensi, in quot famæ, virium animæ & corporis detrimenta. Bestiis omnino similes facit, etiam iudicio Ethnicorum; est.

estque inexplebilis prorsus libido, & inextricabilis. Considera Christum Dominum oculis & toto habitu corporis spirantem hanc virtutem & Sanctos eius: vide ut oculos seruarint, curiositatem oderint, occasiones omnes vitarent, ut S. Bernardus, Benedictus, Thomas, Edmundus, Xauerus; & contra, quàm graues ruinæ fuerint eorum, qui minùs circumspecti fuerunt, etiam si sancti, ut Dauidis, Salomonis, Samsonis, & aliorum, de quibus Augustinus, Cedros Libani, duces gregum sub hac peste luxuriæ cecidisse reperi; de quorum casu non magis suspicabar quàm de Ambrosij vel Hieronymi impudica turpitudine: & tu audes in ætatis flore, pleno ventre, corpore benè curato, in mediis periculis castum & purum te sperare?

*De verb.
Domini.*

PUNCTVM III. Considera, quomodo Deus in hoc mundo punierit istud vitium. Primò, diluuiò vniuersali; Secùdò, Sodomæ euerfione; Tertiò, viginti quatuor milium Israëlitarum deletione, filiorum Heli perditione, Salomonis exitio, Dauidis persecutione à filio instituta, Samsonis ruinâ, &c. Considera deinde pœnas quibus ob momentaneum quod delectat, æternum crucientur impuri in inferno, maximè in his partibus, quibus vitium commiserunt, demissi in stagnum ardens, & in omnibus sensibus grauissimè torti, ut multæ visiones ostenderunt.

*Impudici-
tia pœna.
Gen. 7. &
19.
Num. 22.
1. Reg. 4.
3. Reg. 11.
2. Reg. 15.
Iudic. 16.*

O R A T I O.

O Beatissima Virgo, & omnium virginum Regina respice, quaeso, benignissimo oculo tuo luctas nostras, & pralia filiorum Adam. Eheu! medius in laqueis, in hostibus viuunt; imò secum eos portant, nutrire & fouere coguntur, cum nemo carnem suam odio habeat: & quis euadere poterit tyrannidem illius? Ecce Dauidem sanctissimū virū, & secundū cor Dei, sapientissimum Salomonem, fortissimum Samsonem superauit. Quis igitur vin-
cere

cere poterit? O quot millia bellua ista vorauit, & in infernum hac etiā horā precipitauit! O quot in iudicij die secreta hominū patefient flagitia, quorumpietas videbatur esse conspicua! hac enim est vniuersitas iniquitatis quæ inflamat rotam natiuitatis nostræ, inflammata à gehenna. O infelices nos! Anima mea, quam tandirius premit hostis, & nullo vñquam tempore deferit, descende in infernum, & si libet horreri eternū, vt momento corpori indulgeatur amarissima voluptas, perge, neque occasiones vita, ama periculum, & peri in eo. Verūm frano potius illud compesce, & erige te ad sponsum tuum, cuius deliciae sunt esse cum filiis hominum. Cur potius in luto porcorum volutare libet corpus, quā amplexibus eius & gaudijs frui Angelorum, quā similem esse illorum? Recordare nobilitatis tuæ, & noli degeneri animo, vt corpori seruias, crudeliter te iugulare; sed fuge, fuge in fuga salus est & victoria; in asperis dulcedo illius, in duris suauissimum solatium. O Angele custos, qui me dignaris custodiā tuā, ô celestis paranymphe anima mea, auerte, quaeso, semper oculos meos, ne videant vanitatem, ne oculus meus depradetur animam meam; percutiat me timor Dei mei, reuerear oculos eius & vultum tuū, ne vñquam irrideant me inimici mei. Nuntia dilecto Iēsv meo, quia amore eius millies malo mori, quā fidem illi datam in baptismo violare. O Redemptor mi, ô dulcissime Iēsv, castissime

Zachar. 9. sponse animarumstrararum, cuius frumentum electorum, & vinum germinat virgines; tu nosti, quia nemo potest esse castus, nisi tu dederis. Concede igitur mihi gratiam per caritatem tuam, quā ab aeterno dilexisti me, vt occasiones diligentissimè vitem, & amore amoris tui libidinis ardorem extinguere possim. Monuisti enim nos, Qui amat periculum peribit in eo; ego verò amari non cupio, nisi abs te, nec amare aliquid extra te. si fecero, tu mihi testis eris, & conscientia mea, neque erit quod excusē: quia scio, scio, ibi ceciderunt fortes Israel, & fugerunt absque robore ante faciem persequentis, cum ignominia sempiterna. Nōne mihi amor tuus omni melle dulcior, & morte fortior, & flammis omnibus potentior, quem aqua nullæ possint extinguere, nec flumina obruere. Ecce, amantiſſime Iēsv, Deus meus, protestor coram te hodie,

quia

Eccli 3.

quia thorum anima mea immaculatum seruare volo, neque templum tuum animam meam vnuquam violare. absit vt corpus meum, membrum tuum, faciam membrum meretricis, & pec- i. Cor. 6.
cem in illud, & in te Dominum meum. Tu pro me toto corpore vulneratus es, & ego corpori meo delicias quaram? Tu mihi cor & animam tuam dedisti in mortem ex amore mei, & ego ob voluptatem aeternum doliturus te mihi crucifigam, & contristabo? In aeternum, Domine, non declinabo à mandatis tuis, per te, Saluator mi, spes mea, fortitudo mea. Ponete vt signaculum super cor meum, vt nullum præter te diligam: annulo tuo subarrha me, Ambros.
& sanguine tuo orna genas anima mee, quia tibi soli seruo fidem, tibi me totà deuotione committo. Amen.

Praxis castitatis conseruande.

Prima. Fuga occasionum: si enim vspiam, verum hîc est. Qui amat periculum, peribit in eo. ideoque S. Cyprianus aiebat, gustandam cum mulieribus, non continuandam esse præsentiam. Basilius verò, Danda est opera, vt si fieri possit mulierum colloquia funditus fugiamus; si id non possit, in eo enitendum est, vt quàm rarissima illa, & quàm breuissima fiant. Neque existiment sæculares, Religiosis hæc tantum conuenire. norunt enim an ipsi in periculis magis sint tuti, quàm ij quos assidua armat pietatis exercitatio. Certè de R. P. Francisco Borgia refert Ribadeneira, cum, cum in sæculo versaretur, & feminæ essent visitandæ, id non nisi postquam cilicio se armasset, facere solitum.

Optimum remedium fuga.
Eccli. 3.
Cyprian. de sing Cler.
Basil. in Constit. Monast.
c. 4.

Secunda. Prauas suborientes cogitationes confestim expellere & auertere, numerando aut fenestras rhombos, aut tabulati tigilla, aut eiusmodi animo versando, calūsve tristes aut admirandos.

Tertia. Castigare corpus, maximè ieiuniis: his enim materia ignis illius subtrahitur. Castigo, aiebat Apostolus, corpus meum, i. Cor. 9.
& in seruitutem redigo.

Quarta. Nolle peculiariter à sexu dispari diligere, aut coli, imò nec atpici, familiaritatemque omnem rescindere, & visitationem etià Confessarij, nisi necessitas aliud postulet, vt Sancti facere consueuerunt. ideoque non absque discrimine aliâ inceditur viâ; sermones longi seruntur & crebri, atque adhærescit animus sensum sine sensu. Licet enim vno eodem vti confessario, Sanctorum sit consilium, affigi tamen illi, absentem multum requirere, pe-

riculo non caret, & plurimum in via spirituali nocet.

Ecclesi 33.

Quinta. Otium diligentissime vitare. Multam enim in alitiam docuit otiositas. Hæc fuit iniquitas Sodomæ fororis tuæ, ait Propheta, superbia, saturitas panis, & abundantia, & otium ipsius & filiarum eius.

Ezechiel 16.

D. Bonau. lib.

2. de Profectu.

c. 27

*Signa amoris
carnalis.*

Sexta. Attende ad signa carnalis amoris. quæ S. Bonaventura collegit. Primum est, otiosas fabulas & inuiles confabulationes miscere; cum spiritualis dilectio ædificatorijs collationibus pasci soleat. Secundum, insolentia gestuum & morum: ipiritualis amor sedatus, cautus oculos seruat, & membra omnia sub norma disciplinæ. Tertium, inquietudo cordis, nata ex absentia eius quem diligit, cogitando quid agat, ubi sit spiritualis dilectio hæc non curat. Quartum, impatientia condilecti, zelare, si alteri loquatur, eiusve exquirat consilia. Quintum, ira & conturbatio ex leui causa. Sextum, crebra munuscula, & fasciolas, & zonas, & prægustatos cibos, & dulces ac suaues amoris litteras sanctus amor non habet. Septimum, inordinata dissimulatio vitiorum, ut etiam mutua vitia diligant. Hæc ille.

S. Hieron. ep.

2. ad Nepotianum.

Septima praxis & cautela optima, multorum probata experiëntiâ est, alium non temerè iudicare de hoc vitio. familiare enim est, ut qui de eo alium iudicat, iuxta illud Apostoli, in eo seipsum condemnet: hoc enim non nisi ex superbia manat. quæ sæpè non aliter sanatur quam lapsu in luxuriam. Exempla huius moniti vide in vitis Patrum.

Rom. 2.

Octaua est, diligentissima sensuum custodia: ab illorum incuria omne malum in animam illabatur. Huc pertinet turpes omnes & nudas imagines ex domo sua eliminare: si enim quod turpe est, iuxta Apostolum, non debet nominari inter Christianos, quanto minus spectari ab iis sed ubique ferè, eheu! videas eiusmodi irritamenta proponi. Si esca, ait Paulus, scandalizat fratrem meum, non comedam carnes in æternum: si oculus, si pes scandalizet, iubet Dominus abscindere eum, & proiicere abs se. Quis verò istis persuadeat, Veneris instrumētum, elegantem, sed nudam picturam ut proiciant: nolunt artem perire, & sanguine Christi emptas animas perdere non formidant: dolet iis imagines corrumpi eximij artificis, & Dei imagines scædari, ac gehennæ addici non verentur. O Iesv quam frustra his dixisti, Quid prodest homini si vniuersum mundum lucretur, & animæ lux detrimētum patiatur! Tune, tune, ô dulcissima Domina, benignis inueneri oculis cum filio potes domū illam, in qua luxuriæ pabulū omnibus intransibis. & inuitamenta nequitiae, perditionisque illecebra proponitur. Quorsum enim ræda imago Christiana

1. Cor 3.

Matth. 5.

Marc. 9.

Matth. 16.

aria

atria deformat, num vt herus sit memor flagitij patrandi, & spectator aduena cupiendi? an vt artem spectet, & salutem perdat? Dubio procul his astare dæmonem crediderim, in trantium oculos huc conuertentem, vt animas venetur incautas, & sub dulci melle ingerat venenum. Quid de pictoribus sentiam hæc tacite loquuntur: non sunt hæc idola opera vestra, sed ingeniosam pedicam animarum per vos earum hostis effecit: si hîc genius vester magis fauet, ingenium profitemini vestrum. Illi in quauis anima sæpè turpia pingere non licet, sed à vobis in tabula perpetua & præstanti suæ cupit exstare monumenta nequitiae, de animis victorias, quibus effecit vt membra Christi membra fieret meretricis. Si doceres & pingeres, quâ patria arte expugnari posset, quâ fiscus expilari, nonne prodicionis esses reus, & sacrilegij si in templo talia proponeres? Quid igitur? nescis animam altarem esse, & Christi domicilium, & eâ maximè parte infirmam quâ carni coniungitur? nescis templum esse Dei, cui tu tales inferis imagines. Si tentator desit, tu vices eius obis, quâ potes, artificij manu & studio. Omittere etiam nequeo, quin moneam lasciuam omnem lectionem esse vitandam, & curiositatem moderandam. Quid quæris scire quod facere est nefas? vix Ethnici cultores Veneris hæc probabant, & laudabit Christianus? At venatur linguarum peritiam: & scilicet mores perdit atque animam. Discere vult bene loqui, & malè viuere: imò malè loqui, & malè viuere. Ex abundantia enim cordis os loquitur, & quorsum ista leguntur, nisi vt narrentur, & disertus esse videatur in amore, & sæpè etiam versatus in officina nequitiae, vt fallatur tempus pretiosissimum, & pereant animæ, vt sit in medio earum puritatis hostis, quando illius amator, filius Virginis, per inepta & obscena verba facessere iussus est?

IACVLATORIÆ.

Confige timore tuo carnes meas, à iudiciis enim tuis timui. Psal. 118.
 Non est sanitas in carne mea, à facie iræ tuæ; non est pax ossibus Psal 37.
 meis, à facie peccatorum meorum
 Domine, ante te omne desiderium meum, & gemitus meus à te non Ibidem.
 est absconditus.

CAPVT XVIII.

Meditatio de Modestia.

*Modestia
bona.*

Modestia corporis ad animi tranquillitatem & ordinationem mirè omnium sapientum iudicio con-
ducit: de ea igitur, qui proficere desideras, seriò cogita,
eamque omni cum diligentia complectere, ac sæpè de ea
medicare.

*Roman. 6.
Quid sit
modestia, &
quomodo
contra eam
peccetur.*

COMPOSITIO LOCI erit, coram Domino te aspi-
cere, ac si recens creatus esses, & corpus cum membris
accepisses, vt ijs ad gloriam Domini vtereris, & arma es-
sent iustitiæ, non iniquitatis, vt Apostolus loquitur.

Proverb. 6.

*1.1. Offic. 6.
1.19. & 20.*

cap. 19.

*Ecclesi. 6.
cap. 20.*

PUNCTVM I. Considera modestiam virtutem esse, quæ
decorum in motibus & gestibus, potissimum nutibus o-
culorum seruat, habitâ ratione personæ, loci & temporis.
Peccatur contra hanc rusticitate, mollitie, petulantia &
affectatione: attende percurrendo actiones tuas, an per
eam & regulas eius ordinati sint motus tui; an maturitas,
humilitas & pietas in eis eluceant; an oculi benigni, non
torui, non vagi, non sublimes, quos detestatur Dominus;
caput rectum sit, modicè inclinatum, non leuiter mobi-
le, labia modicè clausa; tota facies deniq; hilaris; gressus,
in quo secundum Ambrosiū sit species auctoritatis, tran-
quillitatisque vestigium cum simplicitate; vestes mundæ,
manus quietæ; vox non remissa, fracta, agrestis, sed suavis,
succum virilem reseruans; sermo sine perturbatione, sed
placidus, beneuolentiæ plenus & gratiæ: verbum enim
dulce multiplicat amicos, & verbum melius sæpè quàm
datum. & alibi, Oratio, ait Ambrosius, sit pura, sim-
plex, dilucida, manifesta, plena grauitatis, non affe-
ctata; discepratio sine ira, monitio sine asperitate,
hortatio sine offensione. Et verò dici nequit quantum
iu-

iuuent hæc , quantumque ad virtutem & collectionem animi quies corporis, nullumque absque causa, neque leuiter tum quidem cum leuitate mouere membrum. Huc etiam spectat eutrapelia, quæ iocis modum ponit, de quibus Seneca: Urbanitas tua sine dente sit, ioci tui sine vilitate : nam & illi utpote animi remissio nonnumquam sunt necessarij, sicut & ludus. Hîc cauendum tamen ait Ambros. ne soluamus omnem harmoniam, quasi per quemdam contemptum operum bonorum. Ridere verò, ô Religiosè, & rideri, sæcularibus relinque, grauitas personam tuam decet. Immò Tobias etsi esset iunior, laudatur quòd nihil puerile gesserit.

Seneca.

Hieron.ep.
8.c.7.

Tobia 1.

PUNCTUM II. Considera, quantopere hæc virtus colenda sit. Primò, ex immodestiae turpitudine, quæ oculos omnium intuentium offendit, sicut è contrà modestia omnes ad amorem trahit. Secundò, quia valdè à Spiritu sancto redarguitur. Pro eo, ait Propheta, quòd eleuatae sunt filiae Sion, & ambulauerunt extento collo, decaluaabit Dominus verticem earum. Sapiens verò: Homo apostata, qui non consentit cum Deo, vir inutilis graditur ore peruerso, annuit oculis, terit pede, digito loquitur. Commendatur autem crebrò modestia, utque omnia honestè & secundum ordinem fiant in nobis. Modestia, ait Apostolus, vestra nota sit omnibus hominibus. & Dominus Iesus: Sic luceat lux vestra coram hominibus, ut videant opera vestra bona, & glorificent Patrem vestrum qui in cælis est. Tertiò, considera hinc fieri à prudente iudicium de interioribus; ex visu siquidem cognoscitur vir, & amictus corporis, & risus dentium, & ingressus hominis enunciant de eo. si enim, ut Ambrosius, vox quædã animi, est motus corporis, mēbra indomita animū significant indomitum. vnde etiam Nazianzenus prædixit, Julianū exitio orbi fore. hinc collige modestiam non fictam esse oportere, sed, ut S. Thomas, ab interiori procedere, considerando Deum ut patrē & magistrū ubiq; præsentē.

Immodestia
turpitudine.

Isaia 3.

Prouerb. 6.

1. Cor. 4.
Philip. 4.

Matth. 5.

Eccli 19.

l. 1. Offic.

Nazianz.

2. 2. q. 168.
a. 1. ad 3.

*Modestia
allicie miri-
ficæ ad pie-
tatem.*

1. Pet. 3.

*Serm. de
humil.*

*Bonau. de
profect. Re-
lig. c. 5.*

*Christi Do-
mini mode-
stia.*

PVNCTVM III. Considera, vt nihil magis offendit ho-
mines quàm immodestia, ita contra nihil magis mode-
stia allicere ad pietatem, cùm exempla trahant, verba vix
moueant. O quanto præstat sic cum B. Francisco concio-
nari! adeoque vt frustra verbo dicat, qui factò longè po-
tentiùs & immodestia contradicit. Ideò hortatur mulie-
res Apostolus modestiâ (quæ locuples est in conspectu
Dei) viros qui verbo non credunt, conuertere. Sanè cùm
Thaumaturgum homines viderēt tam modestum & hu-
mitem, magis se ob mores ac modestiam quàm miracula
credere professi fuerunt, atque eum diligere: sine qua
nulla amicitia, maximum hominis bonum, durare potest.
Terriò, considera mores leues animum corrumpere, vt
colloquia praua. vnde Basilius: Studeamus modestiæ: nã
studijs & exercitijs assimilatur anima, & qualia facit, talis
formatur & figuratur. Quartò, quòd passionēs etiam om-
nes, si exteriores actus comprimuntur, velut ignis suffo-
centur, idque facilè. Quintò, considera sine hac omnem
deuotionem perire, velut è rimoso vase omnem efflue-
re. Sextò, immodestiam saltem maculosum hominem,
etsi alioquin bonum, facere. quod autem maculas
habet, hoc in sacrificium Deo acceptum offerri nequit.
morum leuitas potest quidem aliquando esse in bono ad
horam, sed in deuoto numquam, dummodo, ait Bona-
uent. sit deuotus. Denique attende, si Religiosus es, mul-
torum sæcularium modestiam, qui de his vix monentur,
vix instruuntur, quodque ex te vno omnes iudicentur, ac
quanta hinc incommoda nascantur.

PVNCTVM IV. Considera Domini nostri IESV humilem
& modestam domi & foris conuersationem, & B. Virgi-
nis, & aliorum. De B. P. Ignatio, quemadmodum de
S. Malachia, refertur, quòd nullum sine ratione mem-
brum moueret: de S. Luciano Martyre, quòd multi solo
eius aspectu conuersi fuerint. D. Chrysostomus asserit,
Apostolos non tam miraculis, quàm morum sanctitate
orbem

orbem conuertisse, quam vtique morum modestiâ præ se ferebant; sicut & S. Ioannes, qui nullum fecit signum, vt nec Abraham, & tamen latissimè fidem propagauit.

PUNCTUM V. Considera te esse templum Domini, & quasi sepulcrum, quod vtique oporteat esse gloriosum, *Isaia 11.* cum toties S. Eucharistiæ particeps fias. Secundò, membra omnia tua Deo dicata esse, ita vt potestatem eorum non habeas. vnde Augustinus ad suos loquens ait, Carnes ergo vestras cum timore eius crucifigite, & vobis diligenter prouidete, ne lingua loquendo, quæ vocat de cælo filium Dei, contra Dominum loquatur; & ne manus quæ ringuntur sanguine Christi, polluantur sanguine peccati. Postremò vide, vt non solum anima Deo seruire debeat, sed etiam corpus per modestiam mortificationem Domini *I*sv circumferre, vt in populo graui Dominus *Psal. 34.* laudetur. Denique contemplare omnia *I*sv Christi membra pro te vulnerata, & alloquere Dominum, & percunctare, quid eum ad hoc impulit? nempe vt singulis tuis eum laudares, quis suis te redemit.

*Aug. serm.
ad frat. in
Erem.*

Consideratio de ratione conuersandi cum proximo.

CONSIDERA Primò pericula quæ in ea sunt. Primò, ex parte tua. difficile enim est in multiloquio vitare peccatum, ac refrænare linguam suam. quod cum tanti fiat à Spiritu sancto, vt illius vanam esse dicat religionem qui id non potest, collige magni periculi esse conuersationem: cui vt occurratur, materia sermonis non nisi pia vel saltem utilis constituenda, vt in lubrico & periculoso itinere tutior via deligenda est. Religiosus certè vir, & pietatis amans, de pietate frequenter sermonem inferre debet. Seruum Dei, inquit Bonauent. de Deo loqui decet, vt fiat quod scriptum est, Si quis loquitur quasi sermones Dei. Quid enim potius? cum notum sit ex abun-

*Pericula in
agendo cum
proximo.*

Iacob. 1.

1. Pet. 4.

Matt. 12.

dantia cordis os loqui. Si igitur vana quis, si turpia proferat, cordis arcana eiusmodi esse profiteretur. Quemadmodum autem nolles habitu profiteri spurcitiam, aut vanitatem, nolles eam alieno ore tibi aspergi aut affingi; ita magis conuenit te cauere, ne illam apud alios proprio ore facias testatam.

Considera præterea, omnes occasione datâ eniti debere, vt proximum ad meliora promoueant. Curenim seruus Dei id vereatur, cum tot serui diaboli strenuè pro domino suo laborent? Sic certè qui uis, etiam qui ad alios iuuandos propriè vocatus non est, veri serui Dei partibus fungi potest, eo quæ crebrius, quo facilius & magis obuium, familiariter loqui quàm concionari. Sanè Philosophi profitebantur suo se consortio homines efficere meliores. Ad quod R. P. Balthasar Alvarez, vir omni memoriâ dignus dicere solitus, debere homines à Religiosis abire percutientes pectora sua, dicentes, Verè filij Dei sunt isti.

Matth. 18.

Certè quod attinet ad Religiosos, eo fine adiri eos sæpè ab externis certum est, vt spiritualibus pascantur: & proinde quisque existimare deberet talem ad se missum à Deo, vt per eum instruat, eamque fortè vnicam horam salutis illius esse. Consideret verò is dulcissima illa Christi verba, Vbi duo, vel tres fuerint congregati in nomine meo, ibi sum in medio eorum. Quanto autem dulcius cum nobis esse præsentem, quàm principes tenebrarum? Aduertat similiter hanc fuisse Christi Domini consuetudinem ex omnibus bonæ instructionis captare occasionem, siue regiones albæ ad messem occurrerent, siue lapides templi ostenderentur, siue obtritatos esse aliquos ruinâ narraretur. O quanta cum voluptate & cum utilitate conuenirent homines, & maximè Religiosi, si quisque velut ad charistia veniens, symbolum conferret; alius ex veteri, alius è noua sacra profanaque historia, aut litteris sanctisque Patribus. O quàm suaue illud foret menti

ti epulum, postquam corpus curatum est ! vti enim cibi corpus replent ac nutriunt, ita eiusmodi colloquia animum pascunt. Optandum certè foret conspirare ad hoc exercitium probos, non minùs atque improbi aut saltem minùs religiosi solent in vaniloquio constanter perseverare.

Considera postremò, quid sit quod te retrahat à tam pio, tam obuiò caritatis erga proximum & pietatis exercitio. antædium? quòd si illud, erubescere. neque enim de amato amantem loqui piget, sed facundum facit amor seu mundi, seu Dei. An forsàn quia fructum non speras? at nouit Dominus tempora, referesque mercedem iuxta laborem ac studium tuum. Sed pudet forsitan coram Deo de Deo loqui, & nò pudet aliena à vitæ instituto, ac Christianæ pietatis professione effutire? Considera ergo diligenter occasionem pietatis, neque eius negligas opportunitatem. Non excludo tamen vtilia colloquia, sed pietatem in oculis semper esse oportere admoneo. A silentio autem opportuno inchoadum illi est, qui rectè loqui velit. Secundò, pauca loquatur oportet. Tertiò, circumstantiarum habeat rationem, eoque magis quòd linguæ lapsus ferè irreuocabilis sit. idcirco etiam Philosophi, imprimis Pythagorici, silentij maximam curam habuere. & nihil certè est quod adeò commendetur in sacris Literis, vt linguę moderatio; atque adeò Spiritus sanctus per sanctum Iacobum pronuntiavit eum perfectum esse virum, *Iacob. 3.* qui linguâ non offenderet.

Monita quedam B.P. Ignatij circa conversationem.

PRimò, suadebat contentionem omnem vitare, ac profitebatur malle se vnum gradum profectus in proximo absque ea, quàm cum ea plurimos.

Secundò, omnibus satisfacere: nihil enim tam esse pretiosum quod læsæ caritatis damnum possit reparare. ideo patienter tolerandas contradictiones, longos atque infulsos sermones.

Tertiò, in negotijs postulari tempus volebat, atque illud præstitutum sedulitate præueniri.

Quartò, omnia quæ quisque diceret, ita dicenda esse aiebat atque si publicanda forent.

Quintò, pauca, eaque tardè proferenda esse, & longos aliorum discursus esse audiendos.

Sextò, hortabatur vt quisque se genio proximi propter Deum accommodaret, ac læto non se tristem exhiberet, tristi verò gratiosum, cum iracundo celerius etiam loqueretur. Denique quemadmodum, ait, hostis cum eo quod alienum est ingreditur, egreditur cum eo quod suum est: intrat enim non contradicendo moribus eius quem adoriri vult, imò etiam bonas inserit cogitationes, deinde in speciem bonas; ac sic egreditur cum suo, id est, finè optatum consequitur. Sic & nos oportere bona in alijs primum collaudare, postea suauiter mala emendare.

Septimò, numquam, inquiebat, recedatur ab eo quem ad bonum reducere volumus, afflicto, aut malè còtento.

Octauò, condescendat alijs, quantum per institutum licet, vt omnibus omnia fiat.

Nonò, nec statim ad summa veniat, sed gradatim ac suauiter ad vltiora promoueat.

Decimò, capacitati hominis multum se attemperet. Si quis enim in guttum multa simul infundere nitatur, effundet potius quàm infundat.

Vndecimò, cauendum esse dicebat, ne vitia in nobis deprehendantur: vt sunt excessus in cibo, potu, hyperbolæ, vanitates, rixæ, motus inconcinni ac gestus: hæc enim vt i existimationi non parum detrahunt, ita minuunt amorem. In exteriori itaq; homine concentum & compositionem magnam (signum animi compositi) requirebat.

Oratio

*Oratio pro modestia & sancta conuersatione
impetranda.*

O IESU suauissime, qui pro inordinatis motibus meis & immodestia mea in omnibus membris grauissimè cruciatus fuisti, da mihi gratiam per modestiam tuam, vt memor vbique sim professionis meae, & discipulatus tui: ne propter me blasphemetur nomen tuum. Inuenio quidem aliam legem in membris meis, repugnantem legi mentis meae: sed qui feci membra mea seruire iniquitati, cur nō faciam eadem seruire iustitiæ & equitati? si oculus meus scandalizet me, si manus, iubes abscindere eam, & projicere: quanto magis coërcere membra mea debeo legibus modestiæ, ne scandalizem vllum ex pusillis istis minimis qui in te credunt: nolo cibo aut gestu aut motu illum perdere pro quo mortuus es: sed cum Apostolo tuo dicam coram te, Si esca, si incessus, si habitus, si conuersatio scandalizat fratrem meum, abstinebo ab his in æternum vt nulli dem offensionem, vt non vituperetur ministerium nostrum; sed omnes qui vident me benedicant nomini tuo & dicant, Ecce semen cui benedixit Dominus. Constituisti enim nos, vt simus sine querela, & simplices filij Dei, sine reprehensione in medio nationis prauæ & peruersæ: vt exemplum simus fidelium in verbo & conuersatione, in charitate, in fide, in castitate, vt perfectus noster manifestus sit omnibus, ac conuersatio bona, vt in eo quod detractant de nobis, ex bonis operibus nos considerantes, glorificent te Deum nostrum in die visitationis. Neque satis esse scio si grauiora deuitem. quis enim, inquit Iacobus Apostolustus, sapiens & disciplinatus inter vos? ostendat ex bona conuersatione operationem suam in mansuetudine sapientiæ. Sic enim est voluntas tua, vt benè facientes obmutescere faciamus hominum ignorantiam; & sic luceat lux nostra coram hominibus, vt videant opera nostra bona, & glorificent te Patrem nostrum qui in calis es, & benedictus in sacula seculorum. Amen.

Rom. 7

Matth. 5.

Rom. 14.

1. Cor. 8.

Colos. 3.

1. Tim. 4.

Iacob 3.

1. Pet. 2.

Luc. 16.

Praxis

Praxis ad modestiam morum comparandam.

Prima est, obseruare defectus cuiusque membri; & aliorum etiam iudicium super hoc exquirere. vix enim fieri potest, vt quis se ad normam modestiæ componat, nisi ab aliis obseruetur. Itaque fieri videmus, vt in publico magis modestiæ memores simus & obseruantes, quàm alibi: hoc tamen D. Bonauent. diligenter commendat, vt quisque sic se gerat in priuato suoq; cubiculo, vti solitus est in publico. Præterquàm enim, quòd hac ratione faciliùs habitus acquiratur modestiæ, eiusmodi faciliùs ad orationem perfectam, atque animi quietem peruenit, quòd non sinunt immodesti mores vllum pertingere.

Secunda. Legere libros de hac re conscriptos, tum à D. Bonauentura ad Nouitios, tum aliis. Quamuis autem exterior illa modestia, nisi à virtutum omnium concentu proficiatur, diuturna futura non sit; magnum tamen ipsa ad virtutem est præsidium, ac quod primò difficili ac quasi reluctanti sit naturâ, vsu atque consuetudine fit iucundum.

I A C V L A T O R I Æ.

1. Cor. 4.

Sic nos existimet homo ut ministros Christi, & dispensatores mysteriorum Dei.

Philip. 4.

Modestia vestra nota sit omnibus hominibus.

Luc. 11.

Sic luceat lux vestra coram hominibus, ut videant opera vestra bona.

C A P V T XIX.

Meditatio de Temporis ratione habenda.

Quemadmodum vides in vniuerso suis temporibus, pondere, numero & mensurâ definita esse omnia, ita & in te microcosmo fieri conuenit, temporisq; maximam haberi rationem, ac te vitam eiusque partes ad il-
lud

lud dimetiri. estque hoc præsidium ad pietatem minimè vulgare.

COMPOSITIO LOCI, considerare velut in solitudine vt omnia velocissimè transeant, vt post momenta singula nihil sit recuperabile eorum quæ fuerunt.

PUNCTUM I. Considera Primò, quàm sit tempus vitæ nostræ incertum, quàm breue, si comparetur ad longissimam æternitatem. Secundò, per singula momenta æterni gloriæ pondus, aut pœnarum accedere. merita enim coronabuntur æternum, & peccata etiam leuia æternum punientur in ijs qui reprobi fuerint. Tertiò, quanta habeatur ratio mercatus, occasionis lucri alicuius; quomodo manè euigilent, diem in laboribus consumant homines, maria traiciant, vitamque prodigant. Considera Quartò, omnium rerum tempus pretiosissimum esse, & irrecuperabile: sed, eheu! vt Bernardus ait, nihil pretio-

*Tēporis bre-
uitas incer-
titudo, pre-
tium*

sus tempore, & tamen nihil hodie vilius reperitur. Trāseunt dies, menses, anni salutis; & nemo recogitat, nemo sibi perire diem & numquam rediturum causatur. Attende verò quare ita sit pretiosum; quia nempe omnia illo lucrari, absque illo nihil possumus. Immo quamuis vniuersum mundum daret homo, pro prorogando vitæ tempore in morte vel ad momentum, nequaquam illud posset comparare. quod seriò expende. Quanti æstimarent, putas, damnati & beati vnâ horâ posse viuere; illi vt salutem, hi vt gloriam maiorem cōsequerentur! Ideoquē exclamat Sapientia æterna: O si cognouisses & tu, & quidem in hac die tua, quæ ad pacem tibi! O si cognosceret homo quantum hoc vitæ tempore possit animæ suæ bona augere! Quid? quodd de tempore etiam Philosophi sic philosophati sunt & senserunt: inter quos Zeno aiebat, hominibus nihil magis deesse quàm tempus; Democritus pretiosissimum impendium esse tempus. Seneca: Ita fac ergo, mi Lucili, vindica te tibi; & tēpus collige, & serua. Quem enim mihi dabis qui aliquod pretium tempo-

*Serm. ad
schol.*

Luc. 19.

Zeno.

*Democri-
tus.*

Seneca.

riponat, qui diem æstimet? Expende igitur quomodo tempore tuo utaris, cui rei pretiosissimum omnium impendas, quæcum re commutes, fortè cum fabulis, otio, lusu, cùm posses regna acquirere, Dei gratiam augere, iuare proximos, vocationem tuam certam per bona opera facere.

*Seneca e-
pist. 102.*

Ephes. 5.

PVNCTVM II. Attende ante omnia quàm parum temporis superfit, quantumque tibi perièrit. Secundò, quomodo illud impendendum. Monet certè Seneca eleganter: Formemus, inquit, animum, tamquam ad extremum ventum sit; nihil differamus: qui quotidie vitæ suæ manum imponit, non indiget tempore. Videte verò, ait Apostolus, quomodo cautè ambuletis, non quasi insipientes, sed ut sapientes, redimentes tempus, quoniam dies mali sunt. Impendere autem oportet ad salutem; ad hoc enim concessit illud Deus; atque, si hoc non fecerimus, seuera eius ratio reddenda erit. Aduerte igitur quantum pietatis exercitijs tribuas temporis; an plenè quod debetur illis ac diuino obsequio tempus impertiaris; an his tantum succissuum, alijs optimum. Præterea, an non melius impendere posses. Quis mercator stramen vile emet in die mercatus, cùm possit aurum, gemmas pretiosas? Tertiò, attentè considera, quid vnâ horâ boni, quid die, quid constanter agere paucis hebdomadis posses in virtutis studio: & erubescere; maximè si attendas mundanorum in rebus vilissimis incredibilem diligentiam.

PVNCTVM III. Considera quantæ dementiæ sit, omnia (vade, si lubet, per singula) bene supputare quæ ad re familiarem spectant, & tempus negligere omnium rerum pretiosissimum, turpibusque & inanibus rebus impendere. Secundò, quanta ex otio isto incommoda expertus sis, & experiantur mulri, qui numquam quid certi agunt, sed fortuito, velut cymba, quæ nullum certum portum habet, feruntur,

Oratio pro temporis habenda ratione.

Eheu, quid est homo, quid vita hominis, quod tēpus illius, quā
 breue, quā pretiosum! nunc hora est nos de somno surgere, Rom. 13.
 nunc propior est nostra salus. Nunc existimo, Domine Deus meus,
 quod non sint condigna passionēs huius temporis, ad futuram glo- Rom. 8.
 riam quæ reuelabitur in nobis. nam expectatio creaturæ reuela-
 tionem filiorum Dei expectat: vanitati enim subiecta est creatu-
 ra non volens; sed propter eum qui subiecit eam in spe, id est in te
 Domine. Id enim quod in præsenti est momentaneum & leue tri-
 bulationis nostræ, supra modum in sublimitate, æternum gloriæ
 pondus operatur in nobis, propter quod omnis creatura ingemiscit,
 & parturit vsque adhuc; non solum autem ipsa, sed & nos ipsi,
 primitias spiritus habentes; & ipsi intra nos gemimus, adoptionem
 filiorum tuorum expectantes, redemptionem corporis nostri. O
 quando apparebit illa dies æternitatis, in qua momenta singula
 æternitatem fecisse videbimus! quando exultabimus, modicum si i. Petri 5.
 nunc oportet contristari, vt tribulatio nostra multo pretiosior au-
 ro inueniatur in gloriam & laudem tuā, ô omne bonum! O quā
 apparebit tunc pretiosum tēpus, quo æternitas potuit comparari, Bern. serm.
 quā breuis hora vitæ nostræ, quā breuis labor, quā pretiosus ad schol.
 hora quadrans, qui sæpè abit in otia, in malitiam, in fabulas! vo-
 lat verbum irreuocabile, volat tempus irremediabile: nec aduertit
 insipiens quid amittat; libet fabulari, dicit, donec hora prætereat.
 O donec prætereat hora, quam tibi ad agendam pœnitentiam, ad
 obtinendam veniam, ad acquirendam gratiam, ad promerendā
 gloriam miseratio Conditoris indulget! donec transeat tempus,
 quo diuinam propitiare debueras pietatem, properare ad Angeli-
 cam societatem, suspirare ad admissam hereditatem, excitare re-
 missam voluntatem, flere admissam iniquitatem. Omnia tempus Eccles. 3.
 habent, & suis spatiis transiunt: vniuersa sub celo; nunc tempus
 flendi, pōst erit tempus ridendi; nunc tempus plangendi, pōst erit
 tempus saltandi; nunc tempus belli, pōst erit tempus pacis; nunc
 tempus odij, nisi enim quis oderit animam suam, tuus esse, ô dul-
 cissime

cissime IESV, non potest, sed pòst erit tempus dilectionis; & eris, tu Deus, vnus omnia in omnibus, & laudabimus nomen tuum magnum in seculum, & in seculum seculi. Amen.

Praxis pro temporis ratione habenda.

Primò considera, quæ tempora tibi commodiora rebus gerendis, & ante omnia salutis negotio procurando, atque attende ne rebus nihili tempus optimum, orationi & salutis negotio id tribuas, quod illis incommodum. Ita, cheu! quotidie fieri videmus, optimam vitæ partem mundo ac vanitati tribui, optimam diei; effectum corpus, deteriora tempora senectutis pietati adscribi. Respub. geritur in flore ætatis, negotium salutis in declinui. Quid verò tibi potius, saluum, an bonum esse ciuem? Distribuat ergo sibi quisq; annos, dies, horas, nec fortuitò vitam aget, sed decreto. Ille inter otiosos ac inertes numeratur, qui si fortè se benè gerendæ rei occasio obtulerit, rectè faciat. Diuidendum autè ita tēpus est, vt Primò ea ad quæ obligamur, id est, quæ ad salutē spectant, tractemus, de diuino cultu, oratione, Missæ sacrificio, lectione pia, examine conscientiæ. Secundò, quæ his proximā sunt curemus, qualia ea quæ ad statum & officium nostrum pertinent, artificium & laborem: natus est enim homo ad laborem, sicut avis ad volandum; Tertiò, quæ ad familiam; Quartò, quæ ad honestam recreationem. quod enim caret alternā requie durabile non est.

Iob 8.

Secundò, singulis mensibus rationem temporis subducas; & considera, an meliori, an fructuosiori occupationi illud impendere non possis. occupationes enim variæ; aliæ animæ, vt sunt oratio, studium varium, lectio; aliæ corporis, vt sunt artificiorum exercitatio, item equitatio, venatio, luctatio, & recreatio; aliæ rei familiaris, vt sunt plantatio, ædificatio moderata, instauratio; aliæ reipublicæ; alia denique omnium grauissima, præparatio ad mortem. huc enim omnia diriguntur, dies, anni, lustra, & omnis exercitatio.

IACVLATORIÆ.

2. Cor. 6.

Ecce nunc tempus acceptabile, ecce nunc dies salutis: abiiciamus ergo opera tenebrarum.

Rom. 13.

Fratres, hora est iam vos de somno surgere: nunc enim propior est nobis salus quàm cum credidimus.

Quod-

*Quodcumque potest facere manus tua, instanter operare, quia nec Eccles. 9.
opus, nec rano, nec sapientia, nec scientia erunt apud inferos, quò
tu properas.*

*Operamini dum lucem habetis: venit enim nox, quando nemo po- Ioan. 9.
test operari.*

*Ambulate dum lucem habetis, ut non vos tenebra comprehen- Ioan. 12.
dant.*

C A P V T XX.

Meditatio de Monitore aliquo eligendo, auxilio magno in via Dei.

ITa à Domino comparatum est in hac vita & via, ut ne- *Monitoria*
mo sibi dux esse possit, nemo inniti prudentiæ suæ: *utilitas.*
ideoque nullum subsidium suavius ac vtilius ab ijs quæ
foris sunt accipi potest, quàm amicus fidelis & monitor.

COMPOSITIO LOCI erit, speculari mundum plenum
erroribus, & erronibus ac vanitate.

ORATIO VI suprà.

PUNCTVM I. Considera coram Deo te in via multiuia,
vel ad flumen aliquâ tantùm parte vadofum, sed nescire
quâ, neque quam viam capias. Dic, rogo, eo casu quâ tum
optares ducem seu monitorem? si verò scires hinc vitam
& salutem certò pendere, quàm diligenter scrutarere an
aliquis index esset viæ? quàm gratus esses, si quis erran-
tem etiam asperè reuocaret, aliàs ad præcipitium ventu-
rum? Imò si iumentum tuum, de quo in veteri lege præce-
ptum erat, erraret, reuocari velles. Applica viæ eternitatis
irremeabili, & cogita tibi necessario deduce & monito-
re aliquo prospiciendum. Nescit enim homo finem suum, *Eccles. 9.*
neque vllius negotij, ob plurimos & varios casus in re-
bus humanis. & sæpè quod minoris æstimas, causâ tibi est

omnium malorum, vel esse potest; & quanta dementia tentare spreto duce, vias ignotas, vada periculosissima? & vide an alicui hoc suaderes. Secundò considera, sapientissimos omni sæculo primùm in ijs quæ ad animam, deinde etiam in alijs quæ ad res humanas pertinent, turpissimè errasse, quia suo iudicio præfidentes, monita bona spreuerunt. Quis enim sapientior Salomone? & quomodo infatuatum est cor eius? Secundò, optimos etiam in propria causa cæcurire. Quis Dauide prudentior? & ecce nouem mensibus excæcatus in adulterio hæsit, donec Nathan eum moneret. Huc referri possunt varij eximij viri, qui tandem in hæreses & errores lapsi sunt, quia nitebantur prudentiæ suæ. Denique vide errores mundi, tum in sæcularibus hominibus, auaritiâ, aut amore, aut ambitione, se in multa pericula præcipitantibus quotidie; tum in Ethnicis prudentissimis alioquin, lapides adorantibus, &c. Postremò in varijs viris bonis, & Religiosis, qui defectu admissæ monitionis dati fuerunt in reprobum sensum. Tunc collige quàm auidè monitorem in via hac & ducem quærere oporteat.

Rom. 1.

PVNCTVM II. Considera quomodo in omnibus rebus monitores velit esse Deus, & adeò necessarios iudicari, vt ad id obligarit omnes Superiores, imò etiam pares, vt si quem peccantem viderent, monerent. vnde Prophetas vt speculatores in Israël positos aiebat, quodque, nisi monerent, sanguinem de manibus eorum requireret. Vnde aliqui, potius quàm monere omitterent, vitam perdere, vt S. Ioannes Baptista, S. Stanislaus Polonus; & patriam & omnia, vt D. Chrysostomus. Heli verò se suosque omnes, quia monere neglexit, euertit. Secundò, in omnibus rebus, operibus, structuris publicis syndici sunt, & qui detegunt errores; & magno sumptu emitur, moneri de hostium insidijs, de machinatione aduersus bona nostra, vel honorem nostrum. Applicemus hoc nobis, & hostibus animæ nostræ; & detestemur imprudentiam nostram.

Ezech. 33.

1. Reg. 2.

stram. Tertiò considera, quomodo in pluribus rebus, quas prudentissimè gerere nos putabamus, errauerimus. Quartò considera, quàm indignè ferremus si amicus sciens alium nobis machinari mortem aut dedecus, taceret & dissimularet; quàm illam verecundiam in discrimine cõstituti damnamus, & eũ hostiliter egissè iudicemus? vel, si frustra monuisset, quàm stultos nos fuisse serò videremus, vt Cræsus, qui à Solone in secũda fortuna monitus, lapsus Solonem inclamabat. Imò si næuus in facie turpis, si adhæsisset vesti, vel ganeo aliquis affixisset probum, & permetteret famulus herum rideri, quomodo id ferret? Quintò, quàm sollicitè in speculo se cõtēplentur homines, & eheu! næuum in anima grauissimum admonitoris indicio detergere nolumus. Sextò, si quis medicus nuntiaret tibi certis indicijs discrimen vitæ, quàm illum amares? si dissimularet, quàm offendereris? Applica ad morbos animi.

PUNCTVM III. Considera quare moneri nolumus. Primò, quia (quod insani est) putamus nos errare non posse; omnia laudari nostra volumus, aliorum graues censores; cùm tamen (vt suprà ostendimus) sapientissimi & prudentissimi errauerint, & non sit homo qui non peccet. *3. Reg. 8.* Secundò, quia putamus nos per nos errores videre posse; sed, vt prouerbum, non videmus manticæ quod in tergo est. Et vt nemo in facie sua videt næuum nisi in speculo; ita neque errori occurrere quis potest, nisi monitus. & sic de aliis. Itaque superbiam, malorum radicem, hoc remedium pellit. Vnde Seneca: Sit aliquis custos, & aurem subinde peruellat, abigatque rumores, & reclamet populis laudantibus, &c. Necessarium est admoneri, & habere aliquem aduocatum bonæ mentis in tanto strepitu tumultuque falsorum, vnā denique audire vocem. Quæ erit illa vox? ea scilicet quæ tibi tantis clamoribus ambiciosus exsurdato salubria insusurret verba. Tertiò, quia alios diiudicare nostra non posse putamus. & hæc demē-

*Seneca
epist. 94.*

*Seneca.**3. Reg. 12.**Valer. Max.**lib. 9.**Matth. 16.**Plutarch.*

tia, quasi nostra aut sint supra captum hominum, vel sanè arcana patefacere amicis verè nolumus. quod quàm sit noxiū, patet: si enim quis foret, qui medico morbū aperire nolle, & remediū tamen peteret, certè is demens esset; & arcana nolle aperire, est consilium nolle petere, aut perperam petere. Cogita an tibi in amicitia aliquis recipiendus sit; cumque placuerit fieri, toto illum pectore admittite, tam audacter cum illo loquere, quàm tecum: post amicitiam credendum, ante amicitiam iudicandum. Quartò, quia omnino perire volumus, ut is qui erroris in via seu præcipitij monetur, & contemnit: immò quærimus eos qui ad interitum ruentes fistulis & sambucis eò nos propellāt; adulatores scilicet: qui verò obstare possent reiciimus. Sic Roboam senioribus cōsiliarijs patris sui dimissis, iuniores adlegit, & perijt. Xerxes Græcis ad se vocatis, viris prudentibus, ait, Venisse se scirent, ut parerent, non suaderent. Prudentes verò Principes longè aliter fecere: atq; adeò rumores de se auidè captare soliti, ut Fredericus III. Carolus V. & Frâciscus I. Gallia Rex. Imò & ipse Dominus ad exemplū nostrum petijt, Què dicunt homines esse filium hominis? Quinta causa spernēdi monitorē est, quia dedecus putamus moneri priuatim, quod publicè audire aliàs cogeremur. Plutarchus ad hoc scitè ait, Telephū vulneratum, coactū fuisse ab hostibus vulneri remediū petere; atque ita eum qui non habet amicum, sepè ab inimicis sua vitia audire. Persarū Reges quotidie à monitore sic excitabātur: Surge Rex, ac negotia cura, quæ Me-
 foromasdes te curare iussit. Philippus Rex cū in causis audiendis negligentior esset, & vacare se mulieri cuipiam non posse diceret, publicè audiit: Noli ergo Regem agere. Denique monitorem respuimus, quia parum amicum putamus eum, qui non adulatur; in re familiari tamen, si quis vitium, discrimen nostrū, alterius circumuentionē indicet; amicum factum putamus. Et hæc est insipientia filiorū Adam, qui de iumento aliisque rebus omnibus

ma-

magis solliciti sunt, quàm de anima. Vnde Sapiēs, Noli arguere derisorē, ne oderit te, &c. vir prudens & disciplina-
 tus nō murmurabit correptus. Sanē qui corripit, si amicus
 non est, officium amici facit, aut facere voluit; quod
 nemo respuere solet: si est, meliora sunt vulnera diligen-
 tis, ait Scriptura, quàm fraudulenta oscula blandientis.
 Stultitia certē magna est monentem auersari. Qui odit
 increpationes, ait Sapiens, insipiens est. & rursus: Noli
 arguere derisorem, ne oderit te; argue sapientem, & dili-
 get te. Ille, vt phreneticus, curantem se mordet, mon-
 stranti viam irascitur, & errare pergit, vel bonam medici-
 nam sibi datam, odio medici, sponte sibi in venenum ver-
 tit, & haurit, fitque vt virga Moysis (id est correptio) in
 colubrum vertatur.

Prouerb. 9.

Eccli 10.

Prouerb. 27.

Prouerb. 9.

PVNCTVM IV. Considera aliquem quem nemo mone-
 re audeat, nōne is similis tibi videtur ei equo quem in
 praeceps ruentem & calcitrantem nemo retinere potest,
 vel quem nemo velit, quòd cum contemnat? nōne tibi
 is miser videtur, & in crepidine montis prærup̃ti ambu-
 lare; aut ponte angusto, & excelsso admodum, absque vl-
 lo præsidio & retinaculo? nōne comparandus ei viatori,
 quem proximum vt incidat in manus hostium, specula-
 tor admonēre negligit aut horret? ita omnino est. quare
 aptē Seneca: Monstrabo tibi cuius rei inopiā laborent
 magna fastigia, quid omnia possidentibus desit; scilicet
 ille qui verum dicat. nemo ex animi sui sententia suadet
 dissuadetque, sed adulandi certamen est, & vnum ami-
 corum omnium officium ac contentio, quis blandissimē
 fallat. Hæc pestis est sæcularium, hæc multorum etiam
 piorum, quos si moneas, exasperas; quosque proinde me-
 lius sincere iacere, quàm erigere.

Senec. de
benef. lib. 6.
cap. 10.

PVNCTVM V. Considera, quàm sit turpe declinare cor
 suum in verba malitiæ ad excusādas excusationes in pec-
 caris: qui enim iustificat se ipsum, hostem suum excusat
 & Dei, cumque sit æger, sanus haberi vult; & cæcus, vi-

Psalm. 140.

*Eccli. 32.**Leuit. 13.**Gen. 27.**Serm. 16.**Genes. 3.**Ibid.**Gen. 4.**1. Reg. 15.**2. Reg. 12.**Isaia 53.**Psal. 37.**Reqist. epist**lib. 12. m.**dist. 7. epist.**31.**Psal. 31.**Psal. 140.*

dens; imperitus, peritus; & qui iniustus est, iustus censerì.
 Peccator enim homo vitabit correptionem, & secundùm
 volutatem suam inueniet comparationem: iustus autem
 accusator est sui. Hinc iubetur leprosus vestimenta dissu-
 ta habere, & caput detectum, id est, peccator se aperire.
 At Iacob extrema pellibus tegit, & peccator haberi vult.
 De eo Bernard. super Cantica: In animam peccat suam,
 qui excusat dum arguitur, repellit proinde à se medici-
 nam, & sic vitam sibi intercludit æternam. Excusat, ait,
 quis dicendo, Non feci, aut bene feci; aut si malè, Non
 multum malè; aut si multum malè, Non mala intentione:
 si autem de illa velut Adam & Eva conuincitur; alienâ
 suasionem excusare se nititur. & Gregorius: Superbiæ vi-
 tium est, vt quod quisque de se fateri dignatur, hoc sibi
 ab alijs dici dedignetur. Considera Secundò, Adamum,
 Cain, & Saulem, excusantes se, à Deo proiectos; Dau-
 dem, Petrum & Latronem susceptos. Terriò, considera
 Christum Dominum circumcidi, baptizari, damnari. de
 quo illud, Sicut agnus ad occisionem ductus est, coram
 tondeute se obmutuit, factus tamquam homo non au-
 diens, & non habens in ore suo redargutiones. Christum
 verò secuti sunt, de quibus Gregorius: Piarum mentium
 est, illic culpam agnoscere vbi culpa non est. Dixi ergo,
 Confitebor aduersum me iniustitiam meam Domino, &
 tu, Deus meus, remisisti impietatem peccati mei. non de-
 clines, quæso, vnquam cor meum in verba malitiæ, ad ex-
 cusandas excusationes in peccatis: sed in misericordia tua
 viuifica me.

*Oratio pro monitore & correptione liben-
 ter suscipienda.*

Corripe me, Domine, in misericordia tua, oleum autem pec-
 catoris non impinguet caput meum; corripe me, dum tem-
 pus miserendi, vt absoluas me, dum veneris ad iudicandum. Ne
 per-

permittas, rogo, vt peccem in te, vt errem à te, velut cacus in via, ignarus in silua, & moneri nolim, vt viam teneam rectam, vt videam pericula, vt declinem damna anima mea, vt conuertar ad te, & salua sit anima mea: nam qui odit correptionem, vestigium est peccatoris, siue diaboli, eiusq; mancipium, venundatus sub peccato, ligatus non ferro, sed ferreâ voluntate, vt abstrahi à malo nolit, & nequeat, quia vix est qui faciat misericordiam cum illo, dum pauci sanare volūt, & dum sanant, aut vulnerari linguâ, aut ad vulnus in secreto postulari. Concede etiâ vt timore humano errantem monere, agrum curare non desinam. Verè enim dicebat seruus tuus Augustinus: Si peccauerit in te frater tuus, corripe illum inter te & ipsum solùm; si neglexeris, peior es. ille iniuriam fecit, & iniuriam faciendo graui se ipsum vulnere percussit: tu vulnus fratris tui contemnis? tu eum vides perire, & negligis? Peior es tacendo, quàm ille conuiciando. Sed plures qui alios libenter censeant, iudicent reperiri video, paucos qui optent moneri. veritas hæc odium parit. Iusti esse nolumus, & dici volumus; cùm corripere nos audeat nemo, et si perire propè videat; quia ex superbia, medicamentum viderit esse factum verenum. O infelices, quibus à bonitate tua ad salutem nobis data auxilia; fiunt ex malitia, recta mentis impedimenta! Aufer à me, Domine IESV, qui tot calumnias pro me passus fuisti, hanc superbiam, quâ defectus meos agnoscere detrecto, & aperire nolo, malens in iudicio perire forsitan, & malus iudicari à te, dum bonus ab homine haberi possim, & malus esse. Si corpus curari opto, negligi indignè fero; cur mihi anima mea sic viluit, vt irascar, si quis eam curare velit, si sanare? si laqueus pedi meo ostendatur positus, gratus sum; si vulnus aperitur anima, ingratus, immò furiosus sum, quia perire libet potiùs, quàm de periculo moneri; miserum esse, quàm vbi opes & felicitas sunt, reuclari. Proditio vulgò censetur, occultare & nutrire hostem amici sui; amicitia reputatur, graues animorum (vitia inquam) aduersarios fouere. Ea est, Domine, infelicitas nostra, cùm iustus in principio sermonis accusator sit sui; hoc est imperfectum nostrum, quod viderunt oculi tui, & sanare potest vnica manus tua; quæ omnia fecit, & fecit benè, & me infinità mise-

August.

Prouer. 18.
Psal. 1, 8.

ricordiâ refecit. Sunt qui se nequiter humiliant, & arguunt, sed si, velut vasa figuli probat fornax, hos etiam exerceat aliqua tribulatio; cuius est simulata confessio, vñâ vel leui contumeliâ, aut exigua pœnâ interrogatus, iam humilitatem simulare, iam simulationem dissimulare non potest: murmurat, frendet, irascitur, nec in gradu stare humilitatis, sed in nouum superbiæ gradum corruisse probatur. Scio, non veniet in conspectu tuo omnis hypocrita, & si ascenderit vsque ad celum superbia eius, & caput eius nubes tetigerit, quasi sterquilinum in fine perdetur. Aufer itaque de medio mei magniloquos superbiæ, & non adijciant exaltari in corde meo; quia tu scio, Domine, magnus & terribilis, non respicis nisi ad humiles & tremantes sermones tuos.

Bernard de
grad. Hu-
mil.

Iob 13.
Iob 20.

Sophonie 3.

Isaie 66.

Praxis in monitore adhibendo.

Prima. Vide, quas conditiones monitor habere debeat. Et quidem Primò, debet esse amicus: moneri & monere proprium est veræ amicitiae, inquit Cicero. Secundò, debet esse pietate, virtute & prudentiâ præditus. nam vt doceri ab indocto nemo cupit; ita se moneri ab illo nemo patitur, quem eadem aut similis culpa redarguit. Tertiò, debet velle id facere: multi enim sunt, qui scientes obsequium amicos, veritatem odium parere, monere detrectant. Accidit autem hoc ferè, quia non sincerè diligunt, sed sua quærunt: & tales non in amicorum numero collocandi, sed adulatorum. at verò adulatione, blanditiâ, assentatione in amicitiiis nullam esse pestem maiorem aptè Cicero dicit. Vel certè eò accidit, quòd ex veritate odium nasci videant. cuius autem aures veritati clausæ sunt, ait idem, vt ab amico audire verum nequeant, huius salus desperanda est. Vel denique eò quòd ij qui monentur eam molestiam quam debent capere non capiunt, cum emendare negligunt, monita spernunt.

Cicero.

Proverb. 25.

Secunda. Vt ergo aliquis monitore vtiliter vtatur, Primò apèriendum pectus: alias enim nec amicum agnoscis, cum diffidas; nec consilium expectare potes, cum de re incognita alter sententiam ob dissimulationem tuam dicturus sit. Vnde Sapiens: Causam tuam tracta cum amico tuo, & secretum extraneo ne reuelles, ne fortè insultet tibi cum audierit, & exprobrare non cesset. Secundò, cogendus amicus vt moneat liberè, & seriò allaborandum, vt corrigat quis quod à prudente & amico homine suggeri-

geritur. Ex his facile colligitur, sæpè eos qui paris tecū conditio-
nis sunt, non ita aptos esse monitores, cum inter eos sæpè æmu-
latio sit: neque subditos, cum sæpè libertate abutantur, aut ti-
more prohibeantur: neque eos, quorum si amicitia disfluenda sit,
timeas, ne, quoddam parum probi, noceant (multi enim nisi viri om-
nino probi sunt, sæpè vitiis amicorum offenduntur,) sed alium
quempiā, qui in Deum respiciens, nihil timeat, aut speret, & salu-
tis tuæ ac felicitatis non sit æmulus, sed amans. Talis vnus deli-
gendus est atque alter, & statuendum quoties, si ita res poscat,
cum aditurus sis, & cum eo de tuis rebus acturus.

Tertia. Correctio fiat non dere incerta, vel leui, vel intempe-
stiuè, dum perturbatus est animus errantis, modusque sit lenis,
iuxta Apostolum, Si præoccupatus fuerit homo in aliquo deli-
cto, vos qui spirituales estis, instruite eiusmodi in spiritu lenita-
tis. Seruum enim Domini non oportet litigare, sed mansuetum
esse; & verè, vt Ambrosius, Plus profuit amica correptio, quàm
accusatio turbulenta.

Galat. 6.

2. Timoth. 2.

Ambr. lib. 3.

in Lucam.

IACVLATORIE.

Domine ne in furore tuo arguas me, neque in iratua corripas Psal. 6.
me.

Propter iniquitatem corripuisti hominem, & tabescere fecisti sic- Psal. 38.
ut araneam animam eius.

Quem diligis, Domine, corripis, & quasi pater in filio complaces Prouerb. 3.
tibi: fac de me secundum diuinum beneplacitum tuum.

Corripe me, Domine, in misericordia tua: oleum autem peccatoris Psal. 40.
non impinguet caput meum.

CAPVT XXI.

Meditatio de Amicorum delectu.

*Amicitia
effectus.
Super
Matth.*

INter externa pietatis præsidia est amicitia: bonus enim sic malo connectitur, vt Chrysoſt. ait, vt aut pares redantur, aut citò ab inuicem ſeparentur. Amicitia enim pares aut quærunt aut faciunt. Sicut ergo multa bona habet communis vita ſanctorum, ſic plurima mala ſocietas malorum. Conuiſtor delicatus paulatim (ait Seneca) emollit & eneruat; neceſſe eſt aut imiteris aut oderis. Attende igitur ſedulò qui tibi amici.

Seneca.

COMPOSITIO LOCUS erit, ſe conſtituere in Dei præſentia.

ORATIO vt ſuprà.

*Ambroſ. de
amicis. c. 7.*

PUNCTVM I. Conſidera nos viatores ac peregrinos ſuper terram, tendere in cælum patriam noſtram, ſed viâ difficili ac periculosa, obſitâ latronibus; ideoque in ea amicos, id eſt, bonos viæ comites ac vtilis à Deo conſeſſos. Eſt Amicitia, vt Cicero loquitur, diuinarum humanarumque rerum ſumma, cum beneuolentia conſenſio. Vera autem illa amicitia eſt, & Chriſti glutino copulata, quam non vtilitas rei familiaris, non corporis præſentia tantùm, ſubdola & palpans adulatio, ſed Dei timor, & diuinarum Scripturarum conciliant ſtudia. At maximè hîc conſiderandum, qualesnam amici ſint: ſi enim illi improbi fuerint, id eſt cum hoſte & inſidiatore conſpirent; quantum periculum! ſi tales qui ſuaui ac mellito ſermone inſtillant venenum, dum hoſtis nos premit, qui ignaros viæ in deuiâ & præcipitia ducant; quàm certum pænè exitium! Hęc applica amicis parum probis, qui colloquio prauo mores noſtros corrumpere, & exemplo ſuo ſedu-

seducere, ac in deuia virtutum ducere solent. Secundò, considera inter amicos verè etiam numerari Angelum custodem nostrum. quis illo fidelior, nostri amantior? *Ioan. 15.* Immò Christum Dominum considera vt amicū tuū, iam, aiebat, nō dicam vos seruos, vos autem dixi amicos: quia omnia quæ accepi à Patre meo, nota feci vobis. sapientiā scilicet suam, dulcissimus Iesus eructauit, & abscondita à constitutione mundi. Sapientiam inquā, de qua Sapiens: *Sap. 7.* Infinitus est thesaurus hominibus, quo qui vsi sunt, participes facti sunt amicitia Dei, propter disciplinæ dona commendati. Vide igitur vt hunc amicum præ omnibus serues, & caue esse amicus mundi: amicitia enim huius *Iac. 4.* mundi inimica est Deo. Caue quidquam vllius gratiā facere, quò illius amittas gratiam: ille enim solus verè amicus est, medicamentum animæ & immortalitatis. Amicitia autem hæc maximè est inter animam religiosam & Christum; cum hoc enim habet omnia communia, & conuersatio illius in cælis est, facta ciuis Sanctorum, & inter domesticos Dei annumerata. *Eccli. 6.* *Philip. 3.*

PUNCTVM II. Considera quàm suaue sit amicitia bonū, quàm dulce solatium. Solatium, ait Ambrosius vt habeas *Ambr. l. 3.* cui pectus aperias, cui arcana communices, cui secreta tui *Offic.* pectoris committas, vt colloces tibi fidelem virum qui in prosperis gratuletur, tibi in tristibus compatiatur, in persecutionibus adhortetur. Secundò, considera nihil potentius esse amore: itaque, etsi amicitia vtilitatem non spectet, nihilominus vtilissimam esse, cum omnia bona communia faciat, & perpetuam & iucundam eorum possessionem, vsum ac fructum. Itaque si desideras alienis bonis frui, si optas fauorem, stude omnes amore præuenire, ac deuincire concertatione beneuolentiæ: nullo enim nummo commodiùs amorem emeris atque amore. Eum si obtinueris, & cor hominis possederis, quid erit amici tui quod tuum etiam non erit? Attamen amicitia ac beneuolentiæ stude, non tua quærendo, sed vt proximo tuo

tuo placeas in bonum; vt cum eo propter Deum coniunctus sis, & certò possidebis illum. O quanta industria charitatis! quàm vtilis mortalibus, quàm grata, quàm iucunda, quàm Deo accepta! Tertiò, considera hinc sequi omnium iacturam esse libenti animo faciendam, vt charitas conseruetur, quia si illius integritas seruetur, omnia salua sunt apud Deum & homines. Quartò, considera quanta infamia eorum qui simultate amicitias violant: seipsos enim ob verbum priuant maximo humani generis bono, quod certè naturæ instituto omnes vehementer desiderant, id est, amari etiam ab hoste. Et verò qui se vlcisci cupit, quid, si spectes finem, aliud petit, quàm amari? iniuriam illatam non esse? id est, amatum etiam fuisse reparatum? scilicet per amorem. nam dona, officia, obsequia delata, si animus auersus, officiunt, non placant: illud verò certum, nullo amorem imperio aut vi extorqueri, nullo etiam pretio, nullâ arte comparari, quàm beneuolentiâ ac amore. Monstrabo tibi, ait Seneca, amatorium sine medicamento, sine herba, sine vllius veneficæ carmine; si vis amari, ama. Huc omnia à Deo & natura directâ, ab hominibus ordinata, vrbes, vici, familiæ, leges: itaque statue inuiolatam in omnibus seruare, cum omnibus quoad fieri potest pacem habere, nemini dare vllam offensionem, insuper omnes deuincire propter Deum, serioque vias ac modos accommodos ad hoc inuenire, omniaque præ amicitia vilia habere. Amico enim fideli nulla est comparatio, & non est digna ponderatio auri atque argenti contra bonitatem fidei illius. Nam frater qui adiuuatur à fratre, quasi ciuitas firma. Væ autem soli, quia cum ceciderit, non habebit subleuantem se; amicus verò fidelis, protectio fortis: qui autem inuenit illum, inuenit thesaurum.

Seneca.

Ecclesi. 6.

Proverbi. 8.

Ecclesi. 4.

Psal. 17.

PUNCTVM III. Considera Primò, qualis esse velis, & certò tibi persuade illud Psalmistæ, quòd cum bono bonus eris, & cum peruerso peruerteris: serpunt enim, vt Seneca,

neca, vitia, & in proximum quemque transfiliunt, & con- *Seneca.*
tactu nocent, luadetque in amicorum legendis ingenijs
dandam prouidè esse operam, vt quàm minimè inquina-
tos assumamus. Ratio manifesta est: amicitia enim nos al-
teri coniungit, vti & familiaritas, immò facit idem velle
& nolle (ea enim amicitia sola est) atque adeò anima quæ
amat, magis in eo est quem amat quàm vbi animat; vt
mirum non sit talem esse quemque, quales ij cum quibus
versatur. Vnde veteri prouerbio: Pares cum paribus ferè
sociantur. vti enim similitudo morum amicitiam parit,
ita vicissim morum similitudinem amicitia facit. Consi-
dera Secundo, quæ vitia in animo, immò etiam corpore
habeas; & si diligenter obserues, ijsdem aspersos videbis,
quibuscum aut consuetudinem habuisti, aut etiamnum
habes. Statue proinde, si bonus esse velis, bonos amicos
& familiares eligere. Prima autem lex sit in hoc delectu,
vt, si non optimos, saltem, vt dixi, quàm minimè malos
eligas, & virtute præditos. Nihil enim stultius, ait Cicero, *Cicero.*
quàm equum, famulos, domum optimam parare, & non
amicos, à quibus salus nostra pendet vniuersa. ideoque
idem Cicero toto propè libro disputat, amicitiam non
nisi inter bonos esse posse, nec amicum alterum ab altero
nisi honestum petere debere. virtutum enim amicitia
adiutrix data est, non vitiorum comes: vt, quoniam soli-
taria non posset virtus ad ea quæ summa sunt peruenire,
coniuncta & sociata cum altera perueniret. Quare cum
amicitia hoc spectet vnum, vt amici auxilio ad virtutem
perueniamus, illius, in delectu amicorum primùm est ha-
benda ratio: considerandi mores, quid ex hoc, quid ex il-
lo virtutis discere, quid sapientiæ possis. Scito autem, eli-
gendos in primis esse qui in Deum verè pij: hæc enim vir-
tus præcipua est, quæque vna si desit, cæteræ virtutis no-
men obtinere non possunt. Immò age; vis explorare qua-
lis tibi sit amicus futurus, an fidelis, an sincerus, an bo-
nus; vide qualiter se erga Deum gerat, cui tot nominibus
est

Eccli 6.

Ibid.

August. E-
pist. 25. ad
Maced.

est obstrictus. Infamia est eum sperare tibi fore amicum, nisi fortè mensæ & ollarem, qui Deo suo & Patri & Redemptori, vitâ improbâ & luxuriosâ, infidelis est; & ut esset fidelis tibi secundum sæculum, fieri non posset quin in eadem te vitia consuetudine suâ traheret. Hæc igitur attende in amicis deligendis, nihilque tibi pluris sit fideli & probo. Nam, ut Sapiens, amico fideli nulla est comparatio, & non est digna ponderatio auri & argenti contra bonitatem fidei illius. & rursus: Amicus fidelis medicamentum vitæ & immortalitatis: qui metuunt Dominum, inuenient eum. fatuo autem (ut Scriptura) non erit amicus, & non erit gratia in bonis illius: qui enim edunt panem illius, falsæ linguæ sunt; quoties & quantum iridebunt eum? Nemo enim potest, ait Augustinus, veraciter amicus esse hominis, nisi fuerit ipsius primitus veritatis; quod si gratis non fiat, nullo fieri pacto potest.

Oratio pro amicitia fideli & vera consequenda.

Ioan. 13.

Marc. 12.

Ephes. 3.

Dixisti, Domine, quòd in hoc cognoscent omnes discipulos tuos, si dilectionem habuerint ad inuicem, nihilq; tibi gratius est verâ charitate atque amicitia. immò diligere proximum tamquam se, maius est omnibus holocaustis & sacrificijs. nihil etiam vtilius homini, quàm si sit in charitate radictus & fundatus, ut possit comprehendere cum omnibus Sanctis, quæ sit latitudo, longitudo, sublimitas & profundum, utq; tibi seruire possint omnes humero vno. omnis enim amicitia nostra ad hoc dirigi debet, ut amici tui simus. si quis aliud à me postulat, anathema mihi est: tuus enim sum ego, & iustificationes tuas quesui in toto corde meo. Magna certè foret & ter maxima dementia, amicum fieri hominis & mundi huius, & inimicum tuum constitui. quid enim tribuere, aut veri solatij, aut subsidij potest quispiam, nisi tu dederis ei? Ideoque iusto tuo iudicio,

dicio, Deus meus, fieri videmus, vt quos charitas non coniungit
 sed vanitas; non tui amor, sed mundi, perseverare in amicitia
 nequeant; immò nullos magis experiantur aduersarios, quàm
 illos, quos non propter te dilexerunt: vt omnino attendere oporteat
 eos ad monitum illud Propheta tui, Vnusquisque se à proximo suo
 custodiat, & in omni fratre suo non habeat fiduciam; quia omnis
 frater supplantans supplantabit, & omnis amicus fraudulentem
 incedet, & vir fratrem suum deridebit, & veritatem non loquetur.
 Exclamat illa, Filij matris meae pugnaverunt contra me. monebat alter,
 Noli credere amico, noli confidere in duce. Concede ergo mihi,
 Deus meus, in via hac, vt tales peregrinationis socios acquiram
 qui non retardent iter meum ad te; sed qui, si cecidero, fulcire me possint,
 si aeger fuero, recreare. Amicus enim fidelis medicamentum vitae
 & immortalitatis; & qui metuent te, Domine, inuenient illum.
 Da mihi vt inueniam, vt inuentum seruare possim, omnibus placere in bonum,
 omnes beneuolentiâ sic contingere mihi, vt vnum simus tecum, sit nobis
 cor vnum, & anima vna, & spiritus vnus, quò idem sentiamus,
 dicamus, idem velimus. velle enim & nolle idem, amicitia est:
 id autem erit, si nihil velimus, nisi vt fiat sancta voluntas tua,
 beneplacens & perfecta, & amici optemus fieri tui, in quo vno
 omnia habentes, quid nobis est in calo, & à te quid velle possumus
 super terram!

Ierem. 9.

Cantic. 1.

Ecclef. 4.

Eccli. 6.

Rom. 12.

Psal. 72.

Praxis in sinceris amicis deligendis.

Prima. Setiò circumspicere qui in amicos tibi deligendi sint,
 ac primò quidem, vt dixi, probi sint oportet. Secundò, firmi
 ac stabiles; vitiosi autem eiusmodi numquam esse possunt: stultus
 enim, & peccator, vt luna mutantur. Sustine itaque, ait Cicero,
 consilio cursum beneuolentiæ, & amicos tenta, priusquam
 in amicitiam recipias perfectam. Si possides amicum, ait Sapiens,
 in tentatione posside eum, & ne faciliè credas ei. Terriò,
 eligendi fideles: cum illis enim vti nobis loquendum, ita & agendum
 sapientes censent. Mulierosi igitur, & ebriosi, & detractores
 idonei non sunt: horum enim multiplex ingenium, &

Eccli. 27.

Cicero.

Eccli. 6.

tor-

tortuosum, fidum esse non solet. Quarto, eligendi qui vtilitatis suæ causâ amicitiam non ambiunt, sed honestatis; illi enim instabiles fortunam sequentur; quæ si fauerit, multi numerantur. Quinto, eligendi humiles, non fastuosi, non detractores. nam inter superbos semper iurgia & æmulatio: maledicus verò, & grauis aliorum censet, præterquam quodd manifestè arrogantiam fateatur, mordebit te vt coluber in occulto. Quid enim? illum qui pro proximo debet animam ponere, & multis plurimum debet, ac nihilominus detrahit, eosque contemnit: tu cum fidū putabis? Canis macello assuetus, vbi occasio datur, ad ingenium redit, nec parcat heri sui carnibus; nec maledicus & susurro amico suo. Ad quod appositè Bernardus: Ergo, inquit, in hoc sensu puto appositum, Recti diligunt te. Nec absurdè, vt æstimo, cum vbiq; panē in choro adolescentularum tales inueniam, quæ acta sponsæ curiosè obseruent; derogandi non imitandi causâ; torquentur in bonis sensorum suorum, malis pascuntur. Videas ambulare seorsum, conuenire sibi & sedere pariter, moxque laxare procaces linguas in detestandum susurrium. Vna vni coniungitur, nec spiraculum incedit in eis: tanta est libido detrahendi, audiendive detrahentem. Ineunt familiaritatem ad maledicendum, concordēs ad discordiam: conciliant inter se inimicissimas amicitias, & pari consentaneæ malignitatis affectu celebratur odiosa collatio. Haud secus egere quondā Herodes & Pilatus, de quibus narrat Euangelium, quia facti sunt amici in illa die, hoc est, in die Dominicæ passionis. Conuenientibus sic in vnum non est Dominicam cœnam manducare, sed magis propinare & bibere calicem dæmoniorum; dum importantibus linguis alienæ perditionis virus, aliorum aures intrantem mortem libenter excipiunt. Sic quippe, iuxta Prophetam, intrat mors per fenestras nostras, cum prurientes auribus & oribus, lethale poculum detractionis inuicem nobis ministrare contendimus. Non veniat anima mea in concilio detrahentium, quoniam Deus odit eos, dicente Apostolo, Detractores Deo odibiles.

Secunda. Obserua, quod si iam aliquos habeas amicos non bonos, dissuendam potius, quam discindendam amicitiam. ad omnes quidem beneuolos semper esse licet, & conuenit; sed in familiaritatem, & crebrum colloquium; non nisi bonos admittere: qui secus facit, nec animæ suæ consulit, nec famæ, cum quisque talis meritò habeatur, quales ij quorum consuetudine delectatur. Qui timet Deum, ait Sapiens, æquē habebit amicitiam bonam: quoniam secundum illum erit amicus illius. Aduerte tamen, vitia ac defectus, sine quibus nemo viuit, esse dissimulandos.

Bern. serm.
24. in Cant.

Rom. 1.

Eccli 6.

dos. Amici, dicitur, vitia noueris, non oderis. Et quæ viderunt oculi tui, ne proferas in iurgio, ne postea emendare non possis, cum de honestaueris amicum tuum. a suspitione maxime caue, illa enim amicitia venenum est.

Prou. 25.

Tertia. Aduerte etiam, amicitiam exigere, vt proximi quis bona, quibus potest & licet modis, promoueat: proinde seridè stude illius commodis ac profectur. Deinde verbis dulcedinem præfer. Verbum enim dulce multiplicat amicos, & mitigat inimicos. Et sicut mittens lapidem in volatilia, deijcet illa: he & qui conuitiatur amico, dissoluit amicitiam. Ad amicum etsi produxeris gladium, non desperes: est enim regressus. Ad amicum si aperueris os triste, ne timeas: est enim concordatio, excepto conuitio, & improprio, & superbiâ, & mysterij reuelatione, & plagâ dolosâ, in his omnibus effugiet amicus. Quis infert plagam dolosam, nisi qui denudat arcana, & amici fidem perdit? & non inueniet amicum ad animum suum. Denudare amici mysteria, desperatio est animæ infelicitis. Audisti ergo verbum aduersus proximum tuum? commoriatur in te, fidens quoniam non te dirumpet. Præterea corripe amicum, ne fortè non intelligat te, & dicat, Non feci, aut si fecerit, ne iterum addat facere. Postremò, in angustiis eum ne deseras, sed fidem posside cum amico in paupertate illius, vt in bonis illius lateris. In tēpore tribulationis illius permane illi, fidelis vt in hereditate illius coheres sis. Multi colunt personam potentis, & est amicus secundum tempus suum, & nō permanebit in die tribulationis. tu autem ne derelinquas amicum antiquum, nouus enim non erit similis illi.

Eccli 6.

Eccli 22.

Eccli 27.

Eccli 19.

Eccli 22.

Prou 19.

Eccli 6.

Eccli 9.

IACULATORIÆ.

ERipe me Domine ab homine malo, & ab iniquo & doloso eripe me. *Psalm. 139.*

Eripe me de operantibus iniquitatem, & de viris sanguinum salua me. *Psalm. 58.*

Eripe me de inimicis meis, Deus meus, & ab insurgentibus in me, libera me. *Ibidem.*

Non adhasit mihi cor prauum, declinans a me malignum non cognoscebam. Detrahentem secretò proximo suo, hunc persequebar: superbo oculo, & insatiabili corde, cum hoc non edebam. *Psalm. 100.*

CAPVT XXII.

Meditatio de Familiæ delectu, atque eius gubernatione, magno in via Dei præsidio.

COMPOSITIO LOCI erit, considerare se stantem coram Deo, cui ille committat aliquot conseruos, ad hoc tamen, vt soli seruiant sibi.

Omnia potestatis à Deo.

PUNCTVM I. Considera Primò, omnem potestatem esse à Deo: nihil enim fortuitum in hoc mundo, sed ex certa scientia, potentia, opes, scientia (ob hæc enim alij alijs subiiciuntur) ab illo tributa sunt; quo verò fine? eo scilicet, quo Princeps committit cohortes ducibus suis, non vt contra se militent, sed vt pro se, etiam sacramento adacti; vtque sanguinem pro imperio, pro honore suo generose profundant, & ad hoc instituantur. vel eo, quo pater filijs pædagogos dat, qui eos instituant, & corrigant, ac ducant: hoc enim dominorum, hoc patrum familias, hoc eorum qui alios docent. Secundò, quomodo generosi viri studeant suis cohortibus præclara facinora facere, quanta gloria illis sit, ciuitates intercipere, hostes subigere. id applica familiæ, scholæ. Considera verò quos subditos habeas, & quantum, si velles, ad Dei gloriam ijs præstare posses. Quis nescit, aliquando vnum ludimagistrum corrumpere posse non vnam ciuitatem, sed prouinciam? similiter & iuuare, discipulis vt pietatis incentoribus summissis? quis nescit è famulis dominos, è mancipijs Reges, è discipulis ad omnes dignitates materiam præparari? Instituerè Ordinem, & formulam rectè viuendi tradere, multos eà ad virtutis perfectionem adducere, opus est grande; sed & per eum quasi Ordinem instituit Deus, per quem, seu dominum, seu herum, seu magistrum, plu-

plurimos ad pietatem promouet, spargitque in Republ. optima semina. Tertiò, quanta necessitas domino incumbat familiam sic ordinandi atque instituendi, vt Deo ac Domino nostro accepta sit, & militet, non hosti: etenim fideiussor est pro suis herus; & vñ, si negligentia tuâ, si exemplo, pereat filius tuus, seruus tuus & discipulus tuus, idemque discipulus Christi, seruus Christi, filius Dei: et si ipse ceteroquin bonus sis, innocens non eris; sed damaberis alienâ vitâ, qui absoluendus propriâ fueras. Nōne tibi potestas, domus, opes concessæ vt stipendium à Principe, vt tu Deo tuique seruiant?

PVNCTVM II. Considera esse necessarium, vt probi sint subditi, discipuli, delectum (qui in filios non cadit) vt boni eligantur, aut minimè mali. quis enim cum perduellibus ad bellum tendet? quis cū epibatis vitiosis & infirmis tempestuosum conscendet mare? Equidem famuli, discipuli, eidem naui tuæ impositi sunt, quasi in cohorte tua sunt, quâ aggrediendus tibi est hostis grauissimus diabolus: nōne enim militia est vita hominis super terram? vt Iob ait. qui verò commilitones, nisi famuli, discipuli, subditi? Vide ergo quā vtile ac necessarium sit delectum hunc facere. Omnem enim sæpè industriam ac robur vnus in militia Achan, qui turbauit tota castra Israël, *Iosue 7. Ion. 1.* inertem & inanem facit: propter vnum Ionam fugientem à facie Domini naufragium fit nisi eiiciatur: vnus in familia eam perdit, pietatem omnem ac vigilantiam heri eludit. Quantum in discrimen venit familia Iacob, ob deos alienos quos Rachel occultarat? Secundò, quia certissimum est, eum solum fidelem atque obsequiosum heromiori, qui magno sit Deo; domino conseruo, qui summo Regi; se pascenti, qui se creanti; se hīc remuneranti, qui largissimo remuneratori fidelis est. Tūne putares filium viri optimi tibi fore fidelem, qui patri esset infidelis & iniurius? Tūne putares tibi soluturum debitorem mille, cui minimo titulo obligatur ac spontaneo; qui ei,

Matt. II.

cui infinitis titulis obligatur, ne rem minimam restituere quidem velit? Tu in præceptis grauib; pariturum, qui Dei mandatis, quæ grauiæ non sunt, ipsius Veritatis ore, non obedit? Tertiò, quàm turpe te conseruum pacisci de obsequio tuo, dum seruum conducis, & de communis Domini seruitio minimè sollicitum esse? Tu dux cohortis es, exempli causâ, vis in verba tua iurare militem, & non Principis? Tu seruus Domini exercituum, missus vt operarios in vineam eius eligas, quorum præstes noxas; vide igitur an illi vtilis sint Domino. Procuratores; vide negotium geras non tuum, sed Domini tui. Vides viros in Repub. principes familias suas suo insignire colore, & gaudent ac volunt colore suo signari seruos suos, & pudete eos obligare, vt gerant signa summi Regis? Quartò, aduerte sapè vnum verè bonum toti familiæ salutem adferre, nonne propter Iacob domui Laban benedixit Dominus? propter Moysen domui Iethro?

*Genes 30.**Exod. 2.*

PUNCTVM III. Quomodo præterea ad familiam ordinandam necessarium sit eum qui præest præluce exemplo ac præire. quâ enim fronte hortabitur seruum ad Dei obsequium, qui efficaciter exemplo suo trahit ad dæmonis seruitium? Hinc Saul cùm electus est, dicitur non fuisse vir de filiis Israëli melior illo: ab humero & sursum eminebat super omnem populum. humerus fortitudinè, collum & guttur efficacitatem iubendi notat. Hinc Isaias ait: Princeps ea quæ digna sunt Principe cogitabit. Caput in statua Nabuchodonosoris erat aureum, ita familiæ sit oportet. Monstruosa certè res, vt Bern. gradus summus, & animus infimus; sedes prima, & vita ima; lingua magniloqua, & vita otiosa; sermo multus, & fructus nullus; vultus grauis, & actus leuis; ingens auctoritas, & nutans stabilitas. Et certè tristis res & lachrymis digna, quo maior aliquando quispiam est, eo minùs bonum; quo diuitijs potentior, eo vitijs infirmior; quo honore ac gloriâ apud homines illustrior, eo magis apud Deum vitâ ac mori-

*Isaia 32.**l. 2. Confid.
ad Eugen.*

moribus de decoris esse plenum. Ecce, cū paruulus esset in oculis suis Saul, caput in tribubus Israël factus est; exaltatus autem, in crassatus & dilatatus, recalcitrauit. *1. Reg. 15.* Secundo, sollicitudo Superioris magna requiritur ac vigilantia. nam velut speculator constitutus est in turri quisquis præest, & velut nauarchus ad clauum prospicere debet pericula. Si itaque claudis diligenter arcam pecuniæ aut arcem; longè potior tibi esse debet anima famuli, discipuli, subditi, pro qua rationem redditurus es. neque ita te excusa, Vnusquisque onus suum portabit; hoc onus *Galat. 6.* tuum est.

Oratio ad Deum pro se & familia.

Deus patrum meorum, & Domine misericordia, qui fecisti *Sap. 9.*
 Omnia verbo tuo, & sapientiâ tuâ constituisti hominem, vt dominaretur creatura, quæ à te facta est, vt disponat orbem terrarum in aequitate & iustitia, & in directione cordis iudiciū iudicet; da mihi sedium tuarum a se trice sapientiam, & noli me reprobare à pueris tuis, quoniam seruus tuus sum ego, & filius ancillæ tuæ, homo infirmus, & exigui temporis, & minor ad intellectum iudicij & legum. nam & si quis erit consummatus inter filios hominum, si ab illo abfuerit sapiētia tua, in nihilum computabitur. Mitte igitur illam de calis sanctis tuis, & à sede magnitudinis tuæ, vt mecum sit, & mecum laboret, vt sciam quid acceptum sit apud te. Scit enim illa omnia, & intelligit, & deducet me in operibus meis sobriè, & custodiet me in sua potentia. Et erunt accepta opera mea, & disponam populum tuum iuste, & ero dignus sedium patris mei. Quis enim hominum poterit scire consilium Dei? aut quis poterit cogitare quid velit Deus? cogitationes enim mortaliū timida, & incerta prouidentie nostræ. Corpus enim, quod corrumpitur, aggrauat animam, & terrena inhabitatio deprimat sensum multa cogitantem. & difficile est imamus, quæ in terra sunt; & quæ in prospectu sunt, inuenimus cum labore. Quæ autem in calis sunt, quis inuestigabit? Sensum autem tuum quis

sciet: nisi tu dederis sapientiam, & miseris Spiritum sanctum tuum de altissimis, & sic correctæ sint semitæ eorum, qui sunt in terris, & quæ tibi placent, didicerint homines: nam per sapientiam sanati sunt quicumque placuerunt tibi, Domine, à principio.

3. Reg. 3.
2. Paral. I.

Eia, quaeso, respice ad orationē serui tui, & preces eius; tu enim dedisti mihi has animas, ego autem sum puer paruulus ignorans egressum & introitum meum: dabis ergo seruo tuo cor docile, vt discernere possit inter bonum & malum. Da mihi sapientiam & intelligentiam, vt ingrediar & egrediar coram populo tuo; quis enim potest populum tuum dignè iudicare, nisi tu illi faueas, ipsūq; adiuues: vtinam omnia ossa mea dicant, Domine quis similis tu! vtinam omnes quos commisisti mihi, seruiant tibi in toto corde suo! etenim si neglexero, si perierint exemplo meo, sanguinem eorum de manu mea requires, & seueram rationem exiges in die furoris tui. Sunt enim filij tui, sunt pretium sanguinis tui, serui vel subditi, sed & conserui mei: & forsitan, quia humiliores, in æternum ipsi domini futuri, & ego seruus; ipsi primi, & ego nouissimus; ipsi principes in accubitu ad mensam tuā, & ego iubebor cum rubore nouissimū locū tenere. Peruigilo nunc ego qua-

3. Reg. 10.

sirationem pro anima redditurus; si lapsus quis fuerit, erit anima mea pro anima illius. Concede ergo mihi, Domine dominantium, stare super custodiam meam, vineam meam custodire, & sic aliis præsim, vt prodesse queam; sic præeam, vt ad te eos perducam, & paruus sim in oculis meis. si quis enim suorum, & maxime domesticorum, curam non habet, fidem, ait Apostolus, negauit, & est infideli deterior; & tu visitabis super omnem qui arroganter ingreditur. Hac igitur, dulcissime Iesu, subtilissima ars viuendi est, culmen tenere, & gloriā premere; esse quidem in potentia, sed

1. Tim. 5.

Greg. 26.

Mor. c. 19.

potentē se nescire; ad largienda bona potentem se cognoscere, ad rependenda noxia omne, quod potenter valet, ignorare. Sed, tu Domine, cuius solius magna potentia est, & à quo est omnis potestas, & omnis paternitas in calo & in terra nominatur, cæserua me, quoniam Deus meus es tu: conuerte eos quos dedisti mihi, vt non perdam ex iis quemquam, sed quarant nomen tuum & gloriam tuam,

tuam, & sciant quia tu es Dominus, & non est alius. Da in man-
 suetudine perficere opera mea, vt q̄ alter alterius onera portemus.
 Monuisti me, dicens, Diligenter agnosce vultum pecoris tui, tuos-
 que greges considera. Vtinam, Domine, fructum omnem, quem fa-
 cere possunt, sedulo colligam! vtinam omne quod eis nocere potest,
 studiose auertam! vtinam etiam anathema esse possem pro fratri-
 bus meis, vt cognoscant & diligant te! Venite, filij, audite me, ti-
 morem Domini docebo vos. Sperate in eo omnis congregatio popu-
 li, effundite coram illo corda vestra. Deus adiutor noster in ater-
 num, accedite ad eum & illuminamini, & facies vestrae non con-
 fundentur: apprehendite disciplinam, ne quando irascatur Do-
 minus, & pereatis de via iusta. Sed, tu Domine Deus, obsecro te per
 viscera misericordiae tuae, operi manuum tuarum porrige dexte-
 ram tuam, vt seruiamus tibi corde perfecto atque verissimo, o-
 mnibus diebus vita nostra. Amen.

Eccli. 3.

Galat. 6.

Prou. 27.

Rom. 9.

Psal. 33.

Psal. 61.

Psal. 33.

Praxis ad familiam ritè ordinandam.

PRima est, diligenter considerare & sæpe, quanti sit anima vna,
 & quibus modis domesticorum, & nobis commissorum ani-
 mas iuuare possimus, atque à Domino humiliter petere pro iis
 gratiam necessariam.

Secunda. Quoties in familiam aliquis admittendus est, pa-
 cisci cum illo de Dei obsequio perinde ac nostro, nimirū vt con-
 fiteatur & communicet saltē quolibet mense, ne nostri aman-
 tiores esse quā Domini nostri deprehendamus: quod si dysco-
 lus euadat, aliisque noxius sit, eliminandus est. Exemplum illu-
 stre tibi dabit S. Elzearius, de quo Surius in vita eius 27. Septem-
 birs: qui velut nouus paterfamilias, nouo quodam modo cœpit
 suæ familiæ præsidere, nouasque morum plantulas inferere, &
 transgressoribus pœnas proponere. Primò constituit, vt omnes è
 sua domo tam mares quā feminæ quotidie vt minimum Mis-
 sam vnā integrè audiant. Secundò, vt viuant castè & purè: qui
 secus facerent, eos suā domo expellebat: nolebat enim vt quis-
 quam pane suo vesceretur, quem sciret peccato mortifero im-
 plicatum, ne alios inficeret, & ne illius peccatum ipse fouere vi-
 deretur. Tertiò, vt nobiles & milites, itemque virgines & ma-
 tronæ, qualibet hebdomadā se mel confiteantur peccata sua, &

Surius.

singulis mensibus deuotè percipiant Eucharistiæ Sacramentum. **Quartò**, vt eadem virgines & matronæ manè vsque ad prandium precibus & pijs exercitijs vacent: à prandio manuarijs operibus sese occupent. **Quintò**, vt nemo ausus sit blasphemare Deum, sacrosanctam Virginem, vel aliquem Sanctorum: nec quisquam falsò iuret, aut vitiosè & leuiter absque causa, nec impudica vel inhonesta verba proferat. Sciebat enim ex Sapiente, in ortem & vitam esse in manibus linguæ: & ex Apostolo, corrumpere bonos mores colloquia praua. Huius constitutionis violatores hac ratione puniri voluit, vt vel toto prandio coram alijs sederent in terra, solò pane & aquâ contenti, vel toto die in cubiculo manerent inclusi communi cibo vefcentes. **Sextò**, vt nulli fas sit ludere tesseris, aut alio vti lusu illicito, turpi ac inhonesto. si quis contrà fecisset, grauis illum pœna manebat. **Septimò**, vt omnes è sua familia, pace, amicitia & concordia inter se fruantur, alius alium nō offendat, neque verbo, neque facto, si quid à quoquam aliter sit attentatum, mox cum offenso redeat in gratiā. atque vt id fieret, non mediocriter ipse dabat operam: reos autem pro ratione culpæ puniebat. **Octauò**, vt quotidie à prandio vel aliā horā vespertinā, nisi legitimum impedimentum inciderit, fiat aliqua collatio inter illos, ipso præsente, de verbis Domini pro animarum informatione. In eo autem colloquio, dum vnus aliquis loquitur, cæteri orent pro illo in cordibus suis, vt Deus illi subministret sermonem, ex quo omnes proficiant: nec quisquam audeat sic loquentis verba interrumpere, aut aliter impedire. id si quis non obseruet, à tam pio colloquio excludatur, donec emendatus ab alijs reuocetur.

Tertia. Ad orationem aliquam saltem vespertinam curare vt conueniant. quod S. Carolus Borromæus per totam diœcesim suam introduxit. idem est de lectione aliqua libri pij, vesperti, maximè dum familia conuenit, quod à multis vsurparur.

Quarta. Curare vt libri pii in manibus sint, & ad manum, & ad conciones, aliaque pietatis exercitia mittantur.

Quinta. Vt præmia pietati ac probitati tribuantur, atque adeò nihil quoad fieri potest, nisi eo fine concedatur, vt melior fiat qui accipit, ac corporalia accipiendo ad spiritualia inuitetur. idque quantum valeat in pueris, vix credi potest.

Sexta. In familia sunt liberi, sunt serui: liberorum verò habenda ratio maxima, vt bene educentur, videre, nōne qualis furculus, talis arbor? Educationis formā dedit Tobias: Honorem, ait, habebis matri tuæ omnibus diebus vitæ eius: memor enim esse debes,

Prov. 18.
1. Cor. 15.

Tob. 4.

debes, quæ & quanta pericula passa sit propter te in vtero suo. Cum aurem ipsa compleuerit tempus vitæ suæ, sepelias eam circa me. Omnibus autem diebus vitæ tuæ in mente habeto Deum, & caue ne aliquando peccato consentias, & prætermittas præcepta Domini Dei nostri. Ex substantia tua fac eleëmofynam, & noli auertere faciem tuam ab vilo paupere; ita enim fiet, vt nec à te auertatur facies Domini. Quo modo potueris, ita esto misericors. Si multum tibi fuerit, abundanter tribue, si exiguum tibi fuerit, etiam exiguum libenter impertiri stude. præmium enim bonum tibi thesaurizas in die necessitatis, quoniam eleëmofyna ab omni peccato & à morte liberat, & non patietur animam ire in tenebras. Fiducia magna erit coram summo Deo eleëmofyna omnibus facientibus eam. Attende tibi, fili mi, ab omni fornicatione, & præter vxorem tuam numquam patiaris crimen scire. Superbiam numquam in tuo sensu, aut in tuo verbo dominari permittas: in ipsa enim initiū sumpsit omnis perditio. Quicumque tibi aliquid operatus fuerit, statim ei mercedem restitue, & merces mercenarii tui apud te omnino non remaneat. Quod ab alio oderis fieri tibi, vide ne tu aliquando alteri facias. Panem tuum cum esurientibus & egenis cōmede, & de vestimentis tuis nudos tege. Panem tuum & vinum tuum super sepulturam iusti constitue, & noli ex eo manducare, & bibere cum peccatoribus. Consilium semper à sapiente perquire. Omni tēpore benedic Deū, & pete ab eo, vt vias tuas dirigat, & omnia consilia tua in ipso permaneant. Noli timere, fili mi; pauperem quidem vitā gerimus, sed multa bona habebimus si timuerimus Deum, & recesserimus ab omni peccato, & fecerimus benē.

Cauendum autem Primò vehementer, ne videant, aut audiant quod castimonix aduersetur. Quid? quodd Iuuenalis poëta etiam hoc monet diceñs:

*Nil dictu sedum visusq; hac limina tangat
Intra qua puer est; procul hinc, procul inde puella
Lenonum, & cantus perno. Tantis parasiti,
Maxima debetur puero reuerentia.*

A prima pueritia instillanda vita Christi & Sapientiæ æternæ dicta, de charitate, humilitate, patientia, liberalitate in pauperes. Nunc verò anilibus ferè (quod Plato vetabat) fabellis memoria paruulorum impletur; quanto satius vitæ Christi historia, maximè infantia! Beatus Hieronymus oprabat posse primam formare pueritiam, quem de hac egregiè differenter lege. Secundò, obseruandæ sunt puerorum inclinationes, & quibus recreentur, ac suauiter corrigendæ præmio proposito. Baleares

*Hieron. ep. ad
Latam.*

pueros suos, nisi fundâ suâ dextrê vñ fuissent, cibo priuabant, ita omnia, etiam necessaria, parentes pueris largiri possent, præmiiûq; virtutis alicuius aut honestatis statuere, vnâq; quod dicitur, fideliâ duos dealbare parietes. Tertiò, quanta sit iam cura adhibenda in nutricum corporis & animi, seu magistrorum delectu, omnino omnibus in confesso est. Vitia enim illorum in pueros certò deriuantur. Alexander, vt fertur, in Leonida præceptore incessum non sat commodum est imitatus: Nero à nutrice crudelis esse didicit. Videant omnes, qui præsumt aliis, & maximè magistri, quæ incumbat illis necessitas formandi suos mores ex virtute. Non poterit certè ebrietati deditus, luxuriæq; atque ambitionis mancipium magister esse humilitatis & temperantiæ. Videant sibi se non viuere, sed multis: vnoque suo defectu ac labe tot animas interire, quot habent sibi commissas. Nullæ charybdes aut syrtes iuuentuti maiores, quàm pædagogus vel magister, si ingenio magno sint & moribus improbis. Otium omnino à pueris arcendum est. idcirco ante omnia diuidere illis oportet tempus, ita vt in pietatis, ciuilis vitæ exercitia, & recreationes dispertiat.

IACVLATORIE.

Psal. 100.

Non habitabit in medio domus mea qui facit superbiam: qui loquitur iniqua, non direxit in conspectu oculorum meorum.

Psal. 30.

Diligite Dominum omnes sancti eius, quoniam veritatem requirit Dominus, & retribuet abundanter facientibus superbiam.

Ibidem.

Viriliter agite, & confortetur cor vestrum, omnes qui speratis in Domino.

Psal. 21.

Et anima mea illi viuet, & semen meum seruiet ipsi.

Psal. 33.

Time te Dominum omnes sancti eius, quoniam non est inopia timen-
tibus eum.

Tob. 4.

Pauperem quidem vitam gerimus, sed multa bona habebimus, si
timuerimus Deum.

Psal. 100.

Oculi mei ad fideles terra, vt sedeant mecum: ambulans in via im-
maculata hic mihi ministrabat.

Ibidem.

Non proponebam ante oculos meos rem iniustam, facientes prauari-
cationes oculi.

CAPVT XXIII.

Meditatio de Solitudinis bono.

PRÆLVDIVM I. Constitue te velut in deserto cum Domino IESV ieiunante, & orante.

PRÆLVDIVM II. ORATIO pro subiecta materia.

PVNCIVM I. Considera duplicem esse solitudinem; animi, & corporis. Animi (quæ ab omnibus haberi potest) solitudo ea vocatur, quâ homo mentem auocat subinde à rebus externis, & secum habitat, vt vulgò dici solet. *Seneca.* Se- cessi, aiebat quidam, non tantum ab hominibus, sed à rebus. Omnes enim vacant, qui volunt: neminem res sequuntur, ipsi illas amplectuntur, & argumentum felicitatis, occupationem esse putant. hac frui, etiam in turba quis potest. Ita videmus aliquos ea quæ præsentia sunt, nec videre, nec audire, nec gustare. Alia est corporis, quâ etiam corpore quis sese ab hominum separat consortio, id quæ ut animi sanctam solitudinem consequatur, eum- quæ à terrenis ad cælestia eleuet: iuxta illud, *Thren. 3.* Sedebit solitarius, & tacebit, quia leuauit super se. vide an hanc atque illam ames, & quantum de vtraque consecutus sis. Considera Secundò, quanti hanc mentis, vel animi Sancti fecerint. Quid enim aliud Ioannes Baptista in deserto, Pauli, Antonij, & tot Anachoretarum millia, fugâ mundi, & solitudinis amore testantur, quàm se Spiritus sancti vocem aure cordis audisse, quam Arsenius etiam corporis acceperat: Fuge, late, tace? Imò vix vllus Sancto- rum reperitur qui non huius amans fuerit. Intuere exem- *Marsh. 4.* plum IESV Christi, qui ductus fuit à Spiritu sancto in desertum post baptismum, & quadraginta dies in eo permansit, præterea pernoctabat in oratione, secedebat in montem ipse solus, & orabat, persæpè autem in montem Oli-

IOAN. 18.

Oliueti: sciebat enim, vt ait Ioannes, Iudas locum, quia frequenter IESVS conuenerat illuc cum discipulis suis. Sequere, imitare Dominum, & Sapientiam æternam. Considera Tertiò, quanta necessitas huius sit: etenim vti nulla negotia rectè in turba tractantur; ita minimè omnium quæ ad salutem pertinent. Si enim nemo scribit sapientiam, nisi in otio: nemo rem tractat grauem, nisi secretum petat, seque interpellari, aut strepitum fieri prohibeat, immò etiam in mensa, in ludo, in somno optata quies est: quid non debet facere salutis negotio is, qui eam amat? quid non pericula plurima efficere, & admonitio, & exemplum, & doctrina Domini IESV à te im-

MATT. 6.

trare? Audi eum monentē: Tu autem cum orare vis, intra in cubiculum tuum, & clauso ostio ora Patrem tuum in abscondito. Audi per Prophetam loquentem: Ducam eam ad solitudinem, & loquar ei ad cor; quasi in turba loqui non sit solitus, aut certè non ad cor, vt conuertatur. neque profectum etiam largitur, nisi ei qui secessu captato, & clauso ostio considerat semitas domus suæ. Non poterat mulier illa Elisæi alumna debita dissoluere, nisi domo clausa oleum in vasa vacua infunderet. ac sæpè obrui necesse est peccatis & debitis grauissimis hominem, nisi receptui aliquando canat. Hoc Dominus innuere visus Marci c. 6. cum discipulis in prædicatione occupationibus dixit: Venite seorsum in desertum locum, & requiescite pusillum. Idcirco sanctus Franciscus in montem Aluernum, B. P. Ignatius in Cassinum montem secedebat, S. Martinus quotannis mensem vnum, exclusis omnibus, ab vrbē in solitario loco animum viresque colligebat: idem S. Carolus Borromæus factitabat, alijsque Sanctis ferè omnibus commune est, & fuit. Hic expède, quo spiritu impulsī illi solitudinem amarunt, & quæsierunt, tantoque eam tempore incoluerunt: nōne sancto? proinde solitudinis horrorē à spiritu maligno esse scias. Vis igitur Deum tibi ad cor loqui? vis legem viuendi ac normam certam cum

OSCA 2.**4. REG. 4.**

Moysē

Moyse accipere? solitudinem pete. vis IESVM transfigurat-
tum videre, vis sponsum inuenire cum sponsa? egredere
in agrum, relinque turbas, non tam corpore, quam ani-
mo; corpore tamen etiam fuge, quantum vitæ tuæ ratio
permittit.

PVNCTVM II. Considera, vnde tam laudata solitudo
corporis. Nempe quia animum extra se positum, reuocat
ad se; & obsurdescentem, diuinis vocibus obaudien-
tem facit: ita vt quem antea non audierat, huius vocem
audire incipiat, & virtutis dulcedinem in fonte degusta-
re. E contrario vt musicæ in strepitu harmonia percipi
nequit, nec loquentis vox: ita neque sancti Spiritus inspi-
ratio, neque mentis gaudium absque solitudine potest
degustari: imò nec homo consideratè aliquid facere po-
test, nisi in ea. Quis pingere, scribere, discere valet in bo-
rio ac strepitoso foro? atque adeò nullum serium opus
absque solitudine fieri potest; neque corpus commoda,
neque anima quietem capere. ama igitur illam, & statue
audire Deum loquentem ad cor tuum. Considera præ-
terea quæ solitudinis sint ad salutem præsidia. Primò, is
qui intra eam se abdit, quia solatio hominū se priuat, diui-
num meretur; quanti autem illud meritò æstimetur per
se manifestum est. Deinde omnem ferè peccandi illece-
bram solitarius euadit. Imò quemadmodum curari pe-
ste infecti nequeunt, nisi à morbidis separentur; ita ani-
mus valere non potest, nisi separetur ab ijs qui animo
pestes circumferunt. Ideo quæ de se ait Propheta: Ecce e-
longaui fugiens, & mansi in solitudine. Solitudinem, aie-
bat Seneca, quærit, qui vult cum innocentibus viuere.
Quid ita? in primis, quia ibi linguâ offendere non potest:
qui autem linguâ non offendit, hic perfectus est vir.
quid? quòd etiam Philosophi proximum Deo putarunt,
qui silere nosset, & ad summam perfectionis breuilo-
quum. & rariloquum, & submissa voce loquentem re-
quirunt. Quoties, asserit quidam, inter homines fui, mi-
nor

Psalm. 54

Seneca.

Iacobus.

Seneca.

*Ambr. l. ii.
de Offic.*

nor homo redij. Silendi, ait Ambrosius, patientia, opportunitas loquendi, & contemptus diuitiarum, sunt maxima fundamenta virtutum. Adde, hominem ferè creaturæ amore in solitudine non inescari (minùs enim irritant lōgè posita, quàm quæ oculis subiecta sunt) atque adeò nec exemplo deprauari. vnde dicebat S. Antonius, Qui sedet in solitudine, & quiescit, à tribus malis eripitur, id est, auditus, locutionis & visionis. Et Arsenio dictum est, vt iam monui, Fuge, tace, quiesce; hæ enim sunt radices non peccandi. Ea de causâ monasteria petuntur, solitudines; Spiritu sancto instigante, quæruntur. ac licèt sæculares non possint pari passu ambulare, sæpè tamen aliquod tempus pietati ac lectioni piæ tribuere possunt: imò primum argumentum, cum Seneca, compositæ mentis in ijs existimo, posse secum consistere, secum morari. Certè conuersio, quam neque auditis concionibus atque adhortationibus impetrare à se homo potuit; diei authorarum aliquot secessu, ac consideratione non rarò ab eodem obtinetur.

*Seneca epist.
8.*

cap. 51.

In Psal. 127.

PUNCTVM III. Considera, quæ solitudo bona secum adferat. In hac enim homo ad se redit atque ad cor, suæque expendit & disponit prudenter, oculo mentis depurato; atque ita qui nihil videtur agere, maiora agit. Præterea hoc pacto aptus redditur Dei colloquio, illoque fruitur. Dic verò, nōne illud suauius quàm humanum arbitraris, cum illo inquam colloqui totius beatitudinis & bonitatis fonte, cui per orationem homo coniungitur, sed non nisi in solitudine? Vbi enim Eliæ, vbi Moyfi locutus Deus? nōne in deserto? vbi Christus manifestauit gloriam suam? nōne in solitudine? Quod per Isaiam dignatus est promittere, dicens, Ponet desertum eius quasi delicias, & solitudinem quasi hortum Domini. gaudium, & lætitia inuenietur in ea, gratiarum actio, & vox laudis. vnde verè, vt August. ait, dulciores sunt lacrymæ orantium, quàm gaudia theatrorū. Huc accedit sancto-

Etorū Patrum lectio, & quæ ex studio vniuersim hauritur
 voluptas. Vides quanta è solitudine bona: quàm hîc liber
 cæli aspectus, quàm iucundus terræ & terrenarum rerum
 despectus. in quo crebrò se exercere solitum scimus B.P.
 Ignatium, & suauissima cæli gaudia libantem, erumpere
 in has voces, Quàm sordet mihi terra, dum cælum aspi-
 cio! At quanto dulcius in solitudine, ac sancto otio post
 orationem, prata inambulare Scripturarum? & vt D. Hieron.
 pinguiſſimus est sermo diuinus omnes in se habens
 delicias: quidquid volueris ex diuino sermone nasci-
 tur. & rursus: Si quidquam est, quod in hac vita vi-
 rum sapientem teneat, & inter pressuras & turbi-
 nes mundi æquo animo manere persuadeat, id esse pri-
 mum reor meditationem, ac scientiam Scripturarum.
 Non igitur molestia solitudinis timenda est, maximè
 cùm Sapiens, vt idem Hieron. numquam solus esse pos-
 sit: habet enim secum omnes qui sunt, & qui sunt boni, &
 animum liberum quocumque vult profert & trans-
 fert, & quod corpore non potest, cogitatione comple-
 ctitur; & si hominum inopia fuerit, loquitur cum Deo.
 Numquam bonus solus erit. Denique videri certè po-
 test, neminem in terram sanctam veræ perfectionis, aut
 veræ beatitudinis peruenire, nisi per mare rubrum, id
 est Christi merita, & desertum, solitudinem saltem ani-
 mi, quæ ægrè nisi ea quæ corporis est aliquando cola-
 tur, acquiritur: hæc autem sine illa, nullius pretij est. nam
 quid prodest, ait Seneca, totius regionis silentium, si af-
 fectus fremant? Vtinam hæc consideraret maximè Reli-
 giosus, & delectaretur quiete potiùs, quàm concursa-
 tione, nisi quoties vrget charitas atque animarum ze-
 lus! Si enim SS. Patres, Pauli, Antonij, conuersationem
 hominum detrimentum spiritus sentiebant; quid accidet
 nobis miseris, si non zelo, sed vt tædium leuetur, solatio-
 la quærantur, otium sanctum & quies deseratur? O si sci-
 rent quantum in solitudine, silentio, colloquio cum san-
 ctis

*Hieron. su-
per illud
Psal. 147.
Et adipe.*

*super ep. ad
Ephes. l. i.*

*Contra Io-
uin.*

*Seneca e-
pist. 6.*

Etis Patribus, cum eruditissimis viris, cum Sapientia æterna capere possent solatium!

*Oratio pro solitudinis ac silentij virtute
impetranda.*

O Amator hominum, qui lucem habitas ab aeterno inaccessibilem, nemo te videre poterat, & viuere; quid ergo spei nobis reliquum erat inueniendi te? nihil certè, nisi esses dignatus propter nos descendere de throno regali, de celesti palatio in desertum istud, in terram horroris & vastæ solitudinis. Eramus enim sicut oves in montibus errantes sine pastore. Et quid faceres cui natura bonitas, cui viscera misericordiæ? Nõne orireris ex alto, vt populus qui sedebat in tenebris, videret lucem magnam? Et quorsum hæc? vt rediremus, & conuerteremur ad te pastorem animarum nostrarum, sequeremur te itinere tridui in solitudinem, & ibi nos mannâ pasceres corporis ac sanguinis tui; vt habitaret in solitudine iudicium, & esset opus iustitiæ pax, & cultus iustitiæ silentium, & securitas vsque in sempiternum. Dixerat Propheta tuus, Latabitur deserta & inuia, & exultabit solitudo, & florebit quasi lilium, germinans germinabit, & exultabit letabunda & laudans: gloria Libani data est ei: decor Carmeli & Saron, ipsi videbunt gloriam Domini, & decorem Dei nostri, tunc saliet sicut ceruus claudus, & aperta erit lingua mutorum, quia scissæ sunt in deserto aquæ, & torrentes in solitudine, & quæ erat arida, erit in stagnum, & sitiens in fontes aquarum. in cubilibus in quibus prius dracones habitabant, orietur viror calami & iunci. Quid ista sibi volunt, Deus meus, nisi in solitudine & non in turba exultare animam, & florere, germinare, & videre gloriam Domini? bibere aquas de fontibus tuis, ô Saluator mi, & aridam fieri in stagnum, & sitientem in fontes aquarum? qui enim bibit ex aqua quam dederis ei, flumina de ventre eius fluunt aquæ viuæ. Concede mihi ergo vt libenter de tot annis vitæ, tot mensibus, tot diebus decimas aliquas dem tibi, vt te sequar in solitudinem, & audiam quid loquaris

Isaïæ 32.

Isaïæ 35.

quaris in me : non enim habet amaritudinem conuersatio tua, & Sapiencia aeterna, sed magna est multitudo dulcedinis tuae, quam abscondisti timentibus te. vacare, & videre nos iubet quoniam tu Psal. 45.
 es Deus, id est, omne bonum, & abscondere diceris dilectos tuos in abscondito faciei tuae à conturbatione hominum. O vtinā delectet Psal. 30.
 me abscondi propter te, & libenter de tot diebus vanitatis vitae huius consecrem tibi & saluti meae pauculos in quiete & solitudine, vt audiam te loquentem ad cor meum: vt loquar tecum, & cum Sanctis tuis libentiùs quàm cum hominibus. Quis enim nouit sensum tuum, Domine, aut quis consiliarius tuus fuit? Incomprehensibilia sunt iudicia tua, & nescio quàm me viâ in patriam ducere decreueris. sed quid? inquietudo cordis corpus quiescere non finit, & fascinatio quaedam mentis nostrae: libet ire, videre, audire, & redeo vacans, quia non sunt ista, quae valent satiare me; lassus redeo, quia non est quies animae, nisi in te. Egredere igitur anima mea de terra tua, de cognatione tua, de domo patris tui: obliuiscere populum tuum, & domum patris tui, & concupiscet Rex decorem tuum. O anima sola esto, vt soli omnium serues te ipsam, Psal. 44.
 quem ex omnibus tibi elegisti. fuge publicum, fuge & ipsos domesticos, secede ab amicis & intimis, etiam ab illo qui tibi ministrat; secede, sed mente, non corpore; sed intentione, sed deuotione, sed spiritu. O quis mihi det vt inueniam te solam, dilecte animae meae, & quietem in te inueniam, & cesset turba cogitationum mearum, & in solitudine mea viror calami & iunci oriatur, & sedeam tecum in plenitudine pacis, mortuus sim, & vita mea abscondita cum Christo meo, in Deo meo, donec venias, & intro- Coloss. 3.
 ducas nos in amplissima celsipatia; voces in sortem Sanctorum, vbierit gaudium, & exultatio in saecula saeculorum! Amen.

Praxis ad solitudinis amorem ingenerandum.

Prima. Omni custodiâ, vt Scriptura monet, custodi cor tuum, Proverb. 4.
 & sensus corporis tui. vide vt tibi excubet ratio, ne in penetralia intrent hostes, pacemque turbent, & solitudinem cordis tui.

X

Sicut

Sicut enim vrbs patens, & absque murorum ambitu; sic vir qui non potest in loquendo, idem est in videndo, audiendo, cohibere spiritum suum. Merito idem comparatur horto absque sepe, de quo Eccles. Qui dissipat sepe, mordebit eum coluber, ille scilicet tortuosus, ac infernalis. vnde primum argumentū disciplinæ religiosæ, modestia ac solitudo, adeoque in vsu tempore B. P. Ignatij (vt ex iis qui cum eo erant intellexi) vt, cum magna hominum turba domi esset, nullus ibi crederetur. imò si quis strepitum faceret, ipse Generalis egrediebatur, & monebat grauius transeuntem: ita vt non nemo, quem noui, quoties ad cubiculū Beati viri transiturus accederet, manu prehenderet calceos, ne strepitum vel molestiam illi crearet. Hic est spiritus Sanctorum. qui aliter vadit, cadit potius quàm vadit, vt verbis Bernardi vtat.

Secunda. Quotidie saltem aliquod tempus tibi tribue, & salutis tuæ in remoto, quoad fieri potest, à strepitu loco. Sic sci- mus fecisse Thomam Morum, aliosque illustres sanctitate viros. quòd si domi nequeas, in religiosa domo, velut asylo, peritura vitæ partem aliquam decerpe, & otio tribue non otioso. Otium enim, vt Philosophus, sine litteris mors est, & viui hominis sepultura, additque, Nullus mihi per otium dies exit, partem noctis studiis vendico; non vaco somno, sed succumbo. Ecce vbi Gentilis, & idololatra: vbi nos?

Tertia. Quoties tibi licet, negotia tua in otio dispone, & considera in solitudine vias ac semitas domus tuæ. Nihil certè vtilius, quàm meditatè suaagere, & non fortuitò, vt etiam aliàs monui. Idèò negotium graue, aut iter, aut munus suscepturus, secede ad dies aliquot, atque imitare Dominum, qui priusquam prædicationem inchoaret, in deserto 40. dies in oratione ac ieiunio sese exercuit. Quin & Scipio Africanus dicere solitus erat, numquam se minùs otiosum esse, quàm cum esset otiosus; eò quòd in otio, de negotiis cogitaret.

Quarta. Sub festa solemnia more multorum, aut domi frequentius solitudinem cole; aut si eam ibi nancisci nequis, in domum aliquam religiosam, si potes, te abde. Atqui, inquires, non hæc sola ad salutem via. fateor. at tu securiorem ad opes, ad honores, ad gloriam, ac faciliorem negligas?

Quinta. Quamuis omnes, maximè tamen Religiosos, crebrò, imò quorannis dies aliquot animo colligendo dare conuenit; saltem ex mensibus singulis diem vnum, cum de Arsenio legamus eum quorhebdomadis id facere solitum. Illud tamen suadendum imprimis ei, qui de re graui, statu vitæ, vel simili delibe-

ratio-

tationem vult inire; vt Spiritus sancti instinctum audiat, & ab eo dirigatur, qui solus nouit vias hominum, & omnes incertas prudentias eorum suâ ac paternâ prudentiâ gubernare.

Sextò, quòd si solitudini plures dies tribuere nequis, vnum vt dixi saltem tibi sume, & animæ tuæ, qui tot corpori curâdo, eiusque exercitationibus impendis & mundi negotiis: vnum cum Christo, exemplo Apostolorum maneto, tamen præparatione antea præmissâ. Attende verò maximè, quot per Religionis ingressum mundum fugiant, & tamquam vnicam salutis viam illâ amplectantur. Cur te non mouent etiam pericula tua, vt saltem breui tempore eum fugias? vide etiam atque etiam, ne occasione huius negligas, ne serò æternum pœniteat. Ecce quot reos ad solitudinem carceres cogit: quot Principes, auctoritas: quot infirmos, necessitas. Attende etiam tu morbum tuum, exilium, carcerem, & solitudine te cura ac libera. Multis certè ea ita profuit, vt totam vitam emendarint, molestissimis scrupulorum vexationibus, imò tormentis se liberarint, de seipsis, quòd antea numquam potuerant, triumpharint, odium superarint, cum inimicis in gratiam redierint, ac singularia à Deo beneficia consecuti sint, &c. Sed quid hæc prosequor? toto orbe notissima Exercitia B. P. Ignatii, & fructus eorum, quos annales nostri diligenter enarrant. vt autem ad solitudinem istam Exercitiorum Religiosos inuitaret Summus Pontifex Paulus V. Indulgentiam plenariam illis qui in ea se exercerent, concessit.

Nota autem vniuersum hunc secessum sex capita, seu fines continere; Primò, confessionem generalem; Secundò, consultationem de rerum suarum dispositione; Tertiò, pœnitentiam de præterito; Quartò, decretum de instauratione crebra vitæ per recollectionem aliquam quothebdomadis; Quintò, similiter de statu finali, seu in quo statu, ac virtutis gradu mori velis; Sextò, ordinationem vitæ. Primò, quoad orationem; Secundò, mortificationem; Tertiò, temporis distributionem; Quartò, actionum quoad modum reformationem, & maximè quoad intentionem; Quintò, occasiones virtutis; Sextò, perfectionis studium. Neque enim solitudinem, aut Exercitia initurus præponere sibi debet altam contemplationem, sed sui cognitionem, & vitæ emendationem, ideoque ad ea præparatio optima, videre quis nos defectus magis remoretur, quæ passio perturbet, & ad hæc omnia dirigenda sunt. Huc pertinet quod S Bernardus ait, & primùm quidem *l. 1. de Consid.* ipsum fontem suum, id est mentem de qua oritur, purificat consideratio, deinde regit affectus, dirigit actus, corrigit excessus, componit mores, vitam honestat & ordinat, postremo diuinum pari-

ter & humanarum rerum scientiam confert. hæc est quæ confusa determinat, hiantia cogit, sparsa colligit, secreta rimatur, vera vestigat, verosimilia examinat, ficta & fucata explorat. Hæc est quæ agenda præordinat, acta recogitat, vt nihil in mente resideat, aut incorrectum, aut correctione egens. Hæc est quæ in prosperis aduersa præsentit, in aduersis quasi non sentit: quorum alterum fortitudinis, alterum prudentiæ est. tam pio otio, tamque vtili, nullam in vita operam dare, nonne vitam perdere est?

Septima. Quòd si neque oratione, neque lectione, neque concionibus audiendis iuuari te sentias, percunctare quæso ex te, an iuuari velis. nam si corpus frustra aliquibus remediis tentasses curare, & præstans suggereretur, idque sine noxa sumendum, plurimaque experiëntiâ probatum, nonne amplectereris? Applica simile istud animæ tuæ: & tenta hoc saluberrimum eius remedium. Secede, si potes, ad hebdomadas aliquot; si non potes, ad dies; si neque hoc, ad vnum: quòd si nec istud saluti animæ tuæ, tibi, Deo tribuere velis, horam continuis diebus aliquot, non audiendo professori, non mimo, non ludo, sed concede Deo loquenti in solitudine ad cor. Audi eum, & noli auertere aurem, obdurare cor: sed erubescere quòd libeat sæpè fabulis horas optimas tribuere; confabulari, donec hora, vt Bern. ait, prætereat, quam tibi ad pœnitentiã agendam, ad obtinendam veniam, ad quærendam gratiam, ad promerendam gloriam, misericordia conditoris indulerat; & non libeat horam vnã aut alterã quieti, solitudini, taciturnitati dare, è qua tot tantaque bona omnium sapiëntium iudicio, omnibus quidem, sed maxime Religioso proueniunt. Certum est sæpè vnã horã attentè & in quiete considerare, plus profuisse, quàm plurimas conciones in turba audiuisse. Vt appositè dixerit Seneca: Quid, ait, tibi præcipuè vitandum existimem, quæris? turbam. numquam illi tu te commiseris: numquam à turba mores, quos extruli, refero.

Octaua. Quemadmodum autem in omni virtute gradatim ascendendum est, ita & in hac. Assuesce igitur sensim, & coge te exiguo tempore in solitudine permanere, deinde illud protrahe, variaque præbe, sed sancta in quiete solatia: protrahe, inquam, v.g. ad honorem Beatæ Virginis ad quadrantem vnum atque alterum, vt solitudinis capiaris vsu & amore.

Nona. Solet in solitudine tædiũ nasci, quod magnum Antonium in suo tirocinio cœpit tentare: verum Angeli monitu edoctus est quã ratione illud leuaret, orationem cum manuum opere alternando: sic etiam & tu poteris variis exercitiis te occupare,

tridiumque leuare. Sunt autem illa. Primum, oratio vocalis, dispositis etiam subinde v. g. stationibus Urbis Romanæ; Secundum, mentalis, siue meditatio; Tertium, studium sacræ Scripturæ, quod D. Chrysost. etiam sæcularibus familiare esse cupit. Magna certè utilitas ex eo, vt suprà declaratum est. Experietur autem qui quotidie saltem vnum atque alterum caput, cū aliquo commentario perlegerit. Quartum, memoriæ exercitatio. Eius siquidem thesaurum quotidie augere vehemèter expedit, maxime sacræ Scripturæ sententiis, & Sanctorum. sunt enim & vitiorum antidota, & sincera mentis oblectatio. Quintum, lectio SS. Patrum; Sextum, studium Casuum conscientiarum; vt suis quis, ac deinde alienis vulneribus possit mederi. Ad quod, compendium eorum colligere iuuat. Septimum, lectio librorum piorum, qui de virtutibus & vitiis tractant; Octauum, studium sacræ ac profanæ historiæ, vnà cum chartis geographicis, atque ex his colligere exempla ad vitam bene instituendam; Nonum, Politicorum scriptorum cognitio, quæ si Christianâ pietate nitantur, magnum sunt ad gubernationem præsidium. Quemadmodum Machiavelli institutione certam esse reipub. perniciem omnibus manifestum est, qui Deum esse, ac mundum gubernare crediderint. Decimum, studium quo quis diligenter quærit praxes proximi iuuandi, dissidentes conciliandi, afflictos solandi, ac maxime omnium iuuandi morientes: tum enim de summa rei agitur, & de æternitate iacitur, vt ita dicam, alea. Sic sese ad conuersationem præparare, est magnâ parte bona opera in secreto informare. qui autem secus facit, magno labore, ac fructu exiguo operatur: vt is qui serram ad opus non parat, securim non acuit faber, viam viator priusquam in eam se det, non inquit, at fortuito aggreditur. Vndecimū, Philosophicam aliquâ quæstionem, aut Theologicam excutere; Duodecimum, naturalis historiæ, plantarum atque animalium peruestigatio: item Mathematicos & Astronomiæ. Lectio itē Poëtarum, aut scriptio aliqua. Postremò ad recreationem animi, pingere, fingere, tornare, fundere, vel simile aliquod exercitium elegantioris ingenij moderatè assumere, ita vt seria ac grauiora negotia non impediatur: ne Virgilij illo monito opus sit:

*Excudent alij spirantia mollius ara,
Orabunt causas melius, caliq; meatus
Describent radio, & surgentia sidera dicent.
Tu regere imperio populos, Romane, memento.
Ha tibi erunt artes, paci q; imponere morem.*

Quibus indicatur quemque muneri suo attendere in otio oportere,

tere, ac semper aliquid agere. Rectè enim ait Ennius in Iphigeni.
*Otio qui nescit vti plus negotij habet,
 Quàm cum est negotium in negotio.
 Nam cui quod agat, institutum est, nullo negotio
 Id agit, studet ibi, mentem atque animum oblectat suum.
 Otioso in otio animus nescit quid velit.*

IACVLATORIE.

Psal. 62.

Cant. 7.

Cant. 8.

Psal. 54.

Osee 2.

IN terra deserta, inuia & inaquosa; sic in sancto apparui tibi, vt
 viderem virtutem & gloriam tuam.
 Veni, dilecte mi, egrediamur in agrum, commoremur in villis.
 Quis mihi det te fratrem meum, vt inueniam te foris, & deosculer,
 & iam me nemo despiciat?
 Ecce elongaui fugiens, & mansi in solitudine.
 Duc me in solitudinem, Deus meus, & loquere ad cor meum.

CAPVT XXIV.

*Meditatio de Perseuerantia, singulari auxilio
 in via virtutis.*

COMPOSITIO LOCUS est, constituere se coram Christo
 crucifixo, qui vt omnia consummauit, ita illustre
 perseuerantiæ dedit exemplum.

ORATIO vt suprà.

*Quid sit
 perseueran-
 tia.*

Thom. 2.

Kempis l. 1.

c. 11.

PUNCTVM I. Considera quòd perseuerantia sit in ra-
 tione benè considerata stabilis ac perpetua permanſio,
 non obstante difficultate diuturnitatis. Percurre hîc pro-
 posita sancta tua, & vide quantâ, & quàm frequenti cõ-
 sideratione ea decreueris; quàm verò inconstanter ea
 persecutus sis: & si vel vnum vitium constanter quotan-
 nis conatus fuisses extirpare, quâtus modò fores! Secũ-
 dò, scias Deum vnumquemque vocare, non tantum ad
 statum

statum certum; sed certam viam, & semitam in hoc vel illo statu: quæ sunt exercitia aliqua, quibus si homo insisteret, ad perfectionem venire posset, & non aliter. (varia enim dona sunt, & diuisiones gratiarum, etsi vnus spiritus.) Hinc verò ferè esse principium apostasiæ, à fine & religiosa vocatione, quòd parua in speciem, re verò magna negligantur & interrumpantur exercitia, atque intercludatur fluxus diuinæ gratiæ. 1. Cor. 12.

PUNCTVM II. Considera necessitatem huius virtutis, etiam in paruis: qui enim perseuerauerit vsque in finem, hic saluus erit. Quod, etsi de finali in bono perseuerantia dictum; tamen ad alia pertinet exercitia: in quibus si inconstans fueris, finalem aliquâ etiam ratione perseuerantiam labefactas, cui vt calcaneo diabolus insidiatur. Deinde, vt Laurentius Iustinianus, virtus laudem nō meretur, nisi in ea viriliter perseueretur. Sicut non satisfacit, partem debiti soluens; nec qui partem itineris conficit, peruenit; nec qui partem stadij decurrit, brauium capit. Quid ergo hi faciunt? Labore sese fatigant prorsus inani, ac pleno insuper ignominiâ, defectu perseuerantiæ. Bonum enim inchoare, & malo fine concludere, quid aliud est quàm monstrosas res conficere? Illa enim actio quasi chimæra est, quæ initium quidem habet à ratione, sed finem à sensualitate. Prorsus absque perseuerantia, nec qui pugnat victoriam, nec palmam victor consequitur. Vigor virium, virtutum cōsummatio est (vt Bernard.) nutrix ad meritum, mediatrix ad præmium, soror ad patientiæ, constantiæ filia, amica pacis, amicitiarū nodus, vnanimitatis vinculum, propugnaculum sanctitatis. Tolle perseuerantiam, nec obsequium mercedem habet, nec beneficium gratiam, nec laudem fortitudo. Laur. Iust. de ligno vite, tract. de obed. c. vltimo. Aug. ser. 8. ad fratres in Eremo. Bern. epist. ad Iuuenes.

PUNCTVM III. Considera Primò, quàm turpe sit, instar arundinis vento agitatæ multa inchoare, nihil perficere: vt patet ex simili; si quis in vniuerso omnia inchoata videret. Secundò, quòd omnis labor irritus sit, &, vt ita di-

cam, impensa gratiæ perdita, dum semper struimus, & mox destituimus. Tertio, attende relabentem facere perinde, ac si proditor post veniam à Rege adoptatus, iterum incipiat rebellionem moliri, & Regis eadem: etenim peccator, culpâ mortali Christum sibi met crucifigere dicitur. Quamuis autem venialibus peccatis atque imperfectionibus Dominus Iesus non crucifigatur; tamen quia per illa ad mortale disponitur homo, eò quòd charitatis vigor sensim imminuatur, etiam ad illud facinus tendere videtur. Quarto considera, optimam vitæ rationem, constantiâ & consuetudine valdè facilem fieri; at contrâ, semper inchoantem, semper esse discenti similem, omniaque difficilia experiri. Igitur sic statue: Ecce stadium ingressus sum: quid ergo? cupiõne rapere brauium? si volo, vtrum præstat? vno mense vel altero strenuè laborare, & postea in summa quiete viuere; an semper in schola Christi discere, & numquam ad scientiam peruenire: semper serere, & non metere: fodere, & aquam non inuenire: ædificare, & numquam consummare, vt domo frui possim; sed iniurijs aëris expositum manere? Quinto, considera perpetuum, & sibi similem cælorum motum, anni tempestates, & cætera à creatore nostro, perpetuo quodam ordine ac modo gubernari: omnia in pondere, numero & mensura, etiam munitissima quæque esse facta, vt nos etiam accurati esse discamus, & ab omnibus creatis ad id inuitemur. talia commoda & incommoda constantiæ & inconstantia percurrere.

Pars secunda.

PVNCTVM IV. Considera, quid sit, quod in exercitio virtutis te inconstantem efficiat. Primò, est laboris fuga; sed si inspicias, illum hoc pacto eo plus auges, quo facilius domum conseruare, quàm ædificare; seruare sanitatem, quàm recuperare; cauere lapsum, quàm surgere. ergo vide, an præstet declinare paruum laborem, & grauem

uem admodum, ac intolerabilem propè, subire; vt inconstans facit. Vel Secundò, sit ob iudicia hominum, & sermones. O quæ dementia! aduerte eum, qui suadet vel cogit interrompere, grauissimè tibi nocere, quacumque specie id faciat, seu amici, seu aduersarij. quòd si verè talis non est, saltem ab aduersario tuo capitali diabolo subornatus est, vt in via deficias, ne ducem IESVM constanter sequaris, ac tandem, fractus molestiâ, ex paruo profectu nasci solitâ, ab eius sequela nauseabundus abscedas; nam qui contemnit modica, verè (vt Scriptura loquitur) paulatim decedit. Videtur huiusmodi perinde facere, ac si cataractam diu retentam, molæ verbi gratia vertendæ, sinat elabi. O quâto tempore ac labore opus est, vt cessatio parua compensetur! Simile idem habes in aliquibus opificibus, qui ignem perpetuum alere debent, quibus remissio parua, maxima iactura est, quos imitari diligentiam debemus, atque ignem semel accensum in altari animæ nostræ, vt olim præceptum fuit, semper fouere. *Leuit. 6.*

PUNCTUM V. Considera stultitiam eorum, qui perinde, vt Scripturæ verbis utar, ac luna mutantur, instabiles sunt, ac crebriò exercitia mutant. frustra enim hi ex præsumptione omnia ambiunt sæpè quæ audiunt, neque considerant vocationes varias, quodque vnusquisque donum habeat ex Deo, alius quidem sic, alius verò sic. *1. Cor. 7.* Laudet, ait Cassian. aliorum virtutes, ipse in sua pergat, *Coll. 14. c. 5.* etiam si vaccæ mugiant sensualitatis, improbitate laboris omnia superanda.

PUNCTUM VI. Considera Primò, quàm difficilis perseverantia, ac proinde verè gloriosa; multi enim vocati, pauci verò electi. Ex Saule exemplum pete, Salomone, Iuda, Nicolao Diacono, Tertulliano, & Origene, & tot quotidie Religiosis. Secundò, quàm studiosè eam Sancti coluerint, in eodem loco manentes, (nam, vt Climachus, qui faciles sunt ad mutationes locorum, improbi iudicantur) in magna austeritate diutissimè viuentes, castira-

Matt. 22.
Climach. grad. 3.

*Ang. lib. 8.
Confessio-
num.
Lucas 7.*

Philip. 4.

Matt. 12.

Hebr. 6.

te summa accipietate. Dic verò tibi cum Augustino, Tu non poteris quod isti, & istæ? Tertiò, quomodo Christus IESVS in finem perseuerauerit, dicens, Baptismo habeo baptizari, & quomodo coarctor, vsque dum perficiatur! Et rursus in cruce tibi dixit, Consummatum est. Quartò, considera aduersus pusillanimitatem providentiam Dei, & amorem erga nos; quodque in illo omnia possimus qui nos confortat. Attende verò in vitijs recidivam, ut in febris pessimam, fierique hominis illius novissima deteriora prioribus, iuxta Evangelicam parabolam. Namque ob ingratitude ex parte Dei, emendatio fit difficilior; & ex parte dæmonis, quia ille potentior; & ex parte peccatoris, quia debilior. vnde Paulus, Impossibile est eos, qui semel sunt illuminati, gustaverunt etiam donum cælestis, & prolapsi sunt, rursus renouari ad pœnitentiam.

Pars tertia.

PVNCTVM VII. Considera, quæ remedia hætenus adhibueris ad superandum te, vel virtutem acquirendam, quemque profectum feceris; si exiguum, cogita an illud per se remedium satis sit efficax, nec ne: si nō, & nihilominus aliud pigeat adhibere, ex te percontare num velis illam imperfectionem expugnare, aut perfectionem acquirere. Volo, ais; quare tibi ergo illudis? Quid enim: vel le tibi is videretur sanari qui remedia adhibita nouit minus sufficere, neque tamen alia quæ in manu habet usurpare vult, aut applicari permittit? cui talis imponit, nisi sibi, quasi velit, & imperitis? Dico verò mihi, si videres aliquem crebrò tentasse leuare graue pondus, aut promouere manu vnâ currum, vel boue vno aratrum trahere, neque posse; nollet tamen conatum maiorem, aut auxilia adhibere, illumne velle diceret? Adde, si quis foret, qui vellet quidem extructum ædificium, neque tamen materiam aut operas conquirere, manumque admouere studeret,

deret, nōne stultè eum agere meritò diceret? Id applica tibi, volenti turrim perfectionis ædificare. qua in re certè perinde est, aut nulla adferre, aut efficacia nolle media adhibere: imò præstaret omnino nihil tentare, quàm se frustra fatigare, vanaque sui complacentiâ, maiori periculo se exponere, ac lento labore velut igne frustra consumi.

PUNCTVM VIII. Cogita, Velego in hoc nunc superare me volo, vel numquam. Si volo, potiùs iam pergere constâter debeo, priusquàm in te pescat amor ac voluntas, & dū vita datur & occasio, dum vires animi corporisquæ magis integræ, minùs per torpedinem ac inconstantiam labefactatæ, minùs Deus à me offensus per eâ, à quo mihi omne auxilium meum. quorsum differo? nōne crescit passio dum negligitur? dilatione & interruptione, feruor caritatis minuitur? morbus grauior animi quo diutiùs in tepiditate manetur? Denique quid ex morâ vtilitatis?

PUNCTVM IX. Considera, in omnibus difficilibus virtutum exercitijs esse tria, quæ permouere te debeant. Primum, est necessitas durissimum telum, quæ hîc sine dubio inuenitur, cū salui omnino esse velimus. certum autem multos, eò quòd initio sese non superent, deficere primò à vocatione, deinde etiam salutis facere naufragium. Secundum, iucunditas, quæ partam sequitur victoriam: qui verò remisè agit, est frater opera sua dissipâtis, semperque laborat, ac de fructu manuum suarum minime comedit; contrà, qui semel virtutis molestiam vicit, perpetuò felix est & beatus. Tertius stimulus, est æterna gloriâ virtuti debita: ecce quàm multi, quàm fortiter in bello & alijs segerant filij sæculi pro vana, te verò quomodo non excitat æterna? quid non fecerunt Martyres cum Christo iam in cælistriumphantes? quomodo audebis cum illis & coram illis comparere, quos fortissima facta, durissima tolerata gloriosos efficiunt & coronant?

Proverb. 18.

Obsecro te, & moneo, qui hæc legis, vt qui Sodomam

re-

*Hieron.ep.
28 ad Lu-
cinium.*

reliquisti, ad mōtana festinās, post tergum ne respicias, ne aratri stituā, ne fimbriam Saluatoris, ne cincinnos eius noctis rore madefactos quos semel tenere cœpisti, aliquando dimittas: ne de tecto virtutum pristina quæsiturus vestimenta descendas, ne de agro reuertaris, domum: ne campestria cum Loth, & amœna hortorum diligas, quæ non irrigantur de cælo, vt terra sancta, sed de turbido flumine Iordanis, postquam dulces aquas, maris mortui commixtione mutauit. Cœpisse, multorum est; ad culmen peruenisse, paucorum.

*Aug. serm.
3. ad fratres
in Eremo.*

O fratres mei, non tædeat incipere magna, nec fastidio sit retinere inchoata, scientes quod perseverantia informat meritum, colorat bonum propositum, remunerat currentem, coronat pugnantem, ducit ad brauium, conducit cunctos ad portum: hæc est tunica talaris S. Ioseph, vsque ad finem contingens: hæc est tunica sacerdotalis, vsque ad pedes perueniens: hæc est cauda hostiæ, quam tenemur reddere Deo, & offerre: hæc est calca-neum bonæ operationis, quod contra serpentis morsum debemus obseruare: hæc est virtus, quæ Deum ligat, hæc est quæ omne bonum informat.

Oratio pro perseverantia in via virtutis.

O Rex regum, & Domine dominantium, cui seruire regnare est; quis mihi det, vt sincerè tibi ac perseveranter seruiam, & ostendam me verè ac sincerè seruum tuum, fortia agendo, & dura telerando: Ignis, crux, bestia, confractio ossium, membrorum diuisio, & totius corporis contritio, & tota tormenta diaboli in me veniant, tantum vt Christo suar, intonat generosus Martyr tuus Ignatius. Inclamat verò Apostolus: Quis nos separabit à charitate Christi, tribulatio? an angustia? an nuditas? an periculum? an persecutio? an gladius? certus sum, quia neque mors, neque vita, neque Angelus, neque principatus, neque virtutes, neque instantia, neque futura, neque fortitudo, neque altitudo, neque

*Epistola ad
Roman. &
refertur à
Hieron l
de Scripto-
ribus Ec-
clesiasticis.
Rom. 8.*

que profundum, neque creatura alia, poterit nos separare à charitate Dei, quæ est in Christo IESU Domino nostro. Me verò quæ non retardant, non propè separant à te Deus meus, nugæ nugarum, & vanitas vanitatum, ne perveniā ad te? pudet me ignavia mea pristina, & frigoris mei, ô ignis qui semper ardes, & numquam deficis. at ex nunc opto te, & maximos Martyres in rebus saltem parvis imitari, ego imbecillis servus tuus per gratiā tuam, vt placeam tibi Deo meo. Eruntne constantiores, fortiores ac prudentiores filij sæculi, mancipia diaboli, quàm servi tui? tolerabunt illi omnia pro supplicio, & ego nihil pro æterno premio? Sedulo illi facient omnia pro leone rugiente in suam perniciem, & ego pro te, amantissimo Patre, benignissimo Rege, Redemptore meo, durum quid arbitrabor, & retrò respiciam? O quàm vilis facta es anima mea, iterans vias tuas! Ecce, si quæ destruxi, iterū hic readifico; prævaricatorē me constituo. & si immundus spiritus exierit à te, & reuersus fuerit, erunt nouissima tua peiora prioribus. Teneamus ergo viā nostram, & si spiritus potestatem habens ascenderit super nos, ne dimittamus locum nostrum, ne deseramus Dominum nostrum. Væ enim his qui perdiderunt sustinentiā, & qui dereliquerunt vias rectas, & diuerterunt in vias prauas. Quid facietis cū inspiciere cœperit Deus? An ad hoc veni, ô IESU bone, vt ignauus sim miles in castris tuis? Ecce te præsentem vbique ac semper habeo, & à cruce per te missa, aut virtutis molestia fugitiuus & impatiens ero? te derelicto fonte aquæ viuæ, quaram cisternas quæ non valent continere aquas? seruiamne creaturæ potiùs quàm creatori? alterutrum eorum, & vel æterna, vel momentanea, eligere hodie debeo: nemo enim potiri vtrisque potest, nemo duobus seruire dominis. Elegisti verò me in seruum misericorditer, ideoq; per tuam gratiam adherere tibi nunc, & seruire volo perseueranter, nō demoni ac creaturæ. tolle me super altitudinem terra, sublimem super omnia creata, in vertice quodam me statue iuxta te, & nihil timebo, nihil cupiam, nihil detrectabo. tu enim virtus mea, & in te omnia collocata scio, & omne bonum esse meū; ergo propter te & in te transgrediar murum; in te omnia potero, quando me confortare dignaberis, attendam ad patrem qui genuit

Matth. 12.

Eccli. 2.

nuit me, attendam ad passionem tuam durissimā, & amoris plenissimam, quæ redemit me. quid est quod recusare possum dum hæc cogito? quid appetere vanum honorem, frustum terræ, vilem voluptatem, ex creatura solatium? & quid difficile arbitrari pro te potero? annevsque ad sanguinem restiti? aut vita periculo me pro amore tuo exposui, vt facit omnis miles, & mercator plurimus? & nonne sanguini tuo debetur meus? Quod si ita est, quomodo recusabo quamcumque, Domine I E S V, propter iustitiam & pietatis studium, persecutionem pati? absit vt vllum opus difficile existimem, vllum munus, officium, accusationem, cōtemptum. Ecce despicio libentissimè omnes potiùs vanissimos mundi honores, vt te constanter sequar, & aternos consequar. Vtinam habere omnia, & contemnere possem omnia, per gratiam tuam, pro te! Vtinam possem omnis creaturæ affectu, diligere te super omnia, momento vitæ huius! fortitudine Martyrum dura pati constanter, & constantiâ Confessorum, perscuerare in exercitio virtutum in finem, donec venias & assumas me ad te ipsum, donec sis omnia in omnibus!

Adesto Beatissima Virgo. Adeste mihi fortissimi athleta Martyres. Adeste Angeli, coram quibus hæc propono. Adiuvā me, ô I E S V, fortitudo mea, virtus mea, & gaudium meum, & timor meus, & omne bonum meum. Amen.

Praxis ad perseverandum in bene cœptis.

Eccles. 4.

Prima. A parvis incipere, & mordicus, vt sic loquar, seruire. Incredibile est, quanti hoc intersit; non multa, quod vulgè dici solet, amplecti; sed stringere pauca. Melior est enim pugilulus cum reque, & certa eius possessione, quàm manipuli.

Secunda. Diarium aliquod habere, & temporis distributionē, etiam scriptam (de quo infra) seu vitæ legem, quam tibi dicas ac statuas, quamque sequi velis.

Tertia. Vti aliàs dictum, triplici modo constantia in humanis acquiritur. Primo, ex amore rei alicuius quam prosequimur: idè magna opinio æstimatioq; esse debet virtutis ac perfectionis. Secundo, ex obligatione adiecta, vel promisso, vel voto, vel iuramento. Promittere Superiori possumus tot de hoste animæ victo-

viſtorias, vel familiari, & certare quaſi cum illo; uti & votum aliquod pœnale facere, vel certè ſeruerit ſibi ſi deliquerit ſtatuer ſpontaneam aliquam pœnitentiam. Tertio, offerendo Deo coram Ven. Euchariftia propoſitum aliquod quotidie.

Quarta. Offerre Angelo Cuſtodi, vel ſanctis patronis, viſtoriarum ſui certum numerum, neque quieſcere, donec eundem acquiſueris. Sunt qui gerant ſacrum habitum certo tempore, & piè quidem; vitiam nō veſtem ſolū corporis, ſed animæ quoque conarentur acquirere, pœnitentiā ſuſceptā, donec in hoc vel illo ſe ſuperaffent. Captiui alunt capillitium, obſeſſi continuant ieiunium, donec liberentur. quodd ſi & nos affiduā mortificatione imitaremur, euaderemus vitiorum tyrannidem atque captiuitatem.

Quinta. Perſectorum exempla ſibi proponere, ac magnanimitatem induere.

Sexta. Si quis aliquod exercitium anguſtiā temporis prohibeatur facere uti decreuerat, ſaltem breuiter id faciat; ſi verò omiſerit, repetat, ut habitus retineatur; imò ſuperaddat aliquid ut defectus compeaſetur, etiamſi nulla culpa interceſſerit.

IACVLATORIAE.

Confirma hoc, Deus, quod operatus es in nobis. à templo ſancto Pſal. 67.
tuo.

Dixiſti, Domine, Regum calorum vim patitur, & violenti rapiunt Matt. 16.
illud: dereliquerunt me vires meæ, adiuua me.

Fratres, ego me non arbitror comprehendiffe: Unum autem, quæ qui- Philip. 3.
dem retrò ſunt obliuiſcens, ad ea quæ priora ſunt extendens me
ipſum, ad deſtinatam perſequor, ad brauium ſuperna vocationis
Dei, in Chriſto I E S V.

Non quodd iam acceperim, aut iam perfectus ſim: ſequor autem ſi quo Ibid.
modo comprehendam, in quo & comprehenſus ſum à Chriſto I E S V.

Deus virtutum, conuertere, reſpice de calo, & viſita vineam iſtam, Pſal 79.
& perſice eam quam plantauit dextera tua.

CAPVT XXV.

Meditatio de Lectione pia, magno ad meditationem & perfectionem auxilio.

COMPOSITIO LOCUS erit, considerare Deum præsentem, & in mundi creatione thesauros potentia & sapientia, ac bonitatis suæ explicantem pro salute nostra.

ORATIO, pete à Deo, vt det tibi intellectum de lege sua.

PUNCTVM I. Considera quanta multitudo librorum toto orbe terrarum fuerit, videlicet propè infinita, & etiamnum sit: quid verò illis continetur, & contentum fuit? nisi artium & scientiarum explicatio, & humanæ industriæ, potentia & iustitiæ monumenta. Quorsum hæc? inspicere. Nōne cū omnia Deus operetur in omnibus, ipse instinctus illos dedit, & ad labores suffecit animos eis ac vires, vt illa salutis auxilia tibi, & singulis hominibus per scriptores illos tribueret, præteritarum inquam rerum memoriæ tibi & omnibus viuentibus præsentem eas facerent, & magnalia eius enarrarent. gratias ergo illi age. Deinde cū loco paruo, erga stulo huius corporis inclusi simus, & neque oculis, neque cogitatione longè prospicere possimus: vt ea quæ longè absunt coram essent, ipsæque pasci in alienis scriptis posses, & malis simul ac bonis euentis ad salutem iuuari: cū diligentibus Deum omnia cooperentur in bonum. Adde, vt quæ singulis Deus communicauit non ex vanitate, sed societatis humanæ iure, communia ea essent: & quidem non temerè pronuntiata, sed labore & meditatione multâ expolita. Vides quanta sit prouidentia Domini in librorum

rum scriptione, quàm suavis, quàm benigna? vtere igitur, & statue tantum beneficium non negligere. Quid enim hoc esset? præsidium certè ad salutem non exiguum contemnere, idque aut quia homo per se solum sapere se putat, quod extremæ est arrogantia; aut, quod non minoris dementia, quia sapientiam ac prudentiam discere, parui facit; aut certè quia tempus illi tribuere piget: enimuerò, si considerares, quanto suavius cum mortuis, quàm cum viuis esset colloquium, nec fabulas, nec ludum lectioni præponeres. illi enim iucundam tibi omnium temporum (& simul ferè) seriem repræsentarent, illi naturæ seu potius auctoris eius arcana patefacerent, illi gratiæ portentis in admirabilem diuinæ potentiæ abyssum considerationem deducerent.

PUNCTVM II. Considera quæ bona, quas pia lectio utilitates habeat. Primò, intellectum illuminat; Secundò, voluntatem accendit; Terriò, memoriam optimis imaginibus, id est, templum animæ nostræ exornat, vereque diuitem hominem facit. Nõne enim præstantiores opes rerum cognitio, quàm terræ, lapidum, &c. possessio? Intellectum dixi illuminare: videbis enim in ea, ex præteritis quæ tibi futura, quæ tibi prouida mente cauenda, te ibi in alio velut speculo, intuebere: te nosces, vt Gregor. l. 1. Moral. Hieron. verò epist. 43. ad virg. Demet. dicit, O primè vteris lectione diuinâ, si tibi eam adhibeas speculi vice. Erit tibi etiam pro concionatore, consiliario bono, admonitore qui liberè moneat, quod alij non audent. Denique poteris ex omnibus ad Dei cognitionem ascendere. Expende hæc, & non mirabere, si dæmon tanto conatu à bonorum librorum lectione adolescentes, viros, feminas, magnates diuertat, ne scilicet in bono opere se inspiciant, ad cor redeant, & ad Deum suum. Omnis enim scriptura diuinitus inspirata, utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei, ad omne opus bonum

Gregor.

Hieron.

1. Tim. 3.

instructus. Illud fateor quidem de sacra dictum esse, sed ad aliam etiam, quando bona est, potest transferri: nemo enim bonus, nisi solus Deus, & quæcumque bona & vtilia, ab eo sunt. Considera igitur illa verba, & vtilitates sacra Scripturæ expende, & quantum studium sit ponendum in ea. Est enim sacra Scriptura, Primò, lux & lucerna pedibus nostris. Lucerna, ait Dauid, pedibus meis verbum tuum. & Apostolus Petrus: Habemus firmiorem propheticum sermonem, cui benè facitis attendentes, quasi lucernæ lucenti in caliginoso loco, donec dies elucescat, & lucifer oriatur in cordibus nostris. Secundò, est hereditas à Deo nobis relicta: vnde dicebat Dauid, *Psal. 118.* Hereditate acquisiui testimonia tua, & diligebat ea super aurum & topazium. Tertiò, est via: quis autem peregrinus de ea sollicitus non est? Hæc est via, ait Isaias, ambulate in ea, & non declinetis neque ad dextram, neque ad sinistram. Quartò, quia spiritus & vita est in ijs (sic enim Dominus Ioannis 6. Verba mea, spiritus & vita sunt) & amoris incentiua. nōne, aiebant illi, cor nostrum ardens erat in nobis, dum loqueretur nobis in via, & aperiret nobis scripturas? Vis igitur viuere? vis spiritum ducere, attrahere salutarem? lege Scripturam. Lege, inquam, quia Deus ita mādauit. Primò enim iussit Prophetas, & viros sãctos scribere: illos expressè, hos sanctâ inspiratione: cū non alio fine, quàm studio proximum iuuandi, ad id animum appulerint. Sic Moyſi dixit: Scribe hoc, ob monumentū in libro. Ieremiæ: Tolle volumen libri, & scribes in eo omnia verba quæ locutus sum. S. Ioanni, Scribe ergo quæ vidisti. & alibi sepe. Secundò, mandauit legi publicè. Cōuenientibus cunctis ex Israël, leges verba legis huius coram omni populo Israël congregato, tam viris, quàm mulieribus, paruulis, & aduenis. sed nouissimè mandauit per filium, Scrutamini, ait, scripturas. Nec solū communiter, sed etiā priuatim lectio cōmendata: & Primò, Regibus ac Principibus. Postquam, ait Dominus, sederit in solio regni

regni sui, describet sibi Deuteronomium legis huius in volumine, accipiens exemplar à sacerdotibus Leuiticæ tribus; & habebit secum, legetque illud omnibus diebus vitæ suæ, vt discat timere Dominum Deum suum, & custodire verba, & cæremonias eius. Et Iosue 1. Non recedet volumen legis huius ab ore tuo, sed meditaberis in eo cunctis diebus ac noctibus, vt custodias, & facias omnia quæ scripta sunt in eo: tunc diriges viam tuam, & intelliges eam. Et rursus: Ponite hæc verba in cordibus, & in animis vestris, & suspendite ea pro signis in manibus, & inter oculos vestros collocare. Vides quo studio Dominus legi Scripturas velit. Nunc attende: si tu magno studio, & amore ac labore dictasses epistolam ad amicum vt eum moneres de periculis maximis, & ille negligeret: quid si filio, si seruo mandata scripsisses, & ipse legere contemneret, & simul tuam negligeret curare hereditatem; quàm ægrè id ferres? At Deus, Rex regum per filium suum tibi misit sacras Litteras: dictauit, eructauit abscondita à constitutione mundi; & vix aspicere libet? Audi igitur quisquis es: & si libet epistolas legere amici, procuratoris, & vilissimorum hominum, non pigeat legere Dei, sed accuratè lege, quarum iota vnum, aut vnus apex non præteribit, donec omnia fiant. Libet legere gesta hominum? ecce Dei hîc sunt. verba eorum? hîc Dei sunt. prudentiam eorum? hîc Dei sapientia est. bella eorum? hîc de tuis cum dæmone instrueris. remedia malorum temporalium? hîc habes & simul æternorum.

Iosue 1.

PUNCTVM III. Considera Primò illa verba: Non in solo pane viuit homo, sed in omni verbo, quod procedit de ore Dei; & lectionem cibum esse animæ discite. Secundò, esse velut manna, omne delectamentum & omnis saporis suauitatem in se habens, deseruiens vniui cuiusque voluptati: quanto igitur studio manè illud colligere deberemus, eoque vesci! Verè enim dixit Hugo: Sacra Scri-

Matth. 4.

Deut. 8.

Sap. 16.

Hugo de
arca Noë.

*Idem l. de
anima.*

ptura est liber vitæ, cuius origo æterna, cuius incorporalis
essentia, cuius cognitio vita, cuius scriptura indelebilis,
cuius inspectus desiderabilis, cuius doctrina facilis, cuius
scientia dulcis, cuius profunditas inscrutabilis, cuius
verba innumerabilia, & vnum tantum, verbum omnia.
Nihil in hac vita dulcius sentitur, nihil auidius sumitur,
nihil ita mentem ab amore mundi separat, nihil sic ani-
mum contra tentationes roborat, nihil ita excitat & ad-
iuuat ad omne opus, & ad omnem laborem, sicut studiū
sacræ Scripturæ. Etenim in ea quidquid docetur, veritas;
quidquid præcipitur, bonitas; quidquid promittitur, fe-
licitas est. Nam Deus veritas est sine fallacia, bonitas sine
malitia, felicitas sine miseria. Idcirco quod Aristoteles de
Philosophia, de hac vna verè dici potest: Qui voluptate,
ait, frui, & tristitiā carere velit, nullum aliud esse remediū
quàm Philosophiam: eius enim multas & magnas esse
delectationes, certum est. Quid igitur iuuat, quid pro-
dest, in mundanis proficere doctrinis, & inanescere in di-
uinis? caduca sequi figmenta, & cælestia fastidire myste-
ria? Considera Tertiū, hoc esse vnum, inter præcipua salu-
tis media. Sic Augustino vt conuerteretur cælitus incla-
matū: Tolle, lege; tolle, lege; legit, & intellexit viā man-
datorum Domini. Sic illi, apud eundem, Nobiles cū B.
Antonij vitam legerent, conuersi, à sponsis, à sæculo ad
Religionem perducti fuere: sic B. P. Ignatius. Sic Eunu-
chus legit Isaiam, missusque ei Philippus interpret. Con-
sidera igitur, Deum quasi carmine, vt sic loquar, inuitari,
quoties de eo sermonem legimus, aut facimus. Aduolat
ille amator hominum, benignissimus IESVS, vbi duo cō-
gregati sunt in nomine ipsius: saltem corpus, & anima.
Quartū, præterea est velut epistola amatoria Dei ad ani-
mam; & quomodo poteris despicere eam? August. ait,
Diuinæ Scripturæ, quasi litteræ de patria nostra sunt. Imò
verò, quotquot libri, veræ sunt epistolæ: quibus innu-
meris modis suam Deus tibi, vt eum ames, declarat

*Aug. serm.
56. ad Fra-
tres.*

potentiam, sapientiam & bonitatem. O quanta dignatio! quantus amor Dei nostri! O Domine, quid est homo, quod memor es eius; aut filius hominis, quoniam reputas eum? Tenenti ergo codicem, ait Hieron. somnus *Hieron.* obrepit, & cadentem faciem pagina sancta suscipiat. Quintò, est etiam cum Deo colloquium. Cur non, ait Ambros. illa tempora, quibus ab Ecclesia vacas, lectioni *Ambr. l. 1. Offic. c. 20.* impendas? cur non Christum reuisas? Christum alloquaris? Christum audias? Illum alloquimur, cum oramus; illum audimus, cum diuina legimus oracula.

Oratio post lectionem.

IN capite libri huius scriptum est de me, vt facerem voluntatem *Psal. 39.* tuam, Deus meus volui, & legem tuam in medio cordis mei. *Psal. 118.* Concupiuit anima mea desiderare iustificationes tuas in omni tempore. cognoui enim, Domine, quia aequitas iudicia tua; sed cum non simus sufficientes aliquid facere vt oportet ex nobis, da mihi gratiam, vt quod scio & desidero, faciam ad gloriam magni nominis tui. Amen.

Praxis ad librum spiritualem legendum.

PRima. Cura pios ac bonos libros, & libellos comparari, imò pro munusculis distribue. De Alexandro legitur quod Darij myrothecium pretiosissimum dederit Homero seruando, eumq; secum tulerit semper, sub ceruice habuerit dormiens, vt euigilans ad manum eundem haberet. O quantum confundit huius diligentia in re vana, nostram in salutis negotio inertiam! S. Chrysost. verò de Eunuchò Candacis Reginae, quod ad rem nostram *Chrys. 35. hom. in Genes.* facit, loquens, Ecce, ait, hic Eunuchus, & Barbarus erat: quæ utraque ad legendum negligentiores vt redderent sufficiebant, & ad hæc dignitatis amplitudo, & opum abundantia: adde, quod & in itinere erat, & curru ferebatur: attamen desiderium & ingens studium, omnia obstacula è medio auferens, in lectione retinebat.

Secunda. Statue tibi certum tempus, quocumque in statu sis legendi quotidie aliquid ad salutem tuam: neque perisse illud arbitrabere. si quæ dicta sunt, expenderis. Hoc in omni ordine bene ordinato seruatur. Imò etiam si paterfamilias es, curâ communiter familiæ comodo tempore aliquid legi. Poteris etiâ facere, vt ex lectione priuata, quilibet aliquid in cômune post mensam proferat, vt in Gallia à viris etiam principibus fieri solet. Vtinam & in omni Religione, in quibus Scripturæ ferculum ferè super mensam proponitur, imò & eius explicatio: vtinam, inquam, de parte aliqua sermo post eam institueretur! sanè suauissimus fructus atque vtilissimus illius exercitationis foret.

*Bern. in epist.
ad Fratres.*

Tertia. Inter legendum fac quod monet S Bernardus. Hauriendus est sæpe, ait, lectionis seriæ affectus, & formanda oratio, quæ lectionem interrumpat, & non tam impediât interrompendo, quam puriorem continuò animum ad intelligentiam lectionis restituat. Idem monet D. Vincentius, & quod vulgò dici solet, faciendum est vt columbæ, vt gallinæ, quæ post singula propè grana sursum respiciunt. Imò ei qui meditari, aut orare nequit, vtilissima hæc occupatio est.

*Vinc. de vita
spirituali.*

Quarta. Non solum pii libri vt domi suæ sint curare, verum etiam noxios ab ea proscribere. Huc pertinet in locis vbi morati multi debent, v.g. vbi statio militaris, libros aliquos, vt instrumentum certum loci illius, affixos habere, & in atrio Religioforum sæpe hac occasione curiositas adduxit ad legendum, & pietas etiam sese in animam insinuauit.

Quinta. Aduerte autem nonnulla in lectione tibi obseruanda; Primò, vt præpares animum tuum ad illam breui mentis eleuatione, quâ roges Dominum vt dignetur tibi loqui ad cor, cum proposito faciendi quod te docuerit, vt suprâ obiter l. i. dictum est; Secundò, tractim lege, neque te hoc cibo spirituali obrue: sed attende, quasi audias Deum; Tertiò, interrompe orationem, saltem dicendo, Da Domine quod iubes, & iube quod vis; Quartò, postquam plura legisti, vt D. Bonauent. benè monet, ea ipsa in modum orationis redige, & compendium, vt sic quod D. Bernar. monet, commodè præstare posses. Sic enim ille ad Fratres de morte: Sed & de quotidiana lectione aliquid quotidie in ventrem memoriæ demittendum est, quod fidelius digeratur, & rursus reuocatum crebrius ruminetur, quod proposito conueniat, quod derineat animum, vt aliena cogitare non libeat;

Sexta. Fortuita lectio in tristitia, tentatione, dubitatione sæpè opportuna fuit. Sic S. Augustinus aperiendo librum, legit aptum sibi locum: Non in comestationibus & ebrietatibus, non

Rom 13.

in

in cubilibus, & impudiciis, non in contentione & æmulatione, sed induimini Dominum Iesum Christum. Sic Saluator noster librum quasi fortuito aperuit, & locum de se inuentum explicauit. Consultantes autem sic consulere Deum solitos refert Illustriss. Cardinalis Baronius ex Cedreno, dicens, Heraclium post triduanum ieiunium nescius an in Albania maneret, aperuisse librum, & lectis illis verbis: Apud vos autem forsitan manebo, vel etiam hiemabo, ambiguum animum firmasse. Sic Morouæus dū regnādi audius Chilperico patri insidias parat, Gregorio Turonensi cum eo colloquente, eoque instructionem petente, aperuit hic librum, & oportunus occurrit locus: Oculum qui sub-

Lucæ 4.

Baron. tom. 8.

4. 622.

2. Cor. 16.

Thom. 30.

Septima. Quemadmodum autem talis quisque est, quales amici: ita talis, quales libri, quos legit. vide ergo qualem teipsum velis, qualem vxorem, filias, filios; & ea lege, quæ pietatem spirant, non vanitatem; castitatem, humilitatem, non verò his aduersantia. Si enim corrumpunt bonos mores colloquia praua, decuplo magis persæpe lectio; quia vbique obuia, quia verecundia eam non prohibet, comit industria, condiuit, & condit diaboli versutia.

1. Corinth. 15.

IACVLATORIE.

DA mihi intellectum, & scrutabor legem tuam, & custodiam illam in toto corde meo. Psalm. 118.

Viam iustificationum tuarum instrue me, & exercebor in mirabilibus tuis. Ibidem.

Dirige me in veritate tua: doce me, quia tu es Deus Saluator meus, Psalm. 24.
& te sustinui totâ die.

CAPVT XXVI.

De Meditandi methodo, quâ anima à terrenis eleuatur in Deum.

*Homil. 4 &
50.
Oratio quâ
necessaria.*

Bonauent.

*Cur imagi-
nibus ex-
pressa.
Duo orati-
onis impedi-
menta.*

*Imaginati-
onis instabi-
litas.*

CUm teste D. Augustino, rectè nouerit viuere, qui rectè nouit orare; oratio autem ea, quæ meditatio dicitur, præ cæteris utilis, ac Deo sit accepta; visum mihi est pluribus de ea dicendum, & adminicula si quæ possem omnium quidem, sed maximè Religiosorum vtilitati accommoda proponenda esse. Omnis enim religio absque orationis & contemplationis studio arida est & imperfecta, & ad ruinam promptior, si D. Bonauenturæ credimus.

Neque tamen ijs solùm, vt dixi, sed omnibus dicata est hæc qualis qualis industria, quâ ea quæ in Auctoribus leguntur, etiam imaginibus expressa sunt. Iuuare hæc poterunt omnes in ariditate animi; simpliciores verò semper ad attentionem vtilioremque meditationis vsum. Nam qui hac methodo vtuntur, superabunt facilè ea duo, quæ meditationem sæpè difficilem & infructuosam facere solent.

Primum est imaginationis instabilitas, quæ post Adæ peccatum omnino effrenis, facit animam vagam, toto orbe discursare, nec pijs cogitationibus inhærere permittit: vt verò illa coërceatur, pijs cogitationibus & imaginibus (vt ita loquar) eam affigere expedit. quod cum adeò B. Ignatio parenti nostro probaretur, mandauit P. Natali, in hanc rem incumberet, vt vita Christi imaginibus pulchris expressa, meditantium insigni commodo ederetur. Idque quàm verum sit experientia docet; & sacrosancta Ecclesia S. Spiritu edocta, in qua plurimus imaginum vsum est, suâ auctoritate confirmat.

Alte-

Alterum, quod meditantibus incommodum obijci-
tur, est partim in voluntate, partim in intellectu: sæpè e-
nim contingit præsterilitate, vt nullum formare conce-
ptum, nullam rationem ritè expendere possit: atque ita
fit, vt voluntas arida fructus bonorum desideriorum
minimè proferat. Tollitur illud multiplici & attentâ
consideratione eorum, quæ omnibus communiter se-
rendis, vel irrigandis virtutum seminibus inseruiunt, vt
sunt loci aliqui diuinæ Rhetoricæ, seu orationis, v.g. mor-
tis, aliorumque extremorum cōsideratio; Christi & Sau-
ctorum exempla, & alij quos infrà prolixè prosequimur.

Verumtamen, neque qui plantat, neque qui rigat est
aliquid; sed qui incrementum dat Deus: quem necesse est
radijs suis animam illustrare, vt flores appareant, & fru-
ctus nascantur in terra nostra.

Dei itaque gratia in primis imploranda, qua cum is,
qui hac methodo vtitur, facillè fructum è meditatione re-
feret, & desiderijs pijs animam irrigabit arentem, steri-
lemque prole fœcundam reddet. Porro superiore libro
cùm de oratione, tamquam opere satisfactorio actum est,
dixi de præparatione ad eam atque ad meditationem;
quæ proinde hîc repetere necessum non est, sed peti inde
poterunt, quomodo deligenda materia ac legenda, quo
pacto meditatio ad defectus superandos dirigenda sit.
Neque enim in genere proposita in re morali, efficacia
esse solent, sed ad particularia descendendum. Hinc vi-
dere est, exercere se nonnullos in fragrantissimo horto
virtutum, ac mysteriorum Christi; & tamen æquè arro-
gantes, sui que amantes, irresignatos, inobedientes, & ad
externa solatiola effusos, bonum Christi odorem à se mi-
nimè spargere. Sed hæc, & quæ ad loci compositionem,
orationemque præparatoriam, aliaque huc spectantia,
pertinent; ex priore libro, vt dixi, sumi poterunt: nunc de
meditatione ipsa agendum erit.

*De modo meditando.**Quid meditatio.*

MEditari, est considerare cum animo suo, & veluti in corde depingere mysterium, aut doctrinam aliquam à vita Christi, vel denique perfectionem Dei cum circumstantijs personæ, actionum, verborum, loci ac temporis; eo fine, vt ex his velut floribus, dulcissimum mel instar apum, id est caritatem colligamus, & aliquam instructionem seu virtutem, eiusque stimulum ad inueniamus, ad mores vitæ conformandos; & voluntatem inclinemus ac permoueamus ad propositam virtutem complectendam, ita vt instar auari omnia ad spiritualem utilitatem nostram referamus.

Est intellectus operatio.

Dicitur meditatio esse consideratio, seu intellectus operatio. postquam enim memoria rem repræsentauit, tum iterum intellectus velut quidam oculus, eam eiusque partes ac circumstantias contemplatur, personæ, loci, temporis, finis, siue quis, quid, vbi, quibus auxilijs, cur, quomodo, quando; ac dispicit quid virtutis ex ijs decerpendum seu prosequendum, quid verò vitij fugiendum, vt salutem (quam semper propositam sibi velut finem creationis quisque habere debet) homo consequatur. Post hæc voluntas, perinde ac auditor, ea, quæ ratio dictauit ac iussit, quasi manu apprehendit (aut certè nititur) irritò tamen conatu absque Dei gratia, cum nihil ex nobis tanquam ex nobis facere possimus. Intellectus igitur quasi canis venaticus, feram suscitât, quam voluntas instar accipitris nititur apprehendere. neque enim intellectus alio fine suum munus exequi debet, quàm vt voluntas pium ad Deum ac virtutem affectum concipiat, veleumdem augeat & accendat.

Triplex in meditatione affectus.

Triplex in primis affectus in meditatione exercetur: Primus, est doloris; Secundus, amoris virtutis; Tertius, amoris Dei. quibus viri spirituales tres animæ vias respōdere

dere dicunt, quarum Prima sit, purgatiua; Secunda, illustratiua; Tertia, vnitiva.

*Cui triplex
via respon-
det.
Purgatiua.*

Viam purgatiuam vocant, quando intellectus animæ peccati scditatem proponit, vt illud detesterur, atque extrema; quibus ipsa permota, affectuum suorum pedibus (vt sic loquar) per voluntatem, abeat in timorem Domini, & à peccatis magna cum detestatione recedat.

Via illustratiua est, quando intellectus volutati proponit amandam pulchritudinem virtutis, omniq; studio quarendam, maximè Christi & Sanctorum exemplo; ita vt (quemadmodum de sapientia loquitur Salomon) *Sap. 7.* præponateam regnis & sedibus, & diuitias nihil esse ducat in comparatione illius.

Illustratiua.

Vnitiva via dicitur, quâ beneficiorum Dei & perfectionum consideratione, voluntas in Deum fertur per amorem, eiusque voluntati se conformat, atque ad perfectam cum eo vnionem adspirat.

Vnitiva.

Hinc apparet triplex affectuum genus, quod triplici viæ respondet, in partes plures diuidi posse.

Affectus viæ purgatiuæ sunt, pudor & confusio de peccatis, dolor de ipsidem, & timor diuinæ iustitiæ, atque hinc mortificationis desiderium, vt homo illi satisfaciatur.

*Affectus viæ
purgatiuæ.*

Illustratiuæ, virtutum variarum amor, spes ac desiderium eas acquirendi, rerum terrenarum & voluntatis propriæ abnegatio, imitatio Christi & Sanctorum.

*Affectus viæ
illustratiuæ.*

Vnitivæ verò, amor Dei, gratiarum actio, zelus animarum, admiratio, lætitia & gratulatio de perfectionibus diuinis, resignatio, suspirium ad fontem vitæ & cælestem gloriam, &c.

*Affectus viæ
vnitivæ.*

Obserua passim septem ferè solùm, vel octo affectus numerari, nempe præcipuos. Sunt verò ij, admirationis, compunctionis, compassionis, gratiarum actionis, spei, lætitiæ, amoris & imitationis. R. P. Alcantara omnem meditationem, in gratiarum actionem, sui oblationem, & petitionem resoluit. Certus omnino ordo obseruari non

*Quot sint
affectus.*

non

Rom. 13.

non potest; sed Spiritus sancti vnctio ductusq; sequendus est. Id certum, quod plenitudo legis sit dilectio, atque ad eam dirigendam meditationem omnem, imò omnes cogitationes, verba & opera.

Obserua præterea, tribus illis vijs B. P. Ignatij hebdomadas Exercitiorum respondere: purgatiuæ enim & eius affectibus prima subseruit; illuminatiuæ secunda & tertia; vnituiæ quarta est accommodata.

Quamuis autem meditationes & affectus singulis viis & hebdomadis proprij sunt; in vna tamen eademq; meditatione varij affectus illarum viarum concurrere solent: verumtamen in prima hebdomada, seu via purgatiua potissimum dolorem; in secunda & tertia imitationem (qui affectus est illuminatiuæ) in quarta seu via vnituiua amorem Dei meditans sibi propositum habet. Verum, vti dictum est, ferè semper & commodè hi affectus miscentur eadem in meditatione, ita vt Primò, meditans de virtute, quæ proponitur, hætenus neglecta doleat; Deinde exemplo Christi se ad eius studium; Tertiò, amoris & gratitudinis affectu ad eam se extimulet.

Bonauent.

De hac meditandi methodo Andreas Capella fusè scribit in præmio suarum meditationum, etsi ille de quolibet Euangelio secundum tres vias, tres item diuersas formet meditationes. Diuus autem Bonauent. in libello, qui dicitur Paruum bonum, pluribus in hanc sententiam sic differit: Ex his autem liquidè patet, qualiter ad sapientiam sacre Scripturæ perueniri potest, meditando scilicet circa viam purgatiuam, illuminatiuam & perfectiuam. Et non solum sacre Scripturæ continentia, imò omnis meditatio nostra debet versari circa ista. Nam omnis meditatio sapientis, aut est circa opera humana, cogitando scilicet quid homo fecerit, & quid debeat facere, & quæ sit ratio mouens; aut circa opera diuina, cogitando scilicet quanta Deus homini commiserit, quod omnia fecit propter hominem, quanta dimiserit, & quanta repromiserit,

serit, & in hoc clauduntur opera creationis, reparationis, & glorificationis; aut circa vtrorumque principia, quæ scilicet sunt, Deus & anima, qualiter hæc ad inuicem sunt copulanda. Et in hoc debet stare omnis meditatio nostra, quia est finis omnis cognitionis & operationis, & est sapientia vera, in qua est cognitio per veram experientiam. In huiusmodi autem meditatione tota anima nostra debet esse intenta, secundum vires suas, scilicet secundum rationem & synderesim, conscientiam & voluntatem. Nam in huiusmodi meditatione, ratio percunctando affert propositionem, synderesis sententiando profert definitionem, conscientia testificando infert conclusionem, & voluntas præeligendo defert solutionem. v. g. si quis velit meditari circa viam purgatiuam, debet ratio quæ-
 re, quid debeat fieri de homine, qui templum Dei viola-
 uit. Synderesis respondet, quod aut debet disperdi, aut
 lamentis pœnitentiæ purgari. Conscientia assumit, Tu es
 ille, ergo vel oportet te damnari, aut stimulis pœnitentiæ
 affligi. Deinde voluntas præeligit, scilicet quod recusat
 damnationem æternam, & assumit voluntariè pœniten-
 tiæ lamenta. Iuxta hunc modum in viis aliis incedendum
 est. Subnectit deinde quomodo per orationem perue-
 niatur ad sapientiam veram. Postquam inquit, diximus,
 qualiter ad sapientiam veram peruenitur legendo & me-
 ditando, videndum est, qualiter ad ipsam peruenitur o-
 rando. Sciendum autem est, quod in oratione sunt tres *Orationis*
 gradus, siue partes ipsam perficiētes: quorum Primus est, *partes tres.*
 deploratio miserię: Secundus, imploratio misericordię: &
 Tertius, exhibitio latrię. Latrię autem cultum Deo exhi-
 bere non possumus, nisi ab eo gratiam consequamur.
 Misericordiam verò Dei ad dandam gratiam non possu-
 mus inflectere, nisi per deplorationem & expositionem
 nostrę miserię & indigentię. Nam omnis perfecta ora-
 tio debet habere istas tres partes. non enim sufficit vna
 sine altera, nec perducit ad metam perfectam, & ideò hæc
 tria

Rom. 6.

tria sunt semper iungenda. Deploratio autem miseriæ, circa quamcumque miseriam sit, siue pro perpetrati-
 onē culpæ, siue pro amissione gratiæ, siue pro dilatione glo-
 riæ; hæc tria debet habere, scilicet dolorem, pudorem, &
 timorem. Dolorem propter damnum, siue incommodū:
 pudorem propter opprobrium, siue inhonestum: timorē
 propter periculum, siue reatum. Ex memoria enim præ-
 teritorum oritur dolor, dū recordatur quid omisit, quia
 præcepta iustitiæ: quid commisit, quia prohibita culpæ:
 quid amisit, quia gratuita vitæ. Ex intelligentia præsen-
 tium oritur pudor, dum attendit, vbi sit, quia longè in
 imo, quæ fuerat propè in summo: qualis sit, quia sœda in
 luto, quæ fuerat pulchra imago: quæ sit, quia ancilla,
 quæ fuerat libera. Ex prouidētia futurorum oritur timor,
 dum præcogitat quò tendat, quia ad inferos properat
 gressus eius: quid occurrat, quia iudicium inuitabile, ius-
 tum tamen: quid assequatur, quia stipendium mortis
 æternæ. Imploratio autem misericordiæ, circa quam-
 cumque gratiam inuocetur, debet esse cum affluentia
 desiderij, quod habemus à Spiritu sancto, qui postulat
 pro nobis gemitibus inenarrabilibus; cum fiducia spei,
 quam habemus à Christo, quia mortuus est pro nobis om-
 nibus; cum diligentia implorandi subsidij, quod quæ-
 rimus à Sanctis omnibus. Quando enim hæc tria concu-
 runt, tunc imploratur efficaciter diuina misericordia. Af-
 fluentiam desiderij habemus à Spiritu sancto, quia per
 ipsum sumus à Patre in Filio prædestinati æternaliter: per
 ipsum sumus renati in baptismo spiritualiter: & quia per
 ipsum sumus congregati in Ecclesia vnanimiter. Confi-
 dentiam spei habemus à Christo Domino, quia pro no-
 bis obtulit se in cruce in terra, quia pro nobis offertur à
 Matre Ecclesia in Sacramento altaris, in sui memoriam,
 & quia pro nobis apparet vultui Patris in cælo in gloria.
 Diligentiam implorandi subsidij à Sanctorum confor-
 tio habemus ab Angelorum ministrantium patrocinijs,
 à Bea-

à Beatorum triumphantium suffragiis, & iustorum militantium meritis. Exhibitio autem latriæ, ex quacumque gratia Deus colatur, debet habere tria. Primò enim ob gratiam impetrandam, debet cor nostrum incuruari ad Dei reuerentiam, & adorationem. Secundò, debet dilatari ad beneuolentiam, & gratiarum actionem. Terriò, debet eleuari ad complacentiam, & mutuam allocutionem, quæ est sponsi & sponsæ, quam docet Spiritus sanctus in Canticis. In qua si recto ordine fiat, mira est exultatio & iubilatio: ita ut ducatur homo in excessum, & faciat animam dicere, Bonum est nos hîc esse. Et hîc debet oratio nostra terminari; nec antè debet homo desistere, donec ingrediatur in locum tabernaculi admirabilis, usque ad domum Dei: ubi in voce exultationis est sonus epulantis. Ut autem incurueris ad reuerentiam, admirare immensitatem diuinam, & intueri modicitatem tuam. Ut dilateris ad beneuolentiam, attende benignitatem diuinam, & vide indignitatem tuam. Ut eleueris ad complacentiam, recogita charitatem diuinam, & considera tepiditatem tuam: ut ex huius collatione peruenias in excessum mentis.

Matth. 17.

Psal. 41.

R. P. Arias in libello de modo meditando, monet similiter post virtutis exercitationem, & aliorum affectuum, ex consideratione alicuius perfectionis diuinæ, amorem excitandum esse. Id ut clariùs adhuc appareat, attende meditationem ad morum emendationem maximè institui, ac proinde virtutem aliquam in ea considerandam vel eliciendam: neque id otiosè tantum; sed reflectendo ad se, & videndo, quàm malè eam coluerit. Atque ita dolor primæ hebdomadæ, ac viæ purgatiuæ affectus excitatur. Deinde proponit eam exemplo Christi & Sanctorum exercere, qui est imitationis affectus, secundæ & tertiæ hebdomadæ, ac viæ illuminatiuæ respondens. Tum amore Dei, & beneficijs eius se ad caritatem accendit anima, quæ est quartæ hebdomadæ, & viæ vnitiuæ.

Ferè

Ferè igitur in prima hebdomada proposito vitio ad-
 misso, aut virtute omisâ dolor; Secūdò, imitationis affe-
 ctus; Tertiò, amoris sequitur. In secunda; Primò, imitatio
 exempli proponitur; Secundò, dolor & pudor de eo neg-
 lecto excitatur; qui etiam consideratione beneficiorum
 Dei augetur; & Denique amor accenditur. Quòd si perfe-
 ctio aliqua diuina, vel beneficium sit meditationis mate-
 ria, Primò, ad amorem tendit meditatio, Mox sequitur
 dolor de præceptis amantissimi Domini neglectis, Deni-
 que imitatio Christi decernitur. Dixi generatim virtutem
 in meditatione cum reflexione ad se eliciendam atque
 considerandam esse, ante omnia tamen fidei, spei & ca-
 ritatis exercitium vsurpandum: & verò id per facile. Cre-
 dere enim, certoque nobis persuadere debemus, omnia
 propter nos quasi solos (id enim valdè affectum auget) ex
 summo amore creata esse à Deo, immò item à Christo
 Domino gesta, dicta factaque esse: atque ita fides exer-
 cetur, & viua efficitur. quod magnopere commendat Puen-
 te, §. 6. introduct. & Bartholomæus Salutiarius in horto
 orationum: cùm verò animaduertimus facta esse propter
 nos, spes & desiderium imitandi facilè oritur, ac denique
 caritas; etsi illa magis spontaneo Dei & Christi erga nos
 amore excitatur. Quòd si meditatio hoc pacto ad virtu-
 tem Theologalem, vel moralem exercendam dirigatur,
 ac voluntati proponatur, ita vt ab ea ametur, vitiumque
 detestetur, fructuosa semper meditatio futura est.

Quid si materia meditationis tantùm sit sententia a-
 liqua? tum etiam virtus, quæ in ea commendatur, per cir-
 cumstantias consideranda; quis, quid, vbi, cur, quomo-
 do, quando, eam Christus Dominus, aut Spiritus sanctus
 per Apostolos aut Prophetas pronuntiarit. Si vitium in
 meditatione aliquod arguatur, & vel illud, vel virtus ei
 opposita pro materia accipiat, tum, velut in imagine
 de ponderatione ostenditur, vitium & virtus conside-
 randa, & ponderanda occasio vtriusque. At verò si ali-

quam

quam creaturam contemplari libet, præter diuinas perfectiones in ea eluentes, facile instructionem aliquam, id est virtutem, ex ea decerpes; vti docuit Christus Dominus discipulos Deo confidere ex consideratione volucrum cæli, & liliorum agri: dolorem verò, quòd impigrè virtutem in materia meditationis proposità vitâ tuâ non expresseris, excitabis: atque ita fit, quod D. Augustinus l. *Matth. 6.*
de Spiritu & anima c. 70. meditatio parit scientiam, scientia compunctionem, compunctio deuotionem, deuotio verò perficit orationem. *August de Spiritu & animas. 70.*

Ex iis, quæ hætenus dicta sunt, apparet, quemuis sese exercere possè eadem meditatione in tribus viis, seu earum affectibus. Sed quia in iis perseverare sæpè difficile, tria aduerte, quæ non parum iuuabunt. Primum est, attendere diligenter & suauiter circumstantias exempli Christi, vel virtutis. violentia enim cauenda est, cum animus suauipotius, & penitior inspectione circumstantiarum virtutis propositæ moueatur, quàm violentiâ, & actuum ac propositorum iteratione. *Iuuantia ad perseuerantiam in meditatione eiusq; affectu.*

Secundum, considerationes aliquas certas habere, & quasi locos communes, quibus, vti Gulielmus Parisiensis loquitur in Rhetoricâ suâ diuinâ (quâ modum meditando tradit) orationem simul fecundam & fructuosam efficere possimus. Huiusmodi locos suggerit D. Vincentius tractatu de Vita spirituali, & alii. Videtur autem omnis quasi meditatio in genere deliberatio versari: quia scopus eius qui meditatur, hic esse debet, pios affectus excitare, animum suum torpentem aut dubium, ad Dei laudem, ad virtutem propositam, & saniora consilia capefenda adhortari. quod his quæ sequuntur locis seu capitibus commodè fiet. *1. Attendere circumstantias.*
2. Locos certos habere.
Gulielm. Parisien. in Rhet. diu. Vinc. tract. de vit. spir.

Postquam enim in aliquo mysterio aut perfectione diuina, aut creatura, quam sibi quis considerandam proposuit, virtutem animaduertit, quam animæ suæ insitam optaret; dolorem excitet, quòd eam non fuerit hætenus *Elicienda ac consideranda virtus N.*

*Exercenda
sui diffiden-
tia.*

*Quibus mo-
diis volūtas
excitanda?*

*Attende 1.
finē creatio-
nis; & quā
virtus ad eū
accommo-
data.*

*2. Cogita
quid amico
suaderes, &
quo simili.*

*3. Quid in
morte; 4.
iniudicio;*

*5. in aterni-
tate optares.*

*6. Sanctorū
exempla.*

*7. Expende
pacē virtu-
tis comitē.*

*8 Gaudium
liquidum
eiusdem.*

Ijaia 12.

*9. Exemplo
Christi &
doctrinā te
excita.*

*10. Benefi-
cius item Dei
plurimis.*

fecutus, & sequi proponat; sed cū id absque Dei gratia nequeat, coram Deo humilitatem & diffidentiam sui, & in Deo confidentiam exerceat.

Deinde vt voluntatem accendat proposito sibi fine, Primò attendat, quæ commoda ad finem illum consequendum ex virtute, quæ item ex vitio incommoda proueniant; & quænam vtriusque sint occasiones.

Secundò, si vlteriùs se promouere cupiat, cogitet quid amico se consulenti super virtute illa colenda suaderet, quâque similitudine eam illi commendaret: atque idem ipse facere decernat.

Tertiò, attendat quid in morte; Quartò, quid in iudicio fecisse optabit, quamque diligenter virtutem illā coluisse; ac demum Quintò, quid in omni æternitate.

Sextò quomodo Sancti exemplo suo in ea virtute nobis præiuerint, quidue de ea senserint & scripserint, quid item Philosophi ac sapientes viri.

Septimò, reputare licet quâ pace, libertate & gloriâ fruatur, qui virtutem illam colit; & contrâ quam inquietus, in honoratus & obnoxius, qui vitio seruit.

Octauò, quærat à se, quid tandem sit, quod vt vitium virtuti præferat, inuitet; & comperiet, nihil esse nisi fœdâ & fugacem minimè cor exfatiantem voluptatem. Assurgat igitur animo generoso cum filio prodigo & dicat: Potius per virtutem ibo ad fontem omnis boni, & hauriam aquas in gaudio de fontibus Saluatoris, & satiabor; quàm cœnoso mundi lacu frustra laborem sitim per vitium explere.

Nonò, ex Christi Domini vita virtutis propositæ exemplum est conquirendum, & ex sacris Litteris maxime sententia de eadem, quod summa semper earum sit auctoritas.

Decimò, beneficia Dei commemoret, quibus videat se vel saltem gratitudinis nomine obstringi, ad virtutem illam amplectendam.

Vndecimò, tandem sic statuatur apud se: Nemo potest
duobus Dominis seruire; aut per vitium dæmoni, aut per
virtutem Deo seruire necesse: at longè satius Deo infini-
to bono & perfecto seruire, quàm intensissimo hosti. ita-
que ex eius amore sincero id facturum sese eius gratiâ de-
cernat.

Duodecimò, posthæc supplex à Deo illam flagitet, &
obsecret per Christi dolores, per Sanctorum intercessio-
nem; neque illam tantummodò, sed & alias, in fide nihil
hæsitans, seu fiduciâ plenus efflagitet.

Postremò, charitatis memor, Deo supplicet pro iis o-
mnibus, pro quibus orare illum oportet.

Meditatione peractâ, Primò, Deo gratias pro ea & aliis
omnibus beneficiis agit, & se suaque Domino offerat.
Secundò, perpendat quomodo illo die diuinâ gratiâ ac
meditatione adiutus, defectus & peccata vitabit. Tertiò,
præuideat, quæ agenda eodem habeat die, & quo pacto
ea piè in conspectu Dei, & religiosè factururus sit. Quartò,
quæ item aduersa toleranda obuenire possent, atque ad
ea se comparet.

Obserua nullo modo præscribi, vt quisquâ hunc ordi-
nè seruet, hos omnes locos vnâ meditatione percurrat;
sed oportere istic acquiescere, vbi quæsitam deuotionem
affecutus fuerit. & cum sæpè sufficiat ad permouendâ vo-
luntatem, diligenter (vt suprà dictum) ac suauiter attēde-
re circumstātiis alicuius exempli Christi, vel virtutis na-
turam, absque alijs subsidijs; patet tum tantum hîc v-
tendum, cum anima sterilis atque arida est.

Tertium, quod ad affectus contrinuandos pertinet, est
(vt tradunt complures) sui efficax reprehēsiō, interroga-
tio, oblatio, petitiones, obsecrationes, admirationes, de-
sideria & orationes virtutū, seu adspirationes: quæ nihil
aliud sunt, quàm breues orationes, quibus anima suū de-
sideriū exponit, postquam illud aut meditatione, aut Spi-
ritus sancti gratiâ singulari exarsit. Aspirare autem potest

11. Tandem
elige potius
Deo per vir-
tutem N.

seruire, quā
diabolo per
vitium

12. Petitionē
& obseca-
tionem in-
stitue,

rum pro te,
tū pro alijs.

Quid agen-
dū peractâ
meditatione

1. agit gra-
tias;

2. proposita
renouet;

3. agenda
dirigat in

Deum;

4. ad aduer-
sa animum
præparet.

Non omnes
loci vnâ

meditatione
percurrēdi.

2. mediū ad
affectum cō-
tinuandum.

Aspiratio-
nes quæ di-
cantur.

Fontes earū

ad

ad Deum, ex desiderio, Primò, vitia extirpandi; Secūdò, virtutis acquirendæ; Tertiò, imitandi Dominum IESVM, & compatiendi illi; Quartò, & maximè amādi Deum, illoq; fruendi cū admiratione & gaudio de bonitate illius.

*Proposita
quomodo
facienda, &
occasionēs
captanda.*

Habes igitur tres modos, quibus in vna eademq; virtute exercenda perseuerare possis: ex hoc enim præcipuè manat meditationis vtilitas, maximè si, vt suprà monui, non in genere proposita virtutis fiant; sed, vt crebrò dicitur, occasionēs eius sigillatim recolantur, saltem in fine meditationis, atque ad eas anima comparetur. Proposito-

*Iuuat pro-
posita repe-
tere.*

*Tria maxi-
mè quolibet
capite con-
tinentur.*

*Oratio est
vix praxis
meditatio-
nis.*

rum etiam repetitiones plurimùm commendat B. Ignatius, quæ omnia exemplo clariora euadent, & iis, quæ singulis imaginibus subiicientur. Tria autem illa maximè sunt; Primò, imaginis, partiumq; eius fusior declaratio; Deinde, cū ea materiam meditationis complectatur, meditatio; Postremò oratio, quæ sit velut praxis, ac meditationis argumēta cōtineat, & cuius quacumq; de virtute meditari volenti subseruiat. Generales enim hi loci sunt, vt ita dicam, & motiua ad virtutem & perfectionem in modum orationis redacta, stimuloq; addere possunt volenti virtutem, v.g. patientiam, in animo suo agere radices. Facigitur quempiam patientiæ in aliquo mysterio

*Aridus pro
quavis vir-
tute oratio-
nibus his
vix potest.*

propositum exemplum velle æmulari, & remissam experiri voluntatem, licebit ei hinc petere subsidium; & si quidem meditari non libet, potest singulas orationes, quæ generatim ad omnes virtutes referuntur, sigillatim huic sibi propositæ vel optatæ virtuti applicare, prout inferiùs & ex vsu ipso perspicuè apparebit. Exempli gratiâ, in Natiuitate, humilitatis exemplum contemplatus, optat imitari, neque qd distractionem animi, capita singula expendere commodè potest (hoc enim faciendum esse hîc præscribitur, non legendas meditationes aut orationes) quid faciet? vtile erit, si virtutem, eiusq; circumstantias paululùm consideret, vt in imagine, ad spatium vniùs atque alterius *Miserere*; ac tum orationem legat, quæ post medita-

diractionem de confidentia in Deo ac diffidentia sui collocatur; sed sensim, & meditatè. Deinde vltteriùs pergat, si opus esse iudicauerit. Vbi enim (vt iam dictum est) deuotionem quæsitam inuenerit, nihil vltteriùs quærat oportet, sed in ea Spiritus sancti ductum sequendo permanendum est. Verùm, vti dixi, ex vsu fructus ipse apparebit. Quid enim suauius atque vtilius volenti meditari, & sese ad virtutem accendere, quàm animo quieto ac corpore, has singulas imagines contemplari? oculosq; atque animum pascere? quid fructuosius ei, qui dubitat de vitæ genere, de munere, de perfectiorum aliquo capeffendo exercitio, quàm locos illos in otio sancto, in secreto cubi- culi & cordis sui obambulare, viamq; simul salutis optimam explorare.

Nota diligenter, esse sensim orationes legēdas.
Imaginibus oculis animiq; pascere iucundū iuxta ac vtile, tum ad virtutis amorem, tum ad de- liberationē instituendā.

Ad vsum eorum, quæ dicta sunt, facilem ac compendiosum; postquam materiam, seu punctum legeris, forma tibi has quæstiones, Prima, quid in hac materia notandum mihi est? Secunda, quid ponderandum ad profectum? Tertia, quos affectus ex hac ponderatione seu consideratione elicere & sentire in me debeo? Quarta, quomodo & quibus circumstantiis, quæ mihi hîc proponuntur documenta, factis exequar? Quinta, quomodo ex his cum Deo meo loquar? Aliapraxis meditandi etiam esse potest R. P. Borgiæ, qui ex omnibus eliciebat Primò, confusionem; Secundò, gratiarum actionem; Tertiò, petitionem, vt pluribus est videre in eius opusculis. Huic confimilis illa R. P. Capellæ, quâ monstrat in omnibus Primò, considerationem; Secundò, gratiarum actionem; Tertiò, confusionem; Quartò, petitionem; Quintò, oblationem sui esse exercendam.

Nota.
Praxis breuius, sed vtilis meditandi.

VNDECIMÆ IMAGINIS

ANNOTATIO.

Vis modum meditandi nosse? intue-
re illum in mysterio Natiuitatis.

P Reparatione præmissâ delige tibi meditandi ma-
teriam: v. g. A Natiuitatem Christi: hanc tamquã
pictor in B corde quod C Pax sustinet, id est, tranquil-
lillum est ac pacificũ, depinge, seu perpende cum om-
nibus circumstantijs. Primò, itaque expende D quis
scilicet nascatur. Secundo, E quid scilicet dicatur, aut
fiat. & quomodo. Tertio, F ubi & quando. Quarto, G
cur seu quo sine nempe, vt Adam, & humanum genus
redimerentur. Quintò, ex singulis collige, & nota H
virtutem aliquam (vti vides ex singulis areolis cir-
cumstantiarum lineam ad virtutem duci, & te quasi
manu ducere) quãque eius habeas I occasionem, con-
sidera; ac detestare K vitium illi contrarium. Excita
sapè te ad L affectum gratitudinis (cũ ubique bene-
ficientia Dei appareat) M gaudij, N admirationis, O
compassionis: in primis tamen ubiqz P fidem, spem &
caritatem exerce, & observa Q virtutem qua in my-
sterio elucet ac docetur. Quòd si meditationem insti-
tueris de sola aliqua R doctrina seu documento, ad-
uerte circumstantias prædictas, maximè quid, seu
quã S virtutem, doceat, quãqz sit eius occasio, vnãqz
affectus prædictos exerce.

GINIS
 D.
 Ne inue-
 nitatis
 meditati
 in hanc
 pende
 expende
 uces dicit
 unda L
 umm
 ille, & m
 ula ar
 uci, & te
 calum
 arum. Ex
 ubique
 miratio
 dem, p
 os qua
 ationem
 mē qu
 occulta



CAPVT XXVII.

*Meditatio de Natiuitate Christi, quâ praxis
methodi supradictæ ostenditur, & ad cari-
tatem accendimur.*

COMPOSITIO LOCⁱ, vt in imagine.

ORATIO, vt suprà, pro caritate obtinenda.

PVNCTVM I. Considera mysterium hoc magnum, in *Fides.*
quo Filius Dei, Sapientia æterna, & Verbum Patris factus
est infans vnus diei, super terram. Ergo ne credibile est, *2. Paral. 6.*
vt habitet Deus cum hominibus super terram! si cæli cæ-
lorum non te capiunt, quanto minus præsepe hoc? Mira-
bile certè mysterium declaratur hodie, innouantur na-
turæ. iam exclamare licet, Memoriam fecit mirabilium *Psal. 110.*
suorum misericors & miserator Dominus. Nihil enim ita
mirabile est, atque verbum hoc, quòd Deus manens
Deus factus sit homo; & æternus, & Sapientia ipsa facta
sit infans vnus diei, &c. Mirabilis facta est scientia tua ex
nobis, & non poterimus ad eâ. quis cognouit sensum tuû, *Sap. 9.*
Domine, & quis consiliarius tuus fuit? Venite igitur, &
videamus hoc verbum, quod factum est, quod Dominus *Luca 2.*
ostendit nobis; accedamus cum fiducia ad thronum mi-
sericordiæ eius. Quid enim nobis denegare poteris, dul-
cissime IESV, qui te ipsum nobis dare dignatus es? quid
tuus Pater æternus, qui proprio filio suo non pepercit,
sed pro nobis omnibus tradidit illum? Ecce ego in pecca-
tis conceptus sum, & circumdederunt me mala, quorum *Psal. 39.*
non est numerus: verumtamen iam non timebo, quo-
niam tu Emmanuel nobiscum es. non potes mihi negare
munera tua, qui aperire mihi dignatus es viscera miseri-
cordiæ tuæ, in quibus nos visitas oriens ex alto. Da mihi *Luca 1.*

*Charitas ad
quam me
ditatio di-
rigitur.
Psal. 10.*

Contritio.

Admiratio.

*Reprehensio
et inuita-
tio.
Philip. 2.
Matt. 23.
Interroga-
tio.*

Psal. 138.

Obsecratio.

Domine, propter gloriam nominis tui, vt hac fiduciâ ple-
nus seruiam tibi in lætitia; & nulli omnino placere cu-
piam nisi tibi, vel displicere timeam, cū tu vnus omnia
mihi sis, Deus meus; nullum amem nisi te, aut propter te,
cū sis vnicum bonum meum, & dignatus fueris me re-
cordari in excelsio folio gloriæ tuæ. Quem enim; beni-
gnissime IESV, non accēdat caritas & benignitas tua, quæ
iam apparet? exultat Maiestas tua vt gigas ad currendam
viam, & à summo cælo egressio eius, & occurfus eius vs-
que ad summum eius; nec est, qui se abscondat à calore
eius. O charitas immensa, Deus meus, fac me vnum te-
cum, sicut Pater & Filius vnum sunt. Verè tristitia est ma-
gna cordi meo, quod peccata mea, N. hæcenus diuise-
runt inter me, & te; sed proijce hæc, quæso, post tergum
tuum, vt caritatem tuam imitari & perfectè exprimere
possim, tali & tali occasione, N. Quomodo enim dene-
gare potero operam meam proximo meo, quantumuis
abiecto, dum intueor Maiestatem tuam exinanisse se,
& formam serui accepisse propter nos, cū adhuc inimi-
ci essemus? non est seruus maior Domino suo. venisti mi-
nistrare, & non ministrari, vt caritatem nos doceres, & sa-
nare vulnus grauißimum, superbiam nostram. Et nos
oportet sequi exempla Domini nostri. Quis enim nouis-
set pretium eius in terra hac operta mortis caligine, vbi
peccatum & ignorantia inundauerant, nisi sic nos do-
cuisses, Domine Deus meus, exemplo tuo? Ecce post-
quam non vno, sed pluribus nobis caritatem commen-
dare dignatus es, adhuc sequi piget milites Ducē, seruos
Dominum, subditos Regem, creaturas Creatorem? Im-
perfectum meum viderunt oculi tui, miserere mei, & ex-
audi me, quia in te solo confidit anima mea. Da mihi ca-
ritatem perfectam, vt nullā personarum habitā ratione,
omnibus, maximè aduersarijs, benefacere studeam, pro-
pter nomen tuum. Obsecro te, Domine, memen-
to, quoniam pro nobis natus & mortuus sis, & ne de-

despicias hanc deprecationem & oblationem meam.

Offero enim me tibi, vt sincerè te diligam, & omnem proximum similiter propter te : si enim amicos tantum dilexero, nōne & Ethnici hoc faciunt? Orabo igitur per gratiam tuam pro persequentibus nos, benefaciam his qui oderunt nos; vt inter filios Patris æterni connumerer, qui finit solem suum oriri super bonos & malos, & pluit iustos & iniustos. Scio, non est hoc volentis, neque currentis; sed tui, Deus, misereantis: sine te enim nihil facere possumus, neque sufficientes sumus cogitare aliquid ex nobis tamquam ex nobis; sed sufficientia nostra ex te vno est, etiamsi videamus caritatem hanc maximo ad vitam esse præsidio & solatio: frater enim, qui adiuvatur à fratre in via hac difficili & periculi plena, quasi ciuitas firma, & nihil tristius, quàm cum aliquo dissidere. Quæ enim non mala ei aculatur discordia? tripliciter certè animum fatigat, cogitationes ac memoriam fœdis implet imaginibus, linguam exacuit, & velut venenum inficit, iuxta illud: Lingua eorum gladius acutus, & venenum aspidum insanabile; quibus opera praua respondēt, fructus malitiæ. Quæ verò stultitia & inlipientia, vitium præ virtute eligere, stultitiam præ prudentia, pusillanimitatem præ fortitudine, iniustitiam præ iustitia, temperantiam præ moderatione? istæ enim virtutes in caritate vna concurrunt, cuius vberimus & suauissimus est fructus; in memoria, intellectu & voluntate. Sed videamus, anima mea, quæ huius, quæ illius nobis sese offerant occasiones, vt illis vtamur, has eiuremus & detestemur. N. Et verò quis est tam imprudens, qui suadeat alteri, quacumque occasione similitatem fouere, nisi amens ac improbus sit? nōne quod calx in muro, id caritas est cum proximo? corruet ille certè absque cæmento; & solus stare non poterit in acie, quem caritas commilitoni non coniunxerit. Numquam verò meliùs hoc apparet, quàm in mortis horâ. quis enim Christianus tum cum ali-

Matt. 5.

*Diffidentia
sui & confi-
dentia in
Deo.*

Rom 9.

2. Cor. 3.

*Considera
virtutis cō-
moda, &
vitiij incō-
moda ad fi-
nem conse-
quendum.
Psal 56.*

*Quod alteri
suaderes,
hoc fac.*

*Quid in
morte opta-
res.*

quo diffidere vult, cùm ad iudicem ire parat, qui quâ mensurâ mensi fuerimus, remetiatur nobis?

Matt. 7.

Quid in iudicio?

1. Pet. 4.

Verè enim in iudicio hæc vna virtus causam obtinebit; quia caritas operit multitudinem peccatorum: & nudus apparebit, quisquis veste hac nuptiali indutus non fuerit, proijciaturque in tenebras exteriores.

Quid in æternitate

fecisse optares?

Itaque hanc vnâ peto à te, Domine, vnâ volo caritatem, & æternum volam; aut certè (quod absit) non voluisse me dolebo. Faciam igitur, vt occasio huius non præterlabatur, quod in æternum me fecisse optabo.

Vide exempla Sanctorum.

Hoc est, quod Sancti ita eam virtutem suis commendarint scriptis & exemplis: nihil aliud nouerat, quàm caritatis legem prædicare discipulus ille, quem tu vnice diligebas, bone Iesv; sed & Ethnici, quibus, ô sol iustitiæ, ortus non fuisti, quomodo nobis concordiam, quâres parua crescant, dilaudant?

Quanta ex virtute

pax.

Philip. 4.

Quanta autem hinc pax animi, quanta consolatio in Spiritu sancto, quâ experti sunt Sancti tui, & experiuntur omnes caritatis amatores. Pax certè hæc ex virtute vera dimanâs, exsuperat omnem sensum, quia in pace factus est locus tuus, dulcissime Iesv. Vbi autem tu es, non potest non esse gaudium in Spiritu sancto: vti tribulatio & angustia in omnem animam operantis malum.

Quod nihil sit, cur virtutium placeat.

Ecquid tandem esse potest, quod me à virtute ista diuertat? an delectatio vana & fœda, haurienda ex teterrimo lacu peccati? videtur illud ob amorem proprium, infundere cordi nostro nescio quid amarulentæ voluptatis; sed simul ac infudit, effluxit, & solum remanet pœnitere, inquietudo cordis & tristitia: si delectari libet, licet mihi ex te fonte bonorum omnium virtute duce haurire aquas in gaudio, quas qui biberit, adhuc sitiet absque dolore, & satiabitur absque fastidio, & lætabitur in te, summo bono. At nihil magis vulærat cor meum, quàm illud verbum & exemplum tuum, quo hanc notam statuisti filijs tuis; in hoc enim cognoscent omnes, quod discipuli

Vide Christi exemplū & doctrinam. Ioan. 13.

scipuli tui sint, si dilectionem habuerint ad inuicem. Huc spectant tot beneficia, quibus me præuenisti, ex infinita caritate tua, & quotidie præuenis. vis enim nos, amator hominum, trahere ad virtutem in funiculis caritatis. O quam ardentem omnem virtutem, quam mihi proponit Maiestas tua, complecti deberem, cum tot beneficijs, velut sagittis amoris, vulneras cor meum! Ingratitudo sanè maxima foret petenti hoc Domino ac Deo meo, & munifico largitori, illud denegare: auertat hoc misericordia tua à seruulo suo. Sed etiamsi, Domine Deus meus, hæc ita se non haberent, nonne satius est tibi Regiregum, & Domino dominantium per virtutem seruire, quam acerbissimo hosti nostro per peccatum gratis venundari, & durissimum subire iugum crudelissimi tyranni? Ah, numquam veniat alicui in mentem sic insanire, ut te summo bono derelicto, & Rege summo, adhæreat summo malo, & capitali hosti, illectus momentaneo fortè gaudio! O cæcitas humana! ô insipientia nostra! ô quam vani filij hominum in stateris! Tu enim es potentissimus, sapientissimus, fons omnium bonorum, à tua liberali manu omnia nobis bona venerunt; tu solus satias & reple cor nostrum, ubique præsens es, & ad te me trahit virtus, inuitat benignitas tua, & cogit caritas. mihi itaque adhære tibi bonum est, & ponere in Domino meo spem meam. *Psal. 72.*

Vacate & videte, mortales, quam suavis sit Dominus, quam dignus accipere gloriam & honorem. Filij hominum vsquequo graui corde? ut quid diligitis vanitatem, & queritis mendacium? scitote, quoniam Dominus ipse est Deus; ipse fecit nos, & non ipsi nos. *Psal. 45. Psal. 4. Psal. 94.*

Eia, Domine, da quod iubes, & iube quod vis. Iubes amare, &c. concede illud mihi, & respice de excelsò solio gloriæ tuæ laborantes & naufragos in hoc mari; siquidem contrarius nobis est ventus, & corpus quod cor-
rumpitur, aggrauat animam, & terrena habitatio deprimat sensum cælestia cogitantem. Respice, Domine, ad

Apo. x.

caritatem Filij tui, qui dilexit nos, & lauit à peccatis nostris in sanguine suo. Audi pro nobis supplicantes Sanctos tuos: clamat sanguis & merita eorum pro nobis miseris, vt consequamur auxilium gratiæ tuæ, & virtutes nobis necessarias exercere valeamus, illâ occasione N. suppliciter etiam te rogo, Deus meus, vt Ecclesiæ tuæ gemitus exaudire digneris, & omnes N. pro quibus orare debeo, in benedictionibus dulcedinis tuæ præuenire.

Vides, quomodo in Natiuitatis mysterio, Primò, fides, spes & charitas exerceantur; Deinde quomodo ex circumstantijs, virtutis aliquod documentum eliciatur; ad quod postmodum varij stimuli adhibentur, quibus voluntas ad virtutem eandem complectendam urgeatur.

Prouerb. 6.

Idem, vt suprà dictum est, fieri potest, si quis sententiam aliquam pro materia meditationis habeat, seu etiam aliquam creaturam consideret. Nulla siquidem est, quæ non enarret gloriam Dei, & ad rectè viuendum documentum aliquod præbeat. ideoque mittitur à Sapiente ad formicam piger, dicente, Vade ad formicam, ô piger, & considera vias eius, & disce sapientiam, quæ cum non habeat ducem, nec præceptorem, nec principem, parat in æstate cibum sibi, & congregat in messe quod comedat. Vsq̃ue quò piger dormies? quando consurges è somno tuo? paululùm dormies, paululùm dormitabis, paululùm conferes manus vt dormias: & veniet tibi quasi viator egestas, & pauperies quasi vir armatus; si verò impiger fueris, veniet vt fons, messis tua, & egestas longè fugiet à te.

CAPVT XXVIII.

De modo Meditandi per Fidei, Spei & Charitatis actus.

NVnc explicatum habes modum ampliandi affectus, obeundo locos aliquos diuinæ huius Rhetoricæ: sed & diuersos meditandi modos expositos vidisti, atque insinuare inter eos aliquem, quo Fides, Spes & Charitas in primis exercentur, tamquā virtutes, quæ meritò, utpote Theologales, principem locum obtinēt. Quia tamen ille modus præ ceteris excellentiā aliquam habet, & simul nō tam obuius est; non obiter, sed cum cura explicandus videtur. faxit diuina bonitas, à quo omne bonū ac donum est, ut sit ad nominis eius gloriam, & animarum salutem.

Principio igitur, ut suprā monui, quidquid diuinā potētīā creatum est, si diligenter inspiciamus, nobis liber vitæ esse potest: cæli enim enarrant gloriā Dei, & omnis creatura clamat hæc tria, Accipe, redde, caue; accipe me à Deo donum, redde ei gratias, caue abuti ad contumeliam largitoris, & ad interitum, quod concessum tibi est ad vitam. Ex omni enim creatura documentum vitæ elicere possumus, & hoc ipsum quasi à Deo nobis non dictum tantum, sed scriptum characteribus creaturarū cōsiderare. Rursum quidquid Sapiētīa æterna nobis dignata fuit reuelare, hoc vnum spectat, ut intelligamus voluntatem eius & consilia illius, ut nos oues Christi eius pietissimā misericordiā vitam habeamus, & abundantiū habeamus, ut ipse dignatus est ore suo aperire, quo eructauit abscondita à constitutione mūdi. Quidquid item à veritate profectū, ad nos per Philosophos, aut vltos mūdi sapientes peruenit, multò magis per sacros Scriptores ab eo, prouenit, ut viam ad se ostenderet, & veritatem, per quam

Ioan. 14.

Rom. 15. 1

Ibidem.

quam ad vitam peruenire liceret. Ipse enim est solus via, & veritas, & vita. Denique quidquid ab vlllo rectè dictū, factum, ad instructionem nostram, ab eo factum ac dictum esse sciamus De sacris Litteris sic S. Paulus: Quæcumque scripta sunt, ad nostram doctrinam scripta sunt. Sed quid prodest scripta esse, si meliora videntes & saniora, ea amplecti nequeamus? Certè nihil: imò plurimū obesset scire voluntatem Domini, atque eam explere nō posse; viam ostendi, & nos prohiberi ab ea. Ideò addit Apostolus: Vt per patientiam & consolationē Scripturarū spem habeamus. Cuius verò rei? primò, consequendi gratiam, vt faciamus ea quæ ad nostrā doctrinā scripta sunt; deinde gloriam, si simus in charitate radicati & fundati, sempiternam. Itaque cū institueris meditationem de aliquo mysterio, considerationem alicuius creaturæ, aut sententiam aliquam expenderis, ac documentum vitæ elicueris; primò fidē eius doctrinæ excita, velut si à Deo (quod maximè in sacris valet) illa tibi in illo mysterio vel Scriptura sacra, aut etiā profana proponatur. Quidquid enim ad veritatem pertinet, etiam si apud Philosophos inueniatur, illius est, & propter nos ab illo profectum. Idem est si ab aspectu creaturæ alicuius erudiaris ad salutem. Quidquid enim in illis est, & ab eis, siue ad vitam hanc, siue salutem promanat, siue ab Angelo, siue ab homine, siue creatura irrationali; à Deo opt. max. esse certū est, velut omnium bonorum fonte: nō enim minùs à Deo est, etsi familiarius, quod loquitur (vt sic dicam) formica pigro, quò eum sapientiam doceat; quàm, quod rarius est, si asina Baalamum corripiat & moneat.

Matth. 23.

Luc. 14.

Crede igitur Deo, quia veritas est, crede veritati ficti-
bi proposita, & virtutem iuxta eam statue tibi esse amplectendam. v.g. in hac sententia, *Omnis qui se exaltat, humiliabitur*; crede verè sic se habere quia Veritas dicit, quæ fallere non potest, nec falli: ea enim est ratio credendi. Secundò, neque tantū crede Deo, id est Veritati dicenti,

centi, sed, vt fit in fide tum humana, tum diuina, rationē expende quare tibi credibile illud sit, & quidē valdē. testimonio enim Domini credibilia facta sunt nimis: id est, *Psal. 92.* vide quare homines alicui credāt. Alia certē causa est ex parte eorum qui credunt, quia ignari, cæci, imprudentes. Alia ex parte asserētis, ob eius auctoritatē, sinceritatē & fidelitatem. Alia ex parte rei ipsius: sicut enim parum credibile aliquid apparet, quia vel impossibile, & sic diuinæ repugnare potentiæ, vel certē sapientiæ ac prudentiæ aut bonitati videtur: ita cū quid ratione possibile prudenter iudicatur, credibile apparet. Id autem in præsentī materia valet plurimū. Res enim quæ præcipitur aut suadetur, à Deo potentissimo ac sapientissimo suadetur, qui cū dat præceptum, tribuit etiam quo compleatur.

Tertiò, exerce pium affectū credulitatis, quo firmiter à fide propositis adhærescimus. Quomodo, inquis, hoc faciam? Respondeo, attende quæ sint quæ hominem à fide auertunt, ea quæ detestare. Primum, scilicet est suasio & doctrina alterius, dæmonis aut hominis. Secundum, illecebra & inuitatio creaturæ, quā homo abstractus & illectus naufragat à fide, quemadmodum de cupiditate loquitur Apostolus. Tertium, tormenta & aduersa. Statue igitur, etiamsi totus mūdus, imò, vt Apostolus loquitur, *Galat. 8.* etiamsi Angelus de cælo contrarium rebus scilicet de fide certis doceret, anathema illi dicere, quanto magis homini & mundo vniuerso; quidquid blandiatur, quidquid terreat, id quæ seu bonorum, seu famæ, seu vitæ amissio proponatur, crede, & sta exemplo Martyrum fortiter, siue molestiâ, siue blanditiis, siue malis tolerandis, siue bonis amittendis impellaris. Quartò, cū sic te exercueris in vno fidei puncto, extende te ad alia argumenta: ferè enim eadem sunt, quæ omnia testimonia Domini credibilia nobis faciunt. Percurrere itaque præcipua mysteria fidei, eiusque articulos potes: ac tandem in fine vel post meditationem, Quintò, cogita seriò hoc tecum, Si verè

verè crederem, & fidem viuam haberem, cùm sine operibus mortua sit, quæ opera facerem huius vel illius virtutis N. de qua meditatio instituitur, hac & illâ occasione quam toties habui, & habeo etiam hodiernâ die?

Exercitium Spei.

Iacob. 1.

Post Fidem exercitam Spem excitato. Quæris quomodo id facies? Respondeo, cùm videas illud tibi à Deo verè esse mandatum, vel suasum, ab infinita, inquam, bonitate (non enim docet, vt perdit; non inuitat, vt eijciat; non mandat adeò seuerè, quod præstari nequeat) spera certò gratiam, quæ requiritur ad illud implendum, similiter & gloriam, atque id quod promittitur obsequenti mandatis ac consilijs Domini (quemadmodum in octo beatitudinibus & alibi fieri vides) certò te cōsecuturum, id quæ quia Deus verax est in promissis, apud quem non est transmutatio, nec vicissitudinis obumbratio. Nota verò duo sperari, vires seu gratiam ad laborandum in vinea, ad currendum in stadio, & mercedem ipsam seu brauium. Et vide Primò, quomodo ex parte tua res sperabilis sit, quamque desperationis (ab humanis sumpto exemplo) & spei causam habeas; Secundò, ex parte rei quæ speratur; Tertiò, ex parte Dei à quo speratur. Ex parte tua desperare potes, quia debilis ad ardua, ad laborandum in vinea, currendum in stadio. Secundò, quia indignus es cui ille à quo speras sua conferat dona & munera, quia iniurius illi fuisti, & beneficijs es ingratus. Sperare autem solent homines si digni, si grati sint, si beneficijs obstrinxerint eum, à quo sperant. id etiam accommoda tibi, quia dignos nos misericordiâ suâ fecit Dominus, in partem fortis Sanctorum, gratos sibi, & à nobis accipere se, v.g. eleëmofynas, fateri dignatur.

Secundò, homines spem augent ex parte eius à quo speratur. Primò, quia promisit, & se obligauit. Secundò, quia

quia maiora dedit tibi, & alijs multis tui similibus, & quidem ex bonitate sua, quodque vltra hæc per se præstare solitus sit, ac cum voluerit possit. Tertiò, quia promissor cogi potest. Nónne verò & Dominus promisit, & maiora dedit, & vt sic loquar, cogitur ac vulneratur in vno oculorum sponsæ, fortisque etiam est in eum dilectio? Nónne dixit Moyse, Sine me? nónne Abrahamo, Num celare *Genes. 18.* potero Abraham quæ gesturus sum?

Tertiò, desperant homines ex parte rei, si ardua & difficilis; at verò sperant se facturos & consecuturos rem facilem: atqui mandata & consilia Dei difficilia non sunt: iugum enim eius suauis, & onus leue. Atque hætenus de spei augmento atque exercitio, ex eo quòd res triplici nomine sperari possit.

Quartò, post hæc affectum spei augere volens, cogita quæ hominem de spe deijcere soleant. Primò, suasio alterius, seu diaboli, seu hominis. Secundò, blanditiæ vt aliud speretur. Tu igitur, etiam si omnes contrarium tibi dicerent, si blandirentur vt auerterent à Domino, & si omnes aduersarentur, & Dominus te castigaret, dicito, Etiam si occiderit me, in eum sperabo.

Quintò, neque spera tantum hoc de quo in materia præsentis, v.g. humilitate, agitur, sed extende spem ad ea omnia quæ necessaria ad salutem.

Sextò, cogita, si verè sperares, quid & quomodo ageres: qui non sperat non seminat, non laborat, non pugnat; vt in rebus humanis manifestum est. E contrario qui sperat, arat, pugnat, sudat, currit, vt rapiat brauium: quæ in virtutis ac pietatis materia, de qua agimus, rem non incommodè, vt cuius patet, proponunt.

Exercitium Caritatis.

PRO caritate excitanda & inflammanda, considera illud præceptum aut cõsiliū tibi datum, vel per crea-

A a

turam

Psal. 118.

turam suggestum, ex infinita caritate Dei, idque ob summum bonum ac felicitatem tuam; atque accipe velut à duce viam ostensam, à magistro veritatem, à domino vitam, à medico medicinam, à Rege ac agonotheta coronam, idque bono tui solius & commodo. Quantum igitur impellere debet te amor illius qui nihil fecit eorum quæ fecit, nihil cupit eorum quæ mandat, nihil loquitur, nihil suggerit per omnem creaturam nisi pro te, & ex amore tui, præceptor tuus, & pastor, dux in via, Rex & Creator tuus? sunt enim mandata eius super mel dulciora, lucerna pedibus nostris, diligenda super aurum & topazium. Tu verò spontaneo amore dilecta à Deo anima, caue alio eum redamare, mercenaria esse, tuum commodum ac gloriam spectare; sed vnam illius intueri & amare voluntatem, gloriam & honorem. Secundò, considera quare amare homines soliti sint. Primò, quia se amari putant. O quantum dilexit nos Pater, qui proprio filio non pepercit, sed pro omnibus tradidit illum! quantum Filius, qui oblati est quia ipse voluit, & posuit animam suam pro nobis ouibus suis! quantum Spiritus sanctus, qui venit ad nos in igne amoris, & postulat pro nobis gemitibus inenarrabilibus, id est, postulare facit præ desiderio salutis nostræ!

Secundò, dixi suprà, fidem & spem augeri, eò quòd res credibilis & sperabilis sit: ita caritas & amor Dei ac voluntatis eius, quia ipse amabilis est. Amabilis verò ille est tum propter se, & summè perfectus & bonus, tum propter beneficia præstita, tum ea quæ præparauit diligenti-
bus se.

Cantic. 8.

Tertiò, vide quæ ab amore auertere possent, blandiendo, terrendo, suadendo: & attende quàm fortiter amare debeas. fortis enim est vt mors dilectio, & dura sicut infernus æmulatio, lampades eius, lampades ignis atque flammarum, aquæ multæ non potuerunt extinguere caritatem. Etiam igitur omnia bona mundi te allicerent,
mala

malate vallarent acturbarent, omnes etiam Angelici spiritus aliud suaderent; ama Deum, quia solus bonus est, & dignus accipere amorem, gloriam & honorem.

Quartò, oblerua autem vt ames eum singulari amore, quia singulari te complexus est & complectitur. Quid- quid enim à Deo gestum, factum, dictum aut permissum, tamquam pro te solo dictum, factumque & permissum a- more tui solius existima: tanto enim fertur erga singulos, quanto erga omnes Deus, id est infinito, ineffabili & in- comprehensibili amore.

Quintò, cogita, si verè amares Deum, qualiter cogita- res, loquerere & ageres: numquam enim amor Dei est o- *Greg hom.* *3. in Euang.* tiosus: operatur enim magna, si est; si autem operari re- nuit, amor non est.

Vis hæc compendio?

CVm in sententia aliqua, aut creatura, aut mysterio, doctrina, vel pia instructio, aut virtus amplectenda proponitur; cogita ac crede; Primò, à Deo tibi proponi, & verissimum esse propositum; & Secundò, simul etiam maximè credibilem esse veritatem illam; ideoque Ter- tiò, adhæreas illi toto affectu, ita vt cum Apostolo dicere possis, Quis ergo nos separabit à charitate, humilitate, *Rom. 3.* patientia, modestia Christi, & c. tribulatio, an angustia, an fames, &c.

Deinde spera auxilium à Deo, quia ipse præcipit boni- tas ac potentia infinita, & daturum se gratiam promisit. Secundò, attende quæ fiduciam & spem augere debeât, & rem aliquam in humanis sperabilem faciant. Tertiò, amplectere eam perinde ac Sancti, de quibus Apostolus: *Hebr II.* Lapidati sunt, secti sunt, in occisione gladij mortui sunt, propter spem vtiq; & fiduciam.

Tertiò, charitatem excita, eò quòd præcipit ad vtilita- tem tuam, non suam: ergo ex amore sequere Dominum,

cùm ex æterno & spontaneo id tibi suadeat, vel præcipiat. Secundò, considera quantopere tibi ille amabilis sit, & mandata illius. Tertiò, amplectere eum, omnia propter illum abnegando, & ama toto corde, totâ animâ, totâ mente, totis viribus tuis.

Hæc verò quæstionibus tribus exercere potes circa quamvis materiam: quarum Prima, quàm verum hoc & credibile est quod proponitur? Secunda, quàm certa obtinendi spes, & res per se sperabilis? Tertia, quanto mihi à Deo mandata, quanto verò à me implenda est amore ac caritate?

Post hæc attende, si verè crederes, sperares, amares, quales essent cogitationes, verba ac opera tua.

Hoc igitur modo uti poteris in omni meditatione, siue ea fuerit de mysterio aliquo, siue de creatura aliqua, siue sententia. Mysteria passim nota sunt, creature ubique obuiæ, ideo sufficiet præcipuas aliquas sententias hîc proponere.

*Sententie in quibus exerceri hic modus
utiliter poterit.*

Omnis qui se exaltat, humiliabitur; & qui se humiliat, exaltabitur. Luc. 14.

Hoc est præceptum meum, ut diligatis inuicem, sicut dilexi vos.

Ioan. 15. id est, ut explicat idem, Et nos debemus pro fratribus animas ponere. 1. Ioan. 3.

Querite primum regnum Dei & iustitiam eius, & hæc omnia adiicientur vobis. Matth. 6.

Quid prodest homini si vniversum mundum lucretur, anima vero sue detrimentum patiatur. Matth. 16.

Amen, amen, dico vobis; si quid petieritis Patrem in nomine meo, dabit vobis. Luc. 16.

Fidelis autem Deus, qui non patietur vos tentari supra id quod potestis. 1. Cor. 10.

Qui vos audit, me audit; qui vos spernit, me spernit. Luc. 10.

Patientia vobis necessaria est, vt voluntatem Dei facientes reportetis promissionem. Heb. 10.

Maledictus homo qui facit opus Dei fraudulenter. Ierem. 48.

Vnusquisque in qua vocatione vocatus est, in ea permaneat, 1. Cor. 7.

Meditatio de verbis illis:

Omnis qui se exaltat, humiliabitur; & omnis qui se humiliat, exaltabitur: complectens exercitium Fidei, Spei & Caritatis, & modum meditandi per tres Virtutes Theologicas.

Considera verba singula. *Omnis*, quod exemplo Angelorum probatur: *qui se*, non quem alius, *exaltat*, in cogitatione, verbo, vel opere, in bonis naturæ, fortunæ, gratiæ. *humiliabitur*, à Deo scilicet, hominibus, demonibus. Quàm vera sententia, Deus meus! quàm par est me credere tibi, & obedire mandatis & doctrinæ tuæ? omnia enim mandata tua veritas. Tu, inquam, es æterna veritas, sapientia & bonitas infinita, qui fallere nō potes, nec falli; ego verò cæcus in via, quomodo non te sequar ducem meum quocumque ieris? ego ouis errabunda, pastorē in hac vasta solitudine? ego puer ignorās egressum & introitum meum, nō audiā te, ô Sapientia æterna? Ecce in tenebris existo, & tu lux mea, tu stella naufraganti; quomodo te nō sequar? & scuto fidei dextrā armabo seu dextrū oculum, fidem, inquam, seruabo, vt aduersarijs resistere queam, quem Israëlitis Naas eruere volebat? Cre-
do igitur & confiteor tibi super iudicia iustitiæ tuæ: cur enim non credam tibi? nōnne testimonia tua credibilia facta sunt nimis? Exaltauit se desertor Angelus & apostata, exaltauit Adam, Nabuchodonosor; & quomodo hu-

1. Reg. 11.

Psal. 92.

*Ratio qua
rebus fidei
ancillatur,
resq; credi-
biles facit.*

Psal. 18.

*Amplexus
fidei cum
detestatione
contrarij.*

Psal. 83.

*Percurrere
hic alios ar-
rículos fidei
licet.*

miliati sunt à te, qui in altis habitas, & humilia respicis in celo & in terra? Imò quotidiana veritatem hanc adstruit experientia, illam creaturæ nos docent propè omnes, ac faciunt, Domine mi, iudicia tua vera, iustificata in semetipsa: æquum enim est, vt qui se opponit factori suo, & superbit, humilietur. Amplector ergo istum quem scio esse fidelem sermonem tuum, & omni acceptione dignum. & quamuis aduersarius superbas ingerat animo cogitationes, & conetur ex bonis tuis elicere vanitatem grauissimum malum, vt me malum faciat, quia tu erga me bonus es; superbum, quia erga me clemens, & humillimè ad me te dimittis; auarum, quia liberalissimus es erga me; & inuidentem gloriæ tuæ, eamque affectantem quo magis eam mihi vis communicare: etiamsi omnia mundi bona atque honores habere possem, detestor & abominor omnia vt laqueum, vt lapidem offensionis, vt præcipitium, vt ruinam sempiternam. nam etiamsi cogerer, vt sic loquar, tormentis, aduersis premerer, nisi me erigerem, exaltarem, vlciferer, non committam tamen vt non credam tibi potiùs, & tecum humilis esse velim per gratiam tuam, atque eligere abiectus esse in domo Dei mei magis, quàm habitare in tabernaculis peccatorum.

Neque tantùm in eo tibi credo, ô æterna Veritas, sed omnibus quæ per Ecclesiam mihi proponis, siue scripta sint, siue non sint, N. omnia enim credibilia facta sunt mihi, quia tu dixisti, ô æterna Veritas; atque in super confirmant tot SS. exempla, tot Patrum scripta, tot Philosophorum dicta, qui cùm per visibilia inuisibilia tua cognouissent, non sicut Deum glorificauerunt, dati que sunt in reprobum sensum, & ad nostram vtilitatem vixerunt, si tibi viuamus & moriamur: viuamus inquam, & ex operibus ostendamus fidem nostram. Si enim verè crederem, si in me fides huius verbi tui verè operaretur, fieret velut granum sinapis in arborem magnâ: qui enim credit in te, opera, quæ tu fecisti, Deus meus, & ipse faciet, atque imi-

ra-

tabitur factorem suum. Si humilis forem, quàm verè me vilem æstimarem, quàm vilis haberi vellem, & non humilis reputari? loquerer humiliter, modèstè, deferrem omnibus, omnes mihi præponerem, nemini arroganter repugnarem; appareret in voce, gestu, oculis humilitas, non fastus, non arrogantia, non proprium iudicium, pestis animæ meæ: sed discipulus tuus factus, mitis essem, & humilis corde, & inuenirem requiẽ animæ meæ & gratiam in oculis tuis, ad quod toto corde suspiro.

Video quidẽ & credo esse vera, quæ suggerit Maiestas tua; sed quæ virtus mea, vt illã virtutẽ consequar in valle miseræ, quã perdidit Angelus in cælo, Adam in paradiso, & quã tota tantis viris in Religionis arce constitutis eripuit aduersarius deturbans eos in profundum? Verumtamen cum tu, Domine, mandaueris, certus sum, quia gratiam dabis, vt impleam mandata tua: non enim, Pater benignissime, tyrannus es, qui mandes filiis quæ præstare nequeant, & inuites omnes qui laborant & onerati sunt, etiam promittas quòd reficies eos, & non facias. promissi-
sti dicens, Petite, & accipietis; quærite, & inuenietis. Cur ergo non sperem? quid non sperem? quomodo & vbi non sperem? si ambulauero in medio umbræ mortis, non timebit cor meum. Ecce ego hîc laboro quidem, & oneror superbiã meã, deprimit me illa, demergeret quẽ in infernum, nisi tu supponeres manum tuam: in te enim speraui, non confundar in æternum. Da ergo quod iubes, & iube quod vis. Tu mandasti mandata tua custodiri nimis: sed & gratiam tuam, scio, non negabis, quã obedi-
diam tibi. quoniam tu, Domine, singulariter in spe constituisti me. Dabis mihi armaturam tuam, vt possim resistere in die malo, stare succinctus lumbos in veritate, indutus lorica iustitiæ, in omnibus sumens scutum fidei, & galeam spem salutis. Ego quidem non sum dignus, qui operibus meis, & iniuriis & blasphemis fui; sed vbi abundauit delictum, per misericordiam tuam solet abundare.

*Exercitium
spei.*

Actus spei.

Matt. ix.

Matt. 7.

Psal. 22.

Psal. 30.

Psal. 118.

Psal. 4.

1. Thess. 4.

Rom. 5.

dare & gratia. Eia fateor, nihil dignum feci oculis tuis, sed per gratiam tuam infinitam video me velle seruire tibi, & quærere te in toto corde meo: super hoc confiteantur tibi omnia opera tua, & sancti tui benedicant tibi.

*Ratio spem
adiuuat.
Eccles. 9.*

Sed hæc certè parua fiducia foret misero mihi, quia nescio infelix homo, amore an odio dignus sim; verum auget eam, quòd scio, quia promissisti, quia maiora non petenti dedisti; dedisti te mihi, animam tuam in mortem propter me, & corpus & sanguinem tuum in cibum, & solatium animæ meæ. Scio quia multis es largitus eam virtutem; at digniores quidem me longè erant, sed per te erant: & tu potens es de lapidibus suscitare filios Abrahæ. Scio quia statui gratiâ tuâ numquam legem tuam, consilium tuum, numquam te dimittere, sed amplexu intimo cordis mei te stringere, donec benedixeris mihi; qui verbo vno creasti omnia, & potes nutu vno sanare omnia mala mea.

Heb. 10.

Et verò humilem esse certè gratiâ tuâ difficile non est: nōne facilius descendere, quàm ascendere? nōne facilius esse quod es, quàm esse quod non es? habere, & in te videri quod habes, quàm sperare & ostendere quæ non habes? Certò igitur per gratiâ tuam spero, quòd hanc gratiam inueniâ in oculis tuis: & licet moram feceris, expectans expectabo te Domine, quia veniens venies, & non tardabis. Etsi aliud mihi hostis insusurret, aliud labor longus; sperabo tamē, & licet occideris me, in te sperabo.

*Dilatatio
spei.*

Neque hanc tantum gratiam, sed quidquid mihi ad salutem necesse est, petam & accipiam, quæram & inueniam; pulsabo fores misericordiæ tuæ, & aperientur: aperiesque manus tuas liberalissimas, in quibus descripsisti me, & implebis me benedictione, vt benedicam & laudem nomen tuum in sæculum sæculi.

Nunc igitur, anima mea, si verè speramus per humilitatem ascendere, & similes esse Deo nostro, quomodo nobis vilissima quærenda sunt? aliis omnia honorata deferenda?

renda? humiliari denique nos oportet, vt exaltemur in tempore opportuno, in die visitationis: quando veniet illa, quando veniet, vt assumas nos ad teipsum, & videamus te! At non videbit te homo, & viuet: ô vtinam moriar, vt te videam ô vita mea! quid enim hîc moror, aut quid me moratur? Quod si aliud placet tibi, placet & mihi: velle enim meum dicaui tibi, & omnem amorem meum, vt nihil cupiam, nullam virtutem aut donum, nisi vt placeam tibi; cum nihil à te factum sit aut mandatum, nisi vt tu vnus mihi placeres, & omnia displicerent aliena à te.

Mandas enim mihi humilitatem, & suades perfectionem, vt me exaltes bono meo ex caritate tua immensa. O Deus meus, ô amator hominû benignissime, quàm pure nos diligis, quàm gratuito amore! Ecce si quid madas, præcipis, si quid facis, creas; id propter me: & ego mercenarius ero, & nō potius ex amore parebo tibi, vt placeam tibi? vt deliciari possis in anima mea? vt exultare in seruulo tuo, & gloriari in eo quod non sit infidelis tibi, quia tu dignatus es facere misericordiam tuam cum illo? si iubes ex amore, quid quæris aliud quàm amorem? Amari à me vis. Quid ergo est amare? bene tibi velle, de bonis tuis gaudere, de malis quæ tua reputas dolere, tibi libenter adesse, de te cogitare, & tecum ac de te loqui, propter te operari. Hoc cine est amare? & amarum mihi erit amare te, dulcedo summa, suauitas infinita, bonitas immensa, misericordia mea, refugium meum, ac liberator meus.

Actus caritatis.

Possumne malè velle tibi, qui non vis nisi bona tua communicare mihi? non gaudebo super bonis, ac gloria tua, cum omnia tecum mihi donaris? mala tua non sentiam, cum qui tangit me, tangat pupillam oculi tui? tibi non adero libenter, cuius sunt deliciae esse mecum; mecū, qui sum vermis, & non homo, cinis & puluis? Tu perpetuò de me cogitas, vt iuues, vt prouideas, vt dirigas, vt

*Zachar. 2.
Prou. 8.*

Matth. 13.

fouear, vt nutrias; & quomodo obliuisci potero tui? Venisti à summo cælorum, vt eructares abscondita nobis à constitutione mundi, & quæ est dignatio tua, amantissimi

Ioan. 15.

me Iesv! nos dixisti amicos, & omnia quæ accepisti à Patre tuo, nota fecisti nobis: & fieri poterit, vt non loquar

Psal. 136.

de te? Adhæreat lingua mea faucibus meis; si non meminero tui, si non meminero tui omnibus diebus vitæ meæ. Ah, non meminissem tui, qui è millibus quos obliuioni dedisti, & nescisti, elegisti me vt essem? Erant & sunt in conspectu tuo quotquot esse possunt homines, in abyſſo potentia tuæ; & esse nequeunt, nisi iusseris vt prodeant; ego verò cùm essem inter eos innumerabiles, præstantiores, meliores futuros, iussus sum exire in lucem hanc. Quid, quæſo, inuenisti in me quòd præ cæteris ante mundi constitutionem diligeres me? quid egeram, qui non eram? quid acturum videbas, qui spreui te, & multiplicauì peccata mea, iniurias tuas, super numerum arena maris? Quid ergo, Domine, impulit te vt meminisses mei? amor tuus, qui me, cùm non essem, fecit; & cùm factus essem, refecit. Natus erā, & mecū nati erant plurimi velut flores agri innumerabiles; & cùm staremus simul corā te, innumeris in infidelitate relictis, pereuntibus sine baptismo, iterum iussisti vt egrederer de numero, & numerarer inter filios tuos. O dignatio! ô misericordia! ecce tu velut in diluuiò Noë mihi fuisti, & saluasti animam meam. Stabant innumeri, stant etiamnum in littore deserti mundi huius; & ecce aquæ peccatorum inundant omnia, etiam summos montes superant aquæ; ecce audio clamores, videre videor tendentes brachia, vt in arcam, Ecclesiam, in gratiam à te recipiantur: ego verò inter eos incurius stabam, contemnens & irridens te; & vocasti à morte ad vitam, ab interitu ad salutem, à diluuiò communi in arcam. Neque hoc tantum, sed portasti ad eam, ad caulam tuam in humeris tuis. Quomodo te amplectar, ô amor! ô charitas! ô abyſſus amoris!

Psal. 32.

ris! Beatagens, cuius est Dominus, Deus eius; populus, *Psal. 32.*
quem elegit in hereditatem sibi ! De cælo respexit Dominus, vidit omnes filios hominum: de præparato habitaculo suo, respexit super omnes qui habitant terram. Etenim, erat fames in Ægypto mundi huius, & est; ego neque de pane sollicitus, sed tibi Saluatori meo molestus eram, ac stabam inter innumeros, & sto, qui fame pereunt; tu verò me vocasti, & vocas, & nutris manu tuâ. quid dico, manu? pascis corpore, potas sanguine, & te totum mihi das; & cuius ero? Ecce oculi Domini super metuentes eum; ut eruat à morte animas eorum, & alat eos in fame. *Ibid.*

Incendium est, & ardet mundus; sto in medio eorum, quos iusto iudicio finis concupiscentijs ardere & consumi: cadunt à lateretuo mille, & decem millia à dextris tuis, ad me & tabernaculum meum non appropinquavit flagellum. Quid feci ego? quid merui? nihil; sed vox sanguinis tui, ô IESU, ô IESU, ô IESU, clamauit ad Deum Patrem, & inueni gratiam in oculis eius, & venisti, & sustulisti me ex medijs periculis; & cuius ero? Anima nostra sustinet Dominum, quoniam adiutor & protector noster est; quia in eo lætabitur cor nostrum, & in nomine sancto eius sperauimus. *Psal. 90.*

Naufragium erat, & est; & eheu! quot frustra tabulam poenitentiae quærunt? quis eripere me potuit? quis voluit? omnes dereliquerunt me: sed venisti, descendisti, & natasti in sanguine tuo, ut eriperes me. Eheu! quis sum ego, quis sum ego? & quis tu? unde me nosti, qui nihil sum, & nihilo peius? unde in tanto pereuntium numero me discernis? vno equidem amore, ac infinitâ caritate tuâ. Benedicam Dominum in omni tempore, semper laus eius in ore meo. In Domino laudabitur anima mea, audiant mansueri & latentur. *Psal. 32.*

Ecce venisti fortis armatus, & mandasti exercitibus tuis,

tuis , vt deleant inimicos tuos : inter eos ego eram & perieram : lata erat sententia , maiorque mea erat quàm aliorum culpa; & tamen mandasti, & audiui, Seruate mihi puerum istum: & cui viuam? Fremunt alij, & meritò: vlulant alij, inuident alij, dicentes : Vt quid ille assumitur? quid ille præ nobis fecit? & erubesco ad voces istas , quas mihi suggerit veritas & conscientia mea. quid facturus es? misereberis, scio; imò &

Matth. 20. respondebis pro me: An oculus tuus nequam est, quia ego bonus sum? ecce aiunt illi, Iste consumpsit omnem substantiam suam: & ego erubescens audio, ac vim patior, responde pro me, apprehende arma & scutum,

Psal. 34. & exurge in adiutorium mihi, effunde frameam, & conclude aduersus eos qui persequuntur me: dic animæ meæ, Salus tua ego sum. Dixisti, & ecce confunduntur & reuerentur quærentes animam meam. Video innumeros in nocte ignorantia, in tenebris nescire quò vadant: ambulabam ego vermibus cum illis inter mille milia, & ego qui eram in tenebris & vmbra mortis, vidi mihi oriri lucem magnam. Imò quid dicam? quid loquar? venisti ipsemet, ô sol iustitiæ, ô splendor gloriæ, ô candor lucis æternæ, & illuminasti me; & cum starem cum omni gente quæ sub sole est, reuelasti mihi aurem, & docere me voluisti vias tuas. Quid ultra dicam? quid loquar? silentium meum, & cor meum loquatur tibi. non fecisti taliter omni nationi, & iudicia tua non manifestasti eis. magnificate Dominum mecum, & exaltemus nomen eius in idipsum. Exquisiui Dominum, & exaudiuit me, & ex omnibus tribulationibus meis eripuit me. Accedite ad eum, & illuminamini, & facies vestræ non confundentur. Iste pauper clamauit, & Dominus exaudiuit eum, & de omnibus tribulationibus eius saluauit eum. Neque, ô bone IESV, lassatus fuisti, etiamsi projicerem sermo-

sermone tuos retrorsum, & ambulare in vagis, & ludere in plateis, & illudere tibi; nihilominus elegisti me, quem doceres vias tuas. Audire videor iterum mustitantes, & dicentes innumeros, Quare hic eligitur? & cur nos derelinquimur? nec habeo quod dicam, nisi, Misericordias Domini in æternum cantabo; misericordie Domini, quod non sumus consumpti. *Psal. 88.
Thren. 3.*

Post hæc omnia adhuc tamen erravi, & consiliis tuis non obediui, sed abij toties contemnens mandata tua, etsi leuia: & iam videbas me cum multis ire & perire; quid faceres, Deus meus, ô bonitas infinita, quid faceres? O quoties misisti Angelos tuos, qui reuocarent errantem, & clamarent suauissimè in auribus meis: Reuertere, reuertere, reuertere Sunamitis, *Cant. 6.* reuertere vt intueamur te. Reuersus sum itaque, vel potiùs retractus sum. Nemo enim potest venire ad te, nisi Pater tuus traxerit eum. Nónne sperare poteras, quod oculi mei semper essent ad te, sicut tui erant ad me aperti die ac nocte, & animus meus tecum esset? & non amarem vltra aliquid, nec peterem, nec optarem, nisi fieri voluntatem tuam, quam scirem esse salutem, & summum bonum meum? ita meritò: sed, cheu! quoties in actione intentio inficitur creaturæ amore, & detrahitur de amore meo erga te? etsi omnis creaturæ amor non sufficiat mihi, vt dignè diligam te: scio, & video multos traditos esse in manus dominorum crudelium, dæmonum, satellitum iustitiæ tuæ: dereliquisti enim plurimos, & ceciderunt è vocatione, exciderunt gratia tua; & ego eodem & meliori iure deferi debueram: conclusi erant omnes reti vanitatis; quo tegitur, vt vidit Antonius seruus tuus, vniuersus orbis; sed sapissimè mandasti vt parceret mihi, nec permisisti induci me in tentationem. Videor quasi de terra audire clamo-

clamores, & de sub terra, quòd mihi pepercideris, quòd præueneris in tot benedictionibus: immò, & de cælo quasi percipere. Video plurimos admirari, quasi non feceris eis, quæ incomprehensibili benignitate præstitisti mihi. O quòt sunt mala mundi, & quæ non communi iure etiam punire deberent peccata mea! tot, inquam, morbi, tot miseriæ, tot ærumnæ: sed prohibuisti, ne accederent ad me. Quid retribuam tibi, Deus meus? quid retribuam? cui uiuam? cui uiuam? ô amor, ô caritas, Deus meus, vnum peto humillimè: adiutor meus esto, ne derelinquas me, ne vnquam despicias me: ne despicias me, magne Deus, propter amorem tuum, nec proiicias me vnquam à facie tua. In te cantatio mea semper: tu scis. In te cantatio mea semper. Tamquam prodigium factus sum multis, & tu adiutor fortis. Suades emere à te aurum ignitum, id est amorem: cupio, & vehementer desidero, & rogo iterum humillimè, vt moriar potius, quàm non amem, non uiuam nisi tibi, non loquar nisi de te, non sperem nisi te, non quæram quidquam extra te. O vtinam; ô vtinam audias me, & admittas ad thronum gloriæ tuæ petitionem paruulam meam: ea est, vt, cum non possim amare te, nisi per gratiam, des mihi amorem, & sufficit mihi; vestem istam nuptialem, vt sentias fragrantiam eius, & benedicat mihi anima tua. Nec gloriam peto, nec donum vllum, nec priuilegium: hæc sint & sunt amicorum tuorum: ego seruus & filius ancillæ tuæ. nihil peto, nisi vt redamare possim amantem, mori possim pro te, & viuere tibi. Transfige me, & vulneret me amor tuus, vt moriar mihi, & uiuam tibi. O amor! ô ignis qui semper ardes! ô charitas! ô Deus meus! Quis nos, ô anima mea, separabit à charitate Christi? tribulatio? an angustia? an fames? an nuditas? an periculum? an persecutio? an gladius?

Psal. 70.

Psal. 115.

Rom. 8.

gladius? certus sum enim, quia neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo IESV Domino nostro.



DVODECIMÆ IMAGINIS

A N N O T A T I O.

Vis virtutem notatam in mysterio
N sequi? Deo soli confide, diffide
tibi,

E T si virtutem in mysterio obseruatam, & A
Christum sequi decreueris; eheu! retinebit B
mundus, & pondus corruptæ naturæ: vel etiam C pec-
cati vinculis retraheris: sed confide in Deo, & D Chri-
stus suâ te gratiâ liberabit, & viam ostendet ad E
virtutem. Hæc absque gratia homo F infanti similis
est, qui neque surgere, neque consistere, nec se tueri, nu-
trire, aut hac ab alio petere valet. Tibi itaque diffi-
de, Deo soli, eiusq; gratia confide cum G Daude,
qui non in funda, sed in nomine Domini Goliath su-
perauit: neque dubita vlllo pacto, ne cum H Petro ob
modicam fidem mergi incipias.



CAPV T XXIX.

Meditatio de Confidentia in Deo, & diffidentia sui in omni oratione exercenda.

COMPOSITIO LOCI, vt in imagine. PETITIO est huius virtutis.

PVNCTVM I. Considera hominem ita infirmum esse, vt, quamuis videat meliora & probet, tamen ea, siue quòd mundi amore & naturæ pondere, siue quòd à dæmone peccati vinculis retineatur, nisi gratiâ Dei opitulante, sequi non possit. Nemo enim potest venire ad IESVM, *Ioan. 6.* nisi per illum attractus fuerit. Quod sponsa expressit clamans: Trahe me post te, curramque in odorem vnguentorum tuorum. Considera Secundò, hominem velut infantem esse, hostibus cinctum, eorumque iniurijs expositum: vt enim ille se tueri nequit, neque si sorduerit mundare, aut lapsus erigere, aut iam erectus nisi alterius ope consistere; si fames aut sitis vrgeat, nec cibum querere, & (quod omnium miserrimum) nullius in his opem flagitare potest: ita homo non est sufficiens aliquid ex se tamquam ex se facere, nec dicere, IESV; nisi in Spiritu *Rom. 8.* sancto. Ecce quàm rectè monet nos Dominus: Nili facti *Matt. 18.* fueritis sicut paruuli, non intrabitis in regnum cælorum. Solus enim qui se talèm cognoscit & æstimat, ad Dominum accedit dicentem: Sinite paruulos venire ad me, talium est enim regnum cælorum. Tertiò, considera quàm sit huiusmodi infans resignatus, & parum sollicitus, quoad victum, vestitum & habitationem; nihil enim eorum cogitat, sed alijs omnē sui curā securus committit: hunc imitari statue, ac diuinæ pietati omnia committe. Quartò, quomodo Dominus instar suauissi-

Isaia 66.

mæ matris omnibus his infantilibus incommodis amantissimè succurrat, vt meritò per Isaïam dicat: Quomodo si cui mater blandiatur, ita ego consolabor vos, & ad vbera portabimini, & super genua blandientur vobis. Ecce ego declinabo in vos fluuium pacis, & quasi torrentem inundantem gloriam. & Numquid potest mulier obliuisci infantem suum, vt non misereatur filio vteri sui? & si illa oblita fuerit, ego tamen non obliuiscar tui: ecce in manibus meis descripsi te.

*Vide Lud.**de Puente 6.**p. med. 50.**Actor. 17.**Ioan 15.**Ierem. 17.**Prou. 12.**1. Reg. 17.**Daniel. 4.**2. Paral. 24.**Iud. 20.**Basilius.**Richardus.*

PUNCTVM II. Considera omnia quæ hîc vides in vniuerso, à Deo habere quòd sint, quòd conferuentur, & operetur, ex ipso & per ipsum & in ipso nos viuere, moueri & esse, vt Apostolus loquitur. Secundò, fide certissimum esse, nos nihil absque Deo eiusque gratia singulari posse ad salutem operari, iuxta illud: Sine me nihil potestis facere; sed omnia illum operari in omnibus, tribuereque singulis prout vult. Considera Tertiò, quantopere displiceat Domino, hominem in se, vel in alio quàm in eius bonitate spem collocare. Maledictus homo, qui confidit in homine, & ponit carnem brachium suum; erit enim quasi myricæ in deserto, & non videbit cum venerit bonum; & qui confidit in cogitationibus suis, nihil agit. Quartò, deseri à Deo omnes, qui sibi fidunt; vt Goliath à Dauid in nomine Domini superatus; Nabuchodonosor velut bestia factus. quare Propheta Amasiam sic monuit: O Rex, si putas in robore exercitus bella consistere, superari te faciet Deus ab hostibus tuis: Dei quippe est adiuuare, & in fugam conuertere. Experti id Israëlitaë numerosi, victique à Beniaminitis paucis, quia, ait Scriptura, Filij Israël & fortitudine & numero confidentes aciem direxerunt. Censet omnino Basilius, neminem superari à tentatione vlla, nisi sibi plus æquo fidentem. Richardus verò, Impossibile est hominem de se ipso triumphare, qui non experimento didicerit propriâ virtute se non posse obtinere triumphum; & tentationes solere Dominum tam-

tamdiu immittere, donec id planè intelligat.

PVNCTVM III. Considera quomodo in Deo confidentia hominem ab omnibus malis liberet. Inuocame, ait, *Psal. 49.* in die tribulationis, eruam te, & honorificabis me; & rursus vel parum diffidere, grauius mala creet. quocirca Moyses hæsitans ad aquas contradictionis exclusus est terræ promissionis, & Petrus in mari mergi cœpit, qui antè Deo confidens vndam calcabat. Secundò, causam huius exquire, & reperiēs quòd homo Deo diffidens plus sibi fidere videatur, quasi aut bonitas infinita nolit, aut potentia immensa non possit eruere, aut quod desiderat præstare. Tertiò considera, quanto amore Dominus ducem se offerat volenti viam salutis inire: Ego sum, ait, via, veritas & vita: non tantum vt viam ostendat; sed etiam vt portet bonus & optimus Pastor ouiculam errantem & debilem in humeris suis. Quartò, Dominum, quantumuis ab homine plurimis peccatis prouocatus sit, mox vt ad se sequendum venerit, non recordari præteritorum: sed, vt in filio prodigo demonstrauit, illum amplecti, & soluere, & inducere stolâ primâ, &c. Postremò apparere vultui Patris in cælo, vt pro nobis intercedat optimus aduocatus, qui numquam non exauditur pro reuerentia *Hebr. 5.* sua.

O R A T I O.

VOcas me, Domine, vt sequar te: exemplum enim dedisti nobis, & magna gloria est, sic, N. humilitate verbi gratiâ, sequi Dominum meum. Sed, eheu! Domine Deus meus, infelix ego homo sum: quis me liberabit de corpore mortis huius? condelector quidem legi tuæ secundum interiorem hominem, video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Ecce non quod volo bonum, hoc facio; sed quod nolo malum, hoc ago. Volo sequi te quocumque ieris, & currere in via man-

Rom. 7.

- datorum tuorum, & virtutes tuas imitari; sed retinent me nugæ
 nugarum, vanitas mundi huius: & corpus hoc, quod corrumpi-
 tur, aggrauat animam, & terrena habitatio deprimit sen-
 sum multa cogitantem. Multiplicati sunt qui tribulant me, &
 multi insurgunt aduersum me, circumdederunt me sicut apes,
 exarserunt sicut ignis in spinis: sed in nomine tuo vliscar in eis.
 Impulsus euersus sum vt cadrem; sed tu, Domine, suscipe me.
 Quæ enim creatura non reuolueretur in nihilum absque te, in quo
 omnia viuunt, mouentur & sunt? Qui homo fragilis ac debilis
 stare poterit absque te, in lubrico vita huius? non veniat mihi, pre-
 cor, pes ille superbie, vt confidam in virtute mea: certus enim sum
 quia nihil scio, neque possum absque te, in mediis positus hosti-
 bus, in mediis fluctibus & arumnis. Omnia tu in nobis operaris,
 Domine, non in arcu meo superabo, & gladius meus non saluabit
 me; sed dextera tua fecit virtutem, dextera Domini exaltabit
 me, dextera Domini fecit virtutem: fortitudo & laus mea tu es,
 & factus es mihi in salutem. In te eripiar à tentatione, & in Deo
 meo transgrediar murum: tu solus præcinges me virtute, & po-
 nes immaculatam viam meam, & perficies pedes meos tamquam
 ceruorum, & super excelsa statues me, docebis manus meas ad præ-
 lium, & pones vt arcum areum brachia mea. Ego autem perse-
 quar inimicos meos, & comprehendam illos, & non conuertar,
 donec deficiant, confingam illos, & non poterunt stare, cadent
 subtus pedes meos. Benedictus Dominus, qui docet manus meas ad
 prælium, & digitos meos ad bellum. Iste Deus meus, saluator
 meus, adiutor meus, non emigrabo: iste liberabit me de laqueo ve-
 nantium & à verbo aspero: neque enim obliuisci mei potes, quem
 in manibus tuis descripsisti, et si mulier obliuiscatur infantis vteri
 sui. In te inimicos nostros ventilabimus cornu, & in nomine tuo
 spernemus insurgentes in nobis: saluasti enim de affligentibus nos,
 & odientes nos confudisti. Ego enim puer sum, nesciens introitum
 & exitum meum. O, Domine, saluum me fac; Domine, benè
 prosperare: confitebor tibi, quoniam exaudisti me, & factus es mi-
 hi in salutem; Deus meus es tu, & exaltabo te. Venite, & audite,
 omnes qui timetis eum, & narrabo vobis, quanta fecit anima mea:

omnes

omnes hostes & gentes circuerunt me, inermem, infantem, & in nomine Domini quia vltus sum in eos: nolite confidere in principibus, in filiis hominum; non enim in fortitudine sua roborabitur vir, nec in tibijs viri beneplacitum erit ei. Maledictus homo, qui confidit in homine, & ponit carnem brachium suum: quoniam fortitudo mea & laus ipse est, & factus est mihi in salutem. Dominus petra mea, & robur meum, & Saluator meus, Deus fortis meus, sperabo in eum, scutum meum, & cornu salutis meae, eleuator meus, & refugium meum, Saluator meus: de iniquitate liberabis me, laudabilem inuocabo Dominum, & ab inimicis meis saluus ero. Non gloriatur sapiens in sapientia sua, & non gloriatur fortis in fortitudine sua, & non gloriatur diues in diuitijs suis: sed in hoc gloriatur qui gloriatur, scire & nosse te, quia tu lucerna nostra, Domine, & tu illuminabis tenebras meas; tu pastor bonus, qui errantem ouem reduces in humeris tuis ad pascua aeterna, tu qui loqueris pro me bona in conspectu Patris tui, tu solus refugium, tu solus liberator meus, & auxilium meum de inimicis meis iracundis: intuerere superbiam eorum; & respice ad humilitatem nostram, & faciem sanctorum tuorum attende, & ostende quoniam non relinquis praesumentes de te, & praesumetes de se, & de virtute sua gloriantes humilias: tibi enim derelictus est pauper, & orphano tu eris adiutor: suscitabis de puluere egenum, & de stercore eleuas pauperem, vt sedeat cum principibus, & solium gloria teneat, & te laudet ac glorificet in secula saeculorum. Amen.

Psal. 117.

Ierem. 17.

2. Reg. 22.

Ierem. 9.

Psal. 9.

Psal. 112.

Praxis ad fiduciam in Deum , & diffidentiam sui in quacumque oratione & reconcipiendam.

Primò, considera quomodo plurima variis in rebus tibi male cesserint, etsi consilia optima cepisse videris.

Secundò, nihil attempta nisi Numine propitiato & inuocato; nihil enim absque Dei gratia possumus. Igitur priusquam incipias rem aliquam alicuius momenti, saltem contritionem exerce, & Deum inuoca, dicens : *Deus in adiutorium meum intende.* Quo versu Patres olim frequenter vti solitos refert Cassianus.

Cassian.

Tertiò, grates Deo de successu age, adito, si fieri potest, Venerabili Sacramento: neque vnquam tibi aliquid tribue, sed Deo; idque etiam verbis testare: quemadmodum enim Religiosi etiam hæc nomina *meum & tuum* vitarunt, ita etiam hinc expedit proprium sibi nihil facere, vt fiat illud: Si quis ministrat tamquam ex virtute quam administrat Deus; si quis loquitur tamquam sermones Dei, vt in omnibus honorificetur Deus.

1. Pet. 4.

Quartò, peculiaribus beneficiis solemnem quotannis diem pro gratiarum actione destina.

Quintò, quotidie bis in examine, aut saltem semel, gratias Deo age, & omnia bona & mala quasi de manu eius accipe.

Sextò, præuide agenda manè, vel pridie vesperi, & pro singulis gratiam pete, magna cum humilitate ac tui diffidentia.

Septimò, nullum vnquam beneficium ab homine pete, quin prius à Deo omnium largitore id suppliciter efflagitaris, & quasi impetraris: dispensatores enim sunt homines, Deus ipse est Dominus, sine quo illi dispensare nequeunt, etiamsi maximè velint; neque quidquam negare, cum diuinæ eius bonitati visum fuerit.

Octauò, præterea facit ad diffidentiam sui, in re propria nõ inniti prudentiæ suæ, sed diuinæ: & præterea humiliter ab aliis consilium & auxilium poscere. Magnæ certè est argumentum arrogantia; & præfidentia; si se solum quis sapere existimet, nullius consilium exquirat, aut dicis causâ tantummodo, & adhibeat

qui

DE CONFIDENTIA IN DEO, ET DIFFIDENTIA SVI. 391

qui sua collaudent confilia potius, quàm dirigant. Certum verò est hominem sibi diffidentem, Deoque confidentem tum industriæ, tum prudentiæ, tum certò alterius probitati magis, quàm suæ confidere. Hoc in illis efficit ut resignati sint ad quævis iussa Superiorum, nihil detrectent, nihil ambiant cum sibi diffident.

Non est & hoc diffidentiæ suæ argumentum & praxis, numquam dicere Faciam, Feci, Promitto, seu cum asseueratione, Id effectum dabo; sed hoc pacto, Dei gratiâ & auxilio id faciam: Præstabo, si Dominus me dignatus fuerit iuuare; & simul attollere cor in Deum, atque auxilium petere.

IACVLATORIÆ.

Non nobis, Domine, non nobis; sed nomini tuo da gloriam. Psalm. 113.
Ex te, & in te, & pro te sunt omnia, Deus meus, & omnia.

Adiutor meus esto, ne derelinquas me; neque despicias me, Deus salutaris meus. Psalm. 26.

Bonum est confiteri Domino, & p' allere nomini tuo Altissime. Psalm. 91.

Per singulos dies benedicam tibi, & laudabo nomen tuum in saculum, & in saculum seculi. Psalm. 144.

Confiteantur tibi, Domine, omnia opera tua, & sancti tui benedicant tibi. Ibidem.

Ego autem mendiculus sum & pauper: Dominus sollicitus est mei. Psalm. 39.

Domini est salus, & super populum tuum benedictio tua. Psalm. 3.

Quoniam in te eripiar à tentatione, & in Deo meo transgrediar murum. Psalm. 17.

Conserua me, Domine, quoniam speravi in te; dixi Domino, Deus meus es tu, quoniam bonorum meorum non eges. Psalm. 15.

DECIMÆTERTIÆ IMAGINIS

A N N O T A T I O.

Considera, & pondera virtutem cum vitio, atque vtriusque naturam expende.

Vis te magis ad A virtutem exstimulare? vide ut hæc B vitio, totiꝝ mundo præponderet. Virtus tibi pollicetur ac ostentat laudem & præmia; vitium seruitutem & pœnas (qui enim facit peccatum, servus est peccati.) Virtus, animæ potentias sanat ac roborat; vitium sauciat triplici telo, ut sunt tria mundi mala, & perdit. Attende vtriusq; C occasiones, & amplectere virtutis, fuge peccati anſas. D Virtus omnis, quemadmodum patet in E paupertate, expeditum, ut S. Franciscum, facit, & viâ rectâ te promouet ad F salutem: G vitium verò à via salutis abſtrahit, quemadmodum H mundus, & eius amor ac diuitiarum ducit per vias amfractuosas, grauatq; ut minimum adſcendentem, ac teſtudineum facit gradum. Quid ergo? primum illud in omni deliberatione propoſitum tibi habe, quem ad finem I creatus ſis, utq; ad eum ſola virtus, & quæcum virtute coniuncta ſunt, te ducere & promouere queant.



C

De primo
ctus eius
deratio
electio

Per omnia
quantum
terrenis a
suam, tu
que pale
tencia;
perpetu
turis an
ria: Ve
minun
plum.
cet, d
trum
pono
terre
serpe
B.P.
in con
tas ite
tia qu
facian
nim vo
iachura

CAPVT XXX.

De primo medio meditationem atque affectus eius ampliandi: siue meditatio de Consideratione Virtutis ac Vitij, & illius electione.

PVNCTVM I. Considera Primò, quomodo Dominus *Sap. 17.*
 Omnia in pondere, numero & mensura creavit; & quantum magnitudine, dignitate, pretio cælestia hæc terrenis antecellant. & quorsum hæc? Tum ad gloriam suam, tum vt homo qui cælum assiduè intuetur, illiusque pulchritudinem, magnitudinem, imperiũ in hæc inferiora; ad illud non tantum caput, sed etiam animum perpetuò erectum haberet, & spiritualia ac æterna perituris anteferet. Secundò, quàm vera illa Dauidis sententia: Verumtamen vani filij hominum, mendaces filij hominum in stateris, vt decipiant ipsi de vanitate in idipsum. Quantum autem id Deo displiceat, Salomon docet, dicens: Pondus & pondus, mensura & mensura, vtrumque abominabile est apud Deum. O quàm iniquo pondere æstimantur cælestia, quàm magno appenduntur terrena! Vide, quàm parui materia virtutis, dura, aspera, serpens, sitis, ardor, arenæ, iniuriarum tolerantia (quam B. P. Ignatius suis magni faciendam, summiq; momenti in conspectu Creatoris ac Domini nostri asserit) paupertas item, esuries æstimentur ab huius sæculi filijs; & contrà quanti honores, voluptates, genus, robur, opes, &c. faciant: immò nummum vnum, verbum vnum: sæpè enim vel ob hoc, vel illum, etiam vitæ & animæ æternam iacturam faciunt; & veluti pueri de bullis & quisquilijs

*Psal. 16.**Prou. 20.*

disceptant; æterna veramque virtutem despiciunt. hinc tribunalia omnia litium ac litigantium multitudine obruuntur; emulatio verò virtutis rara. Tertiò, vnde hæc contingant, & deprehendes ex eo, quòd finem creationis non respiciant, sed præsentia: si enim illi intenderent, nihil æstimarent, nisi quòd ad illam iuuaret: sicut infirmus medicum & pharmaca ponderat ex eo, quòd ad sanitatem vtilia, & miles arma, & quilibet artifex sua instrumenta. Vide an communi errore abripiare, an verò meliora eligas, habitâ ratione salutis tuæ. & ad particularia vitia tua, & virtutes quas exoptas, descende.

PUNCTVM II. Considera nullos rectius hæc considerare posse, quàm eos, quibus ista specie suâ non imponunt, quique pretium eorum intimè cognoscunt. Vide igitur, quanti Deus ipse ista æstimauerit, tum quòd improbis bona hæc ferè largiatur, filiis autem virtutem; tum vel maximè, quòd idcirco Filium in terram miserit, vt nos mundi despectum, virtutis pretium edoceret. Secundò, quanti Angeli, qui perpetuò ad eam nos adhortantur. Tertiò, dæmones, qui assiduè dehortantur, ex implacabili odio, & nihil non tribuunt suis seruis & mancipiis, vt à virtute abducant; nihil timent, nullo domantur, nisi solâ virtute. non enim est potestas, ait Iob, quæ comparetur ei. Quartò, quanto Ethnicis etiam improbis ficta & adumbrata virtus semper in honore fuerit, eamque reueriti sint, solo lumine naturæ illustrati: quibus honoribus illi suos, quos etiam habent, Anachoretas, sacrificulos colant, vanâ probitatis specie improbitatem summam velantes. Quintò, considera quid ergo sit virtus in se: nempe bona qualitas mentis, quâ rectè viuatur, quâ nemo malè vitur, quam Deus sine nobis in nobis operatur. Vide illam armatam: vincit enim omnia, & inuulnerabilis est, ac tales sui amatores facit, palmâque donat & coronâ, superat ardua, & petit volucris gressu atque alis cælestia. Deinde pulchritudi-

Iob 41.

Virtutis definitio.

D. Thom.

1.2 q 55. a.

4. in 1 arg.

rudinem eius quasi intueri. Nihil certè, ait Lactantius in Institutionibus, virtute pulchrius, nihil sapientiâ dignius inueniri potest. de hac aiebat Plato, Si oculis conspici posset, mirabiles amores sui excitaret. Clemens Alexand. in Pædagogo, In sola, ait, anima apparet pulchritudo: & idè is solus, qui est virtute præditus, verè est pulcher, bonus, honestus: & solum quod pulchrum est & honestum, bonum esse statuitur. Sola autem virtus vel per pulchrum corpus apparet, & in carne efflorescit moderationis speciem amabilem ostendens, quando mores tamquam lux quædam in forma resplenduerunt. Vt autem id melius conspicias, considera Adamum in innocentia statu, eiusque mentem & animam benè ordinatam, & eandem post lapsum. Deinde considera virum hac vel illa N. virtute præditum tibi notum, & attende quid in eius intellectu, voluntate, memoria virtus efficiat: intellectum verum efficit, voluntatem rectam, memoriam sanctis cogitationibus implet: quid demum in corpore atque actibus eius externis operetur. Tertiò, Rempublicâ aduerte benè ordinatam, ubi optimi Superiores aliis imperant, & sic esse animam virtute ornatam, quietam, pacatam. Sextò, considera virtutis originem à Deo esse, summo bono; vitium à dæmone, summo malo. imò verò vitium hominis summum esse malum, & virtutem summum & solum bonum. Nihil enim hominem bonum, sanctum, iustum efficit præter virtutem; nihil improbum, nulliusque pretij & malum præter vitium. Quæ verò dementia, vt omnia bona velint homines præter se? August. Bona, ait, vis habere & non esse. Quod cum ita sit, nihilque te bonum præter virtutem efficere possit, quid alia æstimas, quæ vitium proponit? quibus habitis neque melior, neque beatior eris, imò peior & infelicior.

PUNCTUM III. Considera Primò, quid sit vitium, monstrum scilicet quod animam deformat, cæcam reddit, labe aspergit, morbisque plurimis affligit, & grauissimè triplici-

*Lactanz.
lib. 3. institut.
Plato.
Clem. Alex.*

August.

Quid vitium.

pliciq; telo vulnerat, scilicet in cogitatione, intellectu & voluntate, vt patet in superbia, auaritia, luxuria, ira, &c. Finge igitur te hoc vitio laborantem notum aliquem tibi intueri, eiusque cogitationes, iudicia, sermonem, &c. Vel cogita Angelos pulcherrimos & sapientissimos, & quid in illis mentibus effecerit peccatum. Secundò, attende eius bona, si quæ sint, vnâ cum toto mundo, quodque nullo pacto cum virtute ponderari possint aut comparari. Tertiò, quanta sit virtutis libertas, quanta vitij seruitus: quantum enim seruit ambiciosus, auarus, gulosus, luxuriosus & quàm duræ eorum leges? etiam si enim de anima, fama, vitâq; etiam eterna agatur, Non possum, ait, &c. abstinere à vitio cui obligatus sum. Quartò, quantum Deus oderit peccatum, ipse infinitum scilicet bonū infinitum malū. Quintò, quomodo omnibus bonis spiritualibus animam spoliât, Dei amicitia, Spiritus sancti donis, fructu bonorum operum, deleat è libro vitæ, &c. Considera, quid sit occasio virtutis, quàm calua à tergo, vt fingi solet, ita vt numquam recuperari queat; quàm studiosè acceptanda, & vitium eiusque occasio vitanda; quanta ex illa neglecta tristitia, ex hac vitata lætitia consequatur. Sextò, considera quomodo vno aliquo heroico actu per occasionem oblatò, sæpè fortiter eo vtendo, in perpetuam se quis asserat libertatē; vitij verò similiter se occasione laqueatâ obiciente, in perpetuam transferat seruitutem: hanc fugere firmiter statue, & principijs ob stare: quia serò medicina paratur, quiq; amat periculum, peribit in eo. Quantum, aiebat Seneca, possumus à lubrico recedamus, in sicco quoque parum firmiter stamus.

*Ecclesi. 3.
Epist. 117.*

Oratio

*Oratio ad eternam Sapientiam, ne cum mundo
in Virtutis pretio erremus.*

Clamabat, dulcissime IESU, ad te cum adhuc peregrinus esse
dignareris in terra hac, cæcus sedens secus viam: IESU, fili
David, miserere mei. neque quidquā petebat, nisi vt videret lucem
istam breuem, instabilem, quam quotidie tollit nox, & alternant
multæ vicissitudines. sed (quæ est benignitas tua) dedisti ei, vt te
etiam aspiceret solem iustitiæ, lumen indefinens, desiderium col-
lium æternorum, lucem veræ fidei, & vanitatem rerum omnium
dispiceret, ac te sequeretur. Hoc lumen iam humiliter flagito à te,
Sapientia eterna, & vt te amem atque inueniam & donum intel-
ligentia. nescit enim homo pretium eius, nec inuenitur hic in ter-
ra suauiter viuentium, hominum carnalium. abyssus dixit, Non
est in me: astuti enim huius sæculi non inueniunt. & mare mundi
huius loquitur, Non est mecum. abscondita es, ô sapientia, ab ocu-
lis omnium viuentium, & volucres ac sapientes huius mundi la-
tes. Quis enim virtutem æstimat? omnes quæ sua sunt querunt,
& quæ sunt sæculi huius: pro ijs sudatur, curritur; pro virtute &
regno celorum vix pes à terra leuatur. appenduntur in statera ni-
mis iniusta virtus & mandata tua: nam mundi vitijq; bona
longè preponderare consueuerunt, virtus & lex tua immaculata
conuertens animas, & sanans omnes, contemnitur: vitium ecce
lethaliter vulnerat animas nostras, & amatur; intellectum ex-
cecat, & suscipitur; voluntatem obdurat, & queritur; memo-
riam sædat, & studiosè desideratur. Retrahit illud à te via salutis,
virtus verò nos tibi similes facit & proximos, & filios carissimos;
ducit in patriam, & sola bonos facit ac beatos. Verumtamen vani
filij hominum & mendaces, decipiuntur miseri, & decipiunt.
Non est qui recogitet corde: Omnes, aiebat, declinauerunt, quia
pleriq; inutiles facti, & vix est qui faciat bonum. O quanta caci-
tas miseros nos opprimit! Lucet enim nobis, ô sol iustitiæ, vt hæc
videamus, & vanitatem mundi huius, vt vitemus occasiones pec-
cati,

Lucæ 18.

Psal 118.

cati, & vulnera declinemus; & ecce ruimus in medios hostes, quasi signari essemus, quomodo vitium gula vulnerauerit Adam patrem nostrum, & arrogantiae rhomphaea Angelos deturbarit; quos cum Lucifero turpissimos, pessimos, crudelissimos expurissimis spiritibus effecit. Sed hæc est dementia & insipientia filiorum Adam, Redemptor mi. adhuc alta sperantur & spirantur, & seruire libet vitio huic N. & illi libertate sanctâ donatis; & sanguine tuo pretiosissimo redemptis. Erraui & ego, Domine, sicut ouis quæ periit: quare, obsecro, seruum tuum, quia mandata tua non sum oblitus, & deduc me in semitam rectam; occasiones deuigare concede, & auerte benignissimâ manu tuâ, ne vnquam intrem in tentationem. Heu mihi, quis nescit mundum hunc laqueis plenum? vbique pedicas? vbique foueas? quis euadet, siue viuens, siue moriens; siue vigilans, siue dormiens? nemo, Domine, nemo: nisi enim custodieris animam nostram, frustra vigilat qui custodit eam; nisi edificaueris domum, frustra laborat qui edificat eam. Tu enim salus nostra, fiducia nostra, protector noster, & vnicum refugium nostrum.

Praxis ad virtutem ac vitium ex merito ponderandum.

Primò, seriò considerare semitas domus suæ, & exquirere quæ malæ consuetudines, qui defectus in anima, qui in corpore; & catalogum horum facere, atque super his aliorum exquirere iudicium.

Secundò, aliquando, saltem semel in mense, eum percurrere, & videre profectum & defectum.

Tertiò, referre alicui vel familiari, vel confessorio numerum defectuum. quod apprimè vtile obseruauit B. P. Ignatius.

Quartò, considerare potissimùm in vitiis & virtutibus, quænam eorum sint occasiones, vt vel eas, si de vitio agitur, euites; aut amplectaris, si quidem virtutes eæ fuerint. Magna enim probitatis ac salutis pars pendet à diligenti in vtramque partem occasionis præuisione.

Quintò, sæpè se confundere ex eo quòd videas tot improbos,

bos, fures, latrones tanta tolerare pro scelere perpetrando incommoda, imò etiam omnes mundanos, vt desideria sua expleant.

Sextò, consideratis peccatis præteritæ vitæ, & laboribus pro mundo eiusque legibus toleratis, decernere quid simile pro virtute acquirenda.

Septimò, numquam ob hominum gratiam, aut iudicium, aut rem vllam temporalem, virtutem pialque consuetudines deserre. illud enim esset eam minimi facere, ei que rem vanissimam præponere: sed ea quæ semel probata ac decreta, constanter prosequi.

IACVLATORIA.

Illumina, Domine, oculos meos, ne vmquam obdormiam in morte, ne quando dicat inimicus meus, Fraus fui aduersus eum. Psalm. 12.

Da mihi intellectum, & scrutabor legem tuam, & custodiam illam Psalm. 118.
in toto corde meo.

Iniquitatem odio habui, & abominatus sum: legem autem tuam dilexi. Ibidem.

Quomodo dilexi legem tuam, Domine! totâ die meditatio mea est. Ibidem.

Quàm dulcia faucibus meis eloquia tua! super mel ori meo. Ibidem.



DECIMÆQVARTÆ IMAGINIS

A N N O T A T I O.

Age, & vide quid amico de virtute
deliberanti, & quò simili ei sua-
deres.

H *Aeres, & adhuc vis animum ad virtutem red-
dere promptiorem? vide quid coram Deo since-
re amico A suaderes, idq; facito. quòd si retinet te B vi-
tium, & maximè prava C consuetudo, (quæ quasi ne-
cessitas catenam necit, & à filo incipiens crescit in ru-
dentem) abrumpe; sequere D simpliciter & E pruden-
ter (quod serpente & columbâ notatur, Matth. 10.)
ducem Angelum, Christi q; in via recta consilium. Sa-
lutis F occasione inuigila. Excogita simile aliquod, aut
dissimile quo tibi G virtutem representantes. Hoc enim
H Dominus Iesus parabolis I pastoris, K satoris, L vi-
neæ, M prodigi usus, nos edocuit.*



C A P V T XXXI.

De secundo medio meditationem atque affectus eius ampliandi, siue de Prudentia filiorum sæculi imitanda in electione virtutis.

COMPOSITIO LOCI, vt in imagine.

ORATIO PRÆPARATORIA, vt supra.

PUNCTVM I. Considera, quàm prudentes sint filij huius sæculi in curandis negotijs suis, opibus, voluptate aut honore quærendis; quàm seduli, vt consilia bona indagent; quàm prompti & indefessi, vt ea perficiant quæ sibi vtilia fore perspexerint: neque pericula maris aut latronum deterrent, nec labor continuus, neque euentus infelices aliorum. Confer cum ea quam filij lucis in salute sua adhibent diligentiâ, ac statue in te tanti ponderis, id est tua salute, prudentissimos atque sapientissimos in consilium aduocare, neque permitte vt Deus queri de te possit seruo suo, dicens, Quis cæcus nisi seruus meus, aut quis surdus nisi ad quem nuntios misi? Et cum nemo scire queat quid sit in homine, nisi spiritus hominis, qui est in homine; in primis in consultando rationem ab omni affectu alienam adhibere conuenit, & scire tum commodè id fieri, cum rem negotium quæ nostrum, velut alienum, ob oculos ponimus atque appendimus, velut Dauidi Regi eleganter Propheta Nathan peccati commissi enormitatem exposuit. sic mulier illa Thecuitis eidem, vt Absalonem in pristinam gratiam reciperet, persuasit. Vide ergo conuersationem, vitam tuam, vel partem aliquam illius; non tuo, vt ita loquar, sed alieno oculo. dispice an eam

Cc

in

in alio probares, quomodo in hoc, vel illo illi suaderes, quamque illi viam monstrares, ipse capeſſe tutiorem & commodiorem ad virtutem & ad ſalutem. Denique aduerſe quanta meritò, & quàm acerba hæc exprobratio futura ſit in iudicio, quando qui alijs viam oſtendit, facem doctrinâ prætulit, in deuia & tenebras ſponte iuiſſe arguetur. Seruus enim qui ſcit voluntatem Domini ſui, plagis vapulabit multis, & ſcienti legem & non facienti, peccatum eſt illi.

Luce 12.

Iacob 4.

Iob 10.

Prou. 22.

Ierem. 13.

Auguſt. l. 8.

Confeſſ. c. 5.

Matt. 26.

Iohn. 11.

PUNCTVM II. Conſidera à bonis conſilijs capeſſendis nihil magis nos auocare, conſuetudine aliquâ inueteratâ: quot enim cohortationibus & cōmonitionibus opus, vt quis prauum aliquem habitum exuat? Oſſa hominis, inquit Iob, implentur vitijs adoleſcentiæ eius, & cum eo in pulvere dormient. Adoleſcens iuxta viam ſuam, etiam cū ſenuerit, non recedet ab ea; Sapientis dictum eſt, ad eoquē verū, vt hoc ipſum exprimere volens Ieremias, dixerit, Si mutare poteſt Æthiops pellem ſuam, aut pardus varietates ſuas; & vos poteritis bene facere, cū didiceritis malum. Siquidem quaſi altera natura conſuetudo eſt, & velut catena, quâ homo alligatur, vt expreſſit Auguſtinus: Ligatus, ait, eram non ferro alieno, ſed meâ ferreâ voluntate; velle meum tenebat inimicus, & inde mihi catenam fecerat & conſtrinxerat me: quippe voluntate peruerſâ facta eſt libido; & dum ſeruitur libidini, facta eſt conſuetudo; & dum conſuetudini non reſiſtitur, facta eſt neceſſitas. Quocirca dum de virtute ſequenda, vitioquē fugiendo tecum diſceptas, vehementer cauendum tibi exiſtima, ne malum, ſi moram habeat, mox inueteretur, & paulatim ab vno illius gradu in deteriora labaris; vti D. Petrus cū primò negaſſet; ſecundò, iuramentum addidit; tertio, Chriſtum de reſtatuſ eſt. Quatriduanus Lazarus non niſi lacrymis & clamore ſuſcitari potuit, qui eſt peccatoris ſimulacrum, quem peccandi viciuſ ſepeliuit, ligauit, velauit, fœtentem effecit, & lapide

de grandi (consuetudine nimirum) conclusit. Hoc igitur vel solum calcar sufficere potuit, timor nimirum prauæ consuetudinis; quæ ubi inoleuerit, hominem grauissimo salutis æternæ periculo (potissimum in morte) exponit. Vnde aiebat S. Augustinus: Quæ tenuissima licia putabatur, in funes nauticos excrescunt, & si non abrumptur id ipsum exiguum & tenue, reualefcit iterum, & fortius alligat. Neque minus iuuabit attendere, idem ad salutem è contrario nobis præstare bonam consuetudinem, eiusque obtinendæ spem, tum ad constantiam, tum ad solatium pertinere; cum priusquam eam quis fuerit consecutus, laborum affatim exhauriendum sit, vti assolent semper discentes, & numquam ad scientiam peruenientes: eâ verò obtentâ, lata fit via mandatorum & suavis etiam in ætate senili. O quantum solatium, habitu acquisito, laborem nec sentire virtutis, nec Religiosæ vitæ molestiam, sed veluti partis opibus securè frui!

August.

PVNCTVM III. Considera omnia quæ in mundo sunt, à liberali Dei manu creata esse, tum ad vsum, tum etiam ad disciplinam ac institutionem nostram. Idcirco vix quidquam ad spiritualem vitam accommodatius esse B.P. Ignatius aiebat cōmunicatione cum Deo, quæ est virtus seu pius habitus ex creatis eruendi, quæ ad spiritualem vtilitatem valere possunt; & mentem ad cælestia atque affectum eleuare, memoriam pijs cogitationibus & similitudinibus fœcundare, & volūtatem ijs veluti faculis accendere. Et vide quomodo hactenus ijs vsus, an vt sapiens Dei filius, an sicut equus & mulus, quibus non est intellectus. nam per eiusmodi considerationem similia varia sese offerunt, quibus per visibilia ad aliquod inuisibile ascendimus: vt cum ex pulchritudine eorum quæ videntur, quasi ex vestigio diuinam contemplamur; vel per inuisibilia creata, vt pote animam nostrâ, inuisibile Deum; vel denique per visibilia, ad alia visibilia speculanda asurgimus: quemadmodum in parabolis & apologis Sa-

Psal. 31.

*Richard.
tract 3. de
Exterm.
mali.*

piencia diuina præmonstrauit. Felices, ait Richardus, quibus vertitur in scalam, quod alijs solet esse in ruinam: felices, quibus exteriorum scientia fit schola ascensionis, non ruina deiectionis: felices, quibus scientia illa quæ inflat, non est ad inflationem, sed ad inflammationem eius qui edificat: felices, quibus temporalium pulchritudo, fit æternitatis instigatio. Vis ad virtutem te excitare, meditationumque ac cogitationum amplam habere segetem? aspice hunc orbem spectabilem, cuiusque pulchritudinem & varietatem admirare; & considera quomodo sese habeant creaturæ erga conditorem suum. Primò, sicut speculum diuinorum, vt Trismegistus dicere solebat, & liber diuinitate plenus. loquuntur in auribus nostris potentiam, sapientiam & bonitatem eius, eamque dilaudant. Secundò, quomodo ei omnes obediant. Tertiò, quomodo seruiant tibi omnes, teque instruant, si rectè attendere volueris. vnde Sapiens ait, Vade ad formicam, ô piger. & Sapiencia ipsa: Estote prudentes sicut serpentes, & simplices sicut columbæ. Quartò, quomodo omnes conentur se seruare, & pleræque pro conditione sua crescere & perfici, vt & nos doceamur progredi in via Dei, & crescere de die in diem, & parta conseruare.

Trismegist.

*1rou. 6.
Matt. 10.*

O R A T I O.

Lucæ 1.

Lucæ 16.

Heu mihi! quàm densis tenebris inuoluimur, ô lux æterna, veritas amabilis, Christe IESV, Sapientia Patris, magni consilij Angele. illuminare his qui in tenebris & umbra mortis sedent, ad dirigendos pedes nostros in viam veritatis & pacis. Videmus alienos defectus, damna, & nostra negligimus; in illis Lyncei, in nostris caci. ô quanto prudentiores filij huius sæculi filijs lucis in generatione sua sunt! Suademus enim amicis N. hac & illa vt meliora, viam ad æternitatem esse irremediabilem, incertum mortis diem, horam, momentum, viuendum quasi hac horâ morituri; fastidiosi ad alienos defectus, prompti ad eos arguendos: nobis

bis verò blandimur querentes excusationes in peccatis. Nōne
 merito dicere posses: Medice cura teipsum, cū alijs sana consilia Lucæ 4.
 demus, & ipsi deteriora sequamur. O quā durum iudicium ser-
 uo illi, qui scit voluntatem Domini sui, & non facit! certè pla- Lucæ 12.
 gis vapulabit multis. Ne intres, ô Domine, in hoc iudicium cum
 seruo tuo, sed fac mihi secundū verbum tuum in bonum, vt
 quod alijs ipse suaderem in vita statu, in virtutum delectu, vani-
 tatis contemptu, & defectuum extirpatione; ipse sequar: ne audire
 cogar illud, Qui alium doces, te ipsum non doces: qui pradicas hoc Rom. 2.
 illudicē N. alteri, ipsum negligis. qui sibi nequam, cui bonus esse Ecclī 14.
 poterit? Da igitur, ô Sapientia æterna, vt ita dirigam vias meas, vt
 alteri præmonstrarem; ita desistam à malo, vt alteri suaderem;
 ita meliora eligam, vt amicissimo auctor essem. Et quid, quæso,
 me tenet videntem meliora & probantē? cheu! Domine mi, libe-
 rator meus de inimicis meis iracundis, sola est consuetudo, grauis
 quadam & perniciosa catena, soluenda vtique, facilius quā rum-
 penda, nisi per te, Domine virtutum. Exsurgam, exsurgam, &
 gratiā tuā sequar te, Domine, non nectam moras, ne inualescat
 consuetudo: non tardabo venire ad te, virtutemq; sequi. amo enim
 te ex toto corde meo, ô lumen oculorum meorum, vnicum refugiū
 meum. Solue colligationes impietatis, solue vincula, quæ libertate
 per sanguinem tuum donatum retardant: da mihi pennas sicut
 columbæ, vt volem & requiescā: susstolle me super altitudinē terræ,
 vt frustra iaciatur rete ante oculos meos: vt liceat mihi videre ope-
 ra manū tuarū, & discere, vbi sit prudentia, vbi sit virtus, vbi sit
 intellectus, vbi longiturnitas vitæ & victus, vbi sit lumen oculorū
 & pax: Quatuor enim sunt etiam minima terræ, & ipsa sapien-
 tiora sunt sapientibus; formicæ populus infirmus, quæ preparant
 in messe cibum sibi; lepusculus, plebs inualida, qui collocat in petra
 cubile suum; Regem locusta non habet, & egreditur vniuersa per
 turmas suas; stellio manibus nititur, & moratur in domibus Re-
 gum. Ecce etiam mittis me ad formicam, & esse iubes prudentem
 sicut serpentes, & simplicē sicut columbæ. omnis spiritus laudet te,
 Domine, & omnia opera dicāt: Ipse fecit nos. omnia, video, seruiūt
 tibi, omnia à te seruantur, vt mihi seruiant, & ego tibi; omnia

Bern. serm.
 de 7. verbis
 Domini.

Baruch. 3.

Prou. 30.

Matt. 10.

Psal. 99.

clamant ad me: Quis magnus, sicut Deus noster? clamor eorum species eorum, & ego, quem emisti pretio magno, non te glorificabo & portabo te, Domine, in corpore meo, in anima mea, vt verâ virtute tibi vni placeam, tibi qui vnus Deus meus, Deus cordis mei, & omnia?

Præces de Prudentia sæculi.

Prima. Obserua obambulans per plateas & campos industriâ hominum, quam quisque in suis exercet, & ex ea spirituales aliquem fructum collige.

Secunda. Ex creaturis omnibus assuesce idem facere, & destinatio modò de hac, modò alia creatura philosophare.

Tertia. Pij sermonis ansam sic cape, & per viam disquire ad tempus iucundè transigendum, quæ ex hoc vel illo elici spiritualia possint; & multa, eaque magno cum oblectamento sese offerre videbis.

Quarta. Applicari etiam possunt nominatim conditiones earum creaturarum, quibus aut Christus, aut Beata Virgo adumbrantur in Scriptura, vt nauis, arboris, solis, luminis.

Quinta. Diligenter exquire, quas habeas, etiam naturales prauas consuetudines, easque contrarijs vincere stude. Nullam ego maiorem existimo prudentiam, cum, vt dixi sæpe, optima consuetudo vsu ac tempore non minus faciliè quam pessima contrahatur.

Sexta. Quemadmodum auari ex re qualibet lucrum facere conantur, ita etiam tu, asceta, consuesce: & seu bona, seu mala eueniant, in omnibus vide ne de statu animus deiiciatur, ac diuinæ voluntati tuam conforma.

Septima. Vt sæculi filij potentioribus ambitiosè adhærescunt, ita tu virtutis alumnus, amicos & studiosos illius obserua, & quoad potes cum iis fac habeas consuetudinem.

Octaua. Considera quæ passiones in te maximè vigeant, iisquæ ad profectum spirituales vttere: verbi gratiâ, superbus es? vttere superbiâ, & ad verè alta ac sublimia animum attolle, terrena despice, humana iudicia præ diuinis contemne. Neque patiaris vt insipientiæ illius meritò arguaris, quâ mundi amatoris momentanea æternis, vana veris, creaturam creatori & summo bono antefecerunt.

IACVLATORIÆ.

PRudentiores sunt filij huius sæculi filiis lucis, in generatio- Luc. 16.
ne sua.

Prudentia carnis mors est.

Rom 8.

Quis cecus nisi seruus meus?

Isaia 42.

*Auerte, Domine, oculos meos, ne videant vanitatem: in via tua vi- Psal. 118.
uifica me.*

*Quoniam tu illuminas lacernam meam, Domine Deus meus, illu- Psal. 71.
mina tenebras meas.*

*Dirige me in veritate tua, doce me, quia tu es Deus Saluator meus, Psal. 24:
& te sustinui totâ die.*

*Proba me, Deus, & scio cor meum, interroga me, & cognosce se- Psal. 138.
mitas meas.*

Et vide si via iniquitatis in me est, & deduc me in via aeterna. Ibidem,



DECIMÆQVINTÆ IMAGINIS

A N N O T A T I O.

Considera quomodo virtutem N. in morte coluisse optabis : vitaque & occasione vtere.

Vide an non virtutem, præ vitio secutum te fuisset in A morte optares. Sola enim tum B virtus aderit ac solatio erit, cum C peccatum ac vermis eius torquebit, D mors terrebit, E demon paratus adstabit ad rapiendam animam tuam : cum etiam F intus amicorum, opes & caro ac sanguis deferent : cum G occasio abierit, omnisq; mundana H voluptas ludiq; perierint. De facultatibus tuis vnica tibi I sindon supere-rit, affines K amiciq; funebrem quidem pompam prosequuntur; sed, eheu! deferent, terraq; simul & obliuioni tradent: quorum etsi societatem L appeteres, nihil tamen obtineres. contra M iustus, à virtute & Angelis recreatus, mortem in vitam, dolorem in gaudium commutabit. O quàm tranquillo animo iustus, quàm perturbato peccator ad N. Dei iudicium accedet!

GINI

in N. in
itaque

um te fup
in D. con
uerfus
tu ad
Fina
cum
ladu
adon fup
ompan
l & dila
teres, au
e & de
n gaudia
it us qua
cedet



CAPIT

CAPVT XXXII.

De tertio medio meditationem atque affectus eius ampliandi, siue de Morte, & consideratione eius quod tunc nos elegisse optabimus.

COMPOSITIO LOCI, vt in imagine.
ORATIO, vt solet.

PVNCTVM I. Considera quorsum in hac vita à Deo collocatus sis; nempe vt spatio breui æternum gloriæ pōdus mercarere; ac proinde nihil tibi, nihil vlli homini aliud esse quod agat: & vide quomodo plerique mortaliū alia omnia agāt. Secundò, animaduerte quomodo, vbi venerit hora hæc, affectū esse oporteat eū, qui in hac scena ritè partes suas egerit, & in hoc mercatu; ita planè ac si famelicus ad opiparam cœnam, operarius ad mercedem, mendicus ad regnum vocetur: è contrario malos cum fatuis virginibus serò cogitare de oleo, de lampadibus, & citò rapi ad iudicem omnibus relictis, nudos, obæratos, & grauissimè perturbatos. Quis sapiens hæc considerat, & non continuò virtutem, etsi radix eius amara est, libenter amplectitur, vitijque absinthium detestatur? Matth. 25.

PVNCTVM II. Finge te videre eiusmodi hominem moribundum, & cogita quàm amara ei sit recordatio mortis habèti pacem aliquam in diuitiis suis; maximè dum oculos retorquet ad loca & tempora, delicias pristinas, & amicos, quibus fruebatur, quibusque iam extremum vale & perpetuum dicendum erit: versa omnia videbit in luctum, & cantica in lamentationem, & dies istos breui

æterna cum nocte esse commutandos. O quàm vana tunc apparebunt mundi huius irritamenta, quàm amaræ delicia! Amici solem orientē, quod dicitur, respicient & adorabunt, heres ad hereditatem & spolia anhelabit. Tentationes vndique ingruent, & obruent. Contrà accidet piis viris, & timentibus Dominum: hi enim ea quæ priora sunt relinquent siccis oculis, labores fecundos præmiorum & solatij exhaustos gaudebunt, exiliū peractum, quietem paratam, & coronam post legitimum virtutis certamen.

Eccli. 9.

Deut. 32.

PUNCTVM III. Fac moribundum ad futura cogitationem conuertere, illic decursum sæculorum vsque ad iudicium videbit, & in eo mundi regnorumque illius multiplicem mutationem, nullam sui memoriam. Secundò, æternitatem; in quam passu vno, eheu! quàm incerto, quamque formidabili transeundum; iudiciumque paratum esse, & accusatores & tortores multos, incertissimum exitum, cùm nesciat homo, amore an odio dignus sit. Tertiò, ab hoc momento & passu illo pendere vniuersam æternitatem, & omnem occasionem salutis eripiendam. Deus bone, vtinam homines saperent & intelligerent, & nouissima prouiderent! Quartò, funus ac sepulcrum prospiciet: longam illius pompam, sed breuem, & mox æternum se deserturam; hoc verò apertum, hiantesque vermes, vt deuorent quod ad eò moliter & tenerè seruasti corpus. Denique quò se vertet miser? suprà videt iratum Deum, infrà hiare barathrum, circà fremere hostes, intus rodere conscientiam: & ab hora hac videt, immò à momento longissimam pendere æternitatem.

Oratio de morte.

Melius esse dixit, Deus meus, Ecclesiastes tuus, ire ad domum *Ecclef. 7.*
 luctus quàm ad domum conuiuij: in illa enim finis cun-
 etorum admonetur hominum, & viuens cogitat quid futurum *Sapient. 4.*
 sit postmodum. Fascinatio verò nugacitatis iam obscurat bona,
 & inconstantia concupiscentiæ transuertit sensum nostrum. tūc
 enim cū mors venerit, aperientur oculi cecorū, & videbunt quo-
 modo transferit mundus & concupiscentia eius. Alius certè sen-
 sus tumerit, alia iudicia. nemo, quantumvis improbus, non opta-
 bit virtutem & probitatē coluisse; sed inani voto. Videbit trāsisse
 omnia tamquam vmbra quæ amabat, parari sepulcrum, vlti-
 mā audiet horā, mortis accipiet nuntios, palpitabit pectus, lāgue-
 scent oculi, pallescent ora, diffugient amici, opes deserent relictā
 sindone, voluptatesq; hæc confractæ erunt, & æternas peccator de-
 sperabit, quod virtutes, humilitatem, charitatem, liberalitatem
 & patientiā neglexerit. Quid enim tunc solatiū morituro erit, nisi
 virtutis & vitæ benè actæ memoria? Sanè si hac penetrarem, Deus
 meus, nūquam virtutem negligerem, nec in animo meo vitia per
 misericordiā tuā excisa repullularent. *Iosias tibi dilectus contriuit 4. Reg. 23.*
 statuas, succidit lucos, & ne rursum erigerentur illa, loca osibus
 mortuorū compleuit: neq; certè idola, quæ veneror quoties à vir-
 tute desleto, restituerentur in templo cordis mei, si illic mortis per-
 petua excubaret memoria. Monet enim, vt Bernardus tuus aiebat, *Serm. de 6.*
 horror in exitu, dolor in transitu, pudor in conspectu gloriæ magni *tribulatio-*
 Dei. Vnde, ait, ista nobis dissimulatio, vnde hac tā perniciofa tepti- *nibus.*
 ditas, vnde hæc securitas maledicta? quid seducimus miseri nos i-
 psos? forsitan iā diuites facti sumus, forsitan regnamus: nōne ostiū
 domus nostræ horribiles illi spiritus obsident? nōne exitū nostrum
 laruales illæ facies præstolantur? Sed si virtutem verè coluimus,
 sicut tunc optabimus, erimus gratiā tuā securi, visitabit nos dex-
 tera tua, & dulcissima Angelorum præsentia recreabit desertos,
 & tua, bone IESV, ita spero, saluabit nos: ostendes faciem tuam,
 & salui erimus. Certus enim sum, quia neque mors, neque vita,

Rom. 7.

neque instantia, neque futura, neque altitudo, neque profundum, neque creatura alia me separare poterit à caritate tua. Immodò verò quod tunc optabo, iam faciam, neque illudet mihi communis error & insania per gratiam tuam, vt nunc eligam cuius tunc me poeniteat, & eternum. Statutum est omnibus semel mori. iam mihi mori incipiam, & viuere tibi, ô vita mea & lux mea: breuissimi enim dies hominis sunt, & numerus mensium apud te est: immodò venies sicut fur in nocte. vigilabo itaque donec venias, sponse anime mea, & operabor dum lux est, dum spatium poenitendi, & tempus operandi; ne illud tunc otiose elapsum gemam: vt ar talentis & occasionibus quæ mihi bonitas tua concedit, ne tum vt seruus nequam iubeat duci in tenebras exteriores, quando, eheu ! post longas vite moras sperarem intrare, cum seruo bono & fideli, in domum & gaudium Domini mei. O quando hoc erit, quando veniam & apparebo ante faciem tuam? quando venies, & liberabor à corpore mortis huius, & viuens viuens ipse confitebor tibi, & laudabo & exultabo te in sacula seculorum? Amen.

Iob 14.

Luc. 12.

Praxis pro memoria mortis.

PLuribus tertio libro, vbi de præparatione ad mortem agitur, hanc pertractatam videbis, paucas hinc tantummodò ponam.

Prima. Quotidie in Sacro, cum sacerdote, pro defunctis sacrificium offer: & velut in medio mortuorum positus (sunt enim in templis plena sepulcris omnia) cogita, moriendum tibi breui esse, & perpende, an iam ad mortem comparatus sis.

Eccles. 7.

Secunda. Melius est, ait Sapiens, ire ad domum luctus, quam ad domum gaudij; ideoque, si lugeas amicorum aliquem, tum magis ad mortem te compone; si quis tibi fortè occurrat veste lugubri, ne fortuito id fieri putes, sed admonitorem missum. Sic Diuus Damascenus commemorat de pio quodam Rege, qui Religiosos eo nomine suspiciebat & venerabatur.

In hist. de Barlaam & Ioseph.

Tertia. Diuus Ioannes Eleëmofynarius, diuinâ planè prudentiâ,

tiâ, quotidie à famulo moneri volebat de sepulcro ; nempe parari illud, paulatim perfici, vt hoc pacto memoriâ mortis vitæ melioris desideria vir sanctissimus acueret. Imò etiam de Philippo Macedonum Rege refertur monitorem sibi in magna fortuna statuisse, qui quotidie manè sibi inclamaret hominem eum esse, quò scilicet tumidiore animos comprimeret, & fortunæ inconstantiam, cæterasque vitæ humanæ misérias animo quotidie præciperet, & ad eas se compararet. O quantum hic ruboris incuriet Christiano in die iudicii! Imitari illud D. Ioannis poteris & Regis huius ; si sententiam de morte vel de vanitate mundi, pridie quàm incumbas scripseris, & lecto affixeris, vt postuidie euigilans illa in oculos incurrat prima, atque animum feriat.

Quarta. Quotidie dum incumbis, cogita an paratus sis mori: lectus enim nos meritò commonet sepulchri, vt mortis imago somnus esse dicitur. Itaque incumbe, tamquam sic ad iudicium eâ nocte rapiendus fores, & saltem contritionem cum actu fidei, spei & charitatis, & gratiarum actionis excita; vòta, si Religiosus sis, renoua; atque ita in pace in idipsum, dormias & requiescas.

IACVLATORIÆ.

S I mortui sumus cum Christo; credimus quia simul etiam uiuemus cum illo. Rom. 8.

Breues dies hominis sunt, numerus mensum eius apud te. Constitui istos terminos eius qui præteriri non poterunt. Iob 14.

O mors, quàm amara est memoria tua homini pacem habenti in sub- Eccl 41.
stantiis suis!

Omnes morimur, & velut aqua dilabimur in terram qua non reuertuntur. 2 Reg. 14.

Quis est homo qui uiuet, & non videbit mortem, eruet animam suam de manu inferi? Psalm. 88.

Et vos estote parati, quia quâ horâ non putatis filius hominis veniet. Luc. 12.

Iustorum anima in manu Dei sunt, & non tanges illos tormentum mortis. Sap. 3.

Scimus quoniam si terrestris domus nostra huius habitationis dissoluetur, quòd adificationem ex Deo habemus, domum non manu factam, aternam in calis. 2. Cor. 5.

DECIMÆSEXTÆ IMAGINIS

ANNOTATIO.

Quid in iudicio elegisse te optabis?
virtutem N. an vitium N.

O Horrendum iudicij spectaculum! Vide, ô homo, quid tum fecisse optares: id nunc age, & A virtutem ama, qua sola tum patrocina bitur, cum manifestabuntur consilia B cordis tui. Bona quidem C Angelus recensebit: sed D demon etiam coram Deo, & orbe terrarum de peccatis te accusabit. O quam tum bonis iungi optabit E improbus! ô triste F diortium! ô funestum spectaculum! hîc G mundus (quem iam tanti faciunt mortales) exuritur; ibi H Reges ac Principes palpitant: hîc irrenocabilis feretur sententia I pœna aut K gloria. Memorare nouissima tua, & in aeternum non peccabis.

GENIS
optab
N.
Vide, d
ge, d
ur, com
quidam
coram
C. m
bruit
m
m
ibi H
fere
m
m



CAPVT XXXIII.

*De quarto medio meditationem atque affectus
eius ampliandi, siue de Extremo iudicio.*

COMPOSITIO LOCI, vt in imagine.

ORATIO, vt supra.

PVNCTVM I. Considera Primò, diem aliquem constitutum à Deo, de quo nemo scit, in quo iudicaturus est orbem in æquitate, in viro, in quo statuit: tum vt in iudicio particulari lata sententia promulgetur, & recipiat vnusquisque propria corporis, prout gessit, siue bonum, siue malum, & illud ipsum, velut instrumentum, similiter iudicetur. tum vt appareât iusta sanctaq; eius iudicia: etsi iâ prosperari & laudari malos, bonos opprimi & despici sinat. de quo aiebat Dauid laborasse se vt cognosceret, nec potuisse, donec nouissima consideraret. Denique vt Christo restituatur honor pro ignominia in loco illo, scilicet iuxta Hierosolymâ in monte Oliueti, vbi hæc ei cum tormentis plurimis irrogata fuit: idè enim omnium iudicium dedit Filio, vt omnes honorificent Filiû, ait Ioannes. Quocirca gratulari Domino nostro oportet de die illa, & gratias Deo agere, quia iudicabit populos in æquitate, & arguet pro mansuetis terræ. Considera Secundo signa, quæ præcedent; quomodo, vt Isaias loquitur, veniet Dominus repente, & confestim, & visitabit in tonitruo, & commotione terræ, & voce magna turbinis & tempestatis, & flammæ ignis deuorantis. Ante eum, ait Ioël, ignis vorans, & post eum exurens flamma, sol & luna contenebrati sunt, & stellæ retraxerunt lumen suum; immò stellæ cadent de cælo, & sol obscurabitur, fietq; vt saccus cilicinus, & luna vt sanguis. O quàm iuste

Matt. 24.

Act. 17.

2. Cor. 5.

Ioan. 5.

Isaia 29.

Ioël. 2.

Apoc. 6.

So-

Sophon 1. Sophonias exclamat: Vox diei Domini amara, tribulabitur ibi fortis; dies iræ, dies illa, dies tribulationis & angustię, dies calamitatis & miserię, dies tenebrarum & caliginis, dies nebulę & turbinis, dies tubę & clangoris. Intuere orbem vti Sodomam conflagentem, ignem vastantem terram, maria, oppida, turres & superbiam sæculorum; elementa calore soluentur; terra autem, & quę in ea sunt opera, exurentur. Circumfer oculos: ecce, vt omnia inuoluat flamma vorans, & squallor & desolatio, & adhuc placere poterit mundus & species illius?

2. Pet. 3. PUNCTVM II. Considera, tonitruum illud Angelicę tubę: Surgite mortui. vt quę anima damnata maximo cum horrore corpus induere cogatur; sancta verò ingenti id faciat gaudio. & colloquia vtriusque, ac sensum tibi repręsentat bonę conscientię & malę. vide deinde, vt ex vrbibus, mœnibus & speluncis prodeuntes ingenti numero omnes ad vallem Iosaphat contendant, & eos omnes hęc contemplatus discerne, si potes, Regem à manciPIO, diuitem à paupere, sapientem à puero. Vbi tunc erit fauor hominum, opes, gloria, sapientia huius sæculi? & detestare quidquid istiusmodi est, & à perfectione te remoratur. Post hæc aspice, vt separentur omnes ab hædis, boni à malis, triticum à zizania; & hos eiulantes, inclamantes montibus, Cadite super nos. O quàm tristis, luctuosa, lamentabilis separatio! O quid non optabit homo fecisse, vt in illa die bonis societur! sed frustra lacrymę, preces, eiulatus. Tunc dicetur humili, Ascende superitis; diuiti & potenti & superbo, Da huic locum. heu! quanto cum rubore descendet? Tunc stabunt iusti in magna constantia aduersus Monarchas, Reges ac Principes terrę, tremantes & palpitantes, qui se angustiauerunt, & qui abstulerunt labores eorum, dicentes intra se, & præ angustia spiritus gementes: Hi sunt, quos aliquando habuimus in derisum, & in similitudinem improprij: nos infensati vitam illorum pauperem, humilem, afflictam,

æsti-

æstimabamus infaniam , & finem illorum sine honore: ecce, quomodo computati sunt inter filios Dei , & inter sanctos fors illorum est. Inter hæc veniet Dominus cum *Luce 21.* potestate magna & maiestate, veniet in sanctis millibus suis, cum sanctissima matre sua, arridebuntq; bonis, auersabuntur malos. Apparebit mox signum filij hominis splendidius sole; & leuabunt capita sua filij Dei, gaudebuntque crucis & mortificationis imitatores, qui iam carnem suã crucifixerunt cum concupiscentijs suis: & ex- *Galat. 5.* ultabunt incredibili gaudio, videntes se scriptos in manibus eius, & vulneribus eius sacratissimis. erubescunt, & contabescunt aduersarij. quid eliges tunc fecisse? Deinde aperientur libri conscientiarum , & manifestabuntur consilia cordium. tunc existimationes, opiniones, secretissima hypocrisis, perfidiæ, intentiones obliquæ vniuscuiusque apparebunt. quanto, Deus bone, pudore malorum & confusione? Vide an omnia arcana cordis omnibus patere velis; vide quid in libro illo iam scribas, virtutes an vitia? nihil enim opertum, quod non sciatur. *Matt. 10.* Mox accusationes sequentur terribiles: Christus exprobrabit beneficia; Sancti, adhortationes, & exempla; dæmones suggestiones & scelera; creaturæ omnes abusum sui. Scrutabitur Dominus Ierusalem in lucernis. magnus *Sophon. 1.* verè dies Domini, terribilis valdè. quis sustinebit eum? *Ioel. 2.* ardens furor eius, & grauis ad portandum. labia eius repleta sunt indignatione, & lingua eius quasi ignis deuorans, spiritus eius velut torrens inundans ad perdendas gentes. stabit peccator, & videbit intus conscientiam accusantem, dæmoniaque vndique parata ad prædam: quò fugiet? infrà infernus hiabit, cælum suprà clausum, & iudicem iratum intuebitur; quò ibit?

Isaia 30.

PUNCTUM III. Considera quomodo tandè conuictis improbis, ita vt negare nequeant, & bonis laudatis, feretur sententia irreuocabilis de æternitate omni, felicitate summa, & supplicijs sempiternis. Primò, dicet benignissi-

Matt. 25.

MUS IESVS: Venite (de cruce & tribulatione, scilicet,) benedicti Patris mei, possidete paratum vobis regnum à constitutione mundi. stupebunt illi, & omnes Angeli liberalitatem, & infinitam Dei caritatem. Contra verò audient improbi: Discedite à me (scilicet omni bono, Patre & Deo vestro) maledicti in ignem æternum. Expende singula verba, & si potes adhuc, thesauriza tibi iram in die iræ. Mox fiet executio, & ibunt hi in vitam æternam, illi autem in ignem æternum. Age, iunge te modò bonis, & experire, quo gaudio de virtute, de securitate æterna fruantur. Modò malis accede, & vitij, ac eorum amaritudinem inexplicabilem quòd separentur æternum à Deo, cælo, sanctis amicis, expende, & quo oculo cælos & amicos adspiciant, audi tristissimum vale, quod amicis cognitis dicent, æternum: & mox terra dehiscens inuoluet permixtos dæmonibus infelicissimos homines, inter quos multi Reges, potentes, Prælati, nobiles, ambitiosi, luxuriosi. Sta, & æstima librâ iustâ mundum, & concupiscentias eius; ac vide quomodo euades tanta pericula.

Rom. 2.

Inde redi ad electos, & cum ijs mente in cælum abiij, quæ gratulare. Postremò ad Dominum IESVM, agnum mitissimum, longanimum modò & patientem, & roga, vt non proijciat te à facie sua. Bone IESV, ne intres, quæso, in iudicium cum seruo tuo: sed fac mecum secundum magnam misericordiam tuam: quia non iustificabitur in còspectu tuo omnis viuēs. Quid facietis, ait Propheta tuus, in die visitationis & calamitatis, de longè venientes? ad cuius confugietis auxilium? ah! Domine, non est auxilium nisi in te, susceptor meus es tu, refugium meum, Deus meus, sperabo in te. Tu liberabis me à laqueo venantium, & à verbo illo aspero, Ite à me. nolo, Domine, separari abs te, nolo derelinquere te fontem aquæ viuæ, neq; nunc, neq; in æternum. Quis enim me separabit à charitate tua, an tribulatio, an angustia, an fames, an nuditas, an periculum, an gladius? certus sum quia ne-

*Psal. 142.**Isai. 10.**Psal. 90.**Rom. 8.*

que

quæ mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit me separare à charitate tua.

O R A T I O.

Q Vis mihi tribuat, vt in inferno protegas me, & abscondas me donec pertrāseat furor tuus, Domine! Venies enim, agnemitissime, quasi leo de tribu Iuda; quasi vrsa raptis catulis, occures impiis, qui nunc monita tua & inspirationes ad virtutem contemnunt; & cū reuelabitur dies ille, illuminabuntur abscondita tenebrarum, & manifesta erunt consilia cordium. Quid luxuriosus, ambitiosus, auarus, versauerint, quod idolum in eo coluerint, patebit orbi terrarum, eritq; tunc tribulatio magna, qualis non fuit ab initio, neque fiet: sed ijs tantum, qui virtutem sincerè non coluerunt, & mandata tua non custodierunt. Iam ad modicum humiliari, & nouissimum locum tenere, esurire, sitire, pari, despicere graue est; sed tunc gloriosa erit humilitas, & fiduciam dabit coram maiestate tua. Iam animi motus N. sic frangere, alterius nutum sequi, molestum; sed tunc erit obedienti & mortificato laus à te coram orbe terrarum. Tunc patientia cum sancta cruce fulgebit, murmurator cum reprobis eiulabit. Tunc afflicti lenabunt capita sua, quoniam appropinquabit redemptio eorum. Tunc gloriosum huius sæculi mancipium vinculis stringetur æternis, & flammis tremendis circumdabitur. Ignis enim in conspectu tuo exardescet, & in circuitu tuo tempestas valida; sed in dextera manu refrigerium erit, & coronabis qui diligunt te, & querunt te ex toto corde suo. O quantum optabit tunc improbus inter bonos numerari! sed frustra. qui enim iam ad virtutis monita ot surdescit, cum vitio flammis deputabitur æternis; & vbicumque ceciderit semel arbor, ibi manebit, siue ad Austrum, siue ad Aquilonem. Quis poterit cogitare diem aduentus tui? quis enarrare, quàm tristis separatio à te omni bono & electis tuis in æternum? & hoc, quia ad momentum,

Iob 14.

Ofex 13.

Matth. 24.

Psal. 49.

Eccles. ii.

Malach. 3.

Sap. 5.

Apoc. 9.

Exod. 15.

Apoc. 21.

Apoc. 14.

ad modicum in hoc vitæ curriculo noluit impius laborare. Lassati sumus, inquiunt, in via iniquitatis & perditionis, & ambulauimus vias difficiles; viam autem Domini ignorauimus. quid nobis profuit superbia, aut diuitiarum iactantia quid contulit nobis? transierunt omnia illa tamquam vmbra, & virtutis quidem nullum signum valuimus ostendere, in malignitate autem nostra consumpti sumus. Querent isti mortem, & non inuenient eam; & desiderabunt mori, & fugiet mors ab eis. Erit verò iucunda & suauis retributio bonorum, quibus modicum tribulatis æterna gloria à constitutione mundi parata tribuetur. Tunc cantabunt tibi, Domine IESV, canticum nouum; quia gloriosè magnificatus es in eis: equum & adscensorem, & qui illos tribulabant, deiecisti in miseriarum mare, flammæ æternas: sed maximè, quia neque luctus, neque dolor erit vltra, neque cadet super illos sol, neque æstus, & amodò dicet Spiritus, vt requiescant à laboribus suis, & epulentur in conspectu tuo. Concede mihi, benignissime IESV, per viscera miserationum tuarum, & charitatem, quâ dilexisti nos, sic iam viuere, virtutem colere, vt in æternum te fruor & cognoscam, & amem toto corde, & totâ animâ meâ. Amen.

Praxis ad iudicij memoriam recolendam.

Prima. Considerare, quæ hîc videmus splendere, æstimari; quo pretio tunc æstimanda sint, cum Dominus ad iudicandum venerit: ibi enim erit vera libra, & pretium omnium.

Secunda. Hæc omnia, quæ videmus, respicere, vt igne illo terribili consumenda, & contemptum mundi sæpè excitare, æternisq; incumbere.

Tertia. Sæpè scrutari cor suum, & ita secum loqui: Ecce quod nunc cogito, ago; patebit orbi terrarum.

Quarta. Cogitare omnes tunc parat futuros, & nihil grauius core, quam ab vno aliquo Dominus maxime Deus irreversibilem, in iniuriam magnam intulisse, vt faceret iniuriam.

Quinta. In omnium iudicatione cogitare, quid restat, vt non vite periret, sed ad patriam, vel yao confectum.

Sexta. Aliquando cū timorem Domini sanctum excitare libet, videre, vt omnia nos iudicij commonefaciant. Nam quot Religiosos videmus, tot iudices; quot creaturas, tot accusatores, quod si illis abutamur: terra, carcer est, quo claudetur rei; aër, sedes iudicis tremenda. quoties strepitum audimus, fragores attendamus calorū; quoties cantus, lamentationes damnatorum; si quid odoramur, vniuersi ambustionem cogitemus. Denique videamus qualia futura sint, quæ hic videntur, &c.

Septima. In omni electione cogitare, quid tunc fecisse voluissimus. Nunc fascino oculi nostri velantur, & iudiciū ac ratio excæcantur; verū tunc insensati suam videbunt insaniam, & dicent, Nos vitam illorum æstimabamus insaniam, & finem illorum sine honore; ecce, quomodo computati sunt inter filios Dei, & inter Sanctos fors illorum est. Sap. 1.

IACVLATORIAE.

Confige timore tuo carnes meas: à iudiciis enim tuis timui. Psalm. 118.

Iustitia tua sicut montes Dei: iudicia tua abyssus multa. Psalm. 35.

Quis nouit potestatem ira tua, & pra timore tuo iram tuam dinumerare? Psalm. 89.

Non intres in iudicium cum seruo tuo, quia non iustificabitur in conspectu tuo omnis viuens. Psalm. 142.

Dies ira, dies illa, dies tribulationis & caliginis, dies nebula & turbidinis, dies tubæ & clangoris. Soph. 1.

Magnus dies Domini, & terribilis valdè, & quis sustinebit eum? Ioëlis 2.

DECIMÆSEPTIMÆ IMAGINIS

A N N O T A T I O.

Si dubitas in virtutis electione, vide
an in omni æternitate non eam
optabis te elegisse.

ANte omnia A æternitatem attende, & quomo-
do Sancti in calo, ac reprobi in inferno optent
melius virtutem coluisse. O quam longa est, cuius an-
nos neque B arena, neque C gutta maris adæquant!
vbi semel ceciderit D arbor siue ad Austrum, siue ad
Aquilonem, ibi semper manebit: neque erit ultra E
tempus, aut F occasio, aut G mors, nisi æterna. en, vt
vel H vnum peccatum hominem inferno claudat. O
quanti damnatus vel I horulam emeret, si pœniten-
tiam agere posset! sed frustra est, atque à demone K ir-
ridetur. Vide igitur quid & qua L in æternitate iam
scribas: semel enim cogitata, dicta, facta, æterna sunt,
& infecta esse nequeunt. Vtinam, vtinam saperes!

GINIS

ne, vide
on eam

is quomo
inferno opus
est, casu
is adan
rum, p
ne erit co
eterna, co
o claudet
si penitus
iamone
ternitatem
atena, son
o sapere!



CAPV T XXXIV.

De quinto medio meditationem atque affectus eius ampliandi, siue de Æternitate.

COMPOSITIO LOCI, vt in imagine.

ORATIO, vt supra.

PUNCTVM I. Vti omnia flumina in mare, ita omnia temporalia in æternitatem tendunt, & corruptibilia nonnulla incorruptionem expectant perpetuam; alia verò in nihilum suum reuertentur, atque in eo perpetuò manebunt. Contemplare igitur velut è specula creaturas vniuersas, & expende quàm breui omnia transitura sint, velut umbra; tot flores, fructus, opera, animantia; ita vt numquam deinceps in æternum futura sint: oculosque ad te conuerte, certus quia, sicut illa, sic vita tuà præteribit, eademque numquam, præterquam in iudicio, renouabitur. Sic Xerxes è monte exercitum maximum despicens, & quàm brevis æui totus ille futurus esset, attendens, illacrymari cœpit; nos verò vanitate rerum, quæ nos à virtute auertunt, conspectâ, ad eam atque æternam oculos animumque conuertamus.

PUNCTVM II. Considera duplicem esse æternitatem; felicem & infelicem, & necesse esse alterutram sortiri: tuaque in manu esse iam virtutem sequi, & felicissimam comparare; aut certè virium, & æternis æumnis mancipari. Expende hîc quid sit illa æternitas, spatium scilicet temporis interminum, incomprehensibile, longissimum. Plures in ea nō anni tantum, sed myriades, immò millenæ myriades numerantur, quàm sint cæli stellæ, arenæ maris, & pluuiæ guttæ, arborum flores, frondes. Atque adeò, etsi quispiam ab exordio mundi ad finem vsque, maxi-

mos annorum numeros supputaret, & quasi de æternitate detraheret, numquam tot tantosque conciperet, quin æternitas tota atque integra adhuc permaneret. Iam vide quantum damnatorum pœnas augeat æternitas, in qua interruptio nulla, nullum ne quidem guttæ aquæ solatium, nullus terminus; quia vermis eorum non moritur. Quantum è contrario felicitatis accedat ab illa beatis, quibus securitas summa, possessio summi boni certissima: non esurient enim, neque sitient amplius in æternum. Quid verò, precor, est quod hominem eò dementiæ adducat, vt æternitatem felicissimam contemnat præ pœnis, doloribus & cruciatibus æternis? verè exclamare licet cum Propheta tuo, Domine: Obstupefcite cæli super hoc, & portæ eius desolamini vehementer. Finge te igitur in cælo beatum, vel (quod absit) in inferno damnatum, & quem de virtute amplectenda sensum habiturus esses, attende.

PVNCTVM III. Considera in omni actione, cogitatione, &c. alterutrius ex æternitatibus electionem instituendam: quidquid enim semel cogitatum, dictum factumue fuerit, æternum erit: quia infectum esse nequit. atque adeò hominem illud aut beabit æternum aut cruciabit. maturè igitur & consideratè singula opera perficienda sunt, cum regressus non detur, neque emendatio eiusmodi, vt præterita esse desinant; sed, sicut quidam dicebat, Pingimus, scribimus æternitati; laudabit aut vituperabit auctorem suum opus quodlibet æternum: et si enim per pœnitentiam peccata deleantur, non tamen innocentia restituitur.

O R A T I O.

O Aeterne Deus meus, tu solus permanes, neque est apud te
transmutatio & vicissitudo: etsi enim omnia sicut vesti- Psal. 101.
mentum veterascant, & sicut opertorium mutantur; tu idem ipse
es, Deus meus, & anni tui non deficient: nos verò opus manuum
tuarum, vasa figuli, qui hodie sumus, & cras non comparemus, in-
gemiscimus, sicut omnis creatura, donec corruptibile hoc induat 1. Cor. 15.
incorruptionem, & mortale induat immortalitatem. siquidem
cum ad modicum vivere hic detur, ad perpetuam vitam suspira-
mus; sed viam aut ignoramus, aut cognitam, heu! derelinqui-
mus? Quæ enim ea est, nisi insistere vestigijs tuis, qui es via in ex-
emplo, veritas in promisso, & vita sempiterna in præmio; cum il-
luxerit dies illa æternitatis? O quanto gaudio, quàm inenarrabi-
li tunc explebimur, si te & virtutem secuti fuerimus, & obediue-
rimus voci tuæ! O quàm volupe erit post sæcula plurima, illud in-
tegrum superesse! postquam torrente voluptatis tuæ potati erimus,
oceanum bonorum restare, & pelagus inexhaustum, & fontem
æternum! O felix esuries & sitis, quam eiusmodi suscepit
satietas! O felix contemptus, quem æternus honor exaltat!
O felix dolor, & virtutis labor, quem requies & gaudium ater-
num sequitur! Quàm dilecta tabernacula tua, Domine, virtu- Psal. 83.
tum! concupiscit, & deficit anima mea in atria Domini, & mo-
mentaneum & leue videtur omne tribulationis nostræ, quod æ-
ternum gloriæ pondus operatur in nobis. Verumtamen, quia ne- Eccli 9.
scit homo amore an odio dignus sit, timor & tremor venerunt su- Psal. 54.
per me; gloria æterna inuitat, & terret pœna sempiterna. Quid a-
gam? ingrediamur, anima mea, in domum æternitatis nostræ,
& annos æternos in mente habeamus. nihil æternitate bonâ feli-
cius, nihil triuius infortunatâ. O quàm rara est in mentibus ho-
minum! Cui liberet ad momentum, ad modicum ridere, ut ater-
num fleret? Quomodo abdicare per virtutem momentaneum
mundi solatium, graue erit ei, qui æternitatem cogitabit? Cui du-
rus virtutis labor est futurus, qui præmia æterna intuebitur? Ae-

Lucæ 16.

Psal. 94.

terna offers gaudia, honores, ô aterna Veritas; momentanea fallax mundus. quid elegisse in omnem optauero aternitatem? Quid Epulo eligeret, tot annis guttam aqua flagitans in tormentis; sed frustra? magnum chaos est inter infelices illas & felices animas; & peccato vel vno, aeterno carcere conclusa sunt: frustra horam optant ad salutem, qui tot annis obdurauerunt corda sua ne cognoscerent vias tuas; quibus iurasti in ira tua si introibunt in requiem tuam. Da mihi, benignissime Deus, sic nouissima aternitatemq; eorum considerare, vt in secula seculorum laudare te possim. En optio mihi datur in omnibus operibus, verbis, cogitationibus, aeternum poenitere, aut gaudere; alterutrum eligam necesse est: semel facta, infecta numquam futura sunt: sed aut velut stella lucebunt tibi in celo cum iucunditate opera mea; aut certè (quod absit) vindicabit illa iustitia tua. Obsecro, Domine per misericordiam tuam, vt sic ea persicere possim, & virtutem sequi, quemadmodum in omnem aternitatem optabo, & optabit aeterna bonitas tua. Amen.

*Praxis, vt aternitatis memoria altè menti
infigatur.*

PRima. Sæpè in creaturis earum attende vanitatem, ac certò tibi persuade, si aliquam earum abnegaueris, quòd pro temporali aeternam habebis. verbi gratiâ, si honorem, si nummum, si commodum aliquod corporis, si voluntatem propriam in re quapiam propter Deum repudiaueris, non perdidisti; sed, cum temporalia essent, imò momentanea, aeterna effecisti. Valde est efficax eiusmodi exercitium, & præsertim si crebrò vsurpetur re ipsâ, vel mente repræsentetur. Verbi gratiâ, afficeris inordinatè huic codici, imagini, domui, agro, liberis; finge tibi hæc eripi à Deo, vel illum abs te petere vt aeternum seruet, vt aeterna efficiat. Ita enim verè contingit: & quæ nos in via Dei impediunt ob nimium amorem, prouidus parens aufert a nobis, vt pueris cultrum, vel crepundia, vt pro iis aeterna reponat. Neque tantum voluntate ea abnega, sed re ipsâ cum id potes, aut eleëmofynam dando, aut cedendo, aut contumeliam tolerando. Hoc exercitiũ,

vii

vti vides, resignationem continet, quæ perfectionis vti est argumentum, ita etiam ad illam singulare auxilium. Potesis ergo vtiliter illud exercere circa omnia quæ possides; vt in omnibus ante pugnam præludas. Imaginare tibi imperandum, vt locum mutes, officium, habitationem, vt vitæ adeas periculum; & mox resignato, imò libenti animo hæc ipsa tecum Deo offer, non veluti illa perditurus, sed facturus vt æterna sint ea quæ amas. Quod enim de anima saluator noster dixit, Qui perdiderit animā suā inueniet eam, in omnibus aliis valet. Neque tantum in futuris te exerce, sed etiam in præteritis, in quibus repugnantem expertus es voluntatem, vt eam corrigas, & ad meliora inclines.

Secunda. Ante omnes actiones hanc considerationem præmitte, numquam infectas esse posse cum semel factæ sunt; & prouide vt tales sint, quales æternū optabis fuisse.

Tertia. Post actiones peractas, easdem recognosce, & expende orationem, sermonem prolatum, quidque iam ad momentum factum vel cogitatum est, euasisse æternum: quia cogitata, dicta, aut facta semel, infecta esse nequeunt.

IACVLATORIE.

Homo vanitati similis. factus est; dies eius sicut umbra prætereunt. Psalm. 142.

Homo, sicut scænum dies eius, tamquam flos agri sic efflorescit. Psalm. 103.

Exibit spiritus eius (scilicet hominis) & reuertetur in terram suam; in illa die peribunt omnes cogitationes eorum. Psalm. 145.

Ecce mensurabiles posuisti dies meos, & substantia mea tamquam nihilum ante te: verumtamen vniuersa vanitas, omnis homo viuens. Verumtamen in imagine pertransit homo: sed & frustra conturbatur. Psalm. 32.

Nouit Dominus dies immaculatorum: & hereditas eorum in æternum erit. Psalm. 36.

DECIMÆ OCTAVÆ IMAGINIS

ANNOTATIO.

Attende exempla Sanctorum, & dicta eorum de N. virtute tibi proposita.

VT potentiùs ad virtutem excitare, quare & A
sectare exempla Sanctorum, maximè Patrono-
rum, ac B peccatum hinc te abstrahens detestare. Ex-
pende quid de ea virtute senserint, scripserint, ut
eam coluerint C Spiritu sancto impuls. Omnis virtu-
tis exemplar optimum D Mater Dei Maria, Xeli ac
studij orationis E Paulus, pœnitentiæ F Hieronymus
aut Antonius, patientiæ G Martyres. Vide etiam
quid H Philosophi in umbra I virtutis solùm versan-
tes, de ea senserint, ut eam exercuerint. cur hos non
imitaris? Viri Niniuitæ, ait Saluator, surgent in iu-
dicio cum generatione ista, & condemnabunt
eam, quia pœnitentiam egerunt in prædicatio-
ne Ionæ; & ecce plusquam Ionas hic. Atque idem
de Regina Austri, quæ venerat à finibus terræ audire
sapientiam Salomonis, asserit: idem de Philosophis
omnibus accipere debemus, & eorum umbratili vir-
tute ad veram nos stimulare.

INIS

n, & di
ibi pro

s, quare
comen
devoti
scrip
i. Om
Maru
e F. H
res. Vi
is s
ant. cu
fuge
ndem
n pr
ac. A
us ter
de Phi
ombrati



CAPVT XXXV.

*De sexto medio meditationem atque affectus
eius ampliandi, siue de Imitatione Sancto-
rum.*

COMPOSITIO LOCI, vt in imagine.
ORATIO vt suprà.

PVNCTVM I. Considera Dominum præter lumina-
ria duo magna in hoc mundo plurimas insuper stellas, vt *Genes. x.*
nobis per noctem lucerent, dedisse: similiter præter Chri-
stum & B. Virginem, Sanctos in Ecclesia, qui viæ nostræ
comites & duces se præberent ad cælestem Ierusalem.
Vide an sequaris; & attende, quomodo hi plurima patiē-
do, & fortiter prauas inclinationes vincendo peruenerint
ad illam præstantem virtutem. Secūdo, quā gloriā Deum
affecerint, exemplo suo prouocando innumeros ad
Christum eiusque consilia sequenda; lucentes, vt Apo-
stolus loquitur, velut lucernæ in caliginoso huius mun- *2. Pet. i.*
di loco. Percurre eorum insignes victorias, etsi arduas,
quas de se abnegando honores, & carnis voluptates at-
que desideria reportarunt. Lapidati sunt, ait Apostolus, *Heb. ix.*
secti sunt, tentati sunt, in occisione gladij mortui sunt,
circuierunt in melotis & pellibus caprinis, egentes, an-
gustiati, afflicti: quibus dignus non erat mundus: in so-
litudinibus errantes, in montibus & speluncis, & in
cauernis terræ: & hæc omnia, vt testimonio fidei pro-
bati inuenirentur, & virtutem consequerentur. Et sanè
meritò; cum enim virtus ita præstans sit, quid mirum,
si, quantum in perituris opibus mortales defudant, tan-
tum in sempiternis viri boni ponant studij ac laboris?

PVNCTVM II. Considera alios, vt Apostolus loqui- *Iacob 5.*
tur,

tur, similes nobis fuisse. Elias, ait, erat homo similis nobis, passibilis; ex eadem certè massa, iisdem corporis & animi miseriis ex humanæ naturæ lege erant obnoxij; & vide, vt multi ex iis primò magni fuerint peccatores, Matthæi, Sauli, Magdalenæ; qualesque per gratiam deinde euaserint coram Domino. & cognoscat vnusquisque, qualis sit homo per naturam, & rursum qualis ac quantus per gratiam esse queat. Nec solùm attende ad peccata, quæ ante conuersionem, sed etiam, quæ post eam perpetrarunt; vt Moyses, Dauid, Petrus: atque hinc etiam tuam miseriam diuinamque misericordiam collige. Progredere deinde; & inspicere quàm magni coram Domino facti sint, quàm fideles, fortes, patientes, humiles, Dei amantes: & tuam virtutem exiguan & debilem cum eorum virtute confer. Ostende, inquit Deus Ezechieli, domui Israël templum, & confundantur ab iniquitatibus suis, & metiantur fabricam, & erubescant ex omnibus quæ fecerunt. Quod verò hoc est templum, nisi, vt interpretatur sanctus Gregorius, vita Sàctorum, quos Dominus nobis statuit in exemplum, qui verè mirabilis in Sanctis suis? Ante omnes autem Sanctos Beatissimam Virginem MARIAM, vt prototypon omnis sanctitatis ac pietatis ob oculos pone. Illa est enim mulier amicta sole Iustitiæ, in qua posuit Deus tabernaculum suum. quia, vt S. Thomas, cōtemplando perfectiones solis, anima ad diuinas perfectiones ascendere potest: similiter contemplando perfectiones MARIÆ, eiusque heroicas virtutes, perueniet ad mirabilem Dei cognitionem. Secundò, aduerte eos nō ita diuinā gratiā prauentos fuisse, vt nullo negotio ad virtutem peruenerint: multis enim vigiliis, austeritatibus, & oratione quasi perpetua à diuina liberalitate dona impetrarunt: & quàm indignum confidere ea nos obtenturos, otiosè agentes, aut certè perparum, si cum illis nos comparemus. Beatam Virginem sic D. Bonauent. loquentem cuidam facit: Pro firmo scias, quòd ita me reputabam

ream,

Ezech. 43.

*Greg. lib.
24 Moral.
cap. 11.*

*Apoc. 13.
Thomas.*

*Bonau. in
Medit. de
vita Christi.*

ream & vilissimā & gratiā Dei indignā, sicut tu; propter-
ea petebam sic gratiam, & virtutes. Filia, tu credis, quòd
omnem gratiam, quam habui, habuerim sine labore: sed
non est ita. Imò dico tibi, quòd nullam gratiam, donum,
vel virtutem habui à Deo sine magno labore, continuā
oratione, ardenti desiderio, profundā deuotione, multis
lacrymis, & multā afflictione, dicendo, cogitando sem-
per placita sibi. Pro firmo scias, quòd nulla gratia descen-
dit in animam, nisi per orationem, & corporis afflictio-
nem. Tertiò, considera quā solliciti fuerint, etiam in
minimis virtutum præsidiis studiosè conquirendis &
obseruandis. hinc alij perpetuo ferè decreto linguam
coërcebant, illi oculos, hi manus: siquidem qui contem-
nit modica, paulatim decider: & plus sapè periculi ob te-
piditatem in paruis, quā grauibus peccatis.

Eccli 19.

PUNCTVM III. Considera Primò, quantā perseuerantiā,
ab infantia prima vsque ad mortē Sancti in virtutum cur-
su processerint: solus enim, qui perseuerauerit vsque in fi-
nem, hic saluus erit. Secundò, quomodo eam consecuti
fuerint, nempe vtentes Dei gratiā, & talenta eius non
otiosa relinquentes, incrementum gratiæ quotidie im-
petrarunt; atque ita semita eorum sicut lux splens
creuit vsque ad perfectam diem. Hanc spera etiam à Do-
mino, & æmulare charismata meliora. Considera Tertiò,
vt egregiā fortitudine virtutis ardua penetrarint, & om-
nia impedimenta superarint, parentes, opes, liberos, ha-
bitus prauos, & in breui expleuerint tēpora multa. Opti-
mam & tu rationem vitæ delige, iucundam omnino fa-
ciet consuetudo; idque diligenter expende. Accede ve-
rò ad Deum Patrem; ei que offer laudes totius cu-
riæ cælestis, & Sanctorum labores pro illius amore tole-
ratos, in primis ardentissimam caritatem Dei paræ ma-
tris, in qua sibi ab æterno complacuit: & obsecra per hæc
gratiam ad imitationem necessariam; inuoca eorum in-
tercessionem, qui vehementer tuam non solum oprant
salu-

Matth. 10.

Proverb. 4.

salutem, verum etiam excellentiorem longè sanctitatem. Gratias age Deo pro illorum gloria, & de ea illis toto animo gratulare.

*Oratio pro impetranda imitatione San-
ctorum.*

Ioan. 15.

O Saluator mundi, tu quidem es via, veritas & vita, & dux noster in hac nostra ad aeternitatem, quæ numquam iterari poterit, peregrinatione: verum tamen etiam Sanctos tuos mihi duces & comites in illa dedisti. Obsecro ergo te per viscera misericordie tue, ut mihi gratiam dones, quâ eos strenuè sequi valeam, in vera humilitate, caritate, ceterisq; virtutibus, quas à me exigit sanctissima volûtas tua, & vocatio mea. Erubesco, Domine Iesv, quòd tã praeclara exempla hactenus neglexerim, & sanctissimas inspirationes tuas, quæ me trahere debuerant in odorem vnguentorum tuorum. Eheu! quid est quod me à virtutis semita auocare potest, & deuiare cogit, cùm mihi facem praferant tot tamq; illustres non huius mundi, sed Spiritu sancto afflatæ animæ? O utinam nunc me, qui cum ihs aeternum regnare vehementer desidero, & te laudare, ad momentum fortiter cum illis sic sese vincentibus, N. pugnare delectet? Quòd si enim ignauus fuero, quàm turpe mihi erit cum Sanctis tuis gloriosis athletis comparere coram te, Rex meus & Deus meus, quando illi magnas victorias suas tibi cum exultatione enarrabunt, quas gratiâ tuâ reportarunt? Ibi Beatissima mater tua, facta ancilla Elizabethæ & Iosepho obediens, omniumque se minimam agnoscens, magnificabit animâ suâ, te Domine, quòd eam super omnes choros extuleris, quia infra omnes se collocauit: & confundentur filij Adæ, quos scientia inflat, potentia effert, diuitiæ turgidos faciunt, imò & ihs pietas, nescio quæ, animos addit; sed non à te, qui mitis es & humilis corde. Ibi Apostolici viri, qui hîc in paupertate, erumna, in doloribus & pœnitentia aspera vixerunt, exultabunt, & centuplo fruuntur, sedes duodecim occupabunt, quòd omnia reliquerint, & te secuti fuerint,

Lucæ 1.

Matt. 11.

Matth. 19.

rint, animasq; suas dederint pro te, confundentur verò conqui-
 tor huius sæculi & proprietarij Religiosi ac delicati. Ibi Abraham
 ad nutum tuum obediens, & Religiosorum innumera turba, de
 amore proprio trophæum per abnegationem statuent; & quia hîc
 propriam abnegarunt, ibi perpetuò suam facient voluntatem. At
 verò quomodo is sese iunget, qui tunc solùm obedire consuevit,
 cùm sibi probatur, & flexit ad voluntatem suam Superiores suos;
 qui quo in Religione prouectior, eo in obedientia tardior; plusq; si-
 bi vendicat propriæ voluntatis, quo diutiùs infelicem illam plan-
 tam conatus fuit eradicare; difficiliùs obedit, quo diutiùs didicit
 obedire? Denique castitatis lilia & stolas puras habebunt, & te se-
 que ntur Agnum agmina Virginum, & Sanctorum, qui pepige-
 runt, sicut Iob, fœdus cum oculis suis, vt ne cogitarent quidem de Iob 31.
 virgine. O quam exultabunt in illa vita, qui in ista portas sen-
 suum suorum diligentissimè custodiuerint, & in virtutum solida-
 rum ac perfectarum studium incubuerint! Desidero ergò, Domine
 Deus meus, sic deinceps vitam instituere, vt in conspectu Sancto-
 rum tuorum & diuinæ maiestatis tuæ non confundar, neque cùm
 loquendum mihi erit inimicis meis in porta, in exitu vitæ huius.
 Cōfido certè ego puluis & cinis in infinita bonitate tua fore, vt mi-
 hi gratiam tuam non deneges, vt possim virtutibus N. ornatus
 portare nomen tuum, & trahere ac conuertere animas ad te, vt
 mecum in calo laudent & glorificent te, à quibus iam propter de-
 fectus meos & seruorum tuorum blasphemaris. Verè enim dixit Chrysostr.
 quidam seruus tuus, Apostolos orbem conuertisse, non quòd eos hom. 46.
 signa mirabiles faterent, sed pecuniarum contemptus, gloriæ de- imperfect.
 spectus, ab omnibus huius vitæ negotijs ereptio: quæ si non habuis- in Matt.
 sent, etsi mortuos suscitassent, non iuuissent, sed etiam seductores
 existimati fuissent. Da mihi, benignissime Domine, horum vesti-
 gia sequi, minimos etiam defectus vitare, ne comedant alieni ro- Osee 7.
 bur meum; da currere per semitam mandatorum tuorum, & non
 deficere. nemo etenim coronabitur cum Sanctis & electis tuis, nisi 2. Tim. 2.
 qui legitimè certauerit: nemo ingreditur tecum, ô sponse anima-
 rum nostrarum, ad æternas nuptias, nisi qui constanter expecta-
 uerit aduentum tuum. nam qui perseuerauerit in finem, solus Matt. 10.
 saluus

saluus erit; & manifestabis ei teipsum, ac recumbere facies ad mensam tuam, & transiens ministrabis ei.

O Beatissima Virgo exaudi, quæso, preces, quas coram te hodie effundo; & humillime peto, vt mihi, quem tibi cum Ioanne profilio commendare dignatus est Dominus IESVS filius tuus, ornamenta virtutum omnium, contemptum rerum humanarum, munditiem cordis & corporis, humilitatem & charitatem, impetres.

Deut. 22. O beata mentes, quibus iam æterna ista obtigit felicitas, respicite ad me fratrem vestrum adhuc peregrinantem in loco horroris & vastæ solitudinis, vt vos imitari possim.

O Angele Custos, qui in speculo lucidissima Deitatis præuides pericula mea, & lapsus, & occasiones eius: adesto, precor, supplicationibus meis, & dirige in viam bonam, vt non pigeat, non doleat tibi de cura mei, sed gaudeas in æternum.

Psal. 90. O Patroni mei NN. vestrâ tutelâ vndique hostibus irruentibus vallate, vt non accedat ad me malum, & flagellum non appropinquet tabernaculo meo. Angelis enim suis & vobis mandare dignatus est Dominus, vt custodiat me in omnibus vijs meis. Venite igitur in subsidium, fortissimi Athleta, vt auxilio vestro vltionem videam ex inimicis meis, & vobiscum in æternum laudem & glorificem Dominum nostrum, in terra viuentium. Amen.

Praxis pro cultu Sanctorum.

Prima. Vitas Sanctorum diligenter euolue, atque insuper collige varia exempla virtutum: & illustre aliquod sæpè mente pertracta accommodatum ad examen particulare. hoc enim efficax antidotum & remedium, ac velut odoriferum pomum quo vires animæ tuæ recreare valeas.

1. Cor. 4. Secunda. Conare etiam alicuius sancti Patroni mores virtutesque in te effingere. ad hoc nos horratur Apostolus Paulus dicens: Imitatores mei estote, sicut & ego Christi.

Tertia. Patroni menstrui vitam lege diligenter, & cum imitatione alicuius virtutis honora, atque ad eam illius patrocini-
nium

nium implora; omniumque Patronorum indiculum facias, vt in hora mortis propitios habeas, & quos inuoces, amicos.

Quarta. Sunt qui in dies singulos hebdomadæ Sanctorum choros diuidunt, inuocando Dominicâ die, Angelorum choros; Lunâ, S. Ioannem Baptistam, Martis, Patriarchas & Prophetas; Mercurij, Apostolos; Iouis, Martyres; Veneris, Confessores; Sabbathi, Virgines. Sed ante omnia Regina cælorum, & princeps militiæ illius sanctus Michaël, cum Angelo Custode, sæpè inuocandi sunt.

Quinta. Laudabilis est etiam eorum exercitatio, qui per singulas diei horas, Sanctorum cultum distribuunt: & inuocant, horâ v. g. quartâ matutinâ SS. Trinitatem, ac petunt potentiarum animæ reformationem; quintâ Christum passum, & petunt illius imitationem; sextâ B. Virginem rogant, pro animi puritate; septimâ Seraphim adêtes, pro charitate; octauâ Cherubim sciētīā plenos, pro Dei presentia; nonâ Thronos, pro pace animi; decimâ Dominationes, pro passionū victoria; vndecimâ Principatus, pro humilitate; duodecimâ Potestates, vt vincant in bono malum; primâ Virtutes, vt proximum efficaciter iuuare possint; secundâ Archangelos, vt obedientiam impetrare; tertīâ Angelos, vt omnes modestiā queant ædificare; quartâ Patriarchas obsecrant, pro desiderio æternæ vitæ; quintâ Apostolos, pro zelo animarum; sextâ Martyres, pro gratia mortificationis; septimâ Confessores, pro dono orationis; octauâ Virgines, pro castitate & abstinentia; nonâ, omnes Sanctos venerantur, & ad patriam suspirant.

IACVLATORIÆ.

Diligite Dominum omnes sancti eius, quoniam veritatem requirit Dominus. & retribuet abundanter facientibus superbiam. Psalm. 30.

Viriliter agite, & confortetur cor vestrum, omnes qui speratis in Domino. Ibidem.

Melius est modicum iusto, super diuitias peccatorum multas. Psalm. 36.

Iusti autem hereditabunt terram, & habitabunt in sæculum sæculi super eam. Ibidem.

Custodi innocentiam, & vide æquitatem, quoniam sunt reliquiae hominibus pacifico. Ibidem.

DECIMÆNONÆ IMAGINIS

A N N O T A T I O.

O quantam pacem haberes, si virtutem N. coleres! expende sedulò.

Considera quantâ fruereis pace, quantum honorem consequerere si virtutem coleres, ut A sanctus Franciscus, alijsq; Sancti experti sunt. nam B virtus semper cum C pace connexa est, simul in eodem corde habitat, ac D IESVM in eodem quiescere facit. Vide, precor, quantum eam honorent omnes, dum Sanctorum E casas & F sepulcra summi iuxta infimique venerantur. quin & Deus eam honorat, & G Angeli in hoc mundo; atque hi cum Christo ob singularem virtutis prerogativam suâ eos familiaritate dignantur, ut patet in H sancta Catharina Senensi, cui Dominus cor suum largitus est. En quàm sublimè I Dei mater per virtutem subiecta. Contrà K vitium animam torquet, inquietat, omniq; honore spoliât hominem, etiam in summis L mundi vanitatibus & delicijs.

antum
res, vi
t. nam
nul in
ue scit
omni. a
t. in
rat. et
to ob
stian
a Sen
am su
ra K
re ip
ation



C A P V T XXXVI.

De septimo medio meditationem atque affectus eius ampliandi, siue de Pace & securitate animæ, quæ ex virtute promanat.

COMPOSITIO LOCI, vt in imagine.
ORATIO, vt solet.

PUNCTVM I. Considera studia ac cogitationes hominum hoc vnum spectare, vt pacem ac quietem animi sui consequantur. Nihil aliud auarus conquisitor huius sæculi, ambitiosus & curiosus propositum habet, quam vt anhelum animum & inhiantem rebus caducis exsati-
 et; ac dicere possit, Anima mea requiesce: habes enim *Luc. 12.*
 reposita bona plurima in annos plurimos. Desideria siquidem terrenorum velut motus sunt; quæ tam diu vrgent miseros, donec re cupitâ fruantur, & in ea pacem inueniant, quam inuenire in iis homo non potest: sed verè dicere, In omnibus requiem quæsiui, & non inueni. quia etiamsi vniuersum mundum possideat, æquè, & millies magis inquietus est: vt per huius sæculi potentes luce clariùs euadit. Quæ igitur insania, mundana consecrari, & non quærere pacem in te, ô dulcissime IESV? Secundò, cogita vnde fiat, amatores sæculi in terrenis nullam quietem obsequendo vitio, declinando à virtute, inuenire. Primò, quia pax & quies ibi solùm est, vbi bellum non est; at dum cupiditatibus suis carnalis obsequitur, bellum rationi, legibus ac Deo mouet, & animæ suæ subditos sensus ac passionés aduersus rationem armat, & confluere cum ea, imò cum Deo facit. quomodo igitur pax ibi esse poterit? quis enim, ait Iob, restitit ei, & *Iob. 9.*
 pacem habuit? Et Baruch, Si in via Dei ambulasses, habi- *Baruch 3.*

bitasses vtique in pace sempiterna : quia scilicet virtutis cultores cupiditates subiiciunt rationi, & ipsam Deo, vnamque cum eo habent voluntatem. & expende quàm id æquum & pulchrum sit, vitiumque detestare. Si mens, ait S. Leo, rectori suo subdita, & supernis muneribus delectata, terrenæ voluptatis incitamenta calcauerit, & in suo mortali corpore regnare peccatum non siuerit; ordinatissimum tenebit ratio principatum, & munitiones eius nulla spiritualium nequitiarum labefactabit illusio: quia tunc est vera pax hominis, & vera libertas, quando & caro animo iudice regitur, & anima Deo præside gubernatur. Secundò, perturbatio nascitur ex eo, quòd vitium ac cupiditas pro obiecto habent rem fluxam, mutabilem & caducam: cui animam suam homo affigit, & sic affixam necesse perpetuò cum ea volui, fluctuare ac mutari; vt nauis in turbido mari, ventis concussa, scopulisque allisa: at verò virtus animum Deo, apud quem non est transmutatio, nec vicissitudinis obumbratio, coniungit, ipsaque in eo velut in Septemtrione acus nautica, & elementum in centro suo conquiescit. Ager animus se vt ægrum corpus versat in partem omnem, frustra: vicissitudo est malorum, non remedium: palato infecto cibus quamuis varius non sapit, sed molestiam adfert. Tertiò, oritur ex perpetuo metu, qui vitium comitatur. metuit enim priusquam quod optat obtineat, ne non consequatur: grauius, ne obtentum amittat: grauissimè, ne cum hoc orbatus fuerit, id recuperare non liceat; denique Dei vindictam formidat. Quod eleganter Iob expressit dicens, Quoties lucerna impiorum extinguetur, & superueniet eis inundatio, & dolores diuidet furoris sui: erunt sicut paleæ ante faciem venti, & sicut fauilla, quam turbo dispergit. Iustus autem quasi leo confidens absque terrore est: vnde dicite, ait Dominus, iusto, quoniam bene. Expertus id Dauid cantabat, Si ambulauero in medio umbræ mortis, non timebo mala, quoniam tu mecum es: si confi-

Leo serm. 1.

Iacob. 1.

Iob 21.

Prov. 28.

Psal. 22.

consistant aduersum me castra, non timebit cor meum: *Psal. 26.*
Deum enim solum quærit iustus, cumque possidet, quia *Psal. 75.*
in pace factus est locus eius.

PUNCTVM II. Considera Primò, vnde præterea perturbatio in anima vitiosi hominis oriatur: vti que quia voluntatem suam explere non potest; sed plurimos experitur diuersam habere, immò etiam aduersari, cum eiusdē habeat rei competitores ac corruales, & plures esse nequeant eiusdem possessores. Iusti verò & virtutis studiosi semper suam voluntatem perficiunt, quia aliam à diuina nullam habent; nihil autem est quod ei resistere valet. Qui enim propriam non habet voluntatem, suam ipsius semper agit voluntatem, & sic nolentes propriam explere voluntatem, inuenimur illam semper expleuisse, vt S. Dorotheus dicere solitus. atque ita talis arbitrio suo agit omnia, perpetuoq; latus iuge conuiuium in animo suo experitur: & cum stultus sicut luna mutetur, homo sanctus in sapientia manet, sicut sol, Deumque imitatur. Secundò, attende quòd omnis qui facit peccatum, seruus sit peccati. tanta autem seruitus est vitij vitiosi que hominis, vt etsi suam videat se voluntatem explere non posse, cessare tamen ei non liceat: duæ enim sanguisugæ semper dicunt, Affer, affer, ait Sapiens. hinc ebriosus etiam si nequeat vina haurire, concupiscere tamen & ad ea suspirare iubetur, vt seruus peccati: etiam si honor & fama legesque verent, tamen parere cogitur lasciuia luxuriæ, ebrietati, &c. eadem enim seruitus omnibus vitiis communis est. At virtute præditus vnum Deum timet, nullius iudicium metuit; nulli supplex & obnoxius est; sed triumphat in vera & aurea libertate. Gloriosa, ait Ambrosius, libertas quam nulla seruitus culpæ, nulla peccatorum vincula constringunt, nulla flagitiorum onera, nulla criminum commercia degeneris nexui seruitutis addicunt. Tertiò, cōsidera vitiosum, etiam si facere voluntatē propriam valeat, nihilo tranquilliores esse: quia illa cum

Dorotheus.

Eccli 27.

Ioan. 8.

Prov. 30.

Ambros.

diuina pugnat; ac proinde perpetuò scrupulis conscientia agitatur, & se iudice nemo nocens absoluitur, dum seuerè accusat conscientia, eademque condemnat & torquet. O quantam ex eo gehennâ experiuntur peccatores! neque tantum, qui grauib; delictis obnoxij, verum etiam qui defectibus seruiunt, neque mortificationi prauorum affectuum student. Quarto, cōsidera è contrario, quantum sit solatium ex pace in anima iusti, quamq; pulcher cæli aërisque tranquilli & maris aspectus, qui fructus pacis in republica. & hæc ad animam transfer. quanti autem hæc, de qua sermo est, pax sit, audiendus S. Paulus. Pax Dei, ait, quæ exsuperat omnem sensum: nihil enim ei sanè comparari potest, securaque mens iuge cōuiuium à Sapiente meritò appellatur: superatque omnem sensum, nec æstimabitur argentum aut aurum in comparatione illius. Quantum enim est, ait Ambrosius, non moueri aut turbari metu, non exagitari suspitione, non dolore vexari, sed quasi in littore turissimo aduersus insurgentes fluctus sæcularium procellarum mentem immobilem fidâ statione placidare!

Philip. 4.

Prou. 15.

*Ambros.
lib. 1. de
Jacob.*

*Athan. in
vita An-
tonij.*

PUNCTVM III. Considera quanto honore virtus vera etiam in vili & obscuro homine afficiatur, atque adeò etiam Ethnicis, in Vestalibus & sacrificulis fucata virtus summæ venerationi fuerit, atque etiam num sit. Vide vt viuos Sanctos honorent Imperatores & potentes sæculi; eorum preces & suffragia apud Deum efflagitent; casas eorum vt templa venerentur, vt oracula adeant. Antonium, ait Athan. hominem in extremo mundi limite conditum Principum & omnis celebrat aula regalis, agens de Cōstantino & filijs. Sepulcra verò Sanctorum sunt velut asyllum: velut malorū omniū leuamen: quot peregrinationes illuc instituuntur? donaria mittuntur? quo honore, eorū reliquiæ coluntur? quos, si genus cæteraq; externa bona spectes, nullo mortales loco paulò antè habuerant, vel haberent, si absque virtute essent. Secūdo, vide quàm
honor

honus ille verus ac solidus sit, cū alius omnino vanus. neque enim, vt S. Chrysostomus, voces illæ populi per quas iudicibus acclamabatur, ex veritate proferuntur: sed ipsæ sunt, quibus fucatum nomen honoris depingitur. quod, vbi potestate defuncti sunt, liquidò apparet. Memoria iusti, ait Sapiens, cū laudibus, & nomen impiorum putrescet. Virtute enim præditi, Reges appellantur: & verè sunt fortiores & meliores, quia dominantur animo suo, expugnatore urbium. sunt enim summi Regis amici intimi; qui cū suos voluerit honorare, quid nō præstat? Testatur D. Franciscus eius deliciæ, D. Dominicus, B. P. Ignatius, S. Catharina Senensis: cum qua & cor commutare dignatus est, aliosque, vt Magdalenam & innumeros, crebrò visere, & magnā familiaritate honorare. Quid verò Angeli facerent, cū Regem suum tantā nos dignatione afficere videant? Ecce quā verum hoc est: Omnis qui se exaltat, humiliabitur; & qui sese humiliat, exaltabitur? Quanta autem sit ignominia vitiorū, patet ex supplicijs reorum quotidianis; quodque, quantumcumque improbos, suorum scelerum pudeat: neque sit quisquam tam potens aut sapiens, qui si vitijs seruiat, non ludibrium fiat suis, & amicis & inimicis subfannatio. Verissima enim ea D. Pauli sententia: Tribulatio & angustia in omnem animam hominis operantis malum, gloria autem & honor & pax omni operanti bonum.

Chrysost. l.
quod nemo
laditur nisi
à seipso.

Pro. 10.

Luca 14.

Rom. 2.

O R A T I O.

O Princeps pacis, & gaudium vniuersæ terræ; in omnibus requiem querit cor nostrum, pacem & tranquillitatem desiderant vniuersi: quia hæc vnica felicitas in hoc statu infelicis, exilio, vbi militia est vita nostra, inuenire pacem; & ad hoc iustificati sumus à te, vt pacem habeamus apud Deum, per te Dominum nostrum IESUM Christum. Omnium huc spectat labor, hanc luxuriosi, auari, ambitiosi querunt, sed frustra: non est enim pax impijs, non est pax nisi diligentibus legem tuam. Tu illam nobis at-

Rom 5.

Isaia 49.
Psal. 118.

Ee 5

tulisti

- tulisti è celo, & mundo nuntiasti. Verè appellaris Princeps pacis, lapis angularis, qui facis vtraque vnum, & in te reconcilias ima summis. O quanta felicitas illius animæ, quam per virtutem eleuas supra tempestates mundi huius, sanctâ contemplatione defixam! non timebit mala, quoniã tu cum ea es; non agitabitur cupiditatibus cor illius, quia tu ei omnia vnus es; inter prospera & aduersa secura & tranquilla, quasi in quodam rerum vertice stat, & despicit vniuersa. O pax nostra Deus meus, quis mihi tribuat pennas sicut columba, & volabo, & requiescam in foraminibus petrae, in cauerna maceria? Venisti enim vt pacem habeam, & moriturus pacem reliquisti mihi dicens, Pacem relinquo vobis, pacem meam do vobis. Propitius mihi esto, Domine, ne dem hereditatem tuam, quam sanguine tuo signatam reliquisti mihi, pro re huius mundi vili, caduca & transitoria. in pace factus est locus tuus, vt nec templum fieri tibi nisi à Salomone volueris; neque nasci, nisi in pace; neq; mori, nisi vt pacē nobis impetrares. Ergo si pacē habuero, certus sum quòd tu Deus pacis & dilectionis eris meū: & quid erit tūc quod vltra petere possim? pax enim ista exsuperat omnem sensum. O quanta, ô quāta cordis pacifici felicitas, nihil cupere, nihil timere, nihil sperare, nihil velle præter tuam sanctam volūtatem, nullo consciētiæ stimulo vrgeri, omni horâ ad mortem, ad aduentum tuum esse paratum! si quis hanc gustauerit, nescio, ait Bernardus tuus, an talis anima vel ipsam gehennam ad tempus experiri horribilius pœnaliusq; ducit, quam post spiritualis studiū huius gustatam semel suauitatem, exire denuò ad illecebras, vel potiùs molestias carnis, sensuumq; inexplibilem repetere curiositatem. Neque pacem tantū in virtuti tribuis; sed decreto perpetuo diuinæ maiestatis tuæ illam honor verus etiam sequitur. regiã enim quādã potestate se cohibens rex dicitur, quòd regere se nouerit, arbiter sui, suiq; iuris sit, non captiuus trahatur in culpã, nec præceps feratur in vitium. atque adeò sola virtus honorē meretur, improbitatē honorabilē facere neque imperia, neque insula possunt: plurius est meritò apud omnes pauper virtute praditus, quàm omnis potentia sæculi. Tantus enim quisque est, quantus est in oculis tuis: & eos qui diligunt te, Domine, etiam hîc glorificabis; qui autē te contem-
- Psal. 54.
Cant. 2.
Ioan. 14.
Psal. 75.
Philip. 4.
Bernard.
ferm. 35. in
Cant.
Ambros.
1. Reg. 2.

temnunt, erant ignobiles. Verè exclamauit Psalter tuus: Nimis Psal. 138.
honorati sunt amici tui, Deus, nimis confortatus est principatus
eorum. Cùm verò me infinitâ miseratione dignatus sis in amicum
eligere, quia præcepta & consilia tua omnia, quæ accepisti à Patre,
nota mihi fecisti; nolo esse amicus huius sæculi, sed vnum te ama-
re toto corde, & totâ mente meâ, te stringere amplexibus animæ
meæ, donec adspiret dies, & inclinentur vmbra, donec appareas
mihi, & aperias thesauros caritatîs tuæ, qui dilexisti me ante
constitutionem mundi.

Praxis ad securitatem animæ comparandam.

Primò, sæpè resignare sese hoc, vel simili modo: Deus meus
& omnia, fiat in omnibus sanctissima voluntas tua. Propo-
nere verò quilibet sibi diuersa potest, vt tentet animum an re-
pugnet nec ne, & se resignare.

Secundò, si quid aduersi accidat, animum collectum seruare,
& cogitare, Tanti est, & pluris pax: atque vti quis omnia pro vita
exponit, ita omnia amittat potius quam pacem.

Tertiò, frequens: & humilis confessio.

Quartò, supra omnia mansuetudo, & omnem amarulentiam
suspicionemque ex animo suo expellere.

Quintò, moderata occupatio. Martha enim turbatur erga plu-
rima; de illa etiam Moysen Iethro monuit.

Exod. 18.

Sextò, lectio sacræ Scripturæ frequens: quæ de sursum enim
est sapientia, primum quidem pudica est, deinde pacifica.

Septimò, sensuum diligens custodia.

IACVLATORIÆ.

Pax Dei exsuperans omnem sensum, custodiat corda nostra & in- Philip. 4.
telligentias nostras.

O Domine, fecisti nos ad te, & inquietum est cor nostrum, donec re- August.
quiescat in te.

Pax multa diligentibus legem tuam, & non est illis scandalum. Psalm. 118.

In pace in idipsum dormiam & requiescam, quoniam tu, Domine, Psalm. 4.
singulariter in spe constituisti me.


VIGESIMÆ IMAGINIS

A N N O T A T I O.

O quantum gaudium habet qui virtutem sequitur! hoc saltem te trahat ad eam N.

VNiuerſus **A** mundus non valet explere cor-
tuum, quod variorum **B** deſideriorum flatibus
exagitur. cur igitur à virtute abduceris ſtultis **C** vi-
tiorum illecebris? nimirum ut è fædo **D** lacu potes, ad
quem periculosa & ambagiosa **E** viâ deerras: ubi **F** ſu-
perbia, luxuria, auaritia te allectum in **G** belluam
deformant, & in **H** inferni barathrum detrahant. ec-
ce **I** regnum Dei intra te eſt, quid fruſtra alibi qua-
ris? en maxima **K** gaudia virtutis quæ cor verè re-
plent, quæ **L** B. Xauerius aliq̃ Sancti, etiam in hac vi-
ta deguſtarunt. Hauſta certè ex Deo bonorum fonte
gaudia ex **M** corde exundant, illudq̃ ſatiant: ex pecca-
ti autem lacu hauſta latitia **N** perfluunt ac dilabun-
tur.





C A P V T XXXVII.

*De octauo medio meditationem atque affectus
eius ampliandi, siue de Gaudio, ob quod
virtutem sequi oporteat.*

PVNCTVM I. Considera Dominum pro sua erga homi-
nes benignitate ita ordinasse, vt traherentur volupta-
te ad operandum: atqui si corporalis voluptas hanc vim
habet, multò magis spiritualis, id est ea quæ ex virtute
promanat. Si ergo voluptate à virtute abstraheris (vnus-
quisq; enim tentatur & auocatur ab ea abstractus & ille-
ctus) vide quanto maior ac melior, eaq; sancta & vera, ex
virtute quàm caducis istis huius mundi deliciis, voluptas
emanet. Primò, quia ista fœda & turpis & falsa est. Adeò
vt Aristoteles dicat, delectationes corporis fœdas ac tur- *Arist. 10.
Ethic. 3.*
pes, non esse veras delectationes: quoniam non tales vi-
dentur, nisi iis qui malè sunt affecti; sicut, ait, pueri sua
crepundia æstimant, quæ viri contemnunt: fœdæ autem
adeò sunt, vt olim etiam Philosophi ac Poëtæ homi-
nes in belluas ac feras mutari finxerint, qui amoribus
Circes capti essent. Neque incommodè. Nónne enim
videmus superbum, instar paui ambulare? luxuriosum
instar capræ lasciuire? gulosum velut porcum in ventrem
& cibum pronum ferri? Neque quisquam est honestior,
qui affectus eiusmodi præ verecundia non dissimulet. Vi-
de igitur quàm in se turpia illa sint gaudia, & vilia. Con- *Serm. 4. in
vig. Nati-
uit.*
solatio enim verè, vt Bernard. mundi vilis est, & ad nih-
lum utilis, & quod magis metuendum, est veræ & salu-
bris delectationis impedimentum. Equidem quid insanè
appetit gulosus, ob quod maria traiciuntur, animæ inter-
cunt, cælestis hereditas deperditur, vt Esau primogeni-
tura;

*Gregor. 20.
Moral. c. 6.*

tura; Religiosi Ordines periclitantur? frustū carnis, bolus vnus atq; alter dulcior, & eo carior quo rarior. Secundò, vide quantā molestiā, quā longā ac difficili viā quærat, vt verè his applicet illa lob Gregorius: Qui inter eiufmodi latantur, quasi sub sentibus delicias reputant. neque enim, ait, sine grauib; curarum molestiis possunt temporalia, quæ appetunt, vel non habita quærere, vel quæ sita seruare, inter æquales præstantiorem gloriam appetere, semper praua agere: & tamen, ne opinionem prauitatis habeant, formidolosè custodire. Hebræis iis similes sunt, quibus manna non sapiebat propter ollas carniū, porros, & allia Ægypti. Quid enim signatur per ollas carniū, nisi carnalia vitæ opera, in tribulationis doloribus, quasi ignibus excoquenda? quid per pepones nisi terrenæ dulcedines? quid per porros & cepas exprimitur (quæ plerumque qui comedunt lacrymas emittunt) nisi difficultates vitæ præsentis, quæ à dilectoribus suis & non sine luctu agitur, & tamen cum lacrymis amatur? Tertiò, attende, quòd hoc genus bonorum non tam bona sint, quā minora mala: iisq; nihil agialiud, quā vt grauiore compedes in leuiore mutemus. Fames vrget? suaue est comedere. satur es? grauius est edere, quā esurire. Itaque nulla delectatio liquida, aut pura, sed permixta multis amaritudinibus. Denique ea conditio est delectationum sensualium, quòd dum habentur, fastidiuntur; dum non habentur, desiderio torquent: spiritualium verò & appetitus placet, & experientia magis. Igitur sic ratiocinare: Si desiderium torquet terrenorum, multò magis præsentia; ac proinde ea abominare. quis enim hostem propinquum, & intra muros existentem propulsare poterit, si absentis timore totus concutiat? Quartò, attende ideò hominem verè recreari terrenis non posse, quia illius naturæ non conueniunt: sicut videmus alios cibos hominibus, alios belluis gratiores. Cum igitur hæc infima tantum hominem oblectent,

*Greg. hom.
36. in Euāg.*

ſent, quantum cum belluis participat , ſequitur propriam nobilioremque illi longè eſſe ſecundùm rationem delectationem, ac multò maiorem.

PVNCTVM II. Conſidera verò maiores longè ſpiritus & virtutis delectationes, quàm corporis eſſe. Primò, quia ſpirituale bonum & obiectum melius eſt & nobilius: vnde oculo , quàm ratione carere malumus. Secundò, coniuncto maior , quia ſenſus tantùm in accidentibus hæret, & corporis delectationes perpetuò fluunt, mentis verò ſimul totæ ſunt, vt res ipſæ, quas concipimus. Tertiò , quia bona ſpiritualia manent , alia pereunt. Sed quodnam eſt obiectum pietatis , quod omnibus nobilius? certè Deus. quid ergo mirum ſi amplexus eius, quo ei iungimur ſummo bono, ſuauiſſimus iucundiſſimusque ſit? Fit autem ille, quando iungitur anima Deo per veram virtutem, maximè per amorem, & contemplationem , in qua etiam Ariſtoteles & Philoſophi beatitudinem poſuerunt. Attende iam quanta gaudia Sancti ex ea perceperint, adedò vt ferre nequirent eorum magnitudinem, vt de B. Ephrem, B. Xauerio accepimus, cùm, Sat eſt Domine, ſat eſt, exclamarent. Ratio autem, quare in Deo beatitudo, ſola, vera & ſumma ſit delectatio hominis, eſt, quia finis illius Deus eſt: quidquid autem finem ſuum attingit, beatitudinem ſuam conſequitur. Primò, quia ſolus ille animam ſatiat, cætera omnia nullo pacto: non magis quàm ſi quis fumo aut vento ſe paſcat. Comedent (inquit Oſcas, de impijs loquens) & non ſaturabuntur. Sicut, ait Hieronymus , iuſtitia ſaturat , ſic iniquitas ſubſtantiam non habens vanà comedentes fraude deludit, & vteros comedentium vacuos derelinquit? At Iſaias ſomniantibus mundanos comparat , qui ſibi comedere videntur, & ex pergefacti eſuriunt. O quæ infelicitas, pertuſo dolio haurire debere fruſtra! aërem capere fruſtra! Ea eſt mundani inſania, ait Bernardus, vt quaſi famelicus inflatis buccis aërem hauriat , eoque ſaturari liquimus.

Oſea 4.

Hieron.

Iſaia 29.

Vide Bern.

in ſermone,

Ecce nos re-

liquimus.

*Eccles. 5.**Eccles. 2.**Matth. 5.*

turari speret, aut fumum sulphureum excipiat: non enim impletur. Sapiens verò: Auarus, inquit, non implebitur pecuniâ, & qui amat diuitias, fructum non capiet ex eis: quod aliis omnibus vitiis commune est. Ecce nihil negauerat Salomon oculis suis, & vidit omnia esse vanitatem, & afflictionem animi. Contrâ verò qui esuriunt & sitiunt iustitiam, & hîc & in futuro saturabuntur. Tertiò, vt homini benè ac beatè sit, oportet, vt illud, per quod id ei obtingit, eo melius sit, ac inuito auferri nequeat: quod virtus sola, & Deus est, cui per virtutem homo coniungitur. O quanta rerum in mundo vicissitudo & inconstantia! virtus verò, & eius opes perpetuæ & inuiolabiles Dei gratiâ sunt.

*Ierem. 2.**Psal. 41.*

PVNCTVM III. Considera hominem esse velut sitibundum, & mundanum per ambages longas & molestas querere explere sitim, sed instar hydropici augere, & haurire quasi ex sulphureo aut falso lacu, quò concupiscentia inuitat: iustum autem vbique Deum habere præsentem, fontem bonorum omnium, imò regnum Dei intra nos esse. O quanta igitur indignitas atque infania, eum derelinquere! Id queritur per Ieremiam Dominus: Me dereliquerûnt, ait, fontem aquæ viuæ, & foderunt sibi cisternas, quæ continere non valent aquas. Sitiuit verò anima mea ad Deum, fontem viuum, quando veniam & apparebo, quando veniam & adimplebis me lætitiâ, cum vultu tuo? Secundò, considera certissimum esse, si dimidium laboris & molestiæ pro vera virtute suscipias, eius quæ pro mundo sustinetur, te beatum hîc verè & æternum futurum.

O R A T I O.

Quemadmodum desiderat ceruus ad fontes aquarum, ita de- Psal. 41.
 siderat anima mea ad te, Deus: sitiuit anima mea ad Deum
 fontem viuum: quando veniam, & apparebo ante faciem tuam,
 Deus meus: Indica mihi quem diligit anima mea, vbi pascas, vbi Cant. 1.
 cubes in meridie; ne vagari incipiam post greges sodalium tuo-
 rum. si dederò somnum oculis meis, & requiem temporibus meis, Psal. 131.
 donec inueniam locum tuum, Domine IESV, & requiescam in
 tabernaculo tuo! ecce in terra deserta, inuia & inaquosa, appa- Psal. 62.
 rebo tibi, vt videam virtutem tuam, & gloriam tuam. Ne
 abscondas faciem tuam à me: qua enim est expectatio mea, non-
 ne tu, Domine? non vltra ambulabo vias difficiles & prauas. vbi
 enim sunt deliciae, propter quas lassati sumus? nonne foeda, turpes
 & illiberales, ob quas, cum praterita sunt, erubescimus? Verè, verè
 amarum est, amarum te derelinquere, dulcissime IESV. O
 insaniam filiorum Adam? etsi sis praesens, Oceane omnium
 bonorum; ecce fugiunt, & querant foedas lacunas, vel-
 ut Sodoma lacum, quae sitim non sedant, sed accendunt. ô gau-
 dium, quod de te sumitur, Deus meus, quale gaudium? nouit ille
 qui te nouit, qui gustauit, quàm suauis sis, Domine, his qui dili-
 gunt te. quid queris anima mea? delectare in Domino, & dabit
 tibi petitiones cordis tui. Bonum tuum quare: est enim bonum August. in
 aliud alteri, & omnes creaturae habent quoddam bonum suum. psal. 102.
 pecori bonum est implere ventrem, carere indigentia, dormire,
 gestire, viuere, sanum esse, generare. Tale tu bonum queris cohe-
 res Christi? quid gaudes? quia socius es pecorum? erige spem tuam
 ad bonum bonorum omnium. Tu enim, Deus meus, omne bonum
 es, & solus satiare animum potes: tu solum gaudium continuè
 iucunditate firmissimum, delectationes in dextera tua vsque in
 finem. hoc est quod amo, cum te, Deus meus, amo omne bonum &
 perfectum, & permanens, & liquidum. Deliciae omnes aliae bre-
 ues, siue ex honore, siue ex voluptate: vana enim omnia & cadu-
 ca sunt & incerta. quis enim gloriari de fauore mundi potest, qui
 momento fugit? incertus perpetuè est, blanditurque, vt Ioab, &

Ff

occulte

occultè occidit: leniter influit, & in fine mordet vt coluber. Experiuntur filij huius seculi stimulos cogitationũ, conscientie morsus, quibus conditur aut potiùs extinguitur. quid esse dulce potest absque te, ô dulcedo summa, felicitas nostra, & gaudium super omne gaudium. Melior, melior est dies vna in atrijs tuis super millia, meliores sunt mica quæ cadunt de mensa Domini mei, delicijs vniuersæ terræ. In te verò omnia habentes, propter quid, precor, te relinquemus? Miror in sole splendorem, in flore pulchritudinem, in pane saporem, in terra fecunditatem, sed à te Deo vniuersa hæc sunt: nec dubium quin multò amplius reseruaueris tibi, quàm dederis creaturis creator meus. Taderet tamè fortè adspirare, si longaper desertum foret via; sed ecce, si volo, amicus tuus esse iam possum per gratiam tuam, & letari coram te, & in mente secura iuge tibi parare conuiuium, gloriæ, & honore coronari. Videte, quæso, oculis vestris, aiebat Ecclesiasticus tuus, modicum laboraui, & inueni mihi multam requiem: accede ad eam, & sustine bonos fructus illius: in opere enim ipsius exiguum laborabis, & citò edes de generationibus eius. Cupio igitur ex nunc, ex hoc momẽto serio te, Domine IESV, sequi, & virtutem amplecti: si enim hoc fecero, ecce cor meum & caro mea exultabunt in Deum viuum; si non egero, tribulatio & angustia me manent. quid mihi ergo est in celo, & à te quid cupio super terram? Tu es spes mea, portio mea, in terra viuentium.

Bern. serm.
1 in fest.
omnium
Sanctorũ.

Eccli 31.

Psal. 83.
Psal. 72.
Psal. 141.

Praxis ad gaudium è virtute captandum.

Prima. Cùm homo sese voluptate allici sentit, suspendere animum, & moderari desiderium. quia id quod per vitium quærit, vel sperat, orando, seque superando, longè nobilius & vilius acquirere potest.

Secunda. Quoties voluptas inuitat, cogitare quod D. Bonauentura, se iam eâ frutum esse: nihil enim interest verè an solè opinione tuâ voluptate frutus sis. Cùm nihil post eam superfit nisi dolor ex usurpata voluptate, quam poteras in Domino quærere, & haurire de fontibus Saluatoris.

Tertia. Mortificationem & abnegationem in magnis & paruis rebus exercere: mirè enim id conducit; neque difficile erit, si

pro tali creato solatio omisso. æternum paratum esse certò sciat: imò etiam diuinum nunc in hac vita. Quoties enim quis propter Dei amorem aliquid relinquit, & liberalem erga diuinam maiestatem se ostēdit, toties illam erga se liberaliorem vicissim experietur. Non vincit enim sapientiam malitia, neque liberalitatem ipsam inopia nostra. Imò omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen Domini, centuplum accipiet, & vitam æternam possidebit. At quando, inquires, illud centuplum? Respondit Dominus, Amen dico vobis, accipiet centies tantum nunc in tempore hoc, domos, & fratres, & sorores, & matres, & filios, & agros, cum persecutionibus, & in sæculo futuro vitam æternam. Hoc est quod in Canticis insinuat sponsus: Veni in hortum meum, id est animam, mellui myrrham meam, quia ad mortificationem excitarat; comedi fauum cum melle meo, bibi vinum meum cum lacte meo: comedite amici, & inebriamini charissimi. Mox enim post mortificationem fauum animæ habuit, & vinum propinat lætificans cor hominis. Visitat animam, & terram nostram, inebriat eam, & multiplicat pluuias gratiarum vt locupletet eam.

Sap. 7.

Matth. 19.

Marc. 10.

Cant. 5.

Psalm. 64.

IACVLATORIE.

V Nam peti à Domino, hanc requiram, vt inhabitem in domo Domini omnibus diebus vita mea, vt videam voluptatem Domini, & visitem templum eius. Psalm. 15.

• Credo videre bona Domini, in terra viventium.

Ibidem.

Inebriabuntur ab vbertate domus tua: & torrente voluptatis tue potabis eos. Psalm. 35.

Quoniam apud te est fons vite: & in lumine tuo videbimus lumen. Ibidem.

Hæc recordatus sum, & effudi in me animam meam, quoniam transibo in locum tabernaculi admirabilis, vsque ad domum Dei. Psalm. 41.

VIGESIMÆ PRIMÆ IMAGINIS

ANNOTATIO.

Inspice, & imitare virtutis N. exemplar, quod tibi à Domino monstratum est.

Attende, Christiane, quoties Spiritus sanctus & Christus Dominus in A Scriptura præclara tibi virtutum documenta dederit; en ut B virtus tibi ostendat, quot exemplis C Dominus Iesus præcesserit; D hunc sequere, & E inspice, & fac secundum exemplar in monte monstratum. audi F Christum in monte nos docentem, ut se, & G virtutem quam ostendit, sequamur. audi H Deum Patrem illud ipsum præcipientem: fuge denique I peccatum, quod à Christi sequela, & crucis, siue virtutis ardua viate in interitum auertit. Vnusquisque enim tentatur à concupiscentia sua abstractus & illectus, & ad peccatum vel horrore asperitatis, quæ in virtute est; vel amore voluptatis momentanea, quæ in vitio reperitur, inuitatur.



CAPV T XXXVIII.

*De nono medio meditationem atque affectus
eius ampliandi, siue de Imitatione Christi.*

COMPOSITIO LOCI, vt in imagine.

ORATIO, vt suprà.

PVNCTVM I. Considera Primò, Deum Patrem illis ver-
biste alloquentem: Vide terræ vermicule, adspice homo
vapor admodicum parens: sic Deus dilexi mundum, vt Ioan. 3.
Filium meum vnigenitum darem, vt omnis qui credit in
eum non pereat, sed habeat vitam æternam: & attende
quanto amore tale prototypon tibi dederit diuina bo-
nitas, infinities perfectius Sanctis omnibus. Adspice
quibus coloribus dignatus fuerit illud pingere: est enim
in eo candor lucis æternæ, & castitatis virginæ imago, &
figura substantiæ Patris, coccus & purpura è pretioso san-
guine agni immaculati. Et considera, precor, an, cum tale
dederit exemplar tanto sumptu paratum, è cælo demis-
sum, contèni illud à te deceat & despici. Imaginare Deum
Patrem statuere paruulum IESVM in medio nostri, &
dicere: Nisi quis humiliarit se sicut paruulus iste, non in-
trabit in regnum cælorum. Amplectere illum, qui cum ter-
maximus sit, propter te factus est paruulus, & minoratus
ib Angelis. Secundò, attende, quòd quemadmodum vi-
dere Deum, sicut est in cælo, est beatitudo summa; ita hîc
IESVM Christum nosse & imitari, summa dignitas & feli-
citas. Tertiò, quàm triste, vt ita loquar, sit Christo Do-
mino ipsum se statuiffe exemplar in cruce tantis cum tor-
mentis, vt te beatum redderet, vt te illi, maximè tu, ô Re-
ligiose, conformares, & hoc ipsum à te cõtemni. Quartò,
Dominum descendisse ex infinito amore de cælo, vt no- Ioan. 14.

*Isaia 65.
Rom. 5.*

Iob 22.

bis viam ostendat, (ipse enim via, veritas & vita) vt ouem errantem reducat: & eheu! quoties extendis manum tuam, IESV benignissime, & non est qui adspiciat: vocas, & renuimus! ô quàm iustè queres per Prophetam tuum: Totâ die expandi manus meas ad populum non credentem, & contradicentem mihi! ô quàm luctuosum tibi, bonitas infinita, audire à filiis quos emisti pretio magno sanguinis tui, Recede à nobis, scire tuam viam nolumus!

PVNCTVM II. Considera, in quo imitari Dominum IESVM oporteat, & attende Primò, reformâdas tibi esse tres potentias animæ tuæ, per peccatum originale plurimum deprauatas. Cogita igitur quàm sanctas in memoria habuerit cogitationes, quàm purum ab omni errore & falsitate intellectum, voluntatem ab omni amore terreno alienam, & infinito Dei Patris repletam. Excute verò tres potentias tuas, & earum vulnera Christi exemplo sanare contende. Secundò, considera qualiter passionēs, quæ versantur circa bona mundi, honestum, vtile, delectabile, & velut Iacob & Esau in ventre matris, sic in anima nostra luctantur, refrænari, & ad meliora concupiscibilem bona trāstulerit, & ad mala animæ nostræ irascibilem. Ingredere igitur cor amantissimi IESV, Primò, ab omni perturbatione passionum liberum; Secundò, ab intētionē obliqua; Tertiò, à mundana delectatione; Quartò, à placendi hominibus desiderio; Quintò, ab inutili cogitatione; Sextò, à superflua cura; Septimò, à noxia amaritudine; Octauò, ab inani complacentia; Nonò, ab affectu creatæ consolationis; Decimò, ab anxietate; Vndecimò, ab impatientia; Duodecimò, à propria voluntate. maluit enim perdere vitam potius, quàm obedientiam; atque illam adeò commendauit, vt centuplum ei promiserit, & decreuerit eum, qui non renuntiat omnibus quæ possidet, suum non posse esse discipulum. Animaduerte simul paupertatis virtutem, mansuetudinis, sancti luctus, quanta in Christo esuries iustitiæ, quan-

ta

ta misericordia, cordis mundities, amor pacis, patientia, zelus, & humilitas: de qua quod dicit D. Leo, cæteris omnibus virtutibus potest applicari; nulli aspernanda diuitum est, nulli est erubescenda nobilitas: nec enim in tantum prouehi potest felicitas humana fastigium, vt æstimet sibi pudendum, quod Deus in forma serui non est arbitratus indignum.

PUNCTVM III. Considera conuersationem Sapientiaæ æternæ, in omni actione suauissimam ac prouidentissimam. certè nullam vnquam, vt Sapiens ait, amaritudinem habuit, sed in omnibus obedientia, caritatis, puræ intentionis, deuotionis heroica exempla reliquit. Tu itaque similiter numquam à diuina voluntate desiste, neque in opere, neque in modo; sed in aduersis & prosperis æquabilis semper eum intueri: quoniam oculi Domini multò plus lucidiores super solem, circumspicientes omnes vias hominum, & profundum abyssi, & hominum corda intuentes, in absconditas partes. Non patiaris exempla tam illustria frustra tibi esse proposita. Exemplum enim dedit nobis, vt quomodo ipse fecit, ita & nos faciamus. Et qui dicit se in ipso manere, debet sicut ille ambulauit & ipse ambulare. Considera præterea, quòd tibi nõ solum Christus Dominus imitandus sit, sed etiam Pater noster cælestis: sic enim mandatum habemus; Estote ergo vos perfecti, sicut Pater vester cælestis perfectus est. Quocirca mysteria & virtutes humanitatis, veluti ostium esse existima, quo ingrediaris in potentias Domini, & ad considerationem perfectionum illius. Ego enim sum ostium, ait Dominus, per me si quis introierit saluabitur, & ingreditur, & egredietur, & pascua inueniet. Itaque perfectiones Dei, v.g. longanimitatem, prudentiam, sapientiam, liberalitatem & bonitatem, etiam in actionibus considera, ac tibi imitandas esse statue.

*Leo serm. 2.
de Resurrex.*

Sap. 8.

Ecclesi. 23.

*Ioan. 13.
1. Ioan. 2.*

Matt. 5.

Ioan. 10.

Vide libellum D. Thomas de diuinis moribus.

O R A T I O.

O IESV amantiſſime, limpidiſſime fons, & ſpeculum omnis perfectionis, in quo inhabitat omnis plenitudo diuinitatis corporaliter, in quo theſauri ſcientiæ & ſapientiæ Dei reconditi: de plenitudine tua omnes accepimus, gratiam pro gratia. Verumtamen aret adhuc anima mea, & facta eſt ſicut terra ſine aqua tibi: necdum transformata eſt in te. Fac igitur mihi hanc gratiam, vt te imitari, in te eſſe, viuere, moueri perpetuò queam, ac perfectiſſima virtutum exempla in me ſecundùm ſignaculum tuum exprimere. Nōne enim meritò queri potes, ſi ego ſeruus miſer & miſerabilis, renuam ſequi te? Quid? pudebitne? ſed gloria magna ſequi Dominum. dolebit? ſed non contriſtabit iuſtum, quidquid ei acciderit, ſemperq; eſt rectis corde letitia, quoniam apud te eſt fons vitæ, & in lumine tuo videbimus lumen. Quid igitur me auertet à te, & veſtigijſ tuis, quæ video ſanguine rubere, lucere igne caritatiſ, ſentio ſpargere odorem, quo rapiar in amorem tuum? Tu eſ exemplar, quod nobis in monte monſtratum, cupio imitari per gratiam tuam, cupio potentias animæ meæ tibi conſecrare. Procul deinceps ſit tumultus cogitationum mundanarum, & inanium rerum, à memoria mea: ornabo eam caeleſtium rerum cogitationibus, & auferam de templo tuo, id eſt, corde meo, idola priſtinae vanitatiſ meæ. O vtinam eorum quæ retro ſunt oblitus, ad ea quæ ſunt priora me extenderem, ſemper de te cogitare, ex omnibus quæ ſenſibus concipio, ingrederer in potentias tuas! quàm facile, ſi hanc clauderem memoriæ portam, vt facere omnino ſtatuo, omnes animi mei motus ſedarem! Nam ſimul atque huc ingreſſus eſt inimicus, aut ſuperbiæ, ira, luxuria ſcintilla admiſſa, conturbatur anima mea, & offunduntur intellectui tenebræ, vt te lux vera, quæ illuminas omnem hominem, nequeam, nec rationem, quam mihi ducem dediſti, intueri. Veni lux beatiſſima, & reple cordiſ mei intima, vt nouerim me, & nouerim te, & quòd nihil ſint omnia præter te: tu ſolus eſ, qui eſ, cætera vmbra ſunt, & vanitas vanitatum. Concede verò mihi, vt quæ beneplacita tibi eſſe cognouero, quæ iuſta, bona ac ſancta, ea etiam talia ego ve-

re cecus & insipiens esse iudicem. Tu sapientissimus enim es,
 tu potentissimus, optimus, pulcherrimus, dignissimus vt ab om-
 nibus, & solus diligaris. Tu lux aeterna, & sapientia aeter-
 na, scrutaris omnia, vti fecisti omnia. Quomodo igitur non
 credam tibi, sed potius mundo fallaci? Aufer a me, quaeso, cecita-
 tem illam, errorem, & ignorantiam. Da mihi credere Scriptura,
 verbo tuo, & sacris tuis Doctoribus, ac Superioribus meis. Sed cum
 scienti bonum, & non facienti, peccatum sit illi, da, obsecro, vt
 quod video bonum, hoc agere me delectet; da voluntatem sanctam,
 vt nihil velim nisi te, aut propter te: sit mihi cibus facere volunta-
 tem tuam, iudicium proprium abnegare, numquam niti pruden-
 tia mea, vt tibi, benignissime IESU, fuit cibus facere voluntatem Ioan. 4.
 Patris tui, cibus verè & millies suauissimus. Illa enim est norma
 omnis bonae voluntatis: quacumque ab hac desleat, obliqua, &
 praua, & iniusta est. O vtinam vnum sit mihi velle tecum, vnum
 iudicium, nihil arbitrer me scire nisi te IESUM, & hunc crucifixum;
 nihil sperare aut velle queam, nisi fieri voluntatem tuam; vt mea
 illi vnita iam non mea, sed tua, non hominis miseri ac improuidi,
 sed Dei mei sit, ac deiformis, vna sit cum tua, quia tum demum,
 scio, recta erit, & sancta, & perfecta. Da mihi, Deus meus, forti-
 tudo mea, ita passiones amoris, odij, gaudij, tristitia, spei, & timo-
 ris moderari, vt te, pulcherrime sponse animae, in pace cordis mei
 morari delectet. O quantum bonum habet, qui illas sic reprimat, vt
 seruiant sibi, & tibi, propter te! sed, cheu! saepe haec abripior,
 & seruire cogor. Verumtamen ex nunc detestor & abominor eas,
 & tibi toto cordis affectu dedico, vt seruiant tibi omnibus diebus
 vitae meae, & imitator tui existam, creatura Creatoris, mancipium
 Domini, discipulus Magistri optimi, filius Patris benignissimi. Ex-
 audi, Domine, hoc desiderium meum, vt iuxta vocationem meam
 exprimam vitam tuam, & speculum omnis perfectionis; in omni-
 bus cogitationibus, verbis & actionibus meis, vitam meam tua si-
 milem reddam; humiliter, tranquille, feruenterq; operer secundum
 voluntatem tuam. sicuti enim palmes non potest ferre fructum nisi Ioan. 15.
 manserit in vite, sic nec ego nisi per virtutem in te mansero. O vti-
 nam, humillime IESU, cognoscat omnes, quod discipulus tuus sim,

non tantum siccitatem habuero (quod est vinculum perfectionis) sed etiam humilitatem, abscondendo virtutes, ut tu gloriam tuam; locum infimum semper petendo, non primas cathedras; quas, sicut & superbiam, detestor, ut pannum menstruata. Desidero tecum, humillime IESU, ambulare: nolo superbire, cum tu te humilias; nec sedere, ubi tu stas, Rex meus, & Deus meus; nec deliciari, ubi caput meum, Christe IESU, cruciaris; neque honorari, ubi ignominiam elegisti. Ego, aiebas, non quero gloriam meam, est qui querat & iudicet: ita ego desidero, siue comedam, siue bibam, siue quid aliud agam, omnia ad gloriam tuam facere; presentia, caduca & fluxa contemnere; caelestia & aeterna appetere; tibi me resignare, & omnia accipere de manu tua amabilissima per gratiam tuam. Amen.

Ioan. 8.

1. Cor. 10.

Praxis ad Christi imitationem dirigens.

Prima. In omni dubio, cum haeres quid tibi dicendum vel agendum sit, considera, quomodo Christus IESUS, Sapientia aeterna ea diceret aut faceret, & gratiam illius implora, ut eum valeas imitari.

Secunda. Aliquando in examine idem cogita, & animaduerte, quomodo in hoc, vel illo, Dominus IESUS sese gessisset, qualiter locutus fuisset, quid egisset.

Tertia. Cum vitam tuam ordinare actionesque tuas volueris in secessu & quiete, finge Christum Dominum tibi presentem, & actiones singulas ad illius normam compone ac dirige.

Quarta. Cum mandatum caeleste acceperimus a Deo Patre, ut audiamus Christum Dominum & imitemur: ab Apostolis enim in monte Thabor caelitus haec vox audita est: Hic est filius meus dilectus in quo mihi bene complacui, ipsum audite, necesse ut quoad fieri potest illud impleamus. Ideo enim Verbum caro factum est, & habitauit nobiscum, ut exemplo suo nos inuicaret, & homo sese ei conformaret. Quapropter qui vult ad perfectionem contendere, & ad vitam ingredi, faciat quod S. Bern. fecisse se profitetur: meditationem instituat de vita & morte Christi Domini nostri, & ex illa & ex omnibus anxietatibus & amaritudinibus illius colligat sibi fasciculum myrrhae, qui inter vera sua commoretur, id est, perpetuo oculis obuersetur. Licet enim variae sint meditationis materiae, haec tamen una instar omnium est, haec primum ad omnem virtutem & contemplationem, quod Dominus innuere etiam voluit dicens, Ego sum ostium, per me si quis introierit saluabitur, & ingredietur, & egredietur,

Matth. 17.

Bern. serm.
43. in Cant.

Ioan. 10.

dietur, & pascua inueniet. Ad quod elegāter & suauiter Bernard. *Serm. 15. 113*
 IESVS, inquit, est mel in ore, in aure melos, in corde iubilus. Sed *Cant.*
 est & medicina. tristatur aliquis nostrum? veniat in cor IESVS, &
 inde saliat in os, & ecce ad exortum huius nominis lumen, nu-
 bilum omne diffugit, redit serenum. Labitur quis in crimē, currit
 insuper ad laqueum mortis desperando? nōne, si inuocet nomen
 vitæ, confestim respirabit ad vitam. Cui aliquando sterit ante fa-
 ciem salutaris nominis, duritia vt assolet cordis, ignauitæ torpor,
 languor acedia? cui fons fortē siccatus lacrymarum inuocato Ie-
 sv non continuē erupit vberior? Nihil ita iræ imperum cōhibet,
 superbix tumorem sedat, sanat liuoris vulnus, extinguit libidi-
 nis flammam, sitim temperat auaritiæ, ac totius indecoris fugat
 pruriginem. Siquidem cum nomino IESVM, hominem mihi pro-
 pono mitem & humilem corde, benignum, sobrium, castum, mi-
 sericordem, & omni denique honestate ac sanctitate conspicuū,
 eundemque ipsum Deum omnipotentem, qui suo me & exēplo
 sanat, & roborat adiutorio, Hæc omnia mihi sonant, dum inso-
 nuert Iesvs. sumo igitur mihi exempla de homine, & auxilium
 à potente: illa tamquam pigmentarias species, hoc tamquā vnde
 acuam eas, & facio confectionem, cui similem medicorum face-
 re potest nemo. Hoc tibi electuarium habes, ô anima mea, recon-
 ditum in vasculo vocabuli huius, quod est IESVS, salutiferum
 certè & quod nulli vmquam pesti tuæ inueniatur inefficax. Sem-
 per tibi in sinu sit, semper in manu, quò tui omnes in IESVM & *Cant. 8.*
 sensus dirigantur & actus. Pone me, inquit, signaculum in cor
 de tuo, signaculum in brachio tuo. S. Bonauentura verò sic ait. *Bonaue. stina.*
 Venerabilis passionis Christi continua & deuota meditatio men- *diuin. c. 1.*
 tem ab huius sæculi mundanis & carnalibus concupiscentijs se-
 questrabit, cor tuum ad spiritualia & cælestia subleuabit, quid
 cogitandum sit, quid loquendum, quid respondendum, quid ta-
 scendum, quid vel qualiter agendum tibi veraciter indicabit.

IACVLATORIÆ.

AVdi Dominum quasi tibi loquentem: *Venite filij, audite me, Psal. 33.*
timorem Domini docebo vos.

Accedite ad eum, & illuminamini, & facies vestra non confun- Ibidem.
dentur.

Qui vult venire post me, abneget semetipsum, & tollat crucem Matth. 16.
suam, & sequatur me.

Exemplum dedi vobis, ut quemadmodum ego feci, ita & vos fa- Ioan. 13.
ciatis.

VIGESIMÆ SECUNDÆ IMAGINIS

ANNOTATIO.

Attende beneficia ac dona Dei, quibus ad virtutem N. meritò prouocaris.

Considera beneficia, quibus ad virtutem te inuitat Deus: A creationis, B incarnationis, C redemptionis, D Sacramentorum & gratiarum. Deus enim te E pascit ac vestit, F liberat à multis malis atque miserijs, & per G Angelos suos dona mittit, ut olim H Israëlitis. Deus I pluuias, K solem, L & incrementa frugum ad tuos vsus & oblectamenta offert; ut tu M virtutem sequaris. Cùmque hac omnia Deus ex summa N caritate faciat, non liquefces vicissim amore? equidem par est ut virtutem, etsi per se amabilis est, vitiumq; abominabile, amore Dei ac Domini nostri, & ob beneficia quibus prauenit nos, amplectamur.



CAPVT XXXIX.

*De decimo medio meditationem atque affectus
eius ampliandi, siue de Beneficiis Dei, qui-
bus ad perfectionem nos inuitat.*

COMPOSITIO LOCI, vt in imagine.

ORATIO, vt suprà.

PVNCTVM I. Considera Primò, hominem à Deo eius
beneficentiâ ex nihilo creatum esse, ad imaginem & si-
militudinem ipsius; ac pròinde non sicut pullum onagri *Iob 11.*
liberum, sed Deo subiectum esse oportere; eiusque non
mandatis tantùm, sed nutibus & inspirationibus, si suo
rectè velit munere fungi, obedire. Ad hoc enim creatus *Laur. Iust.*
est à Domino, cuius ipse totus est. Clamat, ait Laurentius *lib. 2. c. 5.*
Iustinianus, innata ratio, vt quisque se illi subiiciat, à
quo habet, vt sit: numquid ergo gloriabitur securis con-
tra eum qui secatur in ea? aut exaltabitur ferra contra eum
à quo trahitur? quomodo si eleuetur virga contra eleuan-
tem se. Væ qui contradicit fictori suo, testa de famijs ter- *Isaia 45.*
ræ: numquid dicet lutum figulo suo, Quid facis? aut ho-
mo, Quare præcipis nobis, aut exigis hæc? Considera et-
iam præstantiam & excellentiam diuinæ maiestatis, præ-
fertim si nobiscum comparetur, eaque de causa studen-
dum illi omnibus modis placere & seruire, cum minùs
præstantia aliis præstantioribus naturaliter subdantur.
Secundò, incarnationis & redemptionis beneficium
expende, emptosque esse nos pretio magno, sanguine A- *1. Pet. 1.*
gni immaculati, vt glorificemus & portemus eum in cor-
pore nostro. Tertiò, etsi ista magna sint, valdè tamen il-
lustrantur, si attendamus Deum ab æterno nos elegisse,
ante mundi constitutionem, vt essemus filij eius & vasa
in

1. Petri 2.

in honorem; ad hoc media decreuisse, & mox vt nati sumus, ad Baptismi fontem perduxisse, in Ecclesia educasse, in arca vera constituisse, Sacramenta dedisse, vt essemus genus electum, regale sacerdotium, gens sancta, populus acquisitionis, vtque virtutes eius annuntiaremus. Misericordissime Deus, quid retribuam æternæ bonitati tuæ, qui me video vocatum ad fidem & gratiam tuam, & simul innumeros in gentilitate & perfidia nasci & mori? & pro his omnibus graue mihi erit virtutem, id est, pulchritudinem, salutē, decorem, opes, gloriam animæ meæ amplecti? præferim cum non solum tanta dederis, sed etiam maiora multò promiseris, ostentans perpetuò cælum, solium regni tui, præmium nostrum, inferno abstruso: quia amari mauis, quàm timeri.

Gal. 1.

PUNCTVM II. Considera quoties id Rom. 3. vsurpare possis: Iustificati sumus gratis, per gratiam ipsius. Quoties diuina misericordia tam longanimiter te ad pœnitentiam expectarit, & percuntibus singulis horis millibus plurimis, tibi tamen pepercerit, eò quòd pretiosa esset anima tua in conspectu eius. Secundò, expende hæc verba: Cōplacuit ei, qui me segregauit ex vtero matris meæ, & vocauit per gratiam suam, vt reuelaret filium suum in me, vt euangelizarem: & Religiosæ vocationi accommoda, quā de medio nationis prauæ, & sæculo nequam vocatus es ad verum paradysum, & felicitatem in terris, Apostolicum vitæ genus, certissimam salutis viam. Verè applicare sibi quisque poterit illud Mardochei: Paruus fons creuit in fluuium magnum, in lucem solemque cōuersus est, & in aquas plurimas redundauit. Mox enim vt vox tua, Domine, in auribus meis audita est, ecce venerūt mihi omnia bona pariter cum illa, & gratiæ plurimæ redundarunt de pelago misericordiæ tuæ. Tertiò, considera plurima alia particularia beneficia naturæ, quòd bonis ortus parentibus, bonos nactus sis præceptores, socios, necessaria vitæ, quòd tot creaturas dederit ad recreationem

Esther 10.

nem & necessitatem. Omnes enim etsi non immediate, mediatè nobis viles, & sepè necessariæ sunt. Quæ egregiè prosequitur Basilius homilia 3. Ex nihilo, ait, effecit, vt *Basil. homil. 3.* effemus, ac produxit è terræ visceribus, elementa eduxit, in ministerium dedit omnigenum pecus; propter nos imbres, sol, montana, campestris regio pulchrè exculta; propter nos amnes fluunt, promanant fontium scatebræ, &c. Quid iam dicam, amantissime Pater, si considerem quanta sunt, quàm multa incommoda, pericula, quæ aliis eueniunt, & à quibus me vilissimum peccatorè & ingratißimum præseruare, vel eripere dignatus es? neque verò hæc omnia tanti facerem, nisi hæc ex infinito amore viderem emanare ab æterno, ac prorsus gratuito. Vide quàm turpe non velle Domino mutuum reddere amorem, sed eum tribuere vili creaturæ, & amore proprio à summo bono, & virtute N. auerti.

PUNCTUM III. Considera Primò, quòd, vt dicit Augustinus, cultus Dei in hoc maximè constitutus sit, vt anima Deo non sit ingrata, ingratitudinemque Deo esse, vt etiam hominibus videmus, maximè odiosam: adeò vt Dominus, quasi tactus dolore cordis intrinsecus, dicat per Isaiam: Filios enutriui, & exaltaui; ipsi autem spreuerunt me. Vide an non sic de te queri possit, si sanctas eius inspirationes neglexeris. Cùm decem mundati essent leprosi, vno tantùm gratias agente, aiebat Iesus, Nónne decem mundati sunt, & nouem vbi sunt? non est inuentus nisi hic alienigena, qui daret gloriam Deo. Mundatus à Domino, caue ne ingratus eius respuas doctrinam, & exempla virtutis sequi. Secundò, considera secundùm D. Bernard. nihil adeò impedire ne orationes nostræ exaudiantur, atque ingratitudinem. Quid sibi vult, ait, quòd incessanter orantes, obsecrantes, postulantes non exaudit, quibus tantam, & tam gratuitam misericordiam prærogauit? & responder, nec reprehensibile quòd instantè petimus; sed planè petitioni negat effectum, quòd

*August.**Isaia 1.**Lucæ 17.**Bernard.*

Serm. 52.

quòd inuenimur ingrati. Idem sermone in Cantica: Ingratitudo inimica est animæ, exinanitio meritorum, virtutum dispersio, beneficiorum perditio: ingratitude ventus vrens, siccans sibi fontem pietatis, rorem misericordiæ, fluenta gratiæ. Vide igitur, cum Dominus tanta tibi conferat beneficia, & hæc non alio fine, quam vt eum per virtutem honores & colas, qualiter ei studere te oporteat, & retribuere tantæ maiestati. Tertiò, considera Primò, quid requiratur ad gratitudinem; nempe Primò, non dicere tantum, Domine, Domine, sed facere voluntatem eius. quæ enim gratiæ acceptæ esse poterunt, si labiis honoretur, & factis inhonoretur æterna bonitas? Secundò, vt verè gratis diuinæ statuas bonitati seruire, & dicere possis, Voluntariè sacrificabo tibi, & confitebor nomini tuo, quoniam bonum est, & quoniam ex omni tribulatione eruisti me. Tertiò, vt offeras te magno affectu ad omnes labores & afflictiones à Domino immittendas; animumq; resignatum, vt ijsdem beneficiis, si ita ei placeat, priueris. Si enim tot bona de manu eius accepimus, mala quare non suscipiamus? In omnibus igitur gratias agamus, & immolemus Deo sacrificium laudis, & reddamus Altissimo vota nostra. sacrificium enim laudis, ait, honorificabit me, & illic iter, quo tibi ostendam salutare Dei. hac enim gratitudine ad aperienda mysteria sua, maximè inuitatur Dominus, qui est benedictus in sæcula.

*Psal. 50.**Psal. 49.*

Oratio pro beneficijs.

Magnificat anima mea te, Domine Deus meus, quia respicere me dignatus es de excelsa solio gloriæ tuæ. Quis enim sum ego, Domine, vt memor sis mei, & quæ domus patris mei? exaltabo te, Deus meus Rex, & benedicam nomini tuo in sæculum sæculi. Per singulos dies benedicam tibi, & laudabo nomen tuum in sæculum sæculi. venite, & audite, & narrabo, omnes qui timeatis Deum,

*Psal. 144.**Psal. 65.*

Deum, quanta fecit anima mea: ab aeterno ordinavit me ex anti- Prou. 8.
 quis, antequam terra fieret, & videns me in communi & infelici
 sorte filiorum Adam, originali labe damnationi obnoxium, ex
 infinitis prope millibus elegit ante constitutionem mundi; & an-
 tequam essem, ab aeterno dilexit; & cum iam esse coepissem, & ad-
 spicerem hanc lucem, illuminavit me luce verâ, & sol iustitiae or-
 tus est mihi: alijs plurimis prematurâ morte raptis, me ad Bapti-
 smi gratiam, & fidem, ac Ecclesiae gremium perduxit, & aluit car-
 ne ac sanguine filij sui. & tamen, Pater benignissime, sciebas ab
 aeterno, quot aliquando te peccatis offenderem, quoties tibi insul-
 tarem. Sed vicit caritas tua malitiam meam, vicit ignis ille frigus
 meum, vicit benignitas omnia peccata mea. & quid est, Pater æ-
 terne, quod me poterit separare à caritate tua? quomodo non li-
 benter obediam omnibus mandatis tuis, & faciam omnes volun-
 tates tuas? virtutem sequar, & vestigia dilectissimi filij tui? Be-
 nedic anima mea Dominum, & omnia quæ intra me sunt nomi- Psal. 102.
 ni sancto eius. Benedic anima mea Domino, & noli obliuisci om-
 nes retributiones eius, qui propitiatur omnibus iniquitatibus
 tuis, qui sanat omnes infirmitates tuas, qui redimit de interitu
 vitam tuam, qui coronat te in misericordia & miserationibus.
 Nisi enim tu, Domine, adiuuisses nos, & quotidie seruares, paulò
 minùs in inferno habitasset anima mea: sed manus tue quæ pla-
 smauerunt me, & fecerunt me, illa fecerunt virtutem, & libera-
 runt me de inimicis meis, impleuerunt me omni benedictione.
 quacumque enim video creata, dona tua sunt, quibus me inuitas,
 vt seruiam tibi: non enim ea propter te, neque propter se, sed vt e-
 lectis tuis seruirent, & illi tibi. Neque minoris ea estimare debeo,
 quod alijs communia; quia hoc ipsum beneficium mihi est maxi-
 mum, & pro eo gratias tibi ago, Domine, ac pro beneficijs omnibus
 alicui mortalium concessis, eoque magis, quo minùs illi agnoscunt,
 & benedicunt te. Ago verò tibi in primis gratias, quod capiti no-
 stro Christo Iesv humanitati eius dedisti diuino Verbo copul- ri,
 & diadema speciei, vt sit Rex regum, & Dominus dominantium,
 Pro omnibus item donis & gratijs illi collatis, de cuius abundan- tia
 nos omnes accepimus. Gratias ago pro omnibus item beneficijs,

Psal. 68.

Isaïæ 5.

Jerem. 2.

Psal. 1.

Matth. 21.

que liberali manu tuâ in purissimam Virginem contulisti, quod-
que eam in matrem Filij elegeris, & supra Angelos collocaris. Gra-
tias etiam ago pro Angelis fidelibus, qui retinuerunt gratiâ tuâ
principatum suum; pro Sanctis, qui ad finem vsque perseuerarunt
propter te, & de se ac mundo triumpharunt; pro iustis denique
omnibus & improbis, quos magnificâ gratiâ tuâ praeuenisti, &
quotidie praeuenire dignaris. dignus es enim, Domine Deus, vt be-
nedicant tibi calum & terra, & omnia quae in eis sunt, & omnia
enarrent gloriam tuam. Vtinam, vtinam sic viuam, ne poeniteat
te aliquando liberalitatis tuae, ne irascaris propter iniquitatem
auaritia mea, & abscondas faciem tuam à me. Memento, Domi-
ne, quod vineam hanc animam meam, de Aegypto & Aegyptijs te-
nebris transtulisti, proiecisti gentes plurimas, & plantasti eam,
dux itinerum fuisti in conspectu eius, & constituisti eam in mon-
te sancto tuo, Ecclesia tua, immò & Religiosa vocationis. quæso te
per immensam caritatem tuam, noli permittere, vt, cum exspe-
ctaueris ab aeterno & speraueris vuas, tibi proferam labruscas: ne
dicere illud, quod olim de populo electo, de me possis: Ego te planta-
ui vineam electam, omne semen verum: quomodo ergo mihi con-
uersa es in prauum vinea aliena? Auertatur, obsecro, iratua ista
à me, & ne vnquam ponas eam desertam, vt adscendant vepres &
spina; sed sit anima mea sicut hortus irriguus virtutibus floridus,
sicut lignum quod plantatum est secus decursus aquarum, quod
fructum tibi reddat in tempore suo: ne veniens, & non inueniens
fructum verae virtutis maledicas mihi, vt ficui illi, & numquam
quisquam ex ea fructum videat. Benedic, Domine, operi ma-
nuum tuarum anima mea, vt benedicat tibi in omni tempore,
nunc quidem virtute verâ & pietate, in aeternum verò laudibus &
hymnis & canticis, ardentissimâq; caritate.

Praxis agendi Deo gratias ob beneficia.

Primò, sæpè per diem, & maximè in Sacro & examine Deo
pro omnibus gratias agere.

Secundò, beneficia præcipua aliquibus per annum festis re-
colere:

colere : quemadmodum in publicis fieri videmus. ac proinde diem natalis sui , vel proximum aliquem pro gratia Baptismi solemnem habere , & confessione , communione , eleemosynis , & eiusmodi pietatis exercitiis colere , &c.

Tertiò , etiam praxis utilis est , idque maximè diebus Dominicis per singulas horas vnum aliquod memorare beneficium , Deumque laudare , atque ita cælestem vitam in terris inchoare.

Quartò , non solum autem pro magnis , sed etiam pro minimis beneficiis gratum esse oportet. vnde D. Franciscus , inspirationem percipiens , mox vel in mediis plateis consistebat , gratias agebat , & hoc ipsum pro singulari gratia accipe , te posse Deo grates persolvere.

Quintò , observa omnia , quæ nobis obveniunt à quocumque , Deo retribuenda esse , & accepta ferenda , ut sic amor & caritas maximè in Deum auctorem omnis boni referatur ; neque tantum de bonis id accipe , sed etiam aduersis. Non minus prodest medicus secans quam demulcens , neque vrens quam refrigerans. Quid ergo melius , & animo geramus , & ore promamus , & calamo scribamus , quam , Deo gratias hoc nec dici *August. epist. 77 ad med.* breuius , nec audiri lætius , nec intelligi grandius , nec agi fructuosius potest.

IACULATORIÆ.

Benedic anima mea Domino , & omnia quæ intra me sunt nomini *Psalm. 102.*
sancto eius.

Benedic anima mea Domino , & noli obliuisci omnes retributiones *Ibidem.*
eius.

Quid retribuam Domino pro omnibus , quæ retribuit mihi ? *Psalm. 115.*

Venite , audite , & narrabo , omnes qui timetis Deum , quanta fecit Dominus anima mea. *Psalm. 65.*

Misericordias Domini in æternum cantabo , in generationem & generationem , annuntiabo veritatem tuam in ore meo. *Psalm. 38.*

VIGESIMÆTERTIÆ IMAGINIS

A N N O T A T I O.

Contemplare hinc Deum, inde Luciferum: vide an huic per vitium, an illi præstet per virtutem servire.

Alterutri seruias necesse est, aut A Deo, aut B diabolo. utrum præstat? C Virtus, ut Deo; D vitium, ut demoni seruias, inuitat. Vide quid agas. quis enim Deus? E trinus, & vnus, F fons omnis boni, G aternus, H omnipotens, I sapientissimus, K liberalissimus, solus L cor exsatiens, omnia M implens, & ubique præsens, N iustissimus, & O Rex summus. Ad eum accede, omniaq; ei offer, P cor ei, velut ardens amore Q sponsa, per R fidem, spem & caritatem trade, quosq; potes, ad eius amorem S trahere, Zelo honoris eius succensus, omniaq; ad gloriam eius facito.



CAPVT XL.

De vndecimo medio meditationem atque affectus eius ampliandi, siue de Perfectionibus Dei, quibus meritò prouocamur, vt ei per virtutem seruiamus.

COMPOSITIO LOCI, vt in imagine.

ORATIO PRÆPARATORIA, vt solet.

PVNCTVM I. Considera, ô anima Christiana, quæ ad virtutem amplectendam, & perfectionem vocaris; necessariò tibi seruiendum esse, aut Deo per illam, aut dæmoni per vitium; id quæ in singulis actionibus, cogitationibus, verbis, desideriis, &c. & vide vtri eligas parere. Nemo enim potest duobus dominis seruire, Deo & m^a. *Math. 6.* monæ: non capit idem locus arcam & Dagon: non est cōuentio Christi ad Belial: neque est participatio iustitiæ *2. Cor. 6.* cum iniquitate, aut societas lucis ad tenebras. Quid verò præstat? Considera Secundò, quid sit diabolus, hostis Dei & tuus infestissimus & crudelissimus, qui illecebris mundi te inuitat ad flammæ æternas, in quas innumeros præcipitavit Reges, Principes, & sæculi amatores: dirissimum monstrum, in quo nulla pietas, æquitas, largitas, sed omnium vitiorum sentina & malorum. Inuitat autem ex summo odio & inuidia, quâ Lucifer cælo priuatus nos similiter excludi æternis veller gaudiis, & in eadem secum esse damnatione: atque ad hoc omne genus fraudum & deliciarum excogitat, vt ad vitium alliciat, maximè superbiam & ambitionem, & amorem diuitiarum. Tertiò, considera peccatum nihil (vt sic loquar) aliud agere, quàm vt ei seruiatur; virtutem verò, vt Deo optimo maximo. Quartò, cogita quid sit diabolus

per vitium seruire ; nempe ad vilissima indignissimaque præstanda compelli , omni horâ ac momento alligari catenâ prauæ voluntatis, rei abiectæ & vili, ei que mancipari : seruit enim pecuniæ auarus, seruit voluptati luxuriosus.

Exodi 3.

Sap. 11.

1. a. 40.

Psal. 101.

Isaia 40.

PUNCTVM II. Considera Primò , ac viuâ fide apprehende esse verè Deum optimum, maximum , cui omnes seruire oporteat, eumque solum verè esse, cum cætera tâquam nihilum sint ante illum ; ideoque Qui est, dicebat Moyses, misit me. Eundem esse spiritum nobilissimum, amabilissimum , & simplicissimum absque vlla compositione, vnum quidem in substantia, sed trinum in personis, & immortalem. Vide ergo an ei qui est, an ei quod non est, & mundo perituro , hostibusque tuis magis quàm immortali Deo seruire expediat. Secundò , considera eum fontem omnis boni atque perfectionis, omniaque in se eminenter habere. vnde B. Franciscus sic orare solitus: Deus meus, Deus meus, Deus cordis mei, & omnia. Percurre, si libet, perfectiones creaturarû, & ad Deum fontem bonorum, in quo omnes simul sunt, & ex quo omnes manarunt, & dimanant quotidie , amorem transfer : ipse enim fecit omnia, & coram eo omnia velut guttaroris antelucani, aut momentum statera. Tertiò, æternus est & immutabilis: à sæculo & vsq; in sæculum tu es Deus, aiebat Dauid; nos verò ad momentum , & nunquam in eodem statu permanentes; sed si virtutem eius, & mandata diligamus, æternos nos secum efficiet & beatos. Illum igitur Dominum colamus, qui semper idem ipse est, cuius anni non deficient. Quartò, attende, quòd sit omnipotens, qui verbo vno creare infinitos mundos potest, & similiter annihilare in ictu oculi. Adspice hanc mundi machinam, maria contemplare, & cælos: hæc ipse dixit vt essent & facta sunt, ipse appendit tribus digitis orbem terræ, & librauit in pondere montes, & colles in statera: ipse est fons sapientiæ, qui ab æterno omnia

omnia cognouit, naturam, potentiam, perfectionem rerum omnium, motum, speciem & ordinem, distinctissimeque omnia in pondere, numero & mensura, singulaque indiuidua, omnes capillos capitis nostri. Ipse numerat multitudinem stellarum, & omnes eas nomine vocat; ipse mensus est pugillo aquas, & celos palmo ponderauit, & diem præuidit ortus & occasus omnium ab æterno, meritaque & demerita, circumspiciens omnes vias hominum. Illi si omnis scientia humana & angelica comparetur, vera est insipientia. Numquid ergo audebis arguere opera eius, & dicere, Quare sic præcepisti nobis, aut cur hoc ita accidit? non est consilium, non est sapientia contra Dominum: omnium est artifex, omnia ille adinuenit: lux omnes illuminans & reuelans profunda cogitationum & mysteriorum. Sed in primis, appende amorem, quo diligit omnia quæ fecit, & nihil odit eorum. In hoc enim amore complacet sibi, operatur omnia propter se, & diligit ab æterno spontaneè, beneficè: zelosus pro gloria sua, pro iustis suis; in pace tamen, auctor pacis, & cum tranquillitate zelat & iudicat: longanimis super malitia hominum, dans mentibus se significationem, vt fugiant à facie arcus: miserator & misericors, statim obliuiscens iniquitatum, vt in Niniue apparuit: liberalissimus etiam in hostes suos, & ingratos mortales: immensus, quem cæli cælorum capere non possunt, & vbique præsens: in ipso enim viuimus, mouemur & sumus, vt non sit quod ultra quæramus, cum in ipso omnia habeamus: iustissimus iudex & rectissimus, vltor terribilis, pius, beneficus, affabilis, fortis, magnificus, patiens, benignus, clemens, mansuetus, suauis, dulcis, sanctus, purus, creator, conseruator, omnia prouidentia suâ gubernans & custodiens. Ipse enim verus Dominus est, & Dominus exercituum, & Rex regum, & Dominus dominantium, magnus, immensus, sublimis, excelsus, totus amabilis,

*Isaia 40.**Iob 12.**Sap. II.**Psal. 59.**Act. 17.*

bilis, desiderabilis, laudabilis, incomparabilis: talis ac tantus est Dominus. Quid igitur nos remoratur? eheu! quàm promptè in durissimis obsequiis mundo seruitur! & pro te, Deus meus, graue nobis est per virtutem veram, veram humilitatem, puritatem, resignationem esse beatos. O malitiam & cæcitatem filiorum Adæ!

PVNCTVM III. Considera quomodo tota curia cælestis nutui eius obediat, Angelici illi spiritus, & Sancti omnes, maximoque amore eius honorem & gloriam studeant laudibus perpetuis celebrare, zeloque ardentissimo ferantur: neque hiantùm, sed etiam venti & mare, & omnia obediant ei; tu verò inter omnia repugnare poteris voluntati eius? O quàm esset æquum te purissimâ intentione, id est, quia ei placet, & vult, atque dignissimus est, virtutem colere & pietatem, perfectionique studere potius, quàm aut spe præmiorum, aut pænæ timore! Dignus est enim accipere honorem, & gloriam, & benedictionem, qui solus est Dominus, solus altissimus. Secundò, finge hinc dæmonem, mundum, & propriam voluntatem; inde Deum optimum maximum: simulque aduerte omnem omnino creaturam ab eo creatam ad gloriam nominis sui: quamque impium & indignum obliquâ intentione auertere eas à fine suo, & se conuertere à creatore ad illas. Tertiò, considera Dominum in omni creatura præsentem, easque conseruantem, & operantem in iis gratuito amore, propter te; & quàm turpe te mercenarium esse, neque sincerâ caritate ei seruire, totoque eum corde diligere.

Apoc. 4.

ORA-

O R A T I O.

Domine Dominus noster, quàm admirabile est nomen tuum Psal. 8.
 in vniuersa terra! quis in nubibus aquabitur tibi, aut similis
 erit in filijs Dei? tu enim excelsus super omnes gentes Dominus, &
 super calos gloria tua est. Veniant igitur omnes gentes, quas cum-
 que fecisti, adorent te, & glorificent nomen tuum, nomen ineffa- Philip. 2.
 bile, quod est super omne nomen, & in nomine tuo omne genu fle- Eccli. 43.
 etatur celestium, terrestrium & infernorum. quis enim Deus Ibid.
 magnus, sicut Deus noster, o anima mea? Ipse est omnipotens super
 omnia opera sua, & multa abscondita sunt maiora his: pauca e-
 nim videmus operum eius. Terribilis Deus, & magnus vehementer,
 & mirabilis potentia ipsius. Glorificantes Dominum, quantum-
 cumque potuerimus; superualebit enim adhuc, & admirabilis
 magnificentia eius. Benedicentes Dominum exaltemus illum,
 quantum possumus: maior est enim omni laude. Quis videbit eum,
 & enarrabit? quis magnificabit eum sicut est ab initio? Ecce Deus
 magnus, vincens scientiam nostram; numerus annorum eius in-
 estimabilis, excelsior calo est, & quid facies? profundior inferno, Iob 11.
 & vnde cognoscet? longior terra mensura eius, & latior mari, si
 subuerterit eam, vel in vnum coarctauerit, quis contradicet ei?
 Eheu! Domine, quis iam, precor, non contradicet tibi? inuitas ad
 virtutem, benignissime Deus, & mandas: Discite à me, quia mitis Matt. 11.
 sum & humilis corde: tollite iugum meum super vos: iugum, ais,
 meum suauis est, & onus meum leue; & ecce durus hic sermo vide-
 tur, & vix est qui possit eum audire. nōne ergo tibi seruire re-
 gnare est? nōne gloria magna sequite, Domine? quis est ergo
 qui nos separare poterit à caritate tua? an hostis teterrimus, qui
 circuit tamquam leo rugiens, & quarit quem deuoret? an mun-
 dus vanissimus, honoris fumus, vmbra & vapor ad modicum pa-
 rens? voluptas fœda & momentanea? hæc sunt, hæc sunt, pro do-
 lor! quæ miseros mortales agunt precipites in ruinam, & mise-
 riam sempiternam; quæ auertunt à te, o omne bonum, Pater æ-
 terne, qui tam longanimitè iustines nos, & expectas ad pœnitentiam.

- Iob 35. *tiam. verè misericordia tua super omnia opera tua. neque enim si peccauerimus, nocebimus tibi; & si multiplicata fuerint iniquitates nostræ, nil faciemus contra te; & si iustè egerimus, nihil donabimus tibi, aut aliquid de manu nostra accipies: tu solùm queris, vnde nos coronas, ideoq; vis omnes ad agnitionem veritatis venire, & neminem vis perire, quia bonus es, & quia in sæculum misericordia tua. Mihi ergo adherere tibi Deo meo bonum est, & seruire tibi omnibus diebus vitæ meæ. Concupiscit anima mea desiderare iustificationes tuas in omni tempore: verè enim dulcia faucibus meis eloquia tua super mel & fauum ori meo. nōne tibi subiecta erit anima mea: imò iuravi, & statui custodire iudicia iustitiæ tuæ, & custodiam legem tuam semper, in sæculum, & in sæculū sæculi. Tu enim Rex potentissimus, sapientissimus, liberalissimus, benignissimus, iustissimus, pulcherrimus, ineffabilis, & totus desiderabilis. Nolo conformari vltra huic sæculo nequam, sed probare quæ sit voluntas tua bona, & beneplacens, & perfectæ. dico enim per gratiam tuam, quæ data est mihi, nolo alteri Domino seruire, concupiscentiæ carnis, oculorum, aut superbiæ vitæ; sed tibi, Rex regum, & Domine dominantium, tibi vni placere in iustitiâ & sanctitate: scio enim, si hominibus placerem, tuus seruus esse non possem. O vtinam omnes ad te exemplo bono & virtute adducere possem, à tenebris ad lucem, ab errore ad viam, à mendacio ad veritatem! cupio impendi & superimpendi pro gloria tua, pro salute proximorum meorum, vt cognoscant, & diligant, & sciant, quia Dominus est Deus, & non est alius Deus præter te. adiutor ergo meus esto, & ne derelinquas me, neque despicias me vnquā, Deus salutaris meus: in te enim solo, Domine, speraui, & non confundar in aternū, in te salutare meum, & gloria; Deus auxiliū & spes mea in te est; quia pater meus & mater mea dereliquerunt me, tu autē, Domine, assumpsisti me: in te cōfirmatus sum ex vtero matris meæ, tu es protector meus. diligam ergo te, Domine, fortitudo mea, ex toto corde, ex tota anima, ex tota mēte mea, & ex totis viribus meis. quid enim mihi est in calo, & à te quid volui super terram? absorbeat me, dulcissime IESU, immensa & melliflua vis amoris, vt amore amoris tui moriar, qui amore mei dignatus es mori.*

*Praxis exercendi sese circa perfectiones
diuinas.*

Prima. Exercitium fidei, spei, caritatis, de quo pluribus actum est suprâ. Hæ enim Theologicales virtutes diuinæ bonitati animam vniunt.

Secunda. Communicatio cum Deo, quâ homo ex creatis ascendit ad Deum, & ex eorum perfectione in diuinarum perfectionum admirationem rapitur & amorem.

Tertia. Pura intentio in omnibus actionibus, quoad fieri potest.

Quarta. Resignatio, quâ quis sua, & voluntatem maximè, diuinæ voluntati dedicat atque consecrat, & in omnibus conformatur.

Quinta. Oratio affectiua, quæ ab aliis Recollectio appellatur. Quæ breuiter hic perstringo, eò quòd infrâ pluribus de iisdem tractandum sit, cum de contemplatione agemus.

IACVLATORIÆ.

Quemadmodum desiderat ceruus ad fontes aquarum; ita desiderat anima mea ad te Deus. Psalm. 41.

Si iuxta animam meam ad Deum fontem viuum, quando veniam, & apparebo ante faciem Dei? Ibidem.

Tibi dixit cor meum, exquisiuit te facies mea: faciem tuam, Domine, requiram. Psalm. 26.

Situi in te anima mea: quàm multipliciter tibi caro mea. Psalm. 62.

Magnus Dominus, & laudabilis nimis, in ciuitate Dei nostri, in monte sancto eius. Psalm. 47.

Quis in nubibus aquabitur Domino, similis erit Deo in filiis Dei? Psalm. 88.

Magnus Dominus, & laudabilis nimis, & magnitudinis eius non est finis. Psalm. 144.

VIGESIMÆQVARTÆ IMAGINIS

A N N O T A T I O.

In omni oratione & obsecratione
cum gratiarum actione petitiones
tuæ innotescant apud Deum:
quia sine ipso nihil potes.

Frustra hæc omnia expendisti, nisi Deus adsit. *Pe-*
te igitur virtutem per *A* passionem Christi, & *B*
peccatum detestare, atque iterum hîc in fine orationis
seu meditationis statue præiis *C*ocasionibus virtu-
tem, ad quam te in meditatione excitasti, exercere. *D*
Obsecra Deum pro illa virtute impetranda, *E* Sanctos
quoque roga, ut pro te Deum deprecantur. precare ar-
denter, velut *F* moriturus, aut in summis periculis po-
situs. Ora etiam pro *G* fide, *H* spe, *I* caritate, *K* humi-
litate, *L* liberalitate, *M* castitate, *N* sobrietate, *O*
mansuetudine, *P* diligentia. Demum caritatis memor,
ora pro tota *Q* Ecclesia, *R* parentibus & Superioribus,
S subditis ac tibi commissis, uti *D*auid, *T* benefactori-
bus, *V* inimicis, *W* peccatoribus conuertendis, & *X*
animabus purgandis.

GINE

ration
perito
Deum

em ad
Christi
fue om
mbur
exem
da, Et
ar. pro
s per
ate, b
loria
nation
uperim
benefic
endo, c



C A P V T X L I.

Exercitium Petitionis.

Q Vaso, Domine Deus fortis, magne atque terribilis, qui cu- 2. Esdræ 1.
 stodis pactum & misericordiam tuam cum his qui te dili-
 gunt, & custodiunt mandata: fiant aures tuae auscultantes, & o-
 culi tui aperti, vt audias orationem serui tui; quam ego oro coram
 te hodie, vt possim facere voluntatem tuam, & inspirationes san-
 ctas fideliter exsequi: nisi enim dignata fuerit maiestas tua respi-
 cere me benignis misericordiae suae oculis, vanus est labor meus, &
 meditatio mea. Obsecro ergo, Domine, sit auris tua attendens ad
 orationem serui tui, & da mihi virtutes animae meae necessarias,
 fidem viuam, spem firmam, caritatem perfectam; da cor humile
 & contritum, vt tibi placeam; largum & liberale, vt te imiter;
 castum & purum, vt in eo conquiescas; sobrium, vt te gustem;
 mansuetum, vt discipulus tuus appaream; studiosum & strenuum,
 cum promiseris mihi, quæ nec oculus vidit, nec auris audiuit, ne- 1. Cor. 2.
 que in cor hominis adscenderunt, quæ præparasti diligentibus te.
 Deus virtutum conuertere, respice de celo, & vide, & visita vi- Psal. 79.
 ueam istam, & perfice eam, quam plantauit dextera tua, & super
 filium hominis, quem confirmasti tibi: commoueant paterna vi- Psal. 24.
 scera tua pericula nostra, Deus meus, Deus totius consolationis, &
 reminiscere miserationum tuarum, quæ à sæculo sunt. tu qui ver-
 bo vnopotes omnia, & dedisti nobis vnigenitum Filium tuum,
 quomodo non omnia nobis cum illo donabis? Exaudi, Domine, o- Dan. 9.
 rationem serui tui, & preceseius, propter te metipsum, propter
 gloriam nominis tui libera nos, & propitius esto peccatis nostris, Psal. 78.
 ne des nos in opprobrium propter nomen tuum, neque facias nobis
 contumeliam solij gloriae tuae. tu dixisti, Inuoca me in die tribu- Psal. 49.
 lationis, eruam te, & honorificabis me.

Venio igitur ad thronum misericordiae tuae, & quomodo re-
 pulsam pati potero; cum & sanguis dilectissimi filij tui clamet
 pro

Hebr. 5.

Ioan. 6.

pro me de terra non vindictam, sed pietatem. meritis ille fuit, vt non despicias demerita mea : ille pro me postulauit cum lacrymis, & exauditus est pro reuerentia sua, etiam pro me minimo seruulorum suorum. si manus meae plena sint sanguine peccatorum, respice, quaeso, ad manus illas, in quibus me scribere dignatus est; respice cor eius sacratissimum, & inueniet maiestas tua memoriam mei, & amorem & benignitatem erga me. Promisit ille, Quodcumque petieritis Patrem in nomine meo, dabit vobis; benignitatis tuae est annuere, ô Veritas aeterna, quod petimus in nomine vni-
geniti Filij. Respice, quaeso, in faciem illius, & ad sacrificium eius, quod despiciere non potes : respice ad preces Sanctorum tuorum, Beatissima Matris Filij tui, & Patronorum meorum. Scio, Domine, scio quia de se iam securi, de nobis solliciti sunt: ipsi in portu, nos in mari naufrago: attende caritatem, quâ te complexi fuerunt, & sanguinem suum fuderunt pro te. Monstra apud filium, ô Beatissima Virgo, nunc te esse matrem, matrem gratiae, matrem misericordiae; neque mihi tantummodo, sed Ecclesiae afflictae, parentibus, & Superioribus meis, vt secundum voluntatem filij tui omnia sincerè dirigant; subditis, vt seruenter seruiant tibi; benefactoribus, vt pro temporalibus aeterna consequantur; aduersarijs meis, vt in aeternum Deo meo viuo & vero, & mihi caritate vera coniungantur; peccatoribus, eheu! vt tandem oculos suos conuertant ad solem iustitiae; denique animabus, vt ad speratos amplexus citò veniant, & te videant cum Filio regnantem, & benedicant in saecula saeculorum. Amen.

Praxis ad petitionem in oratione exercendam.

1. Tim. 2.

VArij orandi modi hîc traduntur, quos S. Paulus 1. ad Timotheum 2. commendat dicens: Obsecro primum omnium fieri obsecrationes, orationes, postulationes, gratiarum actiones pro omnibus hominibus: hoc enim bonum est, & acceptum coram Salvatore nostro Deo, qui omnes homines vult saluos fieri, & ad agnitionem veritatis venire.

Primus

Primus modus est oratio, quâ mentem eleuamus ad Deum, vt eum laudemus & glorificemus, vt Sancti in cælo perpetuò faciunt. Decet enim sic orationem inchoare, & ob id eam maxime instituere, Deumque exaltare, magnaliaque eius commemorare, ac quasi litaniâ facere ex eius perfectionibus, & ab vna in cæteras debita cum mora transire, laudando eum, vt summe potentem, sapientem, bonum, sanctum, liberalem, longanimum, fortem, prudentem; item propter officia quæ erga creaturas præstare solet. Est enim creator, conseruator, protector, gubernator, magister, pater, medicus, seruator, glorificator earum. Sed de hoc modo actum superiori capite.

Idem modus potest exerceri, percensendo virtutes & excellentias Christi Domini nostri, in conspectu eius, quas in Incarnatione, Natiuitate, cæterisque mysteriis monstrauit, dicendo: Gaudeo vehementer, dulcissime Iesv, ob immensam caritatem tuam, & humilitatem, quâ de sinu Patris dignatus es in vterum Virginis descendere propter nos homines & salutem nostram, &c. Similiter potest quis potentias singulas animæ suæ prouocare in laudem Dei, cum Propheta dicente: Benedic anima mea Dominum, & omnia quæ intra me sunt, nomini sancto eius: vel omnium creaturarum nomine eius laudes velut linguâ earum celebrare, eodem ferè modo, quo pueri in camino Babylonis: Benedicite omnia opera Domini Domino. huc etiam pertinet discurrere per Angelorum choros, & Sanctorum ordines, eosque ad Dei laudem inuitare.

Psalm. 103.

Dan. 3.

Secundus modus est, per gratiarum actionem, qui modus & affectus sæpissimè in oratione, & per diem vsurpandus: de quo pluribus supra dictum.

Tertius modus est, per petitiones, quibus mala deprecamur, & bona nobis petimus, virtutes & gratiam Dei, deuotionem. Fit autem petitio hæc, mala & plagas, vt mendici faciunt, Domino nostro ostendendo, & desiderijs ardentibus eius auxilium implorando. Secundò, per insinuationem, cum per paucis necessitatem nostram & desiderium exponimus, atque eo suspensi stamus coram Domino velut catelli comedentes de micis quæ cadunt de mensâ domini sui, & sicut oculi ancillæ in manibus dominæ suæ: ita oculi nostri sint ad Dominum Deum nostrum, donec misereatur nostri. Sic petebat ille dicens, Domine, si vis, potes me mundare: sic & Martha, Domine, si fuisses hîc, frater meus non fuisset mortuus. sitq; ex reuerentia magna, vel magna fiducia, vt cum sorores dicerent Iesv, Ecce quem amas, infirmatur.

*Vide T. Lind.
de Puente tr.
1 de orat. c. 15.*

*Matth. 8.
Ioan. 11.*

Quar-

Psalm. 24.

Quartus modus est, explicitè petere à miseris liberari, & virtutes obtinere cum obsecratione, quæ est similis cuidam adiurationi offerendo varias rationes. Prima est propter Deum ipsum: sic David orabat dicens, Propter nomen tuum propitiaberis peccato meo: multum est enim. id est, quia decet magnitudinem & bonitatem tuam, & ne hostes illudant tibi, vel iis qui cōfidunt in te, quasi nō adiuues, & frustra tibi seruiatur Item quia est pater & protector, &c. Secunda ratio, seu titulus obsecrandi est, per Christum Dominum: merita enim illius allegare possumus, vitam, passionem, & mortem eius, promissa illi facta, quod hoc ad gloriam eius spectet. Tertia ratio obsecrandi est, offerre Domino merita Sanctorum, & maximè D. Virginis & matris vnigeniti filij eius.

Notandum verò Primò, quod Granatensis admonet, expedire in petitione varias postulare virtutes, & remedia defectuum nostrorum: hoc enim modo renouari saltem proposita, & plurimum spiritum promoueri. Idè hinc virtutes, quæ vitiis capitalibus opponuntur, appositæ sunt vnà cum fide & spe.

Neque tantum pro se quis obsecrare debet, sed ex caritate pro Ecclesia, Superioribus, benefactoribus, aduersariis, peccatoribus, & animabus defunctis. quos omnes in Christi crucifixi membris collocare possumus: Ecclesiam eius sponsam in corde, Superiores in capite, subditos in sinistra, benefactores in dextra, aduersarios in genibus, peccatores in pede sinistro, animas purgandas in dextro.

Notandum Secundò, septem Horas canonicas his septem ordinibus hominum, pro quibus orandum est, posse applicari.

Notandum Tertiò, ad attentionem conciliandâ etiam fore vtile discrimina illa, quæ corporaliter hinc videre licet expressa, spiritualiter concipere, atque hoc pacto stimulos nobis addere, ad feruorem in oratione aliisque pietatis exercitiis.

CAPVT XLII.

Exercitium post Meditationem.

Primò, gratias age Deo pro dono orationis, quòd infinita maiestas dignata fuerit te ad sui conspectum, ad colloquium admittere, & distractas orationes ac laudes nò aspernari; etiamsi sit in medio cælestis aulae suæ, & nuptiali conuiuio, quod fecit Rex filio suo, inter Angelorum ac Beatorum laudes & hymnos, quodque cum ijs te clementer audire non recusat: & generatim pro omnibus beneficijs, vt prima imago ex quatuor docebit quæ proximo libro inferentur. Secundò, considera defectus admissos in meditatione, quomodo pane caelesti, & mánâ piæ orationis ac meditationis confirmatus, non tantum eos, sed & alios (qui breuiter in memoriam reuocandi, ac detestandi) vitabis; maximè tamen illum defectum, quem in perfectionis progressu potissimam esse remorâ aduertis, ac per examen particulare studes expugnare. Tertiò, considera breuiter quæ tibi agenda illo die, eaquæ Deo offer, ac debitè ordina. Quartò, prospice quæ accidere possint aduersa, & animum resignatione insigni ad ea compara. Est verò eiusmodi exercitium breuiter, vt ratio ipsa dictat, & vtiliter post meditationem pro recollectione tantummodò perstringendum; nisi tamen infelix meditationis successus suadeat diutius immorari, & sic illum defectum supplere: quod quàm commodè eo pacto fiat, vsus ipse edocebit. Itaque cum hâc vtilitatem, & alias complures habeat, fusiùs de eo dicendum est. Siquidem illa quatuor pūcta complectuntur insuper modum vtiliter meditandi, seu potius colligendi, & renouandi vitam, modum item incumbendi, & faciendi examen, surgendi manè, sese præparandi ad Sacramentum

Pœnitentiæ & Eucharistiæ, audiendi Sacrum, &c. vt pluribus infra exponetur.

Oratio post meditationem.

Psal. 102.

Quis sicut, Dominus Deus noster, qui in altis habitat, & humilia respicit in celo & in terra? Tunc Rex regum, & Domine dominantium, dignaris me respicere, qui sum pulvis & cinis: Benedic anima mea Domino, & omnia quæ intra me sunt nomini sancto eius: benedic anima mea Domino, & noli obliuisci omnes retributiones eius; sed seruiamus illi in corde perfecto, & induamur Dominum I. SVM Christum in omni cogitatione N. verbo N. & actione N. tollamus crucem eius, & sequamur eum. O dulcissime I. SV, suscipe, quaeso, hoc desiderium meum, & omnia mea manibus B. Virginis matris tuæ, in vnione omnium merituum tuorum, & fac de me secundum sanctissimam voluntatem tuam. Ex te enim, & in te, & pro te sunt omnia, Deus meus, cordis mei & omnia.

Alia oratio post meditationem.

Humiliatio sui.

Oblatio.

Resignatio.

Propositio
ram reno-
uatio.

Eheu! Domine, vnicum auxilium meum, Rex regum, & Domine dominantium, ego cinis & pulvis in tot periculis constitutus, quàm frigide & distractè, ob negligentiam custodia sensuum meorum, & cordis mei, tecum locutus sum coram curia tua vniuersa, quæ toto corde te laudat, sicut & anima omnes iuste ac verè religiose! Miserere mei infantis, omnium egeni, nec valentis in summis periculis, patris sui, patris misericordiarum, tuam, dulcissime I. SV, opem implorare: & suscipe si quid boni feci, quod tui solius est opus, in vnione merituum, vitæ & mortis tuæ, B. Virginis & Sactorum tuorum, maxime eorū quos in patronos delegi. dispone de seruo tuo, sicuti tibi visum fuerit; siue consolari libeat, siue relinquere me; tua voluntas fiat: dignus verè sum. si me respicis, quæ relinquant; sed, si te, & vulnera tua, erit vnde me non despicias, vt sit misericordia tua super omnia opera tua.

O Domine, da mihi gratiam, vt quod me docuisti, Pater benigissime, ad salutem & solatiū anime meæ, pro amore tuo & infinita

finita caritate, promptè exequar, cum manifestè cognouerim vo-
 luntatem tuam. Tu scis, tu scis qui nosti omnia, ardens desiderium
 meum, quodq; abominer has imperfectiones meas, N. & volunta-
 tem propriam, carnemq; grauissimum hostem meum: verum, nisi
 misratio tua magna sit, peribo vtique in infirmitate mea; ideoq;
 tu es spes & fiducia vnica mea: quomodo enim mihi qui nihil sum,
 & nihilo peius, confidere potero? Vilis certè & miser sum, sed vi-
 lior fiam, atque humilis ero, saltem in oculis meis, quia humilium
 & mansuetorum semper tibi placuit deprecatio. Vilis etiam ha-
 beri optabo, & opto, delicias mundi spernere, & in præsentia tua
 ambulare, Superioribus meis obedire sicut tibi, proximum amare
 propter te, maximè aduersariū, ne sim sicut Ethnicus & Publica-
 nus, qui solū diligentes se diligunt. Quis mihi det vt possim car-
 bones ardentes beneficiorum congerere super caput eius propter te,
 vt sim verè filius tuus? Tu solus dare potes, à quo omne datum opti-
 mum & omne donum perfectum descendit. Da mihi, obsecro te, ô
 Pater, ô Deus meus, gratiam vt emēdem has imperfectiones meas
 N. & omnia mea opera N. perfectè, sicut proposui, faciam ad ma-
 iorem gloriam nominis tui; ne considerationes hæc atque exempla,
 tum tua, tum Sanctorum, cum tot exhortationibus & medijs, mi-
 hi in die iudicij sint in singultū. Adhæc, ô Domine, si te amo, (quod
 spero & opto toto corde meo) libenter pro te pati debeo, idē ex nūc
 accepto omnia aduersa de manu tua N. & amplector cruces, mor-
 tificationes, dicteria, vt tibi similis sim & Sanctis tuis, vt pro pec-
 catis meis satisfaciam; vt te perfectè, ô bonitas infinita, amem ex
 toto corde, ex tota anima mea. O vtinam digneris te ponere vt si-
 gnaculum super cor meum, vt signaculum super brachium meum,
 vt nemo mihi deinceps molestus sit, & sciant omnes quia tuus ego
 sum, & tu meus; quodq; digneris mansionem apud me facere, &
 breui pro infinita misericordia trahes ad te ipsum, & recipies in æ-
 terna tabernacula! Introduces me, spero, in domum patris tui, in-
 troibo in potentias Domini mei, & videbo, & considerabo de ma-
 gnitudine atque abyſſo caritatis tuæ mirabilia tua. Amen.

Confidētia
in Deo.

Diffidentia
sui.

2. Reg. 6.

Iudith 9.

Rom. 12.

Iacob. 1.

Patientiæ
& caritatis
actus.

Cant. 6.

Praxis eorum quæ post meditationem facienda sunt, ac primò de distractionibus, & earum remediis.

Thren. 1.

Ecclef. 10.

*Cyprian de
orat Domini-
ca.*

*Cass. coll. 9.
cap. 2.*

1. Cor. 4.

Peccatum, ait Propheta, peccauit Ierusalem; propterea instabilis facta est. peccauit vtrique & anima nostra, atque instabilis facta est, abiitque vaga post amatores multos & concupiscentias suas, ita vt nullo loco conquiescere possit, sed in varias partes distrahatur. Cum verò distractio hæc, animique euagationes velut mulsæ morientes perdant omnem suauitatem vnguenti seu orationis, vtilitatemque eius non parum impediunt. Studiosè remedia adhibenda sunt. Quomodò enim, ait Cyprianus, te audiri à Deo postulas cum te ipse non audias? Vis Deum esse memorem tui cum rogas, cum tu ipse memor tui non sis? hoc est vigilare oculis, corde dormire, cum debeat Christianus etiam cum dormit oculis, corde vigilare.

Primum ac præcipuum est, ante orationem animum seruare collectum. Quales enim orantes volumus inueniri, tales nos ante orationis tempus præparare debemus; ex præcedenti enim statu mens atque animus in supplicatione firmatur. eo autem id diligentius est faciendum, quia oratione velut aquæ ductu gratiarum aquæ ad nos dimanant, atque adeò nihil est quod proinde demones horreant magis, nihil quod magis conentur impedire.

Secundum verò remedium, ac præcipuum est, præter præparationem, de qua dictum lib. 1. cap. 9. præsentiam diuinæ maiestatis retinere, viuamque eius fidem crebriò excitare, ac magnâ reuerentiâ, etiam exteriori coram illa atque curia eius stare, tamquàm spectaculum facti simus mundo, Angelis & hominibus. Quod si coram Ven. Sacramento orare possis, id etiam facio: sin verò, versus illud vbicumque quis sit se se conuertere pium atque vtile est; cum etiam in orando ad templum se conuertere Israëlitis populus à Domino edoctus fuerit. Ad reuerentiam pertinet valde quieto esse corpore, & simul imaginationem certo loco per compositionem loci, de quâ actum pluribus, alligare.

Tertiò, obseruatio nos in oratione distrahere, præsentia, præterita ac futura. Præsentia maximè tum, quando affectum ad se trahunt, inquietos efficiunt, & curiositate distrahunt; ideoque solitudo, quies & sensuum custodia maximè opere commendantur. Præterita verò nos impediunt, si quâdo aliquid malè gestum fuit

fuit, vel accidit ingratum: hæc enim pertractare secū animus & retractare solet, eò quòd prius ut se inspiceret non conquieverit. Si quis igitur inter orandum quietem quærat, examinet se priusquam ad orationem accedat, contritionem excitet, & de singulis decernat. Primò, nihili esse omnia præ studio placendi Deo, & eius voluntatem implendi, atque ita nihil se velle cogitare aliud, quam id quod diuinæ maiestati gratum; nolle pro incenso & odore suauitatis offerre foetentis & vilis animæ exhalationes, curas scilicet ac cogitationes vanas, inutiles, turpes & malas. Studiosè autem sibi persuadeat ac firmiter credat perdere se, atque impedire negotiorum successum, si de iis cogitet, cum per istos defectus & intellectus tenebrescat, & voluntas tardior fiat ad bonum, & gratia Dei, lux nostra ac robur nostrum per eos impediatur. Si sic egerit, & nihili præ Deo, erusq; honore fecerit omnia, certum quòd faciliè rerum mundanarum obliuiscetur, ut solemus alia contempnibilia, & res nihili difficilè recordari. Ne ergo solitudo in oratione animum pungat, salubre, ait Gregor. remedium, ut, cum se mens ex memoria culpæ reprehendit, hoc prius in oratione defleat. quòd errauit, quatenus cum erroris macula fletibus tergitur, in petitione sua cordis facies ab auctore munda videatur. Et rursus semper ante orationis tēpora debet sollicitè conspici quidquid potest in oratione reprobari. Si quid igitur alicui occurrat non ritè à se factū, & quod emendare oportet, firmiter credat, & ita ut, id se diuinā gratiā corrigere solum posse, ideoque omnem sollicitudinem in Dominum proijciendo, toto animo ad deuotionem incumbat, neque admittat vllam de ea dum orandum est, cogitationem; quandoquidem eam suscipere sit auertere se à Deo adiutorio vnico nostro, & luce (qua ante omnia indigemus) animā nostram. Sicut ergo vanum est volenti scribere, ante lucem surgere, vanum absque Domino ædificare (ut Psalmistæ verbis utar) ita longè vanius lucem necessariam & virtutem ac robur excludere ad res gerendas. quod fit quoties anxii de rebus agendis fenestram, quā lumen intrare oportebat, distractione occludimus, cum Deum illā offendamus, qui nobis lux, & virtus, & sapientia est. Si igitur gratiam ab eo poscimus, omnem sollicitudinem nostram in eum proiciamus, ut ipsi sit cura de nobis.

Greg. lib 10,
Mor. c. 16.

Psalm. 126,

Decernat Secundò, si quid perperā factum sit, cōtritione, ut iniunctio monui, excitatā, nihil anxie cogitationis, diffidentie, vel tristitie admittere, sed Deo supplicet, ut pro sua paterna prouidentia omnia disponat, quæ videt ex illo quod à nobis dictū, aut factum emanare posse. Quod factum semel est, infectum esse nequit, sed

vt perinde sit atque infectum, & nobis etiam mala nostra cooperentur in bonum, id solius Dei est, eiusque potentiae, sapientiae, & immensae bonitatis.

Nunc quod attinet ad futura quae aut agenda nobis forsitan, aut patienda eunt, ad utraq; gratiam nobis necessariam esse constat. Quomodo verò impetrabimus, siue quid negotij tractandū, siue concio habenda, aut publicè quid dicendum, aut scribendum sit, nisi attentā ac humili prece; adeo vt omnis cogitatio de re futura importuna, vel nō necessaria, sit diuinæ lucis, vt dixi, obstaculū, fontis gratiae obstructio, rei illius quā paras maximum impedimentū. Si autem quid times? nullum asylum certius, nullum refugium quā protegi sub vmbra alarum Domini: sic aram sacrā tene, & in protectione Dei cōmorari sit ille igitur timor tuus, & spes tua: solus enim omnia facere Dominus potest, & cum voluerit, & placuerint ei viæ nostræ, inimicos nostros conuertere ad pacem.

Vides quā firmo atque vtili decreto, omnis cogitatio de præterito, præsentī ac futuro excludenda sit? Verumtamen id nequaquā sufficit fragilitati nostræ, sed in oratione, si distractiones occurrerint, primò leniter (non autem cum detestatione) auertendi oculi mentis nostræ, ne videant vanitatem, ac quemadmodum si errauissemus à via, in eam statim, & locum propositū redeundū est. Quid si turba phantasmātū instet? numquam tamen cedendū hosti: sed oculos ad Deum attollere mox oportet, pluribusq; resusum fides viuificanda diuinæ præsentiae: si neque id sufficit, ea quæ iam diximus de præteritis & futuris per interrogationes expendenda sunt. v.g. percontetur ex se quorsum ista cogitamus coram te. Deus meus; cum id quod factum est, tu solus vt velut infectum sit, efficere possis: quod faciendum verò, tu solus perficere, qui omnia in nobis operaris. Quomodo igitur auertat à te vnica spes mea? nōne hæc sollicitudo mea est iniuria tua? & prodesse mihi non poterit? an facere possum quidquam absq; te? Certè si beneficium accipis, anima mea, quoties cum Deo loqui permitteris, quomodo ei iniurias dicere audes? Cogitatio enim nostra, locutio nostra: tūne sic mancipio loquerere vt modò Deo? quid si hæc homines audirent, quæ versas animo? Itāne tibi vilis, coram quo tremunt potestates, vsquequo prouocabis iram eius, qui ecce post tot euagationes tuas præ amore prouocari ad iram non posse videtur, verè mitis & humilis corde? Præterea vtile fingere se alterum à se, sibiq; quasi concionari, vel cum Deo, Sanctis, Patronis, aut Angelo Custode de suis animi corporisq; miseris tractare, & vicissim quasi audire respondentem, vt in Echo-ne audienda fieri solet. Quando autem animus longo tempore distra-

distrahitur, aliquo secessu vnus vel paucorum dierum, eum ad se reuocare, vel saltim crebrioribus per diem orationibus valde conducit. O infelix illorum sors, quorum vita ita negotiosa est, ut tamē coram Deo sit otiosa; eod quod mundo & negotiis ita tota tribuatur, ut vix ē die horam, ē mense diem, ex annis hebdomadam sibi & salutis negotio tribuere queant!

Obserua etiā Primò, nō mediocriter attentionē iuuare, quęcūque ad pacē animi impetrandā pertinent; vti etiam, cū secundo successu oratio fluit, humilitatem conseruare: idē enim sępē consolatio in oratione adimitur, quia per illam anima sui ignara inflatur, itaque euenit quod Salomon ait: Qui mel multū comedit, non est ei bonum. In quam rem S. Bern. appositē: Superbia, inquit, inuenta est in me, & Dominus declinauit in ira à seruo suo: hinc ista sterilitas animę meę, & deuotionis inopia quā patior, non compungi ad lacrymas queo, non sapit psalmus, non legere libet, non orare delectat, meditationes solitas nō inuenio. vbi est illa inebriatio spiritus? vbi mentis serenitas, & gaudiū, & pax in Spiritu sancto? Post hæc sic rursus scribit: In veritate didici, nihil æquē efficax esse ad gratiā promerendam, retinendam, recuperandam, quā si omni tempore coram Deo inueniariis non altum sapere, sed timere. Beatus homo qui semper est pauidus. Time ergo cū amiseris gratiam, time cū abierit, time cū denudē reuerteretur: & hoc est semper pauidū esse. Succedant vicissim in animo tres isti timores, secūdū quod gratia vel adesse dignatur, vel offensa recedere, seu iterum placata redire sentietur. Cū adest time, ne nō dignē opereris ex ea. Videte, inquit Apostolus, ne in vacuum gratiam Dei recipiatis. quid si recesserit, nū multo magis tunc timendum? planē multo magis: quia vbi defecit tibi gratia, deficiis tu. time ergo subtractā gratiā, tamquā mox casurus: time & contremisce Deo tibi, ut sentis, irato: time, quia reliquit te custodia tua. nec dubites causam esse superbiam, etiam si non appareat, etiam si nihil tibi conscius sis: quod enim tu nescis, scit Deus, & qui te iudicat ipse est. Numquid qui humilibus dat gratiā, humili auferet datam? Ergo argumentū superbię, priuatio est gratię, quamquā interdum subtrahitur gratia, siue retrahitur, nō pro superbia, quę iam est, sed quę futura est nisi subtrahatur.

Secundō obserua, quod et si aliqua ex iis quę dicta, in oratione mentali ferē solum vsui sint, in vocali tamen pleraque etiam valent, ac præterea in ea expedit sępē animum eleuare, maximē initio & fine Psalmorum: item singulos certo fine atque intentione, varioque etiam situ pio ac decenti, ac variis cum Patronis, ac Sanctorum choris recitare.

*Prov. 25.
Serm. 54. in
Cant.*

Prov. 28.

2. Cor. 6.

Obserua Tertiò, valdè vtilem esse praxim quorumdā, qui inspirationes sanctas, & illustrationes ac desideria annotant. Et verò id maximopere iuuat; Primò, quia sic Domino placuisse testantur Sanctorum scripta; quibus vt id facerent, ac donorum rationē haberent, mandauit; Secundò, vt in tempus ariditatis, præteritæ irrigationis cælestis aquæ, verbis spiritu plenis, velut cisternâ fideli afferuerunt; itaque fieri vt reliquæ cogitationis sanctæ diem festum agant in anima nostra. Id se spectasse in Manualis sui descriptione S. Augustinus fatetur. Tertiò, quia proposita scripta, vt contractus in humanis, plus habere videntur firmitatis, plus verecundiæ & pudoris, dum iterum leguntur & negliguntur. Modus itaque scribendi erit, v.g. Gratiarum tibi ago Domine, quòd die 25 Decemb. 1619. dignatus fuisti aperire pretium paupertatis tuæ, quam, cum esses diues, propter me assumpsisti, vt erudies me, &c. Propono igitur per gratiam tuam (nichil enim possum ex me) pauperes hodie tali occasione, N. & deinceps elemosynâ spiritali & corporali sic & sic iuuare, pauperes vltos amicos non auersari, sed contrà eos præ aliis solari. Vtinam dirigantur viæ meæ ad custodiendas iustificationes tuas!

Psal. 116.

Obserua Quartò, vt sæpius dictum, aliquam iaculatoriam esse assumendam, quâ quis meditationis fructum ruminare, & conseruare ignem, quem in meditatione sua exardescere dicebat Dauid, per diem possit. Quales hîc tibi subiicio cuius pio desiderio fouendo accommodatas.

Psal. 36.

IACULATORIÆ,
*quibus cuiusvis meditationis fructus ruminare
Asceta per diem poterit.*

Psal. 15.

NOtas mihi fecisti vias vitæ, adimplebis me lætitiâ cum vultu tuo, delectationes in dextera tua usque in finem.

Psal. 118.

Cognoui Domine, quia æquitas iudicia tua, in veritate tua humiliasti me.

Ibidem.

In iustificationibus tuis meditabor, non obliuiscar sermones tuos.

Psal. 76.

Et meditabor in omnibus operibus tuis, & in adinventionibus tuis exercebor.

Psal. 17.

Et ero immaculatus cum eo, & obseruabo me ab iniquitate mea.

Psal. 61.

Nōne Deo subiecta erit anima mea ab ipso enim salutare meum.

Psal. 85.

Deduc me, Domine, in viam tuam, & ingrediar in veritate tua; lætetur cor meum, vt timeat nomen tuum.

FINIS LIBRI SECUNDI.

LIBER TERTIVS
V I A
PERFECTORVM.

VIGESIMÆQVINTÆIMAGINIS

A N N O T A T I O.

Baruch 3. Disce, vbi sit prudentia, vbi sit virtus, vbi sit intellectus; vt scias simul, vbi sit longiturnitas vitæ & victus, vbi sit lumen oculorum, & pax. Quis inuenit locum eius? & quis intrauit in thesauros eius?

Multi dicunt: Quis ostendit nobis bona? ecce indicabo tibi, quid sit bonum, & quid Dominus requirat à te: vtique facere iudicium (si enim nosmet ipsos frequenti examine vt A hic, iudicauerimus, non iudicabimur à Domino) & diligere misericordiam, aliorum defectus tolerando, & B sollicitum ambulare cum Deo tuo. Hoc pacto enim, & C crebrâ passionis Christi meditatione, ac D contemplatione, & E Pœnitentiâ ac sanctissimi Sacramenti frequentatione, & maximè F amore Dei & proximi, peruenies ad veram animi tranquillitatem, & locum, vbi est lumen oculorum, & pax quæ exsuperat omnem sensum; præsertim si, saltem in solitudine cordis, p̃ys istis exercitationibus animam tuam excolueris.



SIMILIS FACTVS SVM PEL-
LICANO SOLITVDINIS. *Psal. ioi.*

P R Æ F A T I O.

DV O B V S libris prioribus actum de via Incipientium, ac Proficientium, & auxilijs in ea. Hoc libro de Perfectorum via, & eorum exercitijs agendum est. quæ, ut dictum, non ita eorum sunt, quin & aliorum. Ferè enim, partè saltem aliquâ, quæuis exercitia omnibus sunt communia, uti virtutes omnes: sed perfecti perfectiùs ea possident, & exercent. Perfectos appello, non ex omni parte: quis enim ille est? Imò verò, inquit Bernardus, nemo perfectus est, qui perfectior esse non appetit: sed eos, qui in virtute, *Bern. epist. 34. ad Drog.* maximè humilitatis & caritatis, magnos progressus fecerunt.

Cùm autem perfectio consistat in Dei amore, de illo, atque de ijs quæ maximè ad eum animam Christianam disponunt, hîc agitur. Sunt verò illa, animi puritas, quæ frequenti renouatione, & sui discussione atque confessione, cum diuina gratia paratur. Dixi, cùm diuina gratia: quis enim potest facere mundum de immundo conceptum semine? nōne ille solus, qui scrutatur corda & renes? Verùm id non sufficit: sed speculo animæ purgato oportet illud irradiari à sole iustitiæ. Quomodo autem id commodiùs futurum est, quàm frequenti communionem, & Christi crucifixi amantissimi Domini nostri

nostri attentâ consideratione? & purâ intentione in omnibus actionibus nostris; quâ actiones nostras in Deum dirigamus, gratissimumque diuinæ bonitati offeramus sacrificium; eumque in omnibus creaturis, & omnes in eo amemus? Dehinc ad præsentiam diuinam crebrò habendam ascendit anima: atque in illo meridie, & sui creatoris aspectu vulnerata, amore illo æterno accenditur, amore quo non tantum illum stringit amantissimis amplexibus, sed omnia ad eum trahit, omnia in eo videt, & illum vnum in omnibus intuetur; nihil nouit nisi IESVM, & hunc crucifixum; illum in pueris puerum, speciosum præ filijs hominum; in iuuenibus iuuenem crescentem gratiâ apud Deum & homines; in viro virum perfectum, & sponsum suum. Hunc ubi inuenerit diu quæsitum, diu desideratum, & mille suspirijs vocatum, complectitur vbicumque sit, quidquid agat, siue comedat, siue bibat, siue quid aliud agat, omnia propter eum agit qui se dilexit: in eoque viuit, moritur, & quiescit; quiescit inquam, contemplationis quiete; sedetque in pulchritudine pacis, & requie opulenta, & notas salutis consequitur, testimonium perhibente Spiritu sancto, quod filius sit Patris cælestis, Patris misericordiarum & Dei totius consolationis.

CAPVT I.

De perfectione, in quo ea consistat.



QVONIAM de perfectione hîc agendum erit; forsitan optes scire, ac meritò, in qua virtute maximè perfectio sita sit. Itaque paucis hæc accipe. Primò, non consistere in gratijs gratis datis, vt miraculorum gratia, sublimis contemplationis, & orationis: non in magna, etiam si sit infusa, scientia, vt in Salomone fuit: neque in status perfectione, etsi foret Angelicus: neque in seuerioris disciplinæ obseruantia, cum nec in castitatis præstantia, ad quam illa ordinatur. sed sunt ea magna ad sanctitatem præsidia, id est, caritatem; sicut miracula illius magna indicia: de quibus Dominus ait, Verumtamen in hoc nolite gaudere, quia spiritus subiiciuntur vobis. tamen illa, vt dixi, ferè sanctitatem, teste D. Gregor. ostendunt, non faciunt. Consistit verò perfectio in caritate Dei, & proximi: plenitudo enim legis est dilectio; atque adeò, etsi linguis, ait Apostolus, hominum loquar & Angelorum, caritatem autem non habeam, factus sum velut æs sonans, & cymbalum tinniens. Et si habuero prophetiam, & nouerim mysteria omnia, & omnem scientiam: & si habuero omnem fidem, ita vt montes transferam; caritatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita vt ardeam; caritatem non habuero, nihil mihi prodest.

Duplex verò est caritas; alia concupiscentiæ, quâ amamus Deum propter nos, & bonum nostrum: alia amicitæ, quâ amamus illum non propter nos, sed propter seipsum, & bonitatem suam; & in hac perfectio est. Non sine præmio

Luca 10.

D. Gregor.

hom. 29. in

Euang.

Rom. 13.

1. Cor. 13.

Bern. de dilig. Deo.

Gregor. 1. Ioan. 3.

Richard. in Cant. c. 6.

Chrysoft. in Imperf. sup. Matt. hom.

præmio quidem diligitur Deus, etsi absque præmij intuitu diligendus sit. vacua namque vera caritas esse non potest, nec tamen mercenaria est. Id verò intellige non de caritate afficiente solùm, sed de efficiente. neque enim gaudere solùm de bonis Dei, præsentia, & alloquio eius, veram caritatem arguit: sed impulsus ad seruandum mādāta & consilia eius. Nā, vt Gregorius, probatio dilectionis, exhibitio est operis. Et D. Ioannes, Filioli, ait, non diligamus verbo, neque linguā, sed opere & veritate. Quod egregiè Richardus explicat, dicens: Affectuosa dilectio, qua superiùs dilectionem animæ significari diximus, interdum plus afficit minùs diligentem, minùs perfectiorem. Non enim tantum diligit quisque, quantum sentit, & quantum in illo statu diligere sibi videtur, sed quātum in virtute & caritate fundatus fuit, & in seruandis mandatis fidelis habetur. Dulcis in Deum affectus quodammodo carnalis est, & fallax, & humanitatis interdum potiùs, quàm gratiæ; cordis, quàm spiritus; sensualitatis, quàm rationis. Quid verò aliud Veritas ipsa declarat, dicēs: Qui habet mandata mea, & seruat, hic est qui diligit me? Diligere autem eum debemus ex toto corde, ex tota anima, ex tota mente, & ex omnibus viribus nostris. Ex toto corde, ait Chrysoftomus, id est, cor tuum non sit inclinatum ad vlliùs rei dilectionem ampliùs, quàm ad Dei: nec delecteris in aliqua specie mundi ampliùs, quàm in Deo, non in honoribus, non in auro, & c. sed hæc omnia existimes tibi esse in Deo, vt præ omnibus Deum ames. Totum, vt vides, cor sibi præberit vult, totamque animam: igitur si aliquid ames non propter eum, minùs eum amas, & imperfectè. Sed oportet pro perfectione omnem creaturæ affectum in auctorem ipsum transferre. Fiet verò id primò, si eum exuas. quo pacto? inquires, dic mihi: quid odisti? nōne noxium, pestiferum, maioris boni impedimentum? Hoc tibi est amor creaturæ, quo de Creatoris amore aliquid detrahis, cū eum etiā si, toto corde, animā

ac viribus ames, dignè tamen nequeas amare, qui omne bonum tuum est, & summa bonorum. Si verò insuper infinities perfectiùs, hoc ipsum quodcumque est creatum bonum, in Deo esse scias, eo què te posse frui, quæ poterit creatura te decipere, & diuidere cor tuum? Hoc est quod eleganter Thomas à Kempis: Cui omnia vnum sunt, & omnia ad vnum trahit, & omnia in vno videt, potest stabilis corde, & in Deo pacificus permanere. In cælesti beatitudine erit Deus vnus omnia in omnibus; in ea autem quæ in hac lacrymarum valle obrinetur, idem aliquà ratione perfecti consequuntur. omnia enim ad Deum trahunt, & omnibus trahuntur ad eum: omnia in eo videt, quia tamquam æternæ lucis radiolos minimos quidquid creatum est, intuentur, illi què velut scalis ad eum tendunt: omnia in eo habent, vt verè cum B. Francisco dicant, Deus meus, Deus cordis mei, & omnia; ideo què & opes, & honores, famam, fauorem, parentes, liberos, amicos, & quidquid haberi potest, potiùs quàm ei displiceant, perdunt libenter, imò & vltro proijciunt & despiciunt; imprimis seipsum, animam què suam oderunt & perdunt, vt inueniant eam: ita libenter, sicut puer crepundia & conchilia daret, vt regnum consequeretur. Et verò omnes Christiani parati esse debent opes, famam, vitam, & omnia potiùs amittere, quàm Dei gratiam, quod est diligere Deum super omnia: adeò vt potiùs quàm Deum offendant, libenter vxore, liberis, opibus, honoribus, ac vita ipsa, vt omnes Martyres, spoliètur. Vnde collige affectum omnem ab omnibus erga creata temperandum esse, à perfectis etiam abnegandum. Perfectus enim seruus Christi, vt Hieron. ait, nihil præter Christum habet, aut si quid præter Christum habet, perfectus non est. Ad quod libri de vanitate mundi inducunt. Vanitate enim rerum humanarum perspectâ, earum æstimatio minuitur & amor, quo infelix homo in certam perniciem trahitur sui amore illusus. Etenim amor sui, seu cupiditas,

*De imit.
Christi l. 1.
c. 3.*

1. Cor. 15.

*Epist. 1. ad
Heliodor.*

iuxta

Aug. serm. iuxta August. radix omnium malorum est, & radix om-
39. de temp. nium bonorum est caritas. Quæcumque enim appeti-
 mus creata, ea propter amorem nostri, eoque impulsu ap-
 petimus. De quo pluribus iam actum est secundo libro, &
 declaratum, quemadmodum odio sui superandus sit, vt
 caritas Dei diffundatur in cordibus nostris per Spiritum
 sanctum. Ac bonorum quidem cupiditas, paupertate
 vincenda; commodorum corporis & voluptatum &
 propinquorum, abnegatione eorum; voluntatis propriæ,
 libertatis & honoris, renuntiatione atque obedientiâ.
 Quæ autem hoc consecuta fuerit anima, per se in Deum
 tendit, vt apertâ fornace, ignis; vt suber quod sub a-
 qua depressum fuit, sublato pondere supernatat: ita e-
 nim anima creaturarum amore liberata, euolat, & velut
 acus nautica in suo septemtrione, id est Deo, conquiescit,
 ei que adhæret, & vnus spiritus fit cum eo: denique idem
 vult & non vult. quod est perfecta cum Deo amicitia, &
 ipsa perfectio. Hoc Dominus IESVS apertè testatus est di-
 cens: Non rogo pro eis tantum, sed pro eis qui credituri
 sunt per verbum eorum in me, vt omnes vnum sint, sicut
 tu Pater in me, & ego in te, vt & ipsi in nobis vnum sint.
Ioan. 17. & aliàs ait, Quæ est mater mea, & qui sunt fratres mei?
Matt. 12. quicumque fecerit voluntatem Patris mei qui in cælis
 est, ipse meus frater, & soror, & mater est. Ecce quàm ar-
 cta coniunctio inter animam, & Deum? quanta, & quàm
 sincera amicitia? Quomodo verò, dices, differunt iusti in-
 ter se, perfecti ab imperfectis, cum hi etiam potius om-
 nia, quàm Deum deferere debeant? Respondeo, vt reges
2. Cor. 13. à rusticis, ab infirmo robustus: eo modo quo stella differt
 à stella in claritate; quo semina, quorum vnum trigesimū,
 aliud sexagesimum, aliud ceterisimum fructū profert; quo
 institores, quorū alius duo talenta, alius tria, alius quinque
 superiucatur. Perfectus, inquam, facit omnes voluntates
 Dei, vt de Dauide dicitur. ad quod Apost. Iacobus hortat-
Iacob. 1. ur dicens: Vt sitis perfecti & integri, in nullo deficientes:
 im-

imperfectus ea scire tantum facit, quæ sub æternæ gehennæ supplicio mandantur. Perfectus omnibus potentijs adhærere Deo nititur: intellectum enim captiuat in obsequium fidei, & in omnibus operibus Deum laudat; memoriâ eum præsentem vbique habet; voluntate eum in omnibus creaturis amando, ei adhæret: non loquitur, nisi sermones Dei, & ex eius amore: non administrat, nisi ex virtute quam administrat Deus, qui omnia ei tribuit: ex omnibus quæ videt, audit, gustat, sentit, in Deum affurgit: omnes ad eum adducere nititur, vbique aliquid Dei videt quod amet: & quia nouit separare pretiosum à vili, ita amat creata, vt per ea in potentias Domini introëat, & feruentissimam fornacem amoris, quam beneficia omni creaturæ præstita propter nos, & nobis in ijs, quasi cinnamomum & balsamum accendunt in odorem suauitatis. Præcepta omnia seruat, illa enim ordinantur ad remouenda ea, quæ sunt caritati contraria, cum quibus caritas esse non potest. Consilia autem ordinantur ad remouenda impedimenta actus caritatis, quæ tamen caritati non contrariantur: sicut est matrimonium, occupatio negotiationum secularium, & alia huiusmodi. Ex quo liquet perfectum cum virum appellari, qui non solum nullius mortalis culpæ reus est, sed longè etiam ab ijs, quæ nos ad eam pertrahunt, & à virtute impediunt: siue, perfectio consistit in optimo vsu virtutum, ac tollendis impedimentis oppositis caritati, & eamdem remorantibus; deinde in ipso diuini amoris affectu, qui finis est legis. Hinc Dominus: Ego sum α & ω , principium & finis: & apud Gregor. Virtutis principium & finis, est dilectio. Apostolus verò, Finis præcepti est caritas, de corde puro, & conscientia bona, & fide non ficta. hæc omnium fundamentum est bonorum. Imò credere esse Deum, omnia mala arcet, omnia bona inserit. Dic mihi qui credit Deum esse omnipotentem, omniscium & optimum, simulabitne, & fallere sperabit impunè, ac superbiat? Nonne scire eum nouit, &

*D. Thom.
2.2 q. 184.
a 3.*

*hom. 13. ad
Rom.
1. Tim. 1.*

despicere superbos, ac omnem extollentem se humiliare, & exaltare in æternum humiliantem se? Auarus erit, qui Deum habere se posse nouit, & omnia in eo? nimis certè avarus, cui ille non sufficit. Luxuriosus, cui ille fons gaudij, & Deus totius consolationis ad manum est? Inuidebit, qui scit Deo fieri, quod proximo: Dei esse voluntatem, vt ille his bonis ornetur? an verò malum, aut minùs prouidum eius consilium iudicabit? Gulosus, qui momentaneam voluptatem potest in Deo æternam facere, si illam velit aspernari? Cui verò iracundus irascetur? Deo? qui dixit, Qui vos tangit, tangit pupillam oculi mei? quomodo erit acediosus, ignauus, qui quantis sese bonis exuat, quantis ærumnis induat, agnoscit? Quòd si fides hæc præstat, longè magis caritas. Ex hac caritate erga Deum, fluit amor proximi: fluuius inquam pacis, cordis dulcedo, & verbum dulce, & opera misericordiæ, maxime spiritualia: qui enim amat proximum, in bonis omnibus illi consentit, mala potissimum animæ ab eo, quoad potest, arcet; bona procurat, neminem temere iudicat, nemini obloquitur, iuuat omnes opere & exemplo.

*Coll. 10.
c. ult.*

Sed quæres, an quiuis ad perfectionem peruenire possit? Respondeo omnino, quocumque in statu positus sit, etsi alius alio magis sit accommodatus ad eam. Cassianus ait, Constat neminem prorsus ob imperitiam litterarum ab perfectione cordis excludi, nec rusticitatem obesse ad capeffendam animæ puritatem: imò cum sit cum simplicibus Dei sermocinatio, hos ferè ad altiore gradum sanctitatis euehit, vt non gloriatur omnis caro in conspectu eius. Non potes orare, contemplari, crebrò confiteri & communicare, sanctam austeritatem æmulari; patiens esto, & humilis, dilige opere & veritate proximum & Deum, voluntatem eius in omnibus lauda; & acquires pretiosam margaritam, thesaurum, sapientiam, veram perfectionem.

Praxis

Praxis perfectionis assequenda.

QUOD si gradus ad perfectionem habere velis, ecce tibi. *Gradus ad perfectionem.* Primus est, postquam à peccatis grauioribus purgatus es, minima etiam diligenter deuitare; ac modestiam colere. Secundus, temporalia contemnere, & saltem affectu abnegare. Tertius, passiones, maxime appetitum honoris, refrenare. Quartus, linguam cohibere, maximeque a detractione & vanitate coëcicare. Quintus, puritatem cordis, & cogitationum frequenti renouatione querere: ac zelo profectus quotidie ad anteriora se extendere. & actiones suas, ac cogitationes suas perficere. Iustorum enim semita, quasi lux splendens, crescit vsque ad perfectam diem. Sextus, patientiam seruare in aduersis, & gaudium existimare cum in varias tentationes inciderimus: patientia enim opus perfectum habet. Multi enim in oratione, regularum obseruatione seduli, modesti, quiescentes; sed si tangas montes, fumigabunt. Septimus, virtutes infernas frequenter exercere, maxime solidas; intentionis puræ, caritatis, zeli, & præsentiae Dei. Octauus, vnum atque idem velle cum Deo, de nullo queri, sed æquabilitatem animi atque tranquillitatem, inter tot rerum vicissitudines conseruare.

Regula brevis, seu via ad perfectionem: respondens petitionibus orationis Dominicæ.

Prima. *Pater noster qui es in cælis,* & contemplaris in omni loco bonos & malos: da mihi, obsecro, vt ambulem coram te, & sim perfectus, sicut tu Pater meus cælestis perfectus es. *Dei præsentia. Gen 17. Matth. 5.*

Secunda. *Sanctificetur nomen tuum.* Vtinam in illo flectatur omne genu; & omnia purâ intentione fiant, in nomine tuo, vt in omnibus honorificetur: atque exemplo & verbo omnes traham ad te omne bonum. *Intentio pura. fides & zelus animarum.*

Tertia. *Adueniat regnum tuum.* Ad hoc enim nati sumus, vt terrena hæc despiciamus, & conuersatio nostra in cælis sit: & quid me separare poterit à charitate tua? *Contemptus rerum humanarum & spes.*

Quarta. *Fiat voluntas tua sicut in cælo, & in terra.* Si enim omnes Angeli, omnes creaturæ obediunt voci tuæ, quāto magis ego vermis, & non homo, faciam omnes voluntates tuas, quas aut in- *Resignatio perfecta & caritas.*

spiraris mihi, aut per Superiores indicaris? Quid enim mihi est in cælo, & à te quid volui super terram?

*Meditatio re-
rum divina-
rum.*

Quinta. *Panem nostrum quotidianum da nobis hodie* : non tantum super substantialem, corpus tuum; sed meditari dolores tuos, atque eloquia tua, dulciora super mel & fauam. Non enim in solo pane viuit homo, sed in omni verbo quod procedit de ore tuo. Da omnem sollicitudinem in te projicere, qui dixisti, Hæc omnia adijcientur vobis.

*Dilectio proxi-
mi, etiam
inimici.
Gregor.*

Sexta. *Et dimitte nobis debita nostra* plurima: sicut & nos dimittimus debitoribus nostris. Oportet enim alterum alterius onera portare, & sic adimplere legem tuam. Ille enim verè perfectus est, qui ad imperfectionem proximi impatiens non est. O quam suavis est, Domine, spiritus tuus! Ecce, si ego dimisero denarium proximo meo, talenta plurima dimittes mihi ex infinita misericordia tua.

*Fortitudo in
tentationibus
ac sui mortifi-
catio.*

Septima. *Et ne nos inducas in tentationem*. Tentatio enim est vita hominis super terram: sed concede vt resistā, sicut possum per gratiam tuam. Fidelis enim es, nec fines me tētrari supra id quod possum. concede vt mortificatione eam præueniam, & iudicia hominum contemnā; momentanea æternis, coram te iudice meo, & patre amantissimo, non præferam.

*Diffidentia sui
& confiden-
tia in Deo.*

Octaua. *Sed libera nos à malo*, culpæ, & pœnæ. Nihil enim absque tua prouidentia accidit nobis, & nihil possumus ex nobis, sed omnis sufficientia nostra ex te est. Libera, sicut, & quando tibi placuerit, & cor mundum crea in me, Deus, atque illud examine frequenti purga, vt velut speculum mundum radios bonitatis tuæ excipiam, & ardeam amore tuo. Amen.

Dialogus brevis sanctæ Catharinæ Senensis, consummatam continens perfectionem.

Cum anima quædam ab auctore lucis illuminata, propriā fragilitatem & miseriam, ignorantiam scilicet & pronam ad malum naturam recognosceret, aliquantulumq; Dei magnitudinem, sapientiam, (inquam) potētiā, bonitatem, cæteraq; ipsius præstantiæ partes suspiceret; vidit quā dignum & necessarium esset, vt idem perfectè coleretur & sanctè. Dignum, quia cum Pater vniuersorum & Dominus sit, omniaque vt suum ipsius nomen collaudent, & ad suam referantur gloriam, fecerit; congruū & æquum est, vt seruus Dominum suum obseruans, ei seruiat, & obse-

obsequio pareat. Neceſſarium, quia cum ipſe Deus, rationale animal ſpiritu & corpore compoſitum, hac conditione conſiderit, ut, ſi voluntariè vique ad mortem fidelè ſibi præſtiterit ſeruitutē, ad vitam perueniat ſempiternam; aliter felicitatem illā omni bonorum aggregatione cumulatam conſequi nequit: per paucos autem hoc adimplere, ſicque per paucos ſaluari, quod ferè omnes quærant quæ ſua ſunt, non quæ Dei. Vidit præterea breues dies hominis eſſe, incertam horam, punctumque, quo id momentaneū promerendi tempus finiatur; in inferno verò nullam eſſe redemptionem, ſed vnumquemque in futura vita, immutabili & inuitabili ſententia, præmia pœnæſve, prout in hoc ſuo viuendi genere ſit emeritus, iuſtā conſequi retributione. Vidit etiam multos multa dicere, & diuerſimode multifariamque; prædicare ac loqui de virtutibus quibus Deus fideli ſeruitute colatur, rationalis autem creaturæ capacitem modicam, intellectum hebetem, memoriam debilem, ut nequeat vel multa percipere, vel percepta fideliter continere, ac idcirco, licet multi ſtudeant ſemper addiſcere, quàm pauciſſimos tamen integritatis perfectionem attingere, Deo ut dignum & neceſſarium eſſet, deſeruire, ſed ferè omnes curis anxios, mentis agitationibus fluctuantes, extremo ſemper in periculo degere. Videns igitur hæc omnia anima illa, ſpiritu coram Domino exurgens, ardenti deſiderio, ac vehementi affectu, ab ipſius maiestate efflagitauit, ut ſuccinctè & breuibus præcepta aliqua tradere vellet, quibus vita noſtra ſanctè inſtrui ac perfici poſſet, quæque vi ſententiæ, prædicationū veritatem & vniuerſas complecteretur ſcripturas, quorū obſervatione, & ipſe debitā ſeruitute coleretur, & ex hac breui, mortali ac miſera vita, ad eam ad quam creauerat, felicitatem perueniremus. Deus itaque, qui & ſancta deſideria inſpirat, & eadem ſuſcepta irrita non eſſe permittit, ſtatim huic animæ in mentis exceſſu conſtitutæ affuit, hæc dicens: Dilecta mea placent mirum in modum huiusmodi deſideria tua, & adeò placent ut eis longè magis cupiam ipſe ſatisfacere, quàm ipſa ſibi cupiant ſatisfieri. Ingens namque meum opus eſt, ea in vobis (volentibus vobis) beneficia conſerre, quæ ſaluti veſtræ vtilia, commoda & neceſſaria ſint, atque ideo tuum adimplere deſiderium, & te voti compotem efficere paratiſſimus ſum. Quare attende & diligenter obſerua quæ tibi ipſe ineffabilis & numquam fallens veritas dicturus ſum, quoniam tuæ annuens petitioni breuiter proponam, quid ſit, quod ſummam perfectionem omneſque contineat virtutes, ac ſimul Scripturarum volumina, & multiplices complectatur prædicationes, ut ſi tuam ibi faciem ſpeculatura fueris, & te ad illud compo-

fueris, ac seruandum formaueris, quidquid patet & latet in diu-
 nis sermonibus, adimpleretur sis, & sempiternâ lætitiâ, & perpetuâ
 pace fructura. Scias igitur seruorum meorum salutem perfectio-
 nemque hoc vno constare, vt meam solius faciant voluntatem,
 atque eam summo semper studio adimplere nitantur, vt mihi vni
 obsequi, me vnum obseruare, me vnum attendere, omnibus vitæ
 suæ contendant momentis; quantoque diligentius in id incum-
 bant, tanto perfectioni propius accedere, quoniam mihi qui sum
 summa perfectio, magis pressiusque adhaerent, copulantur, iun-
 guntur. Vt autem planius hanc (licet ineffabilem) breuibus tamē
 traditam veritatem intelligas: respice in faciem Christi mei, in
 quo mihi benè complacui. Ipse namque ex inanimato serui formâ
 assumptâ, factusque in similitudinem carnis peccati est, vt vos cæ-
 câ caligine obrutos, & a via veritatis auersos, suæ lucis splendore
 illuminans, ad rectum iter & verbo conuerteret & exemplo. Obe-
 diens fuit vsque ad mortem, sic suâ perseveranti obedientiâ vos
 edocens, salutem vestram ex faciendæ solius voluntatis meæ sta-
 bili instituto pendere: nam si quis diligenti studio & considera-
 tione, ipsius tum vitam, tum doctrinam meditari velit, perspiciet
 proculdubio, mortalium integritatem perfectionemque; in nulla re
 alia constare, quam in iugi, perpetua ac fideli meæ voluntatis
 obseruatione: quod idem dux vester toties attestando repetit.
 Ait enim, Non omnis qui dicit mihi, Domine Domine, intrabit
 in regnum cælorum, sed omnis qui fecerit voluntatem Patris mei.
 Et attende quod non frustra repetit bis, Domine Domine, quo-
 niam, cum omnis transitoria conditio ad duo vniuersalia gene-
 ra reducatur, religiosum scilicet & sæculare; significare vult ne-
 minem, cuiuscumque conditionis sit, æternæ vitæ gloriam conse-
 cuturum, licet omnem mihi extrinsecus honorem exhibeat, nisi
 meam fecerit voluntatem. Item alio loco: Non veni facere volun-
 tatem meam, sed eius qui misit me Patris. Et iterum: Meus cibus
 est vt faciam voluntatem eius qui misit me. Itē, Non mea volun-
 tas sed tua fiat. Et, Sicut mandatum dedit mihi Pater, sic facio. Si
 vis ergo Saluatoris tui exemplum imitatura, meam facere volun-
 tatem, quâ constat esse bonum tuum, necesse est vt tuam omni-
 bus in rebus prorsus contemnas facere voluntatem, illamque ab-
 neges & extinguas: quoniam quanto magis morieris in te, tanto
 magis viues in me, & quod purgatius eijcies quod tuum est, eo
 abundantius ipse reponam quod meum est. Postquam illa ani-
 ma hæc veritatis saluberrima documenta percepit, tota lætabun-
 da dixit: Pater & Deus meus, placent summopere, & plusquam
 explicare queam, quæ seruulæ tuæ narrare dignatus es, & quam
 magnas

magnas possum benignæ maiestati tuæ gratias ago : quoniam
 quantum meâ rudi intelligentiâ consequi possum, non aliter est,
 quàm mihi per Saluatoris exemplum præclare ac lucidè demon-
 strasti. Cum enim tu luminum & omne bonum sis, non volens
 iniquitatem, sed iustitiam tantum & honestatem, quidquid faci-
 endum est, perago, si tuam voluntatem adimpleo, & eam impleo,
 si meam propter te abnego, quam tu minimè violare vis; quoniâ
 mihi idcirco liberâ tradidisti, ut ego sponte eâ tibi subigendo, &
 tuam solius facere semper intendendo gratior tibi fiam, & maio-
 ra apud te mea sint merita. Volo igitur, ac vehementer desidero
 id adimplere quod præcipis: sed non planè scio, quibus rebus tua
 contineatur voluntas, quòue tibi fideli obsequio emancipari
 queam: si arrogans non sum, & mea temeritas tuâ non abutitur
 lenitate, supplex obsecro, ut iuxta petitionem meâ, id quoque me
 paucis doceas. At Dominus, Si paucis & collectim scire desideras
 voluntatem meâ, ut eam integrè valeas adimplere, hæc mea vo-
 luntas est, ut summè & semper ames me, sicut præcepto mandavi
 vobis, ut toto corde, totâ animâ, & omnibus viribus vestris dili-
 gatis me, huiusque præcepti obseruatione tua perfectio cõtine-
 tur: quoniam finis præcepti charitas est, & plenitudo legis est di-
 lectio. Anima ad hæc; Teneo voluntatem tuam, & perfectionem
 meam, in summo tui amore collocatam esse, ipsaque te (ut par est)
 summo amore ac vehementissimâ dilectione prosequi vellè; sed
 quoniam pacto id efficere possim aut debeam, satis mihi comper-
 tum non est. Quocirca orans expeto ut me hac quoque in parte
 breuibus instruas. Tunc Deus. Audi igitur, & ad ea quæ dicam,
 totâ mētis attētionem inuigila. Si me perfectè amare vis, te tria hæc
 facere necesse est. Primò, ut voluntatem tuam ab omni amore af-
 fectuque terreno & carnali prorsus amoueas, segreges, mundifi-
 ces, ita ut in ista vita nihil transitorium, nihil caducū, nihil tem-
 porale ames, nisi propter me, nec (quod magis & maximum est)
 ames me propter te, aut te propter te, aut proximum propter te,
 sed ames me propter me, te propter me, & proximū propter me.
 Quoniam diuinus amor terreni affectus, aut alterius cuiusvis a-
 moris consortium pati non potest. Vnde quantum eū terrenarū
 rerum contagione infeceris, tantum & in mei amore peccabis, &
 de tua perfectione deperdes. Mentem quippe, ut munda & sancta
 sit, omnia quæ corpus sentit, fastidire necesse est. Effice igitur ne
 quidquam ex his quæ à bonitate mea vestros in vsus profecta
 sunt, te à me amando impediatur, sed omnia adiuuent, accen-
 dant, inflamment. Quoniam vobis illa creando cōcessi, ut boni-
 tatis meæ largitatem latius ex ipsis dignoscentes, me abund in-

tiore quoque amore prosequeremini. Perstes igitur appetitu lū-
 bisque succincta, ac vigilantia custodiā te semper obseruans, ter-
 renis concupiscentijs, quas vndecumque tibi mortalis vitæ mise-
 ria, & corrupta suggerit natura, alacriter resiste, vt cum Prophe-
 ta meo dicere possis: Qui perfecit pedes meos, id est, affectus, qui
 animæ pedes sunt; tamquam ceruorum, ad fugiendum canes, id
 est, laqueos concupiscentiæ terrenarum rerum, super excellā sta-
 tuens me, id est, in contemplatione. Cū hoc primum imple-
 ueris, ad secundum, quod etiam altioris perfectionis est, perueni-
 re poteris, vt omnes cogitationes, actus & opera tua dirigas ad
 meum solummodo honorem & gloriam, semperque solius meæ
 laudis studiosissima, des operam, precibus, verbis & exemplis,
 & quomodo possis, vt non tu tantum sic, sed alii omnes tecum
 pariter, & eodem modo affecti sint, vtque vniuersi me vnum no-
 rint, ament, colant. hocque mihi magis placet, quam primū, quo-
 niam magis implet voluntatem meam. Tertium, quod reliquum
 est, si affecta fueris, tibi nil deesse, teque consummatā integrita-
 tem consecutam, scito. Illud autem hoc est, vt summo desiderio
 quæras, nitaris & studeas ad hanc peruenire mentis dispositio-
 nem, vt mihi ita coniuncta sis, tuaque meæ (quæ perfectissima est)
 ita similis sit conformisque voluntas, vt nolis, non solum malum,
 sed & bonū quod ipse nolim; vtque, eueniat quidquid velit, & vn-
 decumque velit, in istius vitæ miseria, siue spiritualibus, siue tem-
 poralibus in rebus, minimè frangatur pax tua, turbeturve quies
 mentis tuæ; sed inconcussa fide semper teneas me Deum tuū o-
 mnipotentem magis amare te, quam tu te ipsam, meque tui di-
 ligentissimam habere curam, & multò diligentiorē quā tu.
 Quāto magis sic te mihi commiseris dederisque, tantò magis
 te adiuuans, tibi semper adero, & tu ipsa clariùs cognosces, ac v-
 berius senties circa te dulcissimam caritatem meam. Ad hanc au-
 tem perfectionem perueniri non potest, nisi per stabilem, cōstan-
 tem ac absolutam propriæ voluntatis abnegationem: quam qui
 præstare negligit, simul hanc excellentissimam perfectionē neg-
 ligit; qui verò libens præstat simul integerrimam voluntatem
 meam, integerrimè exequitur, mihi que summè placet, & me se-
 cum habet: quoniam mihi gratius ac iucundius nihil est, quam
 per gratiam vobiscum agere, & in vobis habitare, meæque sunt
 deliciæ cum filiis hominum esse, & vt volentes ipsi (nolo enim li-
 beri ius arbitrii violare) à me in me, per gratiam, transformentur;
 vt sint vnum mecum participatione perfectionis meæ, præcipue-
 que pacis ac tranquillitatis meæ. Vt autè planius intelligas, quā
 ardenti desiderio cupiam vobiscum esse, vtque magis accendaris
 ad

ad subigendam mihi copulandamque meæ voluntatem tuā, vide
& altā mente considera, voluisse me, vt Vnigenitus meus incarna-
retur, vtq; mea diuinitas maiestatis dignitate sepositā, vestræ co-
pularetur humanitati, vt tanto amoris ac caritatis exemplo, tan-
tā ineffabilis dilectionis demonstratione vos ad pariter coniun-
gendam meæ voluntatem vestram, vniq; mihi iugiter adhærē-
dum prouocarem, allicerem, traherem. Voluisse præterea vt ille
ipse dilectus filius meus tam horrendam, immanem crudelemq;
crucis mortem subiret, vt suis tormentis vestrum peccatū tolle-
ret. Peccatum (inquam) quod inter me & vos diuisionem fecerat,
& meam à vobis ita faciem auerterat, vt nullo vos pacto possem
respicere. Parasse insuper mensam maximi & parum agniti sacra-
menti corporis ipsius & sanguinis, vt in cibum sumentes trans-
formemini, muteminiq; in me, ac sicut panis & vinum quibus
vos cimini in substantiam transeunt corporalem, ita & vos man-
ducantes ipsum qui mecum vnum est, sub panis & vini specie, in
substantiā spirituale & in meipsum cōuertamini. & hoc illud est
quod Augustino seruo meo his verbis dixi: Cibus sum grandiu,
cresce & manducabis, nec tu me mutabis in te, sed tu mutaberis
in me. Cum audisset anima illa quæ nam esset Dei voluntas, &
quemadmodum ad eam implendam necessaria etiam erat perfe-
cta caritas, perfectamq; caritatem propriæ voluntatis abnegatio-
ne constare, dixit: Significasti mihi Domine Deus meus volun-
tatem tuā, significasti Domine quòd si perfecte amauero te, nihil
terrenum aut mortale, nec etiam meipsam amabo propter me,
sed quidquid amabo, secundum te & propter te amabo. Dixisti
vt summo semper studio tuam solius laudem, honorem & glo-
riam velim perquirere, simulq; operam dare, vt alii quoque idem
necantur facere: & vt quæcumq; aduersa mihi in hac mitera ad-
ueniant vita, ea cōpositā mente & æquo animo ac lætanti tolera-
re contendam. Nunc quoniā hæc per propriæ voluntatis abne-
gationē efficienda sunt; doce, quæso, quonam pacto ad hanc per-
uenire abnegationē, ac tantam virtutem comparare & assequi
queam: vt enim per tuæ doctrinæ lumen video, tantum in te vi-
uo, quantum in me morior. Deus autem qui sancta numquam
frustratur desideria, sic intulit, Perfectā tui abnegatione tuū omne
bonum constare certum est, quoniam te tantum meā gratiā re-
pleo, quantum te tuā voluntate euacuas: & perfectionem tuā effi-
cit participatio diuinæ bonitatis meæ per gratiam, sine qua hu-
mana creatura (quantum ad virtutem & dignitatē suam) nihil est.
Ad hanc igitur si peruenire vis, tibi est in summa humilitate præ-
standum, & ex vera atque intima miseriæ & inopiæ tuæ cogni-

tione id vnum iugiter vehementerq; affectandum, vt mihi soli
 pareas, meamq; solius voluntatem oblerues. Quo autem id præ-
 stare queas, necesse est vt per mentis conceptum & animi existi-
 mationem tibi habitaculum circum vndique concameratū ex so-
 lius meæ voluntatis materia construas, teq; eo concludas & sem-
 per inhabites, vt quocumque eas, numquam progrediaris, quo-
 cumq; prospicias, numquam extra aspicias, sed tuos mentis & cor-
 poris sensus mea semper circumstet voluntas, nec quidquā aliud
 loquaris, cogites aut efficias, nisi quod mihi placet, & meæ esse
 voluntatis credas, sicq; te quidquid agendum erit sanctus Spiritus
 edocebit. Aliā etiam viā ad propriæ voluntatis abnegationē per-
 ueniri potest, si adsunt qui te secundū me instruunt regāque, his
 propriam subiiciendo, voluntatem, te totam ac tua omnia his cō-
 mittendo, his parendo, & eorum semper sequendo consilia. quo-
 niam qui fideles & prudentes seruos meos audit, me audit. Sed ad
 hæc volo vt certā fide, altā mente, ac frequenti cōsideratione me-
 diteris me Deum tuum gloriosissimum, qui te ad beatitudinem
 perfruendam creauit, æternum esse, summum, omnipotentem, vo-
 bisque omnia quæ mihi placita sunt facere, nec esse qui vel tan-
 tillum meæ possit resistere voluntati, nec quidquam sine eadem
 voluntate mea vobis accidere, nihil prorsus nisi me permittente
 prouenire, vt per Prophetam vobis enuntiaui, non esse malum in
 ciuitate quod non ipse fecerim, id est, permiserim. Mediteris pa-
 riter me Deum tuum summæ esse sapientiæ, perfectissimæ cogni-
 tionis & intelligentiæ omnia certā ratione videntis & acutissimè
 penetrantis, vt ad cælum, terram, inūdum totum & vniuersa gu-
 bernanda, nullā possim ratione falli, nullo errore turbari. quod si
 non ita esset, nec Deus essem, nec sapientissimus. Et vt tantillum
 percipias vim huius summæ sapientiæ meæ, scias de malo culpæ
 & pœnæ me longè maius bonum, quàm sit malū, elicere. Tertio,
 velim consideres me eundem Deum tuum non minùs summè
 bonum esse, & vi amoris beneuolentiæque constare hac de causā
 non posse, nisi quæ bona sunt, vtilia & salubria tibi & aliis velle,
 non posse à me aliquid malum prouenire, nihil odisse, & hominē
 vtmēā bonitate creauit, ita per me semper inæstimabili dilectio-
 ne prosequi. His verò per firmam fidem mente ac meditatione
 collectis cognosces tribulationes, tentationes, difficultates, ho-
 nores, infirmitates, & aduersa omnia ob nullam aliam causam,
 me gubernāte prouenire, nisi utilitatis & salutis vestræ gratiā, vt
 per ea quæ videntur vobis mala à prauitate corrigamini, & ad vir-
 tutē, quā itur ad verū & summum bonū vobis incognitum per-
 ducamini. Cognosces præterea hoc fidei lumine perlustrata, me
 Deum

Deum tuum magis posse, scire, velle bonum tuum quàm tu, teq; id nec posse, nec scire, nec velle absque gratia mea. Id igitur cum ita sit, danda tibi summo studio opera est, vt voluntatem tuam diuinæ voluntati meæ prorsus subiicias, quoniã sic placidâ semper mētē quiesces, & me semper tecum habebis (factus est enim in pace locus meus) nec erit tibi scandalum peccati, hoc est offendiculum aliquod ad peccatum, nec per impatientiam, nec aliquo quouis modo: nam pax multa diligentibus nomen meum, & nō est illis scandalum: tantum etenim amant legem meam, id est, meam voluntatem, meaque lex est quâ cuncta reguntur, tantumque mihi per ipsam copulati sunt, & in ipsius delectantur obseruatione, vt eueniat quidquid velit & vndecumque velit, cuiuscumque generis & æstimationis sit, nullâ re præter quam culpâ hæc mihi fiat iniuria, perturbari queant. Prospiciunt namque claro & purgatissimo mentis oculo a me summo vniuersi gubernatore, mirificâ sapientiâ, caritate & ordine cuncta administrante non nisi bona posse provenire, meque sibi ac rebus suis melius vtiliusque prospicere quàm ipsimet per se sciant, possint ac velint, sicque omnibus in rebus, quæ eueniant, quasque sustineant (vt vt sint) me auctorem & non proximum firmo considerantes proposito, quadam inuictâ & inexpugnabili patientiâ ita roborantur, vt non solum æquo animo, sed libenti ac gaudenti sustineant, degustantes in omnibus, siue intrinsecus siue extrinsecus accidunt, meæ ineffabilis dulcedinem caritatis: quod est sentire de me in bonitate; in omnibus (inquam) tribulationibus difficultatibusq; attendere, credere & læto animo gratoque meditari me disporre omnia suauiter, & ex profundo meæ dilectionis fonte cuncta provenire. Atque huius ultimæ considerationis compositio- nisque sanctissimæ maximum bonum nil aliud corrumpit, impedit & perdit, quam propria voluntas vestra & amor vestri, quæ si tollerentur a vobis, tolleretur & infernus vobis; tum ille qui maledictis æterno mentis & corporis tormento paratus est, tum ille quem in mortali vita multiplici agitatione animi ac vario curatum æstu, imò sustinetis errore. Igitur si vivere cupis, & in illo labenti sæculo per gratiam, & in hoc stabili sempiternoq; per gloriam moriaris, temetipsam abnegans & propriam voluntatem deponens. Beati enim mortui qui in Domino moriuntur, & beati pauperes spiritu, quoniam tales me vident in peregrinatione per mutuum amorem, visuri deinde in patria per gloriam & honorem. Amen.

Documenta, seu consilia saluberrima, in quibus se exercere debet qui vult euadere laqueos diaboli; è tractatu S. Vincentij de Vita spirituali deprompta.

Qui vult fugere atque euadere laqueos atque tentationes Antichristi, seu diaboli finales, debet habere in proprio sentimento sui, duo. Primò, quòd sentiat de seipso, sicut de vno corpore mortuo, pleno vermibus, & malè olenti, & sicut de vno cadauere, quod dedignatur videre & intueri, imò super quod claudit nares, propter eius pessimum odorem & fœtorem, & à quo auertit faciem, vt non videat talem & tantam abominationem. Sic oportet, charissime, facere semper mihi, & tibi, sed plus mihi, quia tota vita mea fœtida est, totus fœtidus sum, & corpus meū, & anima mea, & omnia quæ intra me sunt, fæce & putredine peccatorum & iniquitatum fœtidissima & abominabilissima sunt. & quod deterius est, quotidie hunc fœtorem in me sentio recentius & angustius reuocari. Et debet talem fœtorem de seipsa sentire fidelis anima cum maxima verecundia coram Deo, sicut coram illo, qui omnia videt & scit, sicut si esset coram districto iudicio, & dolere maximè de offensa Dei, & perditione gratiæ animæ, in qua erat, quando redempta fuit pretiosissimo Christi sanguine, & abluta per baptismum. Et sicut sibi & Deo fœtere se credit & sentit, sic etiam credat & sentiat, quòd non solum coram Angelis, & sanctis animabus, sed etiam coram omnibus hominibus viuētibz, sit abominabilis & fœtidus, & quia facta & dicta sua non solum homines videre & audire dedignatur, sed quòd nares suas claudat, & auertant facies suas, ne ipsum videant, & tamquàm fœtidū cadauer de medio eorum expellant, & sit ab eis alienatus & separatus & proiectus, sicut plusquam leprosus, vsquequo veniat, & reueniat ad seipsum. Et si quis de eo iustitiam faceret, & de corpore suo sentiat quòd iustum est, & ita credat, etiam si sibi oculi eruerentur, nasus truncaretur, manus absciderentur, & aures & os, & sic de aliis sensibus corporalibus & membris, quia cum his omnibus Deum offendit & creatorem. Item quòd despici desideret, & contemni, & quòd omnia vituperia, verecundias, diffamationes, iniurias, blasphemias, & cætera aduersa, summo cum gaudio & lætitia recipiat, & patien-

ter ferat. Et oportet quòd diffidas de teipso totaliter, & de omnibus bonis tuis, & de tota vita tua, & conuertas te totum, & reclines super brachia Iesv Christi pauperrimi & vilissimi, & improperati, despecti, & mortui propter te, vsquequo tu sis mortuus in omnibus sentimentis tuis humanis, & Iesvs Christus crucifixus viuat in corde tuo, & in tua anima, & totus transformatus & transfiguratus, cordialiter sit in te: vt numquam videas, nec sentias, nec audias, nisi ipsum solum stantem in cruce propter te, mortuum & suspensum, ad exemplum Virginis Mariæ, mortuus in mundo, & viuens in fide: & quòd in illa fide viuat tota anima tua vsque ad resurrectionem, in qua Dominus immittet gaudium spirituale, & donum sancti Spiritus in anima tua, & in illis personis, in quibus debet renouari status Apostolorum, & Ecclesiæ sanctæ Dei, exercens te in sanctis orationibus siue sacris meditationibus & affectionibus ad obtinenda dona virtutum, & gratiam Dei. Sed debes præcipuè septiformi affectu exerceri ad Dominum, scilicet amore ardentissimo, timore summo, honore debito, zelo constantissimo, & illis debet adiungi gratiarum actio, & vox laudis, omnimodæ obedientiæ promptitudo, & suauitatis diuinæ pro posse degustatio. Et ideo continuè debes ista septem deuotè petere a Deo, vt pote dicendo, Bone Iesv, fac vt totis medullis amem te, summè timeā, reuerear, & pro omni honore tuo fortissimè zelari, ita quòd omne tuum opprobrium, tamquam tuæ gloriæ zelotypus vehementissimè exhorrescam, & potissimè, si in me, aut à me, vel pro me facta tibi sint opprobria vlla. Deinde da etiam vt Dominum, tamquam tua creatura humiliter adorem & recognoscā, & de omnibus beneficiis à te mihi impēsis gratias semper agam, & hoc cum summa gratitudine cordis. Da etiam vt in omnibus semper te benedicam, laudem & magnificem, & hoc cum summo iubilo, & tripudio cordis, & tibi in omnibus obtemperans, & obediens, semper reficiar dulcissimā tuā & ineffabili suauitate, cum sanctis tuis Angelis & Apostolis tuæ mensæ assistens, licet omnino indignus & ingratus. Qui cum Patre, &c. Debet etiam circa seipsum exerceri alio septiformi affectu. Primò, scilicet quòd totus de suis vitiis & defectibus confundatur. Secundò, vt peccata sua tamquam offensiuæ, & sui ipsius maculatiua acutissimo & acerbissimo dolore plangat & deploret. Tertiò, humiliatione sui, & cōculatione, cum contemptu, vt scilicet totis viribus se sicut rem vilissimam & foetidissimam spernat, & contemni appetat, vt dictum est. Quartò, rigore seuerissimo, vt scilicet corpus suum asperrimè maceret, & macerari appetat, tamquam

quam peccato foetidum, imò tamquam latrina & sentina, & tumultus omnium foeditatum. Quintò, irà implacabili contra omnia vitia sua, & contra radices, & inclinationes vitiorum suorum. Sextò, vigore peruigili & strenuo, vt scilicet omnes sensus, actus, potentias suas, semper cum quadam virilissima stentuitate, in omne bonum teneat peruigiles & attentos. Septimò, discretionem perfectam modestiæ, seu moderantiæ, vt scilicet in omnibus districtissimè seruet mensuram, & modum, videlicet, iuter minimum, & non satis, vt scilicet nihil sit in eo superfluum, nihil diminutum, aut defectuum, nec plusquam debet, aut minus quam deceat. Debet etiam circa proximum se exercere alio septiformi affectu. Primò, scilicet per piam compassionem, vt scilicet ita sentiat aliorum mala & incommoda, sicut sua. Secundò, per dulcem congratulationem, vt scilicet de aliorum bonis lætetur, sicut de suis. Tertio, per tranquillam supportationem, & condonationem, vt scilicet molestias & iniurias ab aliis illatas patienter toleret, & ex corde indulgeat & condonet. Quarto, per benignam affabilitatem, vt scilicet sit ad omnes benignus, & omnibus bonum affectet & optet, & talē se exhibeat in gestibus suis & verbis. Quintò, per reuerentiam humilē, scil. vt omnes sibi præferat, & omnes reueretur, & omnibus ex corde se subdat, tamquā dominis suis. Sextò, per concordiam vniūmē, vt scilicet quantum in se est, & quantum secundum Deum potest esse, vnum sentiat cum omnibus: & ita sentiat se esse omnes, & illos se, & omnium rectū velle, pro suo reputet: & econtrā. Septimò, per Christi formem sui pro omnibus oblationem, scilicet vt ad instar Christi pro omnium salute sit paratus & sollicitus ponere vitam suam, & die noctuq; orare, & laborare, quòd omnes in Christo inuiscerentur, & Christus in eis. Sed tamen, ne ex hoc credatur, quin vitia hominum sint pro toto posse cauenda & fugienda, sciendum, quòd quando cumque ex societate malorum hominum, vel imperfectorum, periculum imminet, vel occasio retrahens, vel impediens à perfectione, vel seruire prædictarum virtutum, debes à talibus, sicut à serpentibus, vel draconibus elongari. Non enim est carbo ita ignitus, quin in aqua frigescat aut tepescat: sic econtrā, vix est carbo ita frigidus, quin aceruo carbonum ardentium accendatur. Aliàs vbi periculum huiusmodi non imminet, ex mera simplicitate debes aliorum non videre defectus, aut si videas, per compassionem supportare vt tua. Vt autem vtiliter ad temporalia, & æterna te habeas perfectè, scito, quòd temporalia debes aspicere sub quadruplici sensu. Primò, scilicet vt tamquam peregrinus & aduena sentias omnia vt extranea & aliena, in tantum, vt tua ve-

stis.

stis tuo sit sensui ita extranea, ac si esset in India. Secundò, vt in tuo vsu abundantiam timeas, vt venenum, & vt mare submergens. Tertiò, vt in tuo vsu omnem inopiam & egestatem sentias, quia ipsa est scala per quam ascenditur ad cælestes diuitias & æternas. Quartò, vt societatem, contubernium & apparatus diuitum & magnatum fugiens, non ex contemptu tantum de societate pauperum glorieris, & in memoria, & adspectu, atque conuersatione pauperum & despectorum totus lateris, quasi expressâ imagine Christi, & eis quasi Regibus cum summa alacritate & iucunditate & reuerentia honoreris.

*Documenta ad perfectionem ex D. Bernardi
Formula honestæ vitæ.*

SI plenè vis assequi quod intendis, duo sunt tibi necessaria; Primum est, vt subtrahas te ab omnibus transitorijs rebus & terrenis, vt nihil de eis cures, ac si non essent. Secundum, vt ita te des Deo, vt nihil dicas, vel facias nisi quod credideris firmiter placere Deo. Primum autem assequeris hoc modo. Omnibus modis, quibus potes, te vilifica, te nihil reputâdo esse, sed credas omnes homines esse bonos & meliores te, magisque placere Deo: quæcumque audis vel vides in religiosiis personis, puta bonâ intentione dici vel fieri, etiam si contraria videantur: nam humana suspicio faciliè fallitur. Nulli displiceas, nihil vquam de te loquaris quod laudem importet, quantumcumque sit familiaris ille cum quo loqueris: imò plus labora celare virtutes, quàm vicia. De nullo prorsus sinistrè loquaris (quantumcumque sit verum vel manifestum) nisi in confessione, & hoc, vbi non potes aliter manifestare peccatum tuum. Libentius accomoda aurem tuam cum aliquis laudatur, quàm cum vituperatur. Cum loqueris, verba tua sint rara, vera, ponderosa, & de Deo: si sæcularis loquitur tecum, & vana proponit, quàm citiùs potes succide sermonem, & transferas te ad ea quæ Dei sunt. Quidquid contingat tibi, vel alijs, quantumcumque coniuncto, non cures, & si est aduersum, non tristeris; si est prosperum, non lateris, sed totum nihil puta, & lauda Deum. Sollicitudinem adhibe, quantum maxime potes, vt vilitati tuæ sedulus intendas. Fuge locutoria quantum potes: melius est enim silere quàm loqui. Post Completoriũ non loquaris, quousque finita sit Missa sequentis dici, nisi causa maxi-

maxima interuenerit. Cum vides aliquid quod tibi displicet, vide si hoc est in te, & abscinde; si verò vides aliquid quod tibi placet, vide si hoc est in te, & tene; si non est adsume: & sic erunt tibi omnia in speculo. De nulla re murmures cum aliquo, nisi credideris prodesse, quantumcumque sit graue quod habes. Nunquam pertinaciter aliquid affirmes, vel neges, sed sint tuæ affirmationes & negationes, dubitationis sale conditæ. A cachinnis semper abstineas; rideas verò rarò, & cum paucis præstes os tuum. Breuiter in omnibus dictis tuis sic te habeas, vt sint ita; quæ dubia, dimittantur. Secundum assequeris hoc modo: orationibus cum magna deuotione intendas, & eas dicere labora horis debitis, & quod offers in oratione reminiscaris in corde, & vt ea quæ legis, confirmes, diligenter recogita, & eorum imagineris statum, in quorum memoria hæc dixeris. Ista tria semper in mente habeas: Quid fuisti, quid es, & quid eris. Quid fuisti, quia sperma foetidum; quid es, quia vas stercorum; quid eris, quia esca vermium. Similiter imagineris eorum pœnas qui sunt in inferno, & quod numquam finientur, & pro quam modica delectatione tanta mala patiuntur. Similiter imagineris gloriam paradisi, & quod numquam finietur, & quam breuiter & citò acquiritur: & quantus luctus & dolor poterit esse illis, qui pro parua re tantam gloriam amiserint. Cum habes aliquid quod tibi displicet, vel times habere, cogita quod si tu esses in inferno, & illud, & quidquid nolles haberes: & cum habes aliquid quod tibi placet, vel optas habere, cogita quod si tu esses in Paradiso, haberes illud & quidquid velles; si autem in inferno esses, nec illud, nec aliud quod velles haberes. Quandocumque est festum alicuius Sancti, cogita de illo quanta sustinuit propter Deum, quia breuia; & qualia adeptus est, quia æterna. Similiter cogita quia transeunt bonorum tormenta, malorum gaudia. Hi cum istis tormentis adepti sunt gloriam æternam, & isti ex indebitis gaudiis æternam pœnam. Quandocumque te vincit acedia, accipias hoc scriptum, & imagineris hæc omnia diligenter: & cogita de tempore quod sic perdis, quod illi qui in inferno sunt, darent totum mundum (si haberent) pro eo. Cum habes aliquas tribulationes, cogita quod illi qui sunt in paradiso, carent eis: similiter cum habes aliquas consolationes, cogita illos de inferno carere eis. Omni die cum vadis cubitum examina diligenter quid cogitasti, & quid dixisti in die, & quomodo vtile tempus, & spatium quod datum est ad acquirendam vitam æternam, dispensasti: & si bene transiisti, lauda Deum, si malè, vel negligenter, lugeas, & sequenti die non differas confiteri. Si aliquid cogitasti, dixisti vel fecisti, quod
tua m

tuam conscientiam multum remordeat, non comedas antequam confitearis. Istud in fine pono, ut imagineris duas ciuitates, vnam plenam omnibus tormentis, quæ est infernus: alteram plenam omni consolatione, quæ est paradysus; & ad vnam illarum oportet te currere. Vide quid te possit trahere ad malum, vel impedire à bono; credo, quod nihil inuenies. Certus sum, quod, si bene seruaueris ea quæ sunt hic, Spiritus sanctus habitabit in te, & perfecte docebit te facere omnia. Ergo bene serues ista, & nihil negligas, & lege ea in septimana bis, scilicet in die Mercurij, & in die Sabbati, & ut inuenies te fecisse quod scriptum est, lauda Deum, qui est pius & misericors in sæcula sæculorum. Amen.

*Epistola cohortatoria S. Thomæ ad quemdam,
in qua proponit idoneum modum salubriter
acquirendi scientiam, siue humanam, siue
diuinam.*

Quia quæstisti à me, in Christo mihi charissime, qualiter te studere oporteat in thesauro scientiæ acquirendo, tale à me tibi super hoc traditur consilium, ut per riuulos non statim in mare eligas introire, quia per faciliora ad difficiliora oportet deuenire. Hæc est ergo monitio mea, & instructio tua. Tardiloquum te esse iubeo, & tardè ad locutorium adscendentem: conscientiæ puritatem amplectere, orationi vacare non desinas, cellam frequenter diligas, si vis in cellam vinariam introduci. Omnibus te amabile exhibe, nihil quære penitus de factis aliorum, nemini te multum familiarem ostendas: quia nimia familiaritas parit contemptum, & subtractionis à studio materiam subministrat. De verbis & factis sæcularium nullatenus te intromittas. Discursus super omnia fugias. Sanctorum, & bonorum imitari vestigia non omittas: nō respicias à quo audias, sed quid quid boni dicatur, memoriæ recommenda. Ea quæ agis & audis, fac ut intelligas, de dubiis te certifies, & quidquid poteris in armariolo mentis reponere satage, sicut cupiens vas implere. Altiora te ne quæsieris. Illa, sequens vestigia, frondes & fructus in vineam Domini Sabaoth vtilis, quamdiu vitam vixeris, proferes ac produces. Hæc si sectatus fueris, ad id attingere poteris quod affectas.

*Breuis regula B. P. Ignatii pro perfectione
consequenda.*

Prima. Numquam contradicere debes cuiquam, siue cum ratione, siue contrà; neque superiori, neque inferiori, neque æquali: semper verò complecti quod alijs probatur, non te excusando, non contradicendo, licet rationes habeas.

Hæc documenta suis Ignatius edit alumnus:

Vt methodo parua, commoda magna ferant.

Nulli, vel minimo, quamuis ratione, repugnes:

Cedere te potius, quàm superare inuet.

Secunda. Præstare debes obedientiam cæcam in rebus minimis & paruis; inferioribus, superioribus & æqualibus; cogitando, id te vouisse Deo.

Obsequium studeas præstare per omnia cæcum;

Iudiciūq; lubens subijce cuique tuum.

Tertia. Numquam aspicias defectus aliorum; sed semper paratus esto, ad excusandum eos, contrà verò ad accusandum te ipsum. Imò ab omnibus opta cognosci, tam intus, quàm foris.

Non vitia inspicias aliena, & visa recondas:

Sed propria inuisas, atque patere velis.

Quarta. Numquam loquaris, vel respondeas, vel mediteris, vel ambules, vel quid demum facias; nisi prius cogites, an Deo placeat; an exemplo, vel ædificationi sit proximo.

Quidquid agas, dicas, mediteris; prospice finem:

Proximo an expediat, complaceatq; Deo.

Quinta. Serua libertatem spiritus vbique, etiam cum quacunque persona: neminem respicias, sed semper tene libertatem ad opposita: & ne eam propter quoduis impedimentum, perdas; numquam de hac deficias.

Sit tua spiritus libertas semper; & illam,

Nec persona potens, causa vel vlla grauet.

Sexta. Ne sis communis omnibus, neque familiaris; sed consule spiritum, ad quem ipse magis te moueat ac impellat. Inspicias tamen accuratiùs, quales, & qui sint motus, qui ad hoc te moueant.

Ne facili iungas tibi consuetudine cunctos:

Spiritus, ac ratio quemlibet ante probent.

Septima. Exerce te cōtinuò actualiter & mentaliter in exercitijs

tijſ pijs; & deſidera haberi ſtultus ab hominibus, vt ſapiens habearis à Deo, vt ipſum lucrifacias.

Exerce aſſiduè pia, mente & corpore, facta:

Sis populo demens; ſic ſapis ipſe Deo.

Octaua. Hoc, inquit, erit tuum ſtudium. Manè, & veſperì cum ibis cubitum, iſta percurrere.

Fac matutino veſperinoq; reuoluas

Hac ſtudia: & lectum dum peris, adde preces.

Deſcriptio Viri ſpiritualis.

VIr ſpiritualis hominem interiùs ordinat:
Exteriùs ornat:

A rebus turpibus cohibet:

Sermones rectos & vtilis amat:

Non pueriliter in riſum effunditur:

Non altè loquendo, clamat:

Modèſtè incedit:

Aliorum facta non curioſè inquiri:

Admonitiones hilari vultu recipit:

Errori aliorum facilè condonat:

Laudibus non extollitur:

Detractione non deiſcitur:

Interroganti facilè leniterque reſpondet:

Contendenti facilè cedit:

Patienter alios audit:

In omnibus ædificare fratrem ſtudet:

Rari eſt & grauis ſermonis:

In cibo & potu parcus & ſobrius:

Compoſitus in vultu & verbis:

Filius veritatis:

Oculos habet diſmiſſos & ſimplices:

Puritate candidus:

Humilitate inſignis:

Obedientià promptus:

Patientià præmunitus:

In oratione aſſiduus:

In fide ſtabilis:

In opere diligens:

In abſtinentia rigidus:

In moribus exemplaris:

In conuersatione gratus:

In verbis affabilis:

In dando liberalis:

Amicis fidus:

Inimicis benignus:

Deo resignatus:

Sibi mortuus:

Mundo crucifixus:

Omnibus omnia, vt omnes lucrifaciat.

C A P V T II.

Exercitium de Magno perfectionis desiderio excitando.

PRÆLVDIVM I. Considera te coram Domino cum Moyse in excelsò monte, vnde videas hominum studia, & magna molimina, vt in hac vita beati sint honore, opibus, &c.

ORATIO, vt tanto desiderio etiam accendi possis ad perfectionem.

PVNCTVM I. Considera quanto, quàm longo & assiduo labore ac sudore mortales scientijs operam dent, & cognitioni creaturarum, cùm tamen qui addit scientiam, addat dolorem. Nónne autem perfectio, vera est sapientia, quâ homo Deum, & se cognoscit; & humana atque diuina iura non tantùm nouit, sed etiam exequitur? & tamen piget te modicum pro ea laborare. Secundò, quantum laborent atque impendant vt sanitatem discant conseruare, & conseruent homines: sepè, vt illa in Euangelio, omnem frustra perdunt substantiam suam. At verò sapientia & perfectionis studium non tantùm medicinam animæ edocet, sed per illam homo perfectam sanitatem

con-

consequitur. Tertio, cogita, si libet, quid quæque scientia & ars, cui insudant homines, ijs præstet; & omnia inuenies sapientiæ conuenire. vnde gloriabatur de ea Propheta dicens, Ecce enim veritatem dilexisti, incerta *Psalm. 50.* & occulta sapientiæ tuæ manifestasti mihi. Illius inquam sapientiæ, cuius comparatione sapientia mundi *1. Cor. 3.* stultitia est. Inuenies autem eam, si prioris vitæ peccata desleas, si huius sæculi desiderabilia paruipendas, si æternam beatitudinem toto desiderio concupiscas. neque pigeat laboris. Clara est enim, & quæ numquam marcescit sapientia; & faciliè videtur ab his qui diligunt eam, & inuenitur ab his qui quærunt eam. Cogitare de illa sensus est consummatus; & qui vigilauerit propter illam, citò securus erit. *Bernard.* *Sap. 6.*

PUNCTUM II. Considera verba illa Saluatoris: Quæ mulier habens drachmas decem, & si perdiderit drachmam vnā; nōne accendit lucernam, & euerrit domum, & quærit diligenter donec inueniat? Drachma hæc, perfectio est, signata Dei imagine: quia perfectio est quædam Dei similitudo. Dicit Sapiens: Pecuniæ obediunt omnia. *Eccles. 10.* Perfecto viro terra, mare, aër, ignis, sol, mors ipsa paret, cum his omnibus aliquando perfecti imperarint. vide ergo quanti facere eam oporteat. O quanto prudentiores sunt filij huius sæculi, filijs lucis in generatione sua! Considera Secundò verba illa: Simile est regnum cælorum homini quærenti bonas margaritas, & inuentâ vnâ pretiosâ, vendit omnia quæ habet, & emit eam. vna enim talis continet immensas opes: non grauat tamen, sed ornat, ac beatum facit. Illa verò est perfectio, de qua dici potest, Pretiosior est cunctis opibus, & omnia quæ desiderantur, huic non valent comparari. Vel, vt ait August. Hæc margarita pretiosa, est caritas, sine qua nihil tibi prodest *Luc. 15.* *Matt. 13.* *Prou. 3.* *Aug. in 13.* *Ioan.* quodcumque habueris, quam si solam habeas, sufficit tibi. Margarita rore cælesti gigni dicitur; ita perfectio, solâ magnâ Dei misericordiâ obtinetur. Considera Tertio,

*Matt. 13.**Sap. 7.**Prov. 8.**Philip. 4.**Matt. 6.**Matt. 11.*

perfectionem similem esse thesauro abscondito in agro, quem qui inuenit homo, abscondit, & præ gaudio illius vadit, & vendit vniuersa quæ habet, & emit agrum illum. hic est perfectio. Infinitus enim thesaurus est hominibus; quo qui vñ sunt, participes facti sunt amicitia Dei. Nonne sapientia (quo nomine perfectio etiam appellatur) merito exclamat: Mecum sunt diuitiæ & gloria, opes superbae & iustitia. Et verè, melior est perfectionis fructus auro, & lapide pretioso, & gemina eius argento electo. Fidei enim totus mundus possessio est. Thesaurizemus nobis hunc thesaurum in cælo, vbi neque ærugo, neque tinea demolitur, & vbi fures non effodiunt, neque furantur. sed meminerimus, hanc abscondi à sapientibus & prudentibus, & reuelari paruulis.

*Rom. 14.**Matt. 11.**Ioan. 15.*

PUNCTVM III. Considera Primò, perfectionem verè esse regnum Dei, quod quotidie in oratione Dominica postulamus. Non est enim regnum Dei esca & potus; sed iustitia, & pax in Spiritu sancto. Regnum Dei illud dicitur, per quod Deus in nobis regnat, vt D. Ioannes exponit. Reges autè verè sumus, si perfecti sumus, vt D. Chrysostomus multis declarat; quia verè perfectione virtutis regnum Dei intra nos est: & sicut in cælo Deus videtur, perpetuum est gaudium, corpora impassibilia claraque sunt, agilia, subtilia, ac velut ibi Sancti, filij Dei & amici liberi satiantur ab vbertate domus Dei; ita etiam aliquâ ratione perfecti, hæc in anima sua experiuntur. Magno ergo ardore ad illud regnum tendamus: regnum enim cælorum vim patitur, & violenti rapiunt illud. Considera Secundò, perfectionem nos constituere Dei amicos. quod declaratur ipsis æternæ Sapietiæ verbis: Vos autem dixi amicos, quia omnia quæ audiui à Patre meo, nota feci vobis. Quid non agunt homines vt amici Regis sint? quid verò tu agis, vt Dei fias? quid omitis, vt ei placeas? Nec amicos tantum perfectio constituit, sed filios Dei; ideoque imitari Patrem cælestem sic monemur, Estote per-

perfecti, sicut Pater vester cælestis perfectus est. Imò etiam animas sponſas filij Dei efficit, vt toto libro Canticorum manifestè ostenditur. Considera Tertiò, quantam pacem, delicias, familiaritatem cum Deo, quantam hîc & in cælis gloriam perfectus habeat. Quæ omnia quantum, Deus bone, desiderium in nobis excitare deberent! Concupiscentia enim sapientiæ deducit ad regnum perpetuum. Optaui, ait Salomon, & datus est mihi sensus: *Sap. 6.* inuocaui, & venit in me spiritus sapientiæ. Postremò vide, quæso, quid sit, quod, ne potiaris regno, thesauro illo, & bonis omnibus, impediatur, & ferè deprehendes esse rem parua, affectum erga aliquid creatum. Compara, & expende hæc cum perfectione, & statue firmiter magnâ voluntate ad eam incumbere.

Oratio pro perfectionis desiderio augendo.

O Pater æterne, dixisti mihi: Ambula coram me, & esto perfectus. Sed, eheu! quamdiu lacerabo carnes meas, & animam meam portabo in manibus meis? quamdiu laborabo, vt fodiam mihi puteum, quem appellare possum, Abundantiam gratiæ tuæ, vt sitim meam expleam, & dulcissimi Domini mei sitientis in ara crucis salutem meam? quando veniam, & accedam ad te fontem aquæ viuæ, & non sitiam amplius in æternum? Ecce sicut *Psal. 122.* oculi seruorum in manibus dominorum suorum, sicut oculi ancillæ in manibus domina suæ; ita oculi nostri ad te Dominum Deum nostrum, donec miserearis nostri. Sed ecce, audio: Expecta Dominum, & viriliter age. O amator hominum, quando venies? quando venies? ô veni, veni, & noli tardare. Etenim iam concupiuit anima mea desiderare iustificationes tuas in tempore. Et ecce, apparebo tibi in terra deserta, inuia & inaquosa, vt videam virtutem tuam, & gloriam tuam. Si tu esurientes replebis bonis? ecce esurio: satia, Domine, animam inanem, & animam esurentem satia bonis tuis. Si tu æstos solaris, Deus totius consolationis? ecce fuerunt mihi lacrymæ meæ panes die ac nocte, dum dicitur mihi: Vbi est

Baruch 3.

Prou. 3.

Deus tuus? Et hæc recordatus sum, & effudi in me animam meam. O quæ cecitas mentis meæ! quæ ignauia voluntatis meæ! quid enim me impedit quo minùs sim felix, & verè beatus? Ecce, Domine, amor mei, & creatura N. me retinent, & miserum ac infelicem cōstituunt. Aduua me, ô virtus mea. Quare obliuisceris inopia meæ, & tribulationis meæ? Deduc me, Domine, in viam, & doce me, vbi sit sapientia. Quis enim ascendit in calum, & accepit eam de nubibus? quis transfretauit mare, & inuenit illam? non est qui possit scire vias eius. Doce me vbi sit thesaurus absconditus, & margarita pretiosa, ob quam meritò omnia bona vendam, & quasi nihilū despiciam. Beatus enim verè homo est, qui inuenit sapientiam, & perfectionem consequitur: & melior est acquisitio eius, negotiatione auri & argenti primi & purissimi. Fructus eius pretiosior est cunctis opibus: & omnia quæ desiderantur, huic non valent comparari. Super salutem & speciem dilexi illam, & proposui pro luce habere illam: quoniam inextinguibile est lumen eius; & venient mihi omnia pariter cum illa, & innumerabilis honestas per manus illius. Tu, inquam, venies ad me, & mansionem apud me facies, & habitabis in tabernaculo cordis mei: & exultabo & letabor in te, & diligam te in toto corde meo: quod est vnicum desiderium meum; regnum, quod peto; thesaurus, quem quero; margarita, quam emere concupisco; beatitudo, ad quam toto corde suspiro.

Praxis pro desiderio perfectionis augendo.

Bernard. de
ordine vitæ.

PRima. Statue firmiter perfectionē sequi, & vim inferre regno cælorum, atque voluntatem istam perpetuò adauge. Caue autem sedulò, vt Bernard. monet, minora vitia, vt maiora: quia à minimis incipiunt, qui in maxima proruant; & minima etiam lucra confectari, maximus quæstus est: omni enim habenti dabitur.

Secunda. Vide, vt sæpè dixi, omnia creata, & considera vt illa te ad perfectionem inuitent, illius desiderium in te augeant, & velut dona ferant, quibus, ex parte Dei, ad illum te pelliciant.

Tertia. Frequenter age cum viris spiritualibus, & colloquia
pia

pia fere. Nam ut in meditatione, sic in colloquio exardescit ignis, ut egregiè Bern. Cum enim perfectionē quæreretur, & in quo recalesceret spiritus, dormitabat, ait, anima mea, mussitans secum illud, A facie frigoris eius quis sustinebit? cum subito fortè ad affatum, vel etiam aspectum cuiusdam spiritualis perfectique viri interdum, & ad solam defuncti, seu absentis memoriam flabat spiritus, & fluebant aquæ. Nimias tamen familiaritates vitæ.

Bernard. serm.
14. in Cant.

Quarta. Desideria a Domino immissa, annota: & quæ olim habuisti, feruida, cum remissior est animus, recole.

Quinta. Constitue tibi aliquem, aut plures, quos in variis virtutibus imiteris; ut de S. Antonio commemoratur. Hoc monet Ecclesiasticus dicens: In partes vade sæculi sancti, cum viuis & dantibus confessionem, id est, mortuorum ac viuorum exemplis, te ad perfectionem stimula.

Ecclesi 17.

Sexta. Diligenter obserua inspirationes diuinas, & audi quid loquatur in te Dominus: atque ad hoc vide, ut totum te rebus nostras, sed commodas, neque iis nimium occupari te sinas.

IACVLATORIÆ.

Sapientiam amavi, & exquisui à iuuentute mea: & quasi sponsam mibi eam assumere, & amator factus sum formæ illius. Sap. 1.

Lex Domini immaculata, conuertens animas: testimonium Domini fidele, sapientiam præstans paruulis. Psalm. 18.

Iustitiæ Domini recta, latificantes corda: præceptum Domini lucidum, illuminans oculos. Ibidem.

Desiderabilia iudicia tua super aurum, & lapidem pretiosum multum, & dulciora super mel & sauum. Ibidem.

Quis ascendet in montem Domini, aut quis stabit in loco sancto eius? innocens manibus, & mundo corde. Psalm. 23.

C A P V T III.

Exercitium pro Sui renouatione quot hebdomadis faciendum.

COMPOSITIO LOCI fit, quasi videas ex orbe terrarum vndique euocari subito ad iudicium, alium ex agro, alium ex mola, lecto, cubiculo, conuiuio, variaque morte, seu via ad illud properare.

ORATIO. Pete animi renouationem.

PUNCTVM I. Considera Primò, si iam moriendum tibi foret, & reddenda vitæ ratio, quàm vana omnia mundi studia apparerent; inania omnino quæ iam præterita, cùm nihil super sit; vilia verò præsentia; plena autem timoris futura: & quid tunc optares te fecisse, expende. Secundò, cogita quàm sit irrecuperabile tempus amissum, & occasiones quas habuisti bonorum, ac quomodo deinceps ijs melius vteris, dispice. Tertiò, vide tuum progressum in via virtutis, qualis quantusque sit. Colliges autem eum, si finem attenderis cur vitam spiritualem agere cœperis; quem initio perfectionis gradum, & quâto affectu ac voluntate tibi proposueris, aut certè proponere debueris, quidque status tuus exigat. Quis autem ille fuit? nempe Primò, Deo toto corde, & totâ animâ adhærere: qui enim adhæret Deo, vnus spiritus fit cum eo. Secundò, cum proximis omnibus pacem habere, caritate ac voluntate coniungi; si Superiores, in super nullo legiorum, vel præcepto, iudicio aut voluntate repugnare. Tertiò, res humanas, laudes hominum, opes & mundi gaudia odio tui abnegare, ac diuinis oblectari. Vide igitur quomodo adhæreas Deo tribus potentijs. Memoriâ, scilicet, vbique eum præsentem habendo,

1. Cor. 6.

do, & colloquendo sapissimè: oportet enim semper ora- *Luce 19.*
re, & non deficere. Secundò, intellectu, omnia opera
eius, & iudicia iusta, seu bona tibi alijsque tribuat, seu
mala immittat, laudando. Tertiò, voluntate, numquam
de Deo, aut homine querendo, aut euentu aliquo, idque
quia neque malum, neque bonum est in ciuitate, quod
non fecit Dominus: nullum mandatum quantumuis par-
uum, scienter ac prudenter negligendo. Attende etiam,
an puram in omnibus intentionem habeas, id est oculum
mentis purum. Considera Secundò, quomodo erga pro-
ximum profeceris: ac Primò, memorià, an neminem neg-
ligas & omittas, sed vltro commodis proximi, maximè
parum tibi affecti, studeas, eiq; gratificeris. Secundò, in-
tellectu, an contentiosè cum nemine agas, sed libens iu-
dicium tuum submittas, maximè Superiori. Tertiò, vo-
luntate, an idem cum ijs, maximè Superioribus, sapias, di-
cas; & planè resignatus sis, nihilque designes in re, loco,
officio, & occupatione tua. An proximi bonis, laude, ho-
nøre vti tuis recreeris, ei gratuleris, eumque promoueas;
malis eius condoleas & compatiaris, ac re, quâ potes in
corpore & spiritu cum zelo adiuues, idque propter Deû,
non sympathiam, aut gratiam aliquam naturalem: an ve-
rò auerferis, iudices in animo tuo, te ei præferas, de eius
defectibus loquaris. Considera Tertiò, quomodo in con-
temptu rerum humanarum, laudis, vituperij, & iudicio-
rum humanorum sensu, commoditatum & recreatio-
num, quæ sensibus percipiuntur, despectu, mortificatio-
ne, & odio tui progressum feceris. & Primò, an tui me-
moriâ ac commodorum negligas, & æternorum amo-
re ea despicias. Secundò, an intellectu præ omnibus om-
nino te vilem æstimes, & æstimari ac haberi velis. Tertiò,
an voluntate amplectaris eos qui de te malè sentiunt &
loquuntur, eosque laudes atque ames: qui te verò lau-
dant, æstiment, & te decipiunt, minimè eo nomine dili-
gas ac foueas. Omnino sibi imponit, qui profectum suum

me-

metitur ex sola meditatione & contemplatione, eiusque affectu. Etenim si meditatio, vel oratio tua feruet, & bona est, cum sit ipsa eleuatio mentis in Deum, certum est, te sustolli peream super altitudinem terræ, & terrena, atque effici vt nihil petas aut desideres præter Deum, eiusque sanctissimam voluntatem. Si id non efficiat, frustra de ea gloriaris, & delusio potius est, quàm profectus indicium. Quartò, statue, quomodo deinceps vitam agere, ac in via mandatorum Domini, & consiliorum ambulare velis.

PVNCTVM II. Considera Primò, quæ te remora tardet in via salutis, quæ passio, quæ creatura, vel eius amor. Secundò, an possis eam remouere, & quanta sit dementia id omittere, quantoque potius conatu tollere oporteat, ac de examine particulari seriò statue, eaque media adhibere, quæ iuuare efficaciter possint. Quid enim? Cerrè seriò sanitatem non vult, qui media inefficacia, ac talia reipsâ & annis, atque experienciâ multâ probata, solum vult adhibere. Secundò, coram Deo expende, quàm triste, quàm pudendum, videre meliora & sanctiora, tantam perfectionis, veræque virtutis ac libertatis gustare posse dulcedinem, ac eminentis super omnia animi excellentiam; & tamen ob honoris appetitum, vel affectum erga creatum aliquod, & breuissimum solatium, illa tanta bona non consequi. Pone ergo cor tuum super vias tuas; & vide, cur in te varicinio illi locus sit, Seminastis multum, & intulistis parum; comedistis, & non estis saturati; bibistis, & non estis inebriati; operuistis vos, & non estis calefacti; & qui mercedes congregauit, misit eas in sacculum pertusum? certè quia seriò animus non applicatur.

Aggail.

PVNCTVM III. Considera semitas domus tuæ, actiones, inquam, tuas à manè vsque in vespèram; & duo in ijs attende. Primū, quomodo eas facere proposueris; Secundū, an proposita exequaris. Præterea considera, quo pacto

Et in aduersis te geras, quàm patienter atque humiliter. Postremò ea, quæ propoluiſti, ſcripto annota, & Sanctiſſimæ Trinitati offer, per manus B. Virginis, & Angeli Cuſtodis; te quæ totum Deo conſecra, etiam repetitis votis, ſi Religioſus es.

Oratio pro profectu.

Heu mihi, quia incolatus meus prolongatus eſt! habitauimus cum habitantibus Cedar, multùm incola fuit anima mea. Pſal. 119.
 Expectauimus iudiciũ, & non eſt; ſalutem, & elongata eſt à nobis. Iſaiæ 59.
 Multiplicata ſunt iniquitates noſtra coram te; & peccata noſtra reſponderunt nobis. Aufer, quaſo, de medio mei catenam N. & fac vt oriatur in tenebris meis lux tua; & tenebra mea ſiãt ſicut meridies. Iſaiæ 58.
 Vſquequo piger dormiam? quando conſurgam de ſomno meo? Ecce enim venit mihi quaſi viator egeſtas, & pauperies quaſi vir armatus. Si verò impiger fuero, veniet vt fons meſſis mea; & egeſtas longè fugiet à me, quam operata eſt manus mea remiſſa. Prou. 6.
 Ecce enim tot annos laboro in vanum; & tot à die concupiſco, & deſidero; & deſideria mea occidunt me: quia ſtrenuè & conſtanter non operor ſalutem meam, & cibum, qui non perit. Et verò quid me retinet, ne diues ſim, ne ſapiens, ne beatus, ne regnum tuum intra me ſit? Ecce N. ô Deus meus! erubeſco coram te. Prou. 10.
 qua inſania mea, vt propter hoc, N. aut iſtud, N. tot tantiſq; bonis, tot inquam frui non libeat, immò non liceat? Si vis, potes me ſanare. Sana, obſecro, & requiem da mihi: imple ſplendoribus animam meam, & libera oſſa mea, & indue me fortitudine tuâ. Iſaiæ 58.
 Fac vt ſim quaſi hortus irriguus, ſicut fons aquarum, cuius non deficient aquæ: vt vocari poſſim Sabbatum delicatum, ſanctum Domini, glorioſum; & non inueniatur ampliùs in me voluntas mea. Tunc delectabor ſuper te, Domine, & ſuſtolles me ſuper altitudines terræ; & cibabis me hereditate tuâ, & replebor ab vbertate domus tuæ.

Oratio

Oratio Diui Thomæ Aquinatis.

COncede mihi, misericors Deus, qua tibi placita sunt diligenter & ardentem concupiscere, prudenter inuestigare, veraciter agnoscere, perfectè adimplere, ad laudem & gloriam nominis tui. Ordina statum meum, & quod à me requiris vt faciam, tribue vt sciam, & da exequi sicut oportet, & expedit salutem animæ meæ. Da mihi, Domine Deus, inter prospera & aduersa non deficere, vt in illis non extollar, in istis non deprimar, de nullo gaudeam vel doleam nisi quod ducat ad te, vel abducat à te. Nulli placere appetam, vel displicere timeam, nisi tibi. Vilescant mihi, Domine, omnia transitoria, & cara mihi sint omnia tua propter te, & tu Deus meus, præter omnia. Tadeat me gaudij quod est sine te, nec cupiam aliquid quod est extra te. Delectet me, Domine, omnis labor qui est pro te, & tædiosa sit mihi omnis quies quæ est sine te. Frequentem da mihi, Domine, cor ad te dirigere, & in defectione mea cum emendationis proposito dolendo pensare. Fac me, Domine Deus, obedientem, sine contradictione; pauperem, sine defectione; castum, sine corruptione; patientem, sine murmuratione; humilem sine fictione; hilarem, sine dissolutione; tristem, sine deiectione; maturum, sine grauitate; agilem, sine leuitate; timentem, sine desperatione; veracem, sine duplicitate; operantem bona, sine presumptione; proximum corrigere, sine elatione; ipsum adificare verbo & exemplo, sine simulatione. Da mihi, Domine Deus, cor peruigil, quod nulla abducat à te curiosa cogitatio; da nobile, quod nulla deorsum trahat indigna affectio; da rectū, quod nulla deorsum obliquet sinistra intentio; da inuictum, quod nulla frangat tribulatio; da liberum, quod nulla sibi vindicet peruersa & violenta affectio. Largire mihi, Domine Deus, intellectum te cognoscentem; diligentiam, te quærentem; sapientiam, te inuenientem; conuersationem, tibi placentem; persuerantiam, te fideliter expectantem; & fiduciam, te finaliter amplectentem; tuis pœnis configi, per pœnitentiam; tuis beneficijs in vita vtī, per gratiam;

tiam; & tandem tuis gaudijs in patria perfui, per gloriam. Qui cum Patre, &c.

Praxis ad mentis renouationem instituendam.

Prima. Considera, modo suprâ declarato, profectum & defectum aliquo tempore succisuo: vel hoc perbreui: An melius te habeas erga Deum, proximum, & teipsum. Maximè verò attende ad examen particulare, an sint in eo pauciores lapsus, quàm superiore hebdomadâ, an plures; & quasi subduc rationes tuas, atque annota, si videtur. Sic enim multi quotidie consignant gesta sua. Sic B. P. Ignatius omnes etiam Spiritus sancti motus, ac vitam suam in libellum digerebat.

Secunda. Si minùs te proficere senseris, ac stimulari tali v. g. exercitatione, meditatione, aut lectione, spontaneâ pœnitentiâ, aliam propone, imò & voto contra inconstantiam, sed pœnali, aliquando confirma te, ex iudicio Superioris vel confessorij.

Tertiò. Percurre diarium, siue scriptum, quo actiones tuas ordinasti, atque ad illius perfectam obseruationem collima.

Quarta. Proposita variis Sanctis dica, atque offer ex intentione sancta; & coram Venerabili Sacramento, vel post communionem, confirma.

Quinta. Inter alia autem vide, vt semper proficere studeas in vera humilitate; Secundò, in vera caritate, potiùs opere, quàm sermone eam declarando; Tertiò, in communicatione cum Deo, seu Dei præsentiâ; Quartò, in pura intentione; Quintò, in cultu Beatæ Virginis.

Alia methodus colligendi sese, & praxis.

Suprà dixi, exercitium quod post meditationem positum fuerat quadrimembre, varium vsum habere: tum ad manè surgendum: tum vesperi incumbendum: tum ad animum recolligendum. Si igitur superius posita meditatio prolixior videatur, vt ere hac methodo.

Constitue te in præsentiâ Dei, & Primò considera beneficia à diuina liberalitate tibi, hebdomadâ superiore collata: & gratias age.

Secundò, considera defectus; & maximè consuetudine aliquâ

inueteratos; an proficias, an secus: & quid maximè in viate impediatur, & ei examen particulare adhibe.

Tertiò, considera actiones tuas à manè vsque in vespèram, & formà eas ad regulas, & institutum tuum, si Religiosus es, & ad exemplum Domini Iesv, & Sanctorum.

Quartò, considera quomodo in aduersis te gesseris, quàm moderatè, tranquillè; & prouide ea quæ euenire possent, animum-que roborà.

Postremò, scribe proposita breuiter, aut decreta; & Deo ac Domino nostro offer.

Hæc puncta quatuor, magnam vtilitatem habere & compendium vitæ spiritualis, vsus docere poterit. Obserua autem, singula per se etiam exercitium facere; ideoque in capita plura totum illud distribue. Cum verò hac praxi re colliges, & renouabis desideria; imagines infra positas, quæ hisce capitibus quatuor respondent, si libet, inspice; spero, Dei gratiâ, auxilio spirituali fore.

Signa profectus.

HUc pertinet signa profectus aliquando peruestigare, ad quæ cognoscendum, conducet legisse, quos quælibet virtus gradus habeat. Addo etiam compendio ea quæ apud Senecam de profectu morum legi; & in tenebris gentilitatis lucem tantam vehementer sum admiratus.

*Seneca lib. de
profectu moru.
Signum pri-
mum profe-
ctus est amor
ingens & quasi
esuries virtu-
tis.*

Matth. 5.

*2. Aspera non
horre.*

*3. Aliorum
iudiciis di-
ctisq; non mo-
ueri.*

2 Tim. 3.

Primum, ait, indicium profectus, est eius amor vehemens; nõ contenta est Philosophia, vt præsens dumtaxat nos amore sui capiat, velut vnguenta; quorum absentia nemo diseruciatur: sed in ediam quamdam sitimque oportebit concipere, sicubi auellimur: taliq; argumento intelligere vtrique licebit, nos verè profecisse. O Sapientia æterna tu etiam hîc in tenebris lucès; quæ dixisti, Beati qui esuriunt & sitiunt iustitiam, quoniam ipsi saturabuntur.

Secundum. Asperam non horrere viam, neque laboribus à virtute deterreri. Nõne est quod dixisti Domine Iesv, Qui vult venire post me, abneget semetipsum, & tollat crucem suam, & sequatur me?

Tertium signum est, ait, si placido tranquilloque sit animo, ita vt nihil commoueatur quibuscumque imperfectorum dictariis, nihilque reluctetur. Omnes enim qui piè volunt viuere in Christo Iesv, persecutionem patientur, etiam à fratribus & amicis.

Quar-

Quartum. Ea quæ quisque audit aut legit, ad morum correctionem, affectumque, in vitiorum alleviationem trahere; sicut apud mel è flore colligit, cum alij nihil præter colorem & odorem in illis admirentur. Hoc est, quod Sancti vocant coniunctionem cum Deo habere.

4. *Omnia ad virtutem trahere quæ quis legit.*

Quintum. Non solum ex doctrina, & libris, verum etiam spectaculis ac quibusvis aliis negotiis philosophari; & ad bonam frugem, suis incrementis proficere. Nonne ita fecit dulcissimus Iesus, dum Apostoli illi lapides templi ostenderent: & dum Sapientia æterna parabolis ex rebus obuiis, nos erudiret?

5. *Imò etiam spectacula & quævis alia.*

Sextum. Ostentationem fugere, & contumeliam ferre; euidēs planè documentum est, hominem in Philosophiæ studio promouisse Videas, ait, nonnullos etiam nū discentes, qui mox ad ostentationē omnia cōferunt; de virtute magnificè disserere, id esse philosophari putāt; perinde ac si quis credat, pharmaca populo vendere, id esse mederi. Hinc viros sanctos & modestos nūquam audies de visionibus, de reuelationibus multa loqui, vel iactare: sed parcè & modestè, cum necesse est, agere. D. Vincentius, certè vir sanctissimus, & miraculis quidem clarissimus, sed longè clarior virtute, tractatu aureo de Vita spirituali, dicit: Qui volunt se subdere Deo, non desiderent per orationem, vel contemplationem, vel per alia opera perfectionis, visiones, vel reuelationes, vel sentimenta, quæ sunt supra naturam; quia prædictum desiderium non potest esse sine radice superbix. Imò, non sustineas aliquam consolationem, ex qua tibi videtur quòd fundares te in præsumptione, & æstimatione tui ipsius: & propter hoc, caue, ne in tua oratione vel cōtemplatione sustineas aliquā consolationem, nisi illam, quæ venit post perfectam sui notitiam, & completum sentimentū tuæ humilitatis & imperfectionis, & quæ facit perseverare dictam notitiam, & antedictum sentimentum & exclamat: Heu! heu! Deus, quòt personæ sunt deceptæ per istum modum! Monet insuper, vitandas tales personas, & qui eos laudant: additque. Credo quòd plus placet Deo, quòd visiones, sentimenta & raptus, qui, secundum quod dictū est, habent similitudinem veritatis & bonitatis, dimittas ire, pro tanto, quantum valent: nisi contingant aliquibus personis, ratione sanctitatis & discretionis, ac ex eorum humili probitate (hic enim Lydius lapis est, ad aurum deuotionis probandum); & tunc, quamuis sit pium visionibus & sentimentis talium personarum, consentire, tamen securum est, non totaliter credere eis, ratione sui, & per rationem prædictam; sed quantum concors cū fide Catholica est,

6. *Ostentationem fugere.*

D. Vincent. de vita spirituali c. 11.

sacra Scriptura, & bonis moribus, & verbis sanctis, ac doctrina Sanctorum.

7. *Applausum non captare.*

Septimum. Applausum populi non captare. Perspicuum igitur est, ait, eis qui fructum ex Philosophiæ studio percipere moluntur, deponendum esse protinus, quidquid vanum est & arrogans. Modestia enim sapientiæ comes est. Et quemadmodum è vasis liquorem aliquem recipientibus aërinanis expellitur, sic, qui in Philosophiæ studio veris implentur bonis, fastum exaunt. Adde, quod sibi seueriores tum sunt, magisque rigidi, aliis contrà, benigni & placidi. Huc pertinet, quod à Menandro, non minus verè, quàm eleganter dictū est: Complures videlicet esse, qui Athēnas nauigent Philosophiæ gratiā, primū sapientes, deinde sapientiæ amantes, ac mox Rhetores; neque ita multò pōst idiotas, rerumque omnium ignaros sese appellare. Quo enim magis cuique ex Philosophia accedit rationis, eo plus decedit fastus & arrogantia. Hinc videmus viros sanctos in quolibet Ordine, nō se, non suos, non institutum cæteris præferre, non efferre; sed alios omnes præ se æstimare aclaudere. Ordinem enim tuum multum inhonorat apud prudentes, vt docet D. Vincentius de vita spirituali, qui tacitè se propter eum extollit, quem ad sui demissionem assumpserat.

8. *Reprehensionem ferre a quo animo.*

Octauum. Reprehensionem ferre æquo animo; imò ingenuè se offerre corripientibus. Quicumque enim peccant, & monitoribus vitia corrigentibus sunt asperiores; hi profectò malo, & quasi phrenesi laborant, non admittente curationem. quid dicit ad hæc, cui monitio, exacerbatio; curatio, inquam, vulnus fit; & medicina, languor; & quisquis vult mederi, inimicus?

9. *Asomniis raro quid turpe videre.*

Nonum. Ex somniis, ait, deprehendere licet, num quis profecerit in studio virtutis. Si enim in somnis nullā capitur voluptate erga turpitudinem; neque graui inhiat crimini, quo se contamnet; prorsusque nihil videt cum vitio & fœditate coniunctum: consentaneū est, omnia in tuto esse posita. Siquidem, vt equi iugales, rectā currere instructi, non deserunt viam, etiā dormiente aurigā: ita bruti affectus domiti, nec in somnis, facillè recalcitrant. Quis non miretur in Veneris cultoribus tales inueniri pudiciæ ac castitatis amatores? Quid si cognouissent filium Virginis, Iesus vix sponsum animæ nostræ? Tolerauit ille in Iuda, avaritiam; in aliis, arrogantiam; ambitionem in omnibus, & contentionem: nunquam turpitudinem. Ita etiam, quisquis seruum Dei cognoscere velit, hac notā vtatur, castitatis: an, quidquid vllō modo ei, vel eminus aduersatur, detestetur, vt summum flagitiū; quidquid insidiatur, vt dæmonem horrescat; ubicumque eius periculum aliquod,

aliquod; vt mortem reformidet, numquam sibi cum sola quocūque prætectu instructionis, meditationis, aut quouis alio confidens; imò etiam sibi soli suspectus, vt de viris sanctis accepimus.

Decimum. Affectus noxios experiri sedatores. Illud autē colligi potest, intelligendo malorum desideria in nobis iam esse remissiora, quàm fuerunt olim. Aduertendum etiam, num in victus ratione rigidiores nobis ipsis, an licentiâ nimîâ simus laxiores; in rebus gerendis, maturitate vtamur, an inconsultâ temeritate. In anima enim, quam inhabitat princeps pacis, Dominus IESVS, non tumultuantur carnis passionēs; sed si exurgant, dicit ille, Tace, & obmutescere; sitque tranquillitas: dissipellit, vt sol, caliginem, & nubes dissipat animæ nostræ.

10. *Affectus
experiri
sedatores.*

Vndecimum argumentum est, si mox imitari conemur, quod nobis est admirationi, seduloque probatur. Sic Themistoclem Miltiadis trophæa excitabant. O quot sunt, qui Sanctorum hæc & illa dicunt; & quæ in iis laudant patientiæ, humilitatis & abiectionis opera, in se factis vituperant! Quid si Seneca Vnigenitū, qui est in sinu Patris, audisset, legisset quæ gessit ille pro nobis, quæ passus, inquam, pro nobis? si attendisset verbum illud: Exemplum dedi vobis, vt quemadmodum ego feci, ita & vos faciatis: verbum penetrabilius omni gladio accipiti?

11. *Imitari
quod in alijs
admiramur.*

Duodecimum. Iam si libeat, ait, præter ea, quæ recensuimus indicia profectus, & hoc, non parui momenti, adiungas velim: Ne quis peccatum aliquod reputet exiguum, sed sollicitè quoduis caueat atque deuitet. Vt enim qui se diuites fore desperant, impendia exigua flocci pendunt, nihil magni efficere illa credentes, si tenui aceruo accesserint (at spes ditescendi nihil negligit, quantumcumque exigui lucelli; eoque magis auget aris appetentiam, quo propius admotæ fuerunt opes.) Sic haud dubiè vsu venit, in negotiis per virtutem gerendis: non enim illic locum habet indulgentia, vt dicas: Hoc perpusilli momenti est, ad illud. Nōne idem Spiritus sanctus clarè nobis explicauit, *Ecclesi. 19.* dicens: Qui spernit modica paulatim decideret?

12. *Peccata &
defectus par-
uos vitare.*

IACVLATORIÆ.

IN toto corde meo exquisui te; ne repellas me à mandatis Psalm. 118.
tuis.

Viam veritatis elegi, iudicia tua non sum oblitus.

Ibidem. 1

Ecce concupiui mandata tua, in æquitate tua viuifica me.

Ibidem. 2

VIGESIMÆSEXTÆ IMAGINIS

A N N O T A T I O.

1. Theſſ. 5. In omnibus gratias agite : hæc eſt enim voluntas Dei.

Post meditationem Deo A gratias age pro innumeris eius in te beneficijs, B creatione, C redemptione, D Sacramentis, E dono orationis, F virtutibus, G sanctis inspirationibus. Attende, & gratias Deo age, quòd praesidio H boni Angeli aduersus I demonis insidias te tueatur : K à tot periculis, morbis, lanienis, latrocinijs, ruinis, aqua ignisq; iniurijs custodiat. Quid verò pro tot bonis Deo rependes? gratias Deo age, maximè quòd adeò longâ patientiâ te tolerarit, qui aliàs fueras cum demonibus & impijs L periturus. Igitur M cor tuum laudabundum penitus, in Deo solum, eiusq; voluntate quietem quaerat & conquiescat.



CAPVT. IV.

Exercitium de Gratiarum actione.

SVperiori capite quadrimembre exercitium breuiter explicauimus, nunc singulas eius partes pluribus prosequamur.

PRÆLVDIVM I Constitue te in conspectu Dei, & curiæ illius: magnoque desiderio, verecundè tamen, accede ad choros Sanctorum Deum laudantium.

PRÆLVDIVM II. Pete à Domino, vt det tibi gratiam, vt gratias agere possis; à curia verò illius, vt tuas laudes suis coniungi non dedignentur.

PARS I. Gratias age Deo pro beneficijs

Primò, Christi Domini nostri humanitati concessis. Primò, quòd coniuncta Verbo diuino; Secundò, caput sit Angelorum & hominum; sitque Tertiò, in eo omnis plenitudo gratiæ, sapientiæ, scientiæ & sanctitatis.

Secundò, pro ijs quæ concessa B. Virgini, quòd mater sit Dei; Secundò, absque macula vllius peccati; Tertiò, donata gratiâ maximâ; Quartò, maximâ gloriâ super omnes Sanctos, & Angelos Dei exaltata.

Tertiò, pro ijs quæ concessa Angelis, pro eorum creatione, electione, & perseverantiâ, gloria, & officij dignitate.

Quartò, gratias age ob beneficia Sanctis collata, quòd ad perfectionem eos vocarit; Secundò, tot virtutibus ornarit; Tertiò, miraculis honorarit; Quartò, gloriâ cumularit; Quintò denique, quòd eorum intercessione plurima concefferit.

Quintò, gratias pro iis age, quæ iustis largitur: siquidem iustinet eorum imperfectiones, purgat, illuminat

scientiâ, accendit caritate, à malo retrahit, & tribulationibus eripit, & felicem mortem concedit.

Sextò, gratias age pro peccatoribus; Primò, quia eos sustinet; Secundò, vocat eos benignè ad gratiam; Tertiò, largitur temporalia; Quartò, in morte salutem donat.

Septimò, pro beneficijs collatis in Ecclesiam, quòd ea Christum habeat pro capite & sponso; Secundò, à Spiritu sancto gubernetur; Tertiò, sola certam & veram habeat doctrinam; Quartò, Sacramèta; Quintò, iucundam Ordinum varietatem.

Psal. 90.

Octauò, pro beneficijs tibi similiter, quasi soli concessis gratias age; pro beneficio creationis, naturæ, fortunæ, & maximè incarnationis, redemptionis, & dono gratiæ, fidei, spei & caritatis, orationis, &c. quòd Angelum custodiæ tuæ Deus deputarit: Angelis enim suis mandauit de te, ne fortè offendas ad lapidem pedem tuum. neque tantum dedit tibi, & hominibus singulis; sed & Prouincijs, Religionibus, Collegijs, Prælati, vt illi nos gubernent secundum suam sanctissimam voluntatem. Expende valdè, Primò, gratiam Baptismi, pœnitentiæ, & vocationis; Secundò, quàm multi perierint, te saluo, priusquam ad Baptismum venirent, quàm multi post illum à pœnitentia subitâ morte exclusi. Attende etiam quàm multa aduersa sint in hoc mundo, & quot occasiones operum misericordiæ, & tot videbis, quot miserijs benignissimus Deus te liberarit. Tertiò, inuita omnes Angelos sanctos, & omnes denique creaturas, vt tecum laudent Deum pro immensis beneficijs, quæ immerenti præstat. Quartò, offer illi cor tuum, & omnes actiones, verba & opera gratissimo animo.

Bonaui.

PARS II. Considera quantas gratias Deo pro dono orationis agere debeas. Siquidem per orationem omnia ad nos bona deriuari voluit: neque tamen oratione nostrâ indiget Deus; sed eam ad multiplicem vtilitatem conuertit. Oratio enim, vt ait D Bonauentura, non est causa

causa beneficentiæ eius, sed via, vt etiamsi non propter illam, tamen sine illa nostri non misereatur. Secundò, quòd per eam liceat cum Deo colloqui, & quoties libet, ad thronum tantæ maiestatis admitti. Tertiò, propter effectus orationis. Primò, iram enim Dei placat. Orauit Moyses, ait Scriptura, Dominum, & placatus est. *Exod. 32.* Secundò, impetrat peccatorum veniam. Omne debitum dimisit tibi, quia rogasti me. Tertiò, à periculis liberat, & malis. sic Ezechias fugat Sennacherib. Quartò denique, omnia *Matth. 18.* *4. Reg. 19.* impetrat corporalia & spiritualia.

PARS III. Considera, quanta sit liberalitas Dei erga nos, qui tam facilè, qui vnico sæpè verbo rogantibus nobis tanta concedit, vt patet in plurimis Sanctis; & quàm ingratum illi, quòd sæpè non libeat, nec Religiosis orationem debitè facere, vt ad perfectionem venire queant; cùm ipse tam amanter inuitet, dicēs: Omnis qui petit accipit, qui quærit inuenit, & pulsanti aperietur. Secundò, quanta benignitas, quòd tales, tam distractas orationes etiam non refugiat ipse Deus optimus maximus. Tertiò, quòd pro sua paterna cura nobis deneget quæ noxia iudicauerit, & in tempore oportuno exaudiat. Omnis, ait, *Matth. 7.* qui petit accipit; & qui quærit, inuenit; & pulsanti aperietur. Aut quis est ex vobis homo, quem si petierit filius suus panem, numquid lapidem porriget ei? aut si piscem petierit, numquid serpentem porriget ei? si ergo vos, cùm sitis mali, nostis bona dare filiis vestris; quanto magis Pater vester, qui in cælis est, dabit bona petentibus se?

Canticum Iesu filij Sirach.

Confitebor tibi Domine rex, & collaudabo te Deum saluatore- *Eccli 51.*
rem meū. Confitebor nomini tuo: quoniā adiutor & protector factus es mihi, & liberasti corpus meū à perditione, à laqueo linguæ iniquæ, & à labiis operantium mendacium, & in conspectu astantiū factus es mihi adiutor. Et liberasti me secundū multitudinem.

dinem misericordie nominis tui à rugientibus, preparatis ad escā, de manibus querentiū animam meam, & de portis tribulationū quæ circumdederunt me: à pressura flammæ quæ circūdedit me, & in medio ignis non sum aestuatus: de altitudine ventris inferi, & à lingua coinquinata, & à verbo mēdacij, & à rege iniquo, & à lingua iniusta: laudabit vsque ad mortem anima mea Dominum, & vita mea appropinquans erat in inferno deorsum. Circumdederunt me vndique, & non erat qui adiuuaret. Respicieus eram ad adiutoriū hominū, & non erat. Memoratus sum misericordie tuæ Domine, & operationis tuæ, quæ à sæculo sunt: quoniam eruis sustinentes te Domine, & libera eos de manibus gentium. Exaltaſti super terram habitationem meā, & pro morte defluente deprecatus sum. Inuocaui Dominum patrem Domini mei, vt non derelinquat me in die tribulationis meæ, & in tempore superbōrū sine adiutorio. Laudabo nomen tuum asiduè, & collaudabo illud in confessione, & exaudita est oratio mea. Et liberaſti me de perditione, & eripuisti me de tempore iniquo. Propterea confitebor, & laudem dicam tibi, & benedicam nomini Domini.

Praxis ad gratias Deo datori agendas.

Bernard.

PRima. Præter eas, quas superiori libro habes, ea esse poterit, scripto colligere Dei in te beneficia particularia, eaq; verbis affectu plenīs describere, atque ita Dauidem & Prophetas imitari, quibus solēne erat, post acceptum aliquod beneficiū singulare, de eo carmē ac canticū componere. Disce, ait Bernard. in referendo gratiā non esse tardus aut segnis, disce ad singula dona gratias agere: diligenter cōsidera quæ tibi apponuntur, vt nulla Dei dona debitā gratiarū actione frustrentur. Eſt autem gratitudo magis operibus, quā verbis ſir ostendenda; tamē gratissimū Deo, si ob beneficia eum sæpē laudemus, eaq; meditemur. In singulis verō cōsideranda sunt quinque; Primò, infinita dignitas largitoris; Secundò, infinita caritas; Tertio, beneficij excellentia; Quarto, vilitas abiectioq; nostra; Quintò, infinita Dei liberalitas Vtq; gratiæ ritè agantur, rogandi beati illi spiritus sancti, vt, quia satis dignas agere gratias non possumus, nos iuuare dignētur. Deinde omnes creaturæ inuitandæ, munerāq; vicissim offerēda; Primum est, Dominum pro tuo Deo ac Domino agnoscere, vt Iacob: Si, inquit, fuerit

fuert Deus mecum, & custodierit me in via, per quam ego ambulor; erit mihi Dominus in Deum. Quò pertinet, facere decretũ, numquã sibi aliquid tribuendi, cum illi omnia oporteat, qui in omnibus omnia operatur. Secundum, statuere Deo gratis, & non tui commodi causã, seruire. Tertium, offerre ei omnia opera tua, labores, & te totum, ad omnia, quæ sapientiæ illius æternæ, & paternæ providentiæ visa fuerint, prospera & aduersa. Sic præcinit regius Propheta dicens: Quid retribuam Domino pro omnibus, quæ retribuit mihi? Calicem, ait, salutaris accipiam, (etsi amarũ) & nomen Domini inuocabo. Vota mea Domino reddam, (etiam cum ipsa vita) quia pretiosa in conspectu Domini, mors Sanctorum eius; quia scilicet sibi, & mundo moriuntur.

Psalm. 115.

Secũda. Quemadmodum verò recogitamus annos præteritos in amaritudine animæ nostræ, ita pro grauiorũ peccatorũ remissione, quorũ seruitute durã liberati sumus, gratias agere oportet, & pro infinita bonitate Dei erga nos, simul conteri de malitia nostra: ac exultare in Domino, quia iustitia eius & pax osculatæ sunt, veritas & misericordia obuauerunt sibi. Immo aliquod opus pium, quasi in compensationem, & gratiarum actionem Domino retribuire conuenit.

Tertia. Quoties aliquod à Deo beneficium accepimus, quia retribuire ei nihil possumus, proximo in eodem genere, siquidẽ id fieri potest, conferamus. Ideò decimas omnium, quæ possidebant Israëlitarũ, sibi Dominus tribui volebat, & primogenita consecrari. Imitare, & anima tua, quæ benedicit, impinguabitur. Ad locum enim, vnde exeunt flumina gratiarum, reuertuntur vt iterum fluant.

Prou. 11.

IACVLATORIE.

Cum Deo tam sit accepta gratitudo, viri sancti ac Prophetæ nulla in re magis, quàm gratiarum actione se exercuisse videntur; hinc totis penè psalmis hoc vnum David agit: accipe tamen aliquot versiculos tam sancto gratitudinis exercitio accommodatos.

Sit nomen Domini benedictum in sæcula: ante solem permanet nomen eius. Psalm. 71.

Magnificate Dominum mecum, & exaltemus nomen eius in idipsum. Psalm. 33.

Repleatur os meum laude, vt cantem gloriam tuam, totã die magnitudinem tuam. Psalm. 70.

Benedic anima mea Domino: & omnia quæ intra me sunt, nomini Sancto eius. Psalm. 102.

VIGESIMÆSEPTIMÆ IMAGINIS

A N N O T A T I O.

Examina defectus tuos ; & vitio ex-
scindendo , ac virtuti plantandæ
incumbe.

Tam A excute conscientiam, ab eaq̃, B rationem
exige coram C Christo indice. pone tibi ob oculos
D Dei præcepta, E regulasq̃ tuas. vide ut te F demon
accuset , quamq̃ parum G boni egeris ; proculca H
peccatum, & quemadmodum id fugias vide: mox de-
inde infelicem peccati I arborem , cuius fructus mors
est, exscinde, & nouam K virtutem insere. Tum L op-
pugna M vitium illud , peculiari curâ & examine,
illud inquam vitium quod te præcipuè à N decalogi,
O regularumq̃ tuarum observatione, id est in via Dei,
retardat. Inuigila in omnem victoriæ P occasionem;
& aduerte primum virtutis gradum esse molestissi-
mum, secundum faciliorem, tertium facillimum.



Con
cal
coram
tempo
guir
Pri
cepti
S
dece
T
& qu
min
Reli
C
con
C
vira
gen
mu

F
vid
at
ing
mal

C A P V T V.

De Examine generali.

Continet hoc caput modum faciendi examen generale; quod perinde, vti dixi, faciendum, tamquam si coram Deo, & Angelo, atque hoste nostro ratio præteriti temporis reddenda foret. Quinque verò partibus distinguitur.

Prima, est gratiarum actio pro omnibus beneficijs acceptis.

Secunda, est imploratio gratiæ pro cognoscendis & detestandis peccatis.

Tertia, discussio sui: incipiendo à postremo examine, & quoad fieri potest, cogitationes, verba & opera examinando ad Decalogi, & Regularum suarum, si quis sit Religiosus, normam.

Quarta, detestatio defectuum & peccatorum, varijs considerationibus excitata.

Quinta, propositum, quo quis decernit in futurum vitam in melius instituere; ad quod conducet primò, agenda & patienda prospicere, atque ad vtrumque animum comparare.

Exercitium de examine generali.

PVNCTVM I. Considera Primò, quot titulis Creatori & benefactori nostro par sit gratias agere. Secundò, vide sursum, & nihil aliud aduertere agi à Beatis. Tertio, attende deorsum, & audies nihil sonare inferos præter ingratitude, perpetuæque in bonitatem infinitam maledicta. Iamque vide quibus assimilari exoptes. Quartò,

tò, vide quàm paruo pro tantis eius beneficijs satisfacere queas; & cum singulis Sanctorum ordinibus atque Angelorum choris, exalta vocem cordis tui, & de omni corde tuo Deum ac Dominum nostrum laudare contende, vt pluribus capite primo dictum.

Ecclef. 9. PUNCTVM II. Considera, quantis tenebris inuoluti sumus; quot errores mundum inuoluant, sapientissimosque mortalium abducant in turpissima flagitia & insanias. Secundò, quàm multi Sancti grauius ob occulta peccata periclitati fuerint. Tertiò, quodque ideò incerti sumus semper, amore an odio digni sumus. Hinc collige quantà humilitate & instantiâ oporteat supplicare Deo Patri, vt memoriam firmet; Deo Filio, vt intellectum illustret; Spiritui verò sancto imprimis, vt voluntatem peccata cognita detestandi largiatur.

Seneca l. 2. epist. 84. PUNCTVM III. Considera semitas domus tuæ, & ingredi in cubiculum cordis tui, & vide quàm sit necesse emundare illam: Primò, à letalibus vulneribus, & eijcere inde capitales hostes, occupantes thronum, in quo dignaretur sedere benignissimus Saluator noster IESVS, & ad nos venire cum Patre & Spiritu sancto, & mansionem apud nos facere. Et si attendas quantà sedulitate ea, quæ circa corpus sunt, munda esse velis, facillè colliges quid in anima, quæ pretio superat cælum & terram, fieri oporteat. Secundò, aspice quàm vtile iam rationem reddere, & æterni lucri damna reparare; & in futurum prospicere. Tertiò, quanta prudentia sit seipsum perficere; aduertere vbi errore, vbi malitiâ, vbi facilitate à recto deuiauimus. Hoc nos, ait Seneca, pessimos facit, quòd nemo vitam suam respicit. quid facturi simus, cogitamus, & id rarò: quid fecerimus, non cogitamus: atqui consilium futuri, ex præterito venit.

PUNCTVM IV. Considera, quantum doleat, qui parentum, liberorum, bonorum, honoris, fauoris, lucri iacturam fecit: & vide quanto magis dolendum illi, qui lucri

cri æterni, gratiæ Dei, fauoris illius detrimentum subiit. Secundò, quantum dolere oporteat, quòd tam bonum & benignum Patrem & benefactorem homo offenderit, retribuendo mala pro bonis. Tertiò, vide vnde còtingat relapsus, & aduerteres fieri ex defectu veri doloris; ideoque in hoc maximè te exerce.

PUNCTVM V. Propone firmiter coram Deo & Angelis eius, vitare defectus, maximè eum, quem examine particulari studes corrigere: & vide quanti sit, in re qualibet firmum decretum. Collige verò ex eo, quòd videamus eos, qui inimici societatem æterno decreto vitare, & periculum corporis fugere statuunt, vix adduci villo pacto posse, vt à sententia discedant. Triplici autem modo firmantur decreta & promissa. Primò, si coram alijs fiant: facigitur coram Angelis, & Sanctis Dei, & Patronos inuoca. Secundò, si pœna adiiciatur: statuere igitur conuenit sibi, si relabatur, spontaneam aliquam afflictionem. Tertiò verò, iuuat indicare eadem alijs, maximè confessorio, vt humano etiam respectu confirmaris. Quartò, in particulari designare, qualiter vitam instituere velis. Quintò, quomodo etiam in aduersis te gerere.

COLLOQVIVM.

*Oratio pro examine complectens præcepta
Decalogi.*

Illumina, Domine, oculos meos, ne vnquam obdormiam in morte, neque in peccato conquiescam; ne quando dicat inimicus meus, Praualui aduersus eum: veni, lux vera, quæ illuminas omnem hominem, pelle tenebras cordis mei, vt videam te ad quem suspiro. desiderauit anima mea te in nocte, tu scis, donec adspiciat dies, & inclinarentur vmbra: & tu, cui nomen oriens, splende-
desce- Psal. 12.

desceres in corde meo. pracede me ad ostendendam viam per diem in columna nubis, & per noctem hanc in columna ignis: sine te enim mediâ vitâ in morte sumus: sine te sumus sicut oves errantes, sine te caci, & nescimus viam, in qua ambulemus. O veritas eterna, dissipa cordis mei caliginem, vt inter tot vie & vitæ huius varietates, ad te veniam, propter quem sum, viuo & suspiro.

1. Esdr. 9.

1. Ecce sto coram te hodie, Deus meus, & confundor, & erubesco leuare faciem meam ad te, quoniam iniquitates meæ multiplicatae sunt super caput meum, & delicta mea creuerunt vsque ad calum; sed sto coram patre filius, coram aduocato meo reus, coram redemptore meo seruus; ideoq; attollo oculos & mentem, & spem meam, vt propitiuss fias peccatis meis, & deleas omnes iniquitates meas. Conuerte me, & conuertar, quia tu Dominus Deus meus.

Ierem. 31.

Apoc. 2.

Fac, vt memor sim vnde exciderim, & pœnitentiâ & prima opera faciam. Debui te creatorem meum amare ex toto corde meo: idem tecum velle & nolle, & in te solo cōfidere, tibi credere. Sed, eheu! diuissum fuit cor meum, & posui carnem brachium meum; & ad nihilum reductus sum; & nesciui quòd in te solo stare, viuere & moueri possim & debeam, neque vñquam te erubescere, aut quæ supra me sunt, scrutari: sed humiliari sub potenti manu tua. Secundò, quemadmodum autem cor meum abiit in vanitates; ita etiam lingua mea inflammanit rotam natiuitatis meæ: quæq; deberet esse lignum vitæ, te laudare, de te loqui, ò omne bonum, mihi alijsq; mortis occasionem dedit.

Iacob. 3.

Ibidem.

2. O beatum & perfectum, qui non est lapsus in lingua! qui enim putat se religiosum esse, non refranans linguam suam; huius vana est religio. O ter felicem, qui reddidit tibi vota sua perfectè, quæ distinxerunt labia sua!

Psal. 64.

3. Atque vtinam saltem delectatus fuisssem in te, & Sabbatum delicatum seruasssem, in officiis tuis feruens: & exultassent labia, cùm cantarem tibi: psallisssem voce, psallisssem spiritu, vt delectarer in voce laudis tuæ! visitasssem enim terram, & inebriasssem eam, & multiplicasssem locupletare eam: flumen Dei repletum esset aquis, & lacryma meæ vinum fuissent Angelorum: benedixisssem corona anni benignitatis tuæ, & campi tui, potentia
anima

anima mea, impleta fuissent vbertate, & pinguiâ fuissent facta speciosa deserti: valles abundassent frumento, frumento electorum: & me vino stabiliuisses, in sacro Missæ sacrificio, vino electorum, vino quod germinat virgines.

4. Tum fuisset mihi cibus, facere voluntatem tuam, id est, Superiorum meorum: propter te alacriter & perseveranter obediuissem illis, neque durâ ceruice, & incircumciso corde, etiam in parvis Spiritui sancto aliquando restituissem: ipsi enim non mândant mihi, sed Spiritus tuus, qui loquitur in illis, quia dixisti, *Qui vos audit, me audit. Quàm libens, si hac cogitarem, ijs honorẽ, & amorem, & quæcumque alia tribuisssem, vt vicarijs tuis; cùm per- uigilent quasi rationem pro anima mea reddituri! Sed & ego sub- ditis meis, vt tibi, me exhibuisssem, necessaria curasssem, infirmita- tes patienter & onera portasssem; sciens quia quod vni ex minimis facio, tibi facio, ô Deus meus, & omnia.* Lucæ 10.
Hebr. 13.
Matth. 25.

5. O quantus hic esse stimulus debet, ne vllum cogitatione inuidiæ, verbo iniuriæ, aut factò ladam: sed pacem seruem, quoad fieri potest, cum omnibus; pacem Christi, quæ exsuperat omne gaudium! sumus enim filij tui, qui sinis solem tuum oriri super bonos, & malos. Et si amicos tantum & beneuolos diligam & salutem; ecce etiam Ethnici hoc faciunt, & fera: vincere autem in bono malum, hoc gratiâ tuâ filiorum tuorum est, & vnicum votum meum, vt in eorum numero censi valeam. Matth. 16.

6. Talis enim agnoscere in extremo iudicio spero; ideoq; sanè longè facere à me volo desideria turpia & illecebrosa, vt mundo corde te aliquando videam, & non peccem in corpus meum, aut proximi mei: sed diligentissimâ oculorum & sensuum custodiâ, repellam iacula ignita, igne illo candentia, qui ad internecionem deuorat, & sancta omnia profanat. Cor hoc mundum crea in me, Deus meus, & spiritum rectum innoua in visceribus meis: auerte à me superbiam; quam iusto tuo iudicio luxuriæ supplicio castigas, vt saltem vel sic homo humilietur, & se agnoscat, quia similis erat ei, qui considerauit se in speculo, & abiit, & oblitus est qualis fuerit. Psalm. 50.
Iacob. 1.

7. Concupiscentiam hanc restringas quaeso, in seruo tuo,
&

& simul etiam oculorum, ne cupiditate, radice omnium malorū, accensus, aliena capiam, abscondam, damna inferam: qui iuxta mādatum tuum, tribuere deo meo; & inter beatos annumerari cupio, & pauper esse spiritu, ac potius derelinquere omnia, quā perdere te, & omnia.

Ioan. 8.

8. Et hæc quidē concupiscentia, scio, displicet maiestati tuæ, sed longē magis os lingue & mendax (quia veritas es Deus meus) vti & proximum linguā percutere, famam illius denigrare, seruū alienum iudicare. Ab his, precor, protege me, Saluator meus. nam, scio, vulnerat te dirē, qui sic pungit fratrem suum: te cruciat, qui affligit, & contemnit illum, quem tanto pretio dignatus es.

Contritio.

9. Ah vtinam per hæc numquam maiestatem tuam offedissem! nescio, ô Deus meus, Creator meus, Redemptor meus, quomodo sic oblitus fuerim tui, qui numquam non recordaris mei; mei, qui non sum: omnes enim gentes sunt coram te, quasi nō sint, & quasi nihilum & inane reputantur. O si quis mihi daret fontem lacrymarum, vt plorarem die ac nocte; quia te dereliqui fontem aquæ viuæ, & peccaui in calum, & coram te; te, qui tribus digitis appendis orbem, & omnia opera nostra in nobis operatus es! Aquæ certē multæ peccatorum meorum non potuerunt exstinguere caritatem tuam, quam tot tantisq; beneficijs, & maximē in passione tua declarare dignatus es. Benedictus sis, Domine Deus meus, in æternum; quia benignus & misericors es super malitia mea; & non fecisti mihi secundū peccata mea, sed secundū multitudinem misericordiæ tuæ.

Isaia 40.

Luc. 15.

Isaia 40.

Isaia 26.

Cant 8.

Nunc verō laui pedes meos; nō vltrā, tuâ gratiā, inquinabo illos: lotus enim sanguine tuo, non iterum pollutum eum ducam, & rursum mihi te crucifigam, Christe IESV, spes mea: sed diligenter cauebo, ne quid in me displiceat purissimis oculis tuis; ambulabo coram te, omnes diligam propter te, & quidquid sanctissimæ tuæ voluntati collibitum fuerit, gratissimum mihi erit, & accipiam de paterna manu tua: tibi enim viuere, tibi mori cupio, ô vita, ô salus, ô gaudium meum. Id profiteor hodie coram te, & curia tua cælesti vniuersa, testem illam inuoco desiderij mei, & auxilium infirmitatis meæ, ad gloriam tuam. Amen.

Praxis

Praxis peragendi examinis generalis.

Prima. Post examen sollicitè rursus incipe ambulare coram Domino Deo tuo, ac proposita per singulas horas, ut minimum, renoua.

Secunda. Inò poteris ad singulas breuiter tuam excutere animam, eadem ferè normâ.

Tertia. Si paterfamilias sis, effice ut familia, vel communiter hoc examen instituat simul, vel singuli. Sic enim ad cor redibunt, & placabunt Dominum sibi & familiæ tuæ, quam sæpè flagellat iusto iudicio ob vnius improbitatem Deus, quemadmodum ob famuli pietatem eidem benedixit, ut Scriptura de Iacob commemorat, ob quem domum Laban locupletauit. *Gen. 30.*

Quarta. Nota hoc examen posse usurpari per modum meditando, de quo Gerson scribit hoc pacto: Noui personam, quæ non modicum profecit per hoc, quòd diligentius seipsum intuebatur quasi pauperè & miserū, & in calum mente concedens a singulis Sanctis mendicabat ea. Itaque pauperem eiusmodi imitare, & inopiam à virtutibus, & morbos ac vulnera animæ ostendere Domino ac Sanctis eius, atque opem implora. *lib. de monte contemplationis.*

Quinta. Quia examen particulare pluribus est tractandum, hoc solum hic obserua, expedire per sepe, maximè occupatis, ut simul cum generali id faciant.

Praxis examinis particularis.

Cum ad perfectionem non nisi gradatim ascendatur, explicandum hic erit examen particulare, tantopere à B. P. Ignatio commendatum. Est verò illud, quo quis studio singulari, ac, ut ita dicam, certamine, singulos defectus aggreditur superare, & virtutes gradatim acquirere. ad quod, Dei gratiâ, sequēs directio iuuabit. Ut autem eâ quis in singulis fructuose utatur, antequam contra aliquod vitium particulare examē instituat, ut Bern. monet, agnoscere se debet homo, ad quæ sit bona naturaliter propensior, vel ad quæ mala procliuor: quibus exercitiis valeat melius promoueri, quibus vitiis facilius corrumpi: quid pro his pœnæ vel præmij expectare: quantum quotidie proficiat, vel deficiat, & cum quanta industria sataget præterita mala desistere,

*Bernard de
inser. domo.*

M m

præ-

præsentia declinare, futurâ præuenire, cum quanta animi constantia studeat reparare bona amissâ, custodire & multiplicare possessâ. Per hoc ad sui cognitionem quam tum Philosophi, tum Sancti omnes ad eod commendarunt, perueniet: quæ sanè in eo potissimum consistit, vt animæ defectus intelligamus. Ad quod poterit iuuare etiam lectio D. Bernardi de Consideratione, & Interiore domo, S. Bonauenturæ ad Nouitios, Seraphini Firmani, de Animæ imperfectione, Thomæ à Kempis lib. 4. cap. 7.

Item consulere Superiorem, Confessarium, & vitam suam præteritam considerare, attendendo radices malorum, quibusque de rebus fuerit aliquando ab æmulis redargutus, aut à Superioribus sæpius communitus. Hac ratione cognoscet quis vitia animæ suæ præcipua, & quo ordine aggredi quæque debeat.

Quis ordo instituentus.

Ordo verò hic est, vt externa vitia, & quæ alios offendunt, vel quæ nostrum maximè retardant progressum, primò impugnet, quod in vitijs locum habet: in virtutibus verò est, vt in eis quis sese primò exerceat, quæ magis necessaria, vtilis, vniuersales & solidiores; vt sunt, Pura intentio, Communicatio cum Deo, Zelus animarum, Amor Dei, Humilitas, Obedientia: in primis verò Contemptus rerum humanarum, atque Odium sui.

Notandum hic est, quòd si in virtute nos exerceamus, nò totâ simul amplectendam esse, sed gradatim a facilioribus ordinariè inchoandum. v. g. pro acquirenda humilitate, Primò, videat vt se non laudet; Secundò, studeat nolle laudari; Tertiò, quoad potest vitet agere corâ hominibus, vnde laudetur; Quartò, excusationem omnem excludat; Quintò, etiam cogitationes superbiam, iisque inuigilet; Sextò, exerceat se in eo vt omnes habeat velut superiores ac meliores. Hoc autem sic accipe, nisi aliquis tantum vnum vitij caput in se deprehenderet, seu ramum: tum enim, vt patet, illum excindere solum necesse est.

Quanto tempore.

Tempus verò serid in vitio extirpando ponendū est, quousque superemus, aut saltem in tantum proficiamus, vt facile tentationibus resistere, & heroicis actus elicere possimus: aut si de virtute agitur, quousque eam faciliè exercere in occasionibus possimus.

Cum autem iuxta Cassianum & B Ignatium, tempore quo examen hoc particulare contra vnum omnino vitium debellandum exercetur, omnia exercitia, orationes & cogitationes eod referendæ sint, additiones quæ sequuntur iuuare ad id poterunt: ad quas ritè faciendas dies vnus aut alter est impendendus earum considerationi & praxi, priusquam cum vitio certamen, vt ita dicam, ineatur singulare.

ADDITIO I. inter has est, collectio eorum quæ ad hoc vitium spectant, vel virtutem: conuenit enim vt colligat Asceta ex auctoribus sibi, quod sæpè concionatores alius faciunt; Primò, quæ vitij vel virtutis natura, signa, gradus & effectus. scire enim quemque oportet in quo gradu sit, quasque habeat occasiones lapsus, attendere. Ad hæc Peraldus, P Lessius l. de iust. & iure in fine, Viridarium & Panarium Busæi, D. Bonauentura de Profectu, Arias de Mortificatione, & alij materiam dabunt. Secundò, remedia colligat ex iisdem. Inter hæc sunt praxes, vt dare eleëmofynam, facere hoc vel illud opus pium, quoties lapsus fuerit; Tertiò, motiua, quæ sunt exempla & similitudines, virium viuè repræsentantes, ipsiusque vitij scditatem & molestiam; item sententiæ S. Scripturæ, rationes aliquæ ab utili, honesto, iucundo, ex sacris & Philosophis, præmia denique virtutis, & pœnæ a Deo hominibus inflictæ huic vitio obnoxiiis.

Hæc ordine describere potest. ac Primò quidem vitij natura, scditas atque occasiones, quæ sunt, & esse possunt, ponantur; Secundò, rationes aliquæ; Tertiò, sententiæ graues; Quartò, exēpla Christi & Sanctorum, &c. Quintò, similia; Sextò, præmia, & pœnæ; Septimò, praxes. Harum vna est deligere motiua efficacissima quæque, & iis se excitare proposita sibi aliquantisper in genere vitij & virtutis occasione quam habuit, aut habere potest, hanc amplectendo, illud refutando: quia sic minor est repugnātia. dum enim hanc sibi repræsentabit occasionem, simul voluntatem exercebit circa virtutem, vt illam appetat; circa vitium, vt illud detestetur. Postea in particulari ad faciliores actus exequendos se accingat, vt victoriis se animet; Tertiò, difficiliore & propinquos exerceat; Quartò, remotiores, quos primò exercere, vt v. g. martyrium optare, suadere solet magno astu diabolus vt nos inflet, atque inanes relinquat, perturbet verò minutionibus. Tamen in ipsa occasione oblata pugnare, & eam ad hoc quærere si non detur, vtilius est (excepto turpitudinis vitio, cuius omnis occasio & memoria est fugienda.) Quod si illa non inuenitur, eam nobis repræsentare, vt dixi, debemus certis locis & temporibus. Quod diligenter notandum: ex eo enim magnus fructus est, dum præludimus ante pugnam, & prouidè futuris tempestatibus occurrimus.

ADDITIO II Videndum vt frequenter cōsideret Asceta (præterquam quòd quotidie circa prandiū in examine, & vesperti) profectum suū atque defectum. v. g. singulis hebdomadis & mensibus aliquo certo tempore consideret animi morbum, an curetur, an remedia non sufficiant, &c. Si enim ita sit, alia adhibenda sunt: aut

certè profitemur nos non curari velle, sed frustra fatigari. Videat autem conferendo diem cum die, hebdomadam cum hebdomada, mensem cum mense, an plures errores commiserit, an plures victorias reportauerit: etenim hæ vel illi numerandi sunt. Victorias numerare iuuat in principio, cum plurimi sunt defectus, errores, cum pauciores sunt. Imò aliquot victorias sibi necessariò sub aliqua pœna, vel ad honorem huius, vel illius Sancti præstituire acquirendas: quas cum magno desiderio quærere Asceta deberet, & cum actu reflexo, vt dici solet, exercere, vel si de virtute agatur, statuere exercēdos numero aliquot actus illius, magno affectu, & cum reflexione. Hoc enim modo val lè se quisque promouebit; sed magis adhuc, si plures inter se conspirent, exemplo mercatorum, & militum; quorū illi honorū, hi victoriæ ac periculorū societatem ineunt. In Actis narratur conspirasse ac iurasse quinquaginta viros, dicentes principi Sacerdotum, Deuotione deuouimus nos nihil gustaturos, donec occidamus Paulum: æmulemur & nos gloriosè. Pulchrum certè certamen est in conspectu Dei, in quo mundus triumphatur, diabolus superatur, de regno cælorum vim faciendo conspiratur, ac denique æterna gloria comparatur. Quòd si hac praxi vterentur Superiores, suauiter ac fortiter pia exercitia, atque Regularum obseruationem introducerent, maximè si etiam priuilegia quæ possent, pietati tribuerent. v. g. cuperet quis seruari silentium? efficiat vt conspirent in hoc aliqui, ac pœnitentias sibi sponte statuunt, & si illa non sufficiat, velut medicina, aliam addant, donec euincant. Sic solet humana prudentia ac industria alia omni in re factitare: si enim vna columna non sufficit domui, vnus equus curru, vna cohors hosti superando, alia aduocatur.

ADDITIO III. est, vt meditatio fiat de virtute proposita, motiuæque illi propria, pro materia meditationis accipiantur, quæ admodum & iaculatoriæ, quas per secundum orandi modum B. P. Ignatij liceret considerare, vel saltem meditationem conueniret materiæ examinis applicare, etiamsi meditatio ex professo de virtute illa non institueretur.

ADDITIO IV. Orationes & exercitia pietatis huc omnino sunt dirigenda, aded vt omnibus hoc petatur cum ingenti fiducia, sæpe ei aculando pios affectus, & importunitatem viduæ Euāgelicæ imitando. nec difficile id erit, si attendamus tristia omnia tristia, læta læta, & homini vt affectus est, ita & alia ferè apparere. Ad hoc operæ pretium erit semel semihorâ vnâ & alterâ considerare, vt omnia ferè huic rei expedite possint applicari. Potest etiam fieri oratio ex motiuis præcipuis, contra hoc vitium, vel pro vir-

Act. 23.

Virtute constata, quæ omni, clypei instar, tentationi opponi possit. sic & Patroni deligi, & inuocari, qui hac virtute claruerunt, quotidie, manè potissimum: quin & illam orationem tum expediret recitare.

ADDITIO V. Mortificatio insuper est adhibenda, quâ pœnitentiâ aliquam spontaneam Asceta quoties errat assumit (quæ si in ipso vbi admisit errorem loco fiat, vtile) sicut est tundere pectus, vt B. P. monet, &c. Posset etiam aliqua assumi, donec quis obtrineat quod postulat, v. g. ieiunare: vino, vt Nazaræorum olim mos erat, vel sale aliôve obsonio ad tempus abstinere. Verum actio virtutis contrariæ, si vitium extirpare coneris, pœnitentia est omnium saluberrima. Aliæ autem mortificationes in cibo, potu, curiositate, silentio, &c. eò dirigi possunt. Valdè etiâ vtile si quis ex zelo eandem tecum faciat pœnitentiâ, donec defectû emendaris tuum, tum vt facilius à Deo impetres, tum vt amici hominis spontaneum pro te susceptum supplicium, ad officium tuum præstandum tibi calcar addat. Aliena hæc mala cordatus facilius sentit, quàm sua. Sic nouimus Sanctos pœnitentiâ peccatorum in se partem à nocente transferre solitos: B. Ignatium luxuriæ mancipium in gelida stando, à seruitute liberaſſe, & B. Xauerium simili industriâ obduratum hominem emolliuisse.

ADDITIO VI. Renouationem propositi frequenter exercendâ, ad quâ affectus vehemens faciliè viâ ostendit. Quia verò frequens illa propositi renouatio omittitur aliquândo defectu memoriæ, iuuare hâc poterit, vel signis certo loco positis, v. g. sententiâ ante se in mensa, vel funiculo ad brachiû circumligato, certisq; temporibus designatis, quibus id renouandum. Inter tempora Primum sit matutinû, quo cõsideratâ aliquâ vitij occasione, vel pluribus, iisq; habitis vel habendis, Asceta motiuû aliquod cõsiderat, & vel pulchritudine virtutis, vel vitij fœditate se excitat, ac proponit occasiones solitas diligenter vitare, vitiumq; execratur, vel si de virtute agatur, illam, illiusq; occasiones amplectitur. Secundum tẽpus est meridianum, quo hoc examen breuiter instituendû est, aut seorsim, aut initio examinis generalis, & desideriu renouandum sicut manè, ac conferendû examen hoc cum priore. Tertiû est vespertinum, quo idem faciendum. Quartum esse potest & diligenter notandum, vesperi in lecto: altè enim imprimitur, quod ante somnû animo suo quisque voluit. Quintum, dũ audirur hora, quo similiter ex aliquo motiuo, occasione virtutis sibi representatâ, renouandû propositum cum aliqua iaculatoria: quæ si fieri possit, vim motiui contineat. Imò expediret singulis motiuis suam iaculatoriam adicere, atque ita ipsam quoque variare, vt semper ali-

quid noui possit mens nostra, & cum recreatione ruminare. Sextum tempus est occasionale, cum occasio est, vel instat labendi, aut virtutem exercendi: quo tempore eo diligentius, quo magis necessarium, renouandum illud est, repræsentatâ sibi occasione, propositum. Huic renouationi propositi circa examen particulare exemplo SS. Guilielmi, Bonauenturæ, B. P. N. Ignatij, & aliorum, vtiliter adiicietur breuis consideratio horæ præteritæ; videndo an transacta sit vti oportuit, vti quis sibi constituerat, an quid peccatum in materia examinis particularis: deinde quid proximâ horâ faciendum præuidendo, atque omnia Deo B. Virginis manibus offerendo. Poterit autem ita vt hic præcepi, vel prout cuique magis placuerit, fieri. Verbi gratiâ, si in humilitate quis se exerceat: O I E s v, qui pro me flagellatus es, & humillimus fuisti (sic mysterium aliquod dolorosum, gaudiosum vel gloriosum, memorari posset) quid retribuui tibi? (hic examinari hora potest lapsa.) Quid retribuam hoc vitæ meæ momento irreuerabili? (hic fieri consideratio & propositum de futura.) Offero me, vota mea, (si Religiosus es) & actiones meas, sensus & proposita mea, in vnione meritorum tuorum, & gratias ago pro bonis & malis quæ per creatâ mihi cæco & ægro, ô Sapientia æterna, facies. desidero te, diligo te, ô omne solum bonum, ô satietas vera; quando per te (sine te enim nihil sumus, aut possumus) humillimus ero? Hic consideratio, seu motuum quod quis assumpsit, memorari atque adiaci debet. verbi gratiâ, Quandoquidem tam vilis sum, &c. secundum materiam examinis particularis. Potest autem quis illâ oratiunculâ, vel iaculatoriâ aliquâ vti, si cui illa longior est, vna cum examine horæ præteritæ, & ordinatione futuræ. Iaculatoriam autem immutare subinde, vt dixi, oportet, animumque eâ recreare, os suum aperire, vt Psalmista ait, & attrahere spiritum.

*Præsentia
Dni.*

*Examen hora
præteritæ
Religiosus &
vno.*

Oratio Dei.

ADDITIO VII. est diligenter legere, tum ea quæ collecta sunt ad excitandam voluntatem, tum auctores qui de hoc vitio vel virtute scripserunt; quotidie verò ex iis aliqua percurrere utilissimum, similiter & Regulam, ad vitium quod oppugnas, vel virtutem cui operam das, si fortè Religiosus es, accommodatam.

ADDITIO VIII. Iuuat habere admonitorem, vel designatum, vel vltro delectum; aut si id non placeat, certè confessorio vel Superiori aperire profectum & defectum, & petere, si res ferat, ab amico, & familiari, vel Superiore aliquâdo exerceri ex improviso, aliquando verò post præparationem, vt vires erunt. Si plures
sint,

sint, qui conspirarunt se mutuo monere, possent offerre simul aliquos actus ac proposita, & velut vota corā Ven. Sacramento renouare; communicare defectum ac profectum, de eodem consultare, vt sic loquar; victorias aut certos actus faciendos indicare, pœnā ac præmiū proposito. verbi gratiā, is qui plures victorias numerat, aut defectus pauciores, meritorum vnus mensis, vel diei partem habere poterit, &c. Possit etiam vna familia Religiosa aliam æmulari, prout alicubi fieri memini, imò etiam prouocare.

ADDITIO IX. erit, colloquium ea de re frequens instituere, & ad alios sermonem, ac conuerti vt ad similem virtutem acquirendam etiam ipsi elaborent: virtutis enim amor, verbi gratiā, castitatis, in se, atque aliis eam nos amare compellit, ac vitium contrarium odisse. Idèd rectè B. Xauerius curabat, vt qui superbix tumorem vellet deprimere, de humilitate ad alios dicendo, se adhortaretur. Notandum autem, hæc quidem ferè dici pro vitio extirpando, sed propè eadem in virtute acquirenda esse obseruanda. Certè amore virtutum potius, quàm vitij infectatione pleriq; iuuatur: quia fortius ac suauius amore trahimur; etiam si ordinariè præstaret inchoare à vitio, vt illo extirpando & persequendo; deinde ad virtutem inferendam pertransire. eòdem tamen pœnè res redire videtur. quidquid id est, constantia vtrobique adhibenda est, violentia omnis vitanda, cum hoc opus totum Dei sit, & ab illius gratia pendeant vniuersa; cui proinde vni confidendum, vni tribuendus profectus, non industriæ nostræ: alias certè non proficiemus. quod altè in animum tuum proinde dimitte.

Nota diligenter.

IACULATORIA

Quæ cuius virtuti applicari potest.

PRima; *O IESV, unica virtus mea;* Secunda, *doleo de inobedientia illa mea, v. g. propter te;* Tertia, *Et statuo ad gloriam tuam coram te;* Quarta, *cum pulsabitur;* Quinta, *quia, v. g. ira vis, sincerè obedire.*

Pars prima huius iaculatoriæ diffidentia sui actum habet; Secunda, contritionem; Tertia, intèrionem cum proposito & actu præsentia Dei; Quarta, occasionem; Quinta, motiuum.

*Meditatio pro vitio generatim hæc esse
potest.*

COMPOSITIO LOCI. Considera, hominem huic vitio
Cobnoxium, inde Christum vel D. Virginem, aut
Sanctorum aliquem coram Deo istâ contraria virtute or-
natum.

PVNCTVM I. Vitij naturam & causas, quod eius obiectū,
quæ origo, quis finis (breuissima scilicet voluptas) consi-
dera. Secundò, eius gradus veluti ad infernum tēdentes,
& in quo tu sis. Tertiò, fœditatē illius ex natura ipsa, quia
pugnat cum ratione naturali, hominemque dedecet.
Quartò, occasiones eius, quàm frequentes; quàmq; sto-
lidum, cū quis ex ijs summum & æternum præmium
colligere possit, damnum facere; vel bonum omitte-
re, quod numquam recuperari possit. Quintò, considera
quod vno heroico actu sæpè abundantia gratiæ acquirat-
ur; & contrà si quis occasiones respuat, etiam gratiā quā
iam vti potest, fortè omnino priuandus sit, immò salute.
Sextò considera, omittere occasiones, esse præbe-
re & augere hosti vires, quem sine ijs experti sumus
esse fortioiem. & certè si aliquando superare te velles,
cur non modo? Septimò, vide signa vitij, an in te sint, vt
tibi non blandiaris.

PVNCTVM II. Considera incommoda grauiā ex vitio
manantia; Primò, temporalia; Secundò, spiritualia, & im-
pedimenta salutis ac perfectionis, id est summi boni;
Tertiò, quanta ex eo sequatur animi perturbatio. Secun-
dò, considera sententias graues sacre Scripture, Sanctorū,
Sapientum, commune iudicium bonorum omnium, &
quid regulæ tuę ac viuendi institutum à te flagitet. Tertiò,
considera exēpla quibus detestatio vitij appareat, ex sacra
Scriptura, historia sacra & Sanctorum, ciuili vita, itē fami-
lia-

liaribus, & vita cōmuni hominum, quā vitio illo N. infectos pœnā, quo contrariā virtute præditos, præmio dignos æstiment. Quartò considera, quā placeat hoc vitium diabolo, & quo pacto per vitium veneno voluptatis, mortem propinet; quòd si habeas, sit fastidio; si desideres, inexplēbili desiderio & inquieto te cruciet. Quintò considera, si in hoc te mortificaueris, Deum ab altera parte quasi coronam, & ineffabile gaudium pollicētem; quia gaudium virtutis opus sequitur, tam in hac vita, quā in futura: & quā stolidum hosti credere potiùs, quā Saluatori amantiſſimo. Sextò considera, quid amico hac in re consuleres, & in morte fecisse optares, &c.

Meditatio pro Virtute acquirenda.

PVNCTVM I. Considera, virtutem nihil aliud esse quā habitum, quo animus hominis sanetur, ac velut cæcus illuminetur, claudus ambulet: & quandoquidem hæc in corpore ita opremus, quantopere ea in anima optare oportet. Secundò, quòd sicut se homo à vitij corpore, v.g. cæcitate, curare non potest, ita nec ab vllō vitio animæ sine Dei singulari gratia, quidquid adhibeat remedium, &c. cū omnia tantum operentur quantum illis tribuit Deus: id quæ totum illi tribue. Tertiò, cogita triplicem esse virtutem, Politicam, Hypocriticam, & Veram, quæ sincerè Deum amat, ei quæ verè placere studet; quæ anima se ornat, vt velut sponsa sponſo placeat. Hunc finem habe ob oculos positum, huc toto pectore aspira.

PVNCTVM II. Considera virtutis naturam, effectus, causas, finem, gradus; hi autem sunt. Primò, propositum acquirendæ virtutis; Secundò, fortitudo aduersus tentationes & difficultates; Tertiò, delectatio in vsu virtutis. Attende etiam, quid in intellectu, quid in volūtate, quid in externis, & operatione efficere soleat, & quomodo

potentiæ tuæ erga illam versentur? signa denique & occasiones. Secundò, considera pulchritudinem & honestatem, quàm rationi conformis sit, quàm decens Christianum & Religiosum. Tertiò, quàm procul ab hac fueris, & sis. Quartò, quanta eius necessitas.

PVNCTVM III. Considera commoda. Primò, animæ illius quietem & tranquillitatem, & ordinationem, in qua ipsa imperat; Secundò, etiam corporis, quia virtutes sedando passiones, corpus vegetum reddunt. Tertiò, incommoda ex virtutis defectu; sæpè enim fit vt parua res in speciem, non sublata per virtutem impediatur bona plurima, sitque velut obex ostium claudens delicijs spiritualibus.

PVNCTVM IV. Considera sententias graues sacre Scripturæ; Secundò, Sanctorum; Tertiò, sapientum; Quartò, bonorum commune iudicium; Quintò, regularum si Religiosus es, obligationem; Sextò, media, quibus Sancti vsi sunt.

PVNCTVM V. Considera exempla, v.g. in Deo opt. max. (vt docet D. Thomas in opusculo de Diuinis moribus, quos imitandos proponit) Christo Domino, B. Virgine, velut tibi in particulari data ac relictæ, item in Sanctis, Philosophis & alijs; postremò in familiaribus.

PVNCTVM VI. Considera Primò, quàm grata sit Deo, Secundò, gloriam & laudem eorum qui hac claruerunt in hoc mûdo, tam Sanctorum, quàm Philosophorum. Tertiò, præmium cæleste quod virtuti debetur, & certanti bonum certamen à Domino tribuetur.

Alia meditatio esse potest de Iaculatorijs aliquibus iuxta secundum orandi modum, de quo c. 9. l. 1.

IACVLATORIÆ.

Domine, deduc me in iustitia tua propter inimicos meos, dirige in conspectu tuo viam meam. Psalm. 5.

Qui regis Israël, intende, qui deducis velut ouem Ioseph.

Psalm. 79.

Deus virtutum, conuertere, respice de calo, & vide, & visita vineam istam, & perfice eam quam plantauit dextera tua.

Psalm. 39.

Domine, ante te omne desiderium meum, & gemitus meus à te non est absconditus.

Psalm. 37.

Exitus aquarum deduxerunt oculi mei, quia non custodierunt legem tuam.

Psalm. 118.

Iniquitatem odio habui, & abominatus sum: legem autem tuam dilexi.

Ibid.

Ab omnibus iniquitatibus meis erue me: opprobrium insipienti dedisti me.

Psalm. 38.

Amplius laua me ab iniquitate mea, & à peccato meo munda me.

Psalm. 50.



VIGESIMÆ OCTAVÆ IMAGINIS

A N N O T A T I O.

Prouide actiones tuas , ac de ijs coram Deo dispone, ad gloriam magni nominis eius.

Considera, quæ agenda hodie, hac A horâ, atque perinde quasi in stadio curreres, B opera ac passus dirige ad metam, id est, ad Dei gloriam, C corde ardenti: certog, scias, te sine D gratia Dei nihil posse. eâ itaque postulatâ, opera tua fac, velut in E pondere, numero & mensura, & non aliter, quàm si F mors sequatur, G Angelusq; & H demon te tuag, omnia vigilantè obseruent. Imò I bona opera ita fac, ac si tibi K sepulcrum iam foderetur. Neque hoc tantum, sed opera tua perfice L Christi Sanctorumq; exemplo; quæ M Angeli Deo offerunt. Ante omnia autem semper aduerte, ac memineris N Deum te, cum celesti curia semper intueri.



CAPVT VI.

*Exercitium de Consideratione rerum
agendarum.*

COMPOSITIO LOCI erit, constituere se coram Deo,
eiusque curia.

ORATIO.

PVNCTVM I. Considera, perfectionem rectè colligi
posse, imò debere, ex perfectione actionum nostrarum;
adeò vt verè is perfectus dici possit, qui illas accuratè at-
que perfectè exequitur. Vide igitur vt actiones tuas in *Deuter. 6.*
dies perficere coneris, & quod in Deuteronomio mone-
mur, iustè quod iustum est persequaris. ab operibus enim
tuis profectum tuum noscere debes, & ex illis velut fru-
ctibus incrementa virtutis interioris. Neque enim sat est
bene operari, id est fructum aliquem reddere; sed elabo-
randum vt semen gratiæ Dei, trigesium, sexagesimum
& centesimum fructum proferat, & talenta eius maximas
vsuras ad diuinę maiestatis maximam gloriam, & nostram
vtilitatem. Attende quàm indignum, cùm possis ex agro
cordis tui centesimum colligere fructum, cùm Dominus
illum toties imbre gratiæ & sanguinis sui irrigauerit, exi-
guū reddere, id est orationes atq; actiones tuas imperfe-
ctè facere. Fertur D. Bernardus in matutinis Horis vidisse
Angelos, qui Fratrum orationes scriberent, aliorum qui-
dem auro, aliorum argento, aliorum aquâ, aliorum etiam
prætermitterent. Considera itaq; opera tua, & quomodo
ab Angelis scribi digna sint, ac totius diei opera percurre.

PVNCTVM II. Considera, in omni actione tria tibi ef-
se consideranda; Primò, Deum; Secundò, te ipsum; Tertiò,
rem agendam. Primò, inquam Deum, tamquam finem,
&

& à cuius tibi voluntate recedere nefas sit. Videndum igitur ante omnia, quem ille finem rebus, & omnium actionibus statuerit, & eò tamquam ad scopum oculus, pes atque omnis actio dirigenda. Secundò, præsentem & paratum eum esse, vt voluntatem timētium se faciat. Vt verò id fiat, & ab illo vt causa prima tu mouearis, necesse est vt illi coniunctus sis, nihilque aggrediare, nisi ex voluntate eius: aliàs siquidem vtiliter operari non potes, neque ille tibi cooperabitur, etsi concursum non sit negaturus. Hoc est quod monet Psalmista dicens, Nisi Dominus ædificauerit domum, in vanum laborauerunt qui ædificant eam: nisi Dominus custodierit ciuitatem, frustra vigilat qui custodit eam. frustra nititur ædificare turrim qui sumptus non habet ad perficiendum. Implora igitur humillimè auxilium eius, vt scias finem eius, & ad eum tua consilia dirigere possis. deinde fiduciam omnem in eo colloca, & anxietatem depone consilio Apostoli dicentis: Nihil solliciti sitis, sed in omni oratione petitiones vestræ innotescant apud Deum. & alterius: Omnem sollicitudinem vestram proijcientes in eum. Inquietudo enim Dei gratiam, & nostram eneruat industriam, atque in ea, vt in tempestate, rectum iter tenere perdifficile est: si qua igitur occurrat, perseuera in oratione cum Christo Domino in horto, donec tranquillitas reuertatur. Attendere præterea, vt suprà dixi, debes te ipsum, quodque ex te ipso possis nihil, atque à Deo pendeas, velut à sole radius, ab artifice malleus, à scriptore calamus. vt meritò Scriptura dicat: Deus operatur omnia in omnibus. & quidem ad salutem vtiliter neminem absque gratia operari posse, fide certum est.

2. Cor. 12.

Philip. 4.

1. Pet. 5.

Psal. 126.

Lucæ 14.

PUNCTVM III. Considera, quomodo rem agendam, seu actiones tuas perfectè agere possis, & quàm certò id futurum, si Deum vt præsentem agonothetam semper intuearis. Secundò, hostem, qui te obseruat vt arguat, & Angelum vt rectè facta annotet, quæ deinde Dominus

coro-

coronet. Tertiò, si in pondere, numero & mensura tua feceris, & Deum imitatus fueris. Quartò, si exemplum Christi & Sanctorum tibi proposueris. Quintò, si animi libertatem & quietem diligenter custodieris: mox enim ut illam quis perdit, quasi extra orbitam positus est, & palmes extra vitem; qui tamen fructum ferre non potest nisi manserit in vite. Sextò, considera, facienda omnia ac si nouissima foret hora, & hoc vnum agendum tibi supersit in hac vita, quod præmanibus habes: sufficit enim diei malitia sua. Neque consideres velim, seu valdè attendas molestiã in hac accurata agendi ratione: etenim persuasissimum tibi esse debet, optimam esse vitæ rationem diligendam; & certo certiùs, breui consuetudine fore iucundam. Denique considera, quid post actionem faciendum sit: multi enim, quod vitandum esse monet Spiritus sanctus, in fine corrumpunt, dum post rem bene actam, sibi quodammodo eam tribuunt, & non auctori Deo. Quod diligentissimè caue, & te considera, velut instrumentum, velut lucernam, cui lucem Deus imposuerit, quæ per te luxerit quidem, sed subobscurè vitio tuo. Defectus etiam sedulò observa, ut prudenter aliàs eodem deuites.

Ioan. 15.

Matt. 6.

Nota diligenter.

Oratio, quâ quis actiones suas Deo offert.

Loquar ad Dominum meum, cum sim pulvis & cinis, & tamquam nihilum ante te. quis plantauit vineam, & non comedit ex ea? quis seminavit, & non colligit fructum eius? Ecce ego vinea tua, Domine Deus meus, optans fructum reddere in tempore suo: ego ager ille, & terra sæpè superuenientem bibens imbrem, sæpè gratia tua sole illustrata, sæpè sanguine irrigata, sæpè sarculo interioris monitionis correpta & purgata; ut videres ex me fructum, vitulos labiorum meorum, fructum manuum mearum. Accipe igitur à seruo tuo, à filio ancilla tua: accipe quos tibi, Pater benignissime, à Domina & matre mea, Beatissima Virgine MARIA, cui

Gènes. 18.

Osai 14.

- Genes. 27. nos omnes in cruce commendasti vt matri , edoctus offero cibos, quibus ipsa te refici libenter nouit. induit illa me gratiâ tuâ, vestimentis valde bonis, vt esset anima mea accepta, eiusq; odor, sicut odor agri pleni, cui benedixisti de rore calî, & de pinguedine terra. nihil enim hic ex amoris mei putidissima cloaca exhalare permittam, sed puro & sincero amore tam benefici creatoris, liberalissimi redemptoris, dulcissimi sponsi anima mea, omnia facere decerno, vt tibi placeam: mihi enim pro minimo est, vt ab hominibus iudicer, aut humano die. Diem enim hominis non desidero, tu scis; sed ad te sunt oculi mei, qui habitas in excelsis: tu omnes, scio, gressus meos consideras: obseruat etiam hostis, vt me accuset; Angelus, vt tuâ gloriâ me ornes. absque te nihil possum, scio, aut vt oportet, velle possum: sine te enim velle meum teneret inimicus, & inde faceret catenam mihi. ambulabo igitur coram te, velut si nouissima dies foret: curram, vt accipiam brauium, quod es tu Deus meus, Deus cordis mei, & omnia. O quàm concupiuit anima mea desiderare & facere iustificationes tuas in omni tempore! Sed potissimum desiderauit te in desolationis nocte, & de manè vigilare ad te, vt amplectar te, & quotidie quasi incipiam, quæ quidem retrò sunt relinquens, & ad ea quæ anteriora sunt extendens me ipsum. Vt verò id facere possim, in matutino interficiam omnes peccatores terra; & manè ad te orabo, Domine, manè exaudies vocem meam, & illuminabis faciem tuam super me. orieris, & fere omnes vitiorum congregabuntur, & in cubilibus suis collocabuntur. O quàm dilecta tabernacula tua, Domine! altaria tua, Domine virtutum! veniam, & offeram tibi cum omni reuerentia in conspectu tuo sacrificium, corde contrito & humiliato; & scio, non despicies: sed respicies in faciem Christi tui, & misereberis mei in terra deserta, inuia & inaquosa: id enim iam in conspectu tuo apparui tibi, vt videam faciem, & infinitam caritatem tuam. Deinceps verò, Domine, dirigam in conspectu tuo viam meam, & opera manuum mearum respicies, vt faciam omnia in pondere, numero & mensura: nam quod factum semel, infectum, scio, numquam erit. Docebis me vias tuas, vias caritatis & amoris, vt mitis & humilis corde, neminem ledam;

ladam; sed te sequar benefaciendo, & quoad possum, amando
 omnes, maximè inimicos meos; quæ enim seminauerit homo, hæc 1. Cor. 3.
 & metet. Si necessitati parendum erit, & oportuerit nutriri &
 recreari corpus hoc quod corrumpitur, & aggrauat animam; vt Sap. 9.
 iumentum erit illud apud te, & propter te nutrietur, & de necessi-
 tatibus meis erues me vnicum refugium meum. Denique tuus sem-
 per ero, vt tu meus es, & in te sperabo, ac dum tempus poenitentiae
 est, expiabo gratiâ tuâ delicta mea, & sic ibo infelix ego homo
 ad vesperam: sicut enim mercenarij dies mei; donec adspiret dies, Iob 7.
 & inclinentur vmbra, & venias, & assumas me ad te ipsum. Ne Cant. 4.
 verò venias mihi sicut fur in nocte; expectabo te omni horâ, vt fi- 1. Thess. 2.
 delis seruus, donec venias, & recorderis mei, donec clamor fiat, do-
 nec ianua aperiatur, donec introducas me, donec intrem in san-
 ctuarium tuum, donec abstergas omnem lacrymam ab oculis meis,
 donec dicas vt requiescam à laboribus meis, donec audiam, Euge Marth. 25.
 serue bone & fidelis, intra in gaudium Domini tui; donec osculeris Cant. 1.
 me osculo oris tui, & videam te desiderium oculorum meorum,
 & amplectar & stringam in saculum, & in saculum saculi.
 Amen.

Praxis ad rerum agendarum considera- tionem.

Prima est, actiones suas Primò, distinguere in quotidianas,
 hebdomadarias, menstruas, annuas. Secundò, eas expolire
 ad exemplar Christi Domini & Sanctorum; exercendo Dei præ-
 sentiam, puram intentionem, vt in meditatione dictum est, Ter-
 tiò, eas sic describere, & quasi diarium, aut vitæ normam cir-
 cumferre, ad quam in examine se examinet velut ad lineam.

Fructus qui ex usu exercitiorum huiusmodi spiritualium pro-
 uenit, Primus est, tranquillitas animi: ordo siquidem est causa pa-
 cis. quocirca vbi actiones ordinatæ sunt, & exercitia definita, pa-
 cifica est anima, nouit quid & quando agendum, cogitationum
 volubilitatem corrigit: & piis ac sanctis prauas, aut minùs decen-
 tes faciliè depellit. Accedit, quòd exercitia sic velut lege præscripta,
 sollicitè seruare quisque conetur; atque ita non faciliè deficit,

N a

imò

imò verò profectum curat, & faciliè discernit considerando, an feruentius, an remissiùs, solitis exercitijs incumbat.

*Observatio
necessaria*

Prus. 4.

Psalm. 63.

Obserua tamen, neminem se obruere debere aut multitudine, aut frequentatione: sed exemplum Sanctorum sequi, quorum semita vt lux splendens paulatim crescebat vsque ad perfectâ diem. Ibant illi de virtute in virtutem, donec viderent Deum deorum in Sion. Ordinanda ergo exercitia sunt, iuxta cuiusque statû, ætatem & profectum; ita vt faciliè perpetuari possint, cum inconstantia & dedeceat, & plurimum noceat: idcirco lectioni oratio, orationi labor & corporalis exercitatio, gratâ vicissitudine succedere debent.

*Laure. Iust. de
conuers. Mo-
nach. c. 10.*

Disce igitur quantopere iuuet ad vitæ spiritualis profectum, certa exercitia, & ordinatas actiones habere, vt pulchrè Laurentius Iustinianus: Maximi, ait, periculi res est, prout suggerit animus velle degere, quare omnia tempora ordinanda certis virtutum exercitijs, sicut & actiones; idque pro cuiusque gustu & spiritu. Neque enim sanctus Spiritus, qui multiplex est in donis, vnâ omnes viâ ducit: & sæpè nocet eum inspirantem non sequi quare hæc exercitia pro exemplo esse possunt, vt quisque hæc vel similia sibi propria, quod omnino commendatur, assumat, & in perfectionem suam positam esse sciât, si sua perfectè faciat, etiam minima quæque. Hinc in Religionibus, maximè in Societate nostra, à Spiritu Sancto minima quæque, imò etiam motus directi sunt: & regulæ temperandi victum, exempli gratiâ, positi videntur à B. Ignatio fundatore nostro: qui securus etiâ in eo S. Bonauenturam, qui eodem modo suos instituit. Ecclesia verò mater quàm accurata in omni diuino officio! vt minuta videri possit ei, qui nescit eam à Spiritu sancto gubernari. Sicut enim ille in veteri testamento Noë omnia quæ circa arcam; & rursus quæ circa tabernaculû Moysi, ac quæ circa eiusdem fabricâ deinde Be-seleeli etiam minutissima reuelauit: ita in templo cordis nostri omnia accurata esse desiderat, & in ijs sibi complacet. Ex hoc sensu S. Ephrem iubet Superiores, singulorum obseruare incessum, motum, gestum, habitum, vt ad optimum ea statum firmiter reducantur. Magistri enim non solum elementorum discipulis, ait, figuras ostendunt, sed etiam minima quæque puncta distinctionesque proponunt; perfectio enim in paruis consistit. Vt enim domus perfecta non est, quæ muros, tectum, ostium habet: neque imago, quæ caput, ventrem & pedes habet, sed in qua singula affabrè sunt picta: ita est in anima nostra.

*Ephrem. serm.
de vita spiri-
tuali.*

Obserua illusionē dæmonis hanc esse maximam, vt ista minimi fiant, solidaque; alia appellentur, aut æstimentur sine istis. nulli enim

enim facilius quàm hi diffuunt: quia qui contemnit minima, *Ecclesi 19.* paulatim decidit.

Modus quo actiones ordinandæ sunt, meditatione suprapositâ continetur: vt perspicuum tamen magis sit, exemplum dabo.

Est quispiam solitus audire Sacrum, sed absque reflexione; perficere se cupit. Pridie tempus designabit, statas preces, imò cogitationes de mysterio tanto inter eundum, in ipso, & cùm redeundum: egressurus domum, intentionem renouabit, rediturus Deo gratias ager, &c.

Quæret aliquis an melius non foret, pro re nata eleuare cor, & exercitia assumere.

Respondet ad hoc D. Bonauentura, & alij: sic enim vitæ series numquam ordinata esset. sed quemadmodum de Meditatione dici solet, parandam meditationem; si tamen Spiritus aliò ducat, sequendum: ita hic facere conuenit, cùm alligare sese ita non oporteat; sed inconstantiam tamen vitare. Quemadmodum enim, dum ventus secundus adspirat, remis non est laborandum; ita dum Spiritus sanctus spirat, statis non est inhærendum, sed sequendus Dominus quocumque ierit.

Cauendum verò, ne, vt in sacratissimis rebus fieri solet, ex vsu abusus nascatur, ex frequentatione remissio: sed in meditatione aperire os, & attrahere spiritum oportet, vt spiritu incipientes, spiritu perficiamus.

Neque etiam, quod aliquorum vitium est, mox vt in aliis aliqua probantur, sua deferere debet, atque illa amplecti. Curiositatis & vanitatis id sæpè est, si inconsideratè fiat. Vnusquisque enim donum habet à Deo. non tamen idèò veratur, quo minùs Sanctorum vestigiis insistat, & ea legat: idèò enim Dominus eorum exercitia voluit edi: ideoque hic subiiciam primò S. Bonauenturæ Diarium, deinde alterum breue, longius verò & copiosius post Deo bene iuuante dabitur, velut exemplar è variis collectum: quo occasio detur sapienti, ac paruulo via monstretur.

IACVLATORIE

pro oblatione actionum suarum.

Portio mea, Domine, dixi, custodire legem tuam; in omni scilicet Psalm. 119. actione.

Nonne Deo subiecta erit anima mea? ab ipso enim saluta- Psalm. 61. re meum.

Pſalm. 39.

In capite libri ſcriptum eſt de me, vt facerem voluntatem tuam: Deus meus volui, & legem tuam in medio cordis mei.

Pſalm. 118.

Tuus ſum ego; ſaluum me fac, quoniam iuſtificationes tuas exquiſiui.

Ibid.

Suſcipe me ſecundum eloquium tuum, & viam, & non confundas me ab expectatione mea.

*In fine opusculi.
tom. I.*

S. Bonauenturae exercitia quadam ſpiritualia.

VT in virtutibus conſerueris, oportet te habere exercitia ſpiritualia, quibus animum tuum occupes; quia niſi ſic, non poteris in virtutibus perſeuerare.

Primò igitur exercebis te in oratione, tali modo, & temporibus iſtis ſeruenter. Ante cuiuſlibet operis, vel acti inceptionem, Dominum inuocabis, & modicum orabis, cum tali oratiuncula: *Deus in adiutorium meum intende: Miſerere mei Deus*; vel eiufmodi Item, quandocumque audis campanam ſonare, orabis; vel quando audis pulſare horas. Haſ orationes ſeruenter ab intra facias: quòd ſi iuxta alios fueris, illi non conſiderent quòd ores.

Secundum tuum exercitium erit iſtud: videlicet, vt ſeruenter proponas quandocumque audis ſonare campanam, generaliter te emendare, breuiter, cum oratione per morulam vnus Pater noſter. Antequam notabile opus facias, breuiter cogitabis, qualiter propoſuiſti te habere in priori propoſito. Item, de manè ſemper proponas, qualiter te per totam diem velis habere; & hoc, antequam facis facta tua extrinſeca, & quando facis factum aliquod, cogitabis breuiter, qualiter propoſuiſti. Item, ter, vel quater in die propones ſeruenter contra ſuperbiam.

Tertium exercitium erit, de aliquo bono cogitatio, quando tempus vacauerit. Habebis enim qualibet die vnā memoriam ſpecialeſ, de qua cogitabis ſæpè, & ad quam curſum habeas. Habebis enim Dominicā die, de regno cælorum; feria ſecunda, de extremo iudicio; feria tertia, de beneficijs Dei; feria quarta, de morte; feria quinta, de pœnis inferni; feria ſexta, de paſſione Domini; Sabbato, de Domina noſtra, & peccatis proprijs. Paſſionem tamen Domini in qualibet die, cum materia diei, & cum beneficijs Dei habebis. Et in qualibet hora matutina, Primæ, Tertiæ, &c. de paſſione illius horæ, cum pauco de materia illius diei cogitabis. Sic igitur cogitando, & tua facta faciendo, ſpero, quòd tempus competenter expendes.

Quar-

Quartum exercitium erit, vt quotidie te exerceas in operibus humilibus & despectis: semper eligere locum vilissimum, & te ipsum ex toto corde despicere, nulliusq; laudis dignum te reputare, sed totum adscribere Deo: siue lauderis, siue vitupereris, non curabis. Esto considerans teipsum, & inuenies, quod non es aliqua laude dignus, sed omni opprobrio dignissimus. Cum enim es iuxta alios, habebis te taciturne, verecunde & mansuete, tamen sicut decet.

Quintum exercitium erit, vt omnia signa superbiæ deuities: scilicet, clamorem in loquendo, & sic de aliis.

Sextum exercitium erit, vt sæpè consideres in quibus te male habeas, vbicumque fueris; & non permittas aliquod paruum vitium transire, non iudicatum; quia, qui parua non reputat, in maiora sæpè cadit.

Septimum exercitium erit, vt præcipuè, vbicumq; fueris, oculos tuos custodias: quia ex incustodia oculorum, infinita mala eueniunt. Ergo præcipuè custodi oculos.

Octauum exercitium est, considerare aliorum bona, & non mala. Cum enim videris aliquem peccantem; cogitabis, quod si ipse haberet tantam gratiam à Deo, sicut tu ipse; multò feruentius emendaret se, quam tu. Si autem videris aliquem aliquid boni facere, cogitabis, qualiter illud posses imitari.

Nonum exercitium erit, vt omnia quæ videris, & audieris ab hominibus, ad bonum trahas: & sic, non suspicaberis.

Decimum exercitium erit, vt semper, vbicumq; fueris, habeas te morigeratè & compositè ab extrâ, ne aliis adhibeas malum exemplum: quia interior incompositio, est signum indeuotæ mentis.

Vndecimum exercitium erit, vt semper, vbicumque fueris, videas, vt illud non facias, cum quo alicui possis præbere malum exemplum, vel vnde alius posset suspicari: quia valdè periculosum est alius præbere malum exemplum.

Duodecimum erit, vituliter temptationibus resistere, & à carnalibus te abstinere, & abstrahere.

Vltimum erit, vt semper stes in timore, & habeas te verecundè: & ita custodi te solus, sicut quando es cum aliis. Nam Deus omnia videt quæ facis.

Hæc exercitia in communi, in quantum potes, facere studebis: & Dominum diligenter rogabis, vt velit tibi dare gratiam, ad faciendum ea, quia sine ipso nihil potes facere, &c.

Redeam ab exterioribus, ad interiora; ab interioribus, ad superiora conscendam, vt possim cognoscere, vnde venio, aut quod

vado : quid sum ; & vnde sum. Vt ita ex cognitione mei, valeam peruenire ad cognitionem Dei. Quanto namque in propria cognitione proficio, tanto ad cognitionem Dei accedo. Vnde venio? secundum exteriorem hominem, de parentibus illis qui me fecerunt autem damnatum, quam natum, peccatores peccatorem in peccato suo genuerunt, & de peccato nutriti sunt. Quid sum ego? homo, de humore liquido. Sum enim in momento conceptionis de humano semine conceptus, deinde spuma illa cata modicum crescendo caro facta est: postea plorans & eiulans traditus sum huius mundi exilio: & ecce, iam maior, plenus iniquitatibus, iam iam præsentabor ante districtum iudicem: tunc dicetur de me; Ecce homo, & opera eius. Cogita hæc profundius.

Diarium breue conflatum ex sacris Litteris.

Præsentia certè Dei vna sufficit in actionibus nostris, maximè si iaculatoria illa; *Ex te, & in te*, &c. quæ subiicietur, cum signo crucis, & pietatis sensu reperatur: tamen varietatis causâ hæc habe:

Manè dum surgis, dic, facto signo crucis:

Anima mea desiderauit te in nocte: ex te enim, & in te, & pro te sunt omnia, Deus meus, & omnia. Credo Domine, & in te spero, ac toto corde te diligo.

Nota, iaculatoriam illam: *Ex te, & in te, & pro te sunt omnia, Deus meus, & omnia*, continere Primò, sui humiliationem; quia ex Deo omnia esse fatemur; Secundò, per *In te*, memoriam præsentia eius; Tertio, per *Pro te*, puram intentionem, & amoris Dei actum.

Oratio item alia esse poterit:

Psalm. 62.

Deus, Deus meus, ad te de luce vigilo. Sitiuit in te anima mea, quàm multipliciter tibi caro mea. In terra deserta, inuia & iniquosa, sic in sancto apparui tibi, ut viderem virtutem tuam, & gloriam tuam.

Post hæc Primò, gratias age; Secundò, peccata detestare, & vitare propone; Tertio, actiones offer ad gloriam Dei: & dic, *Pater noster. Ave, Credo.*

Dum meditationis tempus est, vel piæ lectionis, signo crucis te signa, & dic:

Ioan. 11.
Matth. 50.

Magister adest, vocat te. Dominus aperuit mihi aurem; ego autem non

non contradico sermonibus Sancti. & hoc ipso offer te ad faciendā quæ leges.

Dum vadis ad Sacrum:

Cogita te ire ad montem Caluarix, & dic, *Vadam, & videbo* Exod. 3.
visionem hanc magnam: ex te enim, & in te, & pro te sunt omnia,
Deus meus, & omnia.

Hic primò in Sacro peccata recogita, contritionem excita, & propositum renoua bonæ vitæ.

Secundò, quæ tibi faciendā illo die; singula Deo offer.

Tertiò, in communione sacerdotis spiritualiter communica.

Cum à Superiore vocaris:

Sed vt cognoscat mundus quia diligo te Patrem meum. Surgite, Ioan. 14.
eamus hinc. Matth. 26.

Dum cubiculum ingrederis:

Quis mihi tribuat vt inueniam te solum? Ex te enim, & in te, & pro te sunt omnia, Cant. 8.
Deus meus, & omnia.

Dum pulsatur ad ostium:

Intra Domine in animam serui tui.

Dum ad exhortationem audiendam te paras:

Loquere, Domine, quia audit seruus tuus. Sicut oculi ancilla in 1. Reg. 3.
manibus domine sue; ita oculi nostri ad te, Domine Deus meus. Psalm. 122.

Dum faciendum aliquid:

Eruclauit cor meum verbum bonum: dico opera mea regi. Lingua Psalm. 44.
mea calamus scribe velociter scribentis.

Nota, calamū nec per se, nec sine atramēto scribere; ita nec nos sine Deo quidquā facere posse, sed in Domino qui nos confortat.

Dum cum proximo conuersandum:

Nemo potest venire ad te, nisi tu traxeris eum. Trahe nos post te, Ioan. 6.
curremus in odorem unguentorum tuorum. Cant. 1.

Dum Superiorem adis:

Qui vos audit, me audit. Loquere, Domine, quia audit seruus Luc 10.
tuus. 1. Reg. 3.

Dum comedis:

Deus, qui pascis me à iuuentute mea, vsque in senectam & senium ne derelinquas me. Aperis tu manum tuam, & imples omne Psalm. 70.
animal benedictione: ex te enim, & in te, & pro te sunt omnia. Psalm 144.

Dum bibis:

Sitituit anima mea ad Deum fontem viuum. Venite, & bibite Psal. 41:
vinum, quod miscui vobis. Qui biberit ex hac aqua, non sitiet in Prou 9.
eternum. Ioan. 4.

Dum studes:

Doce me facere voluntatem tuam, quia Deus meus es tu. Psalm. 142.

- Pſalm. 136.** Dum ludis:
Adhareat lingua mea faucibus meis, ſi non meminero tui, Deus meus, in principio latitia mea.
- Pſalm. 138.** Dum ambulas:
Si aſcendero in calum, tu illic es; ſi aſcendero in infernum, ades.
- Pſalm. 15.** *Prouidebam Dominum in conſpectu meo ſemper.*
- Gant. 2.** Dum pulchra vides:
Ecce tu pulcher es, dilecte mi.
- Matth. 25.** Dum bona fieri conſpicias:
Ex te, Domine, & in te, & pro te ſunt omnia. Deus meus, & omnia.
- Amos 3.** Dum eleēmoſynam facis:
Quod uni ex minimis meis feciſti, mihi feciſti.
- 1. Theſſ. 4.** Dum mala audis, aut vides:
Non eſt malum in ciuitate quod non fecit Dominus. Hac eſt voluntas Dei ſanctificatio noſtra.
- 1. Reg. 2.** Dum aliquid pateris:
Dominus mortificat, & viuificat. Si bona de manu Domini accipimus, mala quare non accipiamus? Nōne oportuit Chriſtum pati, & ſic intrare in gloriam ſuam?
- Iob 2.** Dum quid boni feciſti:
Si quis loquitur, quaſi ſermones Dei; ſi quis miniſtrat, tamquam ex virtute quam adminiſtrat Deus. Omnia in nobis operatus es, Domine.
- Luc. 24.** Dum optas aliquid:
*Velut ſomnium ſurgentium, Domine, in ciuitate tua imaginem i-
 pſorum ad nihilum rediges.*
- 1. Petri 4.** Dum times:
Verumtamen in imagine pertranſit homo, ſed & fruſtra conturbatur. Aut enim futurum eſt quod metuis, & ſufficit diei malitia ſua; aut nōn, & fruſtra perturbaris.
- Phil. 2.** Contra deſiderium placendi hominibus:
Si hominibus placerem, Chriſti ſeruus non eſſem. Tu ſolus Dominus, tu ſolus altiſſimus. An nescitis, quia amicitia huius mundi inimica eſt Deo.
- Gal 1.** Contra Superbiam:
Omnis qui ſe exaltat, humiliabitur.
- Iacob. 1.** Contra Auaritiam:
Beatiſ eſt dare, quā accipere. Nolite ſoliciti eſſe quid manducetis: ſcit enim Pater veſter quia hiſ omnibus indigetis.
- Luc. 14.** Contra Luxuriam:
Momentaneum, quod delectat: æternum, quod cruciat.
- Aſ. 20.**
- Matth. 6.**

Contra inuidiam:

Qui non diligit proximum, manet in morte.

1. Ioan. 9.

Contra Gulam:

Regnum Dei non est esca, nec potus.

Rom. 14.

Contra Iram:

Discite à me quia mitis sum, & humilis corde.

Matth. 11.

Contra Acediam:

Maledictus homo, qui facit opus Dei negligenter.

Ierem. 48.

In tentatione:

Tentas me, Domine, an amem te; nec fines ultra id quod possum.

Deut. 13. v. 3.

En video sine gratia tua, spernerem te summum bonum, pro summo

1. Cor. 10.

*malo, ut h. si teterrimo placerem; aeternum luiturus momentaneam**voluptatem. At iuravi, & statui custodire iudicia iustitia tua. Ec-*

Psalm. 118.

ce apposita est mihi aqua & ignis: aut tibi, Deus, aut diabolo adhaerere

Eccli. 15.

*neesse; aut aeternum poenitere, aut gaudere; aut vivere, aut mori.**Cui viuam nisi tibi, qui amore mei dignatus es mori?*

Dum laudaris:

Non nobis, Domine, non nobis, sed nomini tuo da gloriam.

Psalm. 113.

Si animus aliqua in re acquiescere velit:

Quid mihi est in celo, & à te quid volui super terram? Omnis qui

Psalm. 72.

fuit, veniat ad me, & bibat.

Ioan. 7.

Dum successus bonus est:

Soli Deo honor & gloria. Ex te enim, & in te, & pro te sunt om-

1. Timoth. 1.

nia, & deus meus, & omnia. Benedic anima mea Domino, & omnia

Psalm. 102.

qua intra me sunt, nomini sancto eius.

Vesperti conscientiam examina, & lectum ingressurus dic:

In manus tuas, Domine, commendo spiritum meum: cogitando fore

Psalm. 30.

*fortitan ultimam noctem, & percunctando ex te an ad mortem**paratus sis.*

VIGESIMÆNONÆ IMAGINIS

A N N O T A T I O.

Considera quæ tibi aduersa hodie accidere possint, & animum ad ea præpara.

Preuide mala & incommoda quæ tibi hodie euenire possent, ac memento te hac communi lege natum, & vocatum, ut crucem tuam portes cum **A** Christo, & post ipsum intres in gloriam. Amplectere itaque crucem cum **B** sancto Andrea, & te **C** Tobia senioris, ac **D** Iobi, aliorumq; Sanctorum exemplis corrobora. à Deo enim magna **E** caritate, secundum vires tuas, crux tua ab omni retrò aternitate appensa est, & quasi per **F** Angelum ad te missa. hanc si detrectes, grauiorem **G** diabolus imponet. Deo itaque te permitte, ut te ducat dirigatque: solus enim nouit **H** exitus viarum, & caue ne proprio sensu viam eligas, omnium ignarus, atque hac te consideratione solare; **I** crucem vnus horula **K** aeterno premio compensari.

GINI.

fa bod.
umada.

bi badea
muniage
poteson
Ampli
ie Et
rum exm
e, ferna
itate est
hanc q
Dro ita
cum m
muniage
one h
muniage



Exercit
nob
tia

TE
tra h
man
firi
ho
cul
ea,
rien
car
fi
pr
pa
cu
ca
r

C A P V T VII.

Exercitium de Consideratione malorum , quæ nobis accidere possunt, ac primò de tolerantia alienorum defectuum.

TElā, vt vulgò dicitur, præuisa minùs feriūt; & nos, ait Gregor. tolerabiliùs mundi mala suscipimus, si contra hæc per præscientiæ clypeū munimur. Ideò quotidie manè, vt iam aliquoties dictum est, illa prouidentiā nostrā quasi præcipere oportet, atque aduersus fortuitos hostium incurſus animæ nostræ portas habere diligenter custoditas, & perpetuos excubitores. Postquam igitur ea, quæ agenda nobis sunt disposuerimus, oculum ad patiēda conuertamus; & simul ad Deum qui summā bonitate ac æquitate omnia moderatur & appendit; ad Christi Domini nostri, Sanctorumque exempla; ad æterna præmia, quæ tribulationi vnius horæ reponuntur. Nec parum iuuerit attēdere viam crucis vnicam esse, quæ ducit ad vitam; cæteras ambagiosas & exitum habere infelicem, et si initia blāda & amœna. Illud verò maximè quietum animum reddit, neminem scire mortalium quæ via sibi salutaris sit; ac proinde vnum illud esse in re incerta certissimum consilium, diuinæ sese committere prouidentia.

*Greg. hom.
35. in Eu-
angel.*

Exercitium primum de eodem.

COMPOSITIO LOCUS. I. erit coram Crucifixo.
ORATIO, vt præ.

PUNCTVM I. Contemplatio Primò, in hoc vniuerso, à Domino

mino ita omnia creata esse, vt licèt perpetua sit elementorum pugna, sit tamen etiam pulcherrima, & maximè concors discordia ac harmonia. Quod verò in qualitatibus corporum est, idem valet in animis, quibus eę subseruiunt & quasi insunt. Itaque cùm sint homines omnes diuersi temperamenti & consersionis, vt Gregorius loquitur, diuersaęque item facie & voce, sunt etiam eorum diuersi planè sensus & iudicia; vt apparet in pueris & viris. Horum quàm sint discrepantes sententię de re eadem, nemo ignorat: idemque de omnibus sentiendum; cùm non minùs, imò magis, differat vir à viro, quàm vir à seipso puero. Trahit omnes diuersa, & vnumquemque sua voluptas. Nihil ergo mirare, qui in omni omnino creaturata tam vides varietatem iudiciorum similiter esse & affectionum, patienterque tolera; neq; senex, pueros senes; nec inuenis, senes pueros esse opta: sed te ætatibus & personis accommoda. nō vis omnes oculis tuis videre idem, & eodem modo tecum, neq; audire auribus; cur idem tecum iudicare, cùm diuersum habeant, vt i aures & oculos, ita & intellectum.

PVNCTVM II. Considera, nullum esse inter homines, qui non habeat plurima bona & conditiones, vt vocantur vulgò, laudabiles; nullum item esse, qui non habeat suum vitium, ob quod alteri cedere debeat. Quocirca valdè imprudentem esse eum, qui ab alio auersionem habet, ob corporis aut animi defectus. Nam simul etiam à se habere deberet. Oportet verò considerare potiùs bona alterius complura, vnumque defectum aliquem, qui tibi displicet, cum illis bonis conferre, eaque præferre; quàm propter vnum aliquod vitium, virtutes proximi tui cæteras merito præmio laudeque sua defraudare, atque optimum agrum, ob vrticam negligere; seu doctissimum virum, quòd rem aliquam ignoret, contemnere; aut cibum, quòd vnus omnia non contineat. Insuper suum eximium defectum cum illo proximi conuenit cō-

po-

ponere: quem si fortè amore proprio excæcatus non inueniat, superbiam omnium malorum maximum, certò sibi esse eum persuadeat.

PVNCTVM III. Considera, si defectum aliquem alter habeat quo careas, cuius gratiâ id fiat, nōne Dei? ergo si te altiùs alterius manus leuet, vel scala, vel mons, vel turris; ridiculè te effers, quòd altior sis eo, qui in terra relinquitur. Simile etiam est, si aliquis equo vectus, alium peditem & claudum præcurrat; ac rideat. Cùm ergo illa bona quæ habes sint tribuenda Dei gratiæ, planè dignus es qui illis priueris, si alteri insultes. & hoc est quod Apostolus ait: In quo tu alium iudicas, in eo te ipsum cōdemnas. Et rursus: Si præoccupatus fuerit homo in aliquo delicto, instruite eiusmodi in spiritu lenitatis, considerans te ipsum, ne & tu tenteris.

*Iudiciū te-
merarium
cauendum.*

Rom. 2.

Galat. 6.

Exercitium secundum.

PVNCTVM I. Considera, quare offendaris alieno defectu. Primò, quia tibi fortè displicet, & ferri non possè dicis; quid ita? quia contra Dei legem: atqui Deus legem eam tulit, & tolerat tamen; præterea simul statuit ne irascaris, ne impatiens sis, mandauit alterum alterius onera portare, mandauit remittere vniquēque proximo suo, & conseruo de corde denarium; talenta quæ millia plurima se demissurum sponndit; & tu abnuis, sed cum improbo seruo tenens proximum, ferè suffocas, & clamas, Redde quod debes. Quid dicis? mauis hæc debere, quàm denarium tibi deberi? & non vides Deum pari, & longanimiter expectare eum? & tu vlscisci cupis? Vel est quia cōtemplit mandatum tuum. Quorsum illud dedisti, seruus & mancipium Domini Dei tui? nōne pro tuo commodo: si sic fecisti, præuaricatus es: omnia enim ad obsequiū Domini curanda sunt, corpus tuum & anima, omnesque actiones tuæ. Omnia propter semetipsum creauit, conseruat, gubernat, ipse finis omnium, & tu te finem vis statuere;

Ibid.

Matt. 18.

tuere, & idolum erigere in templo Dei tui? dominium v-
surpare in domo Domini tui?

Iob 14.

*Sap. 9. &
16.*

Ecclef. 7.

Gregor. in 1.

Reg. l. 5. c. 3.

Deuter. 19.

PUNCTVM II. Sed vis eum sic emendare? dicito, Quis est, qui curare potest morbos, nōne solus ille de quo scriptum, quōd solus potest facere mundum de immundo conceptum semine? per sapientiam sanati sunt omnes, ait Sapiens, quicumque placuerunt tibi ab initio; nec herba, nec malagma sanauit eos, sed sermo tuus, Domine, qui sanat omnia. Considera opera Dei, quōd nemo possit corrigere quem ille despexerit. Sed cū Dei auxilio id vis? At quando illud tibi aderit? vtrique cū iuxta præscriptum illius, proximum curabis: nihil enim exterior correptio operatur, nisi interior loquatur excitator. Vnde Gregor. Tantæ, ait, caritatis esse debet qui alium ad Deum compellere studet, vt instanti desiderio non petitor, sed petitio esse sentiat. Salutem quippe fidelium tum instantius debet appetere, vt ex vsu interni gustus omnem motum cordis in affectum ducat supplicationis. sicut ergo nauta dum omnia ad nauigationem comparat, etiam si insaniat, omnia frustra sunt, nisi Dei beneficio adspiret ventus: ita hīc omnino se res habet. Deinde si vt medicus curare eum vis, blandire, non irascere; Deo que vltionem relinque. Quæ maior miseria, mederi non posse, nisi deteriore morbo, & vulnere grauiori laborare incipias, superbiâ & indignatione? omnes enim alij defectus, præ hoc parui sunt, & tu, Deo repugnante, paruum tanto malo tuo sanare vis? & quasi in Satana Satanam eijcere? sæpè etiam nouum vulnus infligere & mortem? Et enim sæpè dum ligna peccatorum cædere quis cupit, fugit securis manum, ferrum que lapsus de manubrio proximum occidit; & panis quem præbebat, vertitur in fel aspidum, dum turbatum monet, & sanare cupit, qui ipse animi sui perturbationem componere non valuit. Et ille quidem sanari potest correptus, tu verò quomodo poteris, qui auxilium fortè aut non habes, aut non ad-

mit-

mittis? quomodo illos potiùs non toleras, qui te toleras? Et quidem si sic curari posset, bene quidem; sed cùm Deus curare debeat, & superbis resistat, nihil proficis, sed te vulneras alterius vulnere; omniumque morborum contagio inficeris, dum curare optas: cadis cùm stare deberes, & alium erigere. Nequaquam autem iacentem erigit (vt Gregorius) nisi qui status sui rectitudinem per compassionem flectit. Ecce pro zelo tuo optas vt quis Deo satisfaciatur de duobus minutis; & tu plurima debita contrahis. si irascaris, liberisque & subditis, vt sic loquar, maledicas si illi ollam frangant; tibi succense, qui fœdus ac pacem animæ cum Deo & proximo conuellis. fœdant rem aliquam aut perdunt, aut obliuiscuntur; tu verò animam vitio maculas, tuique obliuisceris. Non eijcitur, aiebat Dominus, dæmonium, nisi in ieiunio & oratione. ita etiam de alijs crede, vitiumque, quod velut dæmonium est, pellendum esse, non irâ, sed patientiâ; non arrogantiam, sed humilitate? num ignem potes igni extinguere? Ergo primum vitium quod in proximo curatum optas, illud in te supera: nam, vt olim sanctorum Patrum sensus fuit, nemo ex anima alterius dæmonem eijcit, nisi priùs in se superarit. Postremò, etiam si totus mundus periret, animi omne bonum, id est pacem, perdere non debes: quia sic est voluntas Dei, qui potest cùm vult, verbo vno omnia emendare, & tamen tranquillus videt, ac permittit.

PUNCTVM IV. Considera, Christum crucifixum à te per peccata tua, & tamen pro te orare, ac suis persecutoribus: & è suis vulneribus sanguinem tibi & medicinam propinare. Secundò, hæc tolerare vt sanet te, & filios, aliosque tibi commissos, & tu tolerare quidquam omnino recusar? & si quidem Superior sis, ad hoc vnum te positum, vt aliorum portes onera, noueris. Tertiò, attende vt te sustinuerit, & sustineat Deus. non sis ergo exactor vindictæ, qui petitor es veniæ. nullo autem eum meliùs imitari, aut proximum reddere meliorem potes, quàm vincendo

Gregor.

Matth. 17.

cendo in bono malum. si æger est & malus, tum scias ei opus medico & peritiâ non bene habenti: non gaudet mater à filio læsa, eum vulnerari, quia iterum in filio læditur. ita & te proximo oportet esse affectum, atque alterius delictum, tuum scias debere esse luctum. neque gaude, si alijs melior fortè sis: sed quo illi minus habent, plus existima tibi defuisse, & deesse. sin autem, irascaris, quòd hoc ipso excæces te, atque ineptum facias vt alium cures. Quartò, considera, quomodo in homine duo sint; opus hominis, & opus Dei. aut, vt Augustinus: duo sint nomina; homo, & peccator: quia peccator est corripe; quia homo, miserere. Quis gemmam pretiosissimam odit, eò quòd luto, vel conchylio inuoluta? si diligitur bonus, diligendus etiam is ex quo bonus fieri debet. non contemnitur monile quod ab hoste capitur, sed eripitur: ita si dæmon tenet fratrem, non ei irascaris, sed hosti, eumque eripe. Denique qualem erga te Deum & homines cupis, & cuperes, si ipsi tibi præessent, talem erga proximum te præbe. At non proficit. videt Deus, & sustinet, cuius illa cura est: ipse Dominus & Pater est, tu quasi pædagogus videre debes quomodo eos regi velit, & scire te ad utilitatem eorum datum esse, non tuam; præesse iussim, vt ijs pro sis, non tibi. Imitare medicum, nec vindictam aliam opta, quàm vt æger conualescat, morboque verissimè puta imputandum, non ægro si quid perperam dicat aut faciat; eoque maiorem iudica, quo minùs æger eum fateatur. sic ignis zelus ardebit misericordiæ oleo, & plus sic proficiet amica correptio, quàm accusatio turbulenta; illa pudorem incurrit, hæc indignationem mouet. denique beatus eris: Beati enim misericordes, quoniam misericordiam consequentur.

August.

Matt. 5.

ORA-

O R A T I O.

Absit, Domine, vt linum fumigans extinguiam, & cala- Isaia 42.
 mum conquassatum conteram; absit vt alterius peccatis
 irascar, qui meis vrgeor: quomodo enim apparebo in conspectu
 tuo, qui misericordiam vis, & non sacrificium, qui mauis mere- Osee 6.
 conciliari fratri meo, quàm tibi sacrificare; & quâ mensurâ men- Matt. 5.
 sus fuero, meritò remetieris mihi? idcirco ego condono inprimis
 omnibus aduersarijs meis, etiam si verè nemo iniquè, si me conside-
 ro, aduersum me egit, quia prauaricatorem legis tuæ meritò auer-
 sari debebant, & affligere omnes creaturæ tuæ; sed misericordia
 tuæ super omnia opera tua. Da mihi, quæso, gratiam tuam, quâ
 longanimitatem tuam illam valeam imitari, & te in proximo,
 & in omnibus, super omnia ardentissimè amare. Amen.

Praxis ad tolerantiam exercendam.

Huius exercitii praxis est omnibus necessaria: nullo enim vn-
 quam tempore, nullo loco deest materia tolerantia alieno-
 rum defectuum. Cui enim ex voto seruit famulus? cui pro arbi-
 trio dominus satisfacit? quis est qui careat vitis? quis in omni-
 bus cum alio sentit & consentit? nemo certè. hinc vt pacem &
 tranquillitatem summum animi tui bonum serues, exerce te hoc
 exercitio sedulò ac frequenter, fructumque illius vberrimum
 comperies, & ad vniuersam pietatem non exiguum præsidium.

Stude verò Primò ante omnia animum pacatum habere, pri-
 usquam corripas: ira enim per zelum aciem mentis excæcat.

Secundò, dolorem de simili tuo, vel eiusmodi peccatis excita-
 re, & te humiliare Deoque soli confidere.

Tertiò, compassionem exerce erga proximum, & studeas do-
 lorem correptionis amore lenire.

Quartò, Dei implora auxilium, & postquam adhibita est à te
 opera, Deo curationem committe: Deus enim sanat & viuificat. 1. Reg. 2.

Notandum etiam Primò, correptione publicâ id quod publi-
 cum, priuatâ verò & secretò quod secretum & priuatum, arguen-
 dum esse.

Secundò, medicamentâ primò lenia adhibenda esse, deinde a-

Auguſt.

mariora, quia, vt Auguſtinus : Sicut meliores ſunt quos dirigit amor: ita plures ſunt, quos corrigit timor.

2. Tim. 5.

Tertiò, maxima habenda complexionis, & perſonæ, & temporis ratio. vnde ſeniores ne increpaueris, ſed obſecra vt patrem, ſæpè enim deſectendum à recta via in publico, vt tranſire quis poſſit, niſi velit incurrere in multos, & prægnantes deſideriis offendere.

C A P V T V I I I.

*Exercitium de Patientia in malis propriis, &
Meditatio.*

COMPOSITIO LOCI.

C PUNCTVM I. Conſidera Primò, velut è ſpecula mala plurima, quibus mortales paſſim affliguntur; & quãta illa, qualesq̃ue ij ſint: plurimi quidem mali; ſed tamen nec pauci boni, innocentes, Deoq̃ue chariſſimi, cùm ferè imperia, opes, fauores penes improbos ſint. teipſum verò inſpice qualis ſis, quid ob præterita promeritus ſis, & quotidiana: & puto quòd magnam habebis materiã gratias agendi Deo, pro infinita ſua in te miſericordia. Quid enim illa quę pateris, ſunt, ſi ad peccata tua attendas, ſi cõparentur ad ea quę Iacob, Ioseph, Iob, alijq̃ue Deo cariſſimi paſſi ſunt, Apoſtoli & Martyres? Conſidera Secundò, ſi recuſes pati, & obmurmures, quid conſecuturus ſis; id videlicet, vt longè grauiora ſint quę toleras, ob voluntatis repugnantiam, vtq̃ue ad illa adiicias omnium maiorum grauiffimum, videlicet peccatum, & animi perturbationem, quã velut in belluam, per iram muteris. Equidem impatiens, cùm obolum perdidit, totam ſubſtantiã proicit; cùm quis ei leuem rem ſurripit, omnia bona ſua
abii-

abicit; exustâ parte domus cæteram succendit; famæ aliquâ maculâ acceptâ, per impatientiam grauiorem facit. Bonus verò si in corpore aut re externa patitur, magnum in anima, at maius in Deo præsidium & refugium habet. Considera Tertiò, si toleres quantam apud omnes laudem habiturus sis. Primò, apud Deum, quia eius voluntati acquiescis, & patiando tuum erga maiestatem illius amorem ostēdis. Ille enim patiando potiùs, quàm agēdo declaratur: vnde mille inuenies, qui multa largiētur, orabunt, & leuem pro Dei amore iniuriam impatientissimè ferent. Quis hic, quæso, amor, quantus est? nōne si verus est, talis est qualis in fortitudine ac patientia Martyrum apparuit? verè fortis & adamantinus est amor, imò fortis est vt mors dilectio, & dura sicut infernus æmulatio. *Cant. 3.* Secundò, considera quantus, si fueris patiens, apud Sanctos fortissimos amatores futurus sis, idque quia illis similis factus eris, de quibus canitur, Omnes Sancti quanta passi sunt! Tertiò, apud homines: nemo enim est qui non obstupescat patientem, & præferat expugnatori vrbium eū, qui moderatur animo suo. Ille enim est aheneus murus, & scutum inexpugnabile, tectum patientiâ & æquitate. Neque interest an de re, an fama agatur. Et si enim linguâ maledicâ quis tibi detraxerit, nihil est quod mouearis, nihil quod irascaris. Siue enim bona, siue mala; benè, vel malè dicat tibi aliquis, vel etiam faciat; perinde est: talia enim tibi erunt, qualia esse volueris, qualiter eis vti volueris, vsus fueris. Sicut enim mentitur iniquitas sibi, non tibi, si non consentias; ita omnia mala facit sibi ac dicit, id est, ad perniciem suam, si nocenti compatiaris, eumque propter Deum ames, & gratis. quod fiet, si nec beneficiis ad amorem exciteris, nec maledictis ab eo auoceris, & commiseretaris ei potiùs, quàm in malis gemas, quibus te appetit. Dignus est enim commiseratione: mala enim eius, illi mala, & valdè mala sunt; sed tibi dicta ac facta, si velis, in tantum bonum, & tantū malum

conuertere potes, quantum voles. Nam etsi re verâ mala sint, nō tibi tamen erunt, neque mala esse vllō modo poterunt, nisi malè vtaris; nec bona, bona, nisi eis benè vsus fueris. Hoc semper ergo intuendum, quid fiat in animo tuo, non verò quid boni, vel mali alij faciant; sed quid tu de ipsis eorum factis facias: quomodo scilicet vtaris bonis & malis eorum; quantumque ex iis proficias, siue fauendo, & adiuuando; siue compatiendo, & emendando. Ac mala à voluntate tua habent, quòd tibi mala, vel bona sint; sic aurum visum fit rapinæ occasio furi, & mali, ex malitia eius; abstinēti & misericordii virtutis, quia tribuit egenti. Vt sol indurat lutum, liquefacit ceram eodem radio; ita hic homo aduersis fortior fit, ille liquefcit; ille iis honoratur, hic vilefcit. Quid si enim tu patiēter iniurias, calumnias, bonorum direptionem feras; ridenti vultu, fortiore animo, rependas bona pro malis; nōne gaudebis? ab omnibus laudem, etiam improbis feres? quòd si irascaris? malo vni tuo in animo, & aliud adicies & grauius. At de honore agitur. ita est; sed non de vero: quo tunc solū excides, si impatiens fueris. Sed & de bonis periclitaris; vis etiam potiora abiicere, quia sequiora perdidisti?

PVNCTVM II. Considera, precor, Primò, an scias quā viâ ad cælum pertingere possis; vtique certum est te ignorare: ergo sic cogita: Ecce hanc tribulationem mihi Deus immittit, hæc via est quā ad cælum me perducere vult, & non alia; præsertim cū, etiam si omnia adhibeam, eam cuitare nequeam. Deinde cū certissimum sit per multas tribulationes oportere nos saluos fieri, & quòd omnes, qui piè volunt viuere in Christo, persecutionem patientur; ac verissimum illud, Mundus gaudebit, vos verò contristabimini, sed tristitia vestra vertetur in gaudium. hæc, inquam, cū ita sint, age, discerne, an saluus fieri, an piè viuere, an tristari hīc cum filiis Dei, & tristitiam velis verti in gaudium? Quòd si annuis: iterum te rogo, & per-

cunctor

1. Tim. 3.
Ioan. 16.

cunctore te: Cur ergo quereris? & an tuum potiùs sit eligere genus afflictionis & aduersitatum, id est, an infirmus sibi genus pharmaci præscribere debeat, an medicus; an dux militem, an miles ducē sequi debeat; Sapientia æterna in insipiētiam nostrā: Secundò, si hanc recules crucem & afflictionem, cogita certo certius grauiorem à dæmone sustinendam. idèd enim dixit Dominus: Venite ad me omnes qui laboratis & onerati estis, & ego reficiam vos: *Matt. 11.* iugum enim meum suauē est, & onus meum leue. Ideò in interno lugent improbi se ambulasse vias difficiles, mundi quē huius grauiissimam tyrannidem sustinuisse. Tertiò considera, eā lege omnes natos, vt aduersa feramus; & frustra te repugnare; ipse enim Dominus ait, Durum est tibi contra stimulum calcitrare. Numquid dicet lutum figulo: Quid facis? Si ergo non possis effugere, quid turbaris, & auges dolorem ac malum tuum; neque enim Deo nocere potes; quòd si velis proximo, vltor ipse erit, qui dicit, Mihi vindictam, & ego retribuam: adeò vt solum dicentem proximo Racha, igne puniat sempiterno. non sufficit tibi? *A 2 Cor. 9. Isaiæ 45.* Quartò, cū videas in te superbiam & impatientiam, vñe sanari? ita, inquis: ergo admitte manum medicam, gratias age illi, qui te ad belluas istas extinguēdas & incendium iuuat: neque enim patientia sine illis exercitationibus potest acquiri, neque humilitas sine humiliatione. At res tua tibi erepta est, officium, æstimatio, honor; à quo? à Deo, cuius erat, quod tu occultè vt idolū colebas magno amore, vt patet ex dolore, quòd diu fornicari, vt Scriptura loquitur, & tuum illud idolum colere non potueris? Quid, cū Deus, & cælestia tibi adsint, vt scarabæus stercoreibus adhæres? Petere veniam deberes, quòd nimio amore creaturæ inhæseris, quod est spiritaliter fornicari; & ecce doles quòd vltra non liceat tibi, & quereris de Deo tuo, sponso animæ tuæ. O impudentiam! Audes petere, quo eum offendas, ab eo recedas; & si misericorditer negat, fers impatienter, quòd iniuriam

sibi à te amore creaturæ fieri non permittat? dissimulare saltem deberes dolorem de mali occasione, id est adulterij, sublata: gratias agere ob laqueum remotum, & foueam clausam. O misera fors, non posse nolle quod obest non posse velle, quod prodest!

PUNCTVM III. Percurre passionis mysteria. Primò, angustias cordis dulcissimi IESV; & tuas illis coniunge, & sic vnitas diuinæ maiestati offer. Deinde quid patiat, à quibus, & quomodo, in corpore, membris, fama, & existimatione, & dic saltem ad singula; Quid retribuam tibi, Rex meus, & Deus meus, vilissimum mancipium tuum pro omnibus quæ retribuisti mihi? nōne æquum est me considerare tibi qui tanta fecisti pro me? & aliquid ferre pro salute mea, cum tanta pro illa tolerare dignatus sis. Secundò, attende sapientissimum & optimum Dominum, sibi suisque crucem elegisse; & tu ergo dic: Nos autem gloriari oportet in cruce Domini nostri IESV Christi, per quem mihi mundus crucifixus est. Tertiò, optimi Patris erga te prouidentiam, quodque ab æterno prouiderit & decreuerit hanc tibi crucem, secundum omnes circumstantias loci, temporis, personarum, eamque summa cum bonitate & sapientia ad mensus fuerit viribus completionique tuæ, ita vt, si velis, tibi etiam sicut diligentibus Dominum, omnia in bonum cooperatura sint. elegit verò hunc, vel illum, per quem te exerceat, puniat; cur non placet? non respicias ad baiulum, sed eum qui mittit. non est enim malum in ciuitate, quod non fecit Dominus. Quartò, considera æternum gloriæ pondus quod pro momentanea tribulatione retribuetur, & secundum Apostolum, patientiam ad omnia necessariam esse, vt reportemus promissionem, & possideamus animam nostram. Ergo generoso animo te diuinæ prouidentiae committe in tempore & in æternitate; & fac velis id quod Deus vult. aliàs enim nihil velle potes quod tibi utile est: vtilitas enim nostra sola Deus est, & voluntas eius. mane ergo in

eo, & frui illo qui vbique est, & omne bonum; & queri numquam poteris. Queritur enim qui caret aliquo bono: & ecce, si vis, habes omnia in Deo tuo, si ei voluntate & caritate coniunctus sis: in hoc enim omnis lex & Prophetæ; in hoc perfecta caritas, & caritatis perfectio consistit.

O R A T I O.

O Sapientia æterna, quæ attingis à fine vsque ad finem fortiter, & disponis omnia suauiter. nōne dixisti per Prophetā Sap. 8.
tuum: Non est malum in ciuitate quod non fecit Dominus? & Amos 3.
nōne dixisti capillos nostros omnes numeratos esse? nōne oculi Matt. 10.
tui semper nos contemplantur? nōne Pater noster, nostriq; amantissimus es, & creator, & conseruator? nōne in te viuimus nos, Actor. 17.
mouemur & sumus, & omnia, quacumque sunt? neque folium in Matt. 10.
arbore mouetur sine prouidentia tua, neque cadit passer super terram sine illa. Quid ergo si hoc vel illud mihi aduersi accidat? anne velut canis lapidem petam, & non attollam oculos ad te, qui id facis, & ex immenso amore id mihi immittis? Oro te sæpè, Domine, pro patientia, & viâ ordinariâ eam acquirere nolo; sed velut homo tentans Deum, patiens esse volo, & pati nolo. Tu, Domine, didicisti ex ijs quæ passus es; patientiam & obedientiam; & ego omnia dura respuam? ignauus certè miles. Tu propter me in cruce dura coronatus, & flagellatus fuisti; & ego mollia omnia queram? Tu famem passus es; ego ventrem distendere cupiam? Tu ignominiam & improperium elegisti; ego insanus gloriam spectabo? Tu in omnibus dura elegisti & vilia & aspera, sicut & omnes Sancti tui; ego verò non tuo spiritu, sed carnis & mundi impulsus, commodis meis studebo? nōne tu nosti, dulcissime I E S V, reprobare Isaia 7.
malum, & eligere bonum? si in cruce & tribulatione malum; anne eam elegisses? nōne calicem passionis matri, & amantissimis Hebr. 11.
Sanctis propinasses, qui circuierūt in melotis, & pellibus caprinis, egētes, angustiatī, afflicti, per desertum vitæ huius, vt in verā promissionis terram peruenirent? ego verò quomodo aliam viâ inuenire volo, quàm tu, Sapientia æterna, elegeris? Displicetne mihi,

Psal. 90.

Matt. 5.

ô Deus meus, consilium tuum? oportuit te pati, & ita intrare in gloriam tuam? quo pacto igitur intrabo in illam, nisi viâ regiam sanctam crucis? Quocumque eam aut fugiam, effugere crucem nullo modo valeo, vndique malis cinctus: sed hoc ago, vt ea, quæ, si libenter de manu tua acciperem, suauius essent (tu enim dixisti, Cum ipso sum in tribulatione) iam ob propriam voluntatem & repugnantiam aspera fiant & intoleranda. Quid me facies, bone IESV? nonne certum, quod nisi compatiar, corregnare nequeam? cur ergo eos, qui coronam mihi fabricant, odi & auersor, qui vel imprudentes, vel ingenti suo malo, etiam in hoste commiserando eam mihi faciunt? Ecce medicinam præbent peccatis meis, & hostibus abigendis arma; sed nolo, bone IESV, & instar furiosi, qui hostes meos fouent, diligo: qui eos debellant, auersor. neque pudet, eheu! me Christianum verbis dicere, & quasi factis negare. O IESV amantissime, talémne tolerare potes in seruitio tuo, qui horret velut demonem crucem tuam? qui non diligit persequentes se, neque orat pro illis, neque bene facit ijs; sed velut Ethnicus & publicanus, diligētes se diligit, & odientes odit: quod etiam fera faciūt? & licet iubeas inimicos diligi, ac tanta præmia proponas, eheu! ecce plus apud multos valet verbum proximi placabile, aut obsequium vile, quàm omnis voluntas tua: ob illud enim illi ignoscitur, ob hanc ne verbulum condonatur. Ecce confiteor tibi delicta mea, & postulo humillimè gratiam tuam, per dolores, fætigationes, mœrores, vulnera innumera, & opprobria tua, vt discam inimicos diligere, aduersa vt à te immissa amplecti, per multas tribulationes à prouidentia tua immissas, aliquando saluus fieri, & inter amicos tuos, quos & imploro, fortissimos Martyres, tot passionibus nobiles, inter Confessores & virgines etiam cruce suâ insignitas, stare, & te frui in æternum. Resigno me tue prouidentie, dispone de creatura tua. De nihilo hoc fac quod tibi placet, Domine mi Deus, cordis mei: quid enim noui quid expediat mihi: tu medicus es anime meae, nosti quid expediat; tu dux nosti, quâ ducas; tu, Pater, scio, non proijcies, neque despicies, neque deseres me; neque ego te per gratiam tuam, ô bone IESV. mori tecum, & vincere, & in æternum tibi adharere volo. Amen.

Praxis

*Praxis ad malorum priorum exercendam
tolerantiam.*

PRæuidere manè, & in examine; immò etiam singulis horis, ut iam dictum, ea quæ nobis aduersa possent accidere, & ad ea animum comparare.

Secundò, oblata occasione patientiæ oculos in cælum ad Deum conuertere, ac gratias agere, & cogitando esse te coram crucifixo, eum complecti. Reprime ergo vocem, & commoriatur ira in te, neque unquam ulli postea enarra, vel auge ab altero iniuriam illatam: id enim est aggrauare, & sese ad ultionem dæmonis astuprouocare. sed ut verè humilis extenuare debes, quia iniuria non fit illi, qui Deo perduellis, & toties iniurius fuit.

Tertiò, si quid amaritudinis sentias, præueni proximum, saltem si aliter nequis, per alium; Primò, humiliatione, etsi illius culpa sit; Secundò, beneficio; Tertiò, saltem diligenter pro illo ora. Sunt qui ex auersione & odio declinant conspectum & alloquiũ. ex ore illorum & facto iudicet illos Dominus, uti facturus est, nec videbunt faciem eius. Sunt qui humiliatione præuenire nolunt, quasi dedecet, cum humiliauerit semetipsum Dominus, & *Phil. 2.* qui peccatum non fecit, cum latronibus sese deputandum obtulerit. Quid? vis videri non posse errare, & hominem non esse te? Vide ne ut Angelus apostata, & sicut vnus de principibus corruas.

Quartò, quotidie in Sacro offer te ad omnes tribulationes, à quocumque de manu eius accipiendas, vnde cumque proueniant. deinde quotidie illi refer acceptas, & ora pro persequentibus te.

IACULATORIÆ.

Non est malum in ciuitate, quod non fecit Dominus.

Amos 3.

Frumentum Christi sum, dentibus bestiarum molar, ut mundus panis inueniar.

S. Ign. Mart.

Bonum mihi, quia humiliasti me, ut discam iustificationes tuas.

Psal. 118.

Cognoui, Domine, quia aq̃uitas iudicia tua, & in veritate tua humiliasti me.

Ibid.

Adiutor meus esto; ne derelinquas me, ne despicias me, Deus salutaris meus.

Psal. 26.

CAPVT IX.

*Exercitium, seu deliberatio de Contemnendis
hominum iudiciis.*

NVllum in vita spiritali, & perfectionis studio, maius impedimentum, quàm iudicia hominum vereri, iisque sese conformare. Aries pietatis mihi esse videtur, quo extinguitur sancta desideria concepta, & adulta subuertuntur. Quot enim pia exercitia, aliorum dictis deterriti, frequentare negligunt; aut frequentare soliti, illa interrumpunt! Quot in iniuriis essent placabiles & mitres; nisi iudicijs mundi, velut flabello, ad vindictam excitarentur! Non habet pietas hostem maiorem, impiorum dictis: & quod mirum; quos exempla non trahunt in perniciem, verba à recto, & perfectiori vita deducunt.

PRÆLVDIVM I. erit, statuere se coram Deo, eiusque curia amplissima, cum proposito omnia dirigendi ad gloriam illius.

PRÆLVDIVM II. Postulare humillimè gratiam, vt fontem propè omnis mali cognoscere possimus; qui est, iudicijs hominum subseruire; & ex iis, (quod plerique faciunt mortalium) vitam suam ordinare.

HOMO. O Sapiètia æterna, ecce, quoties in animo meo pium decretum facio, non id tantum me considerare sentio, quid res in se sint; sed etiam, quæ vulgò de rebus sint opiniones. Si enim rectè viuendi, vitandi consortia praua & colloquia, sobrietatis, fugæ sæculi, modestiæ in victu & vestitu, si confitendi crebrò, ac communicandi legem mihi statuo; pòdus graue addit mihi in plerisque iudicium hominum, sæpè improborum, aut eorum, qui neque probi, neque improbi sunt; sed in confinio vtrorumque

que commorantur, & claudicant in vtramque partem.

CHRISTVS. Graue præiudicium est, quod iudicium non habet.

HOMO. Tædet me valdè, sic ventis auræ popularis ferri & abripi, non pondere rerum, sed opinione. Sed quis me liberabit de ista communi malignitate & morbo, nisi tu Deus meus? namque, vt video, Religiosos etiam iste adurit; quos non rarò iudiciis hominum transuersos agit, plausuque ac vituperio, à norma humilitatis & obedientiæ, simplicitatisque lege, longiùs facit aberrare.

CHRISTVS. Ita est; & rara auis quemquam inuenire, qui, vbi laxior disciplina, vnus ipse strictius eam amplectatur.

HOMO. Verentur singulares videri, aliisq; non place-
re, & non tibi displicere. Quod etiam seruus tuus Aug. 1. 2.
stinus de se olim querebatur: pudet non esse impuden- Confes. c. 9.
tem.

CHRISTVS. O quanta calamitas & malitia sæculi! quæ etiam in claustra, & sui contemptores, sibi tantum iuris vindicat! qui vni mihi viuere debent, ac mori mûdo.

HOMO. Vehementer id equidem desidero. Audio enim dicentem Apostolum tuum: Si hominibus placere, Gal 1.
Christi seruus non essem. O sententiam verissimam! quis hanc equâ lance pensat? vtinam id mihi cõcedere digne- Iob 14.
ris, qui solus potes facere mundum de immundo conceptum semine; & solus Samaritanus, vulnera nostra sanare! Abrenuntiavit quisque mundo in sacro fonte, pompis & iudicijs eius; tibi que seruire statuit, & sic ad vitam ingredi: & ecce, nihil inuenio, quod nos retrahat magis, quàm iudicia vana mundi huius. Veremur dici mali, nec tolerare id possumus, & toleramus vt propter verba gratis mali simus.

CHRISTVS. Et verò, quid sunt ista iudicia, nisi aliquot homuncionum, & ferè malorum, qui que malè affecti sunt, cogitationes inanes, sermones & deliria? vt
enim

1. Ioh. 2.

enim quisque affectus est, sic sentit, & loquitur. Cùm verò totus mundus in maligno positus sit; & quidquid in eo reperitur, sit concupiscentia carnis, oculorum, & superbia vitæ: quod esse iudicium illius potest?

HOMO. Hoc sanè est eorum qui prudentiores haberi volunt; ista, cum virtute & pietate esse coniungenda; quæ plurimum dissident: & si quidem id fieri nequeat, tum de pietate potius detrahendum; ne aliorum videamur iudicijs non subscribere.

CHRISTVS. Quid autè ista profunt, vel obfunt? Quid Lunæ, Soli & astris, quòd vt Deus ab idololatriis habitatus fuerint? Quid auro, si lutum æstimetur?

HOMO. Nihil vtique nec nobis, quòd variè iudicemur, quòd laudemur, cogniti simus, vanè celebremur, aut vituperemur?

CHRISTVS. Amari certè velle singulariter (cùm proximus quilibet, sicut quisque se diligit, diligendus sit) omnium iniuria est: & laudari velle, omnino inlaudabilem facit. Qui enim id vult, iam laudabilis non est. nam verè non laudatur, nisi qui bonus; & laudabilis verè, & non falsò æstimatur. Vt quis laudari possit, laudem refugere maximè debet; cùm verè laudari nequeat, qui vult laudari: sed vituperio propter arrogantiam, apprime dignus sit. Similiter, qui acceptam iniuriam aut conuicio irascitur, aut dolet; dignum se eam esse, manifestè testatur: & laudari se in tantum velle, quantum refugerit vituperari. Si contemptus ergo aut neglectus fuisti, si quis de te malè suspicatus fuit, atque in eo gloriatus es; iniuriam factum illud fuisse declaras: meritoque fueras dignus contemptu, si de contemptu doluisses. Et verò, quid est, quod à te habeas, quodque tuum sit? prorsus nihil. Mea enim sunt omnia. Cur ergo illa tibi arrogare vis, aut ab alijs tribui tibi, & ob ea honorari? Vt dæmones sibi honores tribui volunt diuinos; sic vanus homo laudari, & admirationi esse, & auferre mihi hono-

honorem. Si sciret, diceret ijs qui se amant & admirantur, cum Apostolis meis: Viri Israëlitæ, quid miramini *1 Cor. 3.* in hoc; aut nos quid intuemini, quasi nostrâ virtute aut potestate fecerimus hoc? vel ut alij, cum immolare illis vellent: Viri, quid hæc facitis? & nos mortales sumus, *1 Cor. 14.* similes vobis homines. Vis ergo ut me omisso, te respiciant? singulariter laudent & honorent? inimici fiant mihi, ut tibi sint amici? vis tu, me præterito & neglecto, honorem quem præstare potes, amorem, admirationem tuam tribuere vanissimo idolo, id est, hominum opinioni? Qui enim illam amas, eidem per amorem subiiceris: mundumque amas, & inimicus meus constitueris. vis ut amore tui, homines impediantur, ne toto amore ferantur in me? ut ponas te murum inter eos, & me, ne plenè mihi adhæreant? Gaudes fortè, si te suspiciant multi, id est, fallantur, & fallas: si ad te veniant, si iis per te aliquid tribuam. Nõne vides muscas ad ollam, & pulices conuolare ad carnem tuam, & exsurgere? sibi comedunt, & tibi detrahunt: ita, qui ad te veniunt, aut opis, aut solatij gratiâ, quod per te illis præsto, quod suum est, petunt: propter illos enim dedisti, quod meum est accipiunt. Reddant itaque mihi laudem; neque tibi de laude aut vituperio cura sit, aut iudicio hominum.

HOMO. Si ergo neque laudem appetere, aut sperare debeo, si bonus esse voluero, neque vituperium auerfari: quanta, Deus bone! insipientia, propter illam malum esse velle, aut saltem me perturbando, & dolendo, minùs bonum?

CHRISTVS. Quis est, qui, si eius sanitas, scientia, robur, opes non laudentur, imò vituperentur, ea corrumpat? Nemo fame se cruciat, quòd à furiosis & parum fauentibus, cibis & potus venenum esse clametur.

HOMO. Et tamen, ne quis vituperet nos, sapè exercitijs pietatis, & obseruantia abstinemus, id est cibo animæ, eius-

eiusque robur & opes perdimus, & gratis venundamur sub peccato.

CHRISTVS. Quid si te quispiã consuleret? quid sibi eligendũ foret, quidq; expediret; verè diuitem esse honoratũ, beatum; an talem falsò haberi? omnibus abũdantem, an indigentem? verã, an adumbratã virtute præditum? Nõne vera falsis & vanis anteponienda esse iudicares? Attamen hic error abripit omnes; ac, ne vituperentur, iniusti esse malunt, aut minùs iusti, quàm ob virtutem verè laudabiles, beati esse, & honore digni. Quàm diuersus erit in morte sensus! imò, aliud tum vniuersi propè erit iudicium mundi. Laudabitur ab eo, qui illum contempsit; & vituperabitur, qui illius vocibus incantatus, inertem & turpem duxerit vitam. Tum paupertatis amor, honorum ac sæculi contemptus ac opinionum, & liberalitas in pauperes, & virtus omnis extolletur, etiam ab improbis; & à Sanctis meis, & me, in æternum laudabitur. vt meritò diem mortis Sanctorum, natalem eorum esse & dici voluerim. Oriuntur enim tum, & velut sidera, deficiente die hac, in nocte lucere incipiunt.

HOMO. Improbi verò, etiam tunc, cùm de salute agitur, ne inconstantes, ne timidi appareant, conuertit ad te, publicè confiteri, communicare, inungi verentur; & dira conscientia tormentum patiuntur.

CHRISTVS. Si causam quæras. in promptu est: Quis, inquit, esset sermo?

HOMO. Et, bone IESV, pluris est sermo, & verbum volans, re ipsã, salute verã? Pluris est, quàm sit te suscipere, à te visitari, pasci, roborari? Pluris verbum, quàm omnia dona tua? Pluris timor, & volitare per ora hominũ, quàm æternæ vitæ discrimen adire? O quanta vis & potentia iudiciorum humanorum! Eheu! quid in iudicio ille respondebit tibi, quando coram vniuerso orbe terrarum, patebit insipientia illius? Exprobrabis eam illi tunc, ô Sapientia æterna, quòd te spreto, vilissimorum hominum vocem

vocem pluris æstimarit, quàm mandatum tuum. Tunc insultabit illi orbis terrarum, Sancti subsannabunt, & dæmones illudent, quorum laudes, id est iacula, tam avidè quæsierat; quibus vulneratus, æternâ ignominiâ plebatur.

CHRISTVS. Qui autem me confessus & pietatem fuerit coram hominibus, confitebor & ego eum coram *Matth. 10.* Patre meo: & qui me erubuerit & sermones meos, hunc Filius hominis erubescet, cùm venerit in maiestate sua, & Patris, & sanctorum Angelorum.

HOMO. Quàm dolebunt filij huius sæculi, eheu! in longa æternitate; quòd ob verbum, cogitationem, nutum hominis alicuius, omiserint occasiones mille salutis, gloriæque sempiternæ!

CHRISTVS. Tunc, vt etiam in iudicio, eiulabunt reprobi, dicentes: Ecce hi sunt quos aliquando habuimus *Sap. 5.* in derisum, & in similitudinem improperij: nos insensati vitam illorum æstimabamus insaniam, & finem illorum sine honore: ecce, quomodo computati sunt inter filios Dei, & inter Sanctos fors illorum est!

HOMO. Amari volumus, & ecce, si idcirco omittimus amorem tuum, erimus in æternum odio tibi Deo nostro, & Angelis tuis: honorari cupimus, & omnia scelera & recessus cordis nostri omnibus aperta erunt: celebrari, & eheu! æterno carcere, & æternâ erimus obliuione sepulti, neque vnquam recordaberis nostri, Deus noster: quos audiuiamus, quorum iudicia timuimus, perpetuis nos maledictis incessent; si honorem quærimus, nōne, eheu! æternum sperare ac eligere pro momentaneo oportuit? O felices animæ, & ter felices! quibus Spiritus sanctus eam indidit mentem, vt honores mundi simul & fauores despiceretis, excelsioresque rebus omnibus humanis effecit! O beate Alexi! qui cùm esses clarissimus genere, illud celsasti, vt filium Dei te esse toti orbi comprobares: vicisti, vicisti generose athleta, & latitando sub gradi-

Mat. 5.

gradibus toto terrarum orbe sanctitatis sparsisti radios. O Apostoli, & Martyres Christi, quæ exempla nobis contemptus opinionum mundi præbuis-
 tis! Ibatis à cōspectu concilij gaudentes, quoniā digni eratis pro nomine IESV contumeliam pati? O beata agmina Anachoretarum, quàm feliciter mundo illufistis, ne ille vobis illuderet! quæ laudabat ille, calcastis; quæ vituperabat, elegistis: quis est, precor, qui vobis hunc spiritum addiderat?

2. Cor. 6.

CHRISTVS. Caro certè & sanguis non reuelauerant, sed Spiritus Patris mei qui in cælis est: magnamque ex eo pacem consecuti fuerunt, numquam anxij, nulli obnoxij; sed liberi, securi per gloriam, & ignobilitatem; per infamiam, & bonam famam: vt seductores, & veraces: sicut qui ignoti, & cogniti: quasi morientes, & ecce viuentes: vt castigati, & non mortificati. Mundanus verò, quem humani respectus exagitant, omnium oculos; ora & rumores obseruare iubetur, omniumque esse seruus. qui enim diligit aliquid, necesse ei per amorem subdatur: & quod miserrimum est, amorem, fauorem, bonam sui existimationem (quæ vera esse ob vanitatem nequeunt) venatur perpetuò: quam numquam scire potest an consecutus sit. prauum enim est cor hominis & inscrutabile; quis cognoscet illud? & qui te ore commendat, sæpè tacitus vituperat: si vnus te laudet, centum despicient. quomodo cumque te vt Proteus versēs, numquam vnus vni per omnia, numquam vnus omnibus placebis, sed pluribus displicebis.

Ierem. 17.

HOMO. O quàm caro emuntur opiniones hominum! quas verè an quis habeat quales optat, numquam nouit; & si nosset, nec ad momentum de eis certus esse posset: ita video, instabile est cor hominis, & amor illius, & quod hodie hac horâ probat, eadem improbat. Miramur, aliquem in Venerem, vel gutturis voluptatem suâ profundere; sed longè magis fatuus, qui ob imaginationes hominum, & opiniones veri honoris, pacis, vir-
 tutis,

tutis, ac gratiæ tuæ iacturam facit, id est, omnium bonorum.

CHRISTVS. Multis quidem miseriis obnoxius est homo; sed immensum auget eas, qui immiscet se, vt ita loquar, alijs corporibus, opinionioni hominum, admirationi, honori & amori: sicut enim ex corporis proprii, sic ex horum læsione afficitur, & ligna quibus vratur ipse adhibet, vinculaque quibus trahatur.

HOMO. Idcirco firmiter statuo numquam aduertere ad hominum & mundi opiniones; sed hoc vnum spectare quid à me exigat ratio, quid tua diuina voluntas, tua præcepta & consilia. Quod sit enim iudicium mundi, quàm insipiens & insanum, manifestè declaratum est in vita & morte tua: tu enim nocte in stabulo natus, triginta annos inter homines versatus ignotus & despectus fuisti; & postquam, dulcissime IESV, dignatus fuisti reuelare te mundo, quoties nobis hunc contemptum commédasti? nullum honorem aut dignitatem aut laudem quæstisti, dicens, Ego non quæro gloriam meam: est qui quærat, *Ioan. 3.* & iudicet. At numquam magis quàm falsum sit mundi huius iudicium apparuit, quàm in sacratissima morte tua: tu enim sanctus, innocens, agnus sine macula, cum iniquis ab illo deputatus es & despectus, existimatus nouissimus virorum: & ego illius laudem aut vituperium æstimabo? Neque aliam viam Sanctis tuis ostendisti, qui te ferri, nō fictè; sincerè, non errore, aut proprio amore decepti, amarunt, & ardentè exoptarunt contemni, stulti haberi ac reputari, vt imitari te possent. Magna certè iniuria tibi est (vt Chrysostomus seruius tuus loquitur) si, tamquam non sufficias ad nos laudandum, te omisso ad conferuos festinemus; hoc omnia peruertit, hoc vniuersum orbem terrarum perturbauit; quoniam hominum respectu omnia facimus, & de bonis operibus nulla nobis cura est; sed laudem nobis à conferuis nostris inquirimus.

*Chrysost. de
contemnen-
da laude
hominum.*

Galat. I.

CHRISTVS. Idcirco verè per me dixit Hieronymus: Prima Monachi virtus est, cõtemnere hominum iudicia, semperq̃ue Apostoli mei recordari, dicentis : Si adhuc hominibus placerem, Christi seruus non essem.

HOMO. Neque solùm exemplis me inuitas, amantissime IESV; sed insuper beneficiis plurimis, quæ in singula confers momenta. Quid enim ista mihi prædicant, nisi à te laudem veram quærendam esse, à quo nobis omnia bona proueniunt? si enim nihil boni nisi à te Oceano bonorum omnium, cur æstimari ab alio cupio, qui nihil mihi nisi à te præstare potest; nihil verè æstimare, quia cognoscere plenè rem nullam potest. Tuum vnus iudicium solum verum est. Cùm ergo iudicium hominum nõ vereamur, nisi simul aliquid ab ijs nobis polliceamur, qui videt te boni omnis fontem, nihilq; esse extrate, despicit omnia propter te: quid enim extra te quærat? videt lōgas & difficiles esse vias, quibus scrutatur humana cecitas quietem, vbi inueniri nequit, quodq̃ue eo ipso infelix homo inducat se in omnem inquietudinem, dolorem & afflictionem spiritus: se enim credit dubiis ventis voluntatis, fauoris & timoris hominum; cùm numquam in eodem statu permaneant. O quàm stultè vanitatem talis amat, eiq̃ue innititur vt vndis fluentibus, aëri & ventis; meritoq̃ue timet, & timendo manifestè insipientem se atque improuidum demonstrat ! Et tamen tot ambagibus, timoribus, simulationibus bullæ istæ quæruntur.

O R A T I O.

Miserere, Domine, miserere, conditor omnium, vanitatis nostræ & seruitutis, quâ mundo, & cogitationibus hominum seruimus. Si seruire liber, nõnne potius tibi Deo meo viuo & vero? nõnne tibi, Rex regum, & Domine dominantium? si laudari volo, à te verè coram curia tua, & orbe terrarum & in æternum desidero: si gloriam cupio, æternam à manu tua expectare volo: si vituperium

rium timeo, à te despici & contemni formidare vehementer debeo. quis enim laudabit, quem tu despexeris? quis eum dicet bonum, quem tu reprobaris, verax Deus, qui scrutaris corda & renes? Ecce, Domine, iam viam veritatis elegi, & iudicia tua vera iustificata in semetipsa. Illumina igitur tenebras meas, vt non vltra dñe hominis desiderem; sed vni tibi placere optē, & displicere timeam. tu enim laus mea, tu gloria mea: si gloriari oportet, in te gloriabor; quia in te inimicos ventilabimus cornu, & spernemus insurgentes in nobis, vt sine timore de manu inimicorum nostrorum liberati, seruiamus tibi omnibus diebus vite nostrae. Amen.

Psal. 118.

Psal. 17.

Psal. 43.

Praxis ad iudicia hominum contemnenda.

Primò, considerare oportet actiones suas, easque non ex vulgi iudicio, sed Deilege ordinare; ac tunc generoso animo in via virtutis progressum facere. Dici nequit quantum hunc impediât iudicia hominum vereri: hoc enim multos à frequenti confessione & communionem publicam, aliisque pietatis exercitiis auerit; & audent plurimi in schola vanitatis & nequitiae esse principes, in pietate verò paucos reperies qui praeire audeant. Timeretur vanum hominum iudicium, seuerumque æterni Iudicis non formidatur, adeoque id Domino displicet, vt eos qui se erubuerint coram hominibus, non agniturum se coram Patre tuo in die iudicii profiteatur.

Luc. 9.

Secundò, sæpè iuvat considerare, se coram Deo ac curia eius in magno theatro existere, atque operari, ac iudicia hominum spernere.

Tertio, cum hoc malum ex amore sui ducat originem, nec ferè quisquam alterius iudicium vereatur sinistrum, aut vituperium, nisi simul laudem venetur, vel aliud quidpià, magnanimitate opus est: illa enim hominem seruire vanis iudiciis ac suspicionibus, aliisque esse obnoxium, & ab iis emendicare pretio summo Christianæ libertatis, non permittit.

Quartò, Sanctis in more fuit positum, nonnulla facere quæ irritat linguas, & eos despectos reddere possent, nullâ tamen iustâ occasione datâ, atque in eo imitari illos oportet, si ad perfectionis brauium contendere velimus, & ad pacem atque animi tranquillitatem peruenire.

IACVLATORIE

1. Cor. 4.

Psalm. 118.

Psalm. 42.

Jerem. 12.

Mihi pro minimo est vt à vobis iudicer, aut ab humano die.
Feci iudicium & iustitiam, non tradas me calumnianti-
bus me.

Iudica me, Deus, & discerne causam meam de gente non sancta, &
ab homine iniquo & doloso erue me.

Diem hominis non desideravi, tu scis.

CAPVT X.

*Exercitium seu deliberatio de Sincera ac fre-
quenti confessione.*

Eccli 40.

HOMO. Graue iugum positum est super omnes filios
Adæ, à die exitus de ventre matris eorum, vsque in
diem sepulturæ in matrem omnium. nescio enim quâ fiat,
vt fugiant à facie tua, Domine, & abscondant se, & pecca-
tum suum à te, qui contemplaris in omni loco bonos &
malos. sed quid agimus miseri, abscondere nitimur pec-
catû, id est vulnus, vt inueterascat, vt fiat peccatum pec-
cans supra modum? quid enim differre est cõfessionem,
nisi medicinam? quid est celare peccatû, nisi vulnerate-
gere? vt computrescant vulnera, & cicatrices nostræ à fa-
cie insipientiæ nostræ? Sana, precor, Domine, noxium
pudorem, quo impudentia tegitur; honoris vanam cupi-
ditatem, quo æterna ignominia accersitur. Adiua nos,
Deus salutaris noster, vt verè & sincerè confiteamur pec-
cata nostra, & miserearis iniquitatibus nostris.

Eccli 4.

CHRISTVS. Fili, pro anima tua ne confundaris dicere
verum: est enim confusio adducens peccatum, & est con-
fusio

fusio adducens gloriam, & gratiam. Expende quid ex sincera & crebra confessione tibi vtilitatis proueniet; quid ex falsa; quid ex mora longa. nonne, si vulnus accepisses graue, maximè si letale, continuò medicum quæreres & aperires? hoc est peccatum. Si venenum haulisses, differres, donec peruassisset fibras omnes? si ab hoste captus esses, differres, cū in manu tua esset redimi, donec vinculis, id est peccatis, pluribus esses adstrictus? donec diu duram seruisses seruitutem? quis in exilio permanere vult, donec plurimorum bonorum iacturam fecerit, hereditate amplā exclusus & honoribus? Quòd si verò humiliter statim homo confiteretur, mox veneno liberaretur & seruitute, & in filiorum meorum rursus numerum restitueretur, rursus ei meritis quotidie coronam augere concederetur; & particeps esset bonorum omnium. Qui hæc omnia spernit, & differt confiteri, vel erubescit; quanti facit ille esse se filiū meum, & seruū; quanti animæ sanitatem, filiorum meorum hereditatem; & quod maximum, meam iram vel beneuolentiam? Dic mihi, si reus esset capitalis delicti, qui si sciret multos eādem horā è lecto ad supplicium rapi, à dextris & sinistris; seque delatum: tortores instare, vt licentiā habeant comprehendēdi; & si ille verbo vno à morte, à diro supplicio, à iactura bonorum, à Regis ira se liberare, verbo vno inquam, confitendo peccatum viro amicissimo, posset, quem & secretissimum sciret; & tamen contemneret; nonne furiosum & amentem appellares? Aspice repentinas mortes, glomeratos hostium cuneos vt te perimant; plurimi enim sunt dæmones qui circumuallant, circumeunt quærentes quem deorent. *1. Pet. 5.* cur igitur salutem deseris? cur cessas, qui mederi tibi, tantoque potes malo verbo vno? currit ceruus ad dictamnum: hirundo vt pullis restituat lumen, ad chelidoniam: & mauult homo iam peccato suo reus, æternū damnandus ad momentum latere, quàm pœnis absolui, & beatus esse. O miserum, pudoris magis memorem,

rem,quàm salutis! qui perire elegit potiùs, quàm vulnus aperire! quid tu hîc amico suaderes tuo? quid tibi?

psal. 38.

psal. 31.

HOMO. Video, Domine, difficilius esse peccata commissa prodere, quàm non admissa vitare; & obstupescere debeo insaniam nostram. Obmutui, & quia filui à bonis, dolor meus renouatus est. Ego certè confitebor iniustitiam meam tibi, Deus meus, & tu remittes impietatem peccati mei, pro infinita benignitate tua: quia si tacuero, reus magis ero; & quo diutiùs expectauero, difficiliùs, vt de echino dicitur, pariam, quod concepi, peccatum.

CHRISTVS. O quot angustis premuntur in mortis hora, qui superbiâ suâ, & vano pudore à crebra & sincera confessione deterriti fuere! quot enim sunt, qui plurimos annos sacrilegè confessi fuerunt, & conculcarunt sanguinem meum! actum quidem confiteri vellent, sed vix in mortis hora sincerè euomere virus peccatorû possunt. O quàm triste mihi est, id Sacramentum, quod pro solatio statui, exitiûm fieri ex hominum malitia & vanissima vanitate longè præsentissimum. quid porui dicere dulcius, Fatere peccatum, & dimittetur tibi; fatere vni soli, verbo vno, & absolutus eris, etiam ab omnibus mundi, si patrasses, delictis?

HOMO. Ita est, benignissime IESV, facilius nihil esse potest. sed eheu! difficilius nihil corruptæ naturæ videtur.

CHRISTVS. Quid ita? an homo aliquando peccatum confiteri statuit? si aliquando? cur, vt dixi, differt, dum morâ inualuerit malum, dum hostis potentior? non decrescit morâ pudor, sed augefcit. Et verò quæ tanta pudoris causa?

HOMO. Non video aliam, quàm arrogantiam insanam hominum, qui vel vnius iudicio absolui veremur, potiùs-que optamus insipientissimè coram orbe toto accusari & damnari, quàm apud vnum nos accusare & absolui. malumus coram orbe toto ignominiâ notari, quàm coram vno mortali, misero peccatore res nostras fateri, & gloriam

riam de victoria sui reportare. malumus à te sapè in perpetuum reprobari, quàm ab vno terræ vermiculo facta nostra non probari. Eia, Domine, imperfectum nostrum viderunt oculi tui; adiua nos, & dirumpe vincula peccatorum nostrorum. *Psal. 138.*

CHRISTVS. Quid facies, miser, in die illa horrenda, quando reuelabo abscondita tenebrarum, & illuminabo consilia cordium, & nihil occultum erit, quod non reueletur; & quod in tenebris summis dictum & gestum, in lumine coram toto terrarum orbe patebit? quantopere tum elucescet veritas illa, decretum, lex & sententia mea, Omnis qui se exultat, humiliabitur; & qui se humiliat, exaltabitur? *Lucæ 14.*

HOMO. Timor & tremor venerunt super me, & tixerunt me tenebræ. horrendum est incidere in manus tuas, potentissime Deus. horrendum cogitare lamentationes & Væ miserorum, quos inutilis pudor æternis damnabit tormentis. ibi reuelabitur iniquitas ad opprobrium sempiternum: quam si confessione aperuissent tot pueri, tot puellæ, tot viri, fuisset illis peccatum ad gloriam sempiternam. Quid dicemus ad hæc, ô anima nostra? *Psal. 54. Hebr. 10.*

CHRISTVS. Olim Sancti amici mei sic instituebant suos, vt, si fieri posset, quot passus ambularet Monachus, declararet. illi non declinabant cor suum in verba malitiæ, ad excusationes excusandas in peccatis, sed crebrâ atque humili confessione eluebant peccata sua. Hinc tantâ certè pace & gaudio fruebantur; cum peccati reos flagellet tortor assiduus conscientia, & torqueat tanto violentius, quanto secretius. Serpentem illi fouent in sinu suo, ignem ad internecionem deuorantem. An iam videtur in longum differenda confessio, vt diuturnior sit pœna, difficilior venia, sæuiora intus, etiam medijs in delicijs, tormenta? Colligata enim, ait Propheta meus, est iniquitas Ephraim, absconditum peccatum eius; dolores parturientis *Osee 13.*

*Cass lib. 4.
Instit. c. 4.*

rientis veniet ei. Ecce, dic vni vno verbo, & redibit pax & tranquillitas sperata, & omnia bona pariter cum illa. Neque tantum in Sacramento Pœnitentiæ candidè & sincere aperiebant vias suas: sed generale & euidentis indicium diabolicæ cogitationis pronuntiabant, si eam seniori confunderentur aperire; tum demum securi, si perspecti illis essent. Tunc enim sciebant seniore non permittendum, vt onus grauius imponeretur, quàm ferre possent; quippe qui vires declarassent: nihil verebantur despicere, sed optabant. Et certissimum illud nota decretum meum: Omnem, qui se humiliat, exaltandum. Ideoque numquam tales famæ faciunt iacturam, sed nomen potius augment: non potest enim fallere verbum meum, & iudicia mea manent in æternum. æternâ lege fixum est, vt iterum dixi tibi, Omnis qui se humiliat, exaltabitur; & omnis qui celando peccatum suum exaltare se nititur, ferâ pœnitentiâ ignem fumo, vulnus fœtore prodere in glorius cogetur.

Math. 23.

Ibid.

HOMO. Quæ, IESV bone, commoda video! quot bonis, quot nos promissis inuitas, vt teterrimam hypocrisis vincamus, vt crebrò in sanguine tuo abluantur animæ nostræ; vt curentur vulnera nostra; vt reuertamur ad te; vt mundi simus corde; vt tandem veniamus ad te, & videamus regnantem cum Patre & Spiritu sancto in sæcula sæculorum! Amen.

Oratio pro confessione ritè instituenda.

Psalm. 31.

O Veritas æterna, Deus meus, qui scrutaris corda & renes, confitebor tibi, & non abscondam peccatum meum: si enim ascendero in calum, tu illic es; & si descendero in infernum, ades. Tu nosti omnia priusquam fierent, & respicere ad iniquitatem non potes. Confitebor ergo aduersum me iniustitiam meam, & tu remittes iniquitatem peccati mei. Confitebor homini, vt tibi Deo meo:

meo: & tu, scio, pro benignitate tua, diriges linguam eius, & vias meas. Scuto me circumdabit veritas tua, & non timebo à timore nocturno; sed tuum iudicium, ô eterna Veritas, in quo manifestabuntur consilia cordium, & reuelabuntur abscondita tenebrarum. Gratia & veritas per te, Christe IESU, facta est. Absque te, vani filij hominum, & mendaces in stateris, vt decipiant de vanitate in idipsum, & decipiantur miseri, dum celare volunt omnia videntem, & testem velocem iniquitatis suæ. O, quot in iudicio tuo, larvæ & personæ depositæ erubescunt coram orbe terrarum; & apparebunt sepulchra dealbata; nequiterq; se humiliasse, quorum interiora plena erant idolo! O insensati, quis vos fascinavit non obedire veritati: puduit coram vno erubescere, & ecce coram vniuerso orbe terrarum reuelabitur iniquitas terræ. O quàm brevis laus impiorum, & gaudium hypocritæ instar puncti! Si ascenderit in calum superbia eius, & caput eius nubes tetigerit, quasi sterquilinum in fine perdetur: & qui viderunt eum dicent, Vbi est? Reuelabunt celi iniquitatem eius, & terra consurget aduersus eum. Væ, qui profundi estis corde, & à Domino absconditis consilium! quorum sunt in tenebris opera, & dicunt, Quis videt nos, & quis nouit nos? Tu nosti, Domine, & contemplaris in omni loco bonos & malos: ideoq; non declinabo cor meum in verba malitiæ, ad excusandas excusationes in peccatis: sed voluntariè sacrificabo tibi, & confitebor nomini tuo, quia bonum est. Tu ostendes mihi viam rectam, per eum quem ducem mihi dare dignatus fueris; eum ipsum vt te audiam: non enim est prudentia, non est consilium, à te, Domine. Incertæ sunt omnes prouidentia nostræ, da illi, quæso, Domine, spiritum rectum, vt cognoscat mirabilia de lege tua, vt aperiat mihi voluntatem tuam; quam scire vehementer desidero, & vni tibi placere, & seruire in vera sanctitate & iustitia, in humilitate & patientia, castitate perfecta, & sincera caritate omnibus vita mea.

Psal. 90.

Ioan. 1.

Psal. 61.

Eccli. 19.

Galat. 3.

Iob 20.

Ibid.

Isaia 29.

Psal. 141.

*Praxis ad peccatorum confessionem per-
agendam.*

Prima. Obserua diabolum nihil magis, hoc maximè tempore moliri, quàm vt efficiat homines incredibili infantiâ, etiam aliquando Religiosos & pios, præsertim mulieres, abscondere peccata sua, excusare, palliare, nullâ admittere monitionem. atque ita astu magno, vt S. Bonaventura ait, omnia peccati & defectuum excludere remedia. Quanto acceptiores Deo sunt grauissimi peccatores, quàm eiusmodi simulatores! quia facilius certè illi, quàm hi, vtpote tepidi, curantur & sanantur. Assuescere ergo quisque primo debet confessario, & si Religiosus est, etiam Superiori se sincerè aperire, neque defectus tantum, sed & insuper tentationes, aliaque pietatis exercitia.

Secunda. Et si verò laudabile certo Confessario confiteri; tamen si, vt fit, libertati officere videatur, non tantum mutare conuenit, sed oportet, & potius ignotus, & in tenebris adeundus, quàm in pœnas & tenebras exteriores anima per reticentiam à dæmonio muto detrahatur. Idem esto iudicium, si periculum animæ ex confessione timeatur, si secreti reuelatio. Eapropter Ecclesia mater decreuit, vt in mulierum monasteriis quotannis ter vt minimùm alij ab ordinario dentur Confessarij. Ideo ferè in Iubilæis facultas omnibus tribuitur, etiam Religiosis, cuius approbato confitendi. Sed discreti Superiores, & animarum veri zelatores, huic incommodo vtrò occurrunt, & vt meritò debet, offerunt facultatem confitendi alteri, si angi suorum videant conscientias; tantum absit vt negent. Certè negare illam, præsertim in monasterijs mulierum, durum est, & ob Christum vincetas, vt sic loquar, laqueis irretire, ac in salutis portu, portam illius, cheu! occludere. Hac de causâ prudenter sanè B. Theresa in suo Ordine Confessarij optionem dedit. Vides quantâ libertate hîc vtendum. Vnde probare non possum allici pœnitentes: sed consilium R. P. Aluarez vtile semper visum ac salutare, vt eos demum audiat & iuuet Confessarius, quos ad eum Dominus miserit; pro his enim illi gratiam, & vt sic loquar, annonam largitur, quâ animam pascit. Idque humilitas suadet. Si enim quisque alium se meliorem æstimare debet, vtrique etiam aptiorem animabus iuuandis: nemoque verè humilis ideo se aptiorem, quòd doctior fortè sit aut exercitior, putet, cum sciat Dei so-
lius

*Concil. Tri-
dent.*

Solius esse trahere, sanare, dirigere animas ad finem & perfectionem, quam illis destinauit: incertas verò esse hominum prouidentias. Illud etiam laudabile aliquorum iudicatur institutū, ut eo Confessario, quem Dominus in loco, seu confessionali statuerit, utantur; in hoc illius paternam, cum humilitate, prouidentiam sequantur. Ille nouit cui quem mittat: sic Philippum misit Eunuchō, sic Ananiam Paulo, sic Cornelio Petrum. nec misit tantum, sed instruxit, priusquam mitteret, quid opus factū esset; & ad Cornelium missionem miraculo testatus fuit.

Tertia. Deligendus Confessarius vir doctus, prudens, maturus ac pius, non verbosus, nec blandus: quod de mulieribus dico. His cum Confessario, uti vitanda familiaritas, ita etiam visitatio, & frequens colloquium, nisi necessitas compellat; ac tum quidem breue, & numquam sine teste admittatur, etiam si Angelus de celo esset. Sic Sanctæ omnes fecerunt, sic Sancti. Qui aliā cum potest viā graditur, non insistit Sanctorum vestigiis, & temeritatis suæ pœnas metuat.

Quarta. In confessione instituenda humilem & perspicuum esse oportet, ordinatū ac breuem, omiſſis generalibus, & iis, quæ sub conditione vulgò ab omnibus ferè narrari solent, ac longâ narratione, maximè in eo quod ad castitatem pertinet: cum narratio & accusatio verbosior periculosa sæpè sit utrique, & pœnitenti, & confessario. Speciem facti & peccati explicare sufficit, id est, circumstantiam illam, quæ efficit illud peccatum longè grauius, ut sunt circumstantiæ personæ, si illa coniugata, Religiosa, voto obstricta. Vis autem commodè te præparare ad confessionem? utere formulâ examinis generalis. Primò, gratias age, quòd spatium pœnitentiæ dederit Deus; Secundò, lumen pete, ut agnoscas peccata tua ac detesteris; Tertiò, examina te; Quartò, contritionem excita; Quintò, firmiter propone emendationem. Examinare autem te poteris, quomodo cōtra Deum, proximum, & te ipsum peccaris cogitatione, verbo, opere, atque omissione: vel certè actiones diei percurre, & breuiter tria vel quatuor (quando grauius nihil est) collige, de quibus in confessione te accuses; ac potissimum contritioni & proposito intendas. Iuuat in examine quotidiano ad expeditam confessionem, confitenda annotare: pro contritione actum illius l. i. c. 5. explicatum recitare.

Quinta. Et si crebra confessio laudanda sit, & hic tamen moderatio adhibenda. Sacerdotibus equidem etiam quotidianam Sanctorum exemplo suaserim: sæcularibus piis semel atque iterum in hebdomade sufficere confiteri, & quidem breuiter, nisi necessitas

fitas aliud imperaret. Cauendum autem ne ex consuetudine fiat confessio, sed ita semper instituenda est ac si statim post illam moriendum foret, non tamen scrupulosè. collationem instituere confessionum, & de profectu suo iudicium ex illis facere appime salutare.

Sexta. Quà reuerentiâ, humilitate, quoque ritu constituendū sit passim traditur. Vnum moneo, vt in formula quæ confessioni præmittitur, dum pœnitens dicit *Confiteor Deo*, reflectat, & seriò cogitet nō homini se, sed Deo cui omnia patent, loqui: neque humanæ prudentiæ vllius, sed soli Deo eiusque gratiæ confidat, vt velut in sanguine Christi lauandus accedat. Deinde ad *mea maxima culpa* contritionem iterum excitet, mente saltem adiiciendo, *& doleo quod tot beneficiis, tanto amoris Lei mei nil nisi peccata reposuerim.* Idem fieri expedit ad eadem verba post confessionem repeti solita. Formulâ longiore si temporis angustia vti non permittat, saltem breuiore vtendum, hac vel simili, *Confiteor Deo omnipotenti, B. Mariæ, omnibus Sanctis, & tibi, Pater, quia peccaui nimis, mea maxima culpa.*

Post confessionem peractam Primò, gratias age; Secundò, pete gratiam vt te emendare queas, ac tibi diffide, Deoq; confide; Tertiò, propositum renoua, & quoad potes occasiones prospice, & vitare decerne, Quartò, pœnitentiam exple, orationes iniunctas recitando. Adde te poteris afflictionem aliquâ corporis, aut incommodè flectendo, aut quid simile, & eleëmofynam largiri saltem spiritualem, pro proximis orando, & potissimum iis qui malè affecti sunt. sic etenim tria bonorum operum genera expleueris.

IACVLATORIA.

Ioan. 5.

Ecce sanus factus es, iam amplius noli peccare, ne deterius tibi aliquid contingat.

Psal. 31.

Delictum meum cognisum tibi feci, & iniustitiam meam non abscondi: dele Domine iniquitatem meam.

Luc. 15.

Peccaui in calum, & coram te, & iam non sum dignus vocari filius tuus, sed fac me sicut vnum de mercenariis tuis.

Psal. 18.

Delicta quis intelligit? ab occultis meis munda me, & ab alienis parce seruo tuo.

CAPVT XI.

*Exercitium seu deliberatio de Pia ac frequenti
communione.*

HOMO. O Sapientia æterna, ô lumen mentis, quàm
uarijs sententijs & exemplis distrahor! neque satis
possum constituere cum animo meo, quid expediat; v-
trùm crebrò hæc Sacramenta vsurpare, an reuerenter ra-
riùs ad illa accedere. Inuitat me certè benignitas & hu-
manitas tua, Domine Iesv, qui ad magnum hoc conui-
uium vocare dignatus es etiam claudos, cæcos & debi-
les & peccatores, quorum primus ego sum. Obsecro te
igitur, vt, si diuinæ voluntati tuæ id magis placeat, conce-
das mihi gratiam, quâ sæpiùs ad sacram hanc cœnam, cæ-
leste epulum accedam, & tibi, qui es salus mea vnica, coni-
ungar. Luca 14.

CHRISTVS. Ego descendi de cælo, vt panem istum cæ-
lestem vobis proponerem; vt qui manducaret hunc, vi-
ueret in æternum. Ego quotidie in Missæ sacrificio me-
moriale completum esse volui passionis, & amoris mei:
ego in ara crucis amoris igne vri, vt essem tibi dulcis pa-
nis & acceptus, & omne in me delectamentum haberes.
quid ergo formidas accedere, quãdo ego clamo: Venite, Ioan. 6.
comedite panem meum, & bibite vinum, quod miscui
vobis; bibite, & inebriamini, carissimi? nisi manducaueri-
tis carnem filij hominis, non habebitis vitam in vobis. Prou. 9.

HOMO. Sanè, benignissime Iesv, memoriam hîc facis Psalm. 110.
mirabilium tuorum, misericors & miserator Dominus, vt
escam des timentibus te. Quid enim est homo, vt digne-
ris eum vocare, & cum eo epulari, & ingredi ad eum, &
mansionem apud eum facere? Quæ non bona illi obue-
nire

nire debent ad quem diuertere dignaris , tu fons omnis bonitatis ! Existimo certè, eos qui toties pane cælesti pascuntur, cælestes euadere debere, & vnum tecum fieri.

Ioan. 6.

CHRISTVS. Viuunt & manent illi me, & ego in illis; si quoad humanitus possunt, sese præparent ad hoc conuiuium, in quo ego sumor, & recolitur memoria passionis meæ. Sed cibus sum grandium; cresce etiam, tu, & munda me: nec tu me mutabis in te, sicut cibum carnis tuæ; sed tu mutaberis in me, & particeps eris omnium timentium me.

Aug. l. 10.

Cōfess. c. 19.

HOMO. Credo, Domine, quia, cum sis potentissimus & liberalissimus, non potes introire ad nos, & non effundere munera gratiæ tuæ: non potest quis accedere ad te, fontem vitæ, & sitire fluenta fœtida mundi huius: animæ, cui licet bibere ex calice tuo verè præclaro, non libet bibere de calice dæmoniorum.

Gen. 49.

CHRISTVS. Ita gratiâ meâ efficere soleo. sed sunt qui panem meum, qui præbet delicias regibus, hodie comedunt, & mox ad filiquas porcorum cum filio prodigo redeunt. istis certè sæpè fiunt nouissima peiora prioribus. Iubeor enim cedere dæmonibus locum meum, id est, animam, quam mihi emi pretio magno, vt glorificarer, & portarer in ea. deliciæ enim meæ sunt esse cum filiis hominum.

Prou. 8.

Rom. 2.

HOMO. Ideo vereor, Domine, accedere, ne thesaurizè mihi iram in die iræ: quia fragilis & miser homo ego sum, neque possum resistere aduersariis meis.

Chrys. hom.

61. ad pop.

Ant.

CHRISTVS. Ad hoc parauì in conspectu tuo hanc mēsam, aduersus eos qui tribulant te. Nam qui me deuotè suscipiunt, tanquam leones ignem spirantes ab hac mensa recedunt, diabolo terribiles. neque difficile proinde est volenti, resistere. Si quis enim aduertat me secum esse, nōne cum Dauide dicere poterit, Si consistent aduersum me castra, non timebit cor meum? Pone me iuxta te, & cuiusuis manus pugnet contra me. Nullum certè effi-

Psal. 26.

Iob 17.

cacius

cacius remedium aduersus omnes tentationes; maximè carnis, cuius sunt iacula ignita, & cum qua anceps semper pugna. cupiditas verò radix omnium malorum inpiuitur: quia ego solus satio animam me esurientem bonis, & diuites dimitto inanes. voluptatis omnis ardor, etiam sensus restingitur, quia præbeo ijs verè panem, omne delectamentum in se habentem. Verè enim dixit Propheta meus: Quid enim est bonum eius, & quid pulchrum eius, *Zach. 9.* nisi frumentum electorum, & vinum germinans virgines?

HOMO. Verùm tot humanarum rerum occupationes nos distrahunt, neque volentes, accedere sinunt ad te: sed turbamur erga plurima. cum verò in pace sit factus locus tuus, gratum tibi obsequium esse non potest corde animoq; vago, & vix cum veste nuptiali, venire ad te Regem regum, & Dominum dominantium. *Psal. 75.*

CHRISTVS. Probare seipsum omnino debet homo, & *1. Cor. 11.* sic de pane meo comedere, & de calice bibere: qui enim manducat & bibit indignè, iudicium sibi manducat & bibit. Verùm hæc probatio hoc exigit, vt immunis sis à grauioribus peccatis, & quoad humana potest fragilitas, pares te ad tantum hospitem, tantumque conuiuium. Neq; potest mihi quidquam esse magis ingratum, quàm has audire excusationes, quas adeò manifestè damnaui: Villam emi & iuga boũ, & vxorem duxi, & ideò non possum venire. triste mihi est, omnibus me postponi; & indignitas summa, nihil esse apud aliquos quod minore curâ ac sollicitudine peragatur, quàm accedere ad mensam meam, & panem comedere Angelorum. Negotijs omnibus tempus tribuitur & largitur; omnium negotiorum maximo tempus deficit. properatur & festinatur ad forum, ad commercia, ad fabulas, ad iocos, ad ludos: imò, etiam si ad proximum iuuandum eatur, nisi necessitas aut obedientia vrgeat, irreuerentia magna est, mox hospitem me deferere; me, qui de summo cælorum veni, vt cibem,

vt

Ioan. 6.

Isaia 29.

vt reficiam, vt sanem, vt me totum tribuam. siccine sese hospites haberi vellent? eâ beneuolentiâ accipi? eâ inurbanitate derelinqui? Tûne suaderes amico tuo, vt cùm tot bona veniant mecum; tot mala dissipem præsentia meâ; tam dulce mihi sit vobiscum esse vsque ad consumptionem sæculi; tam triste videre mensam meâ vacuâ & despectam; vt rarò accederet ad me Dominum ac Deum suum? At negotia habet: quod maius quàm me suscipere? prudentiâ indiget: quid vtilius, quàm vt me, qui sum Sapientia aterna, secum habeat, magni consilij Angelum? robore indiget: nōne ego sum fortitudo vestra? nōne ego operor omnia in omnibus? imò hic est panis de cælo, vt si quis ex eo manducauerit, non moriatur: nec enim solum hîc peccata præterita condono; sed præseruo à futuris, & applico homini merita mea. Hæc sanè causa est, cur sapientia mundi, quæ stultitia est, seipsam decipiat: sine me itur ad prælia, sine me consilium initur. verum ego Dominus exercituum: ego solus dissipō sapiētiam sapientum istorum, & consilium impiorum non adiuuo. Non sic faciebat Moses seruus meus; qui ducere populum, etsi iussus à me, noluit nisi præcederem castra, & dux itineris essem, in conspectu eius. Si ergo absque me non est consilium, non est potentia, non prudentia: nōne qui me derelinquunt, derelinquentur à me, & non prosperabitur via eorum?

HOMO. Quando ad vitæ terminum venerimus, meritò timere debemus, ne nos visere recuses, Redemptor noster, qui sanè ad te venire nolimus. Forsitā & iustā hac animaduersione punitur peccator, vt qui te suscipere noluit sanus; deploratus, & ab omnibus desertus, à te etiam derelinquatur.

CHRISTVS. Nōne id meritò facio toties repulsam passus? quot enim concionatores, serui & præcones mei, inuitant eiusmodi ad me? & tamen, quàm multi durā ceruice, & incircumcisis cordibus Spiritui sancto & bonis inspi-

inspirationibus resistunt. Sto, & pulso, & desiderio desi-
 dero pascha manducare cum eis: sed quia simul inuitat *Luc. 22.*
 caro, inuitat mundus, sapè contemnor, & vix tandem ad-
 mittor, admissus mox rursus expellor. Quid, cum ad iu-
 dicium veneris, respondebis, ô miser homo? quando im-
 properabo & exprobrabo tibi ingratitude tuam?
 quæram ex te, Quare dereliquisti me fontem aquæ viuæ:
 quid nocui, aut in quo molestus fui? Inuitaui, & dixi, Ve-
 nite, & bibite, & emite absque argento, absque vlla com-
 mutatione. & verò quoties cœnam meam non es asper-
 natus? paui te sanguine & carne meâ; amplexus te fui, &
 osculum pacis dedi; imò tradidi me tibi: sed vilis ob bo-
 nitatem meâ, & malitiam tuam factus sum, & abiisti va-
 gus in viam desideriorum tuorum. An forsan aliud, quod
 ageres, erat, quàm vt mihi placeres? me quæres in toto
 corde tuo? quæres dum inueniri possem? iam venis vt
 recipiam te in æterna tabernacula; qui sapius hostes ca-
 pitales tuos, quàm me hospitio non tantum accepisti, sed
 maximo discrimine aduocasti. quoties vt peccatum per-
 petrares, multa tolerasti; ego verò folio meo, templo
 meo, quod estis vos, exclusus sum à te? & iam vis habere
 partem mecum, mecum epulari?

Homo. O quoties in æternum dolebo, si te Deum ac
 Dominum meum non recepero! quomodo postulare po-
 tero vt intrem regnum tuum, si tibi clausero meum, vt
 aperirem hosti? erubesco totus, dum cogito, Domine
 Deus meus, immensam caritatem tuam, quâ exultas, vt *Psal. 16.*
 gigas ad currendam viam, vt è summo cælorum descēdas
 ad manus & nutū sacerdotū, vt venias ad me. Erubesco,
 quod sapissimè audierim in auribus cordis mei vocem *Cantic. 5.*
 tuam: Aperi mihi soror meâ, sponsa; caput meū plenum
 est rore, & cincinnati mei guttis nocturnis. Quid faciã, aut
 quid respondebo tibi dicēti mihi, Ecce sto ad ostiū, & pul- *Apoc. 3.*
 so: si quis audierit vocē meam, & aperuerit mihi ianuam,
 intrabo ad illum, & cœnabo cum illo, & ipse mecum?

Psal. 101.

CHRISTVS. Attende insuper Sanctos meos, quotvigiliis, quot precibus, quot suspirijs parabant viam ante me; si comedebant, si bibebant, fluebant illis lachrymæ, & potum suum cum fletu miscebant, quod qui panem Angelorum manducarent, siliquis cogarentur vesci porcorum. erat illis omnis mora longa, quâ à mens mea abesse cogebantur: erat omnis mora brevis, & labor levis, quando edebant & bibebant super mensam meam.

Ioan. 6.

H. MO. Heu mihi, Domine, heu misero mihi! quem nō amor tuus stimulat, non virget fames: sed qui venio ad te, quia compellit fortè fama, prouocat consuetudo; etsi nauseat anima super manna isto suauissimo. Hinc pastus carne tuâ, suspiro ad ollas carniū; potatus sanguine tuo, cogito de Babylonis poculo; recreata amplexu tuo, properat fornicari anima cum amatoribus multis, inquieta, vaga. Quare imus, precor, à facie Domini? quare deferuimus te, salus nostra? obliuiscimur tui, Iesv, & infinitæ caritatis tuæ? nōne nobis tibi ad hædere bonum, & in pace alta gustare, quàm suavis sis? intrare ad altare tuum, ad te, qui renouas iuuentutem nostram? in te manere, & te in nobis? Dixisti enim, Qui manducat meam carnem, & bibit meum sanguinem, in me manet, & ego in eo. O dulcissimum verbum! tu in me, & ego in te! O quanta dignatio! tu in me, & ego in te! O quantus amor! tu in me vili sterquilinio, & ego in te summo bono! O qualis commutatio! tu in me, & ego in te! quid vltrà petere, aut sperare possum? visitas nos certè in salutari tuo, ad videndum in bonitate electorum tuorum.

*Psal. 105.**Cant. 8.**Osean.*

Pone te, Domine mi, sicut signaculum super cor meum, sicut signaculum super brachium meum. Memoriam memor ero tui, & in æternum non declinabo à mandatis tuis. Traxisti me in funiculis Adæ, in vinculis caritatis. Quis me separabit à caritate tua? quis me vltrà morabitur, ne vocatus ad nuptias veniam; aut sitiens, ad fontem; aut prodigus, ad patrem; infirmus, ad medicum;

eum; aut sponsa, ad sponsum, & desiderium animæ meæ? Ne, precor, respue me iusto iudicio tuo; sed si moram feci, si rariùs veni ad te, si tardiùs aperuisti tibi, si oblitus fui comedere panem meum; nequaquam vltà iam faciam: sed frequenter & reuerenter apparebo in conspectu tuo, nec vacuus gratià redibo; sed manus meæ distillabunt *Cant. 5.* myrrham primam, mortificationes, & cor meum loquetur tibi, & adhærescet anima mea post te, & me suscipiet dextera tua.

Oratio pro communione.

O Quàm suavis est, Domine, spiritus tuus, qui, vt dulcedinem tuam in filios demonstrares, pane suauissimo de calo præstito, esurientes reple bonis, & fastidiosos diuites diuitis inanes! Sap. 12.
Ecce ego mendicus sum & pauper, Domine, tu, quæso, sollicitus sis *Psal. 39.* mei: vt gustare possim & videre, quàm suavis sis; & numquam nauseare super Angelorum pane, in quo est omne oblectamentum, & omne miserorum solatium. Tu enim es veritas, Deus meus, nec fallere, nec falli potes. Vilescant mihi omnia, & amara sint, propter dulcedinem tuam, quam hic abscondisti timentibus te. Accedam ad te, & illuminabis me, ô lux vera, quæ illuminas omnem hominem. Accedam ad te, & accendes me, & ignem mittes in ossibus meis, vt luceat lux mea coram hominibus, & videant opera mea, & glorificent te Patrem meum, qui in calis es: turpe enim est, *Matt. 5.* dulcissime IESU, toties pasci te pane Angelorum, & cum secularibus, & ijs qui te ignorant, tam auide vesci siliquis porcorum. Nónne mutari deberemus in te, & Angelorum vitam viuere, qui Angelorum pascimur cibo, & frumento electorum? O quando inebriabor ab vbertate domus tuæ! O quando letificabitur cor meum in vino, quod tu, amanti ss. me Domine, expressisti, & torcular calcasti solus! Ecce das te mihi totum; & ego non reddam me tibi: vis esse cibus meus, & delectatio mea: cur ergo vltà queram bibere de calice Babylonis, & delectari in vanitate mundi huius? Tu mihi panem præbes, carnem tuā, vt viuam de te. nihil ergo cupio extra

Ioan. 6.

Cyprian.
epist. 54.

te: sed credo, Domine, & spero, quòd qui māducat hunc panē, viuet in aeternum, spero quòd manebo in te, & tu in me, & quòd resuscitabis me in nouissimo die. Tu mihi calicem præbes, calicem salutarem, da, quaeso, per gratiam tuam, vt dignè bibam illum, & satier cū apparuerit gloria tua. O quā præclarus calix iste! quā religiosa est huius potus ebrietas, per quam excedimus Deo, & quæ retrò sunt obliti, ad anteriora extendimur, non habentes sensum mundi huius, sed diuitis purpurati delicias contemnentes cruci haeremus, sanguinem sugimus, & intra ipsa tua, ô Saluator, vulnera figimus linguam, quo interiùs exteriùsq; rubricati, à sapientibus huius seculi iudicamur amentes, qui religionis huius abhorrentes mandatum vsque hodie retrò abeunt, & à secretis diuinis, omnium intra se mysteriorum continentibus summam, diffugiūt & recedunt. qui manducat ex hoc pane, vltra non esurit; qui bibit, vltra non sitit, quoniam mysterij huius sic sufficit gratia, sic reficit intelligentia, vt cuiusque tanta rei innotuerit plenitudo, omnis consummationis sine inuento, te, ô Domine, ferat in pectore, te ipsum ferat in mente, & omni tempore habitatori suo dicta & facta iubilatione consonā laudes resonent, & gratiarum actiones decantent.

Praxis ad piè communicandum.

PRima. Consideratè statuere, frequenter, vt minimum singulis mensibus, communicare, iudiciūque Confessarij super eo exquirere, eiūque humiliter acquiescere. Ille status profectusque rationem habebit, de quo difficile iudicare est. Semel in hebdomade feruenter Deo seruientibus sufficit; quod S. Pachomij discipulis Angelus præscripsit, & in variis Ordinibus Spiritus sanctus instituit: sæpius tamen etiam licet, atque vtile est, quia Deo gratum sæpius se inuitari, vel se inuitantem à filiis visitari. Certè viaticum optimum est in via communio, antidotum, præsidium, lucrum.

Secunda. Quotidie spiritualiter in Sacro communicare, & hoc pacto ad sacramentalem communionem sese præparare. Neque hoc solū, sed magis quotidianis mortificationis exercitiis, & diligenti curâ spiritualis profectus. Humilitas optima dispositio,

sicio, quâ quis sese indignum æstimat; & vera ac sincera caritas: nihil enim æquè repugnat, ac vel minima a proximo auersio, propter quem etiam debemus animas ponere.

Tertia. Quotiescumque negotium arduum est, subsidium & solatium hinc petere, idque publicè potius, quàm priuatim, vt omnes agnoscant nos (non vt Ethnicici) fidere viribus, aut industria, sed leuare oculos in montes, & ad cælum, vnde veniet auxilium nobis. *Psal. 120.*

Quarta. Famulos, & fidei nostræ commissos exemplo & exhortatione ad piam hanc consuetudinem inducere; imò illos etiam hac conditione condacere.

Quinta Diligenter se ad communionem præparare, & post eam sese conseruare in deuotione, ac bibere de fontibus Saluatoris, instaurare vires vt cibo optimo.

Obserua Primò, extrema hic vitanda: sunt qui peccatis irrecitati & immeriti, hæc sacrosancta mysteria crebrò etiam adire optant; neque tamen vitam corrigunt: sed eam hoc velamine tegunt, ac sibi blandiuntur. De quibus illud Apostoli dicere licet; idcirco eos dormire, & indormire peccatis, quia non satis se probant, nec diiudicant corpus Domini. Alij non sunt quidem grauioribus implicati peccatis, sed inueteratis inhærent imperfectionibus, neque conantur se vincere; & tamen, ne aliis inferiores videantur, sæpè ad sacram Synaxim accedere contendunt: dicique illis potest, Comedistis, & non estis satiati; bibistis, & non estis inebriati. Si quis dissuadeat, queruli, importuni. Vtinam eiusmodi, & qui quotidie celebrant sacerdotes (aut certè deberent, crebrò) aduerterent fructum, quem colligunt, & metirentur profectum ab annis aliquor; quanto humiliores, magis patientes, resignati, quieti, facile deprehenderent ambitionis hæc desideria esse potius, quàm deuotionis. Cum inuitatus fueris ad nuptias, aiebat Dominus, vade & recumbe in nouissimo loco: hi verò cum primis volunt, & murmurant impudenter, si per famulos suos Dominus eos iubeat nouissimum locum tenere. Magna certè potentia Dei solius, & ab humilibus solis honoratur!

Obserua Secundò. Aliud esse genus qui nescio quâ reuerentiâ Domino molestâ, sibi inutiles venire recusant inuitati & moniti, quòd defectibus pleni sint & negotiis. Verumtamen certum est non satisfieri debitis tempore, sed re: & optandum, vt hi videant an tempore magis præparentur; an verò mundi magis sint, quo diutius differunt, & peccata coaceruant; an magis deuoti postquam pluribus & peccatis & negotiis immeriti fue-

runt: planè certè, vt magis propinquus scilicet esset salutì, qui medicum diu fugit cum æger esset, expectauitq; donec malū inueteratum foret: vel vt debitor qui finit vsuias vsurarum excrecere, vt minimè soluendo sit. anè, vt suprà dictum, præstat in negotiis humiliter auxilium flagitare per sacram communionem, quàm absque ea sibi præfidere: humiliter ad Deum dulcissimis his verbis, Venite ad me omnes qui laboratis, & onerati estis: Venite, comedite panem meum; & bibite vinum, quod miscui vobis, etiam debiles & claudos inuitantem accedere; quàm rusticā verecundiā retrocedere. ita tamen, vt quantum res patitur, præparatio fiat tanto hospitii: quo suscepto, nihil opus ab aliis negotiis feriat, sed a malo; sufficitque ambulare in conspectu eius, & currere in viam mandatorum. Audiamus ergo Damascenum, Et purā conscientiā, fideque haudquaquā dubiā accedamus; ac profectò, ait, sic nobis fiet, quemadmodū sumè ac constanter credimus. Ipsum porro omni puritate colamus, hoc est, spiritali, & corporeā; siquidem duplex ipse est. Ardenti cupiditate ad eum adeamus, manibusq; in crucis formam compositis, crucifixi corpus suscipiamus, atque oculis & labiis, & frontibus impositis, diuini carbonis participes efficiamur, vt ignis desiderij in nobis insiti, assumptā eā, quæ ex carbone oritur, inflammatione, peccata nostra exurat, ac pectora nostra collustret: demusque operam vt per diuini ignis perceptionem inardescamus, dique efficiamur, &c.

Matth. XI.

Prou. 9.

*Damasc. de
orthodoxa fide.
l. 4. c. 14.*

IACVLATORIÆ.

Psal. 110.

Memoriam fecit mirabilium suorum misericors & miserator Dominus, escam dedit timentibus se.

Psal. 112.

Quis sicut Dominus Deus noster, qui in altis habitat, & humilia respicit in calo & in terra?

Psal. 72.

Quàm bonus Israël Deus, his qui recto sunt corde!

Psal. 62.

Sicut adipe & pinguedine repleatur anima mea, & labiis exultationis laudabit os meum.

Matth. 26.

Accipite & comedite: hoc est corpus meum.

Psal. 98.

Exaltate Dominum Deum nostrum, & adorare scabellum pedum eius, quoniam sanctum est.

CAPVT XII.

*Exercitium pro Sacra communione Religiosis
& deuotis minùs occupatis accommodatum.*

TRia sunt, inquit Hugo, sacrificiorum genera, vnum Dominici corporis, alterum contriti cordis, tertium mortificatæ carnis. oportet igitur præcedere sacrificium humilitatis in mente, afflictionis in carne, vt habeatur deuotio in Dominici corporis consecratione. Ideò pridie animam purgare contritione vel confessione, & abstinentiam saltem aliquam facere conuenit. Secundò, actum aliquem caritatis erga proximum (quod saltem orando pro eo fieri potest) vt induatur anima veste nuptiali. Tertio, affectum erga creatum aliquod exuere, proponendo, aut si licet faciendo aliquem mortificationis actum, vt induere possit IESVM Christum; quod respondeat valedictioni, quâ IESVS matri valedixit ante passionem; erat enim ipsa illi vnicum propè solatium. Quarto, aliquem saltem actum humilitatis exercere, qui respondeat lotioni pedum. quod D. Bernardus suis commendauit.

*Hugo de
claustro
anima lib.
2. c. 23.*

Primò, manè inuita Dominum, dum expergisceris: conuerte te, vel, si potes, vt in Religione, ad Ven. Sacramentum, atque inuita, & audi; *Aperi mihi, soror mea sponsa; vel, Zachæ festinans descende, quia hodie in domo tua oportet me manere.* Responde, *Desidero te millies, cum affectu omnium Sanctorum, mi IESV quando venies?*

Luca 19.

Postea, si Horas legis, eò applica, ad singula *Gloria, &c.* fidem, spem & caritatem exercendo; quia in hoc Sacramento potentia, & sapientia, & bonitas relucent. Tum cum B. Simone Valentino à cubiculo vade ad Sacrum, quasi comitando Christum ad montem Caluariæ, &

compassionem excitando , arque intentionem renouando.

Quartò, in Sacro; Primò, in confessione detestare omnes imperfectiones tuas vsque ad Euangelium , & gratiam pete emendandi, & lege *Miserere*, vel alias preces pro Indulgentia maximè plenaria; Secundò, passionem reuolue vsque ad *Sanctus*; Tertiò, beneficia alia tum generalia, tum particularia vsque ad communionem. Tum cõmunica spiritualiter, inuitando Dominum, vt dignè valeas postea sacramentaliter. Attè de verò defectus & peccata, atque humilia te, pòstinuoca sanctos Patronos, & maximè B. Virginem , vt sicut ipsa in incarnatione, communionem, & morte adspirauit ad Dominum, & se parauit; ita te iuuare, & ad tanti hospitis aduentum te comparare dignetur, vt pientissima mater, vsque ad postcommunionem. Tum fidem excita ad imitationem hæmorrhoißæ & S. Thomæ. Secundò, amorem cum Magdalena, & B. Virgine, & opta vt omnes Deum infinitè ament, Sancti, purgandi, iusti, &c. Tum ad benedictionem vltimam cogita quasi cælum aperiri, & Sanctissimam Trinitatem inuoca, vt ad te veniat, & mansionem apud te faciat: Patrem vt tibi iterum der Filius, & vt Filius, & Spiritus sanctus seipsum, eisq̃ue tres potentias dica, omniaq̃ue facienda offer, contritionem rursus excita, & renoua vota, si Religiosus es, vel proposita tua præcipua. Tum spiritualiter Dominum cælitibus comitatum venientem vide, modò vt medicum, modò vt Patrem, &c. semper vt omne bonum amantissimè exspecta, & complectere: & mox, vt se tradidit, te totum ei vicissim trade, & millenos mundos si haberes, cum omni affectu possibili. Secundò, humiliando, & cognoscendo indignitatem tuam, opta cum omnibus Sanctis & omnibus creaturis eum ardentissimè diligere, & vni potentias potentijs eius, ei actus & membra omnia offerèdo. Tertiò, gratulare ei omnia bona sua, & gratias age pro beneficijs. Deinde post Sacrũ pete cum
magna

Marc. 5.

magna fiducia quod optas, cùm virtus hîc de illo exire solita sit, vt quæ imperfectiones tuas sanet omnes: simul quæ cælestem curiam saluta, & vt tuos suppleat defectus roga; postea ad singulas horas inuita, vt maneat tecum Dominus, ac rursum illi te offer.

In prandio statue cultrum in gutture tuo, ne pecces in hospitem, sed ei de singulis præbe ferculum, mortificando te, & applicando passioni: quod tamè facilliter & absq; sollicitudine fieri debet, ita vt non impediatur lectio, si Religiosus es. De Venerabili quoque Sacramento, eiusque laude, si potes, aliquid proximo differas; quantum potes tantum aude, quia maior omni laude, nec laudare sufficis. Post hæc totâ hebdomadâ Dominum quotidie potes inuitare, iuxta exercitium infra positum. Si verò sis sacerdos, à meridie velut officium incipe, actum ordina ad hoc sacrificium: & cùm colligis te ad horas, poteris forsân exercere te & præparare, primâ, secundâ, tertiâ per contritionem & confusionem, seu humiliationem, faciendo, si fieri potes, aliquod opus humile. Quartâ, quintâ, sextâ, per fidem, spẽ, & opus caritatis aliquod erga proximum, aut si potes corporis mortificationem. Septimâ, octauâ, nonâ, excitare te ad amorem, & Primò, in Litanis (si, vt solent, vesperi à te etiam recitentur) inuitando omnes Sanctos, siue per te, siue per Angelum. Secundò, ad cœnam, cœnæ Eucharisticæ memoriam renouando, vt ad manuum lotionem lotionis pedum, quam Christus exercuit, atque hîc etiam mortifica te in aliquo, aut cibo aut condimento. Terriò, suspira ad cælestem cœnam, & post hæc linguam diligenter custodi; deinde saluta Vener. Sacramentum conuertendo te saltem versus templum, & inuita saltem in fine examinationis IESVM cum Sanctorum omnium desiderio; atque iterum, incumbendo, à Ven. Sacramento pete benedictionem, vti & manè.

Prou. 23.

Oratio manè recitanda.

O IESV, IESV, IESV, veni desiderium collium aeternorum, & suscipe cor contritum & humiliatum, & si qua vnquam per me fecisti bona, & quae facturum te spero ad gloriam tuam, B. Virginis, & omnium Sanctorum, ac Patronorum meorum, pro Ecclesia tua, Principibus, &c. & potentibus, & Religiosis omnibus, pro animabus defunctis, & pro parentibus, ac benefactoribus nostris, viuis & defunctis, denique iustis & iniustis, & susceptis à me mihiq; commissis, vel propter te particulariter cōiunctis N. En venio cū puluis & cinis sim, & peccator, fateor, verè maximus, ad te, ô Rex regum, & Pater misericordiarum, ac gratiâ tuâ sibi-um tuum & heredem me esse spero, & laudare te cupio pro omnibus donis tuis, & beneficijs, & vita ac morte tua. O vnica spes, gaudium, & gloria mea, vtinam te fruam, tibi inhaream, & vnus tecum sim, voluntate & amore, habitemq; in cauernis dulcissimis vulnerum tuorum, & sanentur haec vulnera mea N! ô virtus mea, si vis, potes me mundare, & cū diligas me plus quàm ego me, quomodo de venia non sperabo, & victoria passionum mearum, vt eantem tibi, gloria mea, & non confundar? Concede mihi spiritum tuum, bonum & suauem, humilem & benignum, vt vnus tecum sim, nihilq; velim extra te, cū nihil boni sit sine te. Credo tibi, Veritas aeterna, & spero in te solo, gratulor tibi, ô omne bonum, & suspiro cum Sanctis & Angelis, & B. Virgine ad immensum, infinitum, gratuitum & spontaneum amorem tuum; in te omnem affectum quem possum, & voluntatem omnem transfundo, & confido tibi, ac diligo te ex toto corde meo, anima mea, mente mea, & ex totis viribus meis, omnesq; in te, & nihil nisi in te, & propter te, ô Deus meus, Deus cordis mei, & omnia.

Aliud

Aliud exercitium ante sacrosanctam communionem.

Primò, considera Dominum IESVM quasi cum curia sua ad te venientem. Pete verò, quis sit, ab omnibus creatis, nempe Deus potentissimus, sapientissimus, optimus, iustissimus, qui homo factus, tanta pro te fecit, sicut omnia pro te creauit, &c.

Secundò, quantà præparatione opus. vide quid Deo ob beneficia debeas, doctus figuris, Sanctorum exemplis, & ratione, cùm omnes tituli Regis, Imperatoris, &c. ei conueniant.

Tertiò, quomodo, & quare veniat, nempe vt plenè se communicet, vt omnia miracula spiritualiter renouet: vnde accipere potes personas diuerfas, modò cæci, modò hydropici, modò paralytici, vt Spiritus vnctio te docebit, eoq̃ue affectu accedere, vt sanet te, & velut paruum mūdum recreet, ac S. Spiritum innouet in visceribus tuis. Vide etiam quanti steterit Christo hic cibus animæ tuæ.

Quartò, ad quem secundùm animam & corpus veniat, attende, & detestare imperfectiones tuas præcipuas etiam sigillatim, maximè illam contra quam instituis examen particulare.

Quintò, considera quis sit effectus Ven. Sacramenti, nempe summa vtilitas, summa dignitas, summa iucunditas. fit enim anima templum, mater, sepulcrum, cælum Dei. & fidei, spei ac caritatis actus exerce, percurrendo præcipua beneficia & perfectiones, v.g. Credo, Domine te esse eum qui creasti me & omnia propter me, & iam ecce venis ad me: quomodo ergo non sperabo in te, & diligam te ex toto corde meo, &c.

In communionem

Considera in ictu oculi Maiestatem Dei, ac vilitatis tuæ abyssum, & amplectere Dominum cum Angelorum, Archangelorum, & Sanctorum affectu, cundo per singulos choros, teque totum resigna; & offer ei omnia, ac gratulare illi de omnibus bonis eius.

Post communionem

Primò, fides viua excitanda est; Secundò, admiratio, humiliatio, gratiarum actio & amplexus, oblatio cum vnione, petitio ac commendatio. Ad humiliationis affectum peccata & indignitas tua te excitet. Ad admirationem, perfectiones Dei: ad gratiarum actionem, omnia beneficia: ad amplexus amoris Dei, immensitas & bonitas infinita. Deinde offer te & omnia in vnione meritorum Christi IESV. Postremò pro te & commendatis postula quod vis in fide nihil hæsitans; qui enim hæsitat, ait S. Iacobus, similis est fluctui maris qui à vento mouetur & circumfertur. Non ergo æstimet homo ille quòd accipiat aliquod à Domino.

Iacob. i.

Oratio ante & post communionem.

ADorande, potentissime, immense, incomprehensibilis Deus, tu habitas lucem inaccessibilem; quomodo igitur erit conuentio lucis tuæ ad tenebras meas? tu es qui es, & in tuo conspectu omnia sunt quasi non sint, ac tamquam gutta roris antelucani: quomodo ergo accedet ad te qui existimat se aliquid esse, cum nihil sit? coram te columna celi contremiscunt, & velant facies suas; tibi decies centena millia assistunt, & ego vermis & non homo, cuius conuersatio est in terris, audeo ad te accedere? Tu Deus fortis, zelotes, Rex regum, quem nemo hominum videre potest, & viuere; quid ergo faciā peccatis innumeris reus maiestatis tuæ: etiam facturus plura hodie, nisi gratia tua retineret precipitem, & cur-

currentem animam meam post greges sodalium suorum, quarentem cisternas quæ continere non valent aquas, & derelinquentem te fontem aquæ viuæ. Ecce hæc est illa infidelis, quæ post sanctas in Baptismo nuptias, fornicata est cum amatoribus multis, id est creaturis, & te repudiavit, atque earum amore filios tuos, sanctas inspirationes, odio habuit, & occidit in conspectu tuo: imò sanguinem tuum contemptui habuit. Denique ortus mihi est, culpa; vita, peccatum & miseria; mori, pœna. Domine Deus meus, quomodo audebo calum aspiciere, quomodo potero? qui cæcus ubique existentem, & propter me operantem non agnouit? Tu toties ab inferno eripuisti me, & tamen, eheu! adhuc ut debui te non dilexi, sed adhasi creaturæ fallaci, hosti capitali, ut vitam, solatium & salutem animæ perderem (quæ in te solo erat) ut libertatem & te pro vilissima re venderem, & à te, Pater æterne, longè recederem qui ubique es, & dominaris. Nónne metuere debeo, ne cum Oza & Bethsamitis peream ad conspectum arcæ sanctissimi corporis tui: ne veste nuptiali carens, ejiciar à cælesti cœna, ut pascam porcos, nec satiari possim, ô pastor animæ meæ? Cooperuit confusio faciem meam. Quid faciam, ô custos hominum, cæcus in via, vulneratus in silua, paralyticus in grabato? fugiamne cum Cain à facie tua? non, Domine, sed veniens veniam ad Patrem meum, ad fontem aquæ viuæ sitientem salutem meam, ad pastorem quarentem perditam ouem, cæcus ad lucem, oneratus & laborans ad eum, qui reficiat me, ruam in paternos amplexus, Pater mi, medicine, magister, sacerdos, cibus meus. En velut mare magna contritio mea: non est qui consoletur me ex omnibus caris meis. quid mihi est in calo, & à te quid volui super terram? Vanitas vanitatum, & omnia vanitas; at tu vnicum desiderium meum. O anima, vide IESUM stantem à dextris virtutis Dei, ecce venit, & merces eius magna cum illo. Venisne, bone IESU? veni, Domine, noli tardare: venis enim ut excipias prodigum, lassum recres, te contristantem exhilaras, fugientem trahas, quondam te flagellantem osculeris, spinis pungentem coronas, crucifigentem amplectaris, occidentem viuifices, odientem infinito amore prosequaris. Eia respice, Deus meus, de excelso solio gloriæ tuæ, & ne despicias me

Ierem. 3.

Psal. 43.

Thren. 2.

Psal. 72.

Eccles. 1.

opus

opus manuum tuarum, factum & reſectum à te, emptum pretio magno, vt glorificem & portem te in corpore meo, immò ſanguine tuo pretioſo lotum, & tibi, dulciſſime I E S V, pro tot lacrymis, opprobrijs & ſputis, & mortis ſententia adiudicatum. O quid pro his retribuam tibi, niſi me totum: omnia nūc vt ſtercora arbitror, vt te lucrificam; tecum in nouiſſimo ſedere volo, vt placeam tibi, obediens eſſe uſque ad mortem Superioribus, omnia accipere de manu tua. fac de me ſecundum beneplacitum tuum, nihil me delectet præter te, non laus peccatoris, non creatura quod ſatiare me non poteſt ſolacium. tu ſola ſatietas, tu omne bonum meum. Da mihi, precor, vt impendam me in gloriam tuam & ſuperimpendam, vt proximum omni caritate reducam ad te, vt totus tuus ſim, & tu meus, in te viuam lignum vitæ, & per te dulciſſimum manna, & tecum, Agne benigniſſime, & propter te. Ecce venio, & venire ad me dignaris, vt glorificem te, vt amem te, vt ſaner à te, vt pro præteritis ſatisficiam, pro futuris gratiam impetrem, & gratiam merear in conſpectu tuo, pro Eccleſia & Ordinibus, parentibus, benefactoribus commēdatiſ, & inimicis. Accedo, vt amplectar te, firmiſſimè credens, quia tu verè es hic qui facis mirabilia ſolus. Auge fidem, ſpem excita, accende caritatem. Veni, veni, veni I E S V, delicia tuæ ſint eſſe mecum, & mea tecum. Veni, dulciſſime, potentiſſime, ſapientiſſime, miſericordiſſime, amabiliſſime Deus meus, cum B. Matre tua, cum ſanctis Patriarchis, Apoſtoliſ N. Martyribus N. Confeſſoribus N. Virginibus N. omnibus, potiſſimum Patronis, & quorum hodie memoriam facimus. præparent illi cor meum in habitaculum tuum, arcam, tabernaculum, thronum, templum, cubiculum & lectulum tuum, vt quieſcas & maneas in me, vt videam te breui, & veniam ad te, amem te, ardeam, liqueſcam, conſumar & conſummèr in te. Amen.

Alia oratio poſt communionem.

VNde hoc mihi, vt venias ad me, Rex regum, & Domine dominantium, coram quo Angeli non ſunt puri? Venis ad me à templo

templo gloria tua, speluncam latronum, serpentum habitaculum,
 vas contumeliae, toties sœdatum, postquam toties sanguine tuo
 lotum per infinitam misericordiam tuam fuit: & tu, ô Deus, ô bo-
 nitas infinita, toties à me repulsam passus fuisti, & contemptus.
 Ergone credibile est, quod Deus habitet super terram, & velit face-
 re nobiscum, & epulari, & iucundari cum seruulo suo? Ita, Domi-
 ne, & venire ad cloacam sœdam, leprosam, fornicariam spon-
 sam: quæ quod fecisti, defecit; pro dilectione odium, pro beneficijs
 reddidit maleficia. nec dedignaris præ amore sedere cum ea in sa-
 nie & sterquilinio: nescit, nescit tamen homo, eheu! an amore, an
 odio dignus sit post tot peccata commissa, bona omissa, tot imper-
 fectè facta. Ecce, nihil inuenio, nisi peccati fomitem & sentinam
 in me, & bonum facere non inuenio, abusus sum animæ meæ po-
 tentijs, & facta est memoria vaga ac instabilis, imbecilla ratio &
 ceca, voluntas sacrilega & furiosa: te enim creatorem calcauit &
 crucifixit, vt placeret hosti homicidæ; te conseruatorem, vt insi-
 diatori; Redemptorem, vt perditori; se vocantem ad salutem Re-
 gem suum, vt tyranno; & nescio, bone IESV, quare offenderim te,
 nisi quia bonus es, & præstabilis super malitia hominum. Miserere
 mihi, & exaudi me, & mansionem tuam apud me fac, & seruiam
 tibi omnibus diebus vitæ meæ. Heu mihi, Domine, quid inuenisti,
 quod trahat te à summo calorum, & descendere faciat in abyssum
 miseriarum, nisi abyssum caritatis & misericordiæ tuæ? nihil hic
 nisi quod in Magdalena, quod in paralytico, leproso. sed tu solus Iob 14.
 potens es mundum facere de immundo conceptum semine; sine
 fluant aromata gratiæ, & flumina sanguinis tui ex paradiso cor-
 poris tui, de quinque limpidissimis fontibus vulneribus tuis, &
 mundabor, & lauabis me, & super niuem dealabor. Riga me, ô
 IESV, lacrymis, quas fudisti pro me, myrrhâ doloris tui unge me,
 astringe vinculis, sputis ablue, flagellis tuis emolli, sanguine mun-
 da, irrisiõibus fortifica, cruce erige, morte viuifica. eia suscipe me
 in holocaustum, & tyrannis peccatorum meorum fugatis, regna
 super me, vt in quiete seruiam tibi, amem & fruam te, beatitudo
 mea, & nihil velim extra te. velle posthac non habeo, nisi tuum.
 fac quod placet infinitæ potentia, sapientiæ ac bonitati tuæ: ego
 omnia

omnia accipia à paterna prouidētia tua, qua nouit quid expediat prodigo filio suo. Dispone, Domine, in tempore & aternitate de me. nescio quid pro gloria tua, quam vnā spectare volo, conueniat & salute mea: ideo iterum resigno omnia in manus tuas, Domine, nolens in vllam rem affectu propendere, vel postulare, vt nudus nudū sequar, velut iam iam essem moriturus. Accipe me, Domine, & respice in me dolentem quod vnquam recesserim à te; amplectere redeuntem, ô caritas immensa, Deus meus, & serua in te solo sperantem, & ne projicias me à facie tua, & Spiritum sanctum tuum ne vnquam auferas à me.

Psal. 50.

O amor dulcis, ô dulcedo amoris IESV, totus desiderabilis. Accende in me ignem amoris tui, & vulnera me, vt totus transformer in te. Amo te omne bonum, pulchrum & honestum, omnis amœnitas, omnis suauitas, fons splendoris, fons melodia, fons odoris, fons dulcoris, fons amoris: astringe me, vt non fugiam illectus stercorebus & vanitate à te, & spernam inenarrabile bonum; ne plus me trahat creatura quàm Creator, vanitas quàm aternitas, detestabilissima miseria quàm summa felicitas, plus me inclinent sordes, quàm eleuet pulchritudo, seruitus quàm magnitudo, amaritudo quàm dulcedo. Dilectus meus mihi, & ego illi, qui pascitur inter lilia, donec aspires dies aternitatis, & inclinentur vmbra vanitatis. Ego dilecto meo, & ad me iam conuersio eius. Quis mihi det te fratrem meum, vt inueniam te foris, & deosculer te, & iam nemo despiciat, & nunquam separer à te?

Cant. 2.

Cant. 8.

Tu scis, sponse anima mea, desiderium & gemitum meum: tolle quod displicet tibi in me. Da mihi cor humile, vt diabolicā superbiam non ruam, nulli displicere timeam, vel placere optem nisi tibi, sed vt lutum aestimari velim pro te, qui venisti ministrare, & Samaritanus, & demonium habens aestimatus es; da obediens omnibus vt tibi; da forte, ad toleranda qua prouida manus tua imponit; da dulce, ad compassionem & proximum vt te diligendum; da liberum, vt ex omnibus euolet ad te; da carneum, vt perfecte amem te. Tu potes, Domine, vtinam velis, meminisse afflictionis meae in excelsio folio gloriae tuae. Vtinam sanctissima mater tua, Patriarcha N. Apostoli N. Martyres N. Confessores N. Virgines N. intercadant

cedant pro me, & gratias agant pro omnibus beneficijs tuis, vt veniam & saluer, & inebrier breui amore & gloria tuâ. Amen.

Praxis pro pia deuotaque communione.

PRima. Cùm communio sit memoriale Dominicæ passionis, de illa meditationē instituere optima est præparatio: quemadmodū etiam de natiuitate Christi, aut annuntiatione B. Virginis, seu incarnatione Verbi Dei; eò quòd per communionem mysterium illud quasi innouetur. O quanta dignitas peccatoris! quanta dignatio Creatoris! Idem etiam dici potest de Zachæo, &c.

Secunda. Videmus tot peregrinationes institui ad reliquias Sanctorum, & rectè: sed quid illæ si ad hoc SS. Sacramentum cõparentur? ergo peregrinemur nos ad illud, ad veram, vt sic loquar, humilitatem, & caritatem ac deuotionem; ad admirationem, quòd veniat Rex ad pauperem, idemque Deus ad reum mortis & prodicionis, vt reconciliet illum sibi. Gaudeamus ob tâta dona, tantam apparitionem non Angeli sed Dei, non dubiam, sed certissimam.

Tertia. Cogita epulum esse, ac vestitu, appetitu, spiritali lotionem, reuerentiâ te parâ, commenda hospitem & fercula; aufer & conserua ex iis quod tuis communices. Appetitum iuuabit si ab alijs abstineas ciuis, idèò deuoti abstinentiâ aliquâ se parant. S. Margareta Hungarica, teste Durio, ieiunabat pridie in pane & aqua; B. Stanislaus Kostka cænâ abstinebat; S. Hedvvgis Ducissa Poloniæ præ amore ac reuerentia vberimè flere solebat, & crebrò flexis genibus Eucharistiam venerari antequam sumeret; B. Xauerus eam flexis genibus distribuebat, & in acro quotidiano quasi nouus sacerdos, deuotissimè S. Hostiam offerebat & lacrymabatur; B. Aloysius tribus diebus gratias agebat pro præterita communionem, tribus gratiam petebat pro futura.

IACVLATORIÆ.

Confitebor tibi, quia terribiliter magnificatus es: mirabilia opera Psalm. 138.
tua, & anima mea cognoscebat nimis.

Repleti sumus manè misericordiâ tuâ, & exultauimus, & delectati Psalm. 89.
sumus.

Rr

CA-

CAPVT XIII.

Aliud exercitium pro Communione, quo anima à Christo, & vicissim Christus ab anima inuitatur, cum commemoratione variorum beneficiorum, titulorum, & miraculorum in Ven. Eucharistia, & contritione, & gratiarum actione, resignatione, Fidei, Spei & Caritatis actu.

NOta, post singulas periodos, ad spatium aliquod, quasi respirando, coram Deo expendenda esse, quæ lecta sunt.

Secundò, si affectus dicet ibi etiam aliquantisper hærere, id omnino faciendum.

Tertiò, hoc exercitium posse in fine Sacri pridie communionis fieri, vel certè eundo eo consilio ad Ven. Eucharistiam, aut domi vesperi vel manè, vt infra dicetur; & maximè in Sacro.

DOMINICA.

Matth. II.

Ioan. 6.

CHRISTVS INVITAT ANIMAM. Venite ad me omnes, qui laboratis, & onerati estis, & ego reficiam vos. Omne, quod dedit mihi Pater, venit ad me; & eum qui venit ad me, non eiiciam foras.

Psal. 8.

Isaia 40.

ANIMA CHRISTVM VT CREATOREM. Quid est homo, quòd memor es eius; aut filius hominis, quia visitas eum? Omnia enim quasi stillæ situlæ, & tamquàm momentum stateræ, & omnia, quasi non sint, sic sunt coram te, & tamquam nihilum & inane, reputata sunt tibi. O auctor hominum, ô potentissime, Deus meus, qui me creasti,

creasti, & omnia pro me; & mirabiliter hoc in Sacramen-
to sub speciebus his esse voluisti; verè mitis, & humilis
corde! Tibi dixit cor meum, exquisiuit te facies mea; fa- *Psal. 28.*
ciem tuam, Domine, requiram. Dic animæ meæ, Salus tua *Psal. 33.*
ego sum; & miserere mei. Exaudi me spes omnium fi-
nium terræ, & in mari longè.

Laboraavi in gemitu meo, lauabo per singulas no- *Contritio.*
ctes lectum meum, lachrymis meis stratum meum ri- *Psal. 6.*
gabo. Peccaui in cælum, & coram te. Utinam numquam
declinasset à mandatis tuis! Nōne enim mihi adhære-
re Deo meo bonum est? te vnum quærere? ad te vnum
suspirare, à quo omnia mihi bona manarunt? Quid retri-
buam tibi? qui, cū mei immemor essem, recordatus es
mei tu; cui millia millium ministrant, & decies centena *Isaia 40.*
millia assistunt, & non est numerus militum tuorum. Tu
respicis terram, & facis eam tremere, & tribus digitis ap- *Psal. 103.*
pendis molem eius. Infinitas tibi, immense Deus, gra-
tias ago, pro omnibus donis tuis, & in vnione gratiarum
actionis, quam agit, & egit ab initio creationis suæ san-
ctissima anima tua, dulcissime Iēsv, & mater tua, & om-
nes beati spiritus, ac Sancti tui. Et credo in hoc Sacramē-
to esse verum corpus & sanguinem tuū. Tu enim dixisti, ō
ætērna Veritas, hoc esse corpus tuū, & illud mihi dedisti:
ideoque & spero in te, omniaque tibi committo. Diligo
te ex toto corde meo, tota anima mea, & mente mea, &
ex totis viribus meis. Ex te enim, & in te, & pro te, sunt
omnia. Desidero te millies, in quem desiderant Angeli
prospicere, cuius pulchritudinem Sol & Luna mirantur.
mi Iēsv, quando venies? me lætum quando facies? me de
te quando saties? O Deus meus, Deus cordis mei, & o- *Vnio.*
mnia! absorbeat me immensa & melliflua vis amoris tui:
vt amore amoris tui moriar, quia amore mei dignatus es
mori.

Manè euigilans, iterum ea repete, post solitas preces.
Initio Sacri, cogita, quo affectu æquum sit recipi Domi-

num tuū à te, vt est v.g. Creatortuus, vel Pastor, Redemptor, &c. Secundò, expende verba inuitantis Christi; Tertiò, animæ; & exerce affectus in hoc exercitio positos; Quartò, per diem subinde eosdem renoua.

D I E L V N Æ.

Apoc. 3.

CHRISTVS ANIMAM INVITAT. Ecce sto ad ostium, & pulso: si quis audierit vocem meam, & aperuerit ianuam, introibo ad illum, & cœnabo cum illo, & ipse mecum. Ego sum Pastor bonus, & cognosco oues meas: & venio à summo cœlorum, vt vitam habeant, & abundantius habeant.

Ioan. 10.

ANIMA CHRISTVM VT PASTOREM. O Pastor, & conseruator mi, & Sapientia æterna, & Veritas certissima, qui me pascis & conseruas, & omnia pro me: atque insuper hîc panem in corpus & sanguinem conuertis, vt ego viuam, & conuertar in te. Scriptum est de te: Sicut pastor pascet gregem suum, & in brachio suo congregabit agnos, & in sinu suo leuabit, fœtas ipse portabit. Require ergo oues tuas, & visita eas, sicut visitat pastor gregem suum, quando fuerit in medio ouium dissipatarum. In pascuis vberimis pascere eas, & in montibus excelsis Israël. Paratum cor meum, Deus, paratum cor meum. Sonet vox tua in auribus meis. Vox enim tua dulcis, & facies tua decora, ô speciose formâ præ filiis hominum. Quæ est enim expectatio mea? nōne tu, Domine? Attamen, ô Deus meus, confundor, & erubesco leuare faciem meam ad te, quia fornicata sum cum amatoribus multis. Laboraui in gemitu meo, &c. vt suprâ.

Isaia 40.

Psal. 56.

Cant. 2.

D I E M A R T I S.

Zachar. 9.

CHRISTVS ANIMAM INVITAT. Ecce Rex tuus venit tibi iustus, & saluator. Ipse pauper, ascendens super asinam, & super pullum filium asinæ. vbi est refectio mea, vbi pascha cum discipulis meis manducem?

Marci 14.

ANIMA CHRISTVM VT REGEM SVVM. Rex regum, & Do-

Domine dominantium, qui me ad fidem, tot millibus relictis, vocare dignatus es, & hîc pro me, mirè accidentia absque substantia conseruare. *Exspectans expectaui te, Psal. 39.*
 Domine, & intendisti mihi, ô desiderium collium æternorum. *Benedictus, qui venit in nomine Domini. Esto Matth. 21.*
 brachium nostrum in manè, & salus nostra in tempore *Isaia 33.*
 tribulationis. Te enim expectauimus, veni, Domine, & noli tardare; & relaxa facinora plebi tuæ. Ne memineris *Psal. 78.*
 iniquitatum nostrarum antiquarum, sed miserere mei. *Psal. 43.*
 Tu es enim Rex meus, qui mandas salutes Iacob. Exurge, *Ibid.*
 exurge, quare obdormis, Domine? Exurge, & ne repellas in finem. quare faciem tuam auertis? obliuisceris inopiæ nostræ, & tribulationis nostræ? Laborauî in gemitu meo, &c. vt supra.

DIE MERCVRII.

CHRISTVS ANIMAMI VITAE. Venite, & comedite *Prou. 9.*
 panem meum, & bibite vinum, quod miscui vobis. Omnes sitientes venite ad aquas: & qui non habetis argentû, *Isaia 55.*
 properate, emite, & comedite: venite, emite absque argento, & absque vlla commutatione vinum & lac. Comedite *Cant. 5.*
 amici, & inebriamini, carissimi: desiderio enim desideravi hoc pascha manducare vobiscum. *Luc. 22.*

ANIMA CHRISTVM VT AMICVM LIBERALISSIMUM. O liberalissime Domine, qui non dedignatus es vocari & esse amicus ac frater noster: & verè amicus, qui te totum mihi dare, & ad pœnitentiam ac amicitiam vocare dignatus es, & hîc per accidentia ita atque per substantiam operari: qui omnia, quæ audisti à Patre tuo, nota fecisti nobis. Quid est homo, quia magnificas eum, aut quid apponis erga eum cor tuum? Quemadmodum desiderat ceruus ad fontes aquarum, ita desiderat anima mea ad te, Deus. Sirtiuit anima mea ad te, Deus, fontem viuum; quando veniam, & apparebo ante faciem tuam? Fuerunt mihi lachrymæ meæ panes die ac nocte, quia dereliqui te fontem aquæ viuæ, & fodi mihi cisternas, *Ierem. 2.*

quæ continere non valent aquas. Laboraui in gemitu meo, &c. vt suprâ.

DIE IOVIS.

CHRISTVS ANIMAM VT SPONSAM INVITAT.

Cant. 5.

Aperi mihi, soror mea, sponsa, amica mea, columba mea; quia caput meum plenum est rore, & cincinnati mei guttis noctium. Surge, prope amica mea, speciosa mea,

Cant. 2.

& veni, ostende mihi faciem tuam. Sponsabo te mihi in fide, & in iustitia, & in iudicio, & in misericordia, & in mi-

Osea 2.

serationibus, & scies quia ego Dominus.

Cant. 5.

ANIMA CHRISTVM VT SPONSAM. Surrexi vt aperirem tibi dilecto meo. Manus meæ distillauerunt myrrham, & digiti mei pleni myrrhâ probatissimâ. veni, ô sponse mi dulcissime, qui ad hunc statum filiorum tuorum me vocare dignatus es: & hîc mirabiliter esse, totus in toto, & in qualibet parte, spirituali ac mirabili adinuatione tuâ: vt non secundum carnem viuamus; sed in te,

Prou. 8.

Sap. 12.

cuius deliciæ sunt esse cum filiis hominum. O quam suavis est, Domine, spiritus tuus, qui, vt dulcedinem tuam, quam habes, in filios demonstrares, pane suauissimo de cælo præstito reple eos, habente in se omnem dulcedinem, & omnis saporis suauitatem. Veni, Domine, in domum tuam, templum tuum, animam meam, quam tibi

Cant. 3.

millies dedicaui. Egredimini, & videte filia Ierusalem Regem Salomonem in diademate, quo coronauit eum mater sua, in die desponsationis illius, & in die lætitiæ cordis illius. Sed, eheu! bone IESV, cur sicut colonus futurus

Ierem. 14.

es mihi in terra, & vt viator, declinans ad manendum? veni, dilecte mi, & mansionem apud me fac, & trahe me post te; curremus in odorem vnguentorum tuorum. Nemo

Cant. 1.

enim potest venire ad te, nisi traxeris eum. Erraui sicut ouis, quæ periit, sed ecce nunc reuertor ad te in vniuerso

Psal. 118.

corde meo. Conuertere, quæso, & proice post tergum tuum omnia peccata mea. Laboraui in gemitu meo, &c. vt suprâ.

DIE

DIE VENERIS.

CHRISTVS ANIMAM INVITAT. Confurge, confurge, *Isaia 58.*
 sede Ierusalem, solue vincula colli tui captiua, filia Sion:
 quia hæc dico ego Dominus: Gratis venundati estis; & si-
 ne argento, redimemini. Emi enim te pretio magno, vt
 glorifices me, & portes me in corpore tuo. Emi, non cor- *1. Pet. 1.*
 ruptibilibus, auro, vel argento, sed pretioso sanguine
 meo. Imò etiam tauri mei, & altilia occisa sunt, & omnia *Matt. 22.*
 parata; venite ad nuptias. Quid potui tibi facere, & non
 feci? Quod est enim bonum meum, & quod pulchrum *Zachar. 9.*
 meum, nisi frumentum electorum, & vinum germinans
 virgines?

ANIMA CHRISTVM VT REDEMPTOREM. O ineffabi-
 lis dilectio! vt seruum redimeres, tu te, ô Domine, tradi-
 disti! O IESV, redemptor liberalissime, qui seruulū tuum
 sanguine tuo liberare dignatus es; & ita hîc esse, vt, quam-
 uis hostia diuidatur, diuidi corpus tuum nequeat, vt scili-
 cet cor meum non diuidam abs te. Respice in me, & mise-
 rere mei; neque despicias me, Deus salutaris meus. Ani- *Psal. 62.*
 ma enim mea desiderauit te in nocte, & ad te de luce vi-
 gilo. Sitiuit in te anima mea, quàm multipliciter tibi caro
 mea, in terra deserta, inuia & inaquosa. Expādi ad te ma-
 nus meas; quia anima mea sicut terra sine aqua tibi. Mi- *Psal. 50.*
 serere mei, Deus, secundum magnam misericordiam
 tuā. Miserere mei, quia vnicus & pauper sum ego. Et quò *Psal. 24.*
 ibo à facie tua, Pater mi, & liberator meus de inimicis
 meis iracundis? Tuus sum ego, saluum me fac; quoniam *Psal. 118.*
 mandata tua exquisiui. Laborauit in gemitu meo; & cetera
 vt suprà.

DIE SABBATI.

CHRISTVS ANIMAM INVITAT. Veni in hortum meū, *Cant. 5.*
 soror mea, sponsa: messui myrrham cum aromatibus
 meis: & comedi panem meum cum melle meo, & bibi
 vinum cum lacte meo. Surge, propera, amica, speciosa *Cant. 4.*
 mea, & veni. Iam enim hiems transijt, imber abiit, flo-

res apparuerunt in terra nostra. veni de Libano sponsa mea, veni de Libano: veni, coronaberis.

Psalm. 22. ANIMA CHRISTI INVITAT VTRUMQUE PATREM ET GLORIFICATOREM. O pater futuri sæculi, ô glorificator meus! O quàm præclara est hereditas tua! Quanta præparasti timentibus & diligentibus te, Deus meus, qui præparasti in conspectu meo talem mensam aduersus omnes qui tribulant me; qui hîc esse, & ad vocem etiã pessimi sacerdotis assiduè præstò esse pro me, sub vtraque specie totus & integer, non dedignaris! Fac, obsecro, vt cibus etiam meus sit, voluntas tua. Et si inueni tantam gratiam in conspectu tuo, vt te mihi dares; ostende mihi faciem tuam, vt sciam te, & inueniam te, quem magno desiderio desiderat anima mea: & quomodo coarctor, vsque dum perficiatur! Ostende mihi gloriam tuam, & saluus ero. Recordare ouis perditæ, Pastor bone; Pater amantissime, prodigi filij tui. Scio, non sum tibi necessarius, neque utilis seruus. Sed nosti, spero, Domine, quia amo te, & ad te omne suspirium meum. O quàm dilecta tabernacula tua, Domine! concupiscit, & deficit anima mea in atria Domini. Laboravi in gemitu meo, &c. vt suprâ.

Exod. 33.

Psalm. 83.

Oratio coram Ven. Sacramento pro sui renouatione, & vitæ emendatione: quæ etiam ante & post communionem usurpari potest.

Primò, obserua & memòto, dum ingrederis templum ad aquam lustralem, lotum te sanguine Christi IESV, & te abluc actu contritionis, ac siste te quasi coram tota curia cælesti, cuius ibi pars bona est, hancque orationem recita:

Aue, dulcissime IESV, Domine meus, & Deus meus, benedic, quæso,

quaso, inopi & calamitoso exuli tuo, recipe me in amoris tui suavissimos amplexus. Fac signū crucis.

Auete venerabiles manus pro me cruci affixa.

Auete pedes speciosi pro me clavis confixi.

Aue latus speciosum pro me vulneratum.

Aue cor mitissimum IESV, meo & mei indignissimi peccatoris eterno amore saucium.

Aue mater & refugium peccatorum MARIA, stella maris & portus salutis.

Auete Angeli & Sancti Dei, faustissima sidera, succurrite naufrago & erranti in medio vasti maris.

Audi, Domine, suspirantem ad te, laqueis in mediis, vbi, eheu! tot ceciderunt fortes Israel. Ecce quā in angusto & lubrico stamus! subtus dracones & mille cuspides, infernus ipse; circa nos hostes, intra nos fragilitas. Tu Deus supra nos, cuius abyssalia iudicia me conturbant, cui infidelis fui peccatis innumeris, longē plura commissurus, ne brium tenuisset in praecepiti manus tua & misericordia tua. quod enim est peccatum, quod facit homo, quod non faceret alter homo, sine te? & eheu! quid scio, quid serus vesper vehet, quando columna cali obstupescunt, & stellae de celo ceciderunt? Aug. hom. 1
23. lib. 50.
homil.

Habeo enim fontes peccatorum & omnis infelicitatis intra me, imperfectiones meas, quibus omnia ita inficiuntur, vt respondere tibi de vlllo opere non possim. O quoties periclitatus sum, & euasi gratiā tuā de medio hostiū, serpentium, ignis, naufragij in arcem tuam, id est adiutorium tuum, & sublatus super altitudinem terrae ex amore tuo, qui amore mei solius nō habuisti vbi caput reclinares! Obtuli tibi in holocaustum voluntatem meam arborē tuā, vt nec bona velle liceat mihi, nisi tu, Deus, cui cura ab eterno de me est, id per Superiores significes. Absit verō vt iam detrahā de holocausto? Quid enim, Pater benignissime, scit puer tuus, quid expediat sibi, quam viam teneat cecus in tot periculis, & ignarus viæ? cur medicophreneticus praescribet? si me voles esse omnium minimum, vt sim maximus in aeternum apud te sessurus in throno tuo, nōne infinite est misericordia tua? si obedire vis me omnibus, vt regnem & iudicem, & gloriā tuā circumder, qui venisti ministra-

Isaia 53.
 Marci 15.
 Hieronym.
 in epistola
 ad Iulian.

re, & non ministrari, qui factus es obediens Patri aeterno, etiam si
 equalis, vsque ad mortem crucis; parentibus tuis, imò & tortori-
 bus in tormentis; nōne mihi magna gloria sequi te, Domine, qui
 pro me cum sceleratis reputatus es? Si ergo iam commoda quaram,
 corporis, sensuum, ventris mei mancipium, sciens impossibile esse
 hic ventrem, & ibi implere mentem; si obliuiscar prauaricationis
 meae, & Adæ, & tot damnatorum, & tui, IESV, felle potati; si im-
 menso supplicio redimam sicut Esau in conspectu tuo vilem è crea-
 tura voluptatem; si honorifica, qui me verè omnium minimum,
 & peccatorem maximū agnoscere debeo, affecto; si pauperes sper-
 no, iudicia hominum formido; si vilem me cognosco, & vilis habe-
 ri nolo; ô quanta erit confusio mihi in conspectu tuo! Quomodo
 enim exempla tua sequi graue mihi esse potest, qui sum creatura,
 seruus, miles & filius tuus, toties aeternæ mortis reus, qui toties spō-
 te in seruum me obtuli, & optaui fieri vnicam voluntatem tuam;
 probe sciens te per Superiores loqui vtilissima anima mea, & in-
 certas esse prouidentias nostras? Vbi iam est ergo fiducia mea? Tu,
 Domine, spes mea, & amor meus à iuuentute mea, ne memineris
 iniquitatum mearum, ne sis mihi formidini. Tu spes mea; sed illu-
 mina me, & coniunge me tibi, & laudent te calum & terra mecum
 pro tot & tantis beneficiis tuis. Gratias ago ex affectu & amore
 quo possum summo: nosti enim, spero, Domine, quia amo te, quòd tu
 Deus, me amaueris ab aeterno, etiam si scires te aliquando osurum,
 conseruaueris te crucifixurum, redemeris te toties pro vili creatu-
 ra venditurum, expectaueris prodigum, iustificaueris impiū, pra-
 seruaueris fragillimum, & vocaueris fugientem proditorem tuū,
 vt collocares eum cum Principibus populi tui, & seruiret tibi om-
 nibus diebus vitæ suæ. Et non sufficiunt tanta vt amore liquecat
 anima mea? Gratias item ago pro tribulationibus, tentationibus,
 reprehensionibus & confusionibus, & me offero ad hæc, & postulo
 veste tuâ indui, obtestans per viscera misericordiæ tuæ, vt retri-
 buas illis, qui suo fortè crudeli damno, & pœnâ tibi luendâ, tantū
 bonum mihi attulerunt. Cupio tecum baiulare crucem, nudus nu-
 dum sequi. Hæc est voluntas mea, Deus meus, suprema, velut hodie
 morituri coram te Iudice & Patre amantiſſimo, & curia Sancto-
 rum,

rum, quos testes habeo infidelitatis & tepiditatis, si deterior, superbi-
 or, distractior, impatientior euasero. Auerte, Domine, hoc à
 seruo tuo, & fac vt temporalium omnium habeat fastidium, cum
 hac satiari numquam possint. Tu, Domine, solus bonus, & omne
 bonum, sola satietas animæ meæ; quis mihi tribuat, vt te solum di-
 ligam, & proximum propter te, etiam hostem, vt membra, vt fi-
 lios tuos, & sponsas, & paratus sim etiam animas ponere pro
 ijs? tibi enim prestare me scio, quæ ijs facio, seu bona seu ma-
 la. Quis mihi tribuat, vt quæram te, vt amem te in omnibus, cum
 tu in omnibus mei amore existas, & mihi opereris? Desidero te
 millies, mi I. s. v. dulcissime, suauissime, amantiissime, pretiosissi-
 me, pulcherrime, potentissime, nobilissime, sapientissime, libera-
 lissime, optime, vita mea, protector, gloria mea, creator meus, fi-
 nis, Redemptor meus, Domine, Pater, sponse, frater, & omne bo-
 num. Hæc omnia es, & quomodo mihi non sufficis, & tepidus sum
 in amore? Veni, mi I. s. v. quando venies? veni, & vre cor meum,
 inebria me caritate tuâ. fac me vnum tecum, sicut tu & Pater v-
 num estis. Accipe cor meum, suspiria mea, corpus & animam, san-
 guinem cogitationes N. verba N. & omnes actiones meas N. in v-
 nione omnium meritorum tuorum & Sanctorum tuorum, puris-
 simis manibus B. Virginis & Angeli Custodis mei, sanctorum Pa-
 tronorum meorum. Dispone, ordina de me creatura tua: nosti enim
 quid expediat, & vis, & potes, & tua infinitis titulis sunt omnia,
 Deus meus, Deus cordis mei, & omnia. Amen.

*Colloquium animæ cum Christo pro Sacro au-
 diendo, & communione, maximè pro ijs,
 qui non intelligunt quæ leguntur, & dis-
 tractis.*

Considerare hîc oportet I. s. v. m. velut præsentem, at-
 que cum magno affectu comitari.

ANIMA. Quis est iste, qui venit de Edom, tinctis vesti-
 bus

Isaia 63.

bus de Bosra, iste formosus in stola sua, gradiens in multitudine fortitudinis suæ? quare rubrum est indumentum tuum, Domine Ihs v, & vestimenta tua sicut calcantium in torculari?

Ibidem.

Psal. 68.

Isaia 63.

*Bern. serm.
3. de Nat.
Christi.*

Isaia 41.

Isaia 40.

*Ad ingressum
sacerdotis.
Luc. 22.
Thren. 3.*

CHRISTVS. Torcular calcaui solus, & de gentibus non est vir mecum. circumspexi, & non est auxiliator; quæsiui, & non fuit qui adiuuaret; quæsiui qui simul contristaretur, & non fuit; consolantem me quæsiui, & non inueni.

ANIMA. Miserationum Domini recordabor; laudem Domini super omnibus quæ reddidit nobis Dominus, & super multitudinem bonorum domui Israel, quæ largitus est secundum indulgentiam suam, & secundum multitudinem misericordiarum suarum. Ludebam ego in plateis, & in secreto regalis cubiculi super me ferebatur iudicium mortis. Audiuit hoc Unigenitus eius, exijt posito diademate, sacco vestitus, aspersus cinere caput, nudus pedes, flens & eiulans, quod morte damnatus esset seruulus eius. Intrueor illum subito procedentem, stupeo nouitate, causam percunctor, & audio. Quid facturus sum? adhucne ludam & illudam lachrymas eius? planè, si insanus sum, & mentis inops, non sequar eum, nec simul cum lugente lugebo. Ecce, vnde pudor, dolor, & timor vnde? vtrique quia ex consideratione remedij, periculi mei æstimo quantitatem.

CHRISTVS. Ne timeas, quia ego tecum sum; ne declines, quia ego Deus tuus. Elegi te, & non abieci te; confortauit te, & auxiliatus sum tibi: super montem excelsum adscēde tu, exalta in fortitudine vocem tuā. Ecce enim memoriam feci mirabilium meorum, & dixi discipulis meis, Hoc quotiescumque feceritis, in memoriam mei facietis. Audi Euangelistam meum, & recordare paupertatis meæ, absynthij & fellis.

ANIMA. Quid retribuui tibi? eheu! quid retribuam? credo, Domine, & doleo vehementer peccasse me in cælum, &

& coram te, qui dedisti animam tuā pro me: sed spero in te spes mea, & diligo te ex toto corde meo. Gloria Patri, &c.

EVANGELISTA. Tum ait illis IESVS, Tristis est anima mea vsque ad mortem; sustinete hīc, & vigilate mecum: & progressus pusillum procidit in faciem suam orans, & dicens, Pater mi, si possibile est, transeat à me calix iste: verumtamen non sicut ego volo, sed sicut tu: & factus in agonia prolixè orabat, & factus est sudor eius sicut guttæ sanguinis decurrentis in terram.

ANIMA. Et ego te vltra offendere potero, Deus meus? quid retribui tibi, &c.

EVANGELISTA. Tunc ait illis, Venit hora, ecce filius hominis tradetur in manus peccatoris: & confestim accedens ad IESVM dixit Iudas, Ave Rabbi; & osculatus est eum: dixitque illi IESVS, Amice, ad quid venisti? osculo filium hominis tradis?

ANIMA. Et ego pro vana creatura te deferam? quid retribui, &c.

EVANGELISTA. Et adduxerunt eum ad Annam primum, & interrogauit IESVM de doctrina, & discipulis eius, atque vnus assistens ministrorum dedit alapam IESV, dicens, Sic respondes Pontifici?

ANIMA. Et ego ne verbum quidem pro verbere tolerare potero? quid retribui, &c.

EVANGELISTA. Sequebatur autem IESVM à longè Simon Petrus: & qui adstabant, dicebant ei, Verè ex illis es: ille autem cœpit anathematizare, & iurare, Quia nescio hominem istum. & statim gallus cantauit; & egressus foras, fleuit amarè.

ANIMA. O quoties negauite, & egressus risi dolores tuos! quid retribui, &c.

EVANGELISTA. Et adduxerunt IESVM ad Caipham principem sacerdotum & quærebant falsum testimoniū contra IESVM, vt eum morti traderent: & adiurauit illum Caiphas; & conclamarunt vniuersi, Reus est mortis. tunc

Ad Confiteor.

Matth. 26.

Luc. 22.

Ad osculū altaris.

Marc. 14.

Matth. 26.

Luc. 22.

Ad introitum.

Ioan. 18.

Ad Kyrie eleisen.

Marc. 14.

Matth. 26.

Ad orationes, epistolam, gradualē.

Matth. 26.

exspuerunt in faciem eius, & colaphis eum ceciderunt: alij autem palmas in faciem eius dederunt, & illudebant ei. *Math. 27.* Manè autem facto concilium inierunt, vt eum morti traderent.

ANIMA. Et quomodo non viuam tibi, ô vita mea, & salus mea? quid retribuui, &c.

Ad Euan-
gelium.
Ioan. 18.

EVANGELISTA. Adducunt ergo IESVM à Caipha in prætorium, & cœperunt illum accusare dicentes, Hunc inuenimus subuertentem gentem nostram.

ANIMA. Te, Domine, qui pertransisti benefaciendo, & sanando omnes! tu autem nihil respondebas, bone IESV. quid retribuui, &c.

Ad Credo.
Luc. 23.

EVANGELISTA. At illi inualescebant, dicentes: Commouit populum docens per vniuersam Iudæam.

ANIMA. O quoties reddidimus tibi, ô bone IESV, pro bono malum! quid retribuui, &c. Eheu! quid retribuam? credo, Domine, & doleo vehèmenter peccasse me in cælum. & coram te; sed spero in te, spes mea, & diligo te ex toto corde meo. Gloria Patri.

Ad obla-
tionem, &
calicis præ-
parationē.
Luc. 23.

*Hic offer te & omnia opera tua, sicut Dominus à Iudeis repro-
batus sese Patri pro nobis obtulit.*

EVANGELISTA. Pilatus autem audiens Galilæam, remisit eum ad Herodem, qui interrogabat eum multis sermonibus: & cum IESVS illi nihil responderet, spreuit illū Herodes cum exercitu suo, & illusit indutum veste albâ, & remisit ad Pilatum.

Ierem. 3.

ANIMA. O Sapientia æterna, tūne factus es in derisum propter me! quid retribuui tibi, &c.

Marc. 15.

Ad lotionē
manuū &
secretas.

EVANGELISTA. Per diem autem festum solebat dimittere illis vnum ex vinctis, quemcumque petissent, & dixit, Quem vultis vobis dimittam, Barabbam an IESVM?

Math. 27.

Ad præfa-
tionem.

Math. 27.

ANIMA. Cui compararunt te, Deus meus! & quoties vilior mihi fuisti? quid retribuui, &c.

EVANGELISTA. Dicit autem illis Pilatus, Quid igitur faciam de IESV qui dicitur Christus? dicūt omnes, Crucifigatur.

figatur. ait illis Præses: Quid enim mali fecit?

ANIMA. Ego sum, Domine, qui peccaui. filij hominum vsquequo graui corde? nõne iste est, cui venienti cecinistis festum osanna? nõne, de quo scriptum, Omnia bene fecit? & canunt Angeli, Sanctus, & perenne Alleluia? quid enim mali fecisti, ô bonitas infinita? at illi magis clamabant, Crucifigatur. Sanguis eius super nos & super filios nostros. quid retribuui tibi, &c.

EVANGELISTA. Tum milites Præsidis suscipientes IESVM in prætorio, congregauerunt vniuersam cohortem, & flagellabant eum, & plectentes coronam de spinis, posuerunt super caput eius, & arundinem in dextera eius, & genu flexo ante eum, illudebant ei, dicentes, Ave Rex Iudæorum; & exspuentes in eum, ceperunt arundinem, & percutiebant caput eius, & ponentes genua adorabant eum, & dabant ei alapas. Ad Canonem.
Matth. 27.

ANIMA. O quàm pudet me, sub spinoso capite membrum esse delicatum! quid retribuui, &c.

Memento hic cum sacerdote eorum, pro quibus orare debes, & supplica per dolores Christi Domini, in nomine ipsius.

EVANGELISTA. Exiit ergo iterum Pilatus foras, exiit & IESVS, portans spineam coronam, & purpureum vestimētum, & dicit eis, Ecce homo. Cùm ergo vidissent eum Pontifices & ministri, clamabant, Crucifige, crucifige eum; & dicit Iudæis, Ecce Rex vester. illi autem clamabant, Tolle, tolle, crucifige eum. Ad elevationem.
Ioan. 19.

ANIMA. O Pater æterne, respice in faciem Christi tui. quid retribuui, &c.

EVANGELISTA. Exuerunt ergo eum chlamyde, & duxerunt, vt crucifigerent eum, & angariauerunt Simonem Cyrenæum, & ad flentes mulieres conuersus IESVS dixit: Filix Ierusalem, nolite flere super me, sed super vos ipsas flete, quia si in viridi ligno hæc faciunt, in arido quid fiet? & venerunt in locum, qui dicitur Golgotha, & dederunt ei vinum bibere cum felle mistum. Ad reliquū canonis post elevationem.
Matth. 27.
Luc. 23.
Matth. 27.

ANI-

ANIMA. Volo, Domine, venire post te, & abnegare me, tollere crucem tuam, & sequi te. quid retribuui? &c.

Ad Omnis
honor, &
Pater no-
ster.

Luc. 23.

Matth. 27.

Ioan. 19.

EVANGELISTA. Et ibi crucifixerunt eum, & latronem vnum à dextris, & alterum à sinistris, & diuiserunt vestimenta eius, sortem mittentes, & blasphemabant eum dicentes, Salua te ipsum. Stabat autem iuxta crucem Iesus mater eius. Iesus autem dicebat, Pater dimitte illis, non enim sciunt, quid faciunt: latroni verò, Hodie mecum eris in paradiso: matri, Ecce filius tuus: Ioanni & mihi, Ecce mater tua: Deo Patri, Deus meus, vt quid dereliquisti me?

Ioan. 19.

ANIMA. Mihi verò, Sitio; æstuans amore salutis meæ. denique, Cōsummatum est. &, Pater, in manus tuas commendo spiritum meum. Dignus est, Domine Iesus, morte, qui tibi recusat viuere. quid retribuui, &c.

Ad Agnus
Dei.

Luc. 23.

Ioan. 19.

EVANGELISTA. Centurio autem, & qui cum eo erāt, videns tenebras factas super vniuersam terram, ait: Verè filius Dei erat iste. Stabant autem omnes notici eius à longè: & vnus militum latus eius aperuit, & continuò exiuit sanguis & aqua.

ANIMA. Quis mihi det, vt viuam tibi, & moriar pro te, bone Iesus? quid retribuui tibi, &c.

Ad com-
munionē.

Marc 15.

Matth. 27.

Ioan. 19.

EVANGELISTA. Et cū serò esset factum, Ioseph ab Arimathia petiit corpus Iesus, & donauit ei Pilatus, & accepto corpore inuoluit illud in sindone munda, & cum aromatibus, sicut mos est Iudæis sepelire: & posuit illud in monumento nouo, quod exciderat in petra.

Psal. 72.

ANIMA. O vtinam complantati facti simus similitudini mortis tuæ, vt simus simul etiam resurrectionis, & in nouitate vitæ ambulemus! Mihi autem adhærere tibi, bonum est, & ponere in te omnem spem meam. quid retribuui, &c.

Ad post-
comu-
nionem.

EVANGELISTA. Et cū transisset sabbathum, Maria Magdalene, & Maria Iacobi, & Salome emerunt aromata, vt venientes vngerent Iesum, qui tertiâ die

die resurrexit à mortuis propter nostram iustificationem.

ANIMA. Quid retribuui tibi, &c.

EVANGELISTA. Maria autem stabat ad monumen- Ad Domi-
nus vobiscū
& oratio-
nes.
Ioan. 20.
tum, & conuersa est retrorsum, & vidit IESVM stantem.
tunc dicit ei IESVS, Vade ad fratres meos, & dice eis, Ascen-
do ad Patrem meum & Patrem vestrum, ad Deum meum
& Deum vestrum. Posthæc apparuit discipulis suis, & di-
xit eis, Pax vobis, ego sum, nolite timere.

ANIMA. Quando veniam, & apparebo ante faciem
tuam? quid retribuui, &c.

EVANGELISTA. Et accedens IESVS locutus est eis di- Ad benedi-
ctionem.
Marci 16.

Ibidem.
cens, Euntes in mundum vniuersum, prædicate Euange-
lium omni creature, & ascendit in celum: & cū comple-
rentur dies Pentecostes, misit promissum Paracleti: illi
autem prædicauerunt vbique, Domino cooperante, &
sermonem confirmanste sequentibus signis.

ANIMA. Quid retribuam Domino pro omnibus quæ Psal 115.
retribuit mihi: calicem salutaris accipiam, & nomen Do-
mini inuocabo. Credo, Domine, & doleo vehementer
peccasse me in cælum & coram te; sed spero in te, ô spes
mea, & diligo te ex toto corde meo. Absorbeat me im-
mensa & melliflua vis amoris tui, vt amore amoris tui
moriar, qui amore mei dignatus es mori.

*Alia oratio, Christiani hominis officia ac om-
nium propè virtutum actus complectens.*

Domine Deus meus, in cuius conspectu sto, coram quo tre- 4. Reg. 3.
Isaie 40.
Gratiarum
actio.
munt vniuersæ potestates, omniaq; sunt, quasi non sint; gra-
tias tibi ago, quia me de nihilo creasti & vniuersa pro me, quia
redemisti me sanguine tuo, & Ecclesie tuae aggregasti, & pro om-
nibus beneficijs, quæ sanctissima humanitati Christi Domini,
B. Virgini & omnibus Sanctis, atque hominibus & mihi conces-
sisti: à te enim, & tua sunt omnia, vt non sit vnde gloriatur omnis

1. Cor. 1.

- August. *caro. Creasti verò me, & hæc omnia dedisti, vt seruiam tibi, & ni-*
 Adoratio. *si fecero, æterna mihi supplicia comminatus es. Adoro te ergo, Deus*
meus, & seruire tibi volo: atque abrenuncio mundo, carni & dia-
 1. Theff. 5. *bolo, & omni creaturæ, quæ me rebellem faciat tibi creatori meo.*
 Psal. 118. *Quid enim? fortè hodie sicut fur in nocte veniet improuisa mors;*
 1. Ioan. 5. *& quid tum coram tribunali tuo responderem tibi, si ob leuem*
 Actus Con- *tuitis, quæ, vt dixisti, verè grauiæ non sunt? Ah, vtinam te, Pater*
 tritionis. *pÿssime, numquam offendissem! tu enim verè omne bonum es, &*
 Sap. 7. *à te & immensa ac spontanea caritate mihi omnia bona venerūt:*
 Psal. 34. *pro quibus, eheu! retribui mala. verùm ecce redeo seruus ad Domi-*
 2. Cor. 1. *num, filius prodigus ad Patrem misericordiarum, & Deum to-*
 Fidei. *tius cōsolationis, & adherere tibi volo fide viuā, spe firmā, carita-*
 Spei. *te perfectā. Credo tibi, ô Veritas æterna, ac Catholica Romana Ec-*
 Iob 3. *clesia tua, tot Martyribus, miraculis, antiquitate & vnitatero-*
 Psal. 54. *boratæ; imò per gratiam tuam paratus potiùs millies mori, quàm*
 Aug. Soli- *eam non audire. O Deus meus, tu es spes mea, in te confido,*
 loq. c. 14. *non erubescam, etiam si occideris me, in te sperabo. Iacto super te,*
 Resignatio- *Domine, curam meam, & omnem solitudinem meam projicio*
 nis, Patien- *in te. Scio enim præsentem ubiq; esse te, & mei, velut vniuersi curā*
 tia & For- *gerere. Fac ergo, Pater carissime, de me secundum bonam volun-*
 titudinis. *tatem tuam, non meam: tu enim solus Dominus, tu medicus &*
 Sap. 14. *dux meus in via hac; tu nosti, quid mihi ægro expediat, quaq; sit*
 Esther 13. *peregrino eundum. accepto proinde omnia bona & mala de manu*
 Iob 9. *tua, siue paupertas, infamia, dolores erunt: omnia enim prouiden-*
 2. Cor. 4. *tiā tuā gubernantur, & in ditione ac voluntate tua cuncta sunt*
 Confiden- *posita. & quis est qui dicere possit: Cur ita facis? & quid, quaeso, ha-*
 tia. *bet conqueri, qui infernum est promeritus, de momentanea tribu-*
 Ioël 2. *latione, quæ æternum gloriæ pondus operatur in nobis? Scio insuper*
 1. Cor. 10. *quodd benignus & misericors Pater es, neque patieris me tentari*
 Amoris Dei. *supra id quod possum. O bonitas infinita, diligo te verè ex toto*
 Matth. 22. *corde meo: à te enim, & in te solo omne bonum meum est, ubique*
mihi præsens es, & omnia largiris, ô fons bonorum omnium. Cur
igitur te neglecto, creatura vanum anxie & frustra queram sola-
tium? Tene, Ie su bone, derelinquere possum, fontem aquæ viuæ,
 &

& bibere Aegypti, huius mundi, aquam turbidam? Sitio & suspi-
 ro ad te vnum, & amplector te vlnis anima mea, proximos verò
 omnes & inimicos propter te. Ecce condono illis iam coram te ex
 toto corde, quidquid peccauerunt in me. Si enim diligentes me
 tantum diligo, nonne & Ethnici hoc faciunt? Ego verò Christia-
 nus & filius tuus sum, qui plus super iustos & iniustos, & solam
 tuum oriri facis super bonos & malos. Verum, ô Domine Deus, da
 mihi vt non verbo tantum, sed & opere & veritate diligam te &
 proximos meos, ac lato corde curram in via mandatorum tuorum.
 Et certè cum recogito labores & dolores, lesu dulcissime, quos pro
 salute mea sponte subiisti, quid mihi pro illa graue esse potest? an
 Missam audire? terræ vilissimum aliquod frustum alteri restituere?
 hoc N. abnegare? Sacramenta feruenter frequentare? conscien-
 tiam sedulo examinare? sobrium esse? proximum diligere? alijs
 honoratiora deferre? te super omnia amare? Pudet me torporis
 mei, dum filios huius seculi aspicio, & quantos illi labores pro
 momentanea hac vita tuenda subeant. quomodo enim mihi man-
 data graui videri possunt, cum tu, Veritas aeterna, dixeris, Man-
 data mea graui non sunt? Verè leue est onus tuum, & iugum tuum
 suaue, maximè si annos aeternos in mente habeas. O aeternitas, ater-
 nitas quam rara es in mētibus hominum! quarum alterutra feli-
 cissima, vel miserrima fortè hodie mihi obtinget: nescio enim quā
 horā venturus sis, & amore an odio dignus sim nescio. O quid non,
 cum in morte iudex adueneris, pro aeternitate fecisse vellem? Quid
 tum proderunt deliciae, superbia, diuitiarum iactantia, & homi-
 num fauores à te summo iudice strictè iudicando? Et cui vnquam
 profuerunt, aut quem satiarunt? Suscipe, queso, Domine, propo-
 situm hoc meum, quo tibi hodie seruire firmiter statuo, praecepta
 tua & Ecclesiae seruare, cuius suum tribuere, vti temperanter do-
 nis tuis, omnia aduersa & prospera suscipere de manu tua, omnia
 ad tuam vnius gloriam facere. Offero tibi cor, corpus & animam
 meam, oculos & manus, quae numquam ad illicita conuertam;
 aures, quas numquam detrahentibus aut stultiloquio praebebo.
 Linguam, quā nihil, nisi tibi placitum loquar; sed semper laus tua
 erit in ore meo. Denique me totum offero maiestati tuae; fac de me

Ierem. 2.

Caritatis
proximi &
inimicorum.
Matth. 5.

1. Ioan. 3.

Propositum
bene uiuen-
di.

Psal. 118.

Luc. 16.

Matth. 24.

Sap. 5.

Contemptus
rerum ter-
renarum.Exercitium
virtutum
cardinaliū.

Iob 2.

1. Cor. 10.

Oblatio sui.

Psal. 33.

Ephes. 1.
Itaia 64.
Sanctorum
patrociniū.
Obtestatio
cum diffi-
dencia sui.
Psal. 141.
Psal. 3.
August.

secundum beneplacitum tuum: seruus enim tuus sum ego, & opus
manuum tuarum, ac desidero vni tibi placere, idq³ protestor ho-
die coram te, Deus meus, B. Virgine MARIA, & celesti curia
tua, quam suppliciter inuoco in auxilium meum. Da mihi, Do-
mine IESV Christe, per vulnera tua, & per mortem tuam, & me-
rita Sanctorum tuorum, gratiam, sine qua nil possum, vt hac pro-
posita mea fortiter exequar: tu enim sola spes mea, tu gaudium, &
gloria mea, tu quies & finis meus, in quo solo conquiescere valeo
& volo. O Deus meus, o omne & vnicum bonum meum!

Praxis audiendi Sacrum.

EVndo, cogita te velut ad montem Caluariæ ire, & quid ibi vi-
surus sis, quantâque deuotione debeas adesse. Et intrando lo-
cum, asperge te aquâ lustrali, & cōtritionem excita. Tum, Primò
adora Deum, Fidei, Spei & Caritatis actu. & intentionem reno-
ua, dicendo Credo, Domine, & in te spero, ac toto corde te dili-
go Secundò, considera dignitatem sacrificij. Tertiò, propone re-
uerenter assistere: quæ omnia, iam sequenti orationculâ conti-
nentur.

Credo tibi, Rex Regum, qui ex amore summo verè carnem &
sanguinem nobis tuum dedisti, & sub his speciebus, vt perpetuò
nobiscum esses, mirabiliter esse voluisti, & infinitis figuris ac mi-
raculis hoc declarasti. Cupio igitur interesse huic memoriali
passionis, & sapientiæ, & potentia, & bonitatis tuæ, attentè, &
omni, quâ possum, deuotione, cum Angelis tuis, & tota curia
tua, ad gloriam tuam, & ad salutem & auxilium meum, ad Ec-
clesiæ utilitatem, & omnium, qui se mihi commendarunt N. &
defunctorum N. solatium. Da mihi ad hæc gratiam, o vnica
virtus mea. Amen.

Dum sacerdos parat necessaria sacrificiò, antequam incipiat,
cogita Angelos aduentantes, vt honorent sacrificium, & confun-
dere de tepore tuo.

Ad *Confiteor*: percurrere breuiter peccata, contritionem excita.
& innoua propositum emendandi. In ceteris, attende ad verba, &
ea intelligas: aut rosarium, aut aliud lege.

In officitorio: cogita quæ agenda habeas illo die, & ea offer, ac
sancta desideria tua recole, pristinaque proposita; omniaque vni-
cum meritis Christi IESV.

Ad *sursum corda*: attende ad passionem Christi. Est enim memoriale illius. Et in utroque *memento*, ora pro iis omnibus, quibus oportet, collocando eos in partibus crucis.

Ad elevationem: considera Christum in cruce, & adora. deinde cogita, quæ aduersa accidere possent: & ad ea te resigna. Considera post hæc beneficia Dei, & ad spirituales communionem te præpara, rogando Dominum, ut ad te veniat, animam purget ab his N. & illis N. defectibus, eamque virtutibus exornet: denique, quasi cum sacerdote desiderio ardenti communica.

Post communionem: gratias age, & gratulare Deo de perfectionibus diuinis. Iterum renoua vota, & proposita; ac iterum agenda Deo offer, & in particulari ad mortificationem illius, circa quod examine particulari versaris.

Oratio pro communione spirituali.

Ecce adsto pauper & inops ad mensam magni Regis, & amantissimi Patris mei, tuam Christe Ihs: & credo tibi, ô æterna Veritas, quod verè es summo calorū ad verbum sacerdotis, ut me visites, venire dignatus es: verum tamē, conscius infirmitatis meæ, & peccatorum meorum, non audeo sacramentaliter suscipere te; sed dico cum Centurione, cuius seruum absens ut alios plurimos sanasti: Domine, non sum dignus, ut intres sub tectum meum; sed per os sacerdotis, veni in animam meam. Munda, quaeso, illam à malis eius & imperfectionibus N. & orna bonis & virtutibus N. pascere corpore & sanguine tuo, ut sicut catellus, comedat de mensa Domini sui, & repleatur benedictione, quod potes, & sapere soles, etiam tantā, quantā, si sacramentaliter te susciperem. Omnino ita spero, & quod non deferes me, & nihil me separabit à te hodie, nec vllō momento vitæ meæ. Vidi enim te, & cognoui caritatem tuam inestimabilem, immensam pietatem: & nisi glacies ac lapis sim, fera, & non homo; non potero, per gratiam tuā, obliuisci illius: sed in te viuam, & tu in me. Tu mihi eris semper spes mea, gaudium meum, iucunditas mea, fiducia mea, diuitiæ mea, dilectio mea, quies mea, tranquillitas mea, dulcedo mea, suauitas mea, cibus meus, refectio mea, tutela mea, sustentatio mea,

Matth. 8.

Bonau l.r.
Stimuli.

Exspectatio mea, refugium meum, auxilium meum, refrigerium meum, patientia mea, protectio mea, responsio mea, locutio mea, meditatio mea, operatio mea, thesaurus meus, in quo solo fixa & firma, & immobiliter radicata sit semper mens mea, & cor meum. Amen.

Alia praxis erit, considerare sacerdotem vt Christi personam repræsentantem; Primò, tonsurâ, scilicet illius coronam, Secundò, amictu, velamen oculorû Christi; Tertiò, albâ, illusoriam vestem Herodis; Quartò, cingulo, vincula eius; Quintò, manipulo, vincula manuum; Sextò, stolâ, funes quibus tractus fuit; Septimò, calulâ, vestem purpuream; Octauò, cruce in pectore ac humeris, Christi crucem; Nondò, calice, dolores passionis; Decimò, corporali, sindonem quâ inuolutus fuit Dominus.

Alia, cõsiderare Missæ ceremonias, eisq; vitæ & passionis Christi memoriam renouare. Tu itaque, si libet, Primò, cum sacerdote, priusquam ab altari descendat, fidem ac puram intentionem exerce; deinde ipso stante ad pedē altaris repræsentat tibi Christū orantem in monte Oliueti, sanguinemq; sudantem pro peccatis tuis, ac de iis conterere. Deinde ad osculū altaris, memora osculum Iudæ: ad introitum, quod in domo Annæ passus est Iesus: dū itur ad medium altaris, deductionē ad Caiphā: ad *Kyrie eleison*, negationes Petri: ad collectam, accusationes: ad Epistolam, concilium in domo Caiphæ, & Christi condemnationem: ad Euangelium, quod in Septemtrione legitur, deductionē ad Pilatum gentilem, eiusque interrogationes: ad *Credo*, populi clamores: ad *Dominus vobiscum*, Pilatum ad populum loquentem: dum aqua & vinum petitur & offertur, te tuaque omnia Deo offer, ac cogita missionem ad Herodem & reditum ab eo: ad lotionem manuum, coram Pilato accusationem: ad *Orate fratres*, & secretas orationes, Barabbæ postulationem: ad præfationem & Canonē, recordare Iudaicarum vocum, *Tolle, tolle, crucifige eum*, & flagellationis & coronationis Domini tui: ad eleuationem, quomodo Pilatus ostenderit eum populo: ad cruces aliquot, & cum silentio orat sacerdos, baiulationem crucis & crucifixionem intueri: ad *Omnia honor*, crucis eleuationem: ad *Pater noster*, eiusque septem petitiones septem verba Christi commemora: ad *Pax Domini*, &c. mortem Iesv: ad *Agnus Dei*, militum confessionem: ad *Domine non sum dignus*, apertiones lateris, & depositionem de cruce: ad communionem, sepulturam: per primum *Dominus vobiscum*, post eam, significatur resurrectio & apparitiones ac docu-

documenta: per *Ite, Missa est*, ascensio Christi: per benedictionem, missio S. Spiritus, per Euangelium S. Ioannis, predicatio Apostolorum.

Finita Missa si communicare velis, rursus contritionem excita ad *confiteor*, ante communionis distributionem; fidem item, spem & caritatem, quarum actus toto decursu passionis exercere diligenter ac discretè potes. In communionem, affectibus amoris & signationis iusta, Christumque animæ vnois complectere, ac propone seriam vitæ emendationem, coram ipso & curia illius vniuersa.

Alij diuidunt vitam Domini in tres partes, & gratiosam memorant vsque ad Canonem, pœnosam eiusque passionem vsque ad communionem, gloriosam ab ea vsque ad finem. Quisque id sequi poterit, quod spiritus eum vnctio docebit.

Hoc autem modo; ad confessionem memento lapsus Adami, tuæque peccata detestare: ad altaris osculum, Incarnationis Christi: ad introitum & *Kyrie eleison*, desiderij SS. Patrum: ad *Gloria* considera Christum natum: ad *Dominus vobiscum*, Magorum adorationem: ad Euangelium & Symbolum, Christi prædicationem: ad *Dominus vobiscum*, miracula Christi: ad offertorium, Christi oblationem, & tu te pariter offer: ad *Orate fratres*, quomodo mortem suam aperuerit discipulis: ad præfationem, ingressum in Ierusalem: ad Canonem, orationem in horto, tormenta, & baulationem crucis: ad elevationem Hostiæ, Christi crucis exaltationem: ad calicem, effusionem sanguinis: depositio Hostiæ & calicis, depositionem de cruce notat: *memento*, descensum in limbum. hinc pro mortuis ora, & velut moriturus proposita renoua: ad *Pater noster* considera dolores & orationem B. Virginis stantis iuxta crucem: ad *Agnus Dei* & communionem, Christi sepulturam: ad cætera, resurrectionem, apparitiones: atque ad extremam benedictionem, ascensionem.

IACVLATORIÆ.

Non est alia natio tam grandis, qua habeat deos appropinquantes Deut. 4.
sibi, sicut Deus noster adest cunctis obsecrationibus nostris.

Memoriam fecit mirabilium suorum, misericors & miserator Do. Psal. 100.
minus; eam dedit timentibus se.

Quis audiuit umquam tale, & quis vidit huic simile? Isaia 66.

O sacrum conuiuium, in quo Christus sumitur, recolitur memoria Ecclesia.
passionis eius, mens impletur gratiâ, & futura gloria nobis pignus datur!

Quid est bonum eius, & quid pulchrum eius, nisi frumentum ele. Zach. 9.
florum, & vinum germinans virgines?

CAPVT XIV.

*Peregrinatio cum Christo patiente, siue exerci-
tium de Passione Domini: quo ad amoris af-
fectum homo disponitur.*

Psal. 110.

Psal. 138

Abacuc 3.

Psal. 45.

Thren. 3.

Cant. 8.

ANIMA. O benignissime IESV, Saluator mi, & desiderium animæ meæ! O qualem mihi memoriam fecisti mirabilium tuorum, misericors & miserator Domine, amoris inquam & caritatis tuæ immensæ & ineffabilis erga me! O quàm mirabilis facta est scientia tua ex me! confortata est, & non potero ad eam. Audivi, ecce, Domine, auditum tuum, & timui; & consideraui opera tua hæc, & expaui: mirabilia, inquam, opera tua, & anima mea cognoscet nimis; mirabilia prodigia quæ posuisti super terram, mirabilia testimonia tua, testimonia magnitudinis amoris tui. ideo desiderat hæc scrutari anima mea. Scrutetur alius mirabilia maiestatis tuæ, & videat ne opprimatur à gloria, ego opprobria & dolores tuos; nec cupio quidquam scire nisi IESVM meum, & hunc crucifixum.

CHRISTVS. Pone me vt signaculum super cor tuum, vt signaculum super brachium tuum, & recordare paupertatis meæ, ab synthij & fellis.

ANIMA. Adhæreat lingua mea faucibus meis, si non meminero tui, & caritatis tuæ quam commendasti nobis. O quàm fortis est vt mors dilectio tua, quàm dura sicut infernus æmulatio! Lampades eius lampades ignis atque flammarum. aquæ multæ tribulationum non potuerunt tuam, ô IESV, extinguere caritatem, nec flumina peccatorum meorum obruent illam, & poteritne fieri

ri ut aliquando tui me capiat obliuio , qui in gloria tua
 æterna recordatus es nominis mei , cùm mei immemor
 essem, & vocasti me nomine meo, tu qui es spes mea, salus
 mea, & vita mea? Videte, & audite omnes, & narrabo vo- *Psal. 65.*
 bis qui timetis Deum, quanta fecerit animæ meæ: venite *Psal. 46.*
 & audite opera Domini , quæ posui prodigia super ter-
 ram. Surgam, & circuibo ciuitatē, per vicos & plateas, & *Cant. 3.*
 legam vestigia pedum tuorū; & deosculabor, & comple-
 ctar te desiderium collium æternorū. Ecce à summo cælo
 est egressio tua, ut me quem perditam quæreret, & occur-
 sus meus erit vsq; ad summum eius; sequar te quocunque
 ieris, cùm mihi dignatus fueris dicere infinitā misericor-
 diā tuā, Veni & sequere me.

CHRISTV Surge, propera, amica mea, speciosa mea, *Cant. 2.*
 & veni, columba mea in foraminibus petrae, in cauerna
 maceriae. vide ut dereliquerim pro te domum Patris mei, *Ierem. 14.*
 & factus sim pro te sicut colonus in terra , & viator de-
 clinans ad manendum,

De institutione Ven. Eucharistiæ.

ANIMA. O vtinam, ô vtinam magnificasses, Domine,
 facere nobiscum Pastor animarumstrarum.

CHRISTVS. Non vos reliqui orphanos: dixi meis, Va- *Ioan. 14.*
 do & venio ad vos; & ecce ego vobiscum esse volui in Eu- *Matt. 28.*
 charistia vsque ad consummationem sæculi. cumque tri-
 ennio toto ego Vnigenitus in sinu Patris eructassem abs- *Matt. 13.*
 condita à constitutione mundi , cùm pertransissem be-
 nefaciendo, & sanando omnes, potens opere & sermo-
 ne, & viderem tempus esse ut reuerterer ad Patrem; tibi
 dedi corpus & sanguinem in cibum & potum , ut epu-
 lareris in conspectu meo semper, & memoriale esset tibi
 mortis & passionis meæ, immò ut tecum essem omnibus
 diebus.

Psal. 25.

ANIMA. O qualem posuisti in conspectu meo mentem aduersus eos qui tribulant me!

Psal. 77.

CHRISTVS. Et hanc paraui, & feci conuiuium pinguium, conuiuium vindemię omnibus populis, & panem cęli dedi, & panem Angelorum, cū dixerunt inimici mei, & qui custodiebant animam meam, consilium fecerunt in vnum, dicentes, Deus dereliquit eum, persequimini & comprehendite eum: cū mortem mihi pararet, ego arborem vitę illis dedi: & cū venissem, o filia Sion,

*Isaia 25.**Psal. 70.*

Rex tuus tibi iustus & saluator, ipse pauper, & ascendens super asinā & pullum filium asinę, dixisti, Venite (vt fratres Ioseph) venite, occidamus eum. Ecce vt filios enutriui carne & sanguine meo, ipsi spreuerunt me: ego verò

Zachar. 9.

ijs dixi, Venite iam, & comedite panem meum, & bibite vinum quod miscui vobis: & viuite, & quare moriemini domus Israël?

*Cant. 5.**Admiratio.**Ierem. 2.**Psal. 117.*

*Laus, &
gratiarum
actio.*

*Psal. 114.**Psal. 111.**Psal. 138.**Adus Fidei.**Deut. 4.**Psal. 39.**Adus Spei.**Psal. 25.*

ANIMA. Obstupescite cali super hoc, & porta eius desolamini vehementer. Confitemini Domino, quoniam bonus, quoniam in saculum misericordia eius. Dicat nunc Israël, quoniam bonus, quoniam in saculum misericordia eius. Dicite Deo quā terribilia sunt opera tua, Domine, in multitudine virtutis tuę mentientur tibi inimici tui. O verē misericors & miserator Dominus, patiens, & multū misericors. Suauis Dominus vniuersis, & miserationes tuę supra omnia opera tua. Quis sicut Dominus Deus noster, qui in altis habitat, & humilia respicit in calo & in terra? Confitebor tibi, Domine, quia terribiliter magnificatus es, & minoratus propter me. Mirabilia opera tua, & anima mea cognoscit nimis. Credo, Domine, adiuua incredulitatem meam: testimonia tua credibilia facta sunt nimis propter immensam caritatem tuā, ex qua fecisti hæc omnia pro me, velut si solus essem, & indignissimam pati dignatus es. Non est alia natio tam grandis quę habeat deos appropinquantem sibi, sicut tu Deus ades cunctis obsecrationibus nostris. Multa enim fecisti tu, Domine, mirabilia tua, & cogitationibus tuis non est qui similis sit tibi.

Propter hoc letatum est cor meum, & exultauit lingua mea,

Et

& caro mea requiescet in spe, quoniam in te eripiar à tentatione, Psal. 17.
 & in Deo meo transgrediar murum. Persequar inimicos meos, & Ibid.
 comprehendam illos, & non conuertar donec deficiant, quia tu es Psal. 143.
 misericordia mea, & refugium meum, susceptor meus & liberator Actus Ca-
 meus. Tuus, tuus sum ego, opus manuum tuarum, pretio sanguinis ritatis.
 tui magno emptus. cuius ergo esse potero, amantiſſime IESV, nisi
 tuus? tu es enim fortitudo mea, & firmamentum meum, & refu-
 gium meum: te diligo ex toto corde meo, & ex tota anima mea,
 atque ex totis viribus meis. O quàm bonus Israël Deus his qui re- Psal. 72.
 ctosunt corde! Quàm magna multitudo dulcedinis tue, quam Psal. 30.
 abscondisti timentibus & diligentibus te!

CHRISTVS. Nunc ergo habitatores Ierusalem, & viri Iuda Isaia 5.
 iudicate inter me & vineam meam, quid est quod vltra debui fa-
 cere vineæ meæ, & non feci?

ANIMA. Nihil, Domine, sed secundùm nomen tuum, Deus, sic Psal. 4.
 & laus tua in fines terræ, iustitiâ plena est dextera tua. quam
 magnificata sunt opera tua, Domine! nimis profunda facta sunt Psal. 91.
 cogitationes tua. Verè melior est misericordia tua super vitas, la-
 bia mea laudabunt te, sic benedicam te in vita mea, & in nomine
 tuo leuabo manus meas: ecce iuravi, & statui custodire iudicia iu-
 stitiæ tue. Tuus enim sum ego, tuus sum ego; saluum me fac, quo-
 niam mandata tua exquisiui. Fac de me secundùm diuinum be- Actus Resi-
 neplacitum tuum in tempore & in aternitate, paratum cor gnationis.
 meum, Deus, paratum cor meum, etiam animam meam ponere
 pro te per gratiam tuam & pro fratribus meis, & tecum oppro- Actus Zeli.
 brium & miseriam expectare & amplecti: vt cognoscant omnes
 & diligant te, & audiant vocem tuam, ô Pastor bone, qui ani-
 mam tuam posuisti pro ouibus tuis, & peccatoribus, quorum pri-
 mus ego sum. Erravi enim sicut ouis quæ perijt: sed quaesisti seruum Psal. 116.
 tuum, & portasti in humeris tuis, & quomodo vnquam obliuisci
 potero tanti amoris & dignationis tua?

De oratione Christi in horto.

ANIMA. Egredere nunc, anima mea, silentio comitare **IESVM** in hortum oliuarum, quia misericordia Domini plena est terra. quid dico hortum oliuarum? in montem myrrhæ & collem thuris.

Cant. 9.

CHRISTVS. Sic fuit mihi, sed messui myrrham meam cum aromatibus meis, & torcular calcaui solus, & expres-

Psal. 34.

si misericordiam tibi in iustitia mea; cor meum conturba-

Psal. 87.

tum fuit in me, & formido mortis cecidit super me; re-

Matth. 26.

pleta est malis anima mea, & vita mea inferno appropin-

Psal. 68.

quauit. Oraui itaque ad Patrem pronus in terra, & humi-

Gen. 37.

liaui animam meam pro eo quod se homo exaltarat, &

dixi tactus dolore intrinsecus, Pater, si fieri potest, trāseat

à me calix iste; verum tamen non sicut ego volo, sed sicut

tu. Sustinui verò tunc qui simul contristaretur, & non

fuit; qui consolaretur, & non inueni: nec poterant Disci-

puli vel vnâ horâ vigilare mecum. lacrymæ meæ erant in

maxillis meis, & super vnoquoque, vt in Ioseph figura-

tum fuerat, solus ploraui super interfectos populi mei, &

super te N. nominatim, quia fera pessima deuorauerat te,

filii mei.

ANIMA. Verè languores nostros tulisti, bone **IESV**, &

dolores nostros portasti, ô Redemptor animarum no-

strarum. Accedamus igitur cum fiducia ad thronum gra-

tiae, vt misericordiam consequamur. O quàm amarum ca-

licem, cuius fæx non est exinanita, tibi propinarunt pec-

cata nostra!

CHRISTVS. Etego tamen vtrâque manu accepi de

manu Patris mei, & desiderio desideravi bibere illum: at-

que cum haberem ego verus Salomon, & pacificus Rex

sapientiam multam nimis, & latitudinem cordis, quasi a-

renam quæ est in littore maris; omnē arenam, id est pec-

cata mundi, in corde meo & dolore meo expiaui, & idèò

sicut

3. Reg. 4.

sicut aqua effusus sum, & dispersa sunt omnia ossa mea, & *Psal. 22.*
factum est cor meum tamquam cera liquefscens in medio
ventris mei, aruit tamquam testa virtus mea.

ANIMA. O gaudium Angelorum! ô abyssus dolorum!
& potest fieri, vt dicas adhuc, delicias tibi esse cum filiis
hominum, qui tales contra te scripserunt amaritudi-
nes? Video madere terram, quæ maledicta fuerat cum
esset primus Adam in horto voluptatis, & rubere vi-
deo sanguine vnigeniti filij Dei in horto oliuarum & do-
loris.

CHRISTVS. Terra, ne operias sanguinem meum, sed
vox sanguinis mei clamet ad te, Pater misericordiarum,
de terra pro ouibus meis, & pro hoc N. qui hæc legit, pro
quo cum lacrymis orauit, & exauditus sum pro reuerentia
mea, ac consolatus me es per Angelum tuum, cuius sola-
tium minoratus non respui, vt docerem te, fili, vias meas,
vias humilitatis. Post hæc verò, vt cognosceret mundus,
quia diligo Patrem, & sicut mandatum dederat mihi Pa-
ter, sic facerem, dixi, Surgite, eamus hinc; & exultaui vt gi- *Psal. 18.*
gas ad currendam viam, ac Iudæ osculum alteri Achito-
phel non negaui: & postquam Malcho persecutori aurē
ac cæteris quasi ex animatis verbo vitam reddidissem, spe-
ctantibus infinitis propè Angelorum legionibus tradidi
ex infinita caritate in mortem animam meam; & homo
pacis mee, qui edebat panes meos, magnificauit super me *Psal. 40.*
supplantationem.

ANIMA. Et ego non me tradam totum tibi, cuius to-
tus sum? an resistam tibi, & osculo tradam te concupi-
scentijs, tantâ benignitate & beneficiis præuentus! O
ardentissima caritas! ô quàm suauiter vris, quàm fortiter *Osea 11.*
trahis nos in funiculis Adæ & caritatis! *Obstipescite, &c.*
vt suprâ.

De Christi ad Annam deductione.

ANIMA. Iam verò quò te, Domine, duxerunt & reducerunt peccata mea Messiam suum, expectationem, & Regem sæculorum; desiderium collium æternorum, te Principem pacis, Pontificem innocentem, sanctum & impollutum Agnum absque macula?

CHRISTVS. Ad Annam primùm, atque ibi steti velut reus, Deus tuus, & Dominus & Pater tuus, vt tu ab æternis supplicijs liberareris: steti, vt sedere possis cum principibus populi mei: & dedi percutienti me maxillam, & saturatus sum opprobrijs, vt satiareris cùm apparebit tibi gloria mea, & inebriareris ab vbertate domus meæ.

ANIMA. O Agne mitissime, iam scimus cuius spiritus esse debeamus. Elias Propheta tuus ignem de cælo descendere fecit, vt perderet aduersarios suos: quod etiam Discipuli tui antea fieri iustum putarunt: sed necdum perfectè à te didicerant, mites esse, & humiles corde. O quàm suavis est, Domine, spiritus tuus! non reddit pro bono malum; sed vincit in bono malum; sapientiam non vincit malitiâ.

CHRISTVS. Disce igitur, fili, cùm sis puluis & cinis, non verbo moueri, non maledicere cùm malediceris, cùm pateris non comminari, quando opprobrium optauit & expectauit cor meum & miseriam. Quid retribues mihi pro his qui vix moneri potes, qui me, id est præcepta maiorum ac mea, trahis ad iudices, & examinas ad mundi leges, & tribunalia propriæ existimationis? Poteram verbo vlcisci, & delere ob hoc facinus vniuersum orbem; vel, sicut Moyse, efficere vt terra de hisceret; vel, sicut Elizæus, vt omnes discerperentur; sed ego cum gaudio sustinui amore tui, meque Deo Patri meo in superad omnia tormenta obtuli; ac desiderio desideravi indui

con-

confusione sicut diploide, & tunc, fili mi, velles honorificè tractari.

ANIMA. Omnes nos quasi oues errauimus, & vnusquisque in viam suam declinauit, & posuit in te Dominus iniquitatem omnium nostrum, seruorum infidelium in filium, in quo sibi benè complacuit. *Obstupescite, &c.* *Isaia 53.*

De Christi apud Caipham accusatione & illusionē.

ANIMA. Ductus es, ô IESV, ab Anna ad Caipham Principem sacerdotum; an forsitan, quia habebat legem, quia prophetauit: vt Pontifex anni illius benigniùs exciperet te Saluatorem meum?

CHRISTVS. Imò ipsi cum maioribus circumdederunt me sicut apes, exarserunt sicut ignis in spinis, & velut Naboth circumuenerunt. Os peccatoris, & os dolosi super me apertum est; locuti sunt aduersum me linguâ dolosâ. *3. Reg. 21. Psal. 108.* Ego verò factus sum tamquam homo non audiens, & non habens in ore suo redargutiones. *Psal. 37.*

ANIMA. Vbi sumus nos filij Adæ, tam prompti ad declinandum os nostrum in verba malitiæ, ad excusandas excusationes in peccatis, vt decipiamus ipsi de vanitate in id ipsum? Nihilne, Domine, excusasti? nihil vtique; quia te accusabant peccata mea. Eheu! quàm verè prædixit Propheta tuus, Ego redemieos, & ipsi locuti sunt contra me mendacialia. *Osea 7.*

CHRISTVS. Imò viri qui tenebant me expuerunt in faciem meam, & velauerunt eam; alij autem palmas dederunt, & vt Samsoni Philistij, mihi illudere. Ego verò corpus meum dedi percutientibus, neque faciem meam auerti ab increpantibus & conspuentibus in me. Et post accusationes multas, & cùm defecissent scrutantes scrutinio, clamauerunt, Reus est mortis. & hæc

hæc fuit mihi merces laborum meorum, qui veneram vt vitam haberent, & abundantius haberent oues quæ perierant domus Israël.

Isaia 53. ANIMA. Meritò exclamauit Propheta tuus, Domine IESV: Quis credidit auditui nostro? & brachium Domini cui reuelatum est? non est species tibi, neque decor: vidimus eum, & non erat ad spectus, & desiderauimus eum despectū & nouissimum virorum, virum dolorum, & scientem infirmitatem; & nos putauimus eum quasi leprosum, & percussum à Deo, & humiliatum. Tu autem vulneratus es propter iniquitates nostras, & attritus propter scelera nostra: disciplina pacis nostræ super te, & liuore tuo sanati sumus. Sed num fortè solatio hîc fuerunt Discipuli, qui parati tecum fuerant in mortem ire?

Iob 19. CHRISTVS. Imò abominati sunt me quondam consiliarij mei, & quem maximè diligebam, auersatus est me; inquilini domus meæ sicut alienum habuerunt me, & quasi peregrinus fui in oculis eorum. Et tu post hæc erubesces etiam profiteri te Christianum; & pudebit non esse cum impudente impudentem?

Thren. 5. ANIMA. Verè repletus es amaritudinibus, & inebriatus es absynthio. *Obstupefcite, &c.*

De Christi apud Pilatum & Herodem accusatione.

Psal. 63. CHRISTVS. His omnibus satiari non poterat improbitas, sed adducunt me à Caipha in prætorium, & mox apud Pilatum exacuerunt vt gladium linguas suas, locuti sunt aduersum me linguâ dolosâ, & sermonibus odij circumdederunt me, & expugnauerunt me gratis. *Psal. 108.* Ego autem tamquam surdus non audiebam, & sicut mutus non aperiens os suum, atque inde ad Herodem missus sum, & factus sum in derisum omni populo, canticum eorum totâ die. *Psal. 37.* *Thren. 3.*

ANIMA. O Sapiencia æterna, ô Saluator mundi, in quo *Colof. 2.*
thesauri sapientiæ & scientiæ reconditi erant; tunc siles
in hac causa coram Rege & aula eius, & pateris stultum
te haberi? & homo de scientia inflatur? Idcirco ego plo-
rans, & oculus meus deducens aquas. Vide, Domine, &
confidera, quoniam factus sum vilis, quia non refræ-
no linguam meam. Vide, Domine, afflictionem meam,
quoniam erectus est inimicus meus.

CHRISTVS. Obmutui, & siliui etiam à bonis; quando ad-
stiterunt Reges aduersum me, & principes conuenerunt *Psal. 2.*
in vnum: quæsiui qui simul contristaretur, & non fuit; *Psal. 68.*
consolantem me quæsiui, & non inueni.

Obstupefcire, &c.

De reditu Christi ad Pilatum, & flagellatione & coronatione.

ANIMA. Remissus es, Domine, ab Herode ad Pila-
tum, & conuenerunt rursus omnes sitientes velut ra-
di canes sanguinem tuum: eheu! quas accusationes, quæ
attulerunt impropria auctorem vite postposuerunt ho-
mici dæ, & Barabbam postularunt, & factus es nouissimus
viro rum. Nunc scio verè, quia maximi sceleris reus ero, si
vbi tu te, Deus, humilias, ego homo me exaltauero, si me
vmquam contemptum, neglectum, præteritum doluero:
non est enim maior seruus Domino suo.

CHRISTVS. Ego pro te factus sum sicut vermis, & *Psal. 21.*
non homo, opprobrium hominum, & abiectio plebis.
nam neque hinc stetit benignitas & caritas mea; sed mox
nudatum flagellarunt coram integra cohorte: & à planta
pedis vsque ad verticem capitis non fuit in me sani-
tas, & coronarunt me spineâ coronâ, & purpurâ illu-
ferunt mihi: ac spectaculum factus sum omnibus ini-
micis meis. *Isaia 1.*

ANIMA. Tu nudus fuisti propter me, bone Iesv, velut

T r

al-

alter Noë ebrius amore; tu qui regis omnia, qui vestis fœnum agri (id est omnem carnem) quod hodie est, & cras in clibanum mittitur, qui stolâ gloriæ induis electos tuos, cuius omnes domestici vestiti sunt duplicibus. & quorsum, Domine? nempe vt induar te, Domine, Iesv Christe, & tuis vestimentis, loricâ fidei, galeâ salutis, veste nuptiali, id est caritate tuâ, & non erubescam te, neque legem tuam in omni vita mea.

CHRISTVS. Cùm verò sic rabiem suam in me exeruissent, indutum & illudum purpurâ, ligatum, ac coronatum, sanguine vndique coopertum, adductus sum à Pilato foras, qui exclamauit: Ecce homo. illi verò mox vt me aspexerunt, auerterunt faciem suam, & crucifixerunt me labiis suis.

Cant. 3.

ANIMA. Egredimini filiæ Sion, & videte Regem vestrum Salomonem in diademate, quo coronauit eum mater sua. Aspicite sponsum, sponsum verè sanguinum; aspicite eum in quem deliderant Angeli prospicere.

1. Pet. 1.

Psal. 43.

CHRISTVS. Totâ die verecundia mea contra me est, & confusio faciei meæ cooperuit me, à voce exprobrantis & obloquentis, à facie inimici & persequentis. Subfannauerunt me subfannatione, & frenduerunt super me dentibus suis. O vos omnes, qui transitis per viam, attendite & videte si est dolor similis sicut dolor meus. Facta est mihi hereditas mea quasi leo in silua, dedit contra me vocem, & condemnauit me populus meus; dereliquerunt me fontem aquæ viuæ, me vitam suam, & fecerunt fœdus cum morte, & pepigerunt pactum cum inferno.

Jerem. 1.

Jerem. 12.

Obstupefcite, &c.

De baiulatione crucis & crucifixione.

ANIMA. Iam exhaustus es doloribus, & undique fluunt rivi sanguinis tui, quomodo poteris, amantissime IESU, portare crucem longâ ac difficili via?

CHRISTVS. Exulto iam vt gigas ad currendam viam; & baptismo habeo baptizari. & quomodo coarctor donec perficiatur! paratus sum, & non sum turbatus, paratus vt copiosa tibi sit redemptio. *Luca 12. Psal 118. Psal. 129.*

ANIMA. Confiteantur tibi, Domine, misericordiæ tuæ, & mirabilia tua filiis hominum. Quid retribuemus pro omnibus quæ retribuisti nobis? sicut ouis ad occisionem ductus es, & quasi agnus coram tondente se obmutuisti, & non aperuisti os tuum. *Psal. 106. Isaiâ 53.*

CHRISTVS. Vide ne aliquando obliuiscaris Domini Deitui.

ANIMA. Adhæreat lingua mea faucibus meis, si non meminero tui, si introiero in tabernaculum domus meæ, si dederò somnum oculis meis donec inueniam te, Domine Deus meus. *Psal. 136. Psal. 131.*

CHRISTVS. Quære me dum inueniri possum, inuoca me dum propè sum: abnega temetipsum, & tolle crucem tuam, & sequere me: qui enim non baiulat crucem suam post me, non potest meus esse discipulus. Considera me hîc rursus nudatum in monte Caluariæ, prostratum, crucifixum; vide vt foderunt manus meas, & pedes meos, & dinumerauerunt ossa mea. Adspice in me, quanta ex caritate offeram me in sacrificium pro te. *Luca 14. Psal. 22.*

ANIMA. Heu, Domine IESU, quis dabit capiti meo aquam, & oculis meis fontem lacrymarum? Quæ sunt plagæ istæ in medio manuum tuarum? *Ierem. 7. Zachar 13.*

Isaia 53.

CHRISTVS. His plagatus sum in domo eorum qui diligebant me, & in anima tua: & cum sceleratis reputatus sum.

*S. Bernard.
serm. de
quadrupli-
ci debito.*

ANIMA. O quàm indebita miseratio! quàm gratuita dilectio! quàm inopinata dignatio! quàm stupenda dulcedo! quàm inuicta mansuetudo! Regem gloriæ pro despiciatissimo vermiculo crucifigi! Quis audiuit vñquam tale? aut quis vidit huic simile? Vix enim pro iusto quis moritur: tu pro inimicis & iniustis mortuus es, eligens exulare à cælis, vt nos reportares ad cælos. Proinde memor ero, quamdiu fuero, laborum & dolorum quos pertulisti in prædicando; fatigationum, in discurrendo; tentationum, in ieiunando; vigiliarum, in orando; lachrymarum, in compatiendo. Recordabor dolorum tuorum, cõuitiorum, sputorum, colaphorum, flagrorum, subsanationum, exprobrationum, clauorum, horumque similitum, quæ per te, & super te abundantius transierunt. Hæc meditari dixi sapientiam, in his iustitiæ mihi perfectionem constitui, plenitudinem scientiæ, diuitias salutis, & copiam meritorum. Hæc me erigunt in aduersis, in prosperis reprimunt, & inter læta tristiaque vitæ huius præsentis viâ regiâ incedenti, tutum præbent vtrouque ducatum: propterea hæc mihi in ore frequenter, in corde semper. Hæc mea sublimior Philosophia, scire IESVM, & hunc crucifixum. Vulnerasti cor meum, Redemptor mi, vulnerasti cor meum. vtinam amore tui mori possim, & viuere tibi! Reliquum enim est vt qui viuunt, non sibi iam viuant, sed tibi, qui pro nobis mortuus es.

*Bernard.
serm. 43.
super Can-
tica.*

O pedes speciosi euangelizantis pacem! decurristis stadium, & hoc tibi brauium retulerunt peccata mea, Domine Deus meus.

O manus beatissimæ, quas aperuisti semper, bone IESV, vt impleres omne animal benedictione! hæc cuncta retribuimus tibi?

O latus pretiosum, asylum peccatorum, perfugium afflictorum, delictum Sanctorum! apertum es, ut cælum mihi exuli pateret; per quod columba, quæ non inuenit ubi requiescat pes eius, reuertatur in arcam salutis, & suauissimam quietem. Nam reuera ubi tuta firmaque infirmis requies, nisi in vulneribus Saluatoris? Tanto illic securior habito, quanto ille potentior est ad saluandum: fremit mundus, tremat corpus, diabolus insidiatur; non cado, fundatus supra firmam petram. Peccaui peccatum grande, turbabitur conscientia, sed non perturbabitur; quoniam vulnerum Domini recordabor. Quid enim tam efficax ad curanda conscientia vulnera, nec non ad purgandam mentis aciem, quàm Christi vulnerum sedula meditatio? quid tam ad mortem, quod non Christi morte soluatur? Si ergo in mentem venerit tam potens, tamque efficax medicamentum, nullâ iam possum morbi malignitate terreri. Fidenter quod ex me mihi deest, usurpo mihi ex visceribus Domini, quoniam misericordia affluunt; nec desunt foramina, per quæ effluant. patet arcanum cordis per foramina corporis; patet illud Bernard. in Cant. serm. 62. magnum pietatis sacramentum; patent viscera misericordia Dei nostri, in quibus visitauit nos oriens ex alto.

Ecce os beatissimum, quod positum erat tamquam gladius acutus, iam mihi præbet osculum pacis, & adhuc peccata mea diuident inter te & me, & recusabo viuere posthac tibi?

Oculi multò plus lucidiores super Solem, circumspicientes omnes vias hominum! quis vos obtenebrauit? respicite me, quæso, quia facti & fracti estis propter me; semel aspiciate, & saluus ero. Oculi verè sicut columbæ, quæ lacte sunt lotæ, & resident iuxta fluenta plenissima. O mundi oculi, qui respicere ad iniquitatem non potestis. Oculi sicut piscinæ in Hesebon, in quorum lachrymis lauantur crimina, quorum benigni-

tate sanatur anima, quorum suauitate omnis aboletur tristitia.

Eccli 6.

O lingua IESV mei, lignum vitæ, quæ nobis peccatoribus vitam reddidit, & Patrem placauit, dicens: Pater ignosce illis, & latroni paradysum promisit. Overbum dulce, spes desolatæ animæ! ô verbum quod mitigauit inimicos tuos, multiplicauit amicos tuos. Sitis salutem meam, & ego non sitiam amorem tuum, non sitiam ad Deum fontem viuum? Commendaſti me & dedisti matri Domini mei, & ego vllam aliam agnoscam? Consummata omnia dixisti, felle & aceto potatus fuisti, ô IESV vita mea, salus mea; mortuus es propter peccata mea, vt viuam tibi, & moriar tibi. & cui viuam? Mortuus es, & tenebræ factæ sunt super vniuersam terram, occidit sol in meridie, & planxerunt vniuersæ creaturæ, & petra scissæ, & monumenta aperta, velum templi diuisum; & de petra cordis tanto percussâ caritatis telo, non fluent aquæ largissimæ? Ecce mare gratiarum etiam conuersum est in mare lacrymarum; & ego potero siccis oculis hæc intueri? Cui comparabo te? vel cui assimilabo te, Domina mea, cui ex æquabo te? magna enim velut mare contritio tua.

Thren. 2.

Bernard.

CHRISTVS. O homo, vide quæ pro te patior; non est dolor sicut quo crucior: vide pœnas quibus afficio, vide clauas quibus confodior: cùm sit dolor tantus exterior, interior est planctus grauior, cùm te tam ingratum expior.

Obstupescite, vt suprà.

*Praxis in Passione Dominica sese ex-
ercendi.*

MEMORIA Passionis Domini quàm sit salutaris, passim omnes sancti Patres declarant. D. Augustinus ait: Fratres, ut à peccato sanemur, Christum crucifixum intueamur: quomodo qui intuebantur serpentem æneum in deserto non peribant moribus serpentum; sic qui intuentur fide Christi mortem, sanantur à moribus peccatorum. Gregorius autem: Nihil, inquit, adeò græue, quod non æquanimiter toleretur, si Christi Passio ad memoriam reducatur. D. Bonavent. Huius, ait, Passionis Christi meditatio continua mentem eleuabit, quid agendum, quid meditandum, quidue sciendum & sentiendum sit, indicabit: te demum ad ardua inflammbat; te vilificari, contemni & affligi faciet: affectus tuos, tam in cogitatione, quàm in locutione ac etiam operatione regulabit. Propterea Sancti mirificè in hac meditatione se exercuerunt, adeò ut, quoad fieri poterat, conformari Christo crucifixo etiam corporaliter optarent. Hinc Seraphico Francisco & S. Catharinæ Senensi singulari priuilegio vulnera Christi Domini communicata sunt, ut ostenderet sibi gratissimas illas animas, quæ in Passione sua, & vulneribus habitarent.

Modus meditandi Passionē iam suprà explicatus est: obserua tamen, hîc singulariter iuuare loci compositionē; Secundò, intueri vultum dulcissimi Iesv respiciētis nos, & sensuum facere applicationem, id est fingere se audire, videre omnia: Primò, Christum, & cor eius afflictum; Secundò, homines; Tertiò, spiritus malos & bonos. Angeli enim pacis amarè flebant, dæmones exultabāt. Ex singulis Primò, confusionē tui; Secundò, spem; Tertiò, caritatem; Quartò, imitationis Christi desiderium excita. In colloquio gratias age, pete & obsecra, & postremò te totum Deo offer. Albertus Magnus memoriam Christi passi plus prodesse ait, etiam simplicem, sed deuotam, Deoque gratiorem quàm disciplinare se quotidie vsque ad sanguinem, quàm ieiunare anno integro in pane & aqua; quàm quotidie recitare integrum Psalterium. Huius argumentum manifestissimum, quòd sacrificium augustissimum Missæ in passionis memoriam instituisse se Dominus profiteatur, ideoque id fieri mandet. Imò passim Spiritus sancti instinctu in templis, in turribus, in pontibus, in compitis cruces visuntur, velut trophæum Saluatoris, memoriale passio-

nis, & perfugium omnium miserorum. Hæ igitur te admoncant tanti beneficij; admoncant etiam horæ pullus, piâque illam consuetudinem imitare, quâ ad horas singulas singula Passionis capita quidam piè solent commemorare. verbi causâ, cogita horâ sextâ vespertinâ pedum lotionem; septimâ, institutionem Ven. Sacramenti; octauâ, sermonem post cœnam; nonâ, Christum euntem ad hortum; decimâ, orantem in orto; vndecimâ, comprehensionem eius; duodecimâ, deductionem ad Annam, &c. primâ, deductionem ad Caiphâ, & corâ eo accusationem; secundâ, illusionem in domo Caiphæ; tertiâ, quomodo manserit ligatus, & negatus sit à Petro illâ nocte; quartâ, condemnationem Christi factam à Sacerdotibus; quintâ, accusationem coram Pilato; sextâ matutinâ, illusionem coram Herode; septimâ, accusationem apud Pilatum & Barabbæ piæ Christi liberationem; octauâ, flagellationem & coronationem, nonâ, condemnationem eius; decimâ, baiulationem crucis; vndecimâ, crucifixionem; duodecimâ, erectionem crucis; horâ primâ, verba eius in cruce; secundâ, sitim eius; tertiâ, mortem Christi Iesv vitæ nostræ; quartâ, apertionem lateris; quintâ, depositionem de cruce ac sepulturam.

Alia praxis est vnire omnes corporis afflictiones atque animi cum Christi passionibus & doloribus, eosque in se aliquo modo exprimere, aut orando extensis in modum crucis brachiis, aut funiculis corpus stringendo ad memoriam vinculorum Christi, aut aliâ ratione, sicut vnctio & exempla Sanctorum te docere poterunt. Quàm fuerit gratum Christo Domino certa loca, ac templa diuersis mysteriis commemorandis destinata obire ac visitare, non vnum est exemplum quod id declarauit; recentius illud, quod de beato illo viro Simone Valentino refertur, cui etiam Dominus sese in eiusmodi pietatis exercitio videndum obiecit.

Tertiò, obserua autem in omni meditatione Passionis, quis, qualis, & quantus sit qui patitur, quâ forma, quantâ, quis ex iis fructus; vt latius prosequitur Diuus Bonauentura in incendio amoris.

Quartò, quotidie Sacrum Dominicæ Passionis memoriale reuerenter audire, in primis Domino gratum est, atque homini utilissimum tum aduersus tentationes remedium, contra omnia aduersa præsidium, optimaque gratitudinis pro redemptionis beneficij significatio. O quàm indigna res si hoc aut negligatur, aut, quod longè deterius est, negligentius peragatur! Quid turpius, quam dolorum Christi, & acerbissimæ Passionis renouari

uari memoriam, Augusto sacrificio, & Angelis tremendo,
 & hominem fabulis & risu nonnumquam illud dehonestare?
 lachrymarum fieri memoriam, & effusionis sanguinis Agni
 immaculati; hominem verò ne de peccatis quidem, aut vix in-
 gemiscere, & in vanitatem verbis, oculorumque coniectu ef-
 fundi? omnia in sacrificio representari tormenta & afflictiones
 Domini nostri; & seruos eius vix Passionis illius recordari? hu-
 miliationis Regis regum proponi exemplum, & pigere homi-
 nem flectere genua coram illo, coram quo tremunt vniuersæ
 potestates. & in cuius nomine flectitur omne genu, cælestium,
 terrestrium & infernorum?

IACVLATORIE.

Fasciculus myrrha dilectus meus mihi, inter ubera mea com- Cant. 1.
 morabitur.

Verè languores nostros ipse tulit, & dolores nostros ipse por- Isaiæ 53.
 tauit.

Qui etiam proprio filio suo non pepercit, sed pro nobis omni- Rom. 8.
 bus tradidit illum, quomodo non etiam cum illo omnia nobis do-
 nauit?



TRIGESIMÆ IMAGINIS

ANNOTATIO.

Attende in omni cogitatione, verbo
& opere; cuius gratiâ opereris : Dei
opt. max. an hostium tuorum.

Considera te inter Deum & diabolum, hostesq;
tuos consistere, & diligenter aduerte, quisquis es,
cui in omni cogitatione, verbo ac opere seruias, ac pla-
cere desideres: nōne Deo? eiusq; implere exoptas san-
ctam, beneplacentem ac perfectam voluntatem? Igi-
tur offer ei **A** cor, atque opera omnia tua, offeretq; ea
B Angelus in conspectu Domini, & coram **C** throno
diuinæ Maiestatis, qui singula in misericordia corona-
bit. Quod si ex tua, non Dei voluntate, ei q; placendi
desiderio opereris, aut impulsus **D** auaritiâ, aut **E** con-
cupiscentiâ carnis, aut **F** superbiâ vitæ, seu **G** gloria
ac famæ cupiditate; te ipsum vehementer fallis: nihil
enim mercedis præter pugillum fumi recipies; & qua-
si **H** diabolo tua offeres atque dicabis opera, quibus vt
I sarmentis (si pereas) æternū vraris atque crucie-
ris.



CAPVT XV.

Exercitium de Pura intentione.

NOta Primò, intentionem puram esse, quâ homo facit aliquid, quia Deo sic placet, arridet, & vult, & dignus est ob immensam bonitatem, vt omnia in illius honorem fiant. *Quid pura intentio.*

Est autem duplex: Actualis, quâ actu opus aliquod ad Deum refertur; & Virtualis, cum vel in principio negotij, aut manè omnes actiones actuali intentione diriguntur ad Deum; adeò, vt illa influat in omnes.

Actualis autem sæpè vsurpanda est, quòd non rarò cōtingat mutari intētionem, etsi manè quis statuerit ad honorem Dei omnia peragere, sicut & aliæ bonæ intentiones, v.g. quia rationi consonum, vt virtutes acquiramus, Sanctos imitemur, vitia extirpemus, gratiam Dei augeamus, proximo præluceamus, obediamus Superioribus, & salui simus. Sed hæ omnes ad finem suum referendæ sunt id est, Dei (propter quem omnes) gloriam, ad quam omnia creata sunt: omnia enim fecit propter semetipsum. atque ita, etsi nobis bona & virtutes & gloriam petere possimus, tamen si fideles serui simus, si castæ sponsæ Christi sint animæ nostræ, nullum monile sibi petere debent, nisi quia sic placet, & sic vult sponsus: nullum ornamentum, nullum armorum genus miles Christi, nisi per quod ille nos vult tutari. Vnde Dauid: Tu gloria mea, ait Domino, tu laus mea: fortitudinem verò suam custodiebat ad illum, virtutesque postulabat, vt omnes in se vnū Deum laudarent, & famulorum splendor Dominum honoraret: eò inuitabat omnes, & narrare optabat quanta fecisset Deus animæ suæ. *Proverb. 6. Psal. 3. Psal. 58.*

Obserua tamen vtile etiam esse, plures fines & intentiones,

*Cant. 3.**1. Cor. 13.*

tiones, seu motiua obedientiæ, mortificationis, zeli, impetrationis beneficiorum, gratitudinis, initio operis proponere; quia sic variæ virtutes exercentur, ascenditque in altum opus nostrum, sicut virgula fumi ex aromatibus myrrhæ, & thuris, & vniuersi pulueris pigmentarij: tamen & caritas Dei per se sufficit, & principatum tenet, cum illa omnes complectatur: caritas enim patiens & benigna, &c.

*Daniel 2.**Gen. 4.**Num. 16.*

Nota Secundò, intentionem rectam adeò esse necessariam, vt nulla opera indifferentia bona sint absque illa; neque vlla bona absque illa bona esse possint, sicut nec mala bona esse possunt (nisi materialiter, id est, cum ignorantur talia) etiã si fiant cum illa. neque enim sunt facienda vniquam mala vt eueniant bona. Opera itaque indifferentia intentio recta bona facit, vt sunt mercari, laborare, studere, recreare sese; vtique non futura meritoria, si absque bona intentione fierent: vt qui dat eleëmofynam ex sola compassione naturali: non enim est Deus remunerator operarum, quæ neque pro se in vinea, neque alia ratione sibi seruiunt. Vnde apparet quanti sit pura & sancta intentio: indifferentia enim etiam quæcumq; bona facit, omniãq; velut virgula Mydæ aurea caritate inaurat, & omnibus cogitationibus, verbis & operibus vitam dat & formã. ac proinde omnino longè pluris est, quàm ipsa opera, fodinaque auri veri, id est caritatis, condimentum optimum, & omnium bonorum fundamentum: quod si terrenum est, vt in illa statua Nabuchodonosoris; opus totum faciliè corruet. Vnde nõ est tam laborandum, maximè in Religione, vbi à Superiore & voluntate Dei omnino pendetur, quid fiat; sed ex quanto affectu. ideo dicit Scriptura, Respexit Deus ad Abel, & affectum, deinde ad munera eius. neque nos æstimamus munera, nisi ab affectu, & persona dantis; adeò vt ab hoste ea accipere nolle- mus: ita nec Deo holocausta placent & incensa impiorũ, vt patuit in Core, Dathan & Abiron. Contrà intentio re-
cta

Et efficit, vt minima nostra à Deo maximi fiant, vt patet *Marci 12.*
 in vidua, quæ duo minuta offerebat. Facere quippiam so-
 lum, vt euadas infernum & patibulum, et si bonum sit,
 seruire profuse est: vt præmium obtineas, mercenarium:
 ex amore, vt illi placeas, filiale est. Et vide quomodo tibi
 seruire, & an ab vxore, vt ait D. Augustinus, te diligi vis, *August.*
 quia bona ei præstas & largiris: sic enim verendum esset
 ne te pauperem desereret.

Nota Tertiò, requiri, vt opus sit meritorium, Primò, vt
 sit bonum ex omni circumstantia; Secundò, vt persona
 sit Deo grata; Tertiò, vt fiat bonâ intentione, quod com-
 muni sententiâ Theologorum intelligitur saltem de vir-
 tuali, quæ nascitur ex voluntate illa, quâ iustus decernit
 Deum sibi finem esse vltimum, omnibus cogitationibus,
 verbis & operibus quærendum: ac proponit constanter
 illi seruire, & in omnibus placere. Atque ita quando pra-
 uus finis abest, iusti opera etiam absque actuali intentio-
 ne in Deum diriguntur; si tamen opus nullâ circumstantiâ
 vitietur: indifferentia verò, bonâ intentione & fine ador-
 nanda sunt; nempe quia Deus ea fieri voluit, quia neces-
 saria, vel ad bonum aliquem finem adminiculo sunt, aut
 certè quia humana ratio sic facienda esse præscribit.

Nota Quartò, quemadmodum initio vitiatur inten-
 tio, ita etiam posse in medio, aliquando in fine; ideoque
 semper vigilandum, ne zizania vanitatis succrescant, ne
 vinum misceatur aquâ, ne à via deuiemus.

Nota Quintò, nihil ita vitare intentionem, quàm a-
 morem proprium, seu proprium commodum, & recrea-
 tiones: quibus homo in omnibus comodo suo atten-
 dit, & quærit quæ sua sunt, & existimationem. Sed af-
 fectus etiam alij quicumque, nisi moderati sint, vi-
 tiant sæpè intentionem, & præcurrunt rationem, maximè
 tamen vanæ gloriæ, & aliis placendi amor, aut timor dis-
 plicendi.

Nota Sextò, licet commendetur, vt frequenter itere-
 tur

tur intentio recta, tamen citra violentiam faciendū; fuf-
ficeretque in principio renouare manē, vesp̄i, ante me-
ditationem, examen, Missam, exercitium seu opus cor-
porale, refectionem, & recreationem; sed inprimis singu-
lis horis, vel locis certis & temporibus designatis, vt cui-
que commodum est.

Nota Septimò, gradus puræ intentionis. Primus est,
nihil agere ob respectum humanum aut omittere; Secū-
dus est, quo homo virtute matutinæ, vel alterius actionis
omnia peragit; Tertius est, quo eam frequenter ac actua-
liter renouat, etiam si sine gustu deuotionis; Quartus, quo
cum feruore amoris; Quintus, quando si aliquid alio fi-
ne agit, mox quasi necessariò compellitur ad Deo offe-
rendum, & redeundum in viam generoso amore, quo
nulli nisi illi placere vult.

Nota Octauò, signa vndecim. Primò, non aggredi im-
petuosè, non perturbari; Secundò, in opere eo affectu
progredi, adeò vt si rogaretur quorsum faceret, quò ten-
deret, vt viator, mox diceret, Eò tendo, ad Dei gloriā o-
peror: & si minimum quid obseruaret in via deuiare sese,
regrederetur in viam; Tertiò, non anxium esse, & propter
agenda variis modis distrahi; Quartò, post opus collectū
esse, neque aliorum iudicia anxie venari; Quintò, non
turbari de euentu minùs secundo; Sextò, non habere van-
nam cogitationem post factum; Septimò, non spectare
anxie, multi an pauci laudatores, spectatores, auditores,
&c. Octauò, iudicia hominum contemnere; Nonò, in
sensualibus omnibus valdè moderatum esse, & à curio-
sis mollibusque libenter abstinere; Decimò, priuatim &
publicè æquè diligenter sua facere; Vndecimò, resigna-
tum ad omnia esse, neque optare, neque timere.

Meditatio prima de pura intentione.

ORATIO PRÆPARATORIA solita.

COMPOSITIO LOCI est, considerare vniuersum, & in medio cæli Deum omnia replentem benedictione; & demonem, carnem, mundum, & propriam volūtatem omnia confusione, scilicet retrahendo à Deo Domino nostro ac summo bono.

PVNCTVM I. Cōsidera necessariò ob aliquem quatuor istorum operandum, & si quidem non propter Deū fiant opera, merâ vanitate omnia in fumum abire, quantumuis ea sint sancta. O quot rectæ intentionis defectu cū ad mortem venerint, dormient viri diuitiarum, Monarchæ, & Religiosi multi, & nihil inuenient in manibus suis! Immenſa viarum spatia viator conficit spe quietis & opum parādarum; quòd si verò exhaustis laboribus plurimis eā excidat, quāto mœrore ac dolore conficitur! Sic tibi futurum, si viam ad æternitatem emensus, deprehenderis labores inanes, & nihil nisi supplicium peperisse. Erubescō, bone IESV, quòd præter te alium vñquam amauerim, verbo, opere, linguā: posthac eris mihi, Domine, in Deum, & ponam te sicut signaculum super cor meum, & sicut signaculum super brachium meum. *Psalm. 75. Cant. 2.*

PVNCTVM II. Considera quasi speciem esse idololatriæ, quando homo, relicto Deo sibi præſente conuertit ad eum dorsum, faciem ad aliquod idolum, creaturam aliquam, vel propriam voluntatem, aut commodum Deo contempto, & eius voluntate. Huc illa Samuëlis sententia: Quasi peccatū ariolandi est repugnare, & quasi scelus idololatriæ nolle acquiescere: vnde avaritia dicitur idolorum seruitus, & similiter auersio à Deo. Similes autem illis fiunt, vt Psalmista loquitur, omnes qui faciunt ea, & omnes qui confidunt in illis. Tu autem, Deus meus, tu gloria mea, tu finis meus. Omne enim peccatum conuersio *I. Reg. 15. Psalm. 113.*

sio est ad creaturam, quasi ad idolum. Tibi ergo adhærebo, spes mea; tibi adhærere bonum est, & ponere in te spem, gaudium & amorem meum.

PUNCTVM III. Considera hoc simile: si Rex hominem vilissimum è stercore sustulisset, ornasset muneribus & dignitatibus, fecisset eximium, ad pugnandum cum suo proprio inimico capitali, & Regis; si ille mox, vt esset euectus, statim ad capitalem inimicum se conuerteret, ei que dona Regis largiretur hoc fine, vt Regi, in cuius conspectu hæc fiunt, agrè faceret, & cum hoste conspiraret; quis dolor Regi foret? Applica. Nec refert an parua an magna offeras hosti: nam parua peccata sunt quasi arrhæ proditiōis, quia via ad illam. Eheu! Domine, quoties hoc illoque ad vanitatem abusus sum; & mutavi gloriam in ignominiam, & ludibrium factus sum inimicis meis! Ecce nunc in puluere dormio, vinctus & captus; da mihi manum tuam; mitte Angelum, vt ereptus de omni expectatione inimicorum, cantem tibi, gloria mea, & viuam tibi, & te in æternum benedicam.

COLLOQVIUM erit, renouatio promissi in Baptismo facti, in Religione, si Religiosus es; & toties in communionem & confessionem, quod illi soli seruires & propter gloriam eius.

Secunda meditatio de Pura intentione.

COMPOSITIO LOCI. Considera Deum in omnibus creaturis, velut solem in omnibus operantem, &c.

PUNCTVM I. Considera, quod Deus in omnibus creatis ad ministerium hominum semper sit quasi paratus, nullâ suâ vtilitate, sed tantum nostrâ; nos verò ingrati, contempro illo, & præmio æternæ gloriæ, quam nemo concipere potest, pro stercore malimus laborare. O Iesv, quæ nostra insania; quæ tua bonitas! pro stercore, in quâ omnia enim (ait D. Paulus) arbitratus sum vt stercora.

Philip. 3.

Quid

Quid enim habemus ex ijs, in quibus nunc erubescimus? quam optarem pro te laborasse, & non in vanum! *Rom. 6.* Neque iam solum operaris, ô Deus, ô creator meus, verum ab omni æternitate pro nobis hæc condere cogitasti, & semper nos amasti, & à condito orbe hæc omnia pro nobis conseruasti; & nos de momento vitæ, non quinquies millesimum tibi damus. Ex nunc in æternum non declinabo à mandatis tuis; sed diligam te fortitudo mea, firmamentum meum, & refugium meum.

PUNCTVM II. Considera, id quod finis est operis, nobis dominari; & nos ei seruire. vnde cùm bestialibus cupiditatibus mancipamur, tunc nos sponte velut bestiis in seruitutem addicimus. Hinc si petatur, quare quis non sit sobrius? dicendum, quia sic caro eum trahit vt ouem herba, vincit eum, & trahit in perniciem quouis pretio redimendam. Vnde si molestum est vni seruire, quanta molestia tot dominis! Deus verò, in cuius conspectu hæc fiunt, libertatem veram offert; sed nos duram seruitutem præferimus. O quanta cæcitas nostra! quæ patiëntia tua, Deus! nobilissimum, potentissimum, amantissimum parentem reijcimus, & duris tyrannis nos in seruitutem addicimus, & in seruitute gloriamur. Vsq; quo claudicamus in vtrâque partem? si Dominus est Deus, seruiamus illi: si autem creatura alia, abdicemus Dominum. Ecce, Domine, tibi cor meum pacto sempiterno offero, & commendo omnibus diebus vitæ meæ, æternitatis tuæ. *3. Reg. 18.*

PUNCTVM III. erit hoc simile. Si sponsa foret maximi Regis, Rex verò in signum amoris præmitteret famulos & dona, vt eam sui amore magis accenderet; illa verò famulos præferret Regi, & regijs donis armaret in ipsum Regem. nonne indignissimum facinus omnes iudicarent? Non est hoc auditum à sæculo: & tamen fit quotidie, ô anima, dum creaturis, quas Deus creauit, vt ministrarent nobis, & nos pellicerent ad sui amorem, abutimur ad despectum Dei. Quid est in quo contristauit te Deus tuus?

V†

quid

quid fecit tibi, vt proijceres illum? O omne bonum, clementia immensa, profugum retrahe, reuertentem suscipe, & volentem adhærere tibi, fons vitæ, ne dimitte sitientem. Reddo tibi dona tua, & pro creatis omnibus gratias ago, & benedico; suscipe cor meum & amorem meum, &c.

Meditatio tertia de pura intentione.

COMPOSITIO LOCÏ erit, se constituere inter Christum inuitantem ad se, & dæmonem ab altera parte, cum mundo & carne.

PUNCTVM I. est simile. Erat qui ministros omnes bene sibi seruiētes maximis pœnis afficiebat & morte, sed perstringebat oculos specie boni: & sic pelliciebat omnes, qui volebant ei seruire. Contrà erat, qui vitâ immortalî donabat, & æterno honore afficiebat: & omnes detrectabant ei seruire. Quid tibi videtur? qui illi sunt, quæ corû dementia? Hi sunt filij hominum qui diligunt vanitatem, & quærunt mendacium, &c. Quid fodimus nobis cisternas, quæ continere non valent aquas, ô fons bonorum? Si seruire delectat, non tibi seruire regnare est, ô Rex regum, & Domine dominantium, qui merces es magna nimis diligentibus te?

Jerem. 2.

PUNCTVM II. Considera beneficium creationis, redẽptionis, conseruationis & vocationis, quodque Deus se totum toties dederit in cibum, pretium & præmium nostrarum actionum. & cheu! si attendamus, pars maxima non pura est; sed in gratiam alicuius ex hostibus operamur, qui (quod ex se est) destruit nos, captiuat, omnia eripit, etiam animam ipsam. O Deus, quid retribuî tibi pro omnibus quæ retribuisti mihi? mala plurima, Pater optime; sed ecce redeo seruus ad Dominum, creatura ad Creatorem. Tu Domine, hereditas mea, Deus meus in æternû eris. Sicut oculi ancillæ in manibus dominæ suæ, ita

Psal. 122.

ita oculi mei erunt ad te, Domine Deus meus. Considera Secundò, quietem purè quærentis Deum, & ob eius solius voluntatem operantis; nihil appetit, nihil timet: alter verò omnia timet, numquam quiescit, vt plerique mortaliū sæculares, & multi Religiosi. dixit impius: Domine, *Ierem 6.* pax, pax, & non est pax. quæsiuit requiem, & ecce turbatio: non est vbi quiescat pes columbæ tuæ, nisi in arca sanctissimæ voluntatis tuæ.

PUNCTVM III. Considera tanto superare opus factum ex pura intentione aliud, etiam si bonum, quantum cælū nucem, mare guttam, terra arenam. Vide ergo quā stultī mercatores nos simus comparati filiis huius sæculi. Considera Secundò, Sanctorum studium in meritis augendis. Terriò, quātum ratione singulariū beneficiorum debeas Deo. Scio, Domine mi, quia ex hoc quòd me fecisti, debeo tibi meipsum; quia me redemisti, & pro me factus es homo, debeo tibi plusquā me, si haberem; quanto tu maior es eo pro quo dedisti teipsum. quid ergo retribuā tibi pro omnibus miserationibus tuis? Considera Quartò, cum qui in intentione errat, in omnibus errare, quia in fine creationis: ac proinde vti qui in via errat, quo magis prouehitur, magis errat: sic quo quid vehementius agitur, vel opus præstantius, si intentio desit, tanto periculosius & detestabilius est, quod agimus. Quid, quæso, tibi in via Ægypti, ô anima, vt bibas aquam turbidam & pestilentem: reuertere Sunamitis, & respice ad Deum, ad viam, ad terminum & Regem omnium sæculorum. Amen.

COLLOQVIVM, prout affectus dictabit.

Meditatio quarta de pura intentione, & maiori Dei gloria quærenda.

COMPOSITIO LOCI, vt suprà.

PUNCTVM I. Considera Primò, quomodo Dominus

Vv 2

minus

minus creauerit hoc vniuersum, velut pulcherrimum domicilium, & in eo non pauca, sed innumera, ad vtilitatē mortaliū & recreationem : nos verò in nostro hoc paruo mundo vix etiam necessaria, illiberales erga liberalissimū Dominum, ei offerre volumus; neq; quid illi gratius, sed quid nobis commodius, attendimus. Secundò, considera quàm copiosam voluerit esse (ideò tantum, quia nobis vtilissima erat) redemptionem, cum vna sanguinis gutta esset plusquam sufficiens; & nos pro nostra salute, & in eo quod ad maiorem eius gloriam pertinet, eheu! quàm segnes sumus & illiberales! Considera Tertiò, quàm multa Sacramenta, & alia auxilia spiritualia, & gratias largiatur: & confundamur, si nos, quod minùs illi gratum est, quæramus. Quid enim est pulchrum & bonum eius, quod nobis non donarit liberalissimus Deus?

PVNCTVM II. Considera quòd nobis & carni summos honores, commoditatem & vtilitatem quæramus, & quanto zelo: & cum Domino nostro plus affectus & amoris debeamus, illi tamen minima aut præferimus, aut negamus, parum de maiore eius gloria solliciti. Percurre torporem in iis, quæ Dei sunt, & videbis te, qui es vile mancipium, Regi dicere: Ego splendide etiam abs te haberi volo, tu contentus esto vilioribus: Ego illum conseruum, imò etiā hostem tuum honorificè habere, & haberi cupio, tu de tuo honore sollicitus esto; & cum vacabit mihi, tibi loquar, te aliquo honore afficiam. Nónne enim ferè homines magis de hominum captanda gratia, eaq; amissa anxij sunt, quàm Dei? nónne promptiùs iis seruiunt, diligentius eos honorāt, quàm Deum ac Dominum nostrum? Considera Secundò, Deum vti Regem alicui plurima dona, eaque pretiosa liberaliter dantem, & quòd cum ipse nullius habeat opus, repetat quid paruum, vt videat quo sit is animo qui accepit: quàm verò turpe foret, si vicissim ille vilissima in omnibus, quæque vix canibus proiiceret daret? Ita facit qui post concupiscencias suas
vadt,

vadit, verè canes rabidos, iisq; optimum tempus, ætatem, vires, studium; Deo verò deteriora concedit, vel potius proiicit. Cōsidera Tertiò, à secularibus mundo ita seruire, vt quisque studeat in diuitiis, voluptatibus, &c. summus esse: contrà verò Deo à seruis eius tepidè seruire, & minima tantùm tribui, quàm turpe?

PVNCTVM III. Considera Primò, in conspectu Dei omnia nihil esse, & pudeat ob aliud operari. Secundò, Sanctos & Angelos extollere vocè, & affectus ad laudes intendere, & tamen erubescere, quòd tam parum faciant tantæ Maiestati. Cogita verò te in medio eorū; & quàm deberes erubescere de tuo tepore in quærenda maiore Dei gloria, quodque aliquando petas, an tenearis facere hæc, vel illa ad maiorem Dei gloriam? & eheu! quid si Deus ea, quæ tenetur, tantùm tibi præstaret? Considera Tertiò, quomodo etiam dederit nobis perduellibus pretiosissimum donum se, & Filium, & Spiritum sanctum ex summo amore, & sic dilexit nos; nos ipse quasi plusquam se, nos verò non illum æquè ac nos.

COLLOQVIVM.

Oratio ad puram intentionem impetrandam.

O IESV, Rex regum, & Domine dominantium, cui seruire regnare est, cui omne genu meritò flectitur, celestium, terre- Philip. 2.
strium & infernorum; ecce coram te in hoc vniuersi theatro constituti sumus, à manu tua innumera beneficia accepimus, & accipimus in horas, vt tibi seruiamus, te laudemus, & operemur salutem nostram. Quid faciemus, Redemptor mi? ecce adstāt diabolus, mundus, & caro, hostes tui & mei truculentissimi & fœdissimi, & paratissimi, vt sibi me seruire faciant, & membra mea ad iniquitatem, & æternam meam & inexplicabilem calamitatem: tu verò, Creator meus, & Rex meus, & Pater optimus es, & benignissimus Deus meus, qui infinites ruiturum in infernum conseruasti, & conseruas, qui sanguinem mihi in amoris signum quoti-

die propinas; cui ergo seruiam? egone te relicto aut verbum, aut cogitationem, aut opus hostibus dabo, cum tanto meo detrimento, tuo tanto tamq̃ iusto dolore? Et quare, precor, id faciam? nõne, vt coram vniuerso te contemnã, tibi dorsum obuertã, illos, qui inexplicabili odio me prosequuntur, vt idololatra colã, vt exquisitissimis tormentis ab illis afficiar, & iterum percam? quid, quaeso aufero pro his, nisi funum honoris, quem a te habeam verè scire nõquam possum, neque retinere, vel certè momentaneam voluptatem, quæ cor & conscientiam postea diris tormentis exagitet: tu verò ab æterno infinitè dilexisti, & pro verbo, cogitatione & opere æternam gloriam mihi promittis, & innumeris beneficijs affecisti, & afficis; & adhuc illudam tibi, & dona tua, id est membra, & potentias in tuam contumeliam & despectum tradam? Ne, quaeso, dulcissime Redemptor mi, sic me insanire permittas: sed da gratiam, vt, sicut me totum obtuli, velut arborem tibi, & infinitis titulis tuus sum; ita tibi omnes fructus reddam in tempore suo, ne furti arguar, ne illà die sis mihi formidini, ne frustra cum operarijs veniam, si pro mundo & carne & mea pessima voluntate operatus fuero, tuã relictã. Quis enim compensat eum qui pro se non operatur? Sed tu, Domine, merces mea magnanimis: tibi etiam sine mercede, sine premio seruire volo. cui enim potius: tu enim optimus, sapientissimus, potentissimus, benignissimus, dignissimus, & mei infinitis modis amantissimus. voluntariè sacrificabo tibi, & confitebor vomini tuo, Domine, diligam te spontaneè siue manducem, siue bibam, siue quid aliud faciam; omnia in gloriam tuam faciam.

Praxis pro pura intentione.

VT gradus illos superiores gradatim adscendamus, praxis Prima est, secũ cõsiderare, quid sit quod amet in singulis, illudq̃ abnegare, ne vitiet intentionem. Deinde aliquo ex moriuus se excitare, & videre quàm æquum sit ad Dei honorem, ob quem creatus sit, operari potius, quàm dæmonis, mundi, vel propriæ voluntatis gratiã, aliquã idololatriã Deum offendere, vt Sancti loquuntur. Hoc meditatione altè prius imbibere oportet, deinde suas offerre actiones, & in Deum dirigere. Primò, manè, Secundò,

cundò, in Sacro; Terriò, ad horas singulas; Quartò, in examine, præuidendo actiones, verba & cogitationes quoad quis potest, & diuine Maiestati offerendo, & vniendo actionibus Christi Domini: sic enim gratiores longè erunt in conspectu Dei vestitæ aut mundissimo caritatis illius. Postea signo crucis factò ante plures notabiliores actiones, denique ad alias minoris momenti gradatim procedendum.

Igitur manè cum surgit, flectat, & sibi dicat: Ecce creatus es vt obedias & seruias Deo, non dæmoni, mundo, carni, &c. illaque consideratione offerat quæ potest præuidere, sigillatim omnes actiones, verba, cogitationes, & dicendo, Iesv, cum celestibus, terrestribus & infernis, proponat illi soli genu flectere. Vesperti in fine examinis consideret diem & opera transisse, & quantam, si ea fecisset in pura intentione, moriturus fore. san hac nocte caperet lætitiā, iustaret verò optando omnia ad Dei gloriam fecisse, & iterum statim actionesque offerat vsque ad alterum examen. Modus offerendi actiones hic esse poterit. Primò, eleuare mentem ad Deum præsentem, illique offerre ad maiorem illius gloriam, id ipsum pronuntiando aliquando, vt plurimum cogitando. vñire etiam actiones nostras cum Christi Domini actionibus perutile est.

IACVLATORIÆ.

HEc usurpari potest: *Quis sicut Dominus Deus noster?* considerando eum non quasi sit tantum dignissimus honore, sed is cui soli omnis honor & gloria debetur. Psalm 112.

Quid mihi est in celo: & à te quid volui super terram? Vel: *Be-* Psalm. 72.
nedicite omnia opera Domini Domino. quasi dicat: *Omnia Dei sunt,* Dan. 3.
nolo mihi vendicare, nolo abuti ad contumeliā tuā dono tuo,
Deus meus.

Ad maiorem Dei gloriam hoc faciam.

Tibi laus, tibi gloria, tibi gratiarum actio in sæcula sæculorum.
Amen.

Non nobis, Domine, non nobis sed nomini tuo da gloriam. Psalm. 113.

TRIGESIMÆ PRIMÆ IMAGINIS

A N N O T A T I O.

Ambula coram Deo, & esto perfectus.

CRede, atque apprehende firmiter A Deum ubiq^{ue},
 præsentem, suisq^{ue} B oculis; clarioribus sole, om-
 nia, tuosq^{ue} renes & cor intueri ac scrutari. Videt ille
 C angustias nostras & D tentationes, ut adiuuet.
 Considerat E epulones, qui hic recipiunt bona sua; & F
 pœnitentes, qui plangunt hic mala sua: ut præmium
 his reddat; G malos. ut puniat, serius aut ocius. Pro-
 uide ergo illum in conspectu tuo semper, seu H nego-
 tieris, comedas ac bibas: coram illo I lude, K ambula.
 cum illo, atque imprimis scito eum præsentem in L
 corde tuo: cum eo tracta negotia tua: M delige vite
 statum ex voluntate eius, & natura etiam inclinatio-
 nem attende: est enim à Deo, uti & omnis N spiritua-
 lis potestas, ac O temporalis. Deus operatur omnia in
 omnibus, & attingit a fine usque ad finem fortiter,
 suauiterq^{ue} omnia disponit, pro summa sua potentia, sa-
 pientia ac bonitate.



CAPVT XVI.

Exercitium de Præsentia Dei.

ORATIO PRÆPARATORIA solita.

COMPOSITIO LOCI est videre quasi immensum lumen, quod hoc vniuersum velut punctum penetrat & perlustrat; siquidem totum hoc gutta est roris antelucani. *Sap. 11.*

PUNCTVM I. Considera, ô anima, omnes vniuersi partes, terrâ, & quidquid in illa vel supra, siluas, specus, &c. Secundò, aquam; Tertiò, aërem; Quartò, ignem; Quintò, cælum, & quidquid in his; nihilq; esse quod non occupet & penetret intimè Deus; & hunc locum vbi stas, & te ipsum & omnia, imò etiam possibilia, & infinita spatia imaginaria. O immense Deus, & Pater mi, quàm magna est domus tua! si ascendero in cælum, tu illices; si descendero in infernum, ades: neque te cæli cælorum capere possunt. O quàm cæci filij hominum, qui te neque vt Dominum verentur, neque vt Patrem amâr, neque aspectu tuo vt Regis sui velut milites animantur. Exerce hîc actum fidei & amoris. *Psal. 138. 3. Reg. 8.*

PUNCTVM II. Considera vbique esse Deum per essentiam, potentiam & præsentiam. Per essentiam Primò: nam verè vbique tota est SS. Trinitas: Pater generans Filium, & cum eo producens Spiritum sanctum, adeò vt si lumen gloriæ adesset, hîc beatus esses. Vide ergo vt numquam solus sis: reuerenterque adsta Deo tuo. Secundò, per præsentiam: quia omnia cognoscit, tentationes tuas, & renes tuos, & omnia: illi ergo soli placere desidera, illi omnia committe, qui attingit à fine ad finem, cum nostræ incertæ prorsus sint prouidentia. Tertiò, est per potentiam, quæ cum sapientia & bonitate elucet in creatis, in pondere, numero & mensura, *Eccles. 9.*

Dan. 7.

modo, specie & ordine, substantiâ, virtute & operatione, origine, decursu & termino. Omnia verò hæc Deus mouet & sustentat alijs largiēdo esse, alijs viuere, alijs vegetari, alijs intelligere; adeò, vt si se subtraheret, omnia in nihilū redigerentur. deniq; operatur naturalia & supernaturalia, artificialia & moralia; vt ex his velut anima in corpore nosci possit. Contemplatur postremò, in omni loco bonos & malos, & vnumquemque, ac si solus esset. & quis audeat eum, cui decies millies centena millia assistunt, offendere? Quis te non amet, qui omnia benedictione implet, ô bonitas immensa, & semper ades? quis te non timeat, & abyssalia iudicia tua? quis pro te non operetur, operante omnia in omnibus pro nobis? denique inuisibilem tamquam videns tribulatus & tentatus sustineat, cùm omnia opera nostra sint veluti sol in conspectu tuo?

PVNCTVM III. Considera Primò, ô homo, Deum & SS. Trinitatem intra te omnia penetrantem, & intimius tibi coniunctâ quàm anima tua tibi sit. Secundò, suas perfectiones creatis communicantem, dando tibi esse, intelligere, &c. & maximè fidem & gratiam, quâ filius eius es: & te in ipso euntem, ambulantem. In ipso enim viuus, & moueris, singulæque partes & potentie, & omnia mēbra tua, & sensus tui; accipiuntq; ab illo esse, & operari; inò circumdaris ab eo, velut infans in utero, eumq; pro muro, lecto, nutritio habes; atque existis in eo velut in aëre volucris, in aqua piscis, aut vt in lumine magno, aut igni semper ardenti, te tamen non vrenti, rediturus in nihilū, si subtrahat se. Tertiò, considera vt in anima tua omnia sint, Deus & totus mundus, qui in eam per sensum portas intrat: deinde vt tua mens se cognoscat, amet, memoret, ac Dei imago sit & sedes; & fac tibi cubiculum in corde cum Catharina Senensi, ibi Dominum adora, confule, vt monuit eam Dominus. O anima, ora in secreto hoc, gaude de thesauro presente, protectore, luce, & omni bo-

no tuo: respue quidquid displicet oculis eius multò lucidioribus sole. Pone me, Domine, iuxta te, & cuiusvis manus pugnet contra me; non sit diuisum cor meū, & inteream; sed manea in caritate, & in te vno, & tu Deus in me. *Iob 17.*

PUNCTVM IV. Considera aliquos modos quibus particulariter Deus est in aliquibus locis. Primò, in cælo, vbi ostendit gloriam suā, eoq; adspira. Secundò, in terra singulari modo est, vbi dat signum aliquod præsentia suæ, vt cum Iacobo apparuit, qui mox ait, Verè Dominus est in loco isto: & ego nesciebam: sicut & est in templis & oratorijs. hîc varias Dei inspirationes expende, & gratias age. Tertiò, peculiariter est in iustis. qui enim manet in caritate, in Deo manet & Deus in eo. Quartò, in Venerabili Eucharistia. Quintò, in cælo secundum humanitatem existit, & hæc omnia nostra gubernat. Vides quàm sit Deus tibi varijs modis præsens, quàm propè, & quàm longè tamen à te, qui peccas, offendis eum, & obliuisceris eius? O Domine, quid est homo (sine Enos, quod est, obliuiscens: hoc enim nomine meritò vocamur) quòd memor es eius? *Gen. 28.*

PUNCTVM V. Considera Primò, quàm turpe, Deum vbiq; non cessare, omnia sustentare pro te, omnibuste allicere ad amorem, & innumera tibi conferre beneficia (nam quæcumque vlli creaturæ, præstantur hominis gratiâ, & proinde illi præstantur.) præseruare te ab innumeris malis (omnia enim accidere tibi possunt) & non meminisse illius! Gregorius Nazianzen. ait, non tam sæpè respirare oportet, quàm Deum meminisse. Deus enim continuò & continenter nobis benefacit, &c. Considera Secundò, tam vtile hoc exercitium esse, vt Dionysius Rickelius inter omnia hoc præcipuè curandum, & hanc vnam causam dicat, quòd tam pauci veniant ad perfectionem, quòd alijs, & non hoc vtantur. & addit: Moueant te ad frequentandum hoc exercitium dicta sanctorum Patrum, qui omnes communi consensu, quasi ab vno edocti *I. Ioan 4.*
Psal. 3.
Greg. Nazianz. orat. de cura pauperibus præstanda.
sti

*Psal. 104.**Luca 18.**Dan. 13.**Eccli 49.*

Et magistro, videlicet Spiritu sancto, nos ad hoc studium exhortantur. Considera Tertiò, quâti fecerit hoc B. P. N. Ignatius, illud vnum seî inculcando, & cum omnibus Sanctis, Dauide, & alijs vsurpando. Quartò, quàm commendet hoc sacra Scriptura. Quærite Dominum, ait, & confirmamini, quærite faciem eius semper. In omnibus vijs tuis cogita Dominum, & ipse diriget gressus tuos. & rursus, quoties vnus magister noster Christus ad orationem hortatur, imò dixit, Oportet semper orare. Quintò, quomodo Angelis similes & Beatis faciat, qui semper vident faciem Patris. Contemplatio enim hic est beatitudinis initium. Sextò, cognosce vtilitatem. Primò, quia puritatem cordis adtert, & à peccatis arcet: nemo enim fur coram iudice peccat, vt Thaidi contigit & Ephremo. Secundò, tentationes nos superare facit, vt patet in Susanna. tunc ea verò homo mox fit per luxuriam bestia, aut per iram dæmon, vt ille. Tertiò, hinc stabilitas cordis in oratione nascitur, & in tribulatione constantia, dum omnia à manu eius accipiuntur. Quartò, acquiritur etiâ omnium virtutum perfectio. hoc enim exercitio cor Deo vnitur & illustratur, vt etiam exteriùs appareat; quemadmodum stellæ Soli oppositæ lucent. Quintò, amorem Dei maximum parit, & consolationem spiritualem: quia, sicut de Iosia loquitur Scriptura, In omni ore quasi mel indulcabitur eius memoria, & vt musica in conuiuio vini. Denique vide quid in humanis faceret præsentia Regis, patris, iudicis, amici, sponsi, fontis omnis boni coram sitiente, panis omne in se delectamentum habentis coram famelico: hoc Dei præsentia præstat hominibus.

Oratio pro præsentia Dei impetranda.

Psal. 18.

CAeli enarrant gloriam tuam, ô immense Deus, & omnis creatura clamat in auribus meis, Magnus est Dominus, & magna virtus eius. sed & ratio mea in vestigijs istis tuis deprehen-
dic

dit te: elucet enim ubiq, sapientia, potentia, bonitas tua, & nos in te viuimus, mouemur & sumus, velut spengia in mari, in aëre volucris; & quomodo præsentem te non cognoscere respicis me assidue, omnes vias meas oculis tuis multò lucidioribus sole consideras; & quid est quod te latere poterit? tu es enim verè Dominus, solus Deus August. inuisibilis, inastimabilis, incircumscriptus, illocalis, immensus, inlib. de spec. comprehensibilis, vbique totus, vbique præsens, ineffabiliter om- cap. 3. nia continens, omnia penetrans, omnia cuncta præspiciens, omnia potens, vniuersa gubernans, totus in calo, totus in terra, totus etiam vbique: gressus n. eos semitasq, consideras, & die noctūque super custodiam meam vigilas, omnes semitas meas diligenter notans, speculator perpetuus, veluti si totius creaturæ tuæ, cali & terræ oblitus, tantum me solum consideres; & nihil sit tibi curæ de alijs. neque enim tibi crescit lux incommutabilis visionis tuæ, si tantum vnum adspicias; neque minuitur, si innumera videas, & diuersa. Sic igitur super custodiam meam stas, sicut si omnium oblitus sis, & mihi soli intendere velis; semper quippe te præsentem exhibes, semper te paratum offers, si me paratum inuenis. quocumque iero, tu, Domine, me non deseres, nisi prior ego te deferam. Fateor quidem; quia quidquid facio, & quaecumque facio, ante te facio; & illud quidquid est quod facio, melius tu vides quàm ego qui facio: quidquid enim ego semper operor, tu pariter semper præsens assistis, utpote perpetuus inspector omnium cogitationum, intentionum, delectationum & operationum mearum. Cumq, hoc diligenter considero, Domine Deus meus, terribilis & fortis; timore pariter & ingenti rubore confundor, quoniam nobis magna indita est necessitas iuste recteq, viuendi, qui cuncta facimus ante oculos iudicis cuncta cernentis. Et ita quidem est, Saluator mi; sed longè magis me trahere ad te amor tuus, magis excitare torpentem debet, quòd sis lux vera illuminans omnia; potentia infinita, qua operaris omnia propter me. Per te enim lucet mihi sol, & astra, ac sidera palatij tui patriæ meæ: per te me refrigerat aër, & calefacit ignis, & innumera operatur per te: me cantu suo vario recreant volucres cali, & inuitant ad laudem tuam: per te mihi herbam & omne lignum profert terra, & de visceribus suis innu-

August.
Soliloq.
cap. 14.

August. in
Confess.

Psal. 41.
Psal. 113.
Ioan. 10.

Psal. 61.
Tit. 2.

Psal. 121.

Zachar. 2.

Iacobi 1.

innumera producit. hunc ornatum vniuerso & pulchritudinem, tu pulchritudo & perfectio summa, velut de oceano guttam, & ex sole radium exiguum tribuisti, vt qui ex te esse ista videmus, ad te fontem omnium suspiremus & veniamus. O quàm serò te cognoui, pulchritudo tam antiqua, tam noua, serò te amauì! Væ tempori illi, quando non amauì te. Væ mihi & iterum væ, si quando non amauerim te. Vtinam potius non essem, quàm essem aliquando absque te! essent meritò mihi lacrymæ meæ panes die ac nocte, & æterna, si rursus aliquando diceretur mihi, Vbi est Deus tuus? Flebat Magdalena, quòd tulissent Dominum, & nesciret vbi posuissent eum: & quid agerem, sponse animæ meæ, si discessisses à me in furore tuo, ob peccata meæ, & scirem vbi esses, & magnum chaos esset inter me & te: auertat hoc benignitas tua, neque me à te vnquam separari permittas. Ecce sum in terra deserta, inuia & inaquosa; apparcat mihi benignitas & humanitas tua, erudicus me, vt abnegando impietatem & secularia desideria, adhæream tibi, & libero corde volem ad te, vt videam virtutem tuam & gloriam tuam. Ecce sicut oculi seruorum in manibus dominorum suorum, & oculi ancille in manibus dominae suæ, ita & oculi mei ad te, Domine Deus meus, donec miserearis mei. Misereare igitur, & da mihi semper te præsentem intueri, suspicere, & amare per gratiam tuam: non loquatur mihi deinceps, vt homo, Superior meus, sed tu mihi, qui docere soles vtilia, & optima præcipere: illi enim os tuum sunt, & oraculum & tabernaculum tuum: & qui eos audit, te audit. Proximos verò meos, membra tua non ledam factò, non tangam verbo, non cogitatione: qui enim eos tangit, tangit pupillam oculi tui. sed quod tibi nequeo, qui nullius indiges, & omnia largiris, hoc in illis tibi faciam, & quæ dederis retribuam tibi, in illis te complectar, in illis te amabo, te pascam, solabor. si quid verò mihi ab vlla creatura proueniat, ad te respicient oculi mei: omne enim datum optimum, & omne donum perfectum de sursum est descendens à te Patre luminum. Non scribit calamus, non pingit penicillus, non canit tuba, non defendit ferrum, sed tu, Domine, magis facis ista. tu enim bonorum omnium artifex, & omnia operaris. Atque ita sicut nullum est momentum, quo

quo homo non vtatur ac fruatur tuâ bonitate & misericordiâ: sic
 nullum debet esse momentum, quo te præsentem non habeat in
 memoria. Prouidebo itaque te, Domine, in conspectu meo semper,
 & vndique me cingentem, & intimè me penetrantem intuebor,
 & amabo te, qui vbique es, & intra me habes solium tuum, supra
 me thronum regni tui. circumdas me velut aqua, & aër, & ignis,
 & oceanus omnium bonorum; & quomodo à facie tua fugiam: vel
 potius cur non ambulabo cum timore & tremore in conspectu
 tuo, iustissime iudex, & Pater misericordissime? numquid potest
 obliuisci homo factoris, & tanti benefactoris sui? ecce omnia quæ
 sunt propter me sunt, non pro se, neque pro te; sed clamant, vt dili-
 gam te, & memor sim tui. qui insuper non cessas benefacere, ne-
 que mei meminisse, et si immemoris tui. quid, quaeso, est homo
 quod memor es eius? Et si hæc pauca sunt, Passionis tue, & dolo-
 rum tuorum nonne refricant memoriam vniuersa, & ardentè
 nos prouocat ad tui recordationem, quod semper nobiscum esse in
 Ven. Sacramento volueris? O amator hominum, quomodo, cum
 tot modis te præsentem habeo & credo, attamen te, vt debeo, nec
 video, nec amo, nec reuereor? quid faciam, Deus meus, refugium
 meum, spes mea, gloria mea, & gaudium meum? tu solus solari
 me potes, tu confirmare. Veni, ostende mihi faciem tuam, &
 mansionem apud me fac. Pone te vt signaculum super cor meum,
 vt signaculum super brachium meum; vt in te perpetuò maneam,
 & in charitate tua, vt ambulem coram te omnibus diebus vitæ
 meæ, ac in sæcula sæculorum contempler vultum tuum, ô deside-
 rium oculorum meorum.

Hugo de
 S. Victore
 Inst. l. 3. de
 anima.

Psal. 8.

Cant. 3.

Modi præsentie Dei & praxes.

Primò, considera animo, & loco quieto, in iis quæ præsentia
 videris, Deum per essentiã, præsentiam & potentiã: Primò, per
 essentiã; quia, vt suprà dictum, replet cælum & terram substan-
 tiã suã, ac magis intimus unicuique rei est, quàm anima huma-
 no in corpore. Secundò, per præsentiam; quia omnia clarè &
 distinctè cognoscit, & ab æterno, scrutaturque renes & corda
 nostra. Tertiò, per potentiam; quia omnibus dat esse, & con-
 seruat,

seruat, & in iis operatur. Idem fac cū tribulatio superuenit, aut quispiam beneficium contulit, vt in auctorem omnia referantur.

Secundò, attēde, quomodo in ipso viuamus, moueamur & simus, & respiremus, & ambulemus vndique ab eo circumdati.

Tertiò, post sacram communionem peculiariter hanc Dei præsentiā exerce: neque tantū id credendo, & ratiocinatione ad viuū repræsētando, sed fidem simul, & spem, & caritatem coniungendo.

Quartò, vide eum, vt è cælo considerantem omnes gressus & actiones tuas.

Quintò, te vti templum Dei existima, & in corde tuo, velut sacrario Deum adora, ibique eum velut Moyſes ad tabernaculum consule. quæ enim esset prudentia Sapientiam æternam & veritatem apud se habere, & eius consilium & voluntatem, cū sit Rex regum & Dominus dominantium, non exquirere?

Sextò, considera diligenter creaturas quibus se diuina Sapientia cōparare dignata fuit, vt sunt leo, agnus, lapis angularis, &c. aut à quibus pati. ita D. Franciscus ad aspectum agni tenerrimè afficiebatur, alius omnia ad Passionem Christi referebat, cū aut scālas videret, aut clamorem aut tumultum audiret, aut malleorum ictus, aut pluuiam adspiceret: sanguinæ enim pluuiæ, & instrumentorum Passionis grato animo memoriā recolebat.

Septimò, creaturæ omnes, vt beneficia Dei, attendi possunt, & audiri earum voces: *accipe, redde, caue*: si quid enim tribuunt mortalibus à Dei manu, vicissim postulant Deo grates reddi, & caueri abusum, amoremque in ipsum transfundi.

Octauò, in creaturis rationalibus Deum intueri ad caritatem valet plurimū & obedientiam, id est omnimodam perfectionem, ideoque in Superioribus Ecclesiasticis & sæcularibus Deum honora, eorum mandata & Dei vocem accipe. qui enim vos audit, ait Dominus IESVS, me audit; & qui vos spernit, me spernit; & qui potestati resistit, Dei ordinationi resistit, ait Paulus. non est enim potestas nisi à Deo. Et Bernardus, Siue, ait, Deus, siue homo vicarius Dei mandatum quodcumque tradiderit, pari profectò obsequendum est curā, pari reuerentiā deferendum, vbi tamen Deo contraria non præcipit homo. Similiter considerandus est Deus in proximo, ita vt quod illi sit, Deo nos facere existimemus: Quod enim, ait Dominus, vni ex minimis meis fecistis, mihi fecistis: & quidquid ab illis sit, à Deo nobis fieri arbitremur, non huic illiue tribuamus; sed cum Iob

Luc. 10.

Rom. 13.

Lib. 1. de præcept. & disp. c. 12.

Matth. 25.

una sit nobis vox: Dominus dedit, Dominus abstulit. Iucundis-
 mum verò hoc est exercitium, neque parum ad caritatem con-
 ducit, quando proximos vii membra Christi intuemur & com-
 plectimur. Vnde D. Leo: Cum, inquit, hanc venerabilium meorum
 confacerdotum splendidissimam frequentiam video, Angelicum
 nobis in tot Sanctis sentio interesse conuentum; nec dubito nos
 abundantiore hodie diuinæ præsentiae gratiâ visitari, quando si-
 mul adsunt, & vno lumine micant, tot speciosissima tabernacula
 Dei, tot membra excellentissima corporis Christi tabernaculum
 enim & membrum Christi quilibet est proximorum nostrorum.

Iob 1.
S. Leo serm. 2.
in annunt.

Nonò, suppeditabit praxes varias D. Bonauentura in epistola
 sua, quæ memorabilia viginti quinque complectitur, Vigésimum,
 inquit, secundum est, quòd Deum semper & vbique habeas in
 memoria, vt solutus ab omnibus creaturis, tanto mentis conatu
 desiderijque feruore, circa tuum Creatorem intendas, vt quasi
 omnium inferiorum oblitus, quidquid agas, & vbicumque stete-
 ris, & quibuscumque negotiis implicens, die ac nocte ex omni
 momento & horâ Deum semper habeas in memoria, credens &
 cogitans te esse verissimè coram eo, & ipsum cogitas vndique re-
 aspicere. Hæc autem cogita cum magna reuerentia ac timore pa-
 riter & amore, & cum magna discretionem, nunc ante pedes im-
 mensæ maiestatis eius prostratus, corde amarissimo peccatorum
 veniam postulando; nunc sacratissimæ Passionis Filij Dei, gladio
 compassionis coram eius cruce vulneratus cum eo lachrymosus &
 flebilis apparendo; nunc totius vitæ illius decursus, obliquitati
 tuæ velut rectitudinis lineam proponendo, nunc inenarrabilia &
 immensa beneficia Dei mente pertractans, gratiarum actionibus
 insistendo; nunc stimulis ipsius amoris ardentissimè punctus, i-
 ipsum in creaturis omnibus intuendo; nunc potentiam, nunc sa-
 pientiam, nunc bonitatem & clementiam eius attendens, eum de-
 uotissimè in cunctis operibus suis collaudando; nunc desiderio
 patriæ cælestis attractus, ad ipsum gembundis suspiriis anhelan-
 do; nunc circa nos viscera inestimabilis caritatis eius adspiciens,
 lætabundâ quadam & excessiuâ admiratione, corde & animo, in
 ipso deficiendo; nunc te præcipientem, nunc te fugientem, nunc te
 ruentem; nunc Deum te tenentem, subleuantem, retinentem, &
 attrahentem; nunc Deum te ingratum per omnia conseruantem
 considerans, ineffabilibus diuinæ misericordiæ visceribus tibi
 patefactis, nimio in eo caritatis ardore te conferens totum te fle-
 tibus resoluendo; nunc verò occultissima, profundissima, &
 summè arcana nimiumque stupenda iudicia iustitiæ eius dili-
 genter attendens, cum in omnibus fidelis & cõstans cum summo

S. Bonam.

amore, ingenti quoque timore ac tremore discretus, supplex & humilis venerando: præ omnibus autem continuam & viuam memoriam ipsius sacratissimæ Passionis in animo & corde tuo ferens, ei quantum potes studeas conformari.

Obserua circa hoc memoriale, præsentiam illam corporalem circumspicere esse frequentandam, ne imaginatio lædatur, & caput offendatur; sed gradatim, & absque magno conatu iste modus exercendus: ita vt Primò, in cubiculo Christum Dominum cum curia cælesti præsentem statuamus, adoremus & alloquamur. postquam autem facilitatem huius & vsum acquisuerimus, ab hoc cubiculo ad alia transire, exercitiumque transferre possumus, & imaginibus sanctis animæ nostræ templum adornare.

Neque valdè laborandum initio, vt hoc vel illo modo præsentem habeamus. Sufficit enim in genere id fieri, & intentionem rectam crebrò innouare, quæ etiam communicationis cum Deo, & præsentia illius commodum est exercitium.

Moneo tamen plus affectu hic, quàm speculatione, plus aspirando, & cum Deo colloquendo fructus, quàm ex consideratione referri; imò ex affectu plurima consideratio spontè germinat, & velut ex fonte promanat.

Humilis in primis oratio, & crebra cum caritate hoc donum impetrare solent. Signorum etiam aliquorum externorum vsus conducit, vt est annuli, horologij pulsus, imaginis, &c.

IACVLATORIA.

- N**E abscondas faciem tuam à me, & ne declines in ira à seruo tuo.
Quando veniam, & apparebo ante faciem tuam?
 Psalm. 41. *Respice in me, & miserere mei, quia unicus & pauper sum ego.*
 Psalm. 24. *Ecce oculi Domini super iustos, & aures eius in preces eorum.*
 Psal. 33. *Sicut oculi ancilla in manibus domina sua, ita oculi nostri ad*
 Psalm. 122. *Dominum Deum nostrum, donec misereatur nostri.*
 Psalm. 138. *Si ascendero in calum, tu illic es; si descendero in infernum, ades.*
 Ibidem. *Quò ibo à spiritu tuo? & quò à facie tua fugiam?*
 Psalm 79. *Ostende nobis faciem tuam, & salui erimus.*
 Psalm 9. *Vt quid, Domine, recessisti longè, despicis in opportunitatibus, in tribulatione?*
 Gen. 28. *Verè Dominus est in loco isto, & ego nesciebam.*

CAPVT XVII.

Exercitium de Amore Dei.

Obserua Primò, amorem esse inclinationem voluntatis in bonum aliquod. Secundò, eundem esse duplicem: alterum concupiscentiæ, quo diligimus illud, quod nobis volumus: alterum amicitiae, quo diligimus illud, cui bonum volumus. Tertiò, cum ignoti nulla sit cupido, cognitionem boni amoris esse originem. Illa autem triplex est; Prima, quâ cognoscitur bonum, quasi per auditum, ut cum narratur mihi vinum esse bonum; Secunda, cum quasi per visum percipitur; Tertia, per gustationem. Audire in amore Dei est incipientium, videre proficientium, gustare perfectorum. Audite, ait Propheta, *Isaia 55.* audientes me, & comedite bonum. Secundò, monet, Vacate & videte; quod proficientium est. Tertiò, Gustate & videte. *Psal. 45.*

Observa Secundò, hinc sequi quo aliquod maius bonum est, eo magis esse amabile, si tamen satis cognitum fuerit. Cognoscere igitur oportet. Hæc est enim vita *Ioan. 17.* æterna, ait Dominus, ut cognoscant te, solum Deum verum, & quem misisti IESVM Christum.

Meditatio de amore Dei.

PRÆLVDIVM I. Constitue te coram Deo, & in præsentia ipsius.

PRÆLVDIVM II. Roga ut amorem suum tibi largiatur: id omnium donorum maximum.

PVNCTVM I. Considera, diuinam maiestatem tibi tres potentias dedisse, memoriam, intellectum & voluntatem:

tem: has autem velut tabulas esse, & ab obiectis suis aut perfici aut corrumpi. nulla autem nobilior est voluntate. qualis enim amor, talis homo est; talis verò amor, qualis res amata. si ergo bonum amas, bonus es; si malum, malus; si summum bonum, valdè bonus & optimus: nam anima verè plus est vbi amat quàm vbi animat, illiq; quod amat vnitur, ac velut inseritur & seruit, eiusque affectiones omnes experitur, velut suas. nonne qui opes formamque amat, eius vicissitudines in se sentit? perit hæc? perita anima quæ illi adhæret. dolet? dolet & illa. gaudet? congaudet etiam ista. O quanto beatus Deo coniungi & adhærere, & vnum spiritum fieri cū illo, & quasi Deum, iuxta illud, Ego dixi, Dij estis! Talis enim anima omnia potest in eo qui se confortat, nihil timer præter illū. Ergo apud te statue, optimus esse, optimum Deum amando: si enim pulcherrima videre posses, an fœda ac funesta optares? si audire dulcissimam melodiam, eligeres absonam? Si ergo sensibus tuis optima eligis obiecta, cur non amoris tuo summum bonum, vt optimus sis? sed respice etiam oblata vbique & præsentia. nullum enim Deo eiusque bonitate præsentius & præstantius; ergo toto tibi corde diligendum esse propone, anima, summum bonum, & sic ratiocinare: Si honor, si voluptas, si quies; si substantia aliqua diligenda est, Deum tibi præ omnibus esse diligendū: omnia enim quæ desiderantur, non valent ei comparari. Immò, si dederit homo omnem substantiam domus suæ pro dilectione, quasi nihilum despiciet eā. Si ergo comparari non potest, summè diligi debet Deus. Si enim aliquid diligo, quia bonum; quod millies melius, magis amare debeo. Cur ergo per multa vagaris, ô homo, quærendo bona animæ tuæ & corporis? Ama vnum bonum, quod omne bonum est; & satis est. Desidera simplex bonum, quod est summum bonum; & sufficit. Riuli bonorum concupiscibilium diuersi: fons vnus omnium Deus. sed melior & concupiscibilior fons quàm riulus, causa quàm esse.

Cant. 8.

Anselmus.

effectus: imò incomparabiliter melior. nolo verò, Domine, te amare, vt te fruar, referre Creatorem ad creaturam; sed diligere te super omnia, & præ me, & omnibus. Tu enim solus bonus es, tu solus Dominus, tu solus altissimus, *Deut. 4.* tu ignis consumens, tu es qui dixisti, In igne zeli mei deuorabo terram. & rursum, Ignem veni mittere in terram, *Sophon. 3.* & quid volo nisi vt accendatur? Accende ergo me frigidam terram, & consume quidquid terrenum est. elegi te hodie, vt sis mihi in Deum, & omne bonum, & omne desiderium meum. *Luc. 12.*

PUNCTVM II. Cōsidera, quare aliquid ames. Primò, ob naturæ cōformitatem; sic omne animal diligit sibi simile. Et ne quid hîc deesset, dignatus est immortalis fieri mortalis; æternus, infans diei vnus super terrâ. Si igitur amas hominem qui tecum factus est homo, quanto magis Deum qui pro te factus est homo?

Secundò, quia præsens est is, quem amas. ast quis magis Deo, qui intimè præsens est, & semper, & vbique per essentiam, præsentiā & potentiam? Intus, aiebat ille, eras, *August.* & ego foris, & ibi te querebam, & in ista formosa, quæ fecisti, irruēbam; necum eras, & tecum non eram: ea me tenebant longè à te, quæ si in te non essent, non essent.

Tertiò, amatur aliquis, quia utilis est. ast quis Deo utilior? quis tibi digniora dedit in substantia, maiora in quantitate, permanētiora induratione, meliora & oportuniora? qui proprio Filio suo non pepercit, sed pro nobis omnibus tradidit illum. imò nullū bonum nisi ab illo. Omne datum optimum, & omne donum perfectum de sursum est. Quem potius amabis? fontem ex quo manat tibi bonum, an canalem, per quem manat? auctorem Deum, an latorem? auctor in se Deus, illē in omnibus operatur, inclināt beneficos, conciliat auersos, ipse solus aperit manum, & implet omne animal benedictione. *Rom. 8.*

Quartò, amatur aliquis, quia amabilis, affabilis, suauis. sed quis te amabilior, Deus meus? Vidi Dominum,

Gen. 32.

aiebat ille, facie ad faciem, & salua facta est anima mea. Idèd, Domine, tibi dixit cor meum, exquisiuit te facies mea, faciem tuam, Domine, requiram.

Deut. 32.

Quintò, amamus hominem, quia consanguineus, vt parentes: sed Deus meus, creator meus, nònne à te sum quod sum? nunquid, ô anima, non ipse est pater tuus, benignus & prouidus pater, qui possedit, & fecit, & creauit te? dignatus est in super fieri frater noster, & pro fratribus animam ponere? Imò, ait, quicumque fecerit voluntatē Patris mei, ille meus frater, & soror, & mater est. Denique sponsus est tuus, qui dixit, Sponsabo te mihi in fide. O Sacramentum verè magnum, & magnum pietatis & amoris argumentum!

Osee 2.

Sextò, amico fideli, ait Sapiens, nulla est comparatio. diligitur hic sapè supra fratrem: fidelis autè amicus Deus meus est. ab illius enim amicitia nec nouus superueniens excludit, imò nec à gradu, vel loco, quem in animo suo mihi dedit, nec dignitate mutat mores; apud quem non est transmutatio, nec vicissitudinis obumbratio: nec indignitas mea eum efficit alienum: quoniam excelsus Dominus, & humilia respicit. nec miseria mea alienat eum: qui Lazarum quem diligebat, in monumento quæsiuit, & Patres quos amabat, de inferno ipse liberauit. Ne dimittas antiquum amicum, ô anima mea, & ab æterno, & in æternum: nouus enim non erit ei similis. Ecce ascendit ad Patrem nostrum, & Deum nostrum, non est oblitus nostri: quia vbi amor, ibi oculus meus. O quoties nos respexit! omni tempore verè diligit, qui amicus est: imò ipse amicus ante omne tempus, qui cum dilexisset suos, verè in finem dilexit eos.

*Psal. 37.**Ecclesi. 9.**Prov. 17.**Ioan. 13.**August.*

PVNCTVM III. Considera, quas personas, quas res in mundo hoc diligas; & rationem exquire, amoremque omnium in auctorem omnium transfer, & dic: Tu enim Domine fecisti ea, qui pulcher es, pulchra sunt enim; qui bonus es, bona sunt enim; qui es, sunt enim: nec ita pulchra sunt,

sunt, nec ita bona sunt, nec ita sunt, sicut tu creator eorū,
cui comparata, nec pulchra sunt, nec bona sunt, nec sunt.
Secundò, quanta Deus ab æterno voluerit, & in æternum
omnibus creaturis fecerit; magnitudinem, speciem, pon-
dus, numerum & mensuram: & hæc omnia, propter te, il-
lis contulit; vt amares, nō illas, sed se omnium auctorem,
à quo illa non propter seipsa facta sunt, & conseruantur,
sed propter te. Dicere ergo possent temporalia: Si Deus
sanauerit nos à morbo corruptionis, quid ages? In ipso v-
su considera; in quo melior ex nobis fias; vel quid inde
speres in posterum. Expertus es nos; quid ergo? vis in
nos mutari; an nos in te? Quid tibi, & nobis? Quid doles
de transitu nostro? maluimus interire secundum Domini
voluntatem, quàm manere secundum tuam cupiditatē.
Nullas tibi, pro hoc amore tuo, referimus gratias; sed po-
tius vt stultum irridemus. Cui enim obedire debemus,
Deo, an tibi? Dic si audes. Nōne hoc est ferè totum tuū
officium, nos in putredines, deuorando, conuertere? Hęc
tua vtilitas, tua potentia, vt per te, nostra sanies transeat
affluenter: non enim facere vales, vt maneat. Hoc tuum
studium, hæc tua beatitudo, vt nostris non careas sordi-
bus; quibus votiue succumbis, corrumpente te, per eas,
diabolo; non sine sua voluptate & gaudio de tua dece-
ptione & interitu; eiusdemque formæ quam amas, ima-
go remanet impressa, tamquam simulacrum in templo
suo; cui non bouem, non hircum, sed animam rationalē,
& corpus, id est te ipsum totum, immolas, cum eā frueris;
& amorem tuum tribuis, id est, quod habes pretiosissimū,
pro vilimunere. Tertiò, considera beneficia illius, crea-
tionis, redemptionis, vocationis, & multiplicis inspira-
tionis: ac perpende, quòd tam longanimiter te respex-
erit, & expectarit, vbi innumeri perierunt; benignè acce-
perit, cum plurimos reiecerit; amantissimè tractarit, cum
indignissimè à te habitus fuisset. Quartò, cum hæc om-
nia, & singula maxima sint, tamen, quod his omnibus

maius est, est caritas eius. Amorem enim non gignitur, nisi per amorem; nec beneficia, nisi à beneuolo animo æstimantur. Recogita igitur, quòd ab æterno te amauerit, & sic dilexerit, vt dederit Filium suum vnigenitum Pater, Filius, & Spiritus sanctus semetipsum. Quintò, considera magnum incentiuum esse amoris, quòd aliquis à nobis diligi velit. vult autem Deus noster, Deus, inquam, nos, magnus ille Deus, & laudabilis nimis, cuius magnitudinis non est finis, à te vermiculo diligi: & toto corde non amabiseum? atque adeò, hoc est eius primum ac maximum mandatum. Tu mandas, vt diligam te bonum meum, & omne & solum bonum. O durities humana! mandari nobis oportuit vt amaremus te. Quis odisse potest, aut auersari fontem bonorum omnium? Hæc tua postulatio: Fili, præbe mihi cor tuum. Neque solum vis simpliciter, sed, ô incomprehensibilem dignationem! ecce, ecce, velut in omni creatura occurris mihi, Deus meus, & per omnes id petis à me. Si oculos aperio, omnia clamât, hortantur, vt diligam te. Nihil audio, quo non enarretur gloria tua: quamcumque igitur portam, vel fenestram aperio animæ meæ, ades amator mi. Si sentio odorem fragrantiam, ecce odor Dei mei, vt curram in odorem vnguentorum tuorum. Si sapit cibus, ille, ille est, quæ creauit potentia tua, sapientia condidit, bonitas ministravit, vt gustarem, & viderem, quàm esses suauis. Oleum verò amoris supernatat omnibus creaturis: fons hic irrigat omnem terram: aurum hoc vestit hunc mundum, templum gloriæ tuæ. Verum, non dubiâ, sed certâ conscientia, Domine, amo te. Percussisti cor meum verbo tuo, & amaui te. Sed & cælum, & terra, & omnia quæ in eis sunt, ecce, vndique mihi dicunt, vt te amem: nec cessant dicere omnibus, vt sint inexcusabiles. Altiùs autem tu misereberis, cui misertus eris; & misericordiam præstabis, cui misericors fueris. Alioquin cælum & terra surdis loquuntur laudes tuas. Quid autem amo, cùm te amo? non speciem

Psal. 145.

Rom 9.

Aug. l. 10.

Confess. c. 6.

eiem corporis, nec decus temporis, nec candorem lucis
 ecce istis amicis oculis; non dulces melodias suauium
 cantilenarum omnimodarum; non florum, & vnguentorum,
 & aromatum suaueolentiam; non manna, & mella;
 non membra acceptibilia carnis amplexibus. Non hæc
 amo, cum amo Deum meum: & tamen amo quandam lucem,
 & quandam vocem, & quandam odorem, & quandam
 cibum, & quandam amplexum, cum amo Deum
 meum, lucem, vocem, odorem, cibum, amplexum
 interioris hominis mei; ubi fulget animæ meæ, quod
 non capit locus; & ubi sonat, quod non rapit tempus;
 & ubi olet, quod non spargit flatus; & ubi sapit, quod
 non minuit edacitas; & ubi hæret, quod non diuellit factietas.
 hoc est quod amo, cum Deum meum amo. Et
 quid est hoc? Interrogavi terram, & dixit: Non sum; &
 quæcumque in eadem sunt, idem confessi sunt. Interrogavi
 mare, & abyssos, & reptilia animarum viuarum, &
 responderunt: Non sumus Deus tuus; quære super nos.
 Interrogavi auras flabiles, & inquit vniuersus aer, cum
 incolis suis: Fallitur Anaximenes, non sum Deus tuus. Interrogavi
 cælum, solem, lunam, stellas: Neque nos sumus
 Deus, quem quæritis, inquiunt. Et dixi omnibus his, quæ
 circumstant fores carnis meæ: Dixistis mihi de Deo meo,
 quod vos non estis, dicite mihi de illo aliquid: & exclama-
 uerunt voce magnâ, Ipse fecit nos. Interrogatio mea, in-
 tentio mea, & responso eorum, species eorum. O quot
 sunt mihi monitores & stimuli, ut amem te! Itane difficilis
 & amara res, amor tui, Deus meus? O amor Dei mei
 suauissime, verè propitiatorium nostrum, verè tabernaculum
 fœderis, reclinatorium aureum, laborum solatium!
 valde omnino amandus mihi es, per quem sum, vivo, sapio,
 si non ingratus sum & indignus. Dignus planè est
 morte, qui tibi, Domine IESU, recusat viuere, & mortuus
 est; qui tibi non sapit, desipit; & qui curat esse, nisi pro-
 pter te, pro nihilo est, & nihil est. Propter temetipsum

X x j Deus,

Psal. 99.

*Bern. serm.
20. super
Cant.*

Deus, fecisti omnia; & qui esse vult sibi, & non tibi, nihil esse incipit inter omnia.

O R A T I O.

Quis dabit mihi pennas sicut columba, & volabo, & requiescam in te, Deus meus? ubi enim inueniet pes requiem, nisi in ter ex quo, per quem, & in quo sunt omnia; qui solus immobilis, eternus, optimus, benignissimus, & suauissimus es. quid cecus ibit, nisi ad te, lumen æternum illuminans omnem hominem? quo satiabitur cor meum, nisi te, ô vera satietas? Si dulcedinem appetit, tu dulcedo ineffabilis, & totus desiderabilis. Si pulchritudine capitur, pulcher es, dilecte mi, candidus & rubicundus, speciosus formâ præ filiis hominum, in quem desiderant Angeli prospicere. Cur ergo, te fonte omnis boni & pulchritudinis relicto, ibo ad ciusternas, quæ continere non valent aquas, id est creaturas vanas? An ijs quibus vsus fui, satiatus sum? nonne irritatus miser? Si commodo ducitur, tu vera requies mea in sæculum sæculi, tu mentis delectatio, tu mea gloriatio. Si amare delectat, cur non summum bonum, & me amantem, ô amor ineffabilis & infinite & interminabilis & ineffabilis, qui me ante mundi constitutionem dilexisti, qui tui in his omnibus pignus amoris dedisti, qui mille modis in singulis creaturis amorem tuum in me declaras?

Heu mihi, Domine, vae duro cordi meo, si non lique scat hoc amore, si hoc igne non cale scat. obruis me beneficijs, & te peo vndique; me conseruas, & gestas velut gestari solet infantulus, imò abluis peccata & lepram meam sanguine tuo. Obstupe scite cali super hoc, porta eius desolamini vehementer, quia magnificauit Dominus facere nobiscum. Venite omnes, qui timetis & diligitis Dominum, & enarrabo vobis, quanta fecit anime mea, introduxit me in cellam vinariam, ordinauit in me caritatem. O vos Cherubini & Seraphini, qui tegitis pedes, vultum, qui apudet non satis amare tantum bonum, Deum nostrum; & tamen ille pro vobis mortuus non est, nec vos lauit sanguine suo, nec triginta tribus annis pro vobis multa passus est & dura & indigna, sed verbo
crea-

creauit. O Domine, quasi ebrius esse videri posses amore, qui Dalila istam ita prosequeris: nescis, quia illa iam te prodidit Philisthis hostibus tuis? scis, Domine; sed patiens es & longanimis super malitia hominum; & postquam insultauimus tibi, & fornicata est anima nostra cum amatoribus multis, si reuertatur ad te, suscipis illam. & poterit ne fieri, vt ultra obliuiscatur tui, & adhareat creatura fallaci? dignus est sanè morte, qui tibi, Domine

LEVS, recusat viuere. viuam tibi, cui omnia viuunt: qui enim tibi non viuit, iam mortuus est morte secundâ. viuam itaque tibi, qui soli mihi vixisti, laborasti, mortuus fuisti, qui mihi hac omnia, quam mundus habet, dedisti; & si hæc pauca sint, adicies sine dubio maiora. Sed, ô Domine, quis hæc de manu tua quasuit? non satiant me, non delectant, sed cruciant: clamant enim mihi in auribus meis de pulchritudine tua & bonitate: & cum longè sis ab oculis carnis, & intra penetrabile animæ meæ, anhelans quero te & non inuenio. Ostende mihi faciem tuam, & sufficit mihi, ostende mihi faciem tuam. veni, quia ad te suspiro, cur auertis faciem tuam? si vulnerasti me amore tuo, sana me dulcedine eius. sed tamen, ô Domine, voluntas tua fiat, fiat id quod tibi placet, non quod mihi. si abis, benedictus esto, & laudabilis in sæcula: si venis, benedictus esto. Verum tamen ne me deferas, neque longè abeas à me, ne me derelinquas. solum in terra horroris & vastæ solitudinis; sed trahere me post te, sitq; semper anima mea plus vbi amat, quàm vbi animat. Heu mihi, quia incotatus meus prolongatus est! sed quoniam ita tibi placet, placet & mihi. Velle enim meum obtuli tibi, tuum est. Nolo, Domine, vnquam restituas cultum in manu pueri. Corpus & animam dicaui tibi, conserua hæc, & impende sicuti tibi placet in obsequium tuum. vnum tecum esse desidero, & non nisi propter te esse volo, petitionem tam paruulam petam à te, & confido, quia non confundes faciem meam. O Domine, ne derelinquas me, ne vnquam obliuiscaris mei: ne permitte vt vnquã obliuiscar tui. veniat mihi mors potiùs, quàm viuam sine te, aut displiceam tibi. sed da mihi, vt amem te, & omnes omnino trahere possim ad amorem. minaris enim nobis, & iubes, etsi indigni sumus, qui amemus; tu tamen dignissimus es qui

August.

ab omnibus ameris. sed, Domine mi, quid, quaeso, mihi sum ipse, quid tibi, vt amari te iubeas à me, & ni faciam irascaris mihi, & mineris ingentes misérias? parua ne ipsa est miseria si non amem te? ô vtinam semper suspirem ad te, suauitas ineffabilis; semper sitiam ad te, fons aqua viua; semper anhelem, desiderium collium æternorum; semper suspiciam ad te, amabilissime sponse animæ meæ; semper viuam tibi, ô vita mea, semper moriar pro te; insatiabiliter appetam te, satietas vera; confugiam ad te, refugium meum; semper memor sim tui, amor æternæ; semper amplectar te vlnis animæ, nec dimittam donec latitiâ inenarrabili te videam, & satier, & te stringam, & tibi inhaream, & in te liquefam, & vnum tecum sim, & in me esse desinam! Noli vnquam, Pater mi, obliuiscipueri tui; noli, misericors Deus, creaturæ tuæ. nihil est quidem, & tu omnia. ita est; sed propter me fecisti omnia, & nihil horum odisti quæ fecisti: sed pro me tanta fecisti & pertulisti. si despicias miseriam meam, respice bonitatem tuam, & amorem tuum. dicet ille tibi, me tuum esse, & certè non potes quin illum mihi des, quia promisisti, Veritas æterna. Da mihi illum, & da mihi vt illum omnibus predicare possim, & te hic & in æternum laudare. Amen.

Praxis ad amorem Dei excitandum.

PRima. Eadem huius exercitij praxis est quæ præsentia Dei, & puræ intentionis. Exercitia item zeli, & Passionis Christi Domini inprimis meditatio, quemadmodum etiam beneficiorum Dei frequens consideratio; de quibus omnibus supra variis locis actum est Methodus verò ad amorem vera est mortificatio, maximè amoris sui, & vanitatis, & ad Deum ex rebus creatis adspiratio.

Secunda. Quotidie etiam expedit in meditatione aliquam Dei perfectionem considerare, atque eâ in se caritatis ignem suscitare ac fouere. Nullum enim exercitium exercitio amoris præstantius, cum, vt Apostolus declarat I. Cor. I 3. cætera omnia ab hoc nihil profint; & hoc vnum in istu oculi nos Deo gratissimos efficiat, & ex hostibus amicos, ex miseris felicissimos.

Tertia; eaq; admodum utilis, in proximo Deū agnoscere, illiq; præstare quæcumque beneuolentiæ ac caritatis opera, perinde ac
fi

si Christo Domino fierent. Dulcissimum hoc exercitium est, quo de Deo benè mereri, ei que qui nullius indiget, largiri multa possumus. Sed de hoc pluribus, cum de caritate proximi ageretur, dicendum erit.

Quarta erit, Ven. Eucharistiæ non ex consuetudine, & negligens frequentatio, sed deuota ac religiosa. in ea enim spiritalis dulcedo, quasi in fonte ipso, degustatur. Examina te ad proprietates amoris seu gradus, quos vide in D. Bernard. Bonau. Richardo, de gradibus caritatis. Primus gradus est, quod amor sit inseparabilis, ut anima cum Apostolo dicere possit, Quis me separabit à caritate Christi? Secundus, quod sit insatiabilis: ignis enim nunquam dicit, Sufficit: nihilque sibi egisse umquam videntur, & seruos se dicunt inutiles qui eo succensi. Tertius, quod sit inuictus. Fortis enim ut mors dilectio: & aquæ multæ non potuerunt extinguere caritatem. Quartus, quod sit delectabilis, dicereque anima possit amore isto succensa, Introduxit me Rex in cellaria sua. Memor fui, & delectatus sum. Quintus, quod vulneret animam ardentibus desideriis & plurimis, quibus optat ut omnes ei seruiant, & omnes trahere ad eum conatur. Sextus, quod semper Deum sitiat, semper eum præsentem habeat, omnis ei creatura memoriam illius reuocet. Septimus, quod desideret coniungi & esse cum Christo, cum tædio vitæ, sed caritate impulsus, quisquis eam fuerit inflammatus.

IACVLATORIÆ.

Quis sicut Dominus Deus noster, qui in altis habitat, & humilia respicit in calo & in terrar. Psalm. 112.

Quid mihi est in calo, & à te quid volui super terram? Psalm. 72.

Benedic anima mea Domino, & omnia quæ intra me sunt, nomini Psalm. 102.

sancto eius.

Exaltare super calos, Deus, & super omnem terram gloria tua. Psalm. 56.

Non est similis tui in dijs, Domine, & non est secundum opera tua. Psalm. 85.

Quoniam magnus es tu, faciens mirabilia, tu es Deus solus. Ibidem.

Conspiceantur tibi, Domine, opera tua, & Sancti tui benedicant tibi. Psalm. 144.

Magnus Dominus noster, & magna virtus eius, & sapientia eius non est numerus. Psalm. 145.

Munus te amat, Domine, qui tecum aliquid amat, quod propter te non amat. Aug lib 10. Conf. c. 29.

CAPVT XVIII.

*Exercitium & meditatio de Caritate
proximi.*

COMPOSITIO LOCI, considerare Sanctos ex omnium Sanctorum gloria, vt sua, gaudium captantes, & Christum Dominum fraternè cum illis agentem.

Galat. 6.

PVNCTVM I. Considera Primò, & examina an in te veræ reperiās signa caritatis. Primum est, suā nō quærere, suum commodum non spectare; Secundum, bonis proximi congaudere, & malo tristari; Tertium, bonum illius promouere cuiusvis generis, & auertere mala; Quartum, defectum eius tolerare potiùs quàm caritati ac beneuolentiæ detrudere, & sic adimplere legem Christi IESVS: hoc est enim alterius onera portare; Quintum, affabilem esse; Sextum, sua spiritualia & temporalia vltro etiā communicare. idcirco inter sæculares rarò poterit esse perfecta, nisi animo sint angusto ac liberali; Septimum, nemini iudicare temere, nemini obloqui, aut repugnare. Considera Secundò, caritatem, amicitiam & concordiam esse vnicum vitæ solatium, sine qua nec animalia esse possunt: quodq; fuerit omnibus bonis etiam ab Ethnicis prælata, solique comparata. Considera Tertiò, quanta ex caritate & concordia commoda promanent; nullum ex dissensione proueniat: ab illa auxilia mutua aduersus hostes, quibus vndique cinguntur: omnium est communio bonorum, & solatium malorum. denique vbi duo sunt congregati in nomine Domini; ibi est in medio eorum. Quid autem ibi deesse potest, vbi omne bonum Deus ipse singulari benignitate adesse dignatur, omnibusq; postulatis annuere? ait enim Dominus IESVS, Si duo

Matt. 18.

cx

ex vobis consenserint super terram, de omni re quamcumque petierint, fiet illis à Patre meo.

PUNCTUM II. Considera in proximo Deum, & quâ ratione ille Deo & Christo coniunctus sit per naturam: siquidem opus atque imago Dei est, & seruus; per gratiam verò filius eius, Christi que frater, & miles, & hospes, & templum, atque amicus tantus, vt pro eo sanguinem & vitam dederit suam, paratusque sit millies pro quoque dare si opus foret. Adde dona; fidem, spem, & virtutes, & gratias quæ in eo sunt, quas certè negligere, & formam externam attendere, turpissimum est. Indignum tot causas amoris præterire, & leuem nexum qui te alienet, obseruare. Tunc agrum optimum despicias, si fortè lolium innascitur? tu nummum, si non ex auro optimo? Tu te ipsum si inspexeris, plura comperies, ob quæ meritò despiciaris: atque id omnino futurum est iusto Dei iudicio, si proximum iudices: vt quâ mensurâ mensus fueris, remerietur tibi. His consideratis, vide quis est à quo alieniorem te esse putes, & rationes allatas appende, amoris scilicet cum causis auersionis. Considera Secundò, hunc ipsum proximum penetrari à Deo intimè, vti & te tot defectibus plenum, & omnia quæ in eo ac te ipso mala sunt, conspici: attamen Deum hominē non fastidire, non deserere, imò rogare, pulsare, & cum eo conuersari velle, illumque amare, vt fratrem, militem, filium carissimum, seipsum illi tradere in cibum & potum. O incomprehensibile caritatem! Tertiò, considera proximum, qualis aliquando futurus sit in cælo, id est, perfectum, & virum, & regem. nunc verò vt pueri infirmi, ignari, &c. imperfectiones ferēdas, qui aliquando aut dilexit, aut certè diliget nos æternū in cælis diuinā misericordiā opitulante. Quartò, expende veritatem huius sententiæ, Quod vni ex minimis meis fecistis, mihi fecistis, in extremo iudicio pronuntiandæ. O I E S V, cum hæc sciam, poteritne fieri, vt ego seruus tuus imaginem tuam despiciam? irascar
ci,

Matt. 24.

ei, quem tu amas & longanimiter apertis vlnis expectas, aut negabo ei propter amorem tuum, quod tibi debeo infinitis titulis, & ab alijs mihi præstari opto?

Pv. CTVM III. Considera præterea, quanta requiratur inter homines coniunctio, ac Primò quidem, Dei præcepto te teneri omnes amare sicut te ipsum, atque hoc qui implet mandatum, legem implere, & nulli magis prodesse quàm tibi, qui eam seruat. Omnibus enim charus est, fruiturque perpetuâ pace & gaudio, & omnibus bonis; siquidem de proximi bonis ac prosperitate æquè gaudet ac suis. Considera Secundò, quòd non amare tantum, sed ita debeamus, sicut Deus dilexit nos. Mandatum, inquit Dominus *IESVS*, nouum do vobis, vt diligatis inuicem sicut dilexi vos. adeò vt Ioannes dicat, Et nos debemus pro fratribus animas ponere: D. Paulus verò, Si quæ, ait, consolatio in Christo, si quod solatium caritatis, si quæ societas spiritus, si quæ viscera miserationis; implete gaudium meum, vt idem sapiatis, eandem caritatem habentes, vnanimis, id ipsum sentientes, nihil per contentionem, neque per inanem gloriam; sed in humilitate superiores sibi inuicem arbitrantur, non quæ sua sunt singuli considerantes, sed ea quæ aliorum. Considera Tertio, sic voluisse Dominum *IESVM* coniunctos esse homines, sicut Pater & Filius vnum sunt. ita enim orauit abiturus in cælum, Non pro eis autem rogo tantum, sed & pro eis qui credituri sunt per verbum eorum in me, vt omnes vnum sint, sicut tu Pater in me, & ego in te; vt & ipsi nobis vnum sint, vt credat mundus quia tu me misisti. Considera Quarto, communem hostem esse qui dissidia ciuilia inter nos molitur, quantaque iniquitas sit, cum illo in æternam perniciem meam & fratris conspirare, concordiaque vnitas vires esse inuincibiles. Quintò, perpende mēsuram, quā diligimus proximum, esse eam, quā Deum diligimus; adeoque necessariam, vt Apostolus dicat, Si linguis hominum loquar & Angelorum, caritatem autem non

non habeam, factus sum velut æs sonans, & cymbalum tinniens: & si habuero prophetiam, & nouerim mysteria omnia, & omnem sciētiam: & si habuero omnem fidem, ita vt montes transferam; caritatem autem non habuero, nihil sum: & si distribuero in cibos pauperum omnes facultates meas, & si tradidero corpus meum, ita vt ardeam; caritatem autem non habuero, nihil mihi prodest.

PUNCTVM IV. Considera, quali vinculo coniuncti sumus proximo, *ex illo loco*, Obsecro vos vt dignè ambuletis vocatione, quā vocati estis, cū humilitate & mansuetudine, cum patientia, supportantes inuicem, solliciti seruare vnitatem spiritus in vinculo paciſ. vnum corpus, cuius caput Christus, vnus spiritus, scilicet sanctus, & amor. Itaque vide, vt membra vnita se ament. deinde quāta vnio esset, si anima vna, seu spiritus proximum informaret: tanta enim inter Christi membra meritò esse debet. Addit verò, In vna spe vocationis vestræ: vocati enim sumus, omnes vt Deum amemus, & seruiamus ei, ibique præmium expectemus; vbi omnes gaudent de bono alterius, æquè ac suo; vbi in æternum erimus conciuēs illius Ierusalē, & domestici Dei. Et quid, quæso, est quod à caritate nos poterit separare? Vna nobis fides est, doctrina & lex, & media omnia ad salutem, vnū baptisma, per quod eiusdem nationis, immò patris filij sumus; eodemque Christi sanguine abluti, cætera quoque omnia Sacramenta eadem; vnus omnium cibus corpus Christi, & potus sanguis eius; vnus Dominus omnium, qui ex vno omnes homines produxit; vnus Deus, gubernans & regens omnia; vnus mediator, Pastor, dux, & signum militiæ, Magister, & Dominus; denique idem Pater omnium. Numquid, inquit, *Propheta*, non pater est vnus omnium nostrum, quare ergo despicit vnusquisque vestrum fratrem suum? Postremò mater omnium eadem Ecclesia, & (si Religiosus es) Religio, ex quo capite omnia bona & mala communia sunt, omnia similia, vestis, victus, &c.

Ephes. 4.

Malach. 2.

PUNCTVM V. Considera Primò, si proximus te lædat, eo ipso esse satis miserum, cum tu vindicem habeas Deū, apud quem talis pœnæ reus est, quam nemo crudelissimo hosti optaret; imò iam tanto grauius punitus est à se, quo vulnus & mors animæ grauiora sunt vulnere & morte corporis; atque ita commiseratione potius dignus est maximâ, eoque maiore, quo minùs cognoscit. Secundò, vide quanta incommoda in omni societate, & familia, & anima talis hominis, defectu caritatis oriantur. Tertiò, quantum scandalum sit si Christianus, multò magis, si Religiosus cum alio dissentiat & cõtendat. Quartò, Sanctos omnes, & Angelos eius, quem odisti, esse sinceramente amicos, maximè Angelum Custodem, & Deum opt. max. Caue igitur tangere Christum Domini. Quintò, vide quàm turpe, non amare inimicum propter Dei voluntatem, quem amares ob leue beneficium. Sextò, vellésne, Deum odisse tuum inimicum? ergo nec tu oderis. Septimò, vis aliquando conciliari? cur non modò? diligendo faciliùs quàm odio vincis inimicitias. & quid ex his tibi vis? fratri & proximo malè, & tibi pessimè: de bonis eius dolere, & cruciari ijs quibus ipse gaudeat; eoque magis si improbus sit, & nouerit se bonis gaudere, quibus frustra tu inuideas. Vide, precor, quanta infania. O caritas infinita, Deus meus, ne permitte, vt malitia mea eò crescat, vt post tot rationes, ob verbum & nummulum, filios tuos offendam, auerfer, ac præceptum abs te latum violem. Sanguis tuus, quem fudisti, molliat durum cor meum, vt diligam te ex toto corde meo, & proximum meum sicut me ipsum, propter te ad gloriam nominis tui. Amen.

O R A T I O.

O IESU, caritas immensa, Deus meus, quis potest se abscondere à calore tuo? quæ poterit glacies cordis reperiri, quæ non liquefiat amore & sanguine tuo? Mitte de excelso ignem in ossibus meis, tu, cuius ignis est in Sion, & caminus in Ierusalem. Tu, Isaia 31.
 qui dilexisti me & proximos meos, & lauisti in sanguine tuo, da mihi te diligere ex toto corde, & proximum propter te, ut filium tuum, ut fratrem, amicum, & membrum tuum. talem eum dignatus es efficere, atque addo asserere, quod mihi, quod ulli etiam inimico tuo sit, tibi fieri, & eum qui nos tangit, tangere, pillam oculi tui. Absit ergo ut unquam, etsi ille, vel illic auersionis dederit occasionem, & hoc ipso valde miserum se fecerit, ego eam me sponte ladam, cum communi hoste conspirem, contra te & præcepta tua, quæ pro nobis condidisti. Scio, scio, si diligentes tantum diligam, cum etiam Ethnici & Publicani hoc faciant, mercedem non ha- Matt. 5.
 biturum me, neque te patrem, qui fixis solem tutum oriri super bonos & malos, & plus super iustos & iniustos. O Pater celestis, cupio filius tuus esse per gratiam tuam, & amare etiam mihi aduersantes. Signam tuum, dilecte IESU, hoc gerere volo, ut sciant omnes, quia discipulus tuus sum, qui pro iniustis etiam mortuus es, & nos tuos filios & fratres pascis tuo corpore & sanguine: qui cum malè dicereris, non maledicebas; tradebas autem iudicanti te iniuste. tu posuisti animam tuam pro me, ego gratia tua pro proximo ponam, nullas aliam inimicitias; sed dimittam debitoribus meis, ut tu mihi, cui millia talentorum debeo, dimittas: & dimitto de corde meo, & obsequium atque amorem, cuiusq; singularia signa præstare volo etiam aduersarijs meis: quia non illi me, sed ego me laesi; illi ostenderunt me mihi, qualis essem, amator scilicet mei, qui ne quidem verbum unum pro te pati equanimiter possum, pro omnibus doloribus & beneficijs tuis pro tot peccatis meis. Vbi est ergo amor meus? ubi fortis ut mors dilectio? dura sicut infernus amulatio? amor certe ubi est, operatur, & patitur: si operari & pati recusat, amor non est. Quanta sustinentur pro amore pe-

cunia & forma vanissima! dies pauci videntur & labores parui præ amore, & mihi quidquam durum erit agere aut pati pro caritate quæ est vinculum perfectionis, finis legis, & maior omnibus holocaustis matibus & sacrificijs? O caritas immensa, Deus meus, concede mihi vt maneam in te, & tu in me: qui enim manet in caritate, in te manet, & tu in eo. Concede mihi, vt numquam verbo, neque lingua offendam proximum meum. omnis enim qui detrahit, vacuum seipsum prodit caritate, & ferit eam in omnibus qui se audiunt lingua malefica, & quantum in se est, necat funditus & extinguit. Fodit etiam hæc corpus tuum, & membrum de membro, nec iam exanime fodit, sed facit exanime fodiendo. *ipsis quoque nocentior est spinis, quas illi tam sublimi capiti furor militaris imposuit: seu etiam clavis ferreis, quos sanctissimis illis manibus tuis & pedibus consummatio Iudaica iniquitatis inflixit. Auerte igitur hoc à me, benignissime IESU, & laudet te lingua mea, sitq; lignum vite tibi mortuis, solatium afflictis, & benedicat tibi anima mea omnibus diebus vite mee. Amen.*

Marc. 12.

Bern. serm. 24. in Gât.

Bern. serm. de Tripl. custod.

Praxis ad caritatem erga proximos fouendam.

Primò, cauere diligenter admodum oportet ne radix aliqua amaritudinis aut fibra suspicionis in anima nostra serpere incipiat. Vix credi potest quanta ex leui suspicionem nascatur sæpè animorum alienatio, crescit in odia magnamque flammam, eò quòd scintilla dissensionis extincta non fuerit. Hæc autem demonis astutia est, quâ conatur inter se coniunctissimos separare. Præsentissimum huius mali remedium caritas est, & magnitudo animi. Si enim suspicio nata in te adires proximum, & iam non malum in bono vinceret, sed etiam mali suspensionem; multa mala in semine opprimeret: quæ vbi adoleuerunt, ægrè eradicantur. Ex caritatis igitur lege omnia in bonum interpretare: caritas enim non cogitat malum. Sanè stultissimum est fingere sibi hostem, & solâ suspensionem talem efficere.

Secundò, nulli facile contradicere. Nihil enim, vt B. Ignatius dicere solitus est, tanti est, vt detrimentum caritatis possit com-
pen-

pensare. Ideoque hortatur Sapiens, Fili in mansuetudine opera tua, & super gloriam hominis diligeris.

Tertio, beneficiis præuenire atque honore, sed vel maxime amore. nulla est maior ad amorem inuitatio, quam amore præuenire: alio quam se, amor non emitur. ideoque civilis & amabilis conuersatio & caritatem gignit & fouet; rustica atque asperior etiam quos natura, aliaque multa nomina coniungunt, separat.

Quarto, examina te, an signa caritatis, quæ Apostolus ad Corinthios commemorat, in te reperias. Caritas, inquit, patiens est, benigna est, caritas non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate, congruet autem veritati: omnia suffert, omnia credit, omnia sperat, omnia sustinet. 1. Corinth. 13.

IACVLATORIÆ.

Hoc est præceptum meum, ut diligatis inuicem, sicut dilexi vos. Ioan. 15.

Si linguis hominum loquar & Angelorum, caritatem autem non habeam, factus sum sicut as sonans. 1. Cor. 13.

Quod uni ex minimis meis fecistis, mihi fecistis. Matt. 24.

CAPV T XIX.

Exercitium seu deliberatio de Inimicis, & ijs, qui nobis aduersantur, diligendis.

PRÆLVDIVM I. Statue te coram Deo instar rei diuinæ maiestatis, vnà cum proximo.

PRÆLVDIVM II. Ora ut, sicut illi dimittis, ita tibi dimittat iuxta legem suam sempiternam.

HOMO. Ille iniuriam intulit, aut etiam nū infert; est alienus

nus à me: Quid faciam? amore, an odio cum illo certabo: reconciliabor, an alienum fouebo animum?

AGLVS. Considera quis sit ille, quid sit quod fecerit, cur, quomodo, vbi, quando, deinde quid reconciliari: & ex singulis collige quo lenire malum ac dolorem possis. Homo certè est, qui nocuit, eiusdem conditionis & naturæ. sed improbus, inquis. Ita est, morbos suos habet perpetuos: eorum aliquando, id est passionû, paroxysmos & accessus graues, variis oblati occasionibus. Vt enim elephas aspectu purpuræ furore, leo etiam galli solius cantu pauore concutitur: ita homo leui aliquando occasione suæ affectionis prauæ frangitur impetu. Sed nōne etiam similibus laboras?

HOMO. Fateri debeo: sine vitiis siquidem nemo nascitur, optimus ille est qui minimis vrgetur.

ANGELVS. Imò si humilis sis, Maioribus, dices, ego vrgeor. cur igitur non tibi indignaris? sed fortè te vincis, te coërces. Tuāne hæc virtus est? & an à te? nōne à Deo? si ita est, compatere illi, qui quòd illis armis careret, læsus primò fuit ab hoste, & tibi obtulit quo te lædere posses. Non læsi: siquidem nemo nisi à se ipso læditur omnium prudentium iudicio. Contemnere enim iniurias potes, & vanos conatus hostium Dei gratiâ ridere, vti etiam in tormentis Sancti fecêre. Si aliter iudices, vlcisci velis, imprudens es & insipiens. Vnde Boëtius ait: Apud sapientes locus nullus odio relinquitur. nam bonos quis nisi stultissimus oderit? malos autem odisse ratione caret: sicut enim corporis languor, ita vitiositas quasi quidam morbus est animarum.

Boëtius.

HOMO. Cùm ergo ægros corpore minimè dignos odio, sed potiùs miseratione iudicemus; multò magis tales miserandi, vt video, sunt, non persequendi, quorum mentis improbitas est omni languore atrocior.

ANGELVS. Deinde quid illum vis sanum reddere, qui te ipsum ægro animo vides, & curare nequis? imo ab illius morbo

morbo afficeris contagione malâ, & sic participas demâ-
lis eius: cumq; habeat bona plurima, si rectè attendas, in
nullo cum eo communicas præterquam in malo. O infe-
licitatem tuam, vel malitiam, qui omne bonum in agro
& anima proximi odisti, quia spina vna tibi displicet; cor-
pus eius totum, quia nâuus in eo vnus est! quin potiùs
eum amas ob bona & nomina plurima, quàm odisti eum
ob vitium aliquod, & simul bona in eo plurima? Si hæc au-
tem ratio valet, omnes ompino homines odisse debes;
quia omnes habent vitium suum, & tu, si hoc ignoras, lon-
gè grauissimum. Et quid si homines omnes insaniâ labo-
rarent, vellésne tu ideò laborare? cur igitur, si vnus aliquis
laboret, tu perturbaris, sæuis, indignaris? medicinam ei
debes potiùs præstare, quàm exulcerationem. Vides ergo
illum læsisse se, obtulisse tibi quo te læderes, teque attri-
puisse spinam, & cultrum proiecisse, quo sponte manum
pedemque indueres. tibi ergo imputa. Ille cœpit errare in
via salutis, & hoc vides, vis eum sequi, quod tu vocas per-
sequi; idque quia cæcus iniegit in te. quod quidem non
poterat, nisi tu qui videbas, in eum sponte incurrisses;
cùm verò eum cæcum videres & phreneticum, potiùs
miseratione tangi debebas. Quid si frater, filius aut pater
phreneticus te percutiat, conspuat, irrideat, nōne con-
dolebis, morboque tribues? atqui ira breuis furor est;
longiorem tu efficere vis nolendo reconciliari, & grauio-
rem, vt & ipse qui se prior læsit, respuat medicinam? Age
verò, quid fecit ille.

HOMO. Verbo iniurioso læsit, contempsit, vulnerauit
corpus, famam denigrauit, rem abstulit.

ANGELVS. Sed si contemnat quis Deum, neget aurum
esse aurum, splendere margaritas & pretio dignas, quid
eis nocuit? si tu bonus eras, & te contempsit, ideò malus
esse vis? si læsit, tu iniuriæ tuæ ultor, & tortor fratris esse
opras? Tu qui Christianum te profiteris, & fortè Religio-
sum; apud quem asylum reperire facinorosi possunt &

quietem, & hanc non inueniet frater? Certè si bonus eras, non te conturbasses; si malus, dignus eras qui sic acciperè, vt vel saltem te cognosceres. Imò si vis vt ille innocentiam erga te seruet, non noceat, nōne vicissim ei patientiam debes? corpus, id est vestem, vt Anacharsis læsit, sed ipse prius animam suam. gladius eorum intrat prius in corda ipsorum, vt tunicam alterius, si ipse permittat, scindat. sic cū tibi placet ista amentia? vt simili etiam tibi corripī libeat delirio, vlcisci velis, & ad corporis læsionem, vel famæ aut honorum, animæ tuæ adiicere perditionem? & quia fortè modicum substantiæ temporalis, terræ frustum, tua denique perdidisti, vis te, cælum, & æternam proijcere hereditatem, virtutes omnes, patientiā, humilitatem, caritatem? si enim vel vnā haberes, animo quieto & beneuolo esses. Vbi verò nocuit? coram Deo, & Angelis eius; & tolerauit ille? vtique, quia misericors est super malitia hominum: & tamen mandatum suum contemni vidit & præteriri. Aut iustè fieri vidit, quod secus factum arbitraris; & tu iniustè irasceris; aut iniustè, & si patienter ipse sustinet, vtī & peccata tua plurima; tu audes indignari? optas cum puniri? ex ore tuo te iudicas. si puniri oportet, nōne est, quia legem non seruauit? atqui neque tu seruas. & cū Rex summus vindictam sibi velit seruari; tu ausu temerario eam arripis? Quando nocuit? illā horā, & momento, quo permisit Dominus, nec potuit diutiùs. An forsan arguis Deum quod permiserit? Ex his & aliis circumstantijs elicere præclaras, vt vides, virtutis ocaſiones oportuit, & virtutis armis indui, ex spinis roſas colligere, ex alterius iniuriis summam fortitudinis laudem: fortior enim patiens est expugnator vrbium.

Prou. 16.

Pſalm. 129.

HOMO. De profundis clamaui ad te Domine, Domine exaudi vocem meam: fiant aures tuæ intendentes in vocem deprecationis meæ. nisi enim tu, Domine, adiuueris me, cadam in conspectu inimicorum meorum: neque

que enim est in me ista fortitudo, vt resistere possim. & nunc, Domine, memor esto mei, & ne vindictam sumas de peccatis meis, neque reminiscaris delicta mea, vel parentum meorum.

ANGELVS. Spera in Deo, & confitere illi, & requiem dabit tibi ab omnibus inimicis tuis, & facies cum tentatione prouentum: sol non occidat super iracundiam tuā, *Ephes. 4.* sed inimicum animæ tuæ citò expelle, diligenterque cōsidera, quis sit vindictæ odijque effectus, quis patientiæ & pacis. Finge te hominem videre auersione atque odio vulneratum, quibus illudatur phantasijs, suspicionibus emulationibusque: non quiescit memoria illius, sed furoris plena est & tristibus votis, intellectus excæcatur: quid æquum iustumque sit, etiam si millies ei repræsentetur, non videt: si occasio est iræ, rixæ, contentiones ex radice amaritudinis germinantur, & in eas, imò etiam gladios ruitur. Contrà verò suauissima patientia, & charitas ac mansuetudo, inter aduersa læta, aduersarijs benigna, inter medias acies secura est: in Dei enim protectione commoratur, & in pace in idipsum dormit & requiescit. Cùm verò omnia ad æternam vitam ordinanda sint, vide quid eligas. Sed, inquis, conturbata est in me anima mea, quid eligam ignoro. Verumtamen, si quis ex te percontaretur amicus, suaderesne proposito sine salutis in animo odium alienationemque fouere? pax, diceres, etiam iusto bello præponitur, & serius ocius quærenda est. Si ergo aliquando vis pacem, quorsum finis odium inueterascere & exulcerari, & crucias te centies, vt semel aduersario offeras, vnde, si velit, sumere possit, quo se lædat? nōne ista mera malitia & dementia est, de aliena plaga quærere medelam? & pro medicamento alienum velle adhibere tormentum? Insania est teipsum occidere velle, vt iumentū, quod est corpus hostis tui, lædas; facem accedere, vt domum proximi exuras, quò simul pereas, & incidas in foueam quam fecisti, in laqueum quem parasti. Sic

putato malitiam esse, quasi ignem. si incendere vis aliquid, illud, quod admoues vt succendas, accensum sit oportet: cùm faculam apponis igni, illa prius ardet vt aliud possit accendere. Ita ergo impossibile est vt malitia, quæ procedit ex te, non prius te vastet, antequam alteri noceat. Mori communi omnibus lege debes, nemo euasit spiculum mortis, nemo stimulum: nescis quâ horâ venturus Dominus sit, immò veniet ille in die quâ non speras, & horâ, cùm minimè ignoscere poteris. quid tum optabis?

HOMO. Plurimùm certè: omnem amaritudinem euomuisse, & pacificum fuisse, vt inter filios Dei possim numerari.

ANGELVS. Quid in iudicio respondebis, quando à te leges & consilia sua deprehendet esse contempta iustissimus Iudex? quam gratiam ibi sperabis, vbi soli misericordes misericordiam consequentur? vbi sola caritas, & eius opera mercedem & veniam impetrabunt? Quanta confusio erit, quòd ob vilem voluptatem, munus, fauorem dilexeris plurimos, & fortè ardentè; & quòd nulla Christi merita, nulla mandata id potuerint efficere, vt ex corde dimitteres fratri tuo? Si diligitis eos qui vos diligunt, ait Dominus, quam mercedem habebitis? si conseruo tuo, qui aliquot tibi debet denarios, ignoscere nolueris, quomodo remittetur tibi debitum multorum talentorum, quod eâ conditione tibi se remissurum Iudex promiserat, dicens: Dimittite & dimittemini, misericordiam volo & non sacrificium; mihi vindictam, & ego retribuâ: tu verò contrà dixisti: Ipse retribuam; & in eum fortè qui iam secundùm animam mortuus est, vltro sàuire desiderasti. Si enim in tempore gratiæ & veniæ, recordatus ad altare, quòd frater habet aliquid aduersum te, sacrificium offerre non potes; quomodo veniam impetrabis, si in die fûroris, iræ & calamitatis argui possis de odio erga fratrem tuum? Denique aduerte, aut in æternum tecum

hic

hic beatus erit, aut certè (quod auertat Deus) damnatus. si damnatus, nulla bellua est, quæ tali non commiseretur. si æternùm beatus erit, & tu salutem speras, & æternùm futuri estis cōiunctissimi, cur iam odia & auersiones fouere pergis? Non ita Sancti caritate pleni præiuerunt, sed in bono vicerunt malum, & pro persequentibus cum S. Stephano orarunt, & nemo inuentus est, qui non rettribueret bona pro malis. Sciebant enim, quod Gregorius ait, Ianuam omnium vitiorum esse iracundiam. Erant filij Dei, pacifici & misericordes; Dei inquam, qui pacis & nō dissensionis est Deus. Quod si, inquit Apostolus, zelum animarum habetis, & contentiones sint in cordibus vestris, nolite gloriari, & mendaces esse aduersus veritatem. non est enim ista sapientia de sursum descendens; sed terrena, animalis, diabolica. vbi enim zelus & contentio, ibi inconstantia, & omne opus prauum. Imò verò quot inter Ethnicos fuerunt duces & victores, quos efferre victoria solet, hostibus non tantū clementes, sed & benefici, & victoriā de hostibus partā verè de se animoq; suo triūpharunt, pacemq; maiorem in animo, quàm in Republ. pepererunt. Tu verò si vis possidere animā tuā, nōne scis, quia in patientia sola id poteris? Cor enim fatui ebullit stultitiam, & derelinquit illum, ac velut arreptitius aut olla feruens agitur, & non agit. An turpe forsitan putas vincere in bono malum? exue igitur Christiani nomen, quorum est mala pati, & fortiter agere: noli sub Crucifixo militare, cui ille qui tibi iniuriam facit, eo ipso grauiorem infert, tangitque pupillam oculi eius. Et tamen parcit illi Dominus; non vult seruus: iudex; non vult reus: differt ille vindicare, & non est dedecus; tibi verò illud ex patientia venturum existimabis? Quid verò dices, si adspexeris in Saluatorem tuum, qui etiam pro inimicis mori dignatus est, & ante omnia quasi sui & amicorum oblitus, pro ijs cum lacrymis Deum Patrem rogauit? Apparuit caritas & benignitas Pastoris vestri, qui pro ouibus suis

Aðor. 7.

Gregor.

Iacob. 3.

1. Ioan. 3.

suis animam ponere dignatus est. Ervos, ait Apostolus eius, debetis pro fratribus animas ponere. Ecquis ergo Christianus exoptabit vindicari sese, humiliari aduersarium, membrum Christi affligi? Et cum ipse Dominus Iesus ob iniuriam tibi ut pupillæ oculi sui illatam vulneratus fuerit, tu vicissim eum atrociori vulnere iterum

Matth. 11.

percutere niteris. Clamat ille, & vulnera eius: Discite à me quia mitis sum & humilis corde. Nec verò iniuriam tibi fieri existima, si mitis, si humilis esse iubearis. Atten-

Matth. 5.

de ad Patrem tuum, qui in cælis est, qui pluit super iustos & iniustos, solem oriri facit super bonos & malos, ut tu diligas etiam inimicos tuos, benefacias his qui oderunt te, & ores pro persequentibus te. Si salutaueris, amaueris amicos tuos tantum, de iis benè senseris, locutus fueris, mercedem non habebis. Imò verò quis credat te amicum verè diligere ob leue beneficium, cognationem aut quid huiusmodi, quando Dominus Iesus, qui te dilexit ab æterno, sanguine suo redemit, quotidie paratus est eodem te alere, & æterna regna promittit, hoc tamen impetrare non potest, ut se diligas? Siquidem manifestè conuinceris, si à proximo alienus es, à Deo tuo auersus esse. Qui enim se dicit diligere Deum, ait discipulus eius, fratrem autem suum odio habet, mendax est, & veritas in eo non est.

1. Ioan. 4.

Homo. At diligo.

Matth. 7.

CHRISTVS. Cur ergo vitas alloquium, aspectum, familiaritatem, aut optas vltionem huiusmodi? an tali mēsurā à me amari cupis? Certum enim est & æternā lege fixum, Quā mensurā mensi fueritis, etiam remetietur vobis. Quid verò, precor, ex vltione, alienatione, obrectatione petis? gaudere de eo, quòd non impunè alter te læserit? quàm fœdum, quàm turpe pasci alieno malo, liuere bono, in vlcere, in sanguine fratris coheredis tui, pro quo animam ponere debueras, gloriari in sordibus alienis volutari! Sed age quantum istud gaudium? mixtum timore,

timore, perturbatione, periculo, ne alter vicem reddat. quantumvis enim minimus sit, acerrimè pungere potest, & vel linguæ gladio grauiùs, quàm quouis mucrone vulnerare. Et ecce si vis condonare, & amicus esse Dei, poteris & gaudere, & carior esse Deo & hominibus. Denique quis, precor, te ad vindictam impellit? nõne ego Dominus, ego, coram quo tremit totus orbis terrarum, prohibeo, & nullum cupio inter seruos meos, qui caritate plenus non sit? In hoc enim cognosci eos volui ab omnibus, si dilectionem haberet ad inuicem. Ad vindictam verò inuitat dæmon, vt per te adigat perditionis gladium in cor fratris tui. Promisi quòd vbi duo consentirent super terram, annuerem petitioni eorum, quamcumque postularent. Si igitur dissides à fratre tuo, vana erit oratio tua, imò in peccatum & vindictam prouocans. Sicut enim qui gladio ferit, gladio perit: ita qui odio fratrem lædit, ipse se interimit: qui in gratiam cum altero redire negat, sibi gratiæ meæ fontem obstruit.

HOMO. Iustus es, Domine, & rectum iudicium tuum, fac cum seruo tuo secundum misericordiam tuam. eni, propono in conspectu tuo proximum diligere, vt me ipsum; nec meminisse offensæ, quemadmodum rogo, vt non memineris iniquitatis meæ, vt proicias post tergum tuum omnia peccata mea.

ORATIO eadem quæ suprà.

Praxis ad inimicos diligendos.

PRIMÒ, considerare beneficia ab homine illo accepta, cui offensus es.

Secundò, præteritæ iniuriæ, etsi importunè sese offerentis, memoriam obliterare, & quoties ea recurrit, Deo iniuriam donare, actumque caritatis elicere.

Tertiò, alloqui illum, & eius consortium nullo pacto vitare: verbum enim dulce multiplicat amicos, & mitigat inimicos. Ecclesi. 6.

Quartò,

Prov. 25.

Quartò, beneficium illi aliquod conferre, tum pro illo orando, tum aliud corporale præstando. Si esurierit inimicus tuus, ciba illum, si sitit, da illi aquam bibere. prunas enim congregabis super caput eius, & Dominus reddet tibi. si id a te fieri accueat, clam per alios facito, & fac intelligat beneuolo te in eum esse animo.

IACVLATORIAE.

Eccli. 28.

Ibidem.

Ibidem.

Marc. 4.

1. Ioan. 3.

Gal. 6.

1. Ioan. 5.

Homo homini reſeruat iram, & à Domino quarit medelam.
Relinque proximo tuo nocenti te, & tunc deprecanti tibi peccata ſoluentur.

In hominem ſimilem ſibi non habet miſericordiam, & de peccatis ſuis deprecatur.

Quâ menſurâ menſi fueritis, remeſietur vobis.

In hoc cognouimus caritatem Dei, quoniam ille pro nobis animam ſuam poſuit, & nos debemus pro fratribus animas ponere.

Alter alterius onera portate, & ſic adimplebitis legem Chriſti.

Si quis dixerit, quoniam diligo Deum, & fratrem ſuum odit, mendax eſt.

CAPVT XX.

Dialogus de Contemplatione.

DESIDERIVS. Complura audiui de meditatione: velim de contemplatione aliquid edifferas.

A. CETA. Quod ex variorū lectione didici, ſine inuidia communicabo: at perſtringam: quid enim opus pluribus? habes fontes, D. Bonauenturam, vtrumque Dionyſium, Gerſonem, & eximios viros, P. Paz, P. Puente, P. Ariam, & alios; habes heroinam illam B. Tereſam. Itaque breuiter accipe quod flagitas. Obſerua autem Primò, vitæ ſpiritalis, & omnium præceptorum ac conſiliorum finem

finem esse, voluntatis ac intellectus, & potentiarum animæ nostræ cum Deo vnionem (ad hoc mortificatio instituitur, per orationem & meditationem anima eleuatur, & contemplatione suspenditur) id est, vt diligatur Deus ex toto corde, ex tota anima, ex totis viribus nostris. Vt autem id fiat, supra terrena, supra se eleuari mens debet, quod fit per meditationem; sed perfectiùs per contemplationem, quâ vti clariùs Deus & diuina videntur, ita ardentius amantur.

DESIDERIVS. Quomodo verò differt à meditatione contemplatio?

ASCETA. Meditatio, vt Augustinus, est occultæ veritatis inuestigatio. Etenim illa per varios discursus intellectus & ratiocinationis quærit æternam Veritatem, quam amplectatur & amet. Contemplatio verò est, vt idem Augustin. perspicuæ veritatis iucunda admiratio; vel, vt Richardus, perspicax & liber animi contuitus, vsquequaque diffusus, quâdo scilicet iam discursu veritas per meditationem inuenta, & oculis quasi subiecta est: sicut si vinum in vua consideratum, deinde ex vua expressum in vitro degustaretur, vt eleganter P. de Puente.

DESIDERIVS. Audiui aliquando eam simili hoc declarari, & perinde esse, ac si sit imago aliqua, vt eam cōsiderem, mihi proposita: duobus enim id posse fieri modis. Prior est, si singulas eius partes intentis oculis considerem, & examinem vmbrarum & colorum dispositionem, viuacitatem, proportionem, &c. Posterior est, si perspectâ imaginis huius excellentiâ & pulchritudine, oculos in eam defixos teneam, propter voluptatem, quam ex illa percipio; & magno amore in illam ferar; eoque maiore, quo clariùs eam intueor, quo minùs affectu rei alterius distrahor. vnde sequatur sollicitudo eam conseruandi, & zelus quiduis potius, quàm eam perdendi. Prior modus similis esse dicitur meditationi, posterior contemplationi.

Aug. lib. de Spiritu & anima.

*Lib. de contemplat.
Quid contemplatio.*

Earum diuersitas simili explicatur.

ASCE-

ASCETA. Aptum est simile: nam in contemplatione, anima in tranquilla ac simplici operatione intellectus, gaudet de veritate laboriosè per meditationem inuenta, vel per fidei lumen nobis manifestata. Multo autem suauius & facilius qui videt, res istas contemplatur, & earum præsentia afficitur, quàm cæcus; etiamsi Philosophicis & Theologicis disciplinis instructus, de iisdem differere, atque naturas explicare possit: sic etiam longè facilius & fructuosius circa eandem rem versatur contemplatio, quàm meditatio; quia vnico intuitu contemplans, postquam multa audiuit & intellexit, vt Regina Saba, considerat nostri Salomonis in gubernatione vniuersi, v.g. prudentiam: vel cum D. Bernardo, facit sibi fasciculum myrrhæ ex omnibus doloribus Domini sui. ac postquam singula considerauit & quesituit, vulneratus amore, dicit, Inueni quem diligit anima mea mea: & absque labore defixus hæret, velut auis post varios gyros, & sursum ac deorsum volatus, se in aëre librat, humanaque omnia despicit. Perspicuè hæc descripsisse R.P. Paz videtur, dicens: Contemplatio est liber, perspicax & certus intuitus Dei, ac rerum cælestium admirationem inferens, in amore desinens, atque ex amore procedens. Ille enim est principium & finis, vt diligamus omne & solum bonum nostrum Deum, & Dominum IESUM Christum Filium eius. Finis enim legis & contemplationis est dilectio. Neque enim, vt ait Dionysius Carthusianus, contemplatio induit nomen contemplatiuæ vitæ, nisi in quantum est actus à voluntate per caritatem formatus, & per dilectionem vltimo fini, meritoriè delectabiliterque vnitus: machina quippe mentis est, vis amoris; quæ dum hanc à mundo extrahit, vt Gregorius, in alta sustollit.

Gregor.

DESIDERIVS. Estne contemplatio ergo actus intellectus, cum dicatur esse intuitus, & spiritualis quædam visio, seu aspectus veritati fidei innixus?

ASCETA. Omnino: sicut enim oculo corporeo corporea

porea homo speculatur; sic intellectu mentis oculo cælestia, & super omnia, Deum contemplatur: estque contemplatio vitalis actio, & voluntaria, ac proinde nostra, diuinâ gratiâ cooperâre. nisi enim esset actio nostra, quomodo esset meritoria? Qui enim, ait rectè August. fecit te sine te, non saluabit te sine te.

DESIDERIVS. Vnde ergo contemplatio aliquando vocatur passio? & Dionysius dicit de sancto Hierotheo, eum diuina pati solitum?

*Dionys. cap.
2 de diuin.
nomin.*

ASCETA. Dicitur passio, cùm est perfecta, humano loquendi more. Primò, quia absque labore anima videt & amat dum contemplatur; Secundò, quia supra vires naturæ est contemplatio, & gratuitum sapientiæ Dei donum, atque supernaturale. Trahit enim Dominus animam post se; sed tamen voluntate ac intellectu; sequitur illa, & currit in odorem vnguentorum eius. Contemplatio enim, vt ait Bernard. fit ex condescensione Dei ad humanam naturam per gratiam, & exaltationem humanæ naturæ ad ipsum Verbum per amorem. Nemo autem diligere potest, nemo sequi aliquem, nisi eum nouerit, & videat. ignoti enim nulla cupido. Si ergo contemplatur quis; eleuatur mens eius in Deum, & eundem vnum libero intuitu videt; & amore suo, vt pondere, ferrur in eum, atque vt in centro & termino conquiescit. Primò itaque eleuatur mens in Deum, & ascendit cum Moyse in montem. Secundò, quasi suspensa est secundum voluntatem & intellectum; ita vt nihil aliud cogitet & velit, quàm Deum; & duobus his brachiis eum complectatur, vt dicat, Inueni eum, nec dimittam. Sed necesse est, Terriò, imaginationem etiam suspendi, vt distractio viretur. Quartiò, aliquando sensus externi ita alligantur, vt præsentia non aduertantur, & mentem nequeant perturbare. Denique etiam corpus in Sanctis attollitur. Post suspensionem, & attentam illam considerationem, admiratio sequitur, & denique dulcedo. Nota autem or-

Greg. lib. 31. Moralium. dinariam nostram cōtemplationem, vt Gregor. esse breuem, & instar saltus locustarum, quæ euolant, & mox in terram relabuntur, aut piscium qui exsiliunt, sed mox in aquam demerguntur: sic nos si Dei gratiâ mentem paulum attollimus, mox ad meditationes redire cogimur.

DESIDERIVS. Iam video, cur contemplatio dicatur requies.

ASCETA. Est verè, & complementum desideriorum, perfectio virtutum, præmium abnegationis, finis orationis, & ad assequendam mentis puritatem instrumentum efficacissimum: est beatitudo huius vitæ, atque ita appellatur: & quemadmodum ea quæ æterna est, in visione Dei, & amore; ita etiam hæc in vtroque suo modo consistit. Viatorum tamen imperfecta est, quâ inuisibilis Deus præsentiam suam sentire facit, mirâ ac suavi in anima operatione; colligitque omnes eius affectus in se vnum, & ad iucundam quietem perducit.

DESIDERIVS. Quem conatum ad hanc adhibere debeo?

August. ser. de tempore 43. ASCETA. Dispone te ad eam, ita vt te indignum arbitreris, humilitate, obedientiâ ac resignatione perfectâ, & roga instanter; reliquum verò diuinæ prouidentię committe. Non enim omnes, vt Gregor. ait, ad eam vocati, neque ad eam idonei, vt sunt naturaliter inquieti, etsi Deus naturam corrigere possit & perficere. Præstans enim, nec omnibus commune Dei donum est; atque, vt August. vna & sola est contemplatio, cui meritò omnia iustificatio-num merita, vniuersa virtutum studia postponuntur: comparatque eam auro & gemmis; quia ad caritatem in qua perfectio est, maximè accommodata.

DESIDERIVS. Non igitur suades, vt aspirem?

ASCETA. Suadeo: sed eâ, quâ te Dominus, per obedientiam, ducet viâ. Neque vnâ solùm esse noueris; nemo enim ab ea excluditur: imò simplices aptiores, vt cum illis sermocinetur Dominus. Prima via est, quâ quis abne-

gataniorem sui, & superbiam, & terrenorum affectum. In maleuolam enim animam non introibit sapientia. *vt Rom. 12.*
 que corpus quod corrumpitur aggrauat animam, & terrena cogitatio deprimit sensum multa cogitantem: ita nihil magis contemplationis flammam impedit, ac fumus terrenorum affectuum velut exhalationum nebula, vel pondus amoris reicreatæ, quo deorsum anima trahitur. Non inuenitur sapientia in terra suauiter viuentium absque mortificatione; abyssus dicit, Non est in me; & mare, id est occupati hominis cor, loquitur, Non est mecum. abscondita est ab oculis viuentium carnaliter, & volucres cæli, id est arrogantes, later.

Iob 28.

DESIDERIVS. O quis dabit mihi pennas, quas optabat Dauid, sicut columbæ, & volabo & requiescam! quomodo perueniam ad quietem quam ita deprædicas?

*Richard. in
Beniamin
min. p. 1. 6.
79.*

ASCETA. Per studium, vt Richardus, operis, per studium meditationis, per studium orationis, seu petitionis. Pete frequenter, non autem coneris, vt quidam, indiscretè & arroganter, nisi disponendo te humiliter per alia virtutum & meditationum ac orationum pia exercitia. Per studium ergo operis, maximè mortificationis, & exercitationis virtutum, obseruationis instituti, ad contemplationem perge. Prius enim meris ab appetitu gloriæ temporalis, atque ab omni carnalis concupiscentiæ delectatione tergendenda est, vt D. Gregorius, & tunc ad contemplationis aciem dirigenda. Hinc est, quòd in vitis SS. Patrum & monitis, creberrima mentio, monita ac præcepta de virtutibus reperiuntur; rara omnino, etiam à summis contemplatiuis, de contemplatione pfecta sunt; sed humilitatem, obedientiam, resignationem, munditiam cordis, commendabant. Beati enim mundo corde, *Matth. 5.*
 quoniã ipsi Deum, hîc, suo modo, per speculum in ængmate; & in æternum facie ad faciem, videbunt. Maximè dixi superbiam mortificandam; sola enim oratio humilientis se penetrat cælos. Et pro signo contemplatiui ha-

6. Moral.

*Bern. ferm
23. in Cant.*

be à D. Bonauentura, obedientiam, humilitatem, alios non iudicare, non se præferre; qui verè enim contemplatiui, sunt humillimi, norunt sapè, eos qui Martham agunt, Deo gratiores esse, quàm qui Mariam, etsi hæc per se optimam partem elegerit. Si humilis ergo fueris, & mortificatus, si non impediatur sensus egens (vt in ægro) cura pungens, vel culpa mordens, vel irruentium phantasmata cogitationum animam tuam non auocent, introducet te Rex in cubiculum suum.

DESIDERIVS. Sed quæ exercitia ad contemplationem iuuant ac disponunt, post mortificationem ac deuotionem?

ASCETA. Sedere ad pedes Christi, cum Maria, illum intueri, meditari, & crucifixum contemplari. Recordaris quem librum S. Bonauentura D. Thomæ ostenderit? Crucifixus is erat, quem contemplabatur ac lachrymis rigabat. Sanè Christus IESVS, & vitæ eius, ostium est; ipse via, veritas & vita.

DESIDERIVS. Sed videntur mihi pleriq; studiosi contemplationis, mox alijs omissis ad perfectionum diuinarum considerationem prouolare.

*Luca 14.
Cantic. 2.*

ASCETA. Planè ita accidit, maximè in imperitis & arrogantibus. Sedere eos expediret primò in nouissimo, donec audirent, Amice, ascende superiùs: donec illud, Surge, propera, amica mea, columba mea, & veni. Iam enim hiems transijt, vitiorum scilicet; & imber abiit, irruentium phantasmatum; flores virtutum apparuerunt in terra nostra. Valdè tamen vtile imprimis Dei præsentiam (cùm præcipuus contemplationis actus sit Dei visio, prout vbique præsens est) & diuinas perfectiones meditari; imò in singulis meditationibus ad eas digredi, & ascendere: item, beneficia Dei sapè grato animo reuoluere, & ex creaturarum rerum contemplatione ascendere ad Creatorem; maximè tamen, vt dixi, ex meditatione humanitatis Christi, B. Virginis, & Sanctorum. Attende autem
de

de perfectionibus diuinis, duobus modis posse institui meditationem.

Primus est, per affirmationes, affirmando de Deo perfectiones. Est enim Omnipotens, Sapiens, Iustus, Bonus; Creator, Gubernator, Protector, Pater, Magister, Medicus, Saluator; & quidquid præstantissimo patri & protectori tribui potest, huic meritò, & infinities ampliùs tribuendum. Et hic modus, pingendi arti similis, quâ semper aliquid additur, neque satis addi potest. Sic dicitur æternus Deus, cuius æternitas, etiam si assidue addas cogitatione centenis sæculis millena; adhuc longè omne spatium cogitabile superabit.

Secundus modus est, per negationes, quo visis perfectionibus creaturarum, easdem negamus de Deo, quia in creatis omnibus limitatae sunt, & imperfectionibus permixtae. v. g. dicimus non esse lucem, candorem, pulchritudinem, iucunditatem; sed quid his infinities excellentius in se omnino eminenter continere, & infinitum, immensum, incomprehensibilem, ineffabilem esse. Sic ait S. Bonauent. lib. de Paruo bono p. 3. Dicitur, Deus nō est quid sensibile, sed super sensibile; nec imaginabile, sed super imaginabile; nec intelligibile, sed super intelligibile; nec existens hoc vel illud, sed super omne ens. Hic modus eminentior est, & sculpendi arti assimilatur. Hæc verò quæ dicta sunt, ferè ad intellectum pertinent, & considerationem. Sed voluntatis longè potiores sunt partes. Illa enim cū in Deo omnia infinita sunt, nihil quæ in rebus humanis quod ei valeat comparari; optat infinitè eum amare, & humana omnia nihil estimat, & vt stercora arbitratur. Et ad hoc contemplatio dirigitur, vt anima Deo caritate vniatur, & ab omni inordinato creaturæ affectu abstrahatur. Varij autem sunt actus illius. Primus est: quo Deo suas perfectiones illas quas habet, gratularis, ex amore ardenti, & gaudes; adeò vt si qua illi deesset, & in tua foret manu, ei liberalissimè illam tribue-

res. Secundus, quo eas supra omnia æstimas, præ Deo omnia despicias, omnibusque, & tibi ipsi renuntias, ut vno illo fruaris, ut vni illi placeas, qui infinities pluris est omnibus quæ sunt, & in infinitis mundis esse possunt. Tertius actus est, quo deïderas illum amare summo affectu, ob eius perfectiones, quæ singulæ, & infinitæ sunt, & dignæ amore infinito, & optas omnium creaturarum affectus, quos in Deum effundere toto corde possis, eumque totis viribus amare. Quartus, quo gaudes de omnibus quæ Deus fecit. & facit, eo maximè nomine, quod ab illius manu & operâ illius procedant, qui potentissimus, sapientissimus & optimus est. Quintus, gaudere de honore & gloria, quâ eum afficiunt Angeli in cælo, & optare ut homines & creaturæ eum laudent & honorent. Sextus, desiderare Deo vniri per cognitionem, & amorem, & frui, & conquirere in illa vniõne, quâ est creaturæ omni coniunctus, per essentiam, præsentiam & potentiam.

Verùm perfectiones diuinæ non sunt sola contemplationis materia, sed etiam beneficia Dei, vitæ Christi mysteria, & verba illius in quibus verè spiritus & vita est, æternitatis consideratio & cælestis patriæ, magnus hic mundus visibilis, nos ipsi, qui paruus mundus appellamur; denique omnis materia meditationis, esse potest contemplationis, si ad amorem Dei referatur, eiusque præsentis visionem; qui est primus contemplationis actus.

DESIDERIVS. Scire velim, quomodo à creaturis ad Creatorem ascendere oporteat?

ASCERTA. Considera eas ut Dei opera, & illius imprimis præsentiam, potentiam, sapientiam, bonitatem in iis elucentem, cæterasque illius perfectiones, idque vel per affirmationes vel negationes, ut suprâ dictum: omnia enim quæ in iis bona, à Deo sunt ei que tribuenda, applicari etiam pleraque possunt Verbo incarnato, Christo Do-

Domino, quia bonis plerisque carere dignatus est propter nos, & malis affligi. Potes etiam celesti patriæ; ubi mala quæ hîc sunt, non erunt, & bona erunt in immensum maiora. Potes etiam ex omnibus gratitudinis arripere occasionem. nam si bona vides tibi data vel alijs, beneficia sunt tibi collata: si ex caritate de bonis proximi, ut tuis gaudeas; si mala conspicias, & ijs cares, magnum est etiam beneficium; si affligaris, remedium. In his autem actus fidei, spei, caritatis maximè, facilè exerceri possunt; quia quæ data sunt bona, certò credere debemus, quia à Deo ultro data sunt, & sperare debemus à tanta benignitate maiora. Tertio, cum ex solo amore ea largiatur, non possumus amantem non redamare. Intentionem puram, & perfectam resignati nem in omnibus ac zelum exercere, ad contemplationem medium est utilissimum. Vnde videmus zelatores animarum etiam per obedientiam à quiete impeditos, nihilominus maximos in contemplatione fuisse. Postremo aspirationibus ad Deum accedere efficax est modus ad perfectionem amoris & contemplationis. Vide D. Bonauent. in Itinerario mentis in Deum.

DESIDERIVS. Finiam si de his verbo vno aliquas suggereris ad contemplationem industria, si quidem molestum non est.

ASCETA. Prima, est in exercitijs constantia; Secunda, corporis quies, vnde dicitur Maria sedisse; Tertia, solitudo iuxta statum vitæ cuiusque: nam quæ vocationis suæ sunt negligere maximum est impedimentum. Sedebit (ait Propheta) solitarius, & tacebit, & leuabit se; Quarto, cura ut omnia decenter & secundum ordinem fiant, siue in interioribus, siue in exterioribus, siue in necessarijs corporis; Quinta, defectuum, maximè superbix, mortificatio; Sexta, instituti vigilans observatio; Septima est, libenter aliquid pati. Afflixit, ait Moyses, te penuria, & dedit tibi cibum manna. Iacob, cum eum persequeretur Esau, vidit Deum, Ioannes in exilio, Stephanus in lapida-

Thren. 3.

Deuter. 8.

trione; Octaua, gratiarum actio: sacrificium laudis honorificabit me; illic iter, quò ostēdam tibi salutare Dei; Nonna, præsētia omnia, ac si quis mortem ob oculos haberet, despicere. quod est quasi cum Abrahamo in ostio tabernaculi sedere, cū visione Angelorum à Domino honoratus est; Decima, instantia petitionis, & imploratio auxilij à Sanctis atque imprimis à Virgine matre; Undecima, zelus animarum; Duodecima, puritas intentionis; Decimatertia, frequens meditatio & oratio; Decimaquarta, præsētiæ Dei assidua exercitatio; Decimaquinta, zelus & caritas erga proximum.

DESIDERIVS. Ne quid in hoc genere prætermittatur, quod ad contemplationem pertinet: rogo, ut aliquid de affectiua oratione exponas; quid illa, & quomodo instituenda.

ASCETA. Oratio affectiua, vocatur ab affectu, qui hic magis exercetur. est enim, ut P. Paz ait, conuersatio, & cum Deo communicatio, quā anima reiectis discursibus intellectus, & multò magis auocatis sensibus ab externis rebus; & imaginatione à corporeis figuris distrahentibus; statuit se in Dei præsētia, & recordatione eius contenta, in affectus, maximè amoris, incumbit: non tamen eos tantum, sed fidei, spei, caritatis, gratiarum actionis, laudis, resignationis; & modò pro se, modò pro alijs postulat. Sed quid? Ad hanc si vocet Deus, vnctione suā præniet, & erudiet. P. de Puente tamen suadet, ut se in præsētia Dei colligat anima, & intueatur Deum, vterat ante mundi creationem, omnia replens, & in se solus sibi sufficiens, & se quasi solam cum eo & in eo, vti punctum, qui solus omnia est, & solus sufficit; & totum in eū suum trāsfundat amorem. Vel etiam, inquit, attendat, ut Deus seipsum diligit, & comprehendat, & de perfectionibus suis gaudeat; & in abyſſo sapientiæ bonitatisque posita, velut guttula in eum, toto affectu, conuertatur. Tertio, contemplari potest, quomodo Deus Pater seipsum cognoscens

Tract. 3. c. 5.
§. 2.

noscens, Filium generet; & vterque sese amantes, producant Spiritum sanctum, & Patris ac Filij & Spiritus sancti proprietates, infinitâ perfectione in se diuinâ personę habeant; & amoris affectus exercere erga tres personas, vt vnum sit cum illis: quandoquidem (ô infinita benignitas!) id sanctissima Trinitas non dedignatur.

Hoc exercitium vtilius est, ait P. Paz, si nimirum ad hoc vocetur anima, meditatione: quia amor à terrenis fortius animum attrahit, virtutes inserit; meliusque purgatur, vt D. Bonauent. igne amoris, quàm aqua lachrymarum, & facilius. Est enim meditatio, studiosa mentis inuestigatio, quā aliquid occultum euoluimus, vt affectum excitemus, & ad aliquod bonum sectandum, vel malum vitandum prouocemur: inuestigatio autem laborem habet. Verumtamen iste modus præsупponit ferè exercitationem meditationis, insignem mortificationem, puritatem cordis, fugam minimorum peccatorum, & virtutis vsum: quod etiā dirigi debet, non ad consolationem, gulam & vanitatem. Secundò, requirit, vt de contemplatione dictum, naturam quietam ac tranquillam, & Dei vocationem; de qua Magister spiritus iudicare potest, & quibus videre, quos impulsus ad hunc modum orandi sentiat, & ex directoris arbitrio eos sequi.

Neq; solum requirit meditationis vsum, sed ferè cum ea iungitur, & vti Propheta ad psaltem prophetabat, ita meditatio præmittitur, aut vitæ, aut mortis Christi, aut perfectionum diuinarum: & sic anima subleuatur ad affectiuam orationem: & initio quidem varijs affectibus insistit; postea, vni soli Deo, & eo diutius, quo prouectior est. Illusio, vt in omni oratione, cauenda est. Siquis enim se gulâ spirituali trahi, efferri superbîâ, aliosque se despiciere sentit; aut auocari à zelo, obedientia, resignatione, mortificatione assidua, ac denique ab ijs quæ instituti sui sunt; manifestè illuditur à dæmonio meridiano.

Bonauent.

4. Reg. 3.

DESIDERIVS. Velim, exemplo me doceas.

Tom. 3.

ASCETA. Pluribus P. Paz hæc tractantem consule; interea hæc accipe:

Pro exercitio & vsu actuali Fidei.

Aspice Dominum præsentem, vt primum ens, & causam omnium, & primam veritatem: & crede his, quæ de se, de Filio, &c. reuelauit; ac mentalibus verbis coram curia eius confitere; pete, vt tecum sit Christus; & opta, vt omnes eum cognoscant & ament.

Pro exercitio secundo Spei.

Aspice Deum præsentem, vt remuneratorem optimum, & auxiliatorem, & fontem omnis boni; & spera in eo ob merita Filij, te obtenturum gratiam necessariam, & media ad vitam æternam; ea quæ pete fiducialiter.

Ad exercitium tertium Amoris.

Aspice Deum præsentem, vt abyssum bonorum omnium, ex quo omnia; & adora eum, qui à te amari desiderat: & pete caritatem latissimam, vt omnia præcepta impleas, vt omnes eum ament; longissimam, optando æternum eum amare; altissimam, quâ omnia terrena despicias; profundissimam, quâ te infra omnes statuas. illi gratulare, & gaude de eius bono; & plenè resigna voluntatem tuam, vt in omnibus illius sanctissimæ conformis sit: vnias omnes potentias tuas illi, vt eum vnum cogites & ames.

DESIDERIVS. Quæ mihi explicasti, vix videor assequi posse, quia imaginatio in varia distracta quietem diuturnam non patitur.

Iob 38.

ASCETA. Non idèò tamen te affligas: variæ ad perfectionem viæ sunt. Quis scit enim, ait Iob, per quam viam spargitur lux? Hoc quæ certò tibi persuadeo: optimum genus

nus vnionis esse, quam spectat contemplatio, suam voluntatem in omnibus diuinæ conformare, zelo sincero animarum ardere, communicationem cum Deo habere perpetuam: nulla ferè hîc illusio, nulla propè fallacia. & sapè longè acceptior Deo huiusmodi anima, quàm quæ contemplationi dedita, in obedientia tarda, in mortificatione segnis, in zelo remissa. Hanc vnionem præ omnibus, & supra omnes, B. Teresa commendabat; & illusionem, vt in quiete & contemplatione frequentem, cauerent, monebat suas; quâ aliqui in zelo & obedientia deficiunt, vt se in quiete orationis, ex amore sui, & non Dei, delicijs spiritualibus oblectent. Neque enim Deus propter se laborantes defraudat dimisso; neque etiam eos, qui quietem volunt, cùm ab eo ad labores mittuntur, visitare dedignatur. Quod experientiâ se comperisse B. Teresa testatur: & putare se, tot obedientiæ ideò à dæmone strui insidias; quòd illa vna sit ad perfectionem, ac plenâ vnionem voluntatis nostræ cum diuina compendium.

Cap. 3.

Lib. de fundation. c. 5.

Oratio complectens omnes amoris affectus.

Domine Dominus noster, quàm admirabile est nomen tuum in vniuersa terra! Quis sicut Dominus Deus noster? non est similis tui in fortibus, Domine, non est secundum opera tua. Magnus es, Domine, & magnitudinis tuæ non est finis. Potenses, & nemo est qui resistere possit voluntati tuæ. Bonus es, & misericordie tuæ non est numerus. Tu solus Dominus: tu solus bonus: tu solus altissimus. Gaudeo de omnibus bonis tuis, ô gaudium meum, ô fons omnium bonorum. Magnificate Dominum omnes mecum; & exaltemus nomen eius in id ipsum. Quid est verò magnificare te, Domine, cuius magnitudini accedere nulla potest quantitas? etenim celum & terram implet: cuius pulchritudini, nulla venustas; bonitati, nulla pietas; potentia, nulla facultas? & si esset vlla, & in mea manu, in te transfunderem, quidquid esset; etiamsi creatura sin-

Psal. 8.

Psal. 112.

Psal. 85.

Psal. 88.

Psal. 33.

singula calum essent purissimis plenum spiritibus; etiamsi omnes arena mundi pulcherrimi; darem eos tibi, quia dignus es, quia amor meus es. Si haberem omnium mortalium, & Angelorum, & Sanctorum affectum, te eo complecterer, in te viuerem, mouerer & essem. Vtinam omnes miserorū pœnas ferre possem, vt exaltaretur nomen tuū, vt te omnes cognoscerent & amarent! brevis enim dolor & leuis illi, quem tuus amor inebriat, & in te transformat. O vita mea, ô suauitas summa, ô omne bonū, quàm coarctor donec perficias desiderium, quo desidero vehementer diligere te ex toto corde, ex tota anima, ex tota mente mea, ex totis viribus meis! vtinam vnus essem tecum, & tu mecum, idem per omnia velle meum & tuum! Ecce, Domine, qui scrutaris corda & renes, tu, spero, nosti, quia verè nihil volo extra te: & si omnia voluntati atque electioni meae tribueres, redderem tibi voluntatem meam, quam tibi millies consecro. tu enim Dominus, & ego seruus: tu sapientia, & ego infantia: tu bonitas, & ego malitia: tu abyssus bonorum, & ego malorum. Tu es Deus cordis mei, dulcedo mea, fortitudo mea, timor & amor meus. Ah, vtinam nihil nosses præter te, nihil cogitasset, nihil amasset præter te vnquam, ô occane omnium bonorum! fuisset quasi non essem de vtero translatus ad tumultum; mortuus essem, & vita mea abscondita cum Christo in te Deo meo.

Coloss. 3.

Exercitium Aspirationum, decurrendo per omnia creata, secundum tres vias.

PURGATIVA.

IN hac via dolor, pudor, & timor de peccatis petitur & excitatur.

ASPIRATIONES EX CONSIDERATIONE INFERNI.

Psalm. 93.

Nisi, quia Dominus adiuuit me, paulò minùs in inferno habitasset anima mea. Vtinam numquam te offendiſsem, Deus meus!

TERRÆ.

Psalm. 84.

Ecce Dominus dedit benignitatem, & terra ista dedit fructum suum: ego autem sicut terra deserta, inuia & inaquosa, protuli spinas, quibus te, eheu! amantissime IESV, coronauit.

BESTIA-

BESTIARVM.

Bestia, & vniversa pecora, serpentes, & volucres pennate, & omnia Psal. 148.
reptilia terra seruiunt tibi: & ego, sicut equus & mulus vixi, quibus
non est intellectus, Domine Deus meus.

HOMINVM.

Quanto prudentiores sunt filij saculi, filij lucis! quid non adinue- Lucæ 16.
nit eorum industria, vt falso beati sint? & ego adinueni plurima, vt
infelix, & tibi ingratus esse possem.

ANIMÆ.

Pretiosa fuisti in conspectu Dei mei, quia redempta es sanguine Fi-
lij eius, & ego te vendidi gratis. Heu mihi, quia multum incola facta Psal. 119.
es anima mea!

AQUÆ.

Eleuauerunt flumina vocem suam, eleuauerunt flumina fluctus Psalm. 9.
suos; sed aqua multa non potuerunt extinguere caritatem tuam, ô Ie- Cantic 3.
s v, quam, eheu! ego ingratus deserui, & in me extinxi.

AERIS.

Spiritus ubi vult, spirat; adspira, Domine, vt respirem in magnis Ioan. 3.
misericordiis tuis: & miserere mei, secundum multitudinem miseri-
cordia tua.

IGNIS.

Tu, Deus meus, ignis consumens es: & quomodo ego liquefcere non
potui, heu! Deus meus: sed in medio iaculorum ignitorum, id est, bene-
ficiorum tuorum, frigere?

CÆLI.

O magna domus Dei, quàm vilis mihi fuisti! quàm caro stetit Do-
mino meo, vt ego te, secum fruerer! & eheu! contempsi.

ANGELORVM.

Gaudium sit vobis, ô beati spiritus super me peccatore pœnitentiam
agente, & suspirante ad Dominum Deum nostrum.

ILLUMINATIVA.

Proficientium Adspirationes seruiunt adeptioni virtutum, &
vitiis extirpationi: quod assidue fieri expedit vt præterito-
rum peccatorum vanas imagines iis cogitationibus extin-
guamus.

ASPIRATIONES EX CONSIDERATIONE INFERNI.

Saluasti me ex ore leonis, & à cornibus unicornium humilitatem Psalm. 21.
meam, à rugientibus preparatis ad escam: de manu canis unicam Eccli. 1.
meam: & cu i seruiam, nisi tibi?

TERRÆ.

Terra super se venientem bibens imbrem, & non referens fructum,
male-

Pſalm. 83. *maledictio proxima est: ſed tu benedictionem dabis legiſlator, & ibo de virtute in virtutem.*

BESTIARVM.

Iſaiz 1. *Cognouit bos poſſeſſorem ſuum, & aſinus praſepe domini ſui, & ego te non cognoſcam, & nudum nudus ſequar?*

HOMINVM.

Pſalm. 147. *Non feciſti, Domine, taliter omni nationi, vt mihi, & iudicia tua*
Pſalm. 118. *non maniſeſtaſti eis. Idcirco iuraui, & ſtatuſi cuſtodire iudicia iuſti-*
tia tua.

ANIMÆ.

Pſalm. 102. *Benedic anima mea Domino, & omnia qua intra me ſunt, nomini ſancto eius: vt omnes dicant, Ecce ſemen, cui benedixit Dominus.*

AQVÆ.

Daniel. 3. *Benedicite aqua qua ſuper calos ſunt Domino: & vtinam augeant vos lachryma mea, vt poſſim ſuper niuem dealbari!*

AERIS.

Pſalm. 118. *Os meum aperui, & attraxi ſpiritus; quia in miſericordia tua ſperaui.*

IGNIS.

Suades mihi Domine, vt emam à te aurum ignitum: accende me Deus meus: & qui facis Angelos tuos ſpiritus; fac me miniſtrum tuum ignem vrentem.
Pſalm. 103.

CÆLI.

Pſalm. 101. *Opera manuum tuarum ſunt cali: ipſi peribunt, tu autem permanes: da mihi, Domine, conſtantiam, vt vitia mea, ſicut veſtimentum veteraſcant.*

ANGELORVM.

Pſalm. 90. *Angelis tuis mandaſti de me, vt cuſtodiant me in omnibus viis meis: fac, quaſo, vt in manibus portent me, ne ruruſus offendam ad lapides offenſionis pedem meum.*

VNITIVA.

Perfecti, aſpirationibus ferè iis vtuntur, quibus anima accenditur, & Deo vnitur amore.

ASPIRATIONES EX CONSIDERATIONE INFERNI.

Ardent hinc inimici tui, & ardebunt, vſque ad inferni nouiſſima; at ex nunc, fortis eris vt mors dilectio mea, & dura ſicut infernus amulatio.
ſant. 8.

TERRÆ.

Benedicat terra mea Dominum, & proferat fructum in tempore ſuo.

HOMINVM.

*Venite, & audite omnes qui timetis Deum, & narrabo vobis, Psalm. 65.
quanta fecerit Dominus anima mea. O quanta fecit! o solatium
meum, dulcis hospes, dulce refrigerium!*

BESTIARVM.

*Volatilia cali non serunt, neque nent; sed tu, Pater celestis, pascis Matth. 6.
illa: ita, spero, pascas me, o unica fiducia mea.*

ANIMÆ.

*Anima mea templum tuum est. Veni, Domine, & mansionem apud
me fac. Tu mane in me, & ego in te, ut unus tecum sim. o quando ar-
dentissime te diligam!*

AQUÆ.

*Anima mea sicut terra sine aqua tibi. Sitis illa ad te Deum fon- Psalm. 142.
tem viuum. quando veniam, & apparebo ante faciem tuam? quan- Psalm. 41.
do inebriabis me amore tuo?*

AERIS.

*O aeterna veritas, & vera caritas, & cara aternitas! tu es Deus
meus, tibi suspiro die ac nocte, inspira mihi spiraculum vite: tu enim
es vita mea.*

IGNIS.

*Ignem venisti mittere in terram, & nihil vis, nisi ut accendatur: Luc. 12.
vire me igne illo, ut liquecam amore tuo.*

CÆLI.

*Cali, enarrate gloriam Dei, cali calorum laudate Deum. O quan-
do aperiemini mihi, & inueniam eum, quem diligit anima mea?
quando eum diligam ex toto corde meo?*

ANGELORVM.

*O Angeli, qui semper videtis faciem Patris mei, quando veniam,
& satiabor, cum apparuerit gloria eius? attollite portas, principes, ve- Psalm. 23.
stras, & eleuamini porta aeternales, ut gustem, & videam quàm
suauis sit Dominus.*

Aspirationes ex Ludouico Blofio pro ardenti amore excitando.

O Dulcissime, secretissime, & presentissime sanctarum animarum
psonæ, IESV, accende, quaeso, cor meum vehementer in amorem
tui, ut diligam te ex penitissimis medullis anima mea, visita me mise-
ricorditer, & mentem meam reple gratiâ tuâ, quia te fontem suauis-
sime valde expetunt intima mea.

O Domine, mi IESV, ô ignis qui dulciter ardes, & secretè luceas, suauiterq; odoras, occupa totam regionem mentis meae, ô Rex regum, Rex aeterna gloria, ut te solum esuriam & sitiam, ad te suspirem, tuamq; mellifluam faciem videre astuenter concupiscam.

Transfige, amabilis IESV, medullas animae meae (suauissimo dilectionis telo, perfode cor meum igneâ caritate, ut prorsus langueat anima mea tui desiderio & amore, tota amore resoluatur, tota liquefiat, tota in te transeat.

Separa, Domine, mentem meam ab omnibus, quae sub calo sunt, ut ipsa tibi soli liberè intendat, tu solus illam, ut proprius possessor, inhabitas. Descendas in me suauissimus odor tuus, veniat mihi diuina caritatis tua inenarrabilis fragrantia, quae puras & sempiternas in me suscitet concupiscentias.

Da, Domine mi, ut ego totus dulcedine amoris tui plenus, totus flammâ caritatis succensus, diligam te ex toto corde meo, & ex intimis medullis precordiorum meorum: diligam te, ô suauis amator, diligam te, ô unica salus animae meae, diligam te quia prior dilexisti me.

Præsta, ô pulcherrime & deliciosissime sponse, IESV, ut magis magisq; te amem, & valida vis amoris tui funditus à me excutiat pòdus omnium terrenorum desideriorum, & indefinenter currere me faciat in odorem unguentorum tuorum.

Scribe, dilectissime mi, in tabula cordis mei dulcem memoriam tui, nullâ unquam memoriâ delendam, ut tui desiderio semper astuem, igne amoris tui totus ardeam, & diluuiò caritatis tuae penitus absorbeam.

O pelagus sancta dilectionis atque dulcedinis, Deus meus, veni & tribue te animae meae. Da ut integro corde, pleno desiderio, flammantiq; affectu iugiter aspirem ad te, & suauissimè respirem in te, te omni creatura præferam, propter te omni transitoria delectationi renunciem, ô vera & summa exultatio mea.

Pasce me, Domine, esurientem mendicum tuum iugi influxu diuinitatis tuae. hoc peto, hoc desidero, ut vehemens amor me totum penetret, repleat atque in se transmutet.

Da, benignissime Redemptor, ut dilectione tui totus ignescam, totus à me ipso deficiam, in te solo delecter, te solum sciam & sentiam. O supereffluens abyssus diuinitatis, trahere & immerge me in te, totam affectionem cordis mei ita abripe, & tibi applica, ut ipsa ad cetera omnia sit prorsus exanimis.

Te inuoco in animam meam, dulcis Deus, te inclamo, te grandi affectu requiro, ô suavis amœnitas intumorum amplexuum. Veni, dilecte mi, veni mihi exoptate, ut te intus possideam, & vlnis animae meae castissimè complectar.

O lux, quæ semper lucet & numquam offuscaris, illumina me, ô ignis, qui semper ardes, & numquam extingueris, accende me; ô amor, qui semper ferues, & numquam tepescis, absorbe me, & transmuta me in te.

O charum lumen oculorum meorum, IESU, expelle tenebras omnes à domicilio mentis meæ, meq; totum illustra splendore gratiæ tuæ. Intra in animam meam, ô dulcedo summa, ut dulcia sapiat, & in te solo gaudeat atque quiescat.

O dilecte mi, dilecte votorum meorum, concede, ut te inueniam, inuentumq; teneam, & brachiis spiritualibus artissime constringam. Te desidero & ad te anhele, ô beatitudo æterna. Utinam te mihi dones, & me tibi intimè vnias, atque mero diuinæ caritatis totum inebries!

Saucia, Domine, interioris hominis arcana iaculo tui amoris, & in medullas frigida torpentisque anima flammam salutarem immitte, ut ego inextinguibili caritatis ardore succensus, indicibiliq; suauitate spiritus tui penetratus, prorsus à me transferar in te.

Recipe me, ô floride sponse, IESU, inter amoris tui suauissimos amplexus, quibus constrictus spiritus meus gelidus, totus incalcescat. Aperi, Domine, aperi pulsanti, & orphanam animam in dilectionis tuæ conclaue admitte, tibiq; misericorditer eam coopula.

Hauriam ex te aquam viuam, ô fons mellitissime, quâ gustatâ nihil iam præter te sitiam. descendat in me celestis ros suauiflua caritatis tuæ; quo intimè imbutus, purus à terrenis cupiditatibus & adulterinis amoribus conseruetur.

O charorum omnium charissime, presta, ut ego totus tuus sim, & tu meus in æternum permaneam. Sic me tibi coniunge, sic tibi agglutina, ut numquam à te separari possim; sic te mihi prabe, sic communica, ut pacis tuæ dulcedine repletus iugiter in te castè deliciar.

O tranquilla & serena lux, Deus meus, animam meam tuis illustrationibus irradia. lunge me tibi viciniùs, ô sol rutilantissime, ut ad calorem virtutis tuæ flores & fructus sanctæ dilectionis progerminet terra cordis mei.

Eia, honor meus, gaudium meum, & sincera voluptas mea, IESU, tantam, queso, amoris tui flammam in penetralibus cordis mei excita, ut deinceps nihil sub sole eligam, nihil concupiscam præter te.

O Domine mi, calum, terra, & omnia quæ his continentur, si ne te sint mihi velut hibernum gelicidium. Tu solus me afficias,

Aaa

solus

solus latifices, tui solius amor in intimis viuat & ardeat, ac viuus atque ardens permaneat.

Illucesce mihi, ô lux fulgida & gratiosa, ut in meridiem clarissimam vertantur tenebra cecitatis meae. Exorna, ô bone IESV, animam meam illo caritatis decore, quem diligis; impingua eam illo amoris adipe, quo delectaris; aufer ab ea quidquid oculis tuis minus placet, & eam redde tibi per omnia placentem.

O ardor suauissime, vora & feliciter consume puluisculum substantia mea. Transfer me in te, ut ego indissolubili amoris glutino tibi adharens, viuam ex te, & tamquam lilium effloream coram te.

O venustissime atque vernantissime flos IESV, ô vita perennis, vita per quam visuo, sine qua morior; vita, per quam gaudeo, sine qua mæreo; vita dulcis & amabilis, concede ut tibi iungar, te amplectar, & suauis caritate soporatus in te, quies pax gratissima, sanctè obdormiam.

Da, Domine mi, ut anima mea virtute ardentis amoris conflata, & dulcedine penetrantis caritatis liquefacta, tota effluat in te. Posside eam, ô summum atque incommutabile bonum, posside eam, ut ipsa possideat te.

Confige, dilecte mi, & transuerbera cor meum acutissimo dilectionis telo, ut ego amore tui salubriter langueam, omnia transitoria mihi vilescant, tu solus placeas, solus incomparabili pulchritudine tuâ me latifices.

Pirue, dulcis IESV, odiosam maceriam tepida conuersationis meae, & presta, ut paratus ac liber inextinguibili feruore sequar te. Producastrum ardentissima dilectionis, quod me tam valido impetu impellat in te, ut spiritum non habeam extra te.

O unice cordis mei consolator IESV, demitte, quaeso, in me iugiter gratiarum tuarum stillicidia. Attrahere me potenti virtute amoris tui, mihiq; tua propitiationis osculum imprime; quo consignatus nihil posttrac diligam prater te; quia tu es tota possessio, totaq; beatitudo anima mea.

C A P V T XXI.

Exercitium de Conformitate voluntatis nostræ cum diuina; & Pace vera animi, ad quam omnis spiritalis exercitatio dirigitur, quâ celestis vitæ dulcedo delibatur.

Perfectionem consistere in amore, sæpè iam dictum: hic verò est, idem cum Deo velle ac nolle; & quisquis hoc consecutus est, vti Dauid, vir est secundum cor Dei: siquidem eiusmodi passionibus habet mortificatas, & in altissima pace conquiescit: factus est in pace locus eius, & habitatio eius in Sion. Immo conformitas ista voluntatis est methodus & compendium ad perfectionem, quâ se ad illam pertigisse Thauleri instructor respondit. Idem Cæsarius narrat de quodam miraculis claro; qui nullâ aliâ exercitatione quàm istâ perfectionem fuerat consecutus. Ex hac autem oritur pax; quæ est status animæ, quo neque aduersis, neque secundis inordinatè mouetur; sed in Deo fixa, quasi rerum vertice, vnum vndique Deum, & supra omnia; subtus se appetitum suum, omniaque cetera intuetur, & in diuina voluntate conquiescit. Nam sicut pax est inter eos, qui vnum volunt & nolunt; ita nobis cum Deo, si id, quod ipse vult, hoc vnum velimus. Qui hoc modo stat, vt ita dicam, ad perpendicularum, in Deo firmiter stare videtur. Vel pax est, cum sensus & voluntas, & omnia rationi parent, & ipsa Deo. Pax enim verè multa est diligentibus legem tuam, Domine. E contrario dicit impius: Pax, Pax; & non est pax impijs.

1. Reg. 13.

Psal. 75.

Blos in app.

c. 5.

l. 10. dial.

c. 6.

Psal. 118.

Ierem. 8.

*Meditatio de Pace animi , seu conformatione
voluntatis nostræ cum diuina, diuisa in
partes decem.*

PRÆLVDIVM I. erit, statuere se magnâ quiete corporis atque animi, quantum fieri potest, in conspectu Dei.

PRÆLVDIVM II. erit, petere à Domino hunc pretiosum animæ thesaurum, & veram in hac vita beatitudinem.

PARS I. Considera Primò, præterita, atque hæc infecta esse nō posse, & vide quâ pace fruereris si in iis te resignasses, quid te turbando lucratus sis; nihil certè, nisi vt malū maiori malo augeres, quod poteras pace seruata depellere, & tandem semper oportere & oportuisse ad resignationem, velut morbi curationem venire. Quanto satius venienti occursum fuisset malo citò adhibitâ medicinâ? Idem deinde cogita de præsentibus, & rursus de futuris, & in omnibus volūtatī Dei te cōforma: cū enim omnia ferè sint extra potestatem tuam, & vix quidquam prouidere possis, nihilq; ferè omnino nisi precibus præcauere; quomodo meliùs tibi consules, quàm te Deo committendo? præterita enim infecta, vt dixi, esse nequeunt, quibus futura connectuntur, incerto prorsus euentu. Sufficiat ergo dici malitia sua. Certè si consideres causarum naturalium ordinem, & operationem perpetuam, si mille reuolutiones, si attendas omnes homines esse liberos, eorumque mille machinationes, & dæmonum mille dolos; facilè videbis innumeris casibus omnia esse obnoxia, quorum certè nullum prouidere, nullum mutare possis. Quemadmodum autem in pluribus nō te torques, quia aliter fieri non posse cernis; sic etiam in paucis quæ te tangunt te resigna, & in voluntate Dei conquiesce, & ab ea
solum

solùm moueare. quod vt fiat, fac vt vndique libera sit voluntas tua, nulli affixa, nulli obnoxia. Eiusmodi erat in Paulo cōuerso in vas electionis, ita vt exclamaret, Domine, quid vis me facere! *Act. 9.*

Considera deinde, quanta sit ea felicitas. resignatione enim homo sibi Deum obligat, vt, dum in eius manu se suaq̃ue ponit, fiat vas ex luto illo quod sibi placuerit in gloriam; vel dum eius ductum sequi toto animo desiderat, vt dirigat in viā pacis & prosperitatis; vel dum se projicit in paternas eius manus, vt eum labi non permittat. Nihil ergo solliciti simus, sed sollicitudinem nostram *Philip. 4.* proijciamus in eum; tantum modò agamus, vt hoc momento vni Deo nostro placeamus, securi de omni successu. Quisquis hunc vel illum successum optat, anxie se turbationi frustra exponit: siquidem, vt dixi, incertum exitum omnia habent, ac proinde vix est quod speremus, vix est quod timeamus: quia sæpè quod timendum videtur, sperandum; & contrā. Perieramus sæpè nisi periissemus, infelices eramus nisi miseri fuissemus. filios Israël Deus per ambages deserti in terram sanctam duxit, quia sic expediebat: Iosephum ad regnum per aduersa, vti & Dauidem. Considera præterea Deum semper in omnibus habere propositum sibi finem suum, quem semper spectet & consequatur; consecuturos & nos, si omnino eius voluntati nostram accommodemus; alias non, aliàs quiescere mens, aut quod expedit consequi non potest. Quemadmodū igitur in tribulatione positi nos resignare debemus, ita ante omnem euentum nihil velle, nisi fieri Dei voluntatem. Nota tamen faciendum ex parte nostra, quod possumus, vt nautæ omnia ad nauigandum cōparant, ventum deinde à Deo præstolantur; is nouit quādo, & quis spirare debeat. post eam diligentiam de euentu nihil curandum: frustra enim foret, cū in nostra ille potestate non sit: & certo certiùs feliciorē quisque sit habiturus, si neglexerit, & voluntatem suam diuinæ ac-

commodarit. Et certè æquum est vt ipse potiùs qui Dominus est, suam voluntatem, quæ bona & sancta & vtilissima nobis est, sequatur, quàm nos nostra vota cæca. *3 Reg. 1.* Caue igitur Deum orare vel consulere vt Achab, & velle tibi responderi secundùm tuam scientiam & voluntatem: & si aliud fiat, vt ille Micheam malè accepit, sic Deo obmurmurare & Superioribus.

Considera Tertiò, decursus sæculorum, varioq; euentus rerum, non rarò nubilos ac tristes post serena principia, felices post tristitia, vt in Saule, Dauide, Salomone, &c. Secundò, decursum vitæ tuæ, & eadem observa: neque proinde certum quid designa nisi Dei fieri voluntatem. Tertiò, præsentem statum, & vide num quid in eo felicitatis, quàmque varijs modis infaustum exitum habere possit, & contrà. Hæc enim indifferentiam valdè iuuant. Considera denique, Deum initio creasse & ordinasse ad finem omnia in pondere, numero & mensura, atque ita Sapientiam æternam in minimis & maximis facere, vt ne arena quidem absque eius nutu moueatur. Cùm ergo neque cursum mundi, neque eius ordinem mutare possis, immò iustum & certum arbitreris, cur diffides Deo tuam gubernationem? *Rom. 11.* O altitudo diuitiarum sapientiæ & scientiæ Dei, quàm incomprehensibilia sunt iudicia eius, & inuestigabiles viæ eius!

Sap. 8. PARS II. Considera Quartò, Deum minima quæque æquè ac maxima ad finem suum ordinare, quem ipse solus nouerit. attingit enim à fine vsque ad finem fortiter, suauiterque omnia disponit, quodque decreuit aut facere aut permittere, certum id neminem posse impedire, quo minùs vti & quo voluit modo assequatur, & ad suum illum finem omnia etiam minima subordinata habere. Si ergo omnia ita sūt subordinata, ac minima etiam eius prouidentia subiacent ab æterno, si passeres nō sunt *Luc. 12.* in obliuione coram eo, si folium arboris temerè non *Matth. 10.* mouetur, si capilli omnes numerati, si sortes nullæ mittantur

rantur in vnam, nisi à Deo temperentur; omnia illius *Prou. 16.*
 prouidentiae assignanda sunt vt pacem habeamus, & re-
 signare nostram voluntatem debemus. quis enim restitit
 ei, & pacem habuit? Hinc Eremitæ ad pacem sic suos in- *Iob 9.*
 stituebant vt cogitarent Deum & se solos in mundo esse.
 Doroth. doct. 7. Hoc item magnum exercitium vocabat *Doroth.*
 à Dei manu omnia accipere. Nos, ait ille, vt canes lapi- *doct. 7.*
 dem mordemus, iacentem non aduertimus, nos cala-
 mo, penicillo artem, non artifici tribuimus. aliter certè
 Scriptura loquitur. Si erit malum, inquit, in ciuitate quod *Amos 3.*
 Dominus non fecerit; spiritus, inquit, malus arripiebat *1. Reg. 16.*
 Saul. Dominus dedit, Dominus abstulit. Esto igitur cum *Iob 1.*
 Dauid secundum cor Dei, faciendo omnes voluntates
 eius, neque queraris quòd hoc vel illo instrumento Deus *Act. 13.*
 vtatur ad opus suum faciendum: ipse est artifex, nouit
 quæ qualiaq; conueniant, & bona & mala, vita & mors, *Eccli 11.*
 paupertas & honestas à Deo sunt.

Confidera Quintò, Deum esse velut optimum ar-
 chitectum; scire proinde Primò, quo fine singula à se pro-
 uidentissimè & summa sapientia sint aptata & creata, &
 pro illo indidisse vires & robur animæ & corporis, virtutes
 & dona largiri. sicut enim in mundi machina partibus
 eius, & in corpore humano singulis membris suam men-
 suram, situm & vires tribuit, ita hominibus in Ecclesia, re-
 publica, Religione, vt corporis alicuius membris sua do-
 na ac talenta dispertitus est; sunt quæ iisdem tributa situs,
 forma, mensura, vires, iuxta proportionem operis, cui in-
 feri debent. quocirca si sapias ne emuleris in alijs dona Dei,
 sed charismata sola meliora, fidem, spem, caritatem, id-
 quæ animo tranquillo: omnia enim operatur vnus at-
 que idem spiritus, diuidens singulis prout vult. Fortè si
 plura talenta haberes, plus superbires, cum neque iam
 satis humilis sis, & altiora æmuleris. quid tunc fieret? Quid
 alta profuerunt Salomoni? meritò proinde dicebat Da-
 uid, Ab altitudine diei timebo, etenim cadunt à latere si- *Psalms 55.*

Psalm. 90.

nistro mille, & à dextris, id est in prosperitate, decem milia. Quid profuere Sauli & talenta & sacrificia? Inuidere certè dignitatem, honorem & opes, quid est aliud quàm inuidere, si verè inspicias, salutis ac bonæ mentis impedimenta, cupiditatis, incurabilis morbi fomenta, emplastra & medicamina? quæ si variare possint homines, beati putantur. nōne autem meliùs morbo carere & pharmacis? non sitire, quàm vario potu debere sitim extinguere? non famere, non indigere plerisque, ac proinde non appetere? vt adnascuntur Regio patrimonio onera ferè maiora, ita talenta dolor & afflictio comitantur. Denique quorsum petuntur ea sæpè talenta, quæ indifferentia ad Dei gloriam, & negligitur vera virtus & caritas, quā vnâ plus Deus honoratur quàm omnibus alijs? Accedit quòd haberi hæc & licitè expeti potest. quærentur autè ea ferè quibus vt plurimùm Deus inhonoratur, vt sunt scientia inflans, &c. Certè si omnino res inspicatur, non tam vt apud Deum, quàm homines magni simus, quærentur. Considera autem omnia membra, & partes vniuersi non eundem actum habere, neque, nisi omnia perturbentur, æquè præstantia esse posse, vti nec in pictura omnia æquè magna, propinqua, illuminata; ita etiam in alijs varietatè magnam, omnino necessariam & proportionem, quam solus ipse Deus optimus architectus nouit, vt etiam solus finem, ad quem singula à se ordinata sint ab æterno. Caue igitur arguere opera Dei, qui omnia in summo benè facit, magni, inquā, architecti, pictoris, Regis, ducis, medici, tu qui nec ideam nosti, nec finem operum eius nec consiliorum: & quoties fueris egressus, cogita tibi maximi artificis inspiciendam imaginem, summâ arte varijs locis inumbratam, & laudandam, non temerè iudicandam.

Considera Sextò, an non contentus esses, si omnia ex voluntate tua fierent, & tamen nōne illa essent improvida? sæpè etiam mala? Cur ergo nō potiùs gaudes quòd
Dei

Dei volũtas fiat, sancta, & bona & vtilissima? Nõne puteret dicere, Volo potius meam, quàm tuam fieri voluntatem, Deus meus, quia mihi vtiliorem esse iudico: nolo tibi Sapientia æterna, in ancipiti hac via electionem tribuere, nolo ductum tuum, quem mihi offers, sequi, etsi solum te nouerim & viæ & termini peritum.

PARS III. Considera Septimò, quàm gratum sit videre cælum & omnia tranquilla, ordinem cælorum, & cursum perpetuum; & similiter quantum ex pace respublica gaudium, quantam ex pace anima hauriat iucunditatem, & dic cum Propheta, In pace in idipsum dormiam & requiescam. Vide præterea, vt pacem omnia quærant. *Psalm. 4.*

quid enim seruus propriæ voluntatis ex ipsa sperat, volendo hoc agere, hoc omittere, hîc esse, inde abesse, nisi quietem? atqui hoc est inquietudinem quærere, & fontem eius augere. Tu igitur primò, vide quid vtile ad salutem tuam iudices, deinde adhibe diligentiam, Deo quæ pro gratia supplica; nullum verò successum aut exitum pete nisi certum, hoc est, fieri diuinam voluntatem, alioquin inquietus eris, & vt morbidus, versabis te assiduè frustra. Proprium, inquit Seneca, est nihil diu pati, mutationibus vt remedijs vt, inde peregrinationes suscipiuntur vagæ, & littora peragrantur, & modò mari se, modò terrâ expeditur: semper præsentibus infesta leuitas, semper se fugit homo, non effugit. si te ad studium reuocaueris, omne vitæ fastidium effugeris, nec noctem fieri optabis tædio lucis, nec tibi grauis eris, nec alijs superuacuis, multos in amicitiam attrahes, affluet ad te optimus quisque. Numquam enim quamuis obscura virtus latet, sed mittit suam signa, quisquis dignus fuerit, vestigijs eam colliget. *Seneca de tranquillitate animi.*

Considera Octauò, amorem pacis anxium eam ipsam turbare, & idem in alijs virtutibus: itaque etiam te resignabis in gradu virtutis & gloriæ, & tantum voles Dei voluntatem fieri, non quærere hoc vel illud non succedere. facilius impetrat filius sedulus, contentus ijs quæ patri

placent. Gravior mendicus, qui ubi scit clamorem suum exaudirum, in silentio patienter exspectat, quàm impatiens & indignabundus; faciendum tamen id quod possumus, & præmissæ, vt ita loquar, ponendæ, conclusio Deo relinquenda.

Psalm. 135.

Considera Nonò, num aliquid sit quod te à proposito & instituto tuo impediat, & simul an repelli possit, vel debeat; quòd si non possis, aut non debeas, licet videantur bona opera impediri, vide quàm tranquillo animo te esse oporteat & dicere cum Propheta, *Conserua me, Domine, quoniam speraui in te: dixi. Domino, Deus meus es tu, quoniam bonorum meorum non eges. Nec est quòd te angat offensa Dei. Deus bone, quanto plura & grauiora committuntur! Accedit si hoc emendare velis, primùm esse, vt te alieno non inqumes malo, perurbationi animæ succumbendo. Quid enim vult huiusmodi zelator? nonne pacem esse in animo proximi secum & cum Deo: turpe igitur pacem alteri optare, & suam negligere: hoc esset enim cadentem alium sustentare, aut alium è luto extrahere velle, & se ei immergere. Considera defectus animæ, vt corporis morbos; in illa enim oculum intellectus sæpè cæcum esse, & voluntatem prauam, magnam esse stultitiam; habitus malos quasi furorem. optimum tamen in aliena facta dictaque, nisi muneris ratio id exigat, non inquirere. si vltro in oculos incurrant, excusa, & in optimam partem accipe: saltem cogita sic illi visum esse, nec mirare si aliter ac tu sentiat. habet ille iudicium suum, oculos suos quibus se dirigere debet, & tuis non potest vti neque oculis, neque pedibus: & si humiliter de te sentias, illius etiam iudicio tuum postpones. Quæcumque autem vides corrigi non posse; sine animo pacato cum patrefamilias crescere vsque ad messem. sic Sancti, et si videant innumeros perire, nihil tamen commouentur, sed in Domino gaudent, quorum felicitatem anima pacata quàm proximè assequitur.*

PARS

PARS IV. Considera Decimò, eum qui Dei voluntatem semper fieri optat, posse in omnibus facere voluntatem suam, & sic semper latum esse: nihil enim illi potest resistere: quicumque autem suam fieri desiderat, cum quot sunt capita, totidem sint sententiæ, plurima illi aduersari: qui verò propriam non habet voluntatem, suam ipsius semperaget voluntatem. Dorotheus doctr. 8. Ma-
Dorotheus doctr. 8.
 nè igitur, vel ad horas singulas, vel quoties foras eundem, fac te opus curasse per architectum præstantissimum, & ire ut videas id quod certò scis esse omni ex parte perfectissimum, quod omnes sapientes laudent: neque enim tunc qui te omnino ignarum nosti, aliquid in eo, id est in mundo, arguere audebis, sed in Dei voluntate con-
 quiesces.

Considera Vndecimò, eum, qui pacem in re vlla humana quærit, non magis eam habere posse, quàm eâ satiari: non satiatur autem oculus visu, nec auris auditu, nec anima cum sit spiritalis, vllà re temporali; neque tamen refert an hæc res spiritalis, an temporalis, ut si desolatus & aridus petas anxie consolationem: nam & in hac opus est ad pacem magna resignatione. Imò sæpè per desolationem, id quod per consolationem quæri debet, meliùs obtinetur, nempe cognitio sui, & humilitas. vnde Propheta, Bonum mihi quia humiliasti me: adeò ut & D.
Psal. 118.
 Paulo stimulus carnis datus fuerit, ne reuelationum magnitudo illum extolleret. quocirca in omni euentu sic ratiocinare: Illud à Deo est, ergo optimum mihi, si voluntatem meam eius voluntati adiungam.
2. Cor. 12.

Considera Duodecimò, dominos fidelibus seruis ita omnia committere, ut ignorare velint quid in domo sua habeant, ut in Genesi de Iosephi domino Scriptura testatur. si sapias, tu qui seruus es, tibi omnino illud imitandum propone, neque quid de te futurum anxie quæras. hoc vnum sufficiat, quòd in manibus Domini benignissimi
Gen. 39.
 sint sortes nostræ. Huiusmodi eodem vultu semper in pace
Psal. 30.

pace summa vitam agunt; qui verò propriam voluntatem amant, stultorum instar, sicut luna mutantur, & mille subeunt vicissitudines atque affectus. è contrario resignatus vnum formale in omnibus intuetur, diuinam scilicet voluntatem, cetera materialia eum non afficiunt; non queritur de vilo, non miratur hoc vel illud accidisse præter suam voluntatem, cum diuersam à Deo nō habeat: non optat hunc vel illum euentum, sed solam Dei voluntatem, & in ea conquiescit. Ad quod August. hortatur dicens: Ama vnum bonum, in quo omnia sunt, & sufficit; scilicet Dei voluntatem, & quidquid eueniat ei tribue: atque adeò deprecare, ne id quod tibi vis obueniat præter eius voluntatem, vt filijs Israël carnes poscentibus.

PARS V. Considera Decimotertiò, Dominum se tibi quotidie offerre, & te crebrò omnia illi obtulisse, quocirca & gratitudinis nomine, & spontaneâ oblatione omnem tui curam esse deponendam. si enim id non feceris, furtum & sacrilegium committis. Dic igitur in omnibus; Fac, Domine, quod bonum est in oculis tuis: tua enim sunt omnia, & non est qui possit resistere voluntati tuæ. Quod cum ita sit, certo certiùs numquam voluntatem tuam exequi poteris, si illius voluntati repugnet; ac proinde frustra voles, si tecum misericorditer agat, aut certè miserè rues, si te permittat abire vagum, quocumque libuerit, quasi equum effrænem inter mille præcipitia.

Considera Decimoquartò, hanc pacem & animi tranquillitatem ante omnia opera habendam: perturbato enim animo nihil rectè fit, vt nec dissonis instrumentis musica, nec distortis mensuris opus laudabile, nec oculo perturbato, qui est intellectus, videri res in se potest: & cum tantum bonum pax sit, quidquid tolerandum est scias & pretium eius esse paruum, & potiùs paruum incommodum tolerandum, quàm pacem quæ exuperat omnem (vt Apostolus) sensum, amittendam. Numquam igitur margaritam istam, quæ omnia bona superat, in alterius

terius potestate esse permittit. Sed cum Apostolo dicitur
 Omnia mihi licent, sed ego sub nullius redigar potestate; *1. Cor. 6.*
 atque ita stabilis esto, vt, quamuis fractus illabatur orbis,
 impaudum feriant ruinæ: neque huius vel illius offensâ,
 etiamsi iustâ, moueare. Sed conare quod æquum est illi
 præstare, de cetero nulla tibi res pacem & tranquillita-
 tem eripiat, nihil dignum tanto impendio repositura.

Confidera Decimoquintò, illam haberi non posse ex
 rebus humanis, si vel vna desit: vt patet in Aman, qui sic *Esther 5.*
 aiebat, Et cum hæc omnia habeam, nihil me habere pu-
 to quamdiu videro Mardochæum sedentem ante fores
 regias. Expende & scito quietum te esse non posse, et-
 iamsi omnem omnino creaturam etiam angelicam ha-
 beres. Quid ergo frustra laboras hoc vel illud ab homine
 impetrare, seu fauorem, honorem, opes, & vnâ aliquâ te
 re exfatiare, si nec omnibus id potes? Ad quod pulchrè
 D. August. Creasti nos, Domine, ad te, & inquietum est
 cor nostrum donec requiescat in te. & in primis Sapia-
 tiæterna, Quid prodest homini si mundum vniuersum lu- *Matth. 16.*
 cretur, & animæ suæ detrimentum patiatur? Ratio autem
 prima est, quòd omnis creatura mille modis varietur, &
 maximè cor hominis, qui numquam in eodem statu per-
 manet. itaque anima, quæ creaturæ adhæret, perpetuò
 moueri & instabilis esse debet. Secunda, quòd creatura
 omnis, vtpote transitoria & terrena, spiritualem animam
 fatiare nequeat, non magis quàm sonus oculum, aut res
 visa auditum, aut lapides stomachum, aut ventus famem,
 vt consideratione XI. attigimus.

PARS VI. Confidera Decimosextò, quanto, & quàm
 longo labore paruum illud è creatura solatium haurien-
 dum & quærendum sit, idque quàm vile & caducum:
 vix enim acquisitum sæpè perditur, aut si non, timore per-
 dendi magis cruciat, quàm præsentia eius animus recre-
 tur. Accedit quòd sæpè irritò conatu illud assequi con-
 ris: deinde vide quomodo illam voluptatem ex pio ali-
 quo

quo exercitio & studio longè minore labore haurire posses. trahit enim sua quemque voluptas, siue ea ex honore, siue fauore, siue censibus quærat. Denique illa ipsa paruo labore ex Deo fonte & mari bonorum omnium, & vbique præsentia hauriri verissimè potest, ac certò, & quidem ita vt non possit ab inuito tolli. Certè si vel decimam partem temporis deuotioni dares, quantam huic vel illi rei, aut solatio vanto acquirendo, liquidiorẽ ex Deo voluptatem, æterno deinde præmio & gaudio cumulandam caperes: est enim ille vbique præsens, & vtrò se offert fons omnis boni, & solâ cogitatione ferè haberi potest. Id egregiè Spiritus sanctus confirmat: Quasi is qui arat & seminat, accede ad sapientiam, & sustine bonos fructus illius: in opere enim ipsius exiguum laborabis, & citò edes de generationibus illius. Et cap. 15. Videte oculis vestris, quia modicum laboraui, & inueni mihi multam requiem. Comparete vobis sine argento, & collum vestrum subiicite iugo, & suscipiat anima vestra disciplinam: in proximo est enim inuenire eam, scilicet sapientiam; cum qua illi omnia bona pariter venerant, quam regius Propheta tam dulcem senserat, vt diligeret eam super aurum & topazium, & gauderet sicut qui inuenit spolia multa: pax enim Dei exsuperat omnem sensum, & secura mens quasi iuge conuiuium.

Considera Decimoseptimò, neminem ex vlla creatura solatium verum capere posse, nisi anima eius in Dei voluntate quiescat; alioquin enim ægra est & inquieta. Quemadmodum autem ægram animam nihil iuuat, nec cantus, nec epulæ, nec honor, vt nec ægrius oculus lux, aut aurem quamuis suavis sonus, aut stomachum cibus: ita nec inquietam animam oblectat verè vllum creaturæ solatium. neque enim illud aliud, quàm alterius cupiditatẽ excitat: quæ si desit, ceteræ nihil profunt. Sic Aman, vt dixi, ait omnibus enumeratis bonis, Et cum hæc omnia habeam, nihil me habere puto, quamdiu videro

Mar-

*Eccli 6.**Psal. 118.**Esther 5.*

Mardocheum sedentem ante fores regias. & egregiè suo exemplo docet, quòd tribulatio & angustia sit in omnem animam operantis malum; gloria autem, honor & pax in omnem animam operantis bonum. Semper enim læta est talis anima, cum Dei & suam in omnibus videat compleri voluntatem. Collige igitur, ante omnia necesse esse, in Deo quærere quietem, etiam vt creatis benè vti & frui possis. id ergo statue primò curare, cum labor omnis aliàs sit inanis.

Confidera Decimo octauò, quàm stultum foret per ambages multas easque laboriosissimas hominem sitientem ire, & viam breuem ad fontem relinquere, maximè si tandem vt ad fontem perueniat sit illà redeundum, & ambages illæ non tantum viam longiorè faciant, sed etiam viam ad quam tandem necessariò veniendum, obstruant. Applica illud creaturæ, & eius amori, quo quis in illa sibi quærît quietem; neque enim anima in vlla re quietem nisi in Deo capere potest; ad illum redeundum est ipsi, vt columbæ ex arca demissæ, quia non inuenit vbi quiescat pes eius, nihilque aliud agit hoc vel illud præter vnam Dei voluntatem optando, quàm frustra quærere pacem per ambages multas & remoras cogitationum, verborum & actionum. Resignatus verò quiescit, neque anxius est quid agat; hoc an illud: vnam enim cogitat, & optat fieri Dei voluntatem, & respuit inanem voluptatem, eò quòd in Deo fonte omnis boni habeat semper eandem & vbique paratam.

Confidera Decimononò, creata, quæ cum absunt & desiderantur, sui nos desiderio cruciant, id magis factura cum præsentia aderunt. Magis tum spinæ illæ pungent, concupiscentiam accendent admissa in animum, & vt hostes nocebunt, cum solo adspectu & affectu & cogitatione nudâ percepta id fecerint. Nec mirum cum & cor hominis per hoc quòd creaturam inordinatè amat, vt sic loquar, collocetur extra centrum suum, quemadmodum
etiam

etiam illa creatura, quam petimus vt nobis iungatur vel afficiatur, similiter extra centrum suum trahitur aut locatur. Omnia enim, gloria, honor, amor, ad solum Deum referenda sunt, propter quem omnia creata sunt.

Luce 14.

Considera Vigesimo, illa Christi verba; Nisi quis renuntiet omnibus quæ possidet, non potest meus esse discipulus. Si ergo renuntiandum omnibus, saltem affectu; quomodo ea quæremus, quorum absentium affectum abnegare nequimus?

Considera Vigesimo primò, animam externis bonis vt nec meliorem posse esse, ita nec quietiorem, vt nec parietem album albedine longè positâ, nec corpus sanum multis sanis corporibus circumstantibus: malum enim & bonum, ex ipsa & in ipsa est.

PARS VIII. Considera Vigesimo secundò, nihil posse quietam animam reddere nisi id ab ea teneatur, & possidere illud se sciat, aut videat: atqui potissima bona mundi, vt fauor, amicitia, honor, laus numquam haberi certò possunt, aut saltem non diu. Hæc enim certè numquam homo scire potest se possidere. & vt vno momento id sciret, tamen incertum quàm diu, quia inscrutabile cor hominis, & in momenta mutatur. Et verò quid amicitia; fauor, honor, &c. sunt, nisi ferè nuda alterius de nobis cogitatio, ea que vt plurimum falsa? quia verè iudicare de homine solus Deus potest: sed quidquid sit, iudicium hominum de virtute mea & eius æstimatione, non me meliorem reddit, vt nec rem vllam; sed si tantum fecero vt sincerè Deo placeam, verè bonus ero, & quietem possidebo & felicitatem certam. tantus enim quisque est, quantus in oculis Dei.

Considera Vigesimo tertio, quanta vanitas rerum sit, cum ferè idem sit in creatis non necessarijs, habere & putare sese habere; & habuisse omnino idem, ac putare sese habuisse. Quod cum ita sit, quanto melius, vera & certa gaudia & quietem ex Deo haurire?

Con-

Cōsidera Vigesimoquartò, Deum omnia creasse propter se, ac proinde nihil optandum, quàm vt ad illius maximam gloriam omnia fiant & impendantur ac consumantur, velut in sacrificio, nullâ habitâ nostri ratione; cùm infinita eius dignitas, præstantia ac bonitas id planè exigat, vt omnia ad illius obsequium, honorem, gloriam, voluntatē referantur. cetera enim omnia nihil sunt, nullius pretij. itaq; roga Dominum, vt numquam aliquid secundum tuâ voluntatem faciat, aut fieri permittat, nullâ tui habeat rationē, sed sui. Quomodo enim, quādo Deus omnia fecit verbo virtutis sue, & sustentat, idque propter gloriam suam, & vt faciant voluntatem suam, & omnia sibi seruiant; vilissimus vermiculus cupiet non propter quod creata sunt, hæc & illa impendi; sed propter se, & secundum voluntatem suam, atque ita se Deo æquare volet & comparare? optabit (inquam) hoc vel illud fieri, hoc vel illo in loco & officio esse, quasi Deus non nouerit eos qui ad obsequium suum, in hoc vel illo loco, pulpito, officio, conuersatione magis sunt apti, eligere.

PARS IX. Considera Vigesimoquintò, pacem illam vel oblectationem, quam creatum aliquod retinendo, vel acquirendo habere vis, abnegando illud ex Dei amore & propter regnum cælorum, idque vnum quærendo, facilius longè comparari: dicit enim Veritas, *Quærite* *Matt. 6.* primùm regnum Dei, & hæc omnia adiicientur vobis. Si hoc verum est, quid stultius, quàm aliquid quærere ingenti labore frustra, quando quidem vnum regnum Dei, id est eius voluntatem, quærendo (quod facile) hæc vltro omnia adiicienda sint? Vnde alio loco: Nolite solliciti *Ibid.* esse, dicentes, Quid manducabimus, aut quid bibemus? hæc enim omnia Gentes inquirunt. considerate volucres cæli, & lilia agri, &c. Cùm ergo prohibeamur etiam de necessarijs solliciti esse, & nos, Religiosos maximè, sine omni cura esse oporteat, vt cæli volucres, quas Pater cælestis pascit; certè non curabit ille nos, si contra eius mādātum

curiosi ac solliciti fuerimus de illa re etiam necessaria: hoc enim meritò illi displicet, quasi aut nolit, aut non possit absque nobis sufficienter prouidere, postquam omnem curam nostri sibi sumpserit, & nos citoties commiserimus.

Considera Vigesimo sexto, quid sit facilius, contemnere omnia an acquirere, ut pacem inuenias. certè contemnere omnia. Id docent Eremitarum & monasteriorum millia, quæ idè repleta sunt, ut pax inueniretur, quam nec in regnis & delicijs quisquam inuenire potuit. Adeoque id notum ratione naturali, ut etiam idcirco Philosophi in paupertate veram animi beatitudinem constituerint: immò idcirco deos nudos, nihil habentes, & omnia largientes fingeant & pingebant. Sed quod certius est, Veritas ipsa in paupertate primam beatitudinem posuit, & abneganti aliquid, centuplum pro eo promisit: atque adeò, cum omnes inuitarit, ut ad se venirent & reficerentur, & discerent mites esse & humiles corde, ut requiem inuenirent animabus suis; addidit tamè: Nisi quis renuntiauerit omnibus quæ possidet, non potest meus esse discipulus. & rursus, Qui non odit patrem & matrem, &c. insuper & animam suam, non potest meus esse discipulus, nec per consequens quietem animæ suæ inuenire, nisi hoc & illud & omnia sincerè abnegauerit. quo enim quisque minùs terrenis amore adhæret, eaque tangit, eo faciliùs animus ad Deum, ad centrum suum euolat & omne gaudium.

Considera Vigesimo septimò, non tantum quietem animi abnegando omnia faciliùs impetrari, sed etiam (omitto quòd nobiliùs longè & eminentiùs in Deo ubique præsentis sint) ea ipsa quæ petimus. nonne enim ijs, qui Christi amore pauperes facti, quotidie centuplum dari videmus? nonne eos, qui honores sincerè fugiunt (quod necessariò etiam facit superbus, sed fictè & frustra) maiores & securiores adipisci? qui respuunt delicias amaras absti-

Matt. 5.

Matt. 11.

Luca 14.

Ibid.

absti-

abſtinentiæ & ſobrietatis munere quaſi perpetua agitare conuiuia, vt Cornarius ſua & multorum experienciâ declarat? Immo ſanitas, abſtinendo à ſuperfluis & noxijs, magis quàm omnibus medicamentis & delicijs acquiritur. Non aliter faciliùs quàm abnegando rem hanc N. pacem iruenies ſummum omnium bonorum, & non quaerendo. Neque dubitandi locus eſt cùm Veritas ipſa centuplum, abneganti propter ſe aliquid etiam in hoc mundo promiferit: cui diffidere omnino impium foret & ſacrilegium. *Matt. 19.*

PARS X. Conſidera Vigefimooctauò, an rem illam N. & ſimul ex ea pacem ac voluptatem veram (ed enim omnia diriguntur) cupias à Deo velut optimo parente? ita omnino exiſtimo; ſciò igitur illam te ab eo non impetraturum, niſi illam abnegaueris, contempſeris, abſque vlla anxietate optaris. Quemadmodum enim bonus *Luca 11.* pater filio non tantum non porrigit, ſed nec proponit pro pane lapidem, pro piſce ſcorpionem, pro pharmaco venenum, aut id quod morbum foueat, aut cultrum furioſo; ita neque Deus optimus maximus dabit nobis id cui videt nos affici immoderate. illud enim nos ab amore eius impediret, & ſummo bono, eoque magis, quo magis eſſet præſens: quod enim vel ſolâ cogitatione perceptum afficit, viſum, habitum, uſurpatum magis afficiet & nocebit, vti ſuprà dictum.

Conſidera Vigefimononò, hæc verba: Sapientia attingit à fine uſque ad finem fortiter, & diſponit omnia ſuauius; & attende, quomodo neutrum finem ſciamus, & quàm incertæ ideò ſint omnes prouidentiæ noſtræ. Præterea aduerte, vitam hanc quaſi ſcenam eſſe; in qua is laudatur ſolum, qui partes ſuas rectè agit, quales quales illæ ſint. Deinde cùm Dominus Ieſus dederit ſe tibi, & propter te abnegauerit voluntatem ſuam, etiamſi ſanctiſſima eſſet; & venerit non facere ſuam, ſed Patris; quanto amore etiam te reſignare debeas.

Serm. 38.

Confidera Trigesimò , omnes creaturas à summo deorsum, omnes parere suo modo diuinæ voluntati; & quàm id dignum sit; quàmq; indignum, coram omnibus vermiculum sese attollere. ideoque toto cordis affectu te diuinæ bonitati resigna, & cum singulis choris Sanctorum id ipsum facito, tuamque resignationem cum eorum perfectissima vni & coniunge; & voluntatem cum diuina, vt nihil velis, nisi quod Deus vult, & quia ille vult: immò nihil proflus velis, nec esse, nec viuere, sed vnum Dei beneplacitum & voluntatem. Talis conformatio, ait Bernardus, maritat animam cum Verbo. Talis amor per se sufficit; is per se placet, & propter se: ipse meritum, ipse præmium sibi, est amor: præter se, non requirit causam, non fructum: fructus eius, vsus eius. Amo, quia amo. Amo vt amem, &c.

O R A T I O.

August.

Omnne bonum, Deus meus, ô fons bonorum, vnicum & dulcissimum solatium, ac quies & centrum anima mea: creasti enim nos ad te, & inquietum est cor nostrum donec requiescat in te, & nihil querat aut optet extra te; nihil enim satiare aut prodesse homini potest, etiamsi vniuersum mundum lucretur, nec cognoscere vquam alicui datum est quid sibi expediat, quam viam eligat, in multiuio hoc vita nostra. quomodo igitur aut timebo aut optabo, dolebo vel gaudebo, nisi de te, & propter te: Laborarunt ab orbe condito mortales omnes, vt quietem inuenirent extra te, & non potuerunt, etiamsi vt Salomon aliqui nihil negassent oculis & concupiscentiis suis; nihil inuenerunt præter laborem & dolorem, momentaneam & amaram vanitatem. Putabat Nabuchodonosor ad momentum exultare cogitatione solâ, post multos labores, & secum dicebat: Nonne hæc est Babylon magna, quam edificaui in domum regni, & in robore fortitudinis meæ, & in gloria decoris mei? cumq; adhuc sermo esset in ore eius, ablatum est ab eo cor hominis, & cor fera datum est ei. Dicebat ille,

Daniel. 4.

le, Habes multa bona posita in annos plurimos, requiesce, &c. & Luc. 12.
 eâdem nocte repetita est ab ipso anima sua. Et vanitatem istam
 quis non est expertus in se? vbi vñquam quisquam inuenit requiẽ
 extra te? cur ergo demens ibi eam quæret, vbi nemo inuenit, nec
 inuenire potest, & stulto labore consumetur? & licet inuenire pos-
 sem, ecce audio & credo, quod nisi quis renuntiauerit omnibus
 quæ possidet, non potest esse tuus, ô IESV Christe, discipulus. Si ergo
 renuntiare, si relinquere, saltem affectu oportet, si tuus, vti volo,
 discipulus esse velim; quid quero, quod mox relinquendum? quid
 quero, quod inueniri nequit? & si posset, saltem affectu, & fortẽ
 etiam reipsâ morte adueniente relinquendum. Et si quietem qua-
 ro, ac nihil præterea, quomodo prudens eam quæram in eo quod
 querendo, & solo desiderio inquietat? Nam si res absens quietum
 me nõ finit, aut quia sperata, aut quia ablata; & præsentia crescit
 affectus & amor, ac proinde simul crescit inquietudo & timor; ecce
 quomodo incassum laborat, & vias ambulat verẽ difficiles omnes
 viri huius sæculi; & nihil cùm dormierunt, inueniunt in manibus
 suis? Cur ergo eos frustra imitabor, & requiem quæram in hono-
 re, fauore aut voluptate, cùm in te solo, etiam si omnia creata ha-
 berẽ, quiescere possim? Quod cùm ita sit, quæ insania in vna crea-
 tura illam querere vel in omnibus, cùm hoc nihil aliud sit, quàm
 per cogitationum, verborum & actionum ambages, sponte ire, &
 querere frustra, quod in te fonte omnis boni, qui vbique præsens es,
 in te, inquam, tantummodò habeo paratum, nisi illa impediant?
 & quid volo mihi in via Aegypti, vt bibam aquam turbidã, cùm
 te habeam, ô fons aquarum viuentium, abyssus inexhausta bono-
 rum omnium? Benignissime IESV, aspice in me, & miserere mei,
 nihil vltrà peto & quero extra te, cùm ex te, & in te, & per te sint
 omnia: tu es pax mea, & gaudium meum & gloriatio mea; nihil
 cupio aut volo præter te. quid enim sensualis voluptas, nisi absyn-
 thium propinat? quid est honor nisi momentanea & inanis & fe-
 rẽ falsa hominis de homine cogitatio & æstimatio? solus enim tu
 Deus scrutaris cor; neque quisquam maior est quàm sit in oculis
 tuis; neque cuiquam honos & gloria nisi tibi tribuenda: tu enim
 omnia operaris. vnde non est quodd sibi honorem vendicet homo,

Ierem. 2.

vanissimum honorem, externum bonum, quo non est quisquam
 melior futurus, neque magis satur quàm famelicus cibis longè à se
 positus. externum enim est, & in alterius semper manu, & in sin-
 gula momenta fragile & mutabile (vti etiam homo) difficillimum
 acquisitu, facillimum vt amittatur; quod nemo certò vñquam
 Ierem. 17. possedit, vel retinuit vno momento: inscrutabile enim est cor ho-
 minis, & quis cognoscat illud: diuitia verò quid sunt nisi terra vi-
 lis, quibus commoditates quidem multa parantur, sed spinosa, ad-
 eò vt beatissimus sit qui te imitatur, & quàm minimis indiget
 pharmacis & subsidjs alienis, quando nullius indigere in hac mi-
 sera vita non potest: Et verè miser est, qui omnia adhibet, vel sal-
 tem plurima, eaq; confectatur, cùm sola beatitudo sit & quies,
 plurimis & velle & posse carere. Numquam igitur deinceps opta-
 bo, vt hoc vel illud eueniat, sed vt tua solùm sanctissima voluntas
 fiat, quia sola utilis, iucunda & salutaris. Si meam illi coniunxe-
 ro, pacem inuenire potero. nemo enim ei restitit, & pacem habuit:
 cùm tu sis solus Dominus, & nos inutiles serui. Tu solus Rex po-
 tens & sapiens, qui ab aeterno à fine ad finem & prudentissimè &
 pro tua voluntate optimè omnia disposuisti; tu solus nosti finem,
 quem rebus omnibus statuisti; quomodo igitur media eligere po-
 tero vel audebo: tu optimus architectus solus ideam habes, & om-
 nia in pondere, numero & mensura ordinasti; quomodo igitur
 ego designare in animo meo aliquid possum, nisi imprudentissimè?
 quemadmodum enim in mundo partes eius ordinasti, & in cor-
 pore nostro membra, & vtrisque vires, & formam, & situm ad
 finem propositum tribuisti: ita facis, Deus meus, & fecisti de no-
 bis, vt edifices Ierusalem caelestem, ad quam lapides viuì coapta-
 mur. Fac, quaeso, sicut optimè conuenire nosti, & quibus expediat
 instrumentis, & quadra, & poli, & colloca, ô Sapientia aeterna:
 omnem sollicitudinem meam in te projicio, & hoc vñum opto, vt
 fiat de me sanctissima voluntas tua; successum non hunc vel illum
 voueo in quauis re, sed sanctissimam fieri voluntatem tuam; imò
 nec opto scire, quia tibi scio esse curam de me, neque scientiam
 Sap. 8. meam utilem esse, cùm incerta sint omnes prouidentia nostra, &
 tu solus attingas à fine vsque ad finem, suauiterq; omnia dispo-
 nas,

nas, nec sit qui possit resistere voluntati tua. Certò etiam noui eo te maiorem mei curam suscepturum, quo ego minùs de me anxius fuero, & magis paterna cura confisus altiora me non quaesiero, sed ea quæ sunt placita coram te. Quòd si tunc gauderem, cum omnia pro arbitrio facere possem, & viam quamlibet cæcus, miser & insipiens deligere; quanto magis gaudere debeo, quòd tu, Sapientia æterna, digneris curam de me suscipere? tamquam si solus essem in vniuerso? Absit ergo vt vnquam aliquid cupiam præter tuam sanctissimam fieri voluntatem. meam illi consecraui & consecro; vt inueniat in te dulcissimam, suauissimam & securissimam pacem, quæ exsuperat omnem sensum, cui nihil comparari potest, nullum eius pretium inueniri: sic enim homo incipit gustare beatitudinem, & videre quàm suauis sis, ô Domine, & quòd voluntas tua super mel & fauum, & super aurum & topazium, & tu super omnia, & in te omnia, & extra te nihil, ô Deus meus, qui es benedictus in sæcula.

Alia breuior.

Agnosco, Domine, quòd in pace factus sit locus tuus; cupio igitur illam seruare, vt tu, Domine mi, mecum maneat, & in te quiescat anima mea, & delectetur in te; nihil scio est, quod paci illi quæ in te est, comparari valeat, & plusquam iuge conuiuium est securum cor quod inhabitas. Absit ergo, Domine mi, vt ista res me turbet, N. hanc petam, de illa doleam. quæ enim adferre vllum mihi bonum potest, si pace caream? & cur præ sordibus his, summum hominis bonum perdam, pacem inquam animæ meæ? habeant sibi omnia quæ volunt huius sæculi filij, ego autem in te gaudebo, & exultabo in Deo IESV meo. & tu dispulsa nube, lucidissimo radio vultus tui facies vt tu solus sis amabilis anima meæ. Numquid, et si omnia haberem, omnia abijcere deberem, si bonum meum vnicum tollerent, pacem meam? equidem idèo petuntur & queruntur, vt quiescat cor nostrum; sed inquietum semper erit donec in te solo quiescat. Cur ergo non respuam, quòd dum longè est, & extra muros est, velut hostis, aspectu solo & af-

fectu turbat animam meam. Absit, Domine, auerte hoc à seruo tuo, cuius certe pax & omne bonum est in voluntate tua con- quiescere. tu nosti quid expediat gloria nominis tui, & mea saluti: & quidquid eueniat, nihil, scio, fit, non capillus de capite cadit, non arena mouetur absque prouidentia tua: vnde nec mirari possum, nec vnquam queri. facta enim est & fiet voluntas tua & mea, quia toties eam obtuli, & eam offero iterum, & humillimè rogo, vt nunquam, ô Sapientia eterna, quidquam secundum meam voluntatem facias, aut fieri permittas. renuntiavi illi & renuntio, quia ita tibi placet, vt fiat mihi secundum beneplacitum tuum, & sic velut in tranquillo nauigans, ad te, Domine, & portum securissimum aternitatis peruenire valeam. Amen.

Praxis ad acquirendam conformitatem voluntatis nostræ cum diuina, & pacem.

1. Thron.

Isaia 57.

Matth. II.

Primò, peccata, etiam minima, diligenter vitæ, & leges serua. Peccatum enim, vt ait Ierem. peccauit Ierusalem, propterea instabilis facta est. Omne enim peccatum instabilitatem adfert, & turbationem & confusionem; vt patet in Caim, Adamo; atq; adeò impius, quasi mare feruens, quod quiescere non potest. Vtinam, ait Dominus, attendisses mandata mea, facta fuisset sicut flumen pax tua: at verò non est pax impiis.

Secundò, fortiter supera te, & abstine ab iis quæ pacem turbant. Si enim hosti resistis, & tranquillitatem reipublicæ turbanti; cur non omnibus viribus niteris, pacis animi impedi- menta tollere?

Tertiò, pius esto erga proximum; nec facile iudica, aut durè habeas. Discite enim, inquit Christus Iesus, à me, quia mitis sum, & humilis corde, & inuenietis requiem animabus vestris.

Quartò, constanter tua age, & nihil nisi consultò, maturè ac temperatè. tum enim, neque virgere conscientia, neque angere nos pœnitudo, neque arguere meritò quisquam potest. Præcipientia omnis ferè harmoniam animæ perturbat.

Quintò, ex omnibus aliquid collige ad pietatem & virtutem: hinc enim magna pax, cum nihil propè in animam ingrediatur, quod eam turbet: quæ enim extra nos, nihil nos mouere possunt. quod diligenter expende.

Sextò,

Sextò, diuinam providentiam & presentiam in omnibus considera, Deoque omnia tribue. idque est præcipuum omnium, & solidissimum, & à sanctis Patribus laudatissimum & vñtatissimum iisdem exercitium.

Septimò, aliorum iudicia contemne. Nihil enim ita pacem turbat, atque illa vereri, ad ea se fingere, vitamque instituere.

Octauò, nihil spera, aut time in transitoriis; sed resignatus esto; & magna cum libertate in voluntate Dei conquiesce, nec cum transitoriis mutabere. Etenim cum semper Dei voluntas sit effectum suum habitura, quidquid fiat, seu prospera, seu aduersa, tibi certò bona erunt, & semper habebis quod optas; tibi que diligenti Deum, omnia cooperabuntur in bonum.

Nonò, sæpè te resigna. quod hac iaculator: à, vel simili etiam fieri potest: O suauissima pax, & gaudium meum, Deus meus: ex quo, & in quo, & per quem sunt omnia: nihil cupio extra te, quia inquietum est cor nostrum, donec requiescat in te: fiat in omnibus sanctissima voluntas tua. vel, Fiat voluntas tua sicut in cælo, & in terra. Quam petitionem trecenties sexagies quinque aliquando beata illa Gertrudis pientissimè pronuntiabat, *Elof.* Deoque gratissimum esse sacrificium intelligebat. Vt autem id vtilius fiat, repetam, quod terigi superius: non sufficere, si in genere nos resignemus; sed oportere ad particularia descendere; & in singulis, tamquam si necesse foret, vel Deus à nobis peteret, nos resignare; & tamdiu nos exercere, donec iidem simus in prosperis & aduersis, & vultus noster non amplius in diuersa mutetur. Imò, omne gaudium existimemus, cum in tentationes varias inciderimus.

Praxis huius esse poterit: Si fingamus iam hac vel illà re carèdum, consolatione, honore, scientià, commodis, quibus alii abundant; imò virtutibus & glorià in cælo; hanc vel illam tentationem, aut iniuriam tolerandam; huc vel illuc migrandum; sanitatem auferendam, opes, honores, famam, amicitiam, recreationem, vel etiam vitam. & mox, non quasi ab homine auferenda sint, sed quasi à Deo repetenda, illi libentissimè, totoque animo resignare voluntatem nostram magno amoris affectu. Neque cessandum, donec, vt B. P. N. cum de electione agit, monet, sentiamus indifferentiam, & resignationem perfectam. Quam expressit beata Gertrudis, iussa eligere à Domino sanitatem aut mortem; respondit enim: Vehementissimè desidero, vt non facias voluntatem meam. Et hoc pacto in altissima pace ac gaudio permanere consueuerat. Nam qui in Deo scit se habere omnia, cætera que nihil æstimat, & attendit voluntatem eius esse optimā

& vtilissimā, omnino conquiescit. vnde Thom. à Kempis lib. i. c. 30. cui omnia vnū sunt, & omnia ad vnū trahit, & omnia in vno videt, potest stabilis esse corde, & in Deo pacificus permanere.

Secundò, percurrere aliquando, vt initio anni, mensis, hebdomada, semel atque iterum per diem, imò ad singulas horas, breuiter quæ accidunt in mundo tristia, atque tibi accidere etiam posse attende, atque voluntati Dei te resigna. & quæcumque in mundo fiunt contemplare, vt ab illo facta aut permissa; persæpe hoc modo, maximè dum oras, in hac auri fodina, te exerce. Neque tantum aduersa prouideas, verum etiam prospera; & vide an, si tibi obtingerent, ineptā lætitiā de statu mentis deiicere. Nam vt Poëta: Si vis lumine claro cernere verum, tramitem recto carpere callem; gaudia pelle, pelle timorem, spemque fugato, nec dolor adsit. Nubila mens est, vincitaque franis, hæc vbi regnant.

Tertiò, considera omnes actiones & tempora (vt sit in omni Ordine) esse rite distributa, & serua, quemadmodum vides bonos Religiosos facititare, & fabros omnes mensuras ad amussim obseruare; tempore enim omnia metiri conuenit. Neque hoc solum; cura insuper tua ordine recto & bono posita esse etiam minima, cum numeris, vt facile reponantur, vti docent Notarij & procuratores. Statue ergo quid, & quomodo hoc mense, septimanā, die, horā agere velis, quoad fieri potest: ita enim in omni disciplina & iudiciis fieri cernis. Anxietas tamen abesse debet. Hinc B. Teresa nolebat taxam fieri aut dari, vt illa tolleretur. Et sanè cū nescias, quando vocandus sis a Domino, in id quod præsens est, tantum te incumbere oportet, & id curare quoad fieri poterit, vt nihil fortuitò facias. non enim decet sapientē dicere, Non cogitabā, nō filiū patris æterni, qui ab æterno omnia ordinauit & disposuit, à fine vsque ad finem. Atque adeò prudentis est, quid dicat, bis ad limam reuocare, antequam ad linguam. & meritò, cum & de otioso verbo sit reddenda ratio; & videamus tāto studio phrasas & loquendi modos elegantiores ab hominibus conquiri, quanto igitur magis prouidendū, quomodo Christianē, & vt filij Dei loquamur? Insuper cogitationes ordinare, certasq; admittere, atque imaginationē figere tantum in re vtili suadent spirituales magistri, ideoque communicationem cum Deo, & præsentiam eius adeò commēdant. Et quidem S. Bernardus & Hugo Lincolnienfis, eximii hac in re fuere. quippe qui extra oratorium curas manere tam facile iubebant, atque Abraham famulos & asinos ad pedem montis, dum sacrificium compleffet, opperiri.

Quartò, modestum & quietum te serua & extra turbas: siquidē corporis quies & solitudo ad animi quietem plurimum facit. vti
enim

enim vase moto turbatur aqua; ita corpore agitato anima quietem retinere vix potest.

Quintò, ad pacem etiam conducit alterius quietem non turbare, vt Albert. c. 13. de pace.

Sextò, alienis rebus ac muneribus nequaquam immisce, neque de iis percunctare, aut sermones temerè admitte, maxime de nouis, quòd spe metuque animum agitare ista solita sint imperfectorum.

Septimò, similiter respectus humanos contemne, cogitando te Deo seruire, & ab eo mercedem expectare & non ab hominibus.

Octauò, mutatio locorum crebra, exercitiorum, librorum, quieti obsunt plurimùm, vti & citò credere: quia is leuis est corde, Sapiētis testimonio. deniq; quādiu irresignatus eris, quietē non inuenies.

IACVLATORIÆ.

Calicem, quē dedit mihi Pater, non vis, ò anima mea, vt bibā illū? Ioan. 18.
Non haberes (ò aduersitas) potestatem aduersum me ullam, nisi tibi datum esset de super. Ioan. 19.

Domine, vt scuto bonæ voluntatis tuæ coronasti nos.

Psal. 5.

Qui tetigerit vos, tangis pupillam oculi mei.

Zach. 2.

Domine, quid vis me facere?

Act. 9.

Omni sollicitudinem vestram projicite in eum, quoniam ipsi est cura de vobis. I. Pet. 5.

C A P V T X X I I.

De Notis salutis, quibus in tanta incertitudine cognoscere quis potest in vitæ ac viæ termino an rectam tenuerit.

Hortatur nos Apostolus Petrus, vt per bona opera incertam faciamus vocationem nostrā: nihil enim maiori studio faciendum est; nihil maiori solatio cognoscitur in tanta salutis incertitudine. idcirco post longam tractationem variorum exercitiorum, post decursas vias tres, vitæque piæ nauigationem, portus securi atque salutis signa iuuat considerare.

Primum est, fides viuæ & simplex: quā corde creditur ad iusti-

Rom. 10.

iusti-

iustitiam, & ore fit confessio ad salutem : hac credidit Abraham Deo, & reputatum est ei ad iustitiam, & salui facti sunt cum Noë, quotquot testimonio fidei probati inuenti sunt. Indicium huius est, zelus eam propagandi, abhorrere hæresim, in credendo simplicitatem seruare, & eam quam lingua loquitur, vita ac moribus fateri.

Secundum, madata Dei constanter obseruare, & grauiora peccata deuitare, ac sincerè cū Deo ambulare: scri-

Matth. 19. ptū est enim: Si vis ad vitā ingredi, serua mandata, & si cor
1. Ioan. 3. nostrū nō reprehenderit nos, fiduciā habemus ad Deū, &

Ioan. 14. quidquid petierimus, accipiemus ab eo: caritas enim hu-
iussimodi certissimum habet signū iuxta id æternæ Verita-

Isaia 38. tis: Qui habet mandata mea, & seruat ea, hic est qui diligit
me. Dixi sincerè ambulare signum esse: ideò enim Dauid

Iob 36. dicitur fuisse vir secundum cor Dei: ideò acceptus illi fuit
Psal. 84. Ezechias, & exaudita illius oratio, cū sic oraret: Obsecro,
Domine, memento, quæso, quomodo ambulauerim cor-
rā te in veritate. Ideò odibiles Deo Pharisei, & publicanis
ac meretricibus postpositi in regno cælorum: simulator
enim & callidus prouocant iram Dei, & contrā, vbi veri-
tas de terra orta est, iustitia de cælo prospicit.

Tertium est, tribulatio: si enim oportuit Christum pati,

Luca 24. & ita intrare in gloriā suā: & quia acceptus Deo erat To-
Tob. 12. bias, necesse fuit vt tētatio probaret eum; & si per multas
Act. 13. tribulationes oportet nos intrare in regnum Dei; beati v-

Rom. 8. tique erimus cum SS. Martyribus, si cōpatimur Christo &
Sanctis, vt & conglorificemur. Tribulatio enim patientiā

Rom. 5. operatur, patiētia probationem, probatio spem, spes au-

Hebr. 12. tem non confundit. Id D. Paulus egregio simili exprimit,

Apo. 3. dicēs Deum flagellare omnem filium, quem recipit: imò
ipse Dominus: Ego, quos amo, arguo & castigo. Impossi-

bile est, ait Hieron. vt præsētibz quis & futuris fruatur
bonis, vt hīc ventrē & illic mentem impleat, & de deliciis
transeat ad delicias. Hilarius de Trinitate, Proprium hoc,
ait, Ecclesię est, vt tū vincat, cū lēditur; tū intelligat, cū
argui-

arguitur; tū obtineat, cū deferitur. Sanctus autē Ambr. in hāc sententiā sic ait: Vt vinea dū ligatur, erigitur, & recisa nō minuitur, sed augetur; ita sācta plebs dū ligatur, erigitur; dū humiliatur, attollitur; dū rescinditur, coronatur.

Quartum est, eleēmosynā addictū esse. vni enim misericordiarū Dei filij dicuntur. imò Nyssen: Si, inquit, misericordis appellatio Deum decet, ad quid aliud te sermo Christi hortatur, nisi vt Deus fias, tamquam insignitus propriā notā deitatis? Subscribit Nazianz. dicitque, Nihil tam diuinū homo habet, quā de aliis benē mereri. Beati ergo misericordes, quia misericordiā consequētur. Quod confirmat Propheta Dauid: Beatus, inquit, qui intelligit super egenum & pauperem, in die mala liberabit eum Dominus: in die certē iudicij liberabit eum. Eleēmosyna enim à morte liberat, & ipsa est quæ purgat peccata, & facit inuenire vitam æternā: & vt Gregorius, Tanto quisq; perfectior est, quanto perfectiūs alienos dolores sentit.

Quintum est, pauperē esse spiritu, & diuitiis cor non apponere. Prima enim beatitudo pauperū est, & Dominus, Vē vobis, ait, diuitibus quia habetis hīc consolationē vestrā. vsque adeò verò id adstruit, vt faciliūs camelū dicat trāsire per foramen acus, quā diuitē intrare in regnū cēlorū: ideoq; pauperes elegit in hoc mundo, aut eiusmodi diuites, qui gratiā eius ita cōparati erāt, vt nuntiū opibus statim remitterēt: adolescentem autē illum repulit, quia multas habebat possessiones, iisq; corde adhærebat.

Sextum est, humilitas: in ea enim ostendit se Christianus Christi discipulū dicētis: Discite à me, quia mitis sum, & humilis corde. Imò id asseruit Dominus dicens: Amen dico vobis, nisi conuersi fueritis, & efficiamini sicut paruuli, non intrabitis in regnū cēlorū. Stude igitur quisquis es recūbere in nouissimo loco: omnis enim qui se humiliat, exaltabitur; & qui se exaltat, humiliabitur; neq; super vllum requiescet spiritus Domini, nisi super humilem & quietum. Gregorius: Euidētissimum signū reprobōrū, est superbia, electōrum verò humilitas. Augustinus verò,

Quem

*Greg. Nys-
sen. lib. de
beatitud.*

*In orat. de
pauperum
amore.*

Psal. 40.

Tob. 12.

*Gregor. 24.
Moral.*

Matth. 19.

Matth. 23.

Luca 14.

Isaia vlt.

Quem superbū videris, filium esse diaboli non dubites.

Septimū est, caritas erga proximū: in hoc enim cognoscunt omnes, ait Dominus, quod discipuli mei estis, si dilectionem habueritis ad inuicem; maximè verò inimicis ignoscere, illq; benefacere. Dimittite, ait Dominus, & dimittetur vobis; & Sapiens, Relinque proximo tuo nocēte, & tunc tibi deprecanti peccata solūtur. Quotidie itē in oratione Dominica id nobis inculcatur, quod quā mensurā mensi fuerimus, eādem remetietur nobis: nolite iudicare, & non iudicabimini. Pertinet verò hoc signū ad mansuetudinem; mansuetorum verò & humilium semper Domino placuit deprecatio. Signum huius, mala de proximo grauatè audire & credere. sicut difficilè aliquis suspicatur malum, qui bonus est; sic difficilè aliquis suspicatur bonum, qui malus est. in quo enim quis alium iudicat, in eo seipsum condemnat. Bonis eius congratulari. Scias, ait rectè Seneca, eum multis virtutibus abundare; qui alienas virtutes amat.

Octauum, frequentare Sacramenta confessionis & cōmunionis. dixit enim Dominus, Qui manducat meā carnem, & bibit meum sanguinē, in me manet, & ego in eo: & iterum, Qui manducat hunc panem, viuet in æternum. Id verò accipe, si piē ac deuotē fiat; si enim negligenter, verendum ne in iudicium manducet & bibat potius, quā salutem.

Nonum est, libenter audire ac meditari verbum Dei, maximè de Christi passione: non enim finit irremuneratū Deus, quidquid suæ passioni fuerit oblatum? Qui ex Deo est, ait Dominus, verba Dei audit. Impiis durus est is sermo; &, Quis, inquiunt, potest eū audire? at verò piē mentes cum Dauide exclamant, Quā dulcia faucibus meis eloquia tua! super mel ori meo. ouesque Christi gratanti animo vocem eius audiunt, & cognoscunt eam, ac sequuntur, non verò vocem alienorum. Neque audiunt tantum, sed pascuntur verbo eius. non enim in solo pane vi-

luit homo, sed in omni verbo, quod procedit de ore Dei.

Decimum est, resignatum esse & paratum, ad Dei sequendam voluntatē: idem enim velle ac nolle, certum amicitia cum Deo est argumentū. ideò Dominus: Quicūque fecerit voluntatē Patris mei qui in celis est, ipse meus frater, & soror, & mater est. Ideò Dauid dicitur esse vir secundum cor Dei, quia faceret omnes voluntates eius. Ad quod B. August. appositè dixit Domino; Oprimus minister tuus est, qui non magis intuetur hoc à te audire, quod ipse voluerit; sed potius hoc velle, quod à te audierit.

Matth. 12.

Agor. 13. &

1. Reg. 13.

Vndecimum est, actum aliquem heroicū ex caritatē, vel zelo semel facere, vt in Abrahamo accidit, cui ob preclarum illud facinus, sic Dominus loquitur: Per memetipsum iuravi, quia fecisti hāc rem, & nō pepercisti filio tuo vnigenito propter me, benedicā tibi, & multiplicabo semen tuū, sicut stellas cæli, &c. Ita etiā Phinees zelatus est pro Deo suo, expiauitq; scelus filiorū Israēl, & reputatum est ei in iustitiā, in generationē & generationem in sempiternum. Huc pertinet Religione ex caritate & zelo honoris Dei ingredi, omniaq; relinquere, vt Christum sequamur. Hoc enim pacto de mundo, de carne, de cognatione, de libertate, de vita sua victoria obtinetur; ideoque Dominus Apostolis, Apostolicamq; vitam sequentibus, dixit, Vos qui reliquistis omnia, & secuti estis me; centuplum accipietis, & vitam æternam possidebitis.

Gen. 22.

Psal. 105. &

Num. 25.

Matth. 19.

Duodecimum est, cultus beatissimæ Virginis singularis, idque comuni consensu Sanctorum: ideò stella maris, ciuitas refugij, mater misericordiæ appellatur. Memorare, ait Bernard. eam compellans, ô pijsissima Virgo, à sæculo non esse auditum, ad tua currentem præsidia, tua implorantem auxilia, tua petentem suffragia esse derelictum. Poteest verè Domina nostra illud Sapientiæ sibi v-surpare: Beatus vir qui vigilat ad fores meas quotidie, & obseruat ad postes ostij mei; qui me inuenerit, inueniet vitam, & hauriet salutem à Domino.

Prou. 2.

TRI-

TRIGESIMÆ SECUNDÆ IMAGINIS

A N N O T A T I O.

Bonauent. Sicut, ò Beatissima, omnis à te auersus & despectus, necesse est vt intereat; ita omnis ad te conuersus, & à te respectus, impossibile est vt pereat.

Considera, quantum Beatissima Virgo & mater **A** Maria, à Deo, eiusq; curia celesti honoretur: tu imitare; ama vt Matrem, venerare vt Dominam, cole vt Patronam, tum **B** votiua peregrinatione, tum multa oratione: suspende illi, & dedica arma vanitatis tuae, tuaq; pia ac sancta desideria commenda; vti fecit **C** B. Ignatius. hac est enim aduocata nostra, consolatio **D** afflictorum, refugium in omni **E** tentatione, portus **F** naufragantium, & auxilium in cunctis malis omnium in se sperantium. Verum vt impetres, ait Bernardus, orationis eius suffragium, non deferas eius conuersationis exemplum; & respiremus (vt Bonauentura loquitur) ad illam in omni actione nostra, & reserabit nobis atria triumphantium.



C

Meditatio

COMPOS
Cnem in
que Angelo
P. R. A. I. V. I.
rem erga se
P. R. S. L.
fecta fuerit
bonitatis i
contempl
rantis don
essent, De
se in omni
cadere, ac
Deo pra
posse pe
tuc, Mag
magis an
& diuina
do, cum
rebat, et
la beati
nes hab
corpor
mula in
se habu
prompr
tiam co
litatis &

CAPVT XXIII.

Meditatio de B. Virginis imitatione.

COMPOSITIO LOCI. Contemplare Beatam Virginem in medio paradisi amplissimi, stipatam vndique Angelorum & Sanctorum agminibus.

PRÆIVDIUM II. Roga illam, vt tibi dignetur singularem erga se affectum impetrare.

PARS I. Considera, quomodo Beata Virgo erga se affecta fuerit; vtque mox creata abyssum erga se diuinæ bonitatis intuita, se velut nihilum & abyssum miseriarum contempserit: et si enim cognosceret pleno intellectu, se tantis donis ornatam; videbat tamen manifestè cuius illa essent, Dei scilicet, ac nihil eorum sibi deberi; sed potuisse in omnes miseras, quemadmodum ceteri hominum, cadere, &c proinde non esse quòd alicui se præferret, sed Deo præ omnibus plurimum debere: neque quidquam posse perfoluere. ita extra se in Deo posita cantabat ex tunc, *Magnificat anima mea Dominum*; eò certè magis, quo se magis annihilabat. Scrutare & tu originē tuam, ac nihilū, & diuinæ bonitatis abyssum erga te contemplare. Secundò, cum verò iam nata esset, nihil nisi infantile præ se ferebat, etiam si vndique virtus eluceret. Aspice vt anima illa beatissima se erga Deum, erga parentes, aliosque omnes habebat, quo sensu ex tunc sacra omnia & cælestia corpora intueretur. Tertiò, contemplare quomodo trifula in templum ascenderit, erga Superiores, æquales ibi se habuerit: ancillaria opera cuique deferebat, in omnibus promptissima cum gestu humili, facie ad omnem modestiam composita, ita vt quotquot illam viderent, humilitatis & castitatis affectum induere cogarentur. Quartò,

*Cognitio
& humili-
tas.*

Luca. i.

*Presenta-
tio.*

Obedientia.

Ccc

cum

*Puritas.**Luca I.**Profectus.*

cùm autem nubilem se sciret, contemplationi altissimæ dedita, si legi parendum foret, valdè optabat saluâ virginitate humilem & abiectum sponsum, ei quæ deseruire, vti etiam reipsâ præstitit, & in omnibus obediens fuit: & ne se fortè honoraret, secretum omne reticuit incarnationis Filij Dei; verùm cùm illud declarasset Deus sanctæ Elisabethæ, omnia Deo tribuere, eum quæ magnificare cœpit. Ex hac eadem humilitate in congressibus primum vbique locum cedebat, vltro officijs omnes & honore præueniebat, vt dum Elisabetham visitauit: leges etiam quæ peccatum supponebant, vt purificationis, libenter seruabat. Quia verò crescebat cum filio ætate & gratiâ coram Deo & hominibus; ipso nato humilitatem maiorem & inde paupertatem in Bethleem, in Nazareth, & Ægypto seruabat: Regibus omnibus, & omnibus etiam inferioribus libenter parebat, neque petebat sedere à dextris vel sinistris; sed, cùm potuisset dispensatione filij, Apostoli & sacerdotis munus consequi, maluit in humilitate seruire, quàm priuilegio exaltari. Tandem in morte Domini iuxta crucem stetit, vt particeps iniuriarum fieret, & in corde suo filij dolores altiùs imprimeret. Cùm verò post ascensionem cum Apostolis expectaret Spiritum sanctum, humiliter postremo se loco collocauit, & deinceps cum pauperibus viduis humillimè vixit. Percurre nunc diem cum illa, & vide singula opera. v.g. quomodo in oratione, cubiculo, per domum, ambulando, colloquendo, edendo, dormiendo, &c. se habuerit. Ex hac virtute, purissima sequebatur intentio, cuius defectu vide quàm sepe tua opera inficiantur. Nullius creaturæ amore tenebatur, sed sensualitati vbique resistebat. quod vnicum impedimentum amoris Dei in te recognosce.

*Caritas
proximi.*

PARS II. Considera Primò, quomodo B. Virgo erga homines omnes afficiebatur, summo scilicet affectu, tum ex naturæ similitudine, tum quòd essent imago Dei
suique

suique filij, hereditas eius, & proinde etiam suo sanguine redempti. Vide quo affectu bonos intuebatur, nempe vt subditos, amicos & filios sibi in cruce commendatos. nec vlla mater sic filios, vt ipsa eos, amabat, & amat: vti amantiſſima mater ijs gratulabatur, & eorum vt sua bona reputabat, & ad Deum omnium fontem recur-
 rebat, & gratias agebat. Verum, vt est amor sollicitus, videns posse deficere, vehementi oratione Deum Patrem Filiumque rogabat; Conserua hoc Deus quod operatus es in nobis, &c. Secundò, si malos videbat, multà amaritudine cordis, sed cum dulcedine ijs compatiebatur: omnia in melius interpretabatur; patienter tolerabat, cogitans sibi idem accidere potuisse; vt imagines Dei diligebat, vt ambulantes in crepidine putei infernalis, circumdatos vinculis peccati & dæmonibus videbat, & animare conabatur: & ad Deum conuersa ardentissimo zelo succensa æstuabat, atque cum Paulo optabat anathema esse; cum Moyse, deleri de libro vitæ, vt illi viuerent, In me, aiebat, sit maledictio; fili mi, parce, parce. Postea vbi poterat, serenissimo vultu, & suaui eloquio super mel & fauum prodesse, hortari & trahere conabatur: sic Magdalenam suscepit, sic Petrum lapsum, &c. Tertiò, si videbat pauperes, eos particulariter amabat, vt filio similiores: vti Reges regum filios maiori beneuolentiâ prosequuntur: cum ijs libenter versabatur, filium imitata, qui pastores, piscatores & pauperes vocabat, euangelizabat. Si diuites & potentes, illorum sortem miserabatur, cogitando, Væ vobis diuitibus; & Quàm est difficile diuites intrare in regnum filij mei! Erga Superiores admodum erat affecta, ac proinde magnâ reuerentiâ eos prosequabatur; cum amore & gaudeo parebat ad nutum, vt declarauit primò in parentibus, inde Præfectis templi, tum S. Iosepho: nihil quoad poterat, sine eorum faciebat arbitrio, sed per plenam abnegationem in voluntatem Dei se resignabat, eam me-

*Quomodo
erga bonos
afficeretur.*

*Quomodo
erga malos.
Patientia.*

*Zelus ani-
marum.*

*Quomodo
erga paupe-
res affecta.*

*Quomodo
erga Supe-
riores.*

dullitus amplectebatur cum magna in Deum fiducia: vt clarissimè docuit in Incarnatione, item dum in Ægyptum eundum, & inde fuit redeundum, &c.

*Quomodo
erga creatura
affecta.*

*Mortifica-
tio.*

*Caritas
Dei.*

*Dignitas B.
Virginis.*

PARS III. Erga omnia creata sic erat affecta, vt nihil appeteret, fugeret, optaret, nisi in quantum Deus veller, & ad eius purum honorem pertineret; vnde quocumque euentu quæta & libera erat: nihil enim creaturis, sed Deo immediatè, & Dei prouidentia assignabat, eiq; se æquo ac imperturbato animo supra vicissitudines rerum humanarum secunda committebat; siue paupertas in natiuitate, siue exilium, siue persecutio toleranda essent. Secundò considera, quanta hinc in omnibus sensibus mortificatio sequeretur, quomodo eorum oblectamenta fugeret. vide hinc ambulanti, loquenti, laboranti, oranti; & contemplare oculorum modestiam, silentium, aut breuem, suauem & pacificum sermonem. vnum enim quærebat, & in vno omnia inueniebat. O quàm beata anima, quæ Reginam cæli in istis imitari conatur! Postremò, hinc sequebatur erga Deum purissimus amor, quo vanis omnibus phantasijs exclusis, libero mentis volatu in omni occasione mentem leuabat, vnam Dei voluntatem volebat, & collectis animæ viribus intra se habitabat, & simul in Deo manebat: nihil amabat nisi Deum, quasi Deus solus & ipsa sola in mundo essent, siue domi, siue foris, vbique Deo intenta, & semper, vt Angeli, videbat faciem Patris, habendo cor eleuatum (quod perfectionis compendium omnes dicunt.) Considera, etiam quos affectus amoris in Christi infantia exercuerit, in Bethleem, in Ægypto, in Nazareth, amplexus, oscula, obsequia dulciora super mel & fauam. Terriò, considera iam quanta maiestas & dignitas B. Mariæ: & finge tibi hominem secundum corpus, pulcherrimum mortalium & absolutissimum; secundum animam, eiusque potentias, perfectissimum, quique omnes omnium Sanctorum virtutes, v.g. humilitatem S. Francisci, Pauli

cari-

caritatem longè superaret ; & gratiam haberet , quâ in Deum planè transformaretur ; & decorem , quo omnes Angelos & Sanctos superaret ; quanti hunc faceres ? quid si illum insuper Deus summis honoribus dignaretur , & in eo ornando totus foret , ei que omnes subijcere vellet , quantus is foret ! Cùm hæc cogitaris , leuissimè adumbrasse te noueris abyssum gratiæ , pulchritudinis oceanum , gratiarum thesaurum , Dei (inquam) matrem , quo titulo nullus esse maior potest ; ac proinde scias Deo gratius , hanc vnâ coli , quàm omnes Angelos & Sanctos : hancq ; vnâ esse Deo gratiorem & magis caram (est enim mater Dei) quàm omnes simul , vt luna plus omnibus stellis lucet . ac proinde ei te consecra : si enim quod vni ex minimis eius sit , illi fit , quanto magis quod Matri sanctissimæ . Considera , quæ beneficia à B. Virgine acceperis tu & tui in omni ætate , & vide , vt nullus propè sit angulus orbis , vbi non clareat miraculis . Considera , quæ non Sancti ab illa impetrarint , & quem affectum erga eam gesserint , vt meritò dicatur , illius peculiari cultui deditum esse , signum esse prædestinationis certissimū . Considera denique , quomodo iāctus Spiritus Ecclesiæ inspirarit hunc cultum Hyperdulæ , vt apparet Primò , in *Salve Regina* : Secundò , in templis , festis , Sodalitatibus , Ordinibus ad hoc erectis , in omni Officio , Missis , Horis , psalterijs , rosarijs , in pulu trino per diem , &c.

Oratio ad B. Virginem.

O Maria , Regina celi & terra , tu es spes omnium in te sperantium , & refugium omnium miserorum ; ne auerferis ergo miserum me , misericordie mater , qui misericordiâ tuâ de miserorum numero in filiorum tuorum sortem sperat trāsire . ad te enim sicut ad medium , sicut ad arcam Dei , sicut ad rerum causam , sicut ad negotium seculorum respiciunt & qui in calo habitant , & qui in inferno ; & qui nos praeceperunt , & nos qui sumus , & qui se-

Bernard.

quuntur, & nati natorum, & qui nascentur ab illis. Illi qui sunt in calo, vt resarciatur; & qui in inferno, vt eripiantur; qui preceserunt, vt Propheta fideles inueniantur; & qui sequuntur, vt glorificentur. Eo beatam te dicunt omnes generationes, genitrix Dei, Domina mundi, cali Regina, qua omnibus generationibus vitam & gloriam genuisti. In te enim Angeli latitiam, iusti gloriam, peccatores veniam inueniunt in aeternum. Merito in te respiciunt oculi totius creaturae; quia per te, & in te, & de te, benigna manus Omnipotentis quidquid creauerat recreauit. Ego tali animatus fiducia, Mater pientissima, venio sicuti ad vnicum asylum & refugium meum: respice, precor, ad serui tui & filij ancilla tuae preces: respice ad necessitates meas, & dirige pedes in semitam mandatorum filij tui. Ab aeterno ordinata es, & antequam terra fieret, vt ad te oculos attolleret quem culpa premeret, deprimeret afflictio; peccati reus, salutis incertus, & ab omnibus derelictus; vt in te, & per te, inueniret reus veniam, afflictus consolationem, derelictus asylum, insipiens sapientiam, peccator iustitiam, iustus perseuerantiam. Vrbs verè refugij, portus naufragantium, & solatium omnium in te sperantium. Tu stella maris, cuius radius vniuersum orbem illuminat, cuius fulgur & perfulget in supernis, & inferos penetrat, terras etiam perlustrans, & calefaciens magis mentes quàm corpora, fouet virtutes, excoquit vitia. Tu, inquam, es praclara & eximia stella, super hoc mare magnum & spaciosum necessario subleuata, micans meritis, illustrans exemplis. O anima mea, qua intelligis te in saeculi huius profluuio magis inter procellas & tempestates fluctuare, quàm per terram ambulare; ne auertas oculos à fulgore huius sideris, si non vis obrui procellis. si insurgant venti tentationum, si incurras scopulos tribulationum, respice stellam, voca Mariam; si iactata superbia vndis, si ambitionis, si detractionis, si emulationis, respice stellam, voca Mariam; si acedia, iracundia aut auaritia, aut carnis illecebra nauiculam concusserit mentis, respice ad Mariam; si criminum immanitate turbata, conscientiae scditate confusa, iudicis horrore perterrita, barathro incipias absorberi tristitia, desperationis abyssus, cogita Mariam. In periculis, in angustiis, in rebus du-

bijs

Prou. 8.

Bernard.
hom. 2. super
Missus.

bijs Mariam cogita, Mariam inuoca: non recedat ab ore, non re-
 cedat à corde, & vt impetres eius orationis suffragium, ne deferas
 eius conuersationis exemplum: ipsam sequens, non deuias; ipsam
 rogans, non desperas; ipsam cogitans, non erras; ipsâ tenente, non
 corruis; ipsâ protegente, non metuis; ipsâ duce, non fatigaris; ipsâ
 propitiâ, peruenis, & sic in temetipso experiris, quàm meritò
 dictum sit, Et nomen Virginis Maria. Verè stella maris es, ô
 Domina mea, & pulcherrima aurora cōsurgens, nuncia solis Do-
 mini IESV, nuncia veræ salutis. O felix sidus sedentibus in regio-
 ne & vmbra mortis! Tu Domina es; nam & hoc sonat nomen
 tuum, nos serui tui; tu regina es, nos clientes tui; tu es spes vniuersæ
 terre, tu honorificentia gentis nostræ, tu gloria Ierusalem. multa Prou. 31.
 filie congregauerunt diuitias, tu supergressa es vniuersas. Tu sola, Esther 2.
 velut Esther Assuerum, Deum Patrem placasti, & inuenisti gra-
 tiam in oculis eius. Tu sola Iudith vera Holofernem diabolum su-
 peraſti. Recordare, Domina, quòd propter nos, & ex nobis exalta-
 ta sis: tu soror, tu mater nostræ es, tu tota pulchra es, formosa, & Cant. 4.
 macula non est in te, vt, cùm inueneris gratiam apud Deum, nos
 eheu! misericordiam inueniamus per te, Mater nostræ, apud Pa-
 trem misericordiarum, & Deum totius consolationis filium tuum,
 redemptorem nostrum. Quomodo posses obliuisci nos qui sumus
 de familia & de domo Patris tui? introduxit enim te Rex in cel-
 lam vinariam, & ordinauit in te caritatem, vt quantum exalta-
 ta es super celos, tantum misericordie radijs splendeas in terris. Tu es
 enim mater pulchræ dilectionis, & timoris, & agnitionis, & sanctæ Eccli 24.
 spei: in te gratia omnis vite & veritatis, in te omnis spes vite &
 virtutis. meritò igitur ad te leuavi oculos meos, quæ habitas in cœ-
 lis, & omnia gubernas in terris. Tu, si vis, potes me iuuare: omnia
 tibi data sunt à filio tuo; vt dicat iure seruus quidam tuus, Ex ore Bernard.
 tuo pendet consolatio miserorum, redemptio captiuorum, liberatio hom. 4. su-
 damnatorum, salus denique vniuersorum. Altiùs ergo intueor quāto per Missus.
 deuotionis affectu à nobis te voluerit honorari, qui totius mundi
 pulchritudinem in te posuit, ô Maria: vt si quid spei, si quid gratiæ, Bern. ser. de
 si quid salutis in nobis sit, à te nouerimus redundare. Totis ergo nat. Virg.
 medullis cordium, totis precordiorum affectibus, & votis omnibus

Bernard.
Scim.de
Aduent.

Mariam hanc veneremur, anima mea, quia sic est voluntas eius, qui totum nos habere voluit per Mariam; hac, inquam, voluntas eius est, sed pro nobis. In omnibus siquidem benignitas eius, & per omnia providens miseris, tentationem nostram solatur, fidem excitat, spem roborat, diffidentiam abigit, erigit pusillanimitatem. Virgo, regia via est, per quam ad nos Saluator venit, procedens ex eius utero, tamquam sponsus de thalamo. Tenentes ergo viam, ô anima mea, studeamus & nos per eam ad ipsum ascendere, qui per ipsam ad nos descendit; per eam venire in gratiam ipsius, qui per eam in nostram miseriam aduenit. queramus gratiam, & per Mariam queramus, quia qui querit inuenit, & frustrari non potest. Aduocatum vis habere ad Christum, ô anima? ad Mariam recurre: exaudiet certè matrem filius. Ceterum quidquid illud est, quod offerre paras, Mariæ commendare memento, si non vis sustinere repulsam. Hæc peccatorum scala, hæc mea, ô Domina, maxima fiducia est, hæc tota ratio spei meæ. Sileat, misericordiâ tuam, Virgo beata, si quis est qui inuocatam te in necessitatibus suis sibi meminerit defuisse. A sæculo non est auditum, quemquam ad tua currentem præsidia, tua implorantem auxilia, tua petentem suffragia à te esse derelictum. Sit igitur pietatis tua, Virgo benedicta, ipsam quam apud Deum inuenisti gratiam, notam facere mundo, reis veniam, medelam ægris, pusillis corde robur, afflictis consolationem, periclitantibus adiutorium, & liberationem sanctis tuis precibus obtinendo. Amen.

De assumpt.
B. V. serm.
4.

Præxes colendi B. Virginem.

PRima. Habere in numerato beneficia, quæ per eam obtinuimus, atque his ignem caritatis eius fouere in pectore nostro, & diebus eius festis solemnem memoriam facere, ac gratitudinem animi declarare.

Secunda. Ex gratitudinis & amoris affectu Sodalitati nomen dare, & leges seruare, ac conari aliquos inducere ad illius peculiarem cultum, maximè Sodalitatis erectionem, aut propagationem curare. Tunc certe est, videre honori duci, & ambitiosè peti, aliquam ratione ascribi Principum familiæ, societati sagittariorum, & eiusmodi; & ægrè adduci posse ut B. Virginis Sodalitati se quis

quis adiungat. Molestiam fingere, & fugere aliquam, est affectum exiguum erga salutis certissimum præsidium profiteri.

Tertia. Sæpè Salutationem Angelicam recitare. Sancta Margareta Hungarica ad singulas imagines B. Virginis accurrens flexis genibus eam pronunciabat: B. Catharina Senensis, etiam infantula, ad singulos gradus: idque gratulando ei maternitatem Dei, in quo privilegio omnia continentur. Idèd S. Odilo ad illum Hymni *Te Deum*, versum, *Tu ad liberandum suscepturus hominem non horruisti Virginis uterum*; demissè se flectebat: possetque quis in secreto terram osculari. Quamvis autem vario fine illam Salutationem frequentare licet; tamen cum Maria Virgo sola cunctas hæreses interemerit in vniuerso mundo; pro iis extripandis, & Ecclesiæ defensione, sæpè id faciendum est.

Quarta. Nihil aggredi, quin illi & per illam primitiæ Deo offerantur.

Quinta. Manè & vesperi, ac in prandio, dum pulsatur, eam sibi præsentem facere, benedictionem ab ea petere: cui enim illa benedixerit, erit benedictus: & iterum per orationem, *Sancta Maria*, eam in patronam eligere: & vota, qui Religiosus est, mente renouare in manibus eius.

Sexta. Tria quotidie facere ad eius honorem. Primum, legere aliquas preces, v. g. quinque Psalmos, quorum initiales litteræ respondent litteris nominis eius, vel Antiphonam, vel Psalterium D. Bonauenturæ, vel Horas B. Virginis: salutare eam in egressu & ingressu cubiculi, domus, & occurrere imagine eius: Litanias recitare pro felici morte, *Magnificat* pro gratulatione de gloria, & dignitate eius. Pontifex Paulus V. concessit recitantibus *Aue* ad horæ pulsus centum dies Indulgentiarum. Secundum, facere aliquam mortificationem, tum corporalem, tum animi, vt sequaris conuersationis Mariæ exemplum, maxime verò imagines turpes eliminare, & pias substituere. Ieiuniū Sabbatinum ab omnibus ferè probis vsurpatur, imò in pluribus regnis ab omnibus seruati solitum. Tertium, facere aliquam eleëmofynam corporalem, aut spiritualem, dotare virgines nobiles, aut ad Religionem adspirantes sanè laudabile, vti & facere sermonem crebrò de miraculis & cultu B. Virginis, cum publicè dicendum. Rosarium recitare, ad orationem quidem refertur, sed peculiarem tractationem desiderat, quam longiorem cum aliis, vt breuior sim, in aliud tempus reiciio, cum Domino visum fuerit: tantummodò subiiciam Ludouici Blossij peritissimi veri Rosarium. Primò, quia multis id aridere video; Secundò, vt suggeram hac ratione meditari volentibus materiam, postquam meditationis modum ex-

posui: nam in eo mysteria vitæ Christi recensentur, quæ in quinque partes distributa, vel plures crebrò percurrere commendat S Bonauentura.

Septima. Circa lectionem rosarij verbum tantum addam, nimirum, vt in aliis orationibus, sic & in hac præparationem aliquam necessariam videri: ac Primò, præsentia Dei renoua memoriam; Secundò, mysterium aliquod breui spatio expende. Primò ad *Credo*, fidem viam excita, deinde in tribus Salutationibus primis spem, resignationem & caritatem: ad orationem Dominicam, vt aliqui, intentionem etiam potes renouare, vel salutare vulnera Christi: deinde Salutationem Angelicam, vt B. Virgini præsentì, recita. Potes etiam cum variis Sanctorum choris id facere. v.g. in Prima decade, cum Angelis; Secunda, cum Patriarchis; Tertia, cum Apostolis; Quarta, cum Martyribus; Quinta, cum Confessoribus; Sexta, cum Virginibus. Sunt qui virtutem aliquam, per eam vt matrem optimam, in singulis mysteriis petunt, & eandem ab illa commodant: ac, cum dicunt *Aue Maria*, mente addunt, *humillima*, v. g. Mysteria vulgò hæc assignantur:

Gaudy.

1. Annuntiatio Dominicæ incarnationis.
2. Visitatio Elisabeth.
3. Natiuitas Domini.
4. Oblatio Christi in templo.
5. Inuentio pueri Iesv inter doctores.

Doloris.

1. Oratio & captiuitas Christi in horto.
2. Flagellatio.
3. Coronatio.
4. Baiulatio crucis.
5. Crucifixio, & mors Christi.

Gloria.

1. Resurrectio Domini.
2. Ascensio eius in cælum.
3. Missio Spiritus sancti.
4. Assumptio B Mariæ in cælum.
5. Coronatio B. Mariæ.

*Ludouici Blosij Rosarium, seu sertum B. Vir-
ginis Mariæ quinque-partitum, vitâ & ge-
stis IESV Christi pulchrè exornatum.*

P A R S I.

Pater noster, &c. Ave Maria, &c. O benigna & suavis Maria, Placa clementissimum Redemptorem nostrum IESVM, quem tu Virgo purissima Angelo nunciante de Spiritu sancto in ciuitate Nazareth concepisti, ac nouem mensibus in castissimo utero tuo gestasti. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quo concepto, tu Deo plena ad Elisabeth cognatam tuam cum festinatione perrexisti, & eam salutasti, eiq; humiliter seruiuisti. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem in Bethleem, in vili stabulo tu Virgo inuiolata non solum sine dolore, sed etiam cum ineffabili gaudio peperisti, natumq; mox ut verum Deum deuotâ mente adorasti. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem infantulum vagientem virgineo lacte pauxisti, panniculiq; inuolutum in praesepio super fœnum & stipulas reclinasti. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem recens natum Angeli pastoribus gratulabundi nunciauerunt: & eum latis vocibus callaudantes, pacem hominibus bonæ voluntatis cecinerunt. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem pastores festinanter pergentes in Bethleem, inuenerunt positum in praesepio, & eum adorauerunt cum ingenti admiratione & gaudio. Fac ut ipsi dulcissimo filio tuo

tuo IESV Christo placeamus, & eum teque videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui octauo à natiuitate sua die dignatus est purissimum sanguinem pro nobis fundere & circumcidi, atque ad nostram consolationem IESVS nominari. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem Magi ab Oriente venientes piè quaesierunt, & magno gaudio perfusi stellâ duce in Bethleem inuenerunt: ibique illum humiliter adorantes, aurum, thus & myrrham deuotè ei obtulerunt. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem die quadragesimo in templum iuxta legis præscriptum detulisti, & hostia pauperum redemptum Deo Patri gratissimo corde obtulisti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem in Aegyptum propter metum Herodis, monitu Angeli mater fidelissima deportasti, tandemque eum inde in ciuitatem Nazareth retulisti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Laus Trinitati fulgida, Patri, Nato, Paracletò, laus Virgini Deipara, nunc & per omne sæculum, Amen.

P A R S II.

Pater noster, &c. Aue Maria, &c. O benigna & suavis Maria, Placa clementissimum Redemptorem nostrum IESVM, quem tu Virgo mater, cum esset annorum duodecim, in Ierusalem perdidisti, & eum mœsta requirens, post triduum in templo lata inuenisti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem tibi subditum maternâ curâ sedulo enutristi, & nihilominus ei tamquam altissimo Deo sanctam reuerentiam semper exhibuisti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Aue

Aue Maria, &c. O benigna & suauis Maria, Placa clementissimum Redemptorem nostrum IESVM, qui anno aetatis suae tricesimo, in Iordane flumine humiliter à seruo suo Ioanne baptizari voluit, cum tamen ipse innocens Agnus Dei nullam umquam peccati maculam contraxerit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui in deserto quadraginta diebus & quadraginta noctibus nihil māducans ieiunauit, sicq; cum feris Dominus cali & terra habitauit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui pro salute nostra tentari à diabolo non recusauit, & quomodo Satanam vincere nos oporteat, demonstrauit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui per vrbes, vicos & castella iter faciens, Euangelium regni calorum studiosè predicauit, & labores fatigationemq; corporis propter nos libenter sustinuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui crebrò in oratione pernoctauit, & famem, sitim, frigus, æstum, variaq; persecutiones mitissimo corde nostri causâ pertulit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui cōuersans inter homines omnibus afflictis misericorditer subuenit, ac signa plurima fecit, & Maria Magdalena, aliisq; peccatoribus verè pœnitentibus veniã promptissimè dedit, seq; eis familiarem praeiuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui coram tribus discipulis in monte transfiguratus, facie sicut sol refulsit, & excellentiam gloriosi corporis magnificè ostendit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui veniens Hierosolymam ut pro nobis pateretur, rex humilis & mansuetus asina iniecit, atque inter
lau-

laudes; quæ ei à populo canebantur, videns ciuitatem lachrymas effudit. Fac ut ipsi dulcissimo filio tuo IESV Christo placeamus, & eum teq; videre mereamur in calis. Amen.

Laus Trinitati fulgida, Patri, Nato, Paraceto, laus Virgini Dilectæ, nunc & per omne sæculum, Amen.

P A R S III.

Pater noster, &c. Ave Maria, &c. O benigna & suavis Maria, Placa clementissimum Redemptorem nostrum IESVM, qui in cœna nouissima pedes discipulorum suorum positus genibus humiliter lauit: & præcellentissimum Eucharistia Sacramentum inenarrabili caritate instituit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui ingressus cum discipulis iuis in hortum Oliueti, maximâ tristitiâ propter nos correptus fuit: & prolixè orans, sudorem sanguineum præ vehementia angustiarum toto corpore sudauit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui inimicis suis obuiam processit, eisq; vltro se obtulit, & à Iuda proditore osculum accipere non renuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem viri impij irreuerenter comprehenderunt, & tamquam malefactorem ac latronem duris vinculis ignominiosè ligauerunt. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum Iesum, qui vinculus ad pontificem cum opprobrio adductus fuit, & ab vno ministrorum eius atrocem alapam suscepit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui in domo Caipha falsis testibus fuit pressus, & putribus sputis scedatus, & ludibriosè velatus, & colaphis alapisq; inhumaniter casus, ac blasphemijs indignissimè affectus. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum

nam Redemptorem nostrum IESVM, qui contemptibiliter ductus ad Pilatum, demisso placidoq; vultu coram eo stetit, & ad falsas Iudaeorum accusationes humiliter tacuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem Herodes ad se missum sapienterq; coram se silentem spreuit, & albâ ridiculâque veste tamquam fatuum induit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui in pratorio fuit dedecorose nudatus, & ad columnam inclementer ligatus, & flagris crudelissimè confectus, proprioq; sanguine miserabiliter cruentatus. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem homines iniqui chlamyde purpureâ ad maius ludibrium vestierunt, & acutis spinis coronauerunt, & nugatorie adorauerunt atque subannauerunt, & arundine percusserunt, ac fœdè conspuerunt, & diris alapis ceciderunt. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Laus Trinitati fulgida, Patri, Nato, Paracleto, laus Virgini Deiparae, nunc & per omne saeculum, Amen.

P A R S IV.

Pater noster, &c. Aue Maria, &c. O benigna & suavis Maria, Placa clementissimum Redemptorem nostrum IESVM, qui gestans coronam spineam & purpureum vestimentum, è pratorio fuit à Pilato productus, & Iudeis ostensus, atque ab eis ad mortem crucis magno turbulentoque clamore postulatus. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, quem Pilatus morti iniuste adiudicauit, voluntatiq; Iudaeorum tradidit. Ipse ergo mox ab eis trabe crucis oneratus, ignominiosum hoc lignū laceris humeris suis cum ingenti cruciatiu patiēter baiulauit, factusq; opprobriū hominū & abiectio plebis humiliter ad Caluariā perrexit. Fac ut ipsi dulcissimo filio tuo IESV Christo placeamus, & eū teq; videre mereamur in calis, Amē.

Aue

Aue Maria, &c. O benigna & suavis Maria, Placa clementissimum Redemptorem nostrum IESVM, qui in loco Caluaria myrrhato fessitōque vino fuit potatus, ac vestibus probrosē nudatus, & manus ac pedes clauis atrociter perterebratus cruciq; affixus. Fac ut ipsi dulcissimo filio tuo IESV Christo placeamus, & eum teq; videre mereamur in calis. Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui nudus, vulneratus & contemptus in ligno crucis pro nobis pependit, amarissimosq; dolores pertulit, ac pretiosum sanguinem suum fudit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui cum medius inter duos latrones in cruce penderet, & à ludais subsannaretur, blasphemisq; impeteretur, humillimam patientiam exhibuit, & insuper pro blasphemis crucifixoribus suis Patrem exorauit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui latroni verē penitenti peccata omnia misericorditer condonauit, & paradisi gaudia liberalissimè promisit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui tibi dilectissima genitrici sue sub cruce stanti atque acerbè dolenti intimè compassus est, & te Ioanni discipulo commendauit, eiq; ac nobis omnibus in matrem dedit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui suam passionem sine aliquo sensibilis consolationis releuamine tolerauit: unde & grauitatem cruciatuum suorum indicans, se derelictum voce magnā clamauit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui exanguis in cruce pendens, se vehemēter sitire est testatus, sed felle & aceto in extrema illa calamitate fuit potatus. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissi-

mun Redemptorem nostrum IESVM, qui morti vicinus spiritum suum in manus Patri commendauit: iamq; redemptionis nostra opere consummato, bonus pastor animam pro ouibus suis ex puro amore posuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Laus Trinitati fulgida, Patri, Nato, Paraclete, laus Virgini Deiparae, nunc & per omne saeculum, Amen.

P A R S V.

Pater noster, &c. Aue Maria, &c. O benigna & suauis Maria, Placa clementissimum Redemptorem nostrum IESVM, qui morte pro nobis in cruce gustata, mox ad inferna secundum animam ex summa caritate descendit, & electos suos potenter inde eripuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, cuius sanctissimum latus, te praesente, lancea apertum, & amorosum cor vulneratum fuit, unde nobis sanguis purpureus & aqua salutaris profluxit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, quem de cruce depositum in sinum gremiumque tuum (ut pie credimus) suscepisti, & lachrymis ubertim rigasti, eiq; oscula amanter impressisti. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, cuius corpus sacratissimum Ioseph & Nicodemus pia deuotione aromatibus condierunt, & sindone inuoluerunt, atque in sepulchro posuerunt. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui tertia die victor è clauo sigillatoq; sepulchro prodiens, à mortuis virtute propria surrexit, & te dilectam matrem suam caterosque amicos suos opatissimo laudificauit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suauis Maria, Placa clementissimum Redemptorem nostrum IESVM, qui quadragesimo post resurrectione

ctionem suam die, in calum gloriôsè ascendit, & ad dexteram Patris triumphator nobilis consedit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui Spiritum sanctum in Apostolos aliosq; fideles misit, & eos illo mirificè consolatus est, confortauit, illuminauit atque instruxit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui te charissimam genitricem suam in calum assumptam supra choros Angelorum exaltauit, Regnamq; & Imperatricem celsissimam constituit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui in fine saculi venturus est iudex in maiestate magna, ut reddat reprobis horrenda supplicia, & iustis aterna gaudia. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Aue Maria, &c. O benigna & suavis Maria, Placa clementissimum Redemptorem nostrum IESVM, qui est amabilis & desiderabilis gloria Beatorum, atque cum Patre & Spiritu sancto uiuit & regnat Deus in sacula saculorum. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Laus Trinitati fulgida, Patri, Nato, Paraclete, laus Virgini Deiparae, nunc & per omne saculum, Amen.

CAPVT XXIV.

Diarium, siue actionum per diem distributio.

Cum sanctitas in eo sita sit & perfectio, quod cogitationes, uerba & opera, in pondere, numero & mensura, coram Deo & ad gloriam eius sanctè ac perfectè fiant; id imprimis curandum est, & Deus ac Dominus noster imitandus. Quemadmodum enim ille omnia opera sua in summo benè fecit, ita singula opera

opera nostra quantum vnquam melius possumus, facere debemus ex omni virtute Domini nostri Iesv Christi, & cum omni desiderio triumphantis & militantis Ecclesiæ, & sub nomine Creatoris, quasi tota salus nostra, & omnis laus Dei, & vniuersitatis utilitas, ex vno opere pendeat, quasi nunquam ad id opus reuersuri, neque opus aliud postmodum incepturi. Non quoddam singula tot considerationes adhibendæ sint, sed prout spiritus dictauerit, quisque sibi suarum actionum modum præscribere debet. Ideo quæ hic videbis, exempli gratiâ allata esse existima. Duo tantum moneo. Primum, vt actio bona sit, nullâ circumstantiâ vitiari debere, sed purè ad Dei gloriam fieri, vt verò melior, posse illam quasi coram Deo fieri, ei offerri, Christi & Sanctorum actionibus vniri, in genere vel in particulari, indiesque maiori affectu fieri. De præsentia Dei, Sanctorum hæc est sententia, eam actionum nostrarum esse animam, & pietatis fontem atque compendium, sine qua mox in bestiam vel dæmonem homo conuerteretur. Secundum, cauendum in his valdè, ne se quis obruat, de multiplicitate cogitationum caput affligat, & quod tum fieri solet, profectum retardet.

*S. Th. lib. de di-
uinitis moribus.*

Oratio, quâ actiones ad Deum dirigi, Christi actionibus vniri, homo confundi, & Dei præsentia exerceri potest.

O omne bonum, Deus meus, virtus mea, ego puluis & cinis; offero opus hoc N. tibi, ubique præsentem, ad gloriam tuam, in vniionem meorum Christi Iesv: ex te enim, & in te, & pro te sunt omnia.

Hæc oratiuncula diffidentiam sui, & humilitatem, oblationem, puram intentionem, vniionem continet, & considerationem præsentia Dei in omnibus, cum ex illo & in illo omnia profiteatur. Imò sola hæc postrema pars utilis est iaculatoria, quâ omnia Deo tribui, & coram eo agi, illique dicari possunt, & sufficit.

Distributio totius diei.

Primo manè, postquam euigilaueris, imaginare quasi cælum apertum, & à Sanctissima Trinitate, & Christo Domino petita benedictione, dic: *Benedicta sit sancta Trinitas, atque indiuisa*

D d d 2

vnitas:

unitas: confitebimur ei, quia fecit nobiscum misericordiam suam; & signo crucis te signa. Postea actu fidei, spei, & caritatis amplexu, adora quo potes affectu Deum, vt omne bonum, vulnera Christi osculare, & seruire ipsi statue, non hostibus tuis.

Confidera deinde Primò, omnia creata, & gratias age pro beneficijs acceptis à larga Dei manu. Secundò, vide ad quid sis creatus: quòd eundum tibi, nempe vt Deo seruias, & toto corde adhaereas, omnibus potentijs & sensibus tuis; & attende ad defectus consuetos, & feruenter statue Deum non offendere, maximeque vitare id, contra quod examen facis particulare. Tertiò, considera, quàm agenda illo die, & quid vocatio tua exigit: si Religiosus es, attende ad vota tua, omniaque Deo offer purissimâ intentione, & amore. Quartò, considera, quæ aduersa euenire possent, à Deo & ab homine, in anima & corpore, fama, opibus, & plenè te diuinæ voluntati resigna in tempore & æternitate. Deinde Sanctos velut præsentés inuoca, maximè B. Virginem; & Patronos cum Angelo Custode, gratulando eis, & virtutem certam petendo: tum subiunge *Credo, Pater, Ave*, decem præcepta, votaque renoua, si Religiosus es, & proposita prima.

O R A T I O.

*Credo tibi, ô Deus meus, & omne bonum meum; confido in te, ô spes unica, & te toto corde diligo, & tibi sincerè, totis viribus meis seruire statuo; tu omne, & solum bonum meum es: quid extra te, cum incerta sint omnia, desidero, aut timere possum; vel de quo gaudere, & dolere? (hic percurrit proposita, & quæ occurrere possent aduersa) da gratiam vt creatis omnibus, donis tuis utar, ne tibi displiceam. Ecce nihil appeto, cum quid profut ignore; sed in omnibus te, qui omnia es, laudo, & gratias ago tibi, ex toto corde pro omnibus beneficijs tuis, & offero tibi intellectum, voluntatem, memoriam, sensus, membra, cogitationes, verba & opera, & omnia mea, in vñione meritorum Christi, ad tuam vñius gloriam, non hostium meorū. Aduersa item omnia de manu tua accepto N. Superioribus, vt tibi obedire volo: omnes pro te diligere, & tibi, ô Deus meus, amor æterne, per amorem & orationem adharere. Vtinam ego & omnes te diligant, ac ardeant amore tuo, ô Regina Angelorum, misericordia mater, & mea unica fiducia! O vos omnes sancti Angeli, impetrate mihi veram caritatem, & amorè omnibus boni, Dei nostri; & tu Angele custos, præsentiam illius; Apostoli, re-signationem; Martyres, patientiam; Confessores, abnegationem omnium sensualium; Virgines, puritatem: & tu Patrone mi N. * & vt moriar amore eius, qui amore mei dignatus est mori.*

Nomen Pa-
troni men-
strui & vir-
tutis senten-
tiam. in me-
moriam re-
uoca.

Vesperis

Vesperis post examen; cuius quinque puncta supra posita sunt: nempe Primum, actio gratiarum; Secundum, postulatio gratiae; Tertium, discussio sui; Quartum, dolor de peccatis; Quintum, propositum emendationis. Post hoc igitur

Percurre Primò, puncta postridie meditanda, si meditandum tibi est. Secundò, dispone de die sequenti, purificando intentionem: & praeuide, quid agere, dicere, & c. velis, nisi in examine id feceris, atque attende ad examen particulare. & Tertio, osculare terram; Primò, cogitando te hac nocte in pulverem fortè rediturum; Secundò, quia Verbum caro factum est, totum te ei resignando, & inuitando vt cras ad te veniat; Tertio, quia peccatis tuis infimum locum tibi deberi putas, & contritionem excita: tum exue te, & exerce gratiarum actionem, vel confusionem, commemorando, si libet, passionem Christi Domini. v.g. ad togam, *Modus se exuendi.* gratias agere potes pro denudatione in flagellatione: ad alià vestē, repraesentare posses tunicam, quae integra mansit, & petere caritatem: ad calceos, & caligas, petere gressus rectos, & affectus & amorem: ad cætera meditari depositionem corporis Christi, & mortem, vti & de tua cogitare. Postea Sanctos statue circa lectū, eosque inuoca, & dic, *Credo*, vt iam moriturus, *Pater & Ave. Veni sancte Spiritus.* Saluta etiam Angelum Custodem.

Dum lectum aperis, cogita sepulcrum, ac fore vt breui illud intres, alteram ex æternitatibus sortiturus: & cogita, si ita nunc foret, quid superesset ex vanitate, quid ex sancta conuersatione. Deinde dic: *In manus tuas, Domine, commendo spiritum meum;* cum oratione de contritione vel actu illius, & mox petita à Sanctissima Trinitate, B. Virgine, & Angelo Custode benedictione, exerce vt moriturus actum fidei, spei & caritatis, & vota, si Religiosus es, renoua, ac simul Christi vulneribus osculum fige. Postea aliquid circa meditationem volue, aut aliquam certam cogitationem, quā amorem Dei excites, & desiderium communionis, conuertendo oculos vel ad Venerabile Sacramentum, vel ad cælum.

O R A T I O.

Fiat hîc vt
manê.

Po. es hîc vi-
sa & audita
piè applica-
re.

Fiat hîc dif-
positio de
die sequen-
ti & attende
ad commu-
nionem.

Examen
particulare.

*Vtinam, ô Deus meus, vita mea, cras perfectius tibi viuam, fer-
uenti oratione te laudem, omniâque creata spernam, te unum ti-
meam, & diligam! Quid enim ex ijs colligam, aut quid collegi hodie
N. nisi bonitatem tuam, qui omnia in omnibus operaris?*

*Tu solus bonus, tu solus animam meam potes satiare. quando te sus-
cipiam, & perfectissimè omnes actiones ad gloriam tuam exequar, N?
En vita mea brevis, & tuus amor infinitus, & peccata praterita vr-
gent me, ô IESV, vt diligam te, & seruiam tibi. Adiuua me per dolores
tuos, vitam & mortem tuam. O Beata Virgo, & vos omnes Angeli
Dei, Apostoli, &c. adeste mihi nunc, & in hora mortis meae. En vita
incertus & salutis velut sepulcrum ingredior: utinam te, Deus meus,
numquam offendissem! Auso ex animo, Redemptor mi, & propono per
tuam gratiam præcepta & regulas seruare, crucem libenter ferre, &
me mortificare, N. te & proximum ex corde diligere. quid enim sunt
omnia transitoria sine te, & nonne hac omnia clamant vt diligam te,
cùm sis unicum & omne bonum meum?*

Post hoc posses lecta & audita piè applicare, & meditatio-
nem ruminare.

Meditatio matutina.

Primò, præpara te, vt suprâ dictum est, & vide quos affectus
velis excitare, quomodo meditationem applicare defectibus
& examini particulari, & ad eliciendum amorem Dei perfectio-
nibus eius consideratis, vel aliquâ earum. Iturus ad meditationē,
ad aquam lustralem contritionem excita de peccatis in genere;
& mox te humiliando considera Deum præsentem, & adora, fi-
dei, spei & caritatis actu, & ex pura intentione offer tres potētias,
ac gratiam pete ad rectè meditandum, oratione eâ quæ suprâ c. i.
lib. i. posita est, aut hæc: *O Domine tu mihi per essentiam, præsentiam
& potentiam præsens es; esto etiam quaeso per gratiam: credo enim tibi,
& in te spero, & toto corde te diligo, me & omnia opera tibi offero ad
gloriam tuam; potentias anima mea consecro tibi, vt sis tu meditatio
mea, spes mea, & amor meus, & exardescat, & crescat ille in me, &
ego in te, qui es Deus meus, & omne bonum meum.*

Cùm verò non omnibus meditatio conueniat, saltem lectio
pij alicuius libri, qui de mysterijs vitæ Christi tractat, aut insti-
tutionem aliquam spirituales, numquam omittenda est, aut
saltem

saltem lectio eorum quæ sibi quis facienda aut cauenda proposuit.

Nota, meditationem aut lectionem omnibus negotijs anteponendam, quia per illam misericordia Dei ad nos descendit, ut indicat Dauid, dicens: Benedictus Deus, qui non amouit orationem meam, & misericordiam suam à me: ut Augustinus in illud Psalmi 65. sed loco, horâ, situ, commodis & quietis faciendam & absoluendam, neque quidpiam omnino, nec pilum quidem de hoc holocausto esse detrahendum; affectui & propositis, plusquam intellectus discursui & considerationibus insistendum.

Psalm. 65.

De audienda exhortatione.

Primò, quia sapientia non habitat in anima subdita peccatis, breuiter cleua cor ad Deum, dolendo de peccatis præteritis, & curas reiiciendo.

Secundò, diligenter & deuotè attendito, velut Deum loquentem & te monentem. nam, ut Augustinus, qui audit negligentem, & sinit verbum Dei cadere in terram, æquè culpandus, ac qui sinit cadere corpus Christi. Et alius: Accipienda verba Dei, ut sanguis Christi, & aliæ Sanctorum reliquiæ.

Tertiò, in fine tibi applica, & facere proponas.

Oratiuncula continens supradicta.

Munda cor meum, Domine, ut semen verbi tui cadat in terram bonam, & fructum afferat. Desidero illud in mansuetudine suscipere deuotè, ut edicta tua, & sanguinem tuum, & ut ager medicinam, & propono mihi applicare, & firmiter exequi, ad honorem & gloriam nominis tui. Amen.

Post exhortationem.

Gratias age Deo, & propone audita exequi, consideratâ occasione, his si libet verbis: *En, Domine, hac est voluntas tua, sed non est volentis, neque currentis, sed tui Deus misereentis: propono* Rom. 16. *itaque hoc facere (tali tempore, &c.) per gratiam tuam. Amen. Veni sancte Spiritus, reple, &c.*

Recollectio ante singulas horas.

Singulis horis recollige te: examina Primò, præteritam horam coram Deo. Secundò, proposita matutina renoua in genere, & virtutem examinis particularis, repræsentatâ occasione, exerce, hoc modo: O IESV, pro me, v.g. *flagellate, quid retribuui tibi? quid retribuas diligo te ex toto corde, & omnia tibi offero, & committo, quando venies? quando per te humi isero* N. Potest eadem fieri recollectio recitando Pater noster, cum pia aliqua reflexione. v.g. renouando præsentiam Dei verbis illis, *Pater noster quies in calis.* Primâ petitione, puram intentionem, cum ipsa eadem contineatur; Secundâ gratiæ postulationem; Tertiâ, resignationem; Quartâ, fiduciam de paterna prouidentia, & suspirium ad SS. Eucharistiam; Quintâ, caritatem erga proximum; Sextâ, humilitatem, cum tot periculis cincti nullum euadere absque Deo possimus; Septimâ, propositum vitandi peccata ac defectus, maxime illum, quem examine particulari superare contendimus.

Exercitium seu opus manuale.

In hoc exerce communicationem cum Deo: ex creaturis ad eum cor eleuando, absque contentione animi. Initio autem offeras Deo, & vni Christi meritis opera tua, & opere peracto gratias age, ei que offer.

Oratio ante inchoationem operis manualis.

Domine Deus, cui omnia seruiunt, denuò offero me hac horâ, forsitan ultimâ, tibi in holocaustum, & opus hoc in unione meritorum & laborum Christi IESV: dignare hoc per me operari, ad gloriam tuam. Amen.

Post opus.

Tu Domine principium & finis, gratias ago tibi, qui nemine indiges, quod dignatus es me vocare in familiam tuam, & hac per me facere, sine quo factum est nihil. Sit tibi laus de bono tuo, ignosce malum meum & imperfectiones meas, & suscipe in unione omnium actionum Christi filij tui, ad tui solius, non mei gloriam, Amen.

Inter

Inter laborandum sententiam aliquam ex his, quæ sequuntur, memoriâ repetere poteris.

Iaculatoriæ pro laborantibus.

Labores manuum tuarum manducabis, beatus es, & bene tibi Psal. 127.
erit.

Vsq̃ue in hanc horam esurimus & sitimus, & nudi simus, & colaphis cadimur, & instabiles sumus, & laboramus operantes manibus nostris. 1. Cor. 4.

Si quis non vult laborare, non manducet; beatus verè qui manducabit panem in regno Dei. 2. Thess. 3.
Luc. 14.

Benedictio Domini diuites facit, nec sociabitur eis afflictio. Prou. 10.

Vu t, & non vult piger, anima autem operantium impinguabitur. Prou. 13.

Labora sicut bonus miles Christi. 1. Timoth. 3.

Beati mortui qui in Domino moriuntur: amodo iam dicit spiritus, ut requiescant à laboribus suis. Apoc. 14.

Mitte sapientiam de calis sanctis tuis, ut tecum sit, & tecum laboret. Sap. 9.

Noli laborare, ut diteris; sed prudentia tua pone modum. Prou. 23.

Venite ad me omnes qui laboratis, & onerati estis, & ego reficiam vos. Matth. 11.

Pauper sum ego, & in laboribus à iuuentute mea. Psalm. 86.

Pro legendis Horis.

Para te ad has vt ad meditationes, horâ & tempore competenti; nec noctem, & opera eius verte in diem, seu diurna opera, & contrâ. Etiam litus magnam rationem habe, cum Deo collocuturus. Et post recitationem te collige. Vide Richardum de securitate conscientia cap. 26.

Lectio vel studium.

Priusquam studere incipias, ora, & contritionem excita offerendo opus tuum Christi actionibus vnictum, diuinæ maiestati, & dic: *Veni sancte Spiritus, & emitte calitus lucis tue radium: ex te anim, & in te, & pro te sunt omnia, Deus meus, & omnia.* Lege verò quotidie pium aliquem librum, vt sapientissimi viri soliti fuerunt, D Dominicus, D Thomas, D. Bonauentura: non tamen sit fortuita lectio, aut præcipitata, sed attentâ ac deuota, ad mediam, vt minimum horam.

Scriptio litterarum.

Magna hæc est occupatio nonnullis; ex ea autem fructum colligent, si præmeditare & piè scribant, meminerintque, quod vulgò dicitur, litteram scriptam manere, ac scribi, vt sic loquar, æternitati.

IACVLATORIA.

O IESV, qui in manibus tuis, & libro vita descripsisti me, da mihi præmeditatè, piè & prudenter scribere æternitati, ad gloriam tuam, ex te enim, &c.

Examen.

Quo pacto tam generale, quàm particulare sit instituendum, vide suprà: & caue, ne prætermittas; sed crebrò fac, bis saltem in die, & ad horas singulas breuiter. Iam iudica te ipsum, cùm absolui, si vis, potes. Certè, vt Gregor. quanto se quis minùs videt, tanto sibi minùs displicet; & tanto magis, quo crebriùs se in conspectu Dei intuetur. Ad quod aptè Propheta dixit: Spiritus leuauit me, & assumpsit me; & abij amarus, in indignatione spiritus mei.

Gregor. l. 35.
moral. c. 5.

Ezech. 3.

Ad mensam.

IACVLATORIA.

Lucæ 13.

Beatus qui manducabit panem in regno Dei.

Dum lauas te, propone seriò tèmperanciam; & cogita, vel de lauacro sanguinis Christi, vel vanitate mundi, vel de mensa cælesti, & ad eam aspira. Inter comedendum, semper dissimulanter in aliquo te mortifica, id est, aliquid, quod magis aridet, Christo Domino offer, & gulæ eripe, vt eo ille & tu fruaris in æternū: vel insulsum comede, propter fel Christi Domini, de nullo querere: & si libet attende in prandio ad aliquod mysteriū, v. c. ad conuiuium in quo Christus Dominus accumbit: vel certè ad primum ferculum cogita de morte, eiusque ferculo, vel de ferculis inferni; ad secundum, de cæna Christi, & Eucharistico epulo; ad tertium,

tertium, de cælesti. Singularitatem & delicias euita. Sufficiat, vt Bernard. ait, comestibilia sint, non concupiscibilia: sufficit enim concupiscentiæ malitia sua. Vita etiam voracitatem & præcipientiam; ideoque initio saltem dic vnum *Pater*, pro benefactoribus, vel defunctis; & attende lectioni, aut sermoni, ne totus comedas.

Bernard.

A mensa.

Remitte paulisper animum: sed ante colloquium renoua præsentiam Dei, ac puram intentionem. tardus ad loquendum esto, & circumspectus, & ora cum Propheta: *Pone Domine custodiam ori meo, & ostium circumstantia labijs meis: ex te enim, & in te, & pro te sunt omnia.* Tunc certè magis, quam aliàs, periculum. Penè enim epulas loquacitas sequitur, vt Gregor. ait. In colloquio, vt re pulcherrimâ, quam habes, humilitatis, oportunè silendo, non interpellando; caritatis, alium recreando; & zeli, bona narrando, occasione. Post illud, examina te, & prouide in futurum, ac roga Dominum, vt errata corrigat, pro misericordia sua.

Greg. 1. Mor. c. 5.

Salutatio Venerabilis Sacramenti.

Si Sancti, & Religiosi ferè assiduè coram Domino adstent, æquum est alios saltem semel, scilicet, in Laudibus, Dominum in Ven. Eucharistia salutare. Ad hoc igitur considera breuiter Primò, peccata præterita, & contritionem excita; Secundò, beneficia, & gratias age; Tertiò, propositorum tuorum, & si Religiosus es, votorum renouationem facito; Quartò, in honorem passionis Christi Domini ad toleranda te offer; Quintò, fidei, spei & caritatis actus exerce. Oratiunculâ vti potes, quæ ante Sacrum, aut ante Horas recitandas proposita est.

Ad pulsus Salutationis Angelicæ manè, in meridie, & vesperi.

Primum *Aue* recita gratias agendo pro creatione; secundû pro incarnatione; tertium pro redèptione: offer te, & omnia tua tanto benefactori: & si libet, subiûge post tertium *Aue: Benedictus sis Deus Pater, qui me creauit; unigenitûque Dei Filius, qui pro me descendit è calo; sanctus quoque Spiritus, qui vocauit me, & fecit mecum*

mecum

mecum misericordiam suam. Ex te enim, & in te, & pro te sunt omnia, Deus meus, & omnia.

Litania.

In his statue Primò, te coram Deo, ac curia cælesti, & pete à B. Virgine, amorem Dei: ab Angelis, puram intentionem: ab Apostolis, obedientiam: à Martyribus, patientiam: à Confessoribus, paupertatem: & à Virginibus, castitatem. Ad libera nos Domine, cogita quàm multa mala te circumstent, & pete liberati. Ad te *rogamus*; vide quàm multis egeas: eaque postula à fonte omnis boni tibi præsentem.

Exercitium tempore vacuo.

Nunc lege, nunc ora, nunc lecta aut scripta reuolue:
Vel pugna, vel cerne Deum, vel cuncta resigna.

Pugna, id est, reuoca in memoriam occasiones exercendæ virtutis, quam examine particulari studes acquirere, & exerce eam, aut vitium contrarium detestare. *Resigna*, id est, propone tibi varios casus, quibus fama, bona, amici eripiantur, & voluntatem tuam cum diuina coniunge.

Dum conuersandum.

Primò, ad Deū respice, qui potest solus animas conuertere, & dirigere negotia; Secundò, te, & miseriam tuam, & gratiam pete. Illius quocum agendum Angelum inuoca, ac tuum, vt negotia cum eo homine tractanda feliciter expedias. sis in sermone parcus, suauis, consideratus, numquam de alterius loquere defectibus, vel de tuis laudibus, contentionemque omnem deuota.

Dum foras eundum.

Ex obiectis visis atque auditis, ad Deum cor tuum eleua. Si Religiosus, & nomen tibi signandum, ora vt maneat in libro vitæ, & gratias age pro vocatione. Salutare potes Christum in occurrentibus pauperibus, eleemosynamque à Deo iis petere, tribue verò si potes Modestiam, si Religiosus es, maximè serua, cum ex vno omnes iudicentur.

Ante omnes actiones notabiles.

Collige te, intentionem renoua, Deo confidendo, tibi que diffidendo, & perfice, tamquam si vltima foret & aeterna: semel enim factum, aeternum est.

I A C V L A T O R I A.

O virtus mea, Deus meus, tibi viuo. O omne bonum, dignare hoc vltimum, & aeternum per me operari ad tuam gloriam, non hostium meorum. Amen.

Antequam vllam cogitationem penitus admittas.

Dispice qualis sit, neque blandis nimis afficiare; quia fallaces, neque alias time, quia saepe salutares.

I A C V L A T O R I A.

Tu nosti quid expediat, gaudium meum: tu timor meus, extra te, nihil volo, o Deus meus, & omnia.

Transcendo templum dicito:

Adoro te Sanctissima Trinitas, cum omni creatura, & pro omnibus, qui te ignorant & blasphemant. Credo tibi, o Veritas aeterna; spero in te, & ex toto corde meo te amo, o bonitas infinita. Amen.

Egrediendo cubiculum lustrali aqua te asperge, & dic:

Nos cum prole pia, benedicat virgo Maria.

Redeundo.

Quasi inuenias ibi Deum expectantem, cum B. Virgine, dic: Quis mihi det, vt inueniam te solum & omne bonum, & cetera arbitrer vt stercora, vt te lucrifaciam?

Ad mortificationem se offerentem.

Cogita, te Deo petenti vt facias sic, oportere respondere: Tu pro me, a me hoc petis, Domine Iesu, & cum possim, quare id nolim, cum damno meo, cum dolore tuo, gaudio hostium meorum?

Dum

Dum mortificationem aliquam facis.

Primò, intentionem renoua: deinde offer & vnias actionibus aut doloribus Christi IESV.

Ludus.

Primò, omnis is vitandus, qui speciem avaritiæ habet, cotinquietat, animum nimis occupat: aliàs non est ludus, seu remissio. Secundò, moderatio hic maximè adhibenda: ac nihil turpius, etiam Ethnicis visum est, quàm huic multum temporis tribuere, atque inertem vitam ducere. Tertiò, vitanda omnis scurrilitas & contentio.

IACVLATORIA.

Adhareat lingua mea faucibus meis, si non meminero tu, IESV in principio latitia mea. vel: O Sapientia æterna, cuius delicia sunt esse cum filiis hominum, ecce, ego coram te ludam, vt non illudam tibi, & vulnerem te; vt oblectem me, offendam te, & iniuriam inferam pro donis tuis, sed ad gloriam tuam, animum Christianè remittam, vt alacrius tibi seruiam. Amen.

Itinerarium.

Pridie omnia dispone, vt manè primum Sacrum audire, & à Christo Domino benedictionem accipere possis. In itinere, primò Itinerarium, & Litanias, & Psalmum, *Benedicite omnia opera*, &c. lege: deinde meditationem institue, tum colloquium pium; post hoc rosarium. neque examen particulare, aut generale omittendum. In fine itineris, recita *Te Deum laudamus*, &c. & inuoca Angelos loci, ad quem peruenturus es.

Dum veneris ad locum, coram Ven. Eucharistia, si potes, ita orabis:

Adoro te, Sanctissima Trinitas, vbique aquè presentem, aquè præteritum patrem, & credo tibi, & in te summè confido, & diligo te ex toto corde meo. Ignosce peccata mea, & da vt in hoc loco eā humilitate, prudentiā ac caritate conuerfer, vt neminem absentem aut presentem

sentem Iadam, sed bonus Christi odor in eosim, & sanctificem nomen tuum. Quando introibo in domum tuam; & amodò dicetur, ut requiescam à laboribus meis?

*De die, quo quis statum in Ecclesia Dei suscepit,
utiliter celebrando.*

Religiosus certè Sanctorum exemplo hunc solemnem habere debet, sed & alij etiam matrimonio iuncti, ac tum considerare defectus circa statum admissos, & de iis humiliter confiteri, ac deinde communicare; aliorum preces & sacrificia postulare, gratias Deo pro beneficiis agere, eleëmofynas elargiri, exemplo sentis illius, qui natali suo quo in Religione renatus erat, nihil penitentibus negabat.

C A P V T XXV.

*Exercitium, seu praxis Præparandi sese
ad mortem.*

VItæ nostræ ultimus actus, est mors: quæ ut felix & fortunata nobis sit, cogitationes omnes atque actiones, diesque illius huc dirigi debent. Non potest enim malè mori, qui bene vixerit: bene autem & feliciter viuet, quicumque bene mori didicerit: bene autem mori nouerit, qui in omni vita mortis memor fuerit, & ad eam se comparauerit. Cùm igitur omnis scientia atque doctrina, omnis exercitatio, & dies omnes eò referantur, ut nouissima beata sit; de illa etiam tamquam triumphali, tamquam æterna, tamquam columine, & termino peregrinationis nostræ, à qua felicitas dierum omnium & æternitatis pendeat, disserendum est. Ideò varias præparationes ad eam accipe.

Primò, frequenter mortis recordare, quod Ecclesia initio Quadragesimæ monet: atque (etiã si nos omnia eius admoneant, cùm vbique ortus sit & occasus) aliquod confer memoriale, ut nonnumquam fieri videmus. Immo D. Damascenus dicit, ea de causa (non solum ob cultum religiosum) ossa Sanctorum solita
cir-

circumferri. Si malis, domi signum ante te statue, vel etiam tibi viuo, vt S. Ioannes Eleēmosynarius, vt viri principes, in templo sepulcrum erige, illudque crebrò adi, & considera; aut denique in cœmiterio, aut templo quasi designa. In Claraualle esse fertur sepulcrum apertū primo morituro, quod memoriæ mortis causâ quotidie visitant Religiosi. In alio Ordine singuli habent in cubiculo sarcophagum. In alio salutare se inuicem soliti erant, hoc pacto: *Frater debemus mori*; respondebat alter, *ne scimus quando*. Vides quam fuerit cordi viris sanctis mortis perpetua recordatio.

Secundò, quotidie aliquam ex notis prædestinationis acquirere stude, maximè illam misericordiæ erga proximum: quia quâ mensurâ mensi fuerimus, eadem remerietur nobis: & beati misericordes, quoniam ipsi misericordiam consequentur. De ea, prima quæstio in iudicio instituetur. Meditari autem de singulis potes hoc pacto: Primò considera, an habeas eam, & quid impediatur; Secundò, qualiter beatus aliquis se, per eam, securum reddiderit; Tertiò, quo pacto ad eam deinceps incumbes.

Lucæ 12.

Tertiò, cum peregrinus sis super terram, transmittas opes hinc perituras, in patriam. sic tibi thesaurus tuus, vbi fuit non appropriat, neque tinea corrumpit. immò habe arculam in quam conicias eleēmosynas dierum: vt nulla dies abeat quin linea ducta super sit, quin tuum in cælis thesaurum virtutibus adaugeas. has autem potissimum exerce, quæ in morte sunt necessaria; Primò, fidei; Secundò, spei; Tertiò caritatis; Quartò, contritionis, patientiæ & mortificationis actus: quia impatientiâ infirmi plurimi tentantur. quæso autem te, vt habitus prauos bonis euincas; discas tentationibus resistere, ne, cum defecerint vires, superent te, & in portu facias naufragium. Sic non ita pridem, quidam ritè confessus, supremâ nocte, respirare à morbo cœpit, & suspirare consuetudine prauâ retractus, velut seruus è fuga, ad præterita flagitia mox oppressus fuit: postridie, qui confessionem exceperat, mortuum audiens, ad sacrificium pro eo offerendum consurgit; sed ad pedem altaris adstitit vmbra, & vetuit, damnationem suam, & causam illius, inueteratam peccandi consuetudinem denuntiavit.

Enchir.
cap. 12.

Quartò, negotia ita suscipe, vt breui moriturus. Itaque ea gere, Epictetus ait, quemadmodum in nauigatione, subducto nauigio, si aquatum exieris, obiter fortassis etiam cochleolam colliges; aut bulbum: animo autem in nauigium intento esse oportet, ac continenter sollicito, ne gubernator vocet: ac tum illa omnia relinquere, vt ne vinctus, tamquam oues, in nauim concitiaris. ita
in

in vita, si tibi vice cochleæ, aut bulbi, detur vxorcula & puer: nihil impedit; at si gubernator vocarit, curres ad nauem, relictis illis omnibus, neque respicies. Quod si senex es, caue vnquam à naue recedas longius, ne, quando vocatus, deficias.

Quintò, quotidie cubitum iturus, quasi ad mortem te para; & cogita, an verè ad eam sis paratus, qualiter te in ea vixisse optabis. Quis enim scit, non solum quid ventura dies, sed nox pariat? O quam horrendum est cogitare, subitò dormientem oppressum catharro, incidere in manus Dei viuentis, à somno ad iudicium, ad supplicium, ad mortem trahi sempiternam! O quomodo fieri potest, bone Iesv, vt quis credat mille pericula sibi & suis ab hoste, qui in portis sit, imminere famæ, vitæ, bonorum omnium, & ne semel de colibeat cogitare! Quotidie manè,

Omnem crede diem tibi diluxisse supremum.

Quotidie lege preces aliquas, Litanias v. g. B. Virginis, pro felici morte, & sanctos Patronos cole.

Sextò, obserua diligenter, vt assuescas ad omnia subita, cespitationes, lapsus, fragores, excitare actus contritionis, fidei, spei, caritatis, verbo vno, v. g. *doleo, credo, spero, diligo*, &c. sic enim tales affectus, quos ex consuetudine pia didicisti, dilatare poteris, & quasi in ictu oculi eosdem repræsentare sic noui Religiosum, qui dicebat se, nominando *Iesus*, vel *Maria*, ad singulas litteras, actus nobilissimos virtutum exercere solitum. Vtinam hoc pacto milites instructi forent, & in omnibus periculis, timoris Domini clypeo essent recti! Sanè sic instrui omnino eos oporteret, & quidem diligentissimè, vt crebrò contritionem & intentionem rectam, aduersus subitos mortis casus innouarent.

Septimò, singulis saltem annis bis ita te dispone, quasi moriendum tibi foret, ad honorem mortis Christi Iesv, & vt à subitanea morte libereris. Suadet quidem Thomas à Kempis, vt ad singula solemaia festa id fiat: & sanè vtiliter. Imò, & singulis saltem mensibus id conduceret, atque ita animum colligere & renouare, rationes secum subducere: sed solemnius bis per annum, id fieri expediet: quasi dictum tibi à Propheta esset. *Dispone domui tue, quia morieris, & non viues.* Ad hoc videtur accommodus dies Veneris sanctus, vt cum Christo moriamur: dies item omnium Sanctorum & animarum, ob ritus Ecclesiæ tum vsurpatis solitos. atque his ita te dispones, vt si verè moriturus esses, & confessionem etiam generalem, si videretur, à posteriore facies; eaque diligentia & curâ, ac si postrema futura esset. Atque ita etiam die Iouis sancto, & die omnium Sanctorum SS. Eucharistiâ reficies. die autem Iouis sancto ac Veneris ad sepulchrum Domini;

Eee

vel

Isaia 38

vel ad sepulchra maiorum, in die animarum, si sint eo loco; si nō, ad aliorum, repræsentat tibi mortem tuam, angustias & exequias. Eleëmofynas pro statu largire; & quæcūque alteri debes, restitue; aut si res non ferat, iam saltem scripto annota. Denique, tamquam si valedicendum omnibus creaturis foret, talem animum induc, & noua desideria diuinæ bonitati seruiendi. Neque hoc tantum, sed quoad potes, habere omnia disposita, testamentum, &c. O quam salutare, cum mors incerta sit, & omni loco nos expectet, velut certâ die venturâ operiri, & omnibus locis & horis eamdem expectare! Cum autē dies Veneris sanctus, deuotioni maximè sit accommodatus, tum maiori cum affectu, tempore longiore, impende te pietatis studio, & accende te ad amorem Domini; & scripta recens proposita, aut recognita, iterum die Paschæ relege. Si die vno atque altero posses in secessu, aut domi tibi vacare, aut in domo aliqua Religiosa, vtilius longè foret, vt sic cum Christo moreris ac resurgeres. si enim complantati facti simus similitudini mortis eius, participes erimus resurrectionis illius.

Nota.

Octauo, cogita sæpè, saltem quo thebdomadis semel, quomodo diem mortis, & agoniam illam peragere velis. Si enim ad nuptiarum diem, aut triumphalem te comparares, aduerte, iudicij subeundi hunc esse, illumque, qui aut te in æternum beatum, aut infelicem faciet; quo ad nuptias Agni, aut ad carcerem inferni perpetuum, eundem; quo in triumphum, aut ad supplicium, duccendus sis: denique diem, qui de omnibus iudicat, propter quem sunt omnes dies, anni, lustra, & vniuersa vita & actiones nostræ. Idcirco, de præparatione proxima ad eam pauca habere.

Cum subito aliqui moriuntur, suadeo vehementer, vt statim actum contritionis, fidei, spei & amoris excitent; & si ex vulnere, condonent aduersario Vocent statim confessarium, dicendo, se vehementer dolere, & petere confessionem, vt sic absolui possint, etiam si postea loqui nequeant: sicut etiam cum cœperunt grauiora scilicet confiteri, & periculum esse apparet, statim absolutio danda est, ne præoccupet mors; si spatium derur, perficienda erit confessio. In communi periculo belli, naufragij, ruinæ, simul confiteri clarè aliquod peccatum, v.g. mendacij possunt, & simul absolui.

Propinqua præparatio ista esse poterit:

Cum primùm in morbum incideris, recordare cum accipere

de manu Domini, & gratias age; immò offer te ad maiora, & in manus eius te proiice. Neque fiduciam in medico colloca, sed in Deo: vocari tamen is debet; sed animi primò confessarius. si quod periculum, saltem simul vocentur; & medicum roga, vt liberrimè periculum indicet. liberè te curet: nam Deo grata ista resignatio. Vtinam medici se discipulos Christi ostenderent, & eundem finem se cum illo habere, qui solet per corporis morbos animam perfanare! vtinam tempestiuè semper, etsi periculum nulum sit, monerent de anima curanda! tunc enim ex consuetudine pia non terrent vnquam infirmos. Stupenda verò res; agitur de æterna vita, & momentanea; pro hac omnia, & ardentè, pro illa sæpè vix aliquid, & cum mora, libet adhibere. Neque refert, an periculum sit: cum enim incerta sint omnia, non deest vnquam. Saltem placandus Deus, qui sæpè iratus, morbos infligit, nec sanat, nisi animà perfanatâ. Præterea curandum est vt simus in statu gratiæ, vt mereri per ea, quæ patimur, possimus.

Nota.

Oratiuncula initio morbi.

In manibus tuis sortes meæ: siue viuimus, siue morimur, tui, bone IESU, sumus. Fiat voluntas tua. Sana me, Domine, & sanabor; saluū me fac, & saluus ero. Tu enim mortificas & uiuificas, non medicorū operâ; tu deducis ad inferos, & reducis. O Pater æterne, tuum hoc est donum, & tua voluntas sancta, beneplacens, & perfecta. Benedico te, & me resigno ad omnia quæ tibi, ô Sapiëntia æterna, placuerint, in tempore, & in æternitate. Vel dic cum sancto Andrea: Ô bona crux, quæ decorem ex membris Domini suscepisti, diu desiderata, sollicitè amata, sine intermissione quesita, & aliquando cupienti animo præparata, accipe me ab hominibus, & redde me magistro meo: vt per te me recipiat, qui per te me redemit. Vel: Paratum cor meum Deus, paratum cor meum: ego seruus tuus, & filius ancilla tua: ego lutum, tu figulus; fac de me vas in honorem, ad gloriam nominis tui, ure, seca, sed parcas in æternum.

Psalm. 30.

Rom. 14.

Math. 8.

Jerem. 17.

1. Reg. 2.

Psalm 56.

Psalm. 115.

Alia de hac re longior pro opportunitate.

O Pater, ô medice anima mea, tu nosti quid expediat. omnia in vero iudicio fecisti, ex amore summo, & sapientia æterna: tu, quæ, o, mecum sis in tribulatione, vt in patientia possideam animam meam: si de manu tua bona suscepimus, mala quare non sustineamus momento

Iob 2.

Ese 2

vno

Lucæ 24.

uno pro gloria aterna? Si oportuit te pati. & ita intrare in gloriam tuam, nonne & me sine murmure & querela oportet? cum tot peccatis meis infernum promeritus sim; cum tanta mihi paraueris; cum amore mei, ô immensa bonitas & infinita caritas, dignatus sis mori!

Tobiz 13.

Caveat æger ne queratur apud inuisentes, sed obedientiæ erga medicum, & eis qui curam sui gerunt, patientiæ & humilitatis exempla relinquat, quibus animos ad imitationem inuiter, ac cum Tobia dicat, *Ipse castigat nos propter iniquitates nostras; & ipse saluabit nos propter misericordias suas.* si occurrat quòd solitis exercitiis vacare non possit, hunc versiculum ruminet, *Deus bonorum nostrorum non eget, ac gratius illi nos facere voluntatem suam patiando, quàm nostram operando.*

Psalm. 15.

Secundò, diligens sit in confessione facienda, & excitanda contritione, (sæpè enim peccata nostra morbus expiat) & Indulgentias quas potest, promereatur. Molestias medicorū & medicinæ suscipiat cum humilitate, ac toleret: si vena secanda, de sanguinis Christi effusione cogitet, & totum sese offerat illi: si medicina sumenda, & adsit Sacerdos, eam benedici petat, si non, ipse cruce signet, & non tam in medicina, quàm Dei auxilio cōfidat, ne arguatur vt Aza, de quo Scriptura ait: *Nec in infirmitate sua quasiuit Dominum, sed magis in medicorum arte confusus est.* Et Sapientia idem monet dicens, *Neque herba, neque malagma sanauit eos, sed tuus, Domine, sermo, qui sanat omnia.* itaque iaculatoriā tali vti potest, *Sana me Domine, & sanabor; saluum me fac, & saluus ero, quoniam laus mea tu es.*

2. Paral. 16.

Sapient. 16.

Ierem. 17.

Tertiò, cūm visitatur ab amicis, ostendat se morbum de manu Dei accipere, querimoniis abstineat, vt dixi: petat moriturus ab iis pro se opera aliqua satisfactoria, & maximè communionem & confessionem.

Quartò, examen conscientie potest bis in die facere, aut in horas singulas, si assueuit, imò etiam tum assuescere, & in breui explere tempora multa. Magnum ex hoc accipiet corporis animæque solatium.

Quintò, quotidie ante & post meridiē, humiliter legi sibi aliquid petat ex vitis Patrum, ex Thoma à Kempis, vitis Sanctorū, de exercitiis eorū in morte & fortitudine, quæ prosequitur P. Bussæus tit. de statu morientium: vel ex Patre Aria, de tribulatione, de Passione Domini, maximè è S. Bernardo: vel psalmos, vel meditationes de patientia, de Dei prouidentia, P. Binet de consolatione infirmorum; & habeat horologium Passionis, manuscriptis scriptum, ad lectum, vt si possit singulis horis sese colligat, sequē Deo offerat.

Sextò.

Sextò, sententias etiam in promptu habeat aliquot quas ruminet. his sese consoletur: maximè doloribus crescentibus.

Sicut Domino placuit, ita factum est, sit nomen Domini benedictum. Iob 1.

Fiat voluntas tua sicut in calo & in terra.

Matth. 6.

Bonauent.

Perfèctius est aduersa tolerare patienter, quàm bonis operibus insudare.

Prouer. 16.

Melior est patiens viro forti.

August.

Hic ure, hic jeca, hic nihil mihi parcas, vt in aeternum parcas.

Lucæ 24.

Oportuit Christum pati, & ita intrare in gloriam suam.

Iob 37.

Peccavi, & verè deliqui, & vt eram dignus, non recepi.

1. Reg. 3.

Dominus est, quod bonum est in oculis suis, faciat.

1. Machab. 3.

Sicut fuerit voluntas in calo, sic fiat.

Psal. 118.

Iustus es, Domine, & rectum iudicium tuum.

Iob 6.

Quis mihi det, vt qui cupit affligere me dolore, ipse me conterat, soluat manum suam, & succidat me!

In omnibus exhibeamus nos sicut Dei ministros in multa patientia, in tribulationibus, in necessitatibus. 2. Cor. 6.

Domine, vimpatior, responde pro me.

Isaia 38.

Pater, si possibile est, transeat à me calix iste; verumtamen non sicut ego volo, sed sicut tu. Matth. 26.

Benedicam Dominum in omni tempore, semper laus eius in ore meo. Psalm. 33.

Miserere mei Domine, quoniam infirmus sum; sana me Domine, quoniam conturbata sunt ossa mea: sed tu Domine, vsquequo? Psalm. 6.

Verumtamen Deo subiecta est anima mea; quoniam ab ipso patientia mea. Psalm. 61.

Septimò, vt propius ad mortem te præpares; Primò, de temporalibus marisè prudenterque dispone, testamentum æquum & perspicuum, concordia & non litium seminarium conde, atque in eo primò animæ tuæ rationē habe; aliena restitue, trans mitte per manus pauperum quæ potes in terram viuentium, vt ibi viuere & recipi possis in æterna tabernacula, etsi melius longè est largiri cum frui iis potes. Siquidem illud est quasi stomacho pleno quod non adlubet edulium, aut non potes deuorare, proicere, aut rapienda mox ab hoste potiùs permittere vt amici nobis seruent, & hoc pro gratia illis imputare: vel aliena, cum ampliùs potestati illius, qui verus dominus est, resistere non potes, tandem illi permittere aut restituere, sed inuitum. Vide an non rem exponat simile hoc. Pia legata, quæ relinqui propterea possunt, sunt, legare pauperi, alimenta Religiosis viris, studiosis, dotem pauperibus, Ecclesiæ ornamenta & instaurationem, &c. Si eam tibi dignatus fuerit Dominus dare mentem, vt è

terris excedens, heredem eum relinquant, benè tecum agetur, erit enim sic tibi heres, & tu illi, ac tibi etiam ipsi similiter, si, cum in cælo perpetuò laudaturum Dominum te speres, hic, ubi sapius offendisti eum & inhonorasti perituris bonis, laudatorem diuinæ bonitatis tibi sufficias; & si propugnatorem regni eius, ac zelatorem honoris illius, quiq̃ue propaget fidem apud infideles, & apud hæreticos, pro te in terra relinquere Dei gratiâ possis, erit unde in æternum gaudeas. Fiet hoc per posteros stirpis tuæ, quos si bonis auges, augere posses & veris bonis, & ad pia aliqua exercitia obligare, seu eleëmofynas, seu mensuram communionem; vt hereditas non sit profana, sed sacra. Vides legari & relinqui posteris amplas hereditates, vt insignia gerant gentilitia, vt nomen; vides institutos sacros Ordines militares, id est possessiones aliquas eo fine nobilitati tributas, vt ad exercitia pietatis inuitarentur dulci escâ utilitatis; cur non imitari potes in tua familia, & æmulari, vt sic etiam pietatis studium foueas in posteris? Religiosus quid agat? plurima habet; quærat ille quos conuertat ad Dominum, quærat qui loco suo militent Deo, eosq̃ue non solum inuitatione, sed exemplo & oratione: quem vel quos hoc modo nactus fuerit heredes, vt sic loquar, iuuet quoad fieri potest, in spiritu; efficiatq̃ue vt ipsi eandem probent tibi & sibi industriam.

Rom. 8.

Octauò, legare etiam suadeo suo aduersario, atque ita ostendere sese filium Patris sui cælestis, ad quem properat æger; quia plenitudo legis, dilectio est.

Nonò, inter temporalia sunt munia quæ gessimus, de quibus videndum, vt & de bonis, vt iis relinquuntur, qui idonei sunt, quibusq̃ue sit ad salutem futurum, non vitiorum, aut improbitatis auxilium.

Decimò, de liberis eorumq̃ue educatione maior sit cura, & quoad humanitus licet, prouide vt salui æternum sint.

Vndecimò, animam sincerè per confessionem, etiam generalem si ita videtur confessario, expurga tempestiuè. Si quos habes aduersarios, concilia tibi; & a tuis etiam veniam pete. ideoq̃ue per Canonem sancitum, vt medicus tertio non reuertatur ad eum, qui animæ suæ curam despicit.

Duodecimò, sacram communionem etiam publicè postula, neque videndum quid homines dicant, sed quid animæ tuæ expediat. domus tua ardet, & non vis publicè aquam adferri? corpus ægrum est, nec pudet medicum sapius te visitare: anima ægra est, & veremur, ne accedat medicus & pastor animarum nostrarum, salus & liberator noster? At dicent te mori. Ad hoc na-

tus

us es, & viuus. Aliud sæpè in Principibus, à quibus salus publica penderet: verùm in priuatis nōne videtur esse hoc, erubescere Dominum confiteri; quæ paulò post optabis, vt te confiteatur coram curia sua, & in die iudicij coram orbe terrarum?

Decimotertiò, sacram vnctionem postula, dum adhuc vigent sensus, & responde, si potes, ad preces Ecclesiæ: saltem ad singulas vnctiones contritionem excita; post eam gratias age, & protestationem sequentem tibi legi cura. Obserua autem, vt dixi, diligenter occasiones, quas habes promerendi Indulgentias, ratione sacrorum numismatum, aut congregationis, siue Ordinis cui adscriptus es. Magna certè imprudentia eas negligere, & quas breui oratione redimere posses, pœnas grauissimas malle experiri. Neque solum ipse Indulgentias promerere; sed pete, vel cura peti ab aliquo, vt defuncto mox, ratione numismatum, tibi applicent Indulgentias. Neque omitte occasionem confitendi, non ex scrupulo, sed desiderio placendi Deo, & augendi gratiam. Itaque quando copia est confessarii, etiam quotidie confiteri posses, & maxime sub exitum vitæ.

Decimoquartò, obserua, si Religiosus es, Primò, obedientiam in omnibus accuratè: gratissimum id Deo sacrificium. Secundò, numquam querere de vllo; nihil particulare pete nec admitte, sed paupertatem exerce. reulas verò omnes Superiori resigna tempestiuè. Tertiò, caue, quoad potes, ne denuderis; & hoc à Domino postula amore castitatis. Quartò, roga eos, qui te visitant, vt pro te officia faciant, quæ præstare nequis; vt sunt, meditari, cantare, salutare Ven. Sacramentum, officia humilia obire. Quintò, quotidie, si potes, confitere, & communica. Post generalem confessionem, & Litanias recita. Sextò, pete, vt aliquid pii legant qui accedunt, maxime ex Euangelio, & de beata vita. Septimò, a sacerdote, vel Superiore, manè & vespere pete benedictionem, quemadmodum etiam quoties potio sumenda est.

Decimoquintò, cura, vt in conspectu tuo sint piæ imagines, maxime crucifixi, & sæpè cor eleua in Deum. D. Augustinus septem Psalmos pœnitentiales descriptos habebat, & magna cum contritione recitabat, dicens: non oportere Christianum sine pœnitentia mori. Post hæc, imò citius, excludunt aliqui à se vxorem, & liberos, vt se totos cum Deo iungant, vt sæcularium omnem curam deponant. Quem enim, ait August. morbus vrget, & pœna terret, ad veram vix veniet satisfactionem; maxime, cum filij, quos illicitè dilexit, sint præsentes, & vxor, & mundus ad se vocet. Admitte verò tum viros verè bonos, qui te ad mortem iuent comparare: committe iis animam tuam, qui non negligunt

*August. de
pœnit. dist. 7.
Nullus.*

suam. Sanè laudabile omnino est: immò oportet hos non otiosè adesse, sed dum tempus est mercatus, suauiter actibus virtutum, quoad res patitur, infirmum ditare, & confirmare. Sanctos fingere potes lecto adstare, imprimis B. Virginem solatium nostrum: & obserua diligenter, piamque consuetudinem, dum sanus es, indue, quotidie dum incumbis, sic Sanctos quasi præsentes compellandi, & iis te commendandi.

Matth. 5.

Decimosextò, prouide, vt aliquis te sepiùs aquà benedictà adspargat, & tibi pias iaculatorias in aurem pronuntiet, quibus refocilleris; etiamsi vitæ signum non dederis. Sæpè enim eiusmodi rebus infirmi valdè recreantur, etiamsi id significare nequeant. Exercendi verò potissimùm actus fidei, spei, & maximè caritatis & contritionis: ideoque Symbolum Apostolorum conuenit recitare, & pias aspirationes & suspiria ad Deum, maximè ex Psalmis collecta, quæ amorem in Deum, fiduciam & contritionem spirant, vel similes affectus: vt pote, *Credo, Domine, in te spero, diligam te ex toto corde meo, ex tota anima mea, ex tota mente mea, ex totis viribus meis* O *utinam te numquam offendssem! ex te enim, & in te, & pro te sunt omnia.*

Nota, vtile esse, dum quis sanus est, quotidie dum incumbit, imaginari crucifixum ante se; & deosculari Primò, pedes cum Magdalena, ex amarissima & amorosa contritione; Secundò, genua, quæ pro me flexit Rex regum in incarnatione & passione, & fidei actum exercere; Tertiò, manus, quas aperuit, & impleuit nos benedictione, ac spem erigere; Quartò, cor seu latus, & amoris actus elicere toto corde, & prouincere se in manus eius, cum plena resignatione; vota que, si Religiosus es, renouare.

Nota diligenter, quia hoc, etiamsi alia desint, solum ad salutem sufficit.

Nota præterea, expedit quotidie dum incumbis, pacisci cum Domino, & protestari vt omnes respirationes sint & amoris aspirationes, & tui oblationes, fiant in vniõne omnium meritòrum Christi Domini; vt & petitiones eorum quæ ad salutem necessaria; & gratiarum actiones pro innumeris beneficiis, vt sic in via incipias, quod perpetuò factururus es in patria.

Deniq; cum venerit tempus, propter quod omne datū est, vnde pendebit æternitas, studeat vnire se Deo infirmus, & ad hoc, crucifixū stringat, si potest, animo & brachiis, & candelā alterā manu teneat, & corde dicat: *Diligo te IESV, toto corde meo, in eoque actu perseueret, in finem, & in æternum. Amen.* Sæpè autem repetat, *Iesus, Maria*, vt indulgentiam obtineat.

*De tentationibus in morbo occurrere solitis
& remediis.*

Prima est fidei: quæ contemnenda, nullaque argumenta admit-
tenda, sed ad Deum oculi attollendi, dicendo magno cum amo-
re: *Credo Domine, adiuua incredulitatem meam. Credo quod Ecclesia* Marc. 9.
credit, præterea nihil. Secunda, desperationis, sed confessione fa-
cta sincerè, & contritione excitatâ, nihil est quod anxii sumus;
plures pro nobis quàm contra nos. & cùm impossibile sit homi-
nem præterita omnia in memoriam reuocare, præsentis circum-
stantias omnes ob distractiones atque ignorantias attendere;
futura verò minimè providere queat; disce hoc vnum requiri, vt
bonâ fide, & sincerè quæ salutis sunt agas, & cætera diuinæ bo-
nitati cõmitte. Superuacua anxietas numquam prodest; tum quia
magis perturbat, minusque finit ea quæ salutis considerare; tum
quia Dei iustitiæ fieri satis à nobis non potest vnquam, sed con-
fidere bonitati eius oportet; tum denique quòd postquam om-
nia fecerimus, æquè inutiles serui sumus, idque solum habitu-
ri, oportere nos in bona fide, & morali diligentia acquiescere.
Secundò, cogita Angelum Custodem, sanctos Patronos quasi
adstantes, ante omnes B. Virginè solatium nostrum, certoque lo-
co, sicut lectulum Salomonis septuaginta fortes ambiunt, eosque
inuoca; Tertiò, vel maximè Dominum præsentem, & sæpè eius-
modi iaculatoriis vtire quæ fiduciam pronocent: vt sunt,

In te Domine speraui, non confundar in æternum.

Psalm. 30.

Etiamsi occideris me, Domine IESV, in te sperabo.

*Recordare, Domine, quanto pretio emeris me, tuus ego sum, saluum
me fac.*

*O IESV, spes mea & refugium. susceptor meus & liberator meus,
etiamsi consistant aduersum me castra, non timebit cor meum: si con-
surgat aduersum me prælum, in hoc ego sperabo.* Psalm. 26.

Mihi autem adharere Deo bonum est, ponere in Domino Deo spem Psalm. 72.
meam.

*In te confirmatus sum ex utero, de ventre matris meæ: tu es prote-
ctor meus.* Psalm. 26:

Alia est tentatio præsumptionum & illusionum, quibus re-
sponde cum Propheta: *Ego autem mendicus sum & pauper* (quasi Psalm. 39.
dicat, Non sum ex iis quibus ista debentur) *Dominus sollicitus est
mei; videbo Dominum in terra viventium, & id sufficit mihi.* Præ-

Ecc 5

sumptio

sumptio verò, si cogites, quòd nesciat homo, amore an odio dignus sit, Dei gratià reprimi potest. Deus bone, cùm iustitiæ nostræ sint vt pannus menstruatus, cùm de peccato propitiato iubeamur à Spiritu sancto non esse sine metu, cùm agatur de æternitate, cùm nihil ex nobis quasi ex nobis possimus, ac proinde quasi furtum & rapina sit, sibi præsidere; quis iam iam ad iudicem trahendus, peculatus aut maiestatis læsæ crimine se obstringet, & Dei ac iudicis sui gloriam rapiet sibi, de qua dixit, Gloriam meam alteri non dabo? dic igitur cum Propheta:

Psalm. 113.

Non nobis, Domine, non nobis, sed nomini tuo da gloriam.

Omnia in nobis operatus es, Domine.

Luc. 17.

Cùm omnia feceritis, dicite, Quia serui inutiles sumus.

Psalm. 8.

Domine, quid est homo, quòd memor es eius, & filius hominis, quia reputas eum?

Vtile amplecti Christum Dominum, stringere illum amoris amplexibus, & sic in manus eius commendare spiritum suum.

Protestatio moribundi.

O Pater misericordissime, Deus meus, ecce ego creatura tua, redempta sanguine vnigeniti filij tui ad te venio, creatorem meum, ob quem creatus sum, ob quem vixi, propter quem & in quo mori cupio: venio ad te ad quem millies iussiravi: ad te venio, quies mea, spes mea, amor meus & desiderium oculorum meorum. Hei mihi! quia incolatus meus prolongatus fuit, multum incolatus fuit anima mea! Vtinam cum Apostolo dicere possem: Bonum certamen certavi, cursum consummaui, in reliquo reposita est mihi corona iustitiæ; quam reddes mihi iuste iudex! O pater misericordiarum, quamuis sim minimus discipulorum tuorum, & indignus vocari filius; venio tamen magna cum fiducia, & me projicio in amplexus & brachia suavissima providentiæ & misericordiæ tuæ, & quantum possum doleo, quòd te aliquando dereliquerim fontem aquæ vivæ, à te recesserim vita mea, tui oblitus fuerim, qui omni momento quasi omnium oblitus esses, numquam oblitus es mei. O utinam numquam te offendissem, Deus meus, Deus cordis mei, & omnia! Suscipe hoc ab intimo cordis mei ardens votum, ac desiderium meum; dum tempus est miserendi, respice ad illud, & miserere mei. Scis enim, Domine, uti spero, quia amo te plus quàm me, & super omnia, quæ sunt, & esse possunt. Scio cui credidi, scio quia potens es depositum cordis mei servare, scio quia cor contritum & humiliatum non despicies, neque umquam projecies

Psalm. 119.

2. Timoth. 2.

2. Tim. 1.

cies me: paratum enim cor meum Deus, paratum cor meum, facere voluntatem tuam. Etiam scio quodd diligentem te diligis, & ad eum venies, & accipies ad te ipsum. O felix hora! quando liberabor de corpore mortis huius? quando veniam ad te, quando venies, & consolaberis me? Priusquam autem abeam, & amplius non ero, cupio diuina bonitati tue in hac lacrymarum valle toto corde incipere offerre sacrificium laudis, ut deinde ostendas mihi salutare tuum. Gratias igitur ago tibi infinities, quodd ab aeterno dignatus fueris de me amanter cogitare, & in tempore creare ad imaginem tuam; & quando venit plenitudo temporis, redimere sanguine unigeniti filij tui, toties mihi parcere, & de tenebris peccati toties me reuocare in admirabile lumen suum. Quid verò, ô Domine IESU, pro laboriosa vita & acerbissima morte tua, & quodd toties me pascere dignatus es corpore & sanguine tuo; quid tibi inquam retribuam, sponse & delicia anima mea? ab usus nihili mei, & miseriarum mearum inuocat abyssum bonitatis & immensa caritatis tua, in voce quinque cataractarum, & vulnerum tuorum: in his enim tota spes, & fiducia mea: propter hac, & oceanum misericordiarum tuarum, etiamsi occideris me, in te sperabo. & scio, ô caritas immensa, Deus meus, non confundes faciem meam, sed adorabo ad templum sanctum tuum, & confitebor nomini tuo. Quis mihi tribuat, ut cum omni affectu caelestis curia, omnium Angelorum, & Sanctorum, & sanctissima Matris tua, te pro hoc arctissime amplecti possem; ut omnium earum, & omnium creaturarum vocibus te laudem atque glorificem? Accipe, Domine, cor meum in holocaustum, quod iam totum tibi praesto: oculos meos, ut te solum videant, & in te omnia; aures meas, ut non audiant vocem alieni; linguam meam, & labia mea, ut cantsent tibi, gloria mea; manus meas, ut amplectantur te, pedes meos, ut gradiar ad te: omnia denique membra & ossa mea aicant: Domine, quis similis tibi? Benedicat anima mea Domino, & omnia qua intra me sunt nomini sancto eius: benedic anima mea Domino, & noli obliuisci omnes retributiones eius. Abnego omnia terrena hac, quia in te vno omnia habeo; abnega me, quia tuus sum ego, & viuoe ego, iam non ego; visus autem in me Christe IESU, & diligo te ex toto corde meo, ex tota anima mea, ex tota mente mea, ex totis viribus meis. Pone ergo me iuxta te, & cuiusvis manus pugnet contra me: & si forte contingeret vi morbi, aut hostis fallaciâ, aliena ab his me cogitare, vel loqui, ea reuoco & abrenuntio, & contestor coram te, Deus meus, & te, ô Beatissima Mater mea, & virgo Maria, & vobis, Angeli mei, quia in fide Romana Catholica viuere volo & mori: & in Deo ac Domino meo solo confido & meritis eius, & amo illum super omnia,

nia toto corde, totâ animâ meâ, & usque ad extremum spiritum, amare volo. Quidquid contra hac tam sanctè, tantaq; voluntate concepta mihi hostis suggererit, nullum cupio esse in tribunali tuo, ô Deus, atque omnino abominor, execror, & abiuro, hocq; testamentum in die iudicij solum volo validum esse, quod paratus sum sanguine meo signare, pro quo, & pro te, ô Deus meus, millies mori opto, ut tibi viuam, cui omnia viuunt, tibi moriar, dulcissime I E S V, qui amore mei dignatus es mori.

Sententiæ, quibus fidei, spei & caritatis actus exercere potest infirmus.

FIDEI ET FIDVCIÆ ACTVS.

Iob 19.

Scio enim quodd Redemptor meus viuit, & in nouissimo die de terra surrecturus sum Et rursus circumdabor pelle meâ, & in carne mea videbo Deum meum; quem viurus sum ego ipse, & oculi mei conspècturi sunt, & non alius. reposita est hac spes mea in sinu meo.

Marci 9.

Credo, Domine, adiuua incredulitatem meam.

Isaïx 54.

Noli timere, quia non confunderis, neque erubesces: non enim te pudebit, quia confusionis adolecentia tua obliuisceris, & opprobrij vilitatis tua non recordaberis amplius.

Ierem. 29.

Ego scio cogitationes, quas ego cogito super vos, ait Dominus, cogitationes pacis, & non afflictionis: ut dem vobis finem & patientiam. & inuocabitis me, & ibitis: & orabitis me, & ego exaudiam vos: quæretis me, & inuenietis.

Ezech. 33.

Viuo ego, dicit Dominus, nolo mortem impij, sed ut conuertatur impius à via sua, & viuat.

Ioan. 3.

Sic Deus dilexit mundum ut filium suum unigenitum daret, ut omnis qui credit in illum, non pereat, sed habeat vitam æternam,

Isaïx 50.

Iuxta est qui iustificat me, quis contradicet mihi? stemus simul, quis est aduersarius meus? accedat ad me. Ecce Dominus Deus meus, auxiliator meus, quis est qui condemnet me?

Ioan. 5.

Qui credit in filium, habet vitam æternam: qui autem incredulus est filio, non videbit vitam, sed ira Dei manet super eum.

ACTVS

ACTVS SPEI.

Iustorum anima in manu Dei sunt, & non tanget eos tormentum Sap. 3.
mortis.

Ego sum resurrectio & vita: qui credit in me, etiamsi mortuus Ioan. 11.
fuerit, uiuet: & omnis qui uiuit & credit in me, non morietur in a-
ternum.

Confortate manus dissolutas, & genua debilia roborate. Dicite Isaïz 35.
pusillanimis, Confortamini & nolite timere.

Vbi abundauit delictum, superabundauit & gratia. Rom. 5.

Noli timere, plures enim nobiscum sunt, quàm cum illis. 4. Reg. 6.

Clamauit ad me, & ego exaudiam eum: cum ipso sum in tribula- Psalm. 90.
tione, eripiam eum, & glorificabo eum.

Quoniam Angelis suis mandauit de te, ut custodiant te in omni- Ibid.
bus uis tuis.

Et si ambulauero in medio umbrae mortis, non timebo mala, quo- Psalm. 12.
niam tu mecum es.

Inuoca me in die tribulationis: eruam te, & honorificabis me. Psalm. 49.

Ecce oculi Domini super metuentes eum, & in eis qui sperant super Psalm. 32.
misericordia eius, ut eruat à morte animas eorum.

Iuxta est Dominus his, qui tribulato sunt corde, & humiles spiritu Psalm. 33.
saluabit.

Multa tribulationes iustorum, & de omnibus his liberabit eos Do- Ibid.
minus.

In Deo salutare meum, & gloria mea: Deus auxilij mei, & spes Psalm. 61.
mea in Deo est.

Respicite filij nationes hominum, & scitote quoniam nullus spera- Eccli. 2.
uit in Domino, & confusus est.

Noli timere, ego sum primus & nouissimus, & uiuus, & fui mor- Apoc. 1.
tuus. Esto fidelis usque ad mortem, & dabo tibi coronam uitae.

Non eritis uos qui dimicabitis, sed tantummodo confidenter state, 2. Paral. 20.
& videbitis auxilium Dei super uos: credite in Domino Deo uestro,
& securi eritis.

ACTVS CARITATIS.

Quidenim mihi est in celo, & à te quid uolui super terram? de- Psalm. 72.
fecit caro mea, & cor meum: Deus cordis mei, & pars mea Deus
in aeternum.

Clamauit ad te, Domine; dixi, Tu es spes mea, portio mea in terra Psal. 141.
uinentium.

Pars

- Thren 3.** *Pars mea Dominus, dixit anima mea, propterea expectabo eum.*
Pfal. 41. *Bonus est Dominus sperantibus in eum, anima quarenti illum.*
Transibo in locum tabernaculi admirabilis usque ad domum Dei.
In voce exultationis & confessionis sonus epulantis. Quare tristis es
anima mea, & quare conturbas me? spera in Deo, quoniam adhuc
confitebor illi, salutare vultus mei, & Deus meus.
- Pfal. 114.** *Conuertere anima mea in requiem tuam, quia Dominus benefi-*
cit tibi, quia eripuit animam meam de morte, oculos meos à lacrymis,
pedes meos à lapsu. Placebo Domino in regione viuorum.
- Pfal. 117.** *Non moriar, sed viuam, & narrabo opera Domini:*
Rom. 14. *Sive viuimus, Domino viuimus; sive morimur, Domino morimur.*
sive ergo viuimus, sive morimur, Domini sumus.
- Philip 3.** *Saluatorem expectamus Dominum nostrum IESVM Christum,*
qui reformabit corpus humilitatis nostra, configuratum corpori cla-
ritatis sue.
- Isaiz 12.** *Ecce Deus saluator meus, fiducialiter agam, & non timebo: quia*
fortitudo mea, & laus mea Dominus, & factus est mihi in salu-
tem.
- Matth. 28.** *Ecce ego vobiscum sum omnibus diebus, usque ad consummati-*
onem sæculi.
- Exodi 23.** *Ecte ego mittam Angelum meum, qui præcedat te, & custodiat in*
via, & introducat in locum quem parauit tibi.
- Pfal. 41.** *Quemadmodum desiderat ceruus ad fontes aquarum: ita desiderat*
anima mea ad te Deus.
- Apoc. 11.** *Absterget Deus omnem lacrymam ab oculis eorum, & mors ultra*
non erit, neque luctus, neque clamor, neque dolor erit ultra, quia
prima abierunt.
- Pfal. 30.** *Quàm magna multitudo dulcedinis tua, Domine, quam abscondi-*
sti timentibus te!
- Pfal. 83.** *Quàm dilecta tabernacula tua, Domine virtutum! Concupiscit*
& defecit anima mea in atria Domini.
Cor meum, & caro mea, exultauerunt in Deum viuum. Beati qui
habitant in domo tua, Domine, in sæcula seculorum laudabunt te.
Beatus vir, cuius est auxilium abs te, ascensiones in corde suo dispo-
snit; in valle lacrymarum, in loco quem posuit.
- Sap. 12.** *Quàm bonus & suavis est, Domine, spiritus tuus!*
Sap. 11. *Diligis omnia quæ sunt, & nihil odisti eorum quæ fecisti: pareis au-*
tem omnibus, quoniam tua sunt Domine, qui amas animas.
- Matth. 11.** *Venite ad me omnes qui laboratis, & onerati estis, & ego reficiam*
vos.
- Ioan. 3.** *Sic Deus dilexit mundum, ut filium suum unigenitum daret.*
Ierem. 31. *In caritate perpetua dilexi te, attraxi te miserans.*

*Ego autem in Domino gaudebo, & exultabo in Deo Iesv meo. Do- Abacuc 3.
minus Deus fortitudo mea, & ponet pedes meos quasi cervorum, &
super excelsa mea deducet me victor in psalmis canentem.*

*Vivoe, o, iam non ego: vivit verò in me Christus. Quòd autem Gal. 2.
vivo in carne, in fide vivo filij Dei, qui dilexit me, & tradidit se-
metipsum pro me.*

CAPVT XXVI.

*Contemplatio de Vita eterna, sine ac termino
viæ nostræ.*

PRÆLUDIVM I. Contemplare cælum apertum, vt su-
prà in imagine de æternitate, vel gaudio virtutis ex-
pressum habes.

II. Roga Dominum, vt viam tuam sic dirigat, vt ad vi-
tam peruenire possis ac creationis tuæ terminum.

PVNCTVM I. Considera cælum apertum, & in terra
studia omnium hominum, velut ex editissimo monte, &
vide, quæso, quorsum tot labores suscipiantur, tam longa
studia totque pericula adeantur. Videbis aliquos ex ijs
quasi speciosâ viâ rēdere gradatim ad honores, etiam ad
regna suspirare: tum conuerte ad cælum apertum oculos,
& audi Dominum dicentem, Veni & posside regnum tibi *Matth. 25.*
paratum à constitutione mundi, quod quotidie tibi ad-
uenire postulas. Quale autem id regnum, attēde. Primò,
quàm frequens populo; Numquid (ait Iob) est numerus *Iob 25.*
militum eius? Aspice Angelorum choros, & totidem ab
altera parte Sanctorum, neque hos vt ciues tātum intue-
re, sed singulos vt Reges prudentissimos & sapientissi-
mos & potentissimos esse certò scias, & latissimè domi-
nari. Vnde dicitur Rex regum Christus Iesvs, ipseque
promittit tibi dicens: Qui vicerit, possidebit hæc, & *Apoc. 3. 21.*
ero illi Deus, & ille erit mihi filius. & rursus, Qui vicerit
dabo

dabo ei sedere mecum in throno meo, sicut & ego vici, & sedi cum Patre meo in regno eius. Secundò, vide quantà bona regni illius. potestas ibi summa: omnia enim quæ volunt Beati, verbo vno faciunt ac habent. vincenti, ait Dominus, ac custodiēti vsque ad finem opera eius, dabit Dominus potestatem super gentes. ô quantà illic opes, deliciæ, diuitiæ! Et hæc ibi omnia pura sine vlla miseria- rum commixtione: hîc verò, quantà mala permixta bonis! Ne diadema respicias (ait Chrysostomus) sed curarū tempestatem: neque purpuram intueri; sed animam, ipsā purpurā magis nigrescentem. non ita corona caput circumdat, sicut animam sollicitudo. Iam vide quanto nihilominus studio per fas & nefas terrarū regna petantur, & tu etiam regno cælum vim facito, & cum violentis rapias illud. Ac propone illud omnibus, & primum quære, perque paupertatem sperne omnem mundi gloriam & vanitatem.

PUNCTVM II. Considera Primò, alios in hoc orbe immensā cupiditate aurum congregare, & numquam dicere Sufficit: tu verò aspice in ciuitate Dei tui quantà tibi paratæ sint opes. Portæ Ierusalem ciuitatis tibi promissæ ex sapphiro & smaragdo ædificabūtur, & ex lapide pretioso omnis circuitus murorum eius. Et erat structura eius ex lapide iaspide, ipsa verò ciuitas aurum mundum, simile vitro mundo, & fundamenta muri ciuitatis omni lapide pretioso ornata, & singulæ portæ erant ex singulis margaritis, & plateæ ciuitatis aurum mundum; & hæc tibi parata sunt & oblata. Si vera hæc, vbi es auare, & conquisitor huius sæculi? cureligis terram mortuorum pro terra viuentium? terræ frustum pro ciuitate Ierusalem? Considera Secundò, quomodo Dominus Deus, vt animum auocaret humanum ab opibus coaceruandis, comparauerit regnum cælorum thesauro abscondito in agro, quem qui inuenit homo, abscondit, per humilitatem scilicet, & præ gaudio illius vadit, & emit agrum illum. The-
saurus

Apo. 2.

*Hôm. 66.
ad pop. An-
tioch.*

*Matt. 11.
Matt. 6.*

*Tob 13.
Apo. 21.*

ſaurus autem ille eſt diuinitas. Rurſum eum comparauit margaritæ, quam vt quis emere valeat, neceſſe habet omnia diuendere. Si igitur in vna margarita, in vno theſauro omnia habeas in æternum parata bona, cur, quæſo, Chriſtiane, turbaris erga plurima, cum vnum ſit neceſſarium? cur momentaneas opes æternis & præparatis præponis?

PUNCTVM III. Conſidera alios tendere incredibili inſaniâ & cupiditate ad voluptatem, & pro ea honores, opes, Deum repudiare; tu verò aspice tibi paratum in cælo paradifum, & quæ in eo parauit Pater miſericordiarum, & Deus totius conſolationis ſolatia, & liquidiffimas voluptates, de quibus Pſalmiſta, Inebriabuntur ab vbertate *Pſal. 35.* domus tuæ, & torrente voluptatis tuæ potabis eos. Cibabit illos Dominus pane vitæ & intellectus, & aquâ ſapientiæ ſalutaris potabit illos. Conſidera ibi nuptialem cænâ tam opiparè paratâ, adeò vt Iſaias dicat, Oculus *Iſaia 64.* non vidit, nec auris audiuit, nec in cor hominis aſcendit, quæ præparauit Deus ijs qui diligunt eum. Appende in ſtatera iuſta & non mendaci mundi ſolatia & æterna, & intra in gaudium Domini tui. Vt meliùs autem intelligas bonorum cæleſtium magnitudinem, collige te & expende, quæ ſit longitudo, latitudo, altitudo, profunditas eorum. Longitudo: erunt enim æterna, erunt ſecuriſſima & immutabilia bona, numquam totâ æternitate quidquam aut tempore aut uſu aut rædio ijs detrahatur. Latitudo verò tanta eſt, vt omnem omnino complectatur felicitatem, quam intellectus concipere, aut voluntas poteſt deſiderare. Intellectus enim replebitur Deo ſummo bono: hæc etenim eſt vita æterna, vt cognoscant te ſolum Deum *Ioan. 17.* verum, & quem miſiſti IESVM Chriſtum. Cum igitur obiectum ſit nobiliſſimum, & clariſſimè videatur, & in eo omnia, & ardentiffimè ametur; ſummuſ omnino gaudium eſſe oportet. Voluntas certè gaudio implebitur & ſatietaſe incomparabili, vt nihil vltra deſiderare poſſit;

Matt. 25.

federit plena Deo quasi deificata. Memoria verò plena bonis omnibus, ex recordatione Dei, quem vnum cogitabit, & beneficiorum illius. Imò ex hac visione similis erit Deo anima: memoriâ enim cum lumine gloriæ quasi similis Patri, se ab æterno ex vi luminis cognoscenti; verbo intellectus seu visione; Filio seu Verbo Patris; volûta- te & amore anima Spiritui sancto assimilatur. Nec solum hæ potentiæ implebuntur gloriâ Dei, sed insuper accedent perfectissima sensuum omnium oblectamenta. Iusti omnes fulgebunt sicut sol, & videbunt ciuitatis sanctæ Ierusalem splendorem: audient perpetuum illius Alleluia & suauissimam symphoniam; audient laudes Dei perpetuas, & suas, iuxta illud Euge serue bone & fidelis, quia super pauca fuisti fidelis, intra in gaudium Domini tui: gustabunt verò, & videbunt quàm suauis sit Dominus, & panem Angelorum omne delectamentum in se habentem comedent in regnò Dei: odorabuntur thymia- ma suauissimum: & quod ad tactum attinet, nullâ asperitate ille offendetur, sed suauissimè, absque turpitudine afficietur. Sublimitas verò gaudiorum cælestium quanta sit, attende sedulò; nullum certè creatum ijs comparari potest. gaudent enim beati de Deo, eiusque bonis; Primò, intrinsecis, potentia, sapientia, bonitate, liberalitate, dulcedine ac pulchritudine eius; Secundò, extrinsecis, id est de gloria, quæ illi prouenit ex dignitate humanitatis Christi, ex B. Virginis perfectione, ex Ecclesiæ triumphantis splendore, ex fortitudine & victoria militantis, denique ex pulchritudine vniuersi. De his bonis Dei sui gaudet anima magis quàm si sua essent; amat enim illum plusquam se totis viribus suis. Postremò vide quæ sit profunditas thesauri cælestis, & abyssi bonitatis; infinita planè est, atque ita ex ea, totâ & longissimâ æternitate semper noua Beatis gaudia dimanabunt.

PUNCTVM IV. Considera Primò, non vnum regnum cælorum te in cælo habiturum; sed totidem quot sunt
sanctæ

sanctæ ac beatæ animæ. nam præterquam quodd illæ sint verè cæli, & sedes Dei præstantissimæ; ita de illarum felicitate ac tua ipsius ob caritatem perfectam lætaberis. Aspice igitur agmina Angelorum & Sanctorum, gratulare illis de numero & tibi, zeloque animarum succensus eundem augere studeas. Secundò considera, quos illic notos & patronos iam habeas: contemplare, ut in ventis oculis luctantem in mari ipsi in portu apertis vlnis expectent, inuident, & celestia cantare incipiant.

PUNCTUM V. Considera quanta sit corporum beatorum futura excellentia: fulgebunt enim iusti sicut sol in regno patris eorum, eruntque absque ruga, & absque macula. erunt impatibilia, neque esurient, neque sitient amplius: erunt agilia, & sicut scintillæ in paradiso Dei sui discurrent: erunt subtilia, & sicut Angeli Dei. Post hæc expende quàm æquum sit existimare Patrem cælestem filijs & electis suis immensa bona in patriâ præparasse; cum in hoc mundo tanta tribuere reis, exulibus & blasphemis dignatus sit. Deinde Dei Filij infinitam caritatē, qui pretio tanto redimere nobis ea voluerit, & Spiritum sanctum de cælo mittere. Obstupece ad hæc, o anima mea, suspira ad illum, & dilige eum ex toto corde tuo; & sic ratiocinare: Verane hæc gaudia sunt, & ego torpeo? Falsane mundi, & ego ea ambio? Quid me facere pro æternis oporteret, si ea crederem, si sperarem, si amarem?

*Matth. 13.
Ephes. 5.*

O R A T I O.

Quam dilecta tabernacula tua, Domine virtutum! concupiscit, & deficit anima mea in atria tua. sitiuit anima mea ad te Deum fontem viuum: quando veniam, & apparebo ante faciem tuam? ecce defecit in salutare tuum, & anhelat ad te, anima mea: cucurri enim in viam mandatorum tuorum, & laboravi in vinea tua, Deus meus. O requies mea, quando requiescam in te? quando absterges omnem lacrymam ab oculis meis? O fons aquæ

Psalm. 42.

Fff 2

vita,

Aug. l. 22.
de Ciuit.
Dei.

Aug. sup.
Ioannem
in Homil.
ego sum pa-
fior bonus.

Aug. l. 22.
de Ciuit.
Dei.

Bern. in
serm.

Hug. Vi&.t.
de Anima
c. 4. l. 1.

l. 4 c. 4.

vita, quando inebriabor ab vbertate tua? O quàm magna est multitudo dulcedinis tuæ, quam abscondisti timentibus te! etiã si liceret vnâ horâ tâtum eam gustare, liberè deberem omnia mundi gaudia seculis plurimis abnegare. At verò æterna sunt, & regni tui Deus meus non erit finis, gaudiũ nullus terminus, & felicitatis mensura bona & conferta & coagitata. Ibi tota virtus erit videre, ô anima, quod amas; & summa felicitas, amare quod vides: & ibi beata vita in suo fonte bibitur, vbi veritatis visio clarissimè aperitur. Ibi hymnidici Angelorum chori, ibi societas ciuium supernorum, ibi dulcis solemnitas à peregrinationis huius labore redeuntium, ibi festiuitas sine fine, æternitas sine labe, serenitas sine nube. Ibi quidquid amabitur, aderit; nec desiderabitur, quod non aderit. Omne quod ibi erit, & quod est, bonum erit, & tu, summe Deus, summum bonum eris omnino beatissimum. Ibi vacabimus & videbimus, videbimus & amabimus, amabimus & laudabimus. Esse, quod erit in fine sine fine. Quod enim, ô Deus, præparasti diligentibus te, fide non capitur, spe non attingitur, caritate non apprehenditur, desideria & vota transgreditur, acquiri potest, æstimari non potest. O verè felix & gloriosa societas! ô sanctum conuiuium, ô desiderabiles epulæ! vbi nimirum anxietas nulla, nullum poterit esse fastidium, quin satietas summa, & summũ inerit desiderium. O beata regio paradisi! ô beata regio deliciarũ! ad quam suspiro de valle lacrymarum: vbi sapientia sine ignorãtia, memoria sine obliuione, intellectus sine errore, ratio sine obscuritate fulgebit: vbi homo videbit Deum ad voluntatem, habebit ad voluptatem, fructur ad iucunditatem: in æternitate vigebit, in veritate fulgebit, in bonitate gaudebit. Quæ ergo nos tangit vesania, vitiorum sitire absinthium, huius mundi sequi naufragium, vita labentis pati infortunium, impia tyrannidis ferre dominium, & non magis conuolare ad Sanctorum felicitatem, ad Angelorum societatem? Ibi vacabimus, & videbimus quàm dulcis sit Dominus, & quàm magna multitudo dulcedinis eius. O beata visio, videre Deum in seipso, videre in nobis, & nos in eo, felici iucunditate, & iucundâ felicitate! O vita, vita vitalis, vita sempiterna, & sempiternè beata; vbi gaudium sine mœrore, requies

requies sine labore, dignitas sine tremore, opes sine amissione, san-
 titas sine languore, abundantia sine defectione, vita sine morte,
 perpetuitas sine corruptione, beatitudo sine calamitate! O bone
 IESV, in domo Patris tui mansiones multe sunt, & abiisti parare Ioan. 14.
 mihi locum; sine igitur, precor, postquam desertum peregrinati-
 onis huius peragrauero, peruenire in regnum tuum; fac vt perma-
 neam in te, ô vitis vera, & bibam vinum nouum in regno Patris
 tui. Aduena sum & peregrinus; sed memento, quia apprehendisti Isaïæ 41.
 me ab extremis terra, & à longinquis vocasti me. Dic ergo mihi,
 cum fessus de via & vita hac venero, Seruus meus es tu, elegi te,
 & non abieci te: ne timeas, quia ego tecum sum; ne declines, quia
 ego Deus tuus. Ex quo honorabilis factus es in oculis meis, & glo- Isaïæ 43.
 riosus; ego dilexi te, ego sum, ego sum Dominus, & non est absque
 me Saluator. Sitiam, & veniam ad fontem aquarum viuentium,
 & potabis me; famebo, & satiabis me; non esurient, neque sitient,
 & non percutiet seruos tuos æstus & sol, quia miserator eorum re-
 ges eos, & ad fontes aquarum potabis eos; lugebo, & absterges la-
 crymam ab oculis meis; pauper ero, & dabis mihi diadema speciei,
 miser ero, & beabis me; nudus, & indues vestimentis letitiæ; deso-
 latus, & consolaberis me: & iam non erit amplius luctus, neque
 dolor, sed tristitia mea vertetur in gaudium, & videbo te, & deli-
 cijs affluam, & mirabitur & dilatabitur cor meum, & sciam
 quia tu es Dominus, super quo non confundentur qui expectant Isaïæ 49.
 eum. Exspecto, Domine, & expeto vt ponas desertum nostrum in
 delicias, & solitudinem eius quasi hortum tuum: credo videre bo-
 na Domini in terra viuentium: gaudium enim & letitia inueni-
 entur in ea, gratiarum actio, & vox laudis & letitia sempiterna
 super capita eorum. In te, Domine, speraui: fac, quaeso, misericor-
 diam cum seruo tuo, vt non confundar in æternum. Amen.

Praxis ad amorem celestis patriæ con- cipiendum.

QUæcumque in hoc mundo bona vides, alia ac infinitè me-
 liora te habiturum Dei benignitate confide; Secundò, quæ-
 cumque

eumque mala, iis omnibus te eternum cariturum; Tertio, si qua tibi eripiantur, aeterno thesauro per patientiam scias concludi: si qua vero abneges, aut ex Dei amore largiaris, ea non solum conseruare te tibi persuadere debes, si te fidelem profitearis, sed centuplum tibi reddendum a Domino Deo tuo.

IACVLATORIÆ.

1. Cor. 2.

Oculus non uidit, nec auris audiuit, nec in cor hominis ascendit, qua preparauit Deus his qui diligunt eum.

2. Tim. 4.

Reposita est mihi corona iustitiæ, quam reddet mihi Dominus in illa die, iustus iudex, non solum autem mihi, sed & his qui diligunt aduentum eius.

Psal. 26.

Credo, videre bona Domini in terra uiuentium.

Iob 19.

Rursum circumdabor pelle meâ, & in carne mea uidebo Deum Saluatorem meum.

CAPVT XXVII.

De officio Sacerdotis.

QVinque capita huius mihi esse videntur. Primum, præire populo uitæ ac moribus; Secundum, docere populum; Tertiū, curare illius infirmitates; Quartum, orare pro eodem; Quintum & maximum, pro illo & mundo uniuerso sacrificare. Hæc peculiari tractatu prosequar, & quidem postremo loco; tum quod cetera omnibus ferè communia sint; tum quod muneris dignitas, quam etiam indignissimo mihi Dominus est conferre dignatus, compellat singulariter zelare pro principibus populi Dei.

S E C T I O I.

*Exercitium de officio Sacerdotis in partes septē,
pro septem diebus hebdomada diuisum.*

PRÆLVDIVM I. COMPOSITIO LOCI. Constitue te coram Deo, vnà cum vniuerso hominum genere, eorumque multitudine innumerabili, vt est arena in litore maris.

PRÆLVDIVM II. Pete humillimè gratiam, vt scias quod scit officium Sacerdotis, & exequaris.

PVNCTVM I. Considera coram Deo vniuersum, vt dixi, genus hominum; & observa, vt singulis sua munia Rex summus, Dominus, & Pater familias tribuat: summū autem inter ea esse sacerdotium. Primò, respectu populi: Omnis namque Pontifex ex hominibus assumptus, pro *Hebr. 5.* hominibus constituitur in his quæ sunt ad Deum, vt offerat dona & sacrificia pro peccatis. Secundò, respectu Dei: quia cum alij circa alia versentur, Sacerdotes circa personam Regis summi; quam quotidie vestiunt speciebus sacramentalibus, deferunt ac distribuunt. Vide, quanta dignitas Sacerdotum! Hinc viri Sancti, vt Antonius, manus Sacerdotum deosculari cupiebant; S. Franciscus prius illos, quàm Angelum venerari; Cōstantinus in Cōcilio, non nisi iuberetur, considerare; S. Catharina Senensis eorum vestigia deosculari solebat: & in veteri testamento, summa illis reuerentia, vt ab Abrahamo Melchisedec, & summa priuilegia deferrebantur; adeò, vt etiam morte *Dent. 17.* moreretur, qui obedire nollet Sacerdotis imperio. O Rex regum, & Domine dominantium, quanto te amore ac honore prosequi debemus; qui de stercore elegisti nos, vt collocares cum principibus populi tui! Quam vereri *Greg. hom. 9. in Euang.* debemus, ne qui plus ceteris in hoc mundo accepisse cer-

Iudic. 13.

nimur, à te, auctore mundi, grauiùs inde iudicemur! O quàm triste tibi accidit esse multos, qui nesciunt te Dominum, neque officium sacerdotale; qui in taberna vendunt primogenita sua, vt Esau pro pulte, sic hi pro vino! propter quod olim lex mandabat: Qui altari seruiunt, vinum & siceram non bibant. Sed quid dico primogenita? te etiam pro nummo vendunt, & animam suam gratis: gratis venundantur sub peccato.

*Malach. 2.**Gregor.
Hieron.*

PUNCTVM II. Considera, quibus comparari Sacerdotes possint. Primò, veteris testamenti Prophetis; per quos Dominus consulebatur, & loquebatur. Secundò, sancto Ioanni Baptistæ; qui præcursor Domini, cum semel tetigit & abluit: cum Sacerdos quotidie consecret, contrectet eum, eoquæ pascatur. Tertiò, Angelis; quia, sicut hi Loth de Sodoma, Israëlitas per desertum duxerunt, Eliæ panes tulerunt: ita Sacerdotes spiritualiter facere oportet. Labia Sacerdotis, inquit Malachias, custodient scientiam, & legem requirunt ex ore eius: Angelus enim Domini exercituum est. Quòd si ita est, & sacerdotale cor, vt Gregor. arca testamenti, in quo spiritualis doctrina videtur, & procul dubio tabulæ legis iacent: si, vt Hieron. Dei & hominum sequester est, eiusquæ ad populum nuntiat voluntatem; nōne, si ignorat legem, ipse se arguit non esse se Sacerdotem? si non faciat, cum sciat, ex ore suo se iudicat? Quartò, comparantur Moyse; quia educunt populum de Ægypti, id est peccati, seruitute, & præeunt exemplo? Quid igitur? an non iudicium seuerissimum fiet, si quis verbis prædicet voluntatem Dei, & non faciat? & pœnitentiam, patientiam, caritatem & humilitatem, & factis contraria faciat? Quintò, B. Virgini etiam aliquâ ratione assimilantur; quia inter manus Sacerdotis quotidie Verbum caro fit. Imò Sextò, diuinitas aliqua est hæc dignitas. vnde dicitur: Ego dixi, Dij estis: Dij nō detrahes. & iterum: Afferre Domino filij Dei, afferre Domino filios arietum. Hos iam non sacrificat Sacerdos, sed Filium Dei.

*Psal. 81.
Exod. 2.
Psal. 28.*

Dei. O dulcissime IESV, tu per nos sacrificium offers, peccata dimittis, cælum aperis, & claudis; imò & amicos nos appellas! O mira diuinę bonitatis dignatio! serui digni nō sumus, & amici vocamur. & per hanc amicitiam, vis omnia nobis communia: quæcumque enim audisti à Patre, nota fecisti; & dixisti: Dispono vobis, sicut disposuit mihi Pater meus, regnum, vt edatis & bibatis super mensam meam. O sanguineis digna res lachrymis, quòd sæpè amici tui osculo te tradant; qui edunt non panes tuos, sed te quotidie; aluntur patrimonio tuo, & illud dissipant; pastores sunt, & dispergunt exemplo greges; amici dicuntur, & sunt, qui alios exemplo ad inimicitias tecum prouocant; immò auertunt aliquando à te, & vix sinunt ad amicitiam tuam vñquam redire!

PVNCTVM III. Considera verba illa Saluatoris: Vos estis sal terræ: quòd si sal euauerit, in quo salietur? ad nihilum valet vltrà, nisi vt mittatur foras, & conculcetur ab hominibus. vide igitur, qui à corruptione luxurię, auaritię, superbię alios seruare debes; quantopere cauendum tibi sit, ne infatueris, & cõculceris; & quo pacto id facturus sis. Quis dabit capiti meo aquam, & oculis meis fontem lachrymarum? Quid dicam, Deus meus? cithara mea cõuerfa est in luctum, & cantica in lamentationē. Multum enim datum est nobis: sed cui multum datum est, multū quæretur ab eo; & cui commendarunt multum, plus petent ab eo. Certè, de Sacerdotibus enim illud scriptum video, & exemplis probatum: Impossibile est eos, qui semel sunt illuminati, gustauerunt etiam donum cæleste, & participes facti sunt Spiritus sancti, & prolapsi sunt; rursus renouari ad pœnitentiam; rursus crucifigentes sibi metipsis filium Dei, & ostentui habentes. Nōne verò ita contingit tibi, benignissime IESV, dum te audent illi aliquādo cælo euocare, & tractare filium Virginis, qui paulò antè contrectarant membra meretricis? Nescitis, quoniam corpora vestra membra sunt Christi? tollens ergo

Gregor.

Ioan. 15.

Luca 22.

Matth. 5.

Jeremia 9.

Iob 30.

Luca 12.

Hebr. 6.

1. Cor. 6.

2. Cor. 6.

membra Christi facies membra meretricis? absit. Quæ participatio iustitiæ cum iniquitate? aut quæ societas luci ad tenebras? quæ autem conuentio Christi ad Belial? aut quæ pars fideli, cum infideli? quis autem consensus templo Dei cum idolis? Vos enim estis templum Dei viui, sicut dicit Deus: Quoniam inhabitabo in illis, & inambulabo, & ero illorum Deus, & ipsi erunt mihi populus: propter quod exite de medio eorum, & separamini, dicit Dominus, & immundum ne tetigeritis, & ego recipiam vos. vide Bellarm. l. 2. de Gemitu columbæ c. 5. & 6. Considera Secundò, quantum debeat pastor, ab oue distare; dux, à milite; Rex à cerdone; magister, à discipulo; qui aliū portat, ab infirmo; Angelus, ab homine: & hoc tibi, ô Sacerdos, applica. Cogita, cur à plebe officio, fori priuilegio, & libertate vectigalium separatus sis. Nonne vt moribus etiam distes? Vides, ait Ambrosius, in Sacerdote nihil plebeium requiri, nihil popolare, nihil commune cum studio atque vsu & moribus multitudinis? sobriam à turbis grauitatem, seriam vitam, singulare pondus dignitas sibi vendicat sacerdotalis. Quomodo potest obseruari à populo, qui nihil habet separatum à populo? Hieron. verò, Vulgus, ait, indoctum in die iudicij, tamquam gith, & cyminum corripietur virgâ & baculo; Sacerdotes autem magnis suppliciis torquebuntur. Appendit enim Dominus dona sua, & talentorum vsuras repetit, & pondere sanctuarij trutinat opera nostra: nisi illa tantum distiterint à vulgo, quantum dignitate antequam; tamquam minus habentia reiciuntur.

Ambros. l. 1.
epist. 6. ad
Inen.

Hieron sup.
Isaia 32.

Matth. 6.

PUNCTVM IV. Considera verba illa: Vos estis lux mundi, non potest ciuitas abscondi supra montem posita. Cogita te pharon esse nauigantibus in mari non verbo, sed opere. Quantum tibi paratum iudicium, & mihi, si exemplo in deuia & syrtes & charybdes animas ducamus? Quid putas faceret Rex, si quis exaltatus ab illo de stercore, & missus, vt ad se populum conuertat, auerteret; vt cum

eum conciliet, ad seditionem cōtra se, seu peccatū exemplo prouocaret? Nos enim legatione fungimur pro Christo. Beati, ait Bernar. pacifici, quoniam filij Dei vocabuntur. Considera, ait, non pacidicos, sed pacificos commendari. Timeamus ergo vehementissimè, ait Gregor. fratres charissimi, & curemus, vt cōueniat actioni nostræ ipsum ministerium nostrum. De peccatorum quotidie relaxatione cogitemus: consideremus sine cessatione, quid sumus. Sanè, ait Bernard. si altiore, & non meliorem esse delectat; non præmium, sed præcipitium expectamus.

Greg. hom.

17. in Euāg.

PUNCTUM V. Considera illa verba: Vos autem genus electum, regale sacerdotium, gens sancta, populus acquisitionis, qui vos de tenebris vocauit in admirabile lumen suum. Vide, an verè Rege dignos mores habeas, animo tuo modereris, & sanctus sis. Quòd si in lege veteri Sacerdos sine macula esse debebat; id multò magis in noua oportet, & non cæcum esse ignorantia, non claudum incōstantia, vt sic nos existimet homo quasi ministros Christi, vt dispensatores ministeriorum Dei. Et ad hoc, considera ceremonias veteris legis, quibus Sacerdos sacris aprabatur. Primò, vestibis ordinariis exuebatur; vt sciamus & nos oportere deponere, secundùm pristinam conuersationem, veterem hominem, qui corrumpitur secundùm desideria erroris. Inde albâ vestiebatur; quâ puritas significatur. Secundò, hyacinthinâ tunicâ; quâ cælestis vita. Sacerdotes enim oportet verè posse dicere cum Apostolo, Nostra conuersatio in cælis est. Ex hac pendebāt tintinnabula de auro purissimo, & inter hæc malograna-
1. Pet. 2.
Leuit. 21.
1. Cor. 4.
Philip. 3.
ta; quia incitare omnes exemplo ad pietatē debēt. Deinde ornabatur rationali de auro, hyacintho, purpura, coccoque bis tincto, & bysso retorta, opere polymitario; quod quatuor elementorū colores præferebat. vnde colligunt Doctores, ex hoc intelligendum, Sacerdotē velut Atlantem, totum mundū sacrificiis & sanctitate sustinere debere. Hic igitur attende, quot toto orbe peccent & pericli-

riclitentur animæ; quibus tu sacrificio adesse, si velis, potes, & caritatē ac zelum excita. Hoc indicabant lapides duodecim pretiosi, in quibus erāt nomina filiorum Israhel posita in rationali. quemadmodum & per verba Vrim & Thumim, id est, doctrinam & veritatem, cum memorem reddebant, in his populo præire debere Sacerdotē. Si autē in figura tanta obseruantia, quanta in veritate? In fronte habebat laminā de auro purissimo: scriptum in ea erat opere gemmario, Sanctum Domini: eratq; hæc in fronte Sacerdotis, vt vita tota sanctitatem præ se ferret. Sancti ergo simus Deo nostro, & Sacerdotes Dei induamur iustitiam. Sanctus Chrysost. Eum, inquit, qui pro ciuitate tota; quid dico, pro ciuitate? imò verò pro vniuerso orbe terrarū, legatus intercedit, deprecaturque, & apud Deū, vt hominum omnium, non viuentium modò, sed etiam mortuorum, peccatis propitius fiat; qualem quæso esse oportet? Imputandum ergo timeamus nobis, si stare inter mortuos & viuentes, cum Aaron, & plagam orando auertere digni non simus, immò fortè prouocemus.

Exod. 22.

Ioan. 13.

PUNCTVM VI. Considera, quibus cæemonijs Dominus IESVS Sacerdotes noui Testamenti creauit. Primò, pridie, quàm pateretur, summā omnium operum, magnā voluptate (quam indicat illud: Desiderio desiderauī hoc pascha manducare vobiscum) facere voluit, priusquam opus redemptionis passione cōsummaret, sanguine signaret. Ingressus est cænaculum grande stratum, pretiosamque adhibuit (quæ etiamnum visitur) supellectilē, vt exigebat mysterium, & surrexit æqualis Patri, à cœna, & ipse ponit vestimēta sua, & prostratus, ô dignatio summa! pedes lauit discipulorum; & exhortatus est eos ad humilitatem, caritatem, & omnimodam perfectionem. Vides quomodo ponere fastum, pedes aliorum, & affectus erga terrena lauare debeas, exemplo tuo? quàm mundum te esse oporteat? quàm pretiosa vasa cordis afferre? quàm grande cænaculum & latum præbere caritate, & omni vir-

virtute ornatum ? Ideò postquam triennium in schola virtutis suos exercuisset Dominus IESVS, tum demum Sacerdotes ordinauit, & quidem in pectore decumbente Ioanne virgine. Nam si panes propositionis in mensa aurea ponebàtur, immò etiam in clibano aureo, vt Liranus, coquebantur; denique in auro purissimo seruabantur; quantâ hîc puritate opus? quàm arctè renes constringendi? nihil enim tã aduersarium filio Virginis quàm impuritas, qui omnibus quidem infirmitatibus nostris se subiecit, de virgine tamen nasci voluit. Quantum ergo ei displicet impuris animis suscipi, pollutis manibus tractari, templum suum libidine violari? Nescitis, ait Apostolus, *2. Cor. 6.* quia templum Dei estis, & Spiritus Dei habitat in vobis? Si quis autem templum Dei violauerit, disperdet illum Deus. Lauamini igitur, & mundi estote: mundamini qui fertis vasa Domini; maximè, cùm etiam Ethnici Sacerdotes venere, carnibus & vino abstineant. Ad quod meritò exclamat August. O grandis Christianorum miseria! ecce *August.* Pagani, doctores Fidelium facti sunt; & peccatores ac meretrices præcedent nos in regno Dei. Illi certè, vt *Matth. 21.* Niniuitæ, surgent in iudicio, & condemnabunt nostram inertiam & lasciuiam. Grauiùs enim peccant indignè offerentes Christum regnantem, quàm qui eum crucifixerunt ambulantem in terris. Vti pro fauo mellis, & manna cælesti, dant, & dederunt in escam Christi fel; & in siti eius potauerunt eum aceto, & super dolorem vulnerum eius addiderunt. Quis non contremiscat audiens Ozam percussam, volentem sustinere arcam? Quis non admiretur seueritatem diuini iudicij in Moyse dubitante, & prohibito cum Aarone intrare terram sanctam? *2. Reg. 6.*

PVNCTVM VII. Cõsidera, quâ deuotione accedere debeant Sacerdotes ad SS. sacrificiũ. Primò, quia curâ rerũ humanarũ liberati sunt: Dominus enim hereditas illorũ est. Hi enim verè dicere possunt: Dominus pars hereditatis meæ; & Funes ceciderunt mihi in præclaris; etenim here-

*Exod. 25.**Isaia 1.**Isaia 52.**August.**Matth. 21.**August. sup.**Psal. 88.**2. Reg. 6.**Psal. 15.*

Rom. 8.

hereditas mea præclara est mihi. verè enim præclara est, vt meritò Augustinus dicat, quæ cōuentio Christi ad Be-
 lial? Qui possessiones terrenas relinquere nolunt, cur
 peccata populi comedunt? si decimas cum filiis Leui ac-
 ciipiunt, quomodo inter ceteras tribus partes accipient? Si
 ergo hereditas nostra Dominus; cur militantes Deo mul-
 ti, implicant se sæcularibus? cur plus nugis & fabulis
 tempus teritur, quàm meditatione & oratione? Considera
 deinde illa verba: Spiritus postulat pro nobis gemitibus
 inenarrabilibus, id est, postulare facit. & vide quo
 dicendi sint spiritu agi, qui sacrosancta ista agunt minùs
 sæpè reuerenter & accuratè, quàm domestica negotia
 sua & aliorum agere soliti sunt? Considera Tertio;
 sacrificium hoc esse illud, Primò, quo Deus maximè ho-
 noratur; Secundò, gratiæ pro omni creatura aguntur, &
 Deus propitiatur; Tertio, quo beneficia pro toto orbe pe-
 tuntur. Si ergo adorare & honorare pro omni creatura;
 vitæ & mortis imperium habentem debes; quâ par est deu-
 otione offerre hoc acceptissimum & nobilissimum sa-
 crificium, & maius omnium Sanctorum meritis? Offers
 enim, ô Sacerdos, Christum; immò ipse se offert per te:
 quod maius longè est, & acceptius Deo, quàm sint om-
 nes omnium Sanctorum laudes. Atque idcirco nihil gra-
 tius sanctissimæ humanitati Christi, quàm si id repeta-
 tur, quo maximè Deo placuit: nihil B. Virgini, quàm si il-
 lius amplexibus de nouo filius in cōmunionem offeratur:
 nihil Sanctis, quàm si pro beneficiis illis collatis, Deo li-
 tetur. Equidem sacrificium hoc respondet magnitudini
 beneficiorum; immò maius est. Si ergo pro omnibus ora-
 re, partes Christi Iesv agere (qui quoties Missa peragitur,
 ipse vulnera ostendit Deo Patri, & pro nobis vermiculis
 etiam aduocati partes agere dignatur, & interpellat
 pro nobis) si propitiare oportet Deum pro vniuersis;
 quantam adferre innocentiam necesse est! O tremen-
 dum, terribile, diuinum, deificum, sacrosanctum, ple-
 num

num diuinitate, honorificum, summum, singulare sacrificium! quis fidelium, ait Gregor. habere dubium possit, in ipsa immolationis hora, ad Sacerdotis vocem cælos aperiri? in illo Christi IESV mysterio, Angelorum choros adesse? summis ima sociari? terrena cælestibus iungi? vnumque ex visibilibus & inuisibilibus fieri? Considera Quarto, quâ præparatione opus. planè maximâ. & tamen, cheu! toti aliquando dies abeunt in negotia; & quod maximum est, otiosè etiam agitur quandoque à Religiosis.

O R A T I O.

Quis sum ego, & qua domus patris mei? quis es tu, Domine, Deus meus? Magnus es, Domine, & laudabilis nimis, & magnitudinis tua non est finis. vnde ergo recordatus es nominis mei; vt faceres me genus electum, regale sacerdotium? Quis sum ego, vt memor sis mei? elegisti me, vt fungerer sacerdotio, & haberem laudem in nomine ipsius, & offerrem tibi incensum in odore suauitatis; vt essem sal terræ; vt quisquis mihi Sacerdoti iungitur, quasi ex salis tactu, aeterna vite sapore condiretur; vt essem lux mundi, vt lucerem siccoram hominibus, vt viderent opera mea bona, & glorificarent te Patrem meum, qui in cælis es. Sed quoties iuste queri posses, & dicere: Filios enutriui, & exaltaui; ipsi autem spreuerunt me! Filius honorat patrem, & seruus Dominum suum: si ergo ego Pater sum, vbi est honor meus? & si ego Dominus sum, vbi est timor meus? & tamen talem esse oportet Sacerdotē, vt sicut Auguſt. loquitur, quod populus pro se apud te Domine, non valeat, ipse pro populo mereatur, quod poposcerit, impetrare. Quia scriptum est, Si peccauerit populus, orabit pro eo Sacerdos. Quâ autē fiduciā pro peccatis alienis ad Deum intercessor venio, qui de proprijs securus non sum? Miserere mei, Deus, miserere mei; & munda me ab iniquitatibus meis. Ecce sacerdotali animū solaribus radijs puriorē esse oportet, vt dicere illi liceat: Viuo ego, iam non ego; vnit verò in me Christus. Cor igitur mandum creā in me Deus, & spiri-

Tob. 13.

Eccli 45.

Greg.

Isaiæ 1. 2.

Malach. 1.

Aug. ser. 2.

in psal. 36.

Galat. 2.

Psal. 50.

Hebr. 5.

Psal. 140.

spiritum rectum innoua in visceribus meis; spiritum sancti timoris, sapientie ac scientie; spiritum amoris, ac filiorum tuorum, vt inueniam gratiam in oculis tuis. Vtinam, qui venio vt representem sacrificium, vbi caro tua in veritate sumitur, & sanguis tuus in veritate bibitur; vbi summis ima iunguntur; vbi adest presentia Sanctorum; vbi tu es Sacerdos, & sacrificium, mirabiliter & ineffabiliter constitutus; in quo, cum clamore valido preces supplicationesq; offerens, exauditus es pro reuerentia tua, vtinam exaudiar per merita, & multitudinem miserationum tuarum! Ecce, qui in igne purgatorio torquentur; iniusti, qui de aeterna vita periclitantur; iusti, qui de perseuerantia, afflicti, qui solatium praestolantur; expectant eleuationem manuum mearum, sacrificium hoc vespertinum. Legatione pro omnibus fungor, omnium peccatorum, quorum primus ipse sum, delicta porto; pro omnibus loquor & oro. Dirigatur ergo, obsecro, oratio mea, sicut incensum in conspectu tuo: & respice, Domine, ad vnigenitum tuum, respice in faciem Christi tui: & per illius amarissimam passionem, & memoriale eiusdem, concede reis veniam, defunctis solatium, medelam aegris, afflictis consolationem, peccatori conuersionem, iustis perseuerantiam, & mihi vt te diligam toto corde & animam meam, & nunc & per infinita saecula. Amen.

Praxis preparandi sese ad Sacrum: seu octo gradus, quibus anima ascendat ad tabernaculum Dei cum hominibus, sanctissimam Eucharistiam.

ANte omnia confessionem instituere, vel saltem examine cor mundare conuenit, ad aduentum illius, cuius oculi mundissimi sunt, & ad iniquitatem respicere non possunt. Deinde aliquo temporis spatio, ante Sacrum octo his velut gradibus ascende ad tabernaculum. Primò, fidem viuam excita tum praesentiae Dei, si in vlla oratione, tum realis corporis Christi in Ven. Sacramento, & cogita quam intentione illi offerre sacrificium velis.

Secundò, defectus ac peccata vitae praeteritae vniuersim deplo-

ra, optando vehementer totâ eâ præparasse te habitaculum cordis tui, Domino tuo. Si tempus ferat, defectus, quos iam adhuc experiris, coram Deo detestare; maximè eum, contra quem te examine particulari exerces; & virtutum ornatum pete.

Tertiò, considera mundum vniuersum, & lamenta ac desideria animarum in Purgatorio, & viuentium pericula; multorum item in terra feruorem; eoque accende teporem tuum. Potes etiam aliquod motuum addere, ad varietatem, ex ijs, quæ infra ponentur.

Quartò considera, quidquid est in vlla creatura, in Deo, vt fonte atque abyſſo, infinities perfectiùs contineri: quantoque affectu mortales ad illas ferantur, quanto tepore ad Deum sequendum feraris, omnemque affectum in eum transfer: vt nihil ames, nihil timeas, extra illum.

Quintò, cogita quo feruore sancti Apostoli, Martyres, & Virgines communicarint, dum viueret, quo in morte, & quo Deum, recepti in cælum, affectu complexi, quoque iam complectantur; eumque æmulare, & supplex eos roga vt tibi adesse dignentur.

Sextò, attende similiter quo id fecerint & faciant Angeli purissimi spiritus, iam nacti post prælium cum dracone æternam securitatem; & imprimis Regina eorum sancta Maria. eodem suscipere Dominum opta, & ad eum suspira; ac B. V. in primis patrocinium implora.

Septimò, considera beneficia Dei quibus te præuenit, generalia, & particularia; & iis te accende: spemque diligenter excita obtinendi cætera ad salutem necessaria.

Octauò, admirare potentiam, sapientiam, & in primis bonitatem Dei, & amorem æternum hic elucentem: ac fidei, spei & caritatis affectus exerce.

Post hæc, vade collecto animo ac silentio ad locum sacrificii. Ad aquam lustralem, excita contritionem, & oratiunculam ante lectionem Horarum, vel Sacri auditionem positam recita.

Oratio quæ superiora ferè complectitur.

O Rex Regum, Domine dominantium, sitiuit anima mea ad te Psalm. 41.
fontem viuum, ad te principium meum. Tu me ex nihilo eduxisti, & quod sum, possum, scio, tuum est, ô Pastor bone, ô Creator meus. Quare umquam dereliqui te, tot peccatis & defectibus meis, quibus urgeor in ruinam æternam? Miserere ô IESU pupilli, & filij prodigi sui, pulsantis viscera misericordie tue; vt possim hac N. emendare gra

tiâ tuâ, tecum terrena omnia despicere; in nouissimo loco recumbere; pauper, & contemptus esse: non enim sum vilissimus seruus, maior te Domino, & prapotentem Deo meo. Da voluntatem, & tuam unius gloriâ quærere, tibi in omnibus obedire. O potentissime, sapientissime & optime Deus meus, gratulor tibi, & gaudeo de omni bono tuo: & gratias ago pro omnibus beneficiis tuis: & quia pro me natus, crucifixus & mortuus es, ô vita nostra. Quia me fecisti, debeo me tibi; & quia me refecisti, plusquam me. Quid ergo retribuam tibi, quod tot opprobrijs improborum te in hoc Sacramento exponere dignatus sis amore mei? Toties me pascis, ad nutum Sacerdotis omni horâ & momento obedis. Quorsum hac? nonne, quia delicia tua sunt esse mecum? Quia desiderio desideras hoc pascha mecum celebrare? Desidero etiam Domine, cum gratia tua, te millies suscipere & complecti, ex purissimo amore, ad gloriâ tuam; pro remissione peccatorum, impetratione gratiarum necessariorum, liberatione à malis, & defunctorum solatio: sed ante omnia, ut tibi intimè vniar, & vnum tecum sim, ô vita, ô sponsa anima mea. Accipe cor meum, quod resigno sanctissima voluntati tuâ. O utinam te, cum omnium Sanctorum & Angelorum affectu, cum B. Virginis, velut immenso amore, & omnium creaturarum suscipere possem, qui tot benedictionibus immeritum prauenisti, Deus meus! O quanta hic potentia elucet, Veritas aeterna! quanta emicat sapientia! sed super omnia bonitas tua confortata est; & non potero ad eam? Credo tibi igitur, Veritas aeterna, quia in hoc memoriali passionis, & mortis tua, potentia, sapientia & bonitatis tua verè es, & vides, & audis, & scrutaris intima mea: sic totus in toto, ut etiam in singulis partibus, indiuisibilis & immutabilis, ut me veremur pascas, sanes, & doceas humilitatem, obedientiam, patientiam, caritatem & perseverantiam. In te solo spem omnem colloco, me resigno diuina providentia tua. Ex toto corde & anima te diligo, & offero tibi hoc sacrificium laudis, in vniione sacrificij cruenti, & omnium meritorum tuorum, & me, & omnia proposita mea; & commendo eos, & ea pro quibus orare debeo: & sincerè toto corde statuo, ô I E S V amor aeternè, tibi vivere & mori. Da mihi ad hac omnia gratiam, sine qua nihil omnino possum, ô Deus meus, Deus cordis mei, & omnia. Amen.

Motiuu varia, pro affectu vario ac tempore consideranda, expendendo simul primò; quis veniat; secundò, ad quem; tertio, quare.

Primum est, magnitudo amoris Christi in hoc Sanctissimo Sacramento. Secundum, miracula, circa hoc facta, & beneficia ab aliis per hoc ipsum impetrata. Tertium, magnificentia, quâ ubique colitur. Quartum, effectus Sanctissimi Sacramenti; qui sunt, illuminatio, visio, & confortatio. Quintum, institutio illius. Sextum, quodd sit medicina omnium malorum, atque per hoc mysterium omnia miracula à Christo Domino facta, innouentur. Septimum, finis huius, qui est deificatio nostra. Octauum, hæc sententia: *Probet autem seipsum homo, & sic de pane illo edat, & de calice bibat, qui enim māducat & bibit indignè, iudicium sibi mādcat & bibit, &c.* Nonum, consideratio, quasi quis præ omnibus solus ad cœnam Christi Hierosolymæ vocatus esset, & facta ei forent quæ cæteris Apostolis. Decimum, Zachari historia. Undecimum, consideratio horum verborum: *Ecce panis Angelorum, factus cibus viatorum; non mittendus canibus.* Duodecimum, consideratio, quam frequenter communicaueris; quanto oportuerit fructu, quàm paruo tamen. Decimumtertium, meditatio horum verborum: *Delicia mea, esse cum filiis hominum;* vel istorum, quod erit Decimumquartum, *Quid est, quod debui vineæ* Isaia 5. *mea facere, & non feci?* vel Decimumquintum, *Desiderio desideravi hoc pascha manducare vobiscum, antequam patiar.* Luc. 22. Decimumsextum, applicatio sensuum, super quinque sensibus B. Virginis communicantis, vel Deum concipientis. Decimumseptimum, consideratio, quid sit, peccatorem demittere Christum Dominum in stomachum: nōne enim hoc est regem velut in sterquilinio collocare? Decimumoctauum, Pastorum ad Christum vocatio. Decimumnonum, adoratio Magorum. Vigésimum, trāsfiguratio. Vigésimumprimum, Magdalene conuersio. Vigésimūsecundum, cæci illuminatio. Vigésimumterrium, Samaritanæ conuersio. Vigésimumquartum, Lazari suscitatio. Vigésimumquintum, ingressus in Ierusalem. Vigésimumsextum, apparitionem post resurrectionem B. Virgini, aut alteri factam meditari. Vigésimumseptimum, erit figuram aliquam considerare, & ap-

plicare. sunt autem: arbor vitæ, sacrificium Abelis, Melchisedec sacrificium, Abrahami, & sacrificium Agni Paschalis, manna, arca fœderis, paues propositionis, panis Eliæ subcinericius, sacrificium propitiatorium, farina Eliæ, quæ sustulit amaritudinem ollæ, miraculum quinque panum. Viginti octauum, meditatio perfectionis alicuius diuinæ. sunt ex: Æternitas Dei, Iustitia, Amor, Liberalitas, Longanimitas, Misericordia, Patientia, Pulchritudo eius.

Praxis colligendi se in Missæ sacrificio.

NOTANDVM Primò diligenter, secundum tres vias, diuersasq; dispositiones, varios à Spiritu sancto modos suggeri, eosque quemlibet sequi oportere.

NOTANDVM Secundò, quosdam variis imaginibus animum collectum seruare; quod quia quandoque nocet, cautè usurpandum. Tamen post præparationem superiorem, & recitationem iltius, *Ego volo celebrare Missam*, &c. prodest compositionem aliquam facere. V.g. pro via purgatiua; considerare Christum iudicem, clementem tamen adhuc, dum tempus est miserendi. Pro illuminatiua; Christum videre in solio cum B. Virgine, & Angelis; à quo, vsque ad altare radius lucidissimus, per quem Angeli, velut scalam Iacob ascendant, & preces adstantium offerant. Pro via vnitiua; considerare curiam cælestem ardentem amore Dei, & illam, & omnes creaturas nos hortantes ad eundem; & audire Christum Dominum dicentem: *Veni dilecta mea, veni sponsa mea*.

Cent. 2.

In ipso sacrificio quater te colligere potes. Primò, in initio; Secundò, offertorio; Tertio, consecratione; Quarto, cõmunionem. In initio tibi affectuosè repræsenta Christum in horto, ad sacrificium crucis se parantem, ac prostratum; Secundò, euntem ad montem Caluariæ, ibique expectantem dum crux pareretur, & immoletur; Tertio, eleuationem crucis, & Christi immolationem; Quarto, mortem illius & sepulturam.

NOTA, non oportere à verborum intellectu desistere, sed ea ad Christum præsentem dirigere, eumque adorare. Si enim aliena cogites, quid interest, quæ verba sacra, citra præceptum tamè dixeris? Partibus his quatuor, perfectiones diuinas, Iustitiam, Patientiam, Sapientiam, Bonitatem attribuire, & pro quatuor beneficiis præcipuis eas Domino offerre etiam quis poterit.

Cum certum sit memoriam rei bonæ, æquè ac malæ reficari sæpè verbo vno; vtile mihi visum semper fuit, non solum Psal-

mo-

morum varios sensus explicare, sed etiam officii Missæ; vt, sicut in illis, sic hic, mens minus eo pacto distrahatur; neque tamen cum multis id noxium sit, alligetur: sed cogitationes & reflexiones paucas hic suggero, vt, quocumque modo alea, vt sic loquar, cogitationis cadat, cadat bene. Quam facile sit, consuetudo magistra docere debet. Certum est mentem vel ad verba, vel rem aduertere, vel ad vana cogitationem euagari, si piis non assuescat. Cum ergo accedis, vt laues; excita contritionem. Cum hostiam patenæ imponis: per illā orationem, *Ego volo*, renoua intentionē. Ad amictum: statue feruenter, nullum incursum dæmonis, vel distractionem admittere, dicendo: *Impone, Domine (pro me velate) capiti meo galeam salutis, ad expugnandos diabolicos incursums.* adde mente poteris: *Iuravi enim, & statui custodire iudicia iustitia tua.* Ad albam: pete virtutum ornatum, & suspira ad Christum, dicendo, *Dealba me, Domine (pro me illuse) & munda cor meum,* &c. Ad cingulum: *Pracinge me, Domine (quem alligauerunt peccata mea) cingulo,* &c. Ad manipulum: resigna te ad omnia aduersa, dicens, *Merear, Domine (vulnerate pro me) portare,* &c. Ad stolam: aspira ad Deum, & dic, *Redde mihi, Domine (qui hic te in pignus gloria dedisti) stolam,* &c. Ad casulam: propone viuere & mori in Dei amore, dicendo, *Domine, (qui baiulasti crucem pro me) & dixisti,* &c. Egredietur, saluta crucifixum, & renoua intentionem dicendo: *Gloria Patri*, cuius hic scilicet potentia; & *Filio*, cuius sapientia; & *Spiritui sancto*, cuius hic infinitus amor elucet. Incedendo, excita viuam fidem, & mox adora ad altare Deum cum Angelis præsentem, vt complures SS. Patres asserunt, dicendo iterum, *Gloria Patri, & Filio, & Spiritui sancto*, ac fidei, spei, caritatis actum mente eliciendo; v. g. *Credo, Domine, in te, spero, & ex toto corde te amo.* Tum accede ad altare, manendo in Dei præsentia. Librum aperi, memor libri, quem aperuit Agnus, & septem signacula eius. Et iterum in medio, pro defunctis, viuis omnibus, & ad gloriam Sanctorum, intentionem reuoua, cum actu fidei, spei & caritatis. Ad pedem altaris idem facias, & humilia te valdè, cū Christo descendēte ad ima, & adora pro omni creatura.

Cum ad verba veneris, non properè, sed clarè & distinctè pronuntia, affectusque indue, quos illa continet. v. g. Ad *Introibo*, excita fiduciam. Ad *Confiteor*, cōtritionem, & firmum propositum. Ad *Misereatur*, ex zelo mente opta, vt omnes sanctificent Dei nomen. Osculum altari semper fige ex magno amore; & statue adhærere Deo. Ad *Gloria Patri*, magno affectu adora Sanctissimam Trinitatem; & opta, vt omnes ei seruiāt. Ad *Kyrie*, ora pro te, pro peccatoribus, & purgandis. Ad *Gloria in excelsis*, fac vt in *Gloria*

Psalm. 112.

Joan. 14.

Patri, ac omnia auctori Deo tribue. Oratio Prima semper sit pro primaria intentione. Secunda, ad libitum. Tertia, pro commēdatiis. Ad *Per Dominum*, offer Deo omnia merita Christi, & ingentē fiduciam excita: scriptum est enim, *Quidquid petieritis Patre in nomine meo, dabit vobis*. Lege Epistolam velut a Deo tibi missam ex summo amore, cum implēdi praecepti voluntate. Ad *Dominus vobiscum*, opta, vt sicut Dominus vbique per essentiam præsens est, ita cum omnibus dignetur esse per gratiam. Ad benedictionē, pete zelum, & animarum conuersionem. Euangelium, vt à Christo audi; in fine osculādo librum gratias age, & factor verbi esse propone, non auditor tantum, Ad *Credo*, eliciendo actus fidei honora Deum, pro eo quod Ethnici & hæretici incredulitate suā eum inhonorant, & gratulare, cum B. Teresa, Christo, quod regni eius non erit finis. in cæteris sicut vnctio docebit, fidei, sp̄ei & caritatis actus misce. Ad *Oremus*, omnimodam tui diffidentiam & humilitatem excita. Ad Offertorium, respice in cælum, ad Deum Patrem; Secūdo, ad te & nihilum tuum; Tertiò, toto cordis affectu offer te & vota, & postea dic: *Suscipe*, &c. Dum vinum infundis, gratias age Deo, quod in his speciebus vilibus sit dignatus se prae amore tui occulere. Dum aquam, opta sic vniri Deo. Ad oblationē calicis offer te iterum, & purissimam intentionem renoua. Ad *In spiritu humilitatis*, ex animo contrito humilia te, & contere. Ad *Eauabo*, iterū cōtere. & gratias age quod ablurus sis sanguine Christi. Ad *Suscipe sancta Trinitas*, fac vt in oblatione. Orationes recita, vt suprà. Ad *Sursum corda*, attentionem renoua. Ad *Gratias agamus*, gratias age, vt Indulgentiam centum dierum promerearis. Ad *Benedictus qui venit*, &c. inuita Dominum omnium Sanctorum affectu in animam tuam. Ad *Memento*, ora Primò, pro te ipso, vt libereris a defectibus tuis, eosque detestare; Secūdo, virtutes certas, v. g. amorē, humilitatē, pacem, Dei præsentiā, perseuerantiā pete; Tertiò, exerce actus fidei, sp̄ei, caritatis & resignationis, vota q̄; renoua, si Religiosus sis. Deinde ora Primò, pro parentibus & Superioribus; Secūdo, pro commendatis tibi, & subditis; Tertiò, pro benefactoribus; Quartò, inimicis; Quintò, vocatis ad religionem, & fidem; Sextò, pro tota Ecclesia. Hæc per casus Latinos retinentur, aut per Iesv Christi crucifixi mēbra, ita vt in capite, Superiores; in dextra, subditi, & commendati; in sinistra, benefactores; in corde, inimici; in pede dextro, conuertendi; in sinistro, vniuersa Ecclesia collocetur. Ad *Communicantes* inuoca Sanctos, B. Virginē, & sponsum eius, &c. Ad *Hanc igitur, obsequium seruitutis*, proponere quis potest, omnia, etiam minimas regulas, seruare, vt seruus fidelis. Ad *Dilectissimi*, excita amorem Christi.

Christi. Ad *Qui pridie, &c. accepit panem*, fidem. Ad *Elevatis oculis*, præsentia Dei renoua. Ad *Gratias agens*, eas age. Ad *Benedixit, fragis, deditq;*, exerce fidem, spem, caritatē, ita vt desideres quantum potes, & quanto affectu omnes creaturæ possent, Deo hoc sacrificio gratificari. Mox prolatis verbis omni excipe venientem affectu, illique gratulare, & trinā eum adoratione adora pro omnibus qui blasphemant, fide, spe, caritate. Ad calicem, idem fac. Ad *Vnde, &c.* exerce gaudii actus de ascensione Christi, & gratias age Deo pro Sacramēti huius institutione. Ad *Iuxta Abel & Abrahā*, offer omnia sacrificia vetera. Ad *Per manus sancti Angeli*, roga vt etiam auxilio sint, & sanctus Michaël imprimis. Ad *Memento etia, Domine, famulorum*, cogita necessitatem eorum, & obsecra Dominum, per passionem eius; & propone sic viuere, velut hodie moriturus. Ad *Nobis quoque*, sub omnibus te humilia, & inuoca Sanctos. Quoties autem sanctissimam hostiam tangis, toties omni omnium affectu id facias, & complectaris Dominum tuum. Ad *Omnis honor & gloria*, intentionē renoua. Ad *Audemus dicere*, excita fiduciam, & recita attentē singulas petitiones, quibus omnis intentio continetur, quā communio suscipi potest. Ad *Per eundem*, mortui Christi memoriam renoua, vitam tuam illi dedica. Ad *Agnus Dei*, Iesum velut in præsepio iacentem, vel in sanguine suo, vel vt in throno cælesti sedentem adora. Ad orationem de pace excita dolorem. Ad Secundam, fiduciam, & pete liberari à peccatis. Ad Tertiā *Perceptio*, pete perseuerantiam. Ad Primū *Domine, non sum dignus*, humilia te ob peccata sub omni creatura, & dole de ijsdem; ad Secundum, considera beneficia Dei, & humilia te, quod eis non responderis; ad Tertium, abyssum perfectionum Dei intueri, & tuam miseriarum & peccatorum, & collige omnes affectus ex omni creatura in Deum, & vide Christum te omniaque tua inspicientem: deinde renoua vota, ac fide, spe & caritate summā Deum amplectere, optans affectum omnium Sanctorum. Postea sumendo, ardentissimum Christi amorem attende. & quasi os lateri adinouendo, amplectere ardentissimē, ac opta, vt omnes eum laudent, teque ei vicissim trade. Ad calicem, immentum rursus amorem Dei considera, ei que te totum deuoue, manendo in gratulationibus, & amoris actibus, abyssum maiestatis Dei, & tuæ vilitatis attendendo, leui oculi mentis coniectu. Ad cætera, vt supra. Ad *Ite, Missa est*, gratias age. Ad *Placeat tibi*, iterum offer cum omni desiderio triumphantis & militantis Ecclesiæ purissimā intentione, vt verba docent. Ad benedictionem, humilia te, & pete efficaciter pro te, præsentibus, & commissis. In principio totum dicatur, considerando myste-

rium sanctissimæ Trinitatis, & gratulando, & amplectendo, maximè cum legitur, *In propria venit, & sui eum non receperunt.* In genu flexione, gratias age pro omnibus: & rursus in medio, incipiendo *Triumphe* *puerorum.* Ad *Benedicite*, ad singula te humilia, eò quòd indignus sis & insufficiens; & simul omnia ad laudandum Deum, tamquam te aptiora inuita. Ad *Actiones nostras*, omnes offer. adde *Pater*, & *Aue*, pro defunctis.

Post sacrificium Missæ.

Primò, considerare potes iterum maiestatem Dei, teque eà plenum, & Angelis cinctum, ei que gratulari potentiam, sapientiam & bonitatem, humiliando te sub potenti manu eius, ei te resignando, eum super omnia amando, omnem que creature affectum in eum refundendo. nihil enim boni, nisi à fonte bonorum. Secundò, vide ut te sub omnibus colloques, & humiles; ideoque percurrere, & aperi Christo indignitatem & misérias tuas, & eum quasi has scrutantem considera, & propone vnam potissimum seriò emendare, atque ad hoc pete gratiam. Tertio, gratias age omnibus Sanctis ad hoc inuocatis, & eorum affectu assumpto, quo ipsi Deo gratias pro sua salute egerunt ingressi in cælum, æternumque agunt, illum amplectendo, & ora ut pro vitiorum extirpatione intercedant: cum quibus etiam colloquia exercere aliquando posses. Quarto, offer Domino Deo filium, & percurrere singula passionis & vitæ mysteria; & per illa postula pro te & amicis gratias: teque & omnia offer ad eius gloriam, animam scilicet, & corpus, proponendo eius sensus, maximè oculos, aures & linguam custodire. Quintò, considera quasi Deum omnia in corde lustrantem, & vota, si Religiosus es, renoua: pauperrima elige, voluptates respue, Superiores recognosce pro vicariis Dei, & offer omnes actiones tuas, dehinc beneficia Dei percurrere, generalia & particularia; & ut in omni creatura omnia pro nobis, & in nobis operetur, & præsens sit, & omnia præ eo contemne. eius item summum amorem erga nos perpende; & gaude iterum de eius bonis, teque totum ei resigna. propone verò quantum poteris, omnes ad illum trahere, & iterum omnia ad eius honorem facere.

Distributio Communionis.

SANÈ si verbis sacris in ea proferri solitis, attendas, abunde est. Poteris tamen, dum hierothecam, ò Sacerdos, accipis, actum fidei, spei ac caritatis excitare, vt in eleuatione. Quid enim aliud tunc animo volues? Ad *Misereatur*, contritionem renoua; ad *Agnus Dei*, & *Dominè, non sum dignus*, fac vt in Sacro. Singulas hostias preme amoris affectu. Inter distribuendum, caue, oculis animoque euagari: sed aliquamdiu modò fidem, modò spem, modò caritatem excita; modò imitare Christum, se tradentem homini, & te ei resigna; modò potentiam, sapientiam & bonitatem eius admirare. Cæterum, vt suprà de aliis dictum, Spiritus sancti vnctio sequenda est, neque his, nisi per se sic fluant aromata gratiæ Dei, insistendum.

S E C T I O II.

Exercitium de Lectione Horarum.

PRÆLVDIVM I. Constitue te coram Deo, & curia cælesti, eum laudante.

PRÆLVDIVM II. Roga vt dignitatem vocationis tuæ cognoscere valeas, & psallere mente ac spiritu.

PVNCTVM I. Considera Dei Maiestatem, & quomodo omnis spiritus laudet Dominum, & omnia opera eius benedicant ei: atque æmulare. Considera Secundò, te constitutum, vt pro sæcularibus, distractis, captiuis, infantibus periclitantibus de Baptismo, & omnibus de salute, Deum ores; quàm sit proinde æquum, vt deuotè id facias. Cogita voces & lachrymas multorum suspirantium in dira seruitute peccati, in æternæ damnationis periculis. Tertiò, quantum id desideret Deus, cum sub peccato graui id præcipiat, & quàm proinde perperam priuatæ preces deuotè, publicæ distractè recitentur; cum has ritè persolui infinities plus, vt sic loquar, desideret Dominus.

Ggg 5

Quid

*c. 3. de celeb.
Missarum.*

*Cassian.
coll. 10. c. 19*

Quidenim est, Domine Deus, te præcipere sub peccato, vt loquar tibi; nisi dicere, Nisi mihi loquaris, eò quòd delecter alloquio tuo, in æternum non loquar tibi? O quàm debet ista consideratio coreius, qui te amat, accendere; qui te vix timeret, percellere! De hoc præcepto sic loquitur Innocentius III. Strictè præcipimus in virtute obedientiæ, vt diuinum officium nocturnum pariter & diurnum, quantum eis Deus dederit, studiosè celebrent & deuotè. Quartò, considera, quanto posses fructu & gaudio Horas legere, si intellectui psalmorum, quos Spiritus sanctus dictauit, deuotè intenderes; vt eos, non tamquam à Propheta, vt Cassiani verbis vtar, compositos, sed velut à te editos, quasi orationem propriam, profundâ cordis compunctione, depromeres; vel certè ad tuam personam æstimares eos esse directos: quos viri sancti magno affectu & fructu recitare soliti sunt. O quàm displicet tibi, benignissime Deus, ea quæ inspirasti, vt iis postulare nos faceres gemitibus inenarrabilibus, recitari quandoque cum fabulis & risu, aut saltem vanis cogitationibus, id est sordibus, sacratissima verba, quibus longè maior, quàm Sanctorum reliquiis, veneratio debetur, misceri! Quàm Sanctis displicet, ea, quibus ipsi Deum honorarunt, verba per te inhonorari; usque vanas ac turpes cogitationes subnasci: vt fiat detestabile illud, Populus hic labiis me honorat, cor autem eorum longè est à me! Quintò, considera, Deum ad hoc tibi de suo patrimonio largiri alimenta, vt ritè id officium sibi præstes; & quàm turpe, in eo negligenter versari!

PUNCTUM II. Considera Primò, orationem canalem esse, quo ad nos Dei gratia deriuatur; & quàm turpe, illam tibi fieri, per negligentiam, in peccatum, & gratiæ detrimentum. Secundo, esse sacrificium, quod, sicut Eliæ, igne cælitus misso accendi debeat, vt fiat illud Psalmistæ: In meditatione mea exardescet ignis. Sed quemadmodum Abel optima quæque offerebat, Cain deteriora; ita

tem-

tempus & locum deteriora aliqui eligunt; cōmodiora vilibus rebus, studiis & fabulis tribuunt. Tertiò, esse quasi sacrificium thymiamatis, quod ex suauissimis aromatibus conflatum: de quo Apocal. 5. dicitur, Angelos apparuisse, habentes phialas aureas plenas odoramentorū; quæ sunt orationes Sanctorum. Quidquid ergo virtutis in nobis est, in oratione succendi Deo debet, vt placeant verba nostra in conspectu summi principis. Sapiens ait: Aurum tuum & argētum conflagra, & verbis tuis facito stateram, & franos ori tuo rectos: & attende, ne fortè labaris in lingua, & cadas in conspectu inimicorum insidiantium tibi, & sit casus tuus insanabilis in mortem. Quomodo enim sanabitur, qui orationem, quā omnia mala auertuntur, efficit suā negligētiā peccatum? Quā autem turpe blasphemā, turpia, vana cum sacris admittere. Hinc collige, quòd videantur huiusmodi vnā manu Deo supplicare, alterā necem intentare: est enim dispositio ad peccatum mortale, per quod crucifigitur filius Dei. Quantā autem attentione opus sit, iam pater, quòd nihil ex his, quæ per hanc vitam coluntur, vt Nyssenus, & in pretio sunt, orationi præstet. Tantam autem exigebat B. Antonius, vt dicat Cassianus ex eius ore diuinam, caelestem, & plusquam humanam sententiam; Non est perfecta oratio, in qua se monachus, vel hoc ipsum, quod orat, intelligit. Quid enim est, ait August. oratione præclarius? quid vitæ nostræ vtilius? quid animo dulcius? quid in tota nostra religione sublimius? Quantā autem reuerentiā te psallere par est, qui pro omnibus, qui Deum inhonorant & ignorant, venis vt adores & honores? O quantā nos merito verecundiā affici debemus, quos pudet irreuerenter agere cum hominibus, & non cum Deo, Rege regum, etsi is sub peccato mortali præcipiat, vt attendamus! Quid enim grauius est? quod signum manifestius, quā Deum velle sibi deuotè abs te psalli mente, & non voce tantum? Imò omnis oratio, ad hanc publicam per-

Ecclesi 28.

Greg. Nyss.
de orat.
Domin.August in
tract de mi-
ser. tom. 10.

fectè faciendam, & vt voluntatem Dei faciamus, dirigenda est.

PVNCTVM III. Considera qualem ei locum ac tempus deputare oporteat: quàm accom modum, si rei grauitas & vtilitas expendatur. Quòd si in templo nequeamus (quid enim potius? quid magis Sanctis in votis, & in delictis, quàm accedere ad tabernaculum fœderis, & iuxta illud habitare?) locum saltem quæramus pietati potius, quàm distractioni accom modum. Nunc quod ad tempus spectat, attende verba illa: Oportet semper orare, & numquã deficere. & rursùm, Sine intermissione orate. Quòd si ita est, quid est, quòd omnia tempus habere videantur, sola oratio & meditatio, quæ omne tempus habere debet, nullum aliquando inueniat? Sanè, pudere debet eos, qui solùm priuatim Horas legunt; si, cùm multis horis psallant alij deuotè, ipsi cursim, breui tempore, & distractè eas decurrant potius, quàm legant. Imò, quæ ceremoniis, & multorum in oratione consociatione in choro conciliatur deuotio, compensari in priuato deberet insigni attentione. Nónne omne tempus vitæ ad orationem hîc deuotè faciendam, animumque in Deum erigendum, & contemplationem in cœlo perpetuam dirigitur? Considera, precor, cui rei propter vtilitatem & recreationem, tempus impendas; & aduerte omnes causas in lectione Horarum concurrere; auxilia omnia, & quasuis gratias impetrari. Dicit enim Dominus: Petite, & dabitur vobis; quærite, & inuenietis; pulsate, & aperietur vobis. Omnis enim qui petit, accipit; & qui quærit, inuenit; & pulsanti aperietur. Oratio enim iusti, clauis est cæli: ascendit precatio, & descendit Dei miseratio, vt ait Augustinus.

Luca 18.

Matth. 7.

*Aug. lib.
salut. mon.
cap. 28.*

Oratio ante Horas Canonicas.

O Immense Deus & Pater benignissime, Pater misericordiarum, doleo vehementer de his, & omnibus peccatis meis: & cum dixeris, Quidquid petieritis, fiet vobis; ecce ego vermiculus, salutis incertus, in tot mortis periculis, inter tot hostes inermis, venio supplex, vt diligenter, (maledictus enim, qui secus facit opus tuum) summo affectu & amore te laudem, pro omni creatura tua. Ad hoc enim creatus sum, viuo, & in aeternum viuam tuâ gratiâ, ô Creator, Redemptor, & vocator, & infinitis modis benefactor mi. Vtinam te laudare queam, sicut te laudant Angeli tui in celo, & in terra electi tui; inter quos frigidus adsto! sicut faceret ereptus ab inferis: pro quibus, & omnibus maledicentibus tibi, & mutis creaturis laudare te desidero; & pro satisfactione peccatorum meorum, & emendatione defectuum N. & commendatis mihi, & Ecclesia vniuersa. Desidero soli tibi intendere, vitæ filij tui miseris, perfectionibus, beneficis, & doloribus illius. Omne bonum, & requies mea, suscipe in vnione orationum, quas filius tuus, & Sancti tui fuderunt, laudem ex ore peccatoris. Admitte me intra sacrariū exauditionis tuæ, intra chorum laudantium te, & collaudantium nomen tuum. Adsint, queso, mihi Angeli sancti tui, vt pro me misero, & mecum tibi psallant, gratias agant pro omnibus donis tuis; vt psallam sapienter, psallam spiritu, psallam mente; vt vnum te cogitem, te amem: ceteraq; cura tuæ Maiestatis relinquam, Pater benignissime: tu enim de me, velut vnico, & velut vniuerso sollicitus es: & scio, quia non obliuisceris mei, quem in manibus tuis describere dignatus es.

Praxis ad Horas bene recitandas.

Primò, locus aptus quærendus, & tempus designandum. Tu autem cum orare vis, intra in cubiculum tuum, & clauso ostio, ora Patrem in abscondito, ait Dominus. Quod si id fieri
ne-

nequit. saltem collige paulisper animum, occupationibus distractum; deinde situ decenti vttere; varium imitari priuatim potes, qui publicè in Ecclesia ordinatur.

*D. Thom. 2. 2.
q 83. 4. 12.*

Varia industriæ à viris piis excogitatae sunt, vt animum in diuino seruitio collectum seruarent, ne, vt D. Thomas loquitur, Deum deridere viderentur. Triplex autem est attentio: ad verba, quæ necessaria; Secundò, ad sensum, melior; Tertiò, ad personam, & rem quæ petitur, præstantissima. Quidquid hic dicitur, ad aliquam harum ordinatur. Ego pauca suggeram, non prescribo. Vnctio quemque docet, & Spiritus vbi vult spirat. & quomodo vult spirat: quem sequi oportet. Qui enim Spiritu Dei aguntur, hi filij Dei sunt. Tria autem sunt quæ ad collectionem animi conferunt. Primum est, præparatio; Secundum, memoriæ & imaginationis stabilitas; Tertium, post Horas recollectio.

Ad præparationem valet, Primò, legisse pium aliquem in Psalmos commentarium, qualis certè est Illustrissimi Cardinalis Bellarmini Plus tamen de iisdem meditationem sensuum instituisse. Secundò, meditatio matutina, & cum Deo communicatio perpetua. Semper enim, maximè Sacerdotes, oportet orare, & non deficere, atque animum collectum seruare. Mirum certè est, quot ex affectu orationis matutinæ sensus pij in psalmorum recitatione a Spiritu sancto, vt venæ aliquæ auri suggerantur. Tertia est, & magis propinqua; Primò, conscientiam excutere, & contritionem excitare. Non est enim speciosa laus in ore peccatoris. Secundò, omnia negotia seponere, & de iis cogitationem velle excludere, Deo omnia tribuendo; Tertiò, locum, situm, tempus definire. Si enim locuturi cum homine, quid, & quomodo attendimus; quanto magis causam coram Deo nostram acturi?

In ipsa lectione tria item fac: Primò, memoriam præsentis Dei, & Christi Domini in Vener. Sacramento exerce. Secundò, vt in meditatione dictum est, compositionem loci fac, vel vnā, vel ad psalmos singulos. Tertiò, pete gratiam aliquam singularem, vel in singulis psalmis, vt exponetur, vel vniuersis.

Nota, quod dicitur præsentiam Dei primò excitandam, in singulis psalmis renouari posse, idq; valdè expedire. omnino enim oratio, vix est oratio, absque ea, siue cum Deo colloquium. quis enim absenti loquitur? Secundò, quod verò ad compositionem loci, quā & memoria & imaginatio alligatur, attinet: Nota, eam variis modis fieri, vt ex iis, quæ de meditatione mysteriorum (eadem enim ratio est) dicta, constare potest. Mysteria, quæ re-

spon-

spondent septem Horis, sunt: pro Matutino & Laudibus, gesta in horto vsque ad domum Caiphæ; Prima, nox in domo Caiphæ, & prima condemnatio; Tertia, flagellatio, & coronatio; Sexta, condemnatio, & baiulatio crucis; Nona, exaltatio in crucem; Vesperis, depositio; Completorio, sepultura. Hæc autem ante eas breuiter, iam antè meditata; (neque enim tunc meditandum est, sed quasi in contemplatione, ac Dei præsentia orandum) recolantur, & Christo Domino præsentì, cum variis affectibus, compunctionis, contritionis, gratiarum actionis, admirationis, compassionis, gaudij, spei, amoris, recitentur. Non enim applicari omnia possunt, sed recitari Domino Iesv præsentì, qui cum sancta Catharina Senensi etiam Horas aliquando recitare dignatus est. Hoc verò spectat ad tertiam intentionem. Huc pertinet, quòd aliqui coram Deo, cum aliquo Sanctorum ex choris recitant Horas, aut etiam psalmos, suumque affectum & vocem coniungunt. Hi numerari decem possunt. B. Virgo enim vnum per se facit; Secundum, Angeli; Tertium, Patriarchæ; Quartum, Prophetæ; Quintum, Apostoli; Sextum, Euangelistæ; Septimum, Martyres; Octauum, Pontifices & Confessores; Nonum, Sacerdotes & Leuitæ; Decimum, Virgines & viduæ. Alij ex caritate per septem Horas, pro septem statibus Ecclesiæ orant. hi sunt: Primus, Prælati & Clerus; Secundus, Principes; Tertius, Religiosi; Quartus, Doctores; Quintus, sæculares, cælibes, coniugati; Sextus pueri & infantes; Septimus defuncti, vt Deus omnium misereatur, omnium pericula auertere dignetur. Alij sic diuidunt, vt orent Primò, pro Ecclesia vniuersa; Secundò, pro Superioribus; Tertio, pro subditis, aut commendatis; Quarto, pro benefactoribus; Quintò, pro aduersariis; Sextò, pro conuersione infidelium ad fidem; & peccatorum, ad pœnitentiam; Septimò, pro defunctis: & hoc, quasi coram Christo crucifixo; cuius corpus, est Ecclesia; in cuius capite, Superiores, dextera, subditos; sinistra, benefactores; in corde, aduersarios; in dextro pede, peccatores; in sinistro, defunctos locant. Atque ita salutantur etiã membra Christi Domini. Alij pro se septem virtutes, capitalibus peccatis contrarias, per septem Horas perunt. Poterit etiam quis capita illa meditationis, suprà posita, applicare, & imagines libro inferere, usque se excitare.

Verum quò anima magis ad vnum tendit Deum, vtilius est, & oratio ea sublimior, quàm aliqui, quasi in vnitua sese exercent; & Sanctissimæ Trinitati, ac tribus personis eiusdem, singulos psalmos offerunt; secundæ tamen personæ, cum geminas habeat naturas, geminos etiam psalmos. Huc spectat, Primò Horas sin-

*Thoma Camp.
de disc. claustr.
c. 4.*

gulas in gratiarum actionem Deo offerre, pro septem beneficijs præcipuis: Matutinam, pro creatione; Laudes, redemptione; Primam, vocatione; Tertiam, iustificatione; Sextam, conseruatione; Nonam, glorificatione; Vesperas, & Completorium, pro Ven. Eucharistiæ institutione. Secundò, perfectiones diuinarum laudum, per Horas diuidere: vt in Matutino & Laudibus, potentia; Prima, sapientia; Tertia, bonitas; Sexta, iustitia; Nona, prouidentia; Vesperis, amor; Completorio, liberalitas extollatur. Tertiò, considerare præsentem Deum, per essentiam, præsentiam & potentiam; Primò, in inferno; Secundò, in terra; Tertiò, aqua; Quartò, hominibus; Quintò, nobis ipsis; Sextò, aëre; Septimò, igne; Octauò, cælo; Nonò, astris; Decimò, Angelis & Beatis.

Hos modos paucis, vt breuior sim, vniuersim suggero, vt vnum ex superioribus conflatum. Hoc verò est: Primò, conscientia excusâ cum contritione, in præsentia Dei tui te constitue; Secundò, insuper finge, si libet, Christum Dominum mysterium aliquod coram te gerere, cui sic præsentem aut Horam, aut psalmum recita; Tertiò, grâtiâ ab eo breuissimè, ad orandum pete oratiunculâ sequenti: *Credo, ô Maiestas infinita, te in corde meo, & ubiq; præsentem, & in te spero, & confido petita N. obtinere. Omnia tibi committo; & diligo te ex toto corde meo & desiderio: pro innumeris beneficijs tuis, & peccatis meis qua detestor; & quia dignissimus es, offero hoc sacrificium, vltimum fortè, coram curia tua, & cum omni creatura tua. Da mihi gratiam ad hoc vocato, & suscipe me in vniione meritorum filij tui, & omnia mea, & hoc quoque propositum. Amen.* Quartò, recita *Pater*, & septem intentiones, septem petitionibus renoua per B. Virginẽ, dicendo *Aue Maria*, gratiam pete, teque offer; & deinde ad *Gloria Patri*, &c. gratias age, & intentionem rectam exerce. Initio verò alterius Psalmi, mente dicito: *Ex te, & in te, & pro te sunt omnia.* Pro præsentia Dei, & amoris actu, si libet, & affectus suggerit, adde mente epitheton ad vocem *Deus*; in alijs attende ad verba Psalmorum. Mysteria autem Psalmis attributa, habe. Dominica, recita coram Domino, Primò, lauante pedes; Secundò, Sanctissimam Eucharistiâ instituyente; Tertiò, orante in horto; Quartò, in agonia posito; Quintò, capto; Sextò, accusato apud Annam; Septimò, apud Caiapham; Octauò, illuso ibidem; Nonò, accusato apud Pilatum; Decimò, spreto ab Herode; Vndecimò, Barabbæ posthabito; Duodecimò, flagellato; Decimotertiò, coronato; Decimoquartò, populo ostenso; Decimoquintò, crucem amplexanti; Decimosexto, eâ baiulanti; Decimoseptimò, crucifixo; Decimooctauò, eleuato in crucem. Feriato die, Primò, orante in horto; Secundò, accusato apud

apud Annam; Tertiò, apud Caipham; Quartò, illuso; Quintò, accusato apud Pilatum; Sextò, ab Herode Ipreto; Septimò, Baiabæ postposito; Octauò, flagellato; Nonò, coronato; Decimò, populo proposito; Vndecimò, baiulante crucem; Duodecimò, crucifixo Festis diebus, Primò, orante in horto; Secundò, accusato apud Annam; Tertiò, apud Caipham; Quartò, apud Pilatum; Quintò, illuso ab Herode; Sextò, flagellato; Septimò, coronato, Octauò, baiulante crucem; Nonò, crucifixo. Ad Primam, Primū Psalmum recita Christo apparenti Matri; Secundum, Magdalenæ; & Tertium, tribus Manis. hanc priusquam incipias, actiones diei percurre, & in confessione contritionem excita. Secundò, ante Pretiosa, Sanctorum memoriam recale. Ad *Deus in adiutorium*, à Deo Patre potentiam, à Filio sapientiam, à Spiritu sancto voluntatem pete faciendi præcepta illius. Ad orationem, actiones omnes offer. Ad Tertiam, Primū, Petro apparenti, Secundū, in Emaus; Tertium, omnibus se ostendenti Ad Sextam, Primum, Thomæ; Secundū, piscantibus; Tertiū, in Thabor se manifestanti. Ad Nonam, Primum, in mensa; Secundum, in monte oliuarū; Tertium, B. Paulo. Ad Vesperas, Primum, nato; Secundum, circumciso; Tertium, apparenti Magis; Quartum, præsentato; Quintum, fugienti in Ægyptum; Sextum, *Magnificat*, inuento in templo. Ad Completorium, dispone te quali ad mortem per confessionem, & contritionem. Primum psalmum recita, vt in lecto mortis; Secundum, vt in articulo; Tertium, vt in via ad iudicium; Quartum, vt ingressus in cælum, eoque aspira, & ex illo affectu dic: *Nunc dimittis*, &c.

Oratio post horas.

Dirigatur oratio mea sicut incensum in conspectu tuo, ô Rex Psal. 140.
 regum potentissime, sapientissime, optime; & errores & euagationes ignoscat clementia tua: & suscipe eam in vnione omnium orationum Christi Domini, & Sanctorum in celo & in terra; ex omni affectu triumphantis & militantis Ecclesie, ad gloriam tuam, & laudem B. Virginis, & Sanctorum omnium, & eorum, quos hodie colendos suscepi, ad memoriam passionis, gratiarum actionem, pro omnibus beneficijs tuis, ad salutem omnium qui se mihi commendarunt, in satisfactionem pro peccatis, & gratia tua impetranda, & hac virtute N. & concede, vt sicut sem-

H h h

per

per laus tua est in ore nostro, ita etiam in opere te predicemus, modestiâ, zelo, deuotione, resignatione, obedientiâ & patientiâ nostrâ, vt omnes te ament & glorificent, Amen.

Leo X. concessit recitanti post officium sequentem orationem, remissionem omnium negligentiarum admissarum in recitatione officii:

Sacro sanctæ ac indiuiduæ Trinitati, crucifixi IESV Christi Domini nostri humanitati, & beatissimæ & gloriosissimæ Virginis Mariæ fecunditati & integritati, ac omnium Sanctorum Sanctarumq; vniuersitati, sit sempiterna laus, honor, virtus & gloria, ab omni creatura, nobisq; remissio omnium peccatorum, nunc & semper, & per infinita secula seculorum. Amen.

Beata viscera Mariæ Virginis, quæ portauerunt æterni Patris Filium: & beata vbera, quæ lactauerunt Christum Dominum. Pater noster. Auê Maria. Diuinum auxilium maneat semper nobiscum. Amen. Suscipe clementissime Deus, &c.

S E C T I O III.

Exercitium de officio Concionatoris.

PRÆLVDIVM I. Constitue te coram Domino, & maiestatem illius intue.

PRÆLVDIVM II. Pete, vt, sicut labia Isaïæ Prophetæ, ita etiam tua mundet calculo ignito amoris sui.

PUNCTVM I. Considera, concionatorem Apostolorum atque Episcoporum munus obire (qui non baptizare, sed euangelizare se missos dicebant) imò Angeli, qui filios Israël cum Moyse, per desertum dixit. Vnusquisque vestrum, in quantum sufficit, quantum gratiam supernæ aspirationis accepit, si à prauitate proximum reuocat; si exhortari ad benè operandum curat; si æternum regnum, vel supplicium denuntiat; cùm sanctæ deuotionis verba impendit, profectò Angelus est. Vide igitur an Angelica
vita,

1. Cor. I.

Gregor.

vita, tua sit; an cum Moyse, cum Apostolis, cum Vincentijs, Xauerijs, contemplatione & oratione cum Deo sis coniunctus; an virtutibus, ad exemplum ornatus. Dic enim, quo pacto amore virtutis humilitatis & caritatis accèdes alios, si ipse eo non ardeas? Qui sibi nequam, cui bonus erit? Quomodo fidelis dispensator multaformis gratiæ Dei qui eam negligit? Quomodo tepidus illuminare per noctem poterit, esse fermentum bonum, & columna in templo Dei? Quomodo instrumentum atque organum fieri gratiæ ac gloriæ Dei?

PUNCTUM III. Considera, concionatorem, legatione fungi pro Deo; ut populos rebelles conciliet; quid si eiusmodi legatus pacis à Rege missus, belli incētor foret? negotium Regis agere iussus, suum ageret, gloriam quæreretur suam? si, cum conuertere ad Deum animas deberet, auerteret manu, ore simulatè aduocaret? si, cum querere deberet sponsam Domino suo, ipse exemplo eam corrumpere? si, cum pascere verbo, ipse vanitatis vento eius famem accenderet? nōne magni criminis reus foret? Concionator id agit, qui benè dicit, agit verò malè. Docere, ait Gregor. & non facere, non solum nihil lucri (Nota) sed etiam damni plurimum cōfert. Grandis enim condemnatio est, componentī quidem sermonem suum, at opere negligenti. Immò Aristoteles ait, ab his, qui non perinde viuunt, ut loquuntur, tolli & interimi veritatem. Seneca verò, Nullos, inquit, peius mereri de omnibus mortalibus iudico; quàm qui Philosophiam, velut aliquod venale artificium didicerunt: qui aliter viuunt, quàm viuendum esse præcipiunt. Exempla enim inutilis disciplinæ circumferunt. Hi enim duplici modo animas perdunt. Primò, quia alios magis idoneos, ambitione suâ pulpitis excludunt. Secundò, quia exemplo retrahunt à Deo, quem verbo sequendum denuntiant: laudant humilitatem, obedientiam, resignationem, caritatem ut vtilem, facilem, iucundam; sed factis contrarium,

Greg. hom.
lib 10. Mo.
rah. c. 1.

*1. Cor. 2.**Chrysost.
homil. 30.**Ephes. 4.**Jerem. 23.*

longeque potentiùs testantur. Litteram habent, & non spiritum: littera autem occidit, spiritus viuificat. Prædicatio eorum in persuasibilibus humanæ sapientiæ verbis; non in ostensione spiritus & virtutis. Si applaudentium multitudinem habent, quasi regnum adepti, ait Chrysost. exiliunt gaudio; si autem silentio sermo eorum claudatur, maior illis ex silentio, quàm ex gehenna mœror. Obserua autem vocationem Dei ad hoc munus, & missionem præcedere debere, quia alios quidem dat Prophetas, alios Apostolos, alios doctores; & mittit, dicente Apostolo, Quomodo prædicabunt, nisi mittantur? Quòd si missi non fuerint, exprobrabit illud eis Dominus: Non misi eos, neque præcepi, neque locutus sum ad eos, & ipsi currebant; non vocabam eos, & ipsi respondebant. Signum autem vocationis est, non ambitione propriâ, sed Superiorum voluntate hoc munus suscipere, fructum facere, animas conuertere, & in se humilitatem experi accaritatem. Neque enim in maleuolam animam introibit sapientia; neq; Satanas Satanam ei cit, superbiam superbus, auaritiam cupidus. Et, vt Gregorius, inflammare auditores suos nequeunt verba, quæ frigido corpore proferuntur.

Actor. 1.

P. NCTVM III. Considera Christum IESVM exemplar concionatorum, quomodo, & quando ad conciones processerit: post baptismum, & ad annum vsque trigessimum in humilibus exercitatus, post ieiunium atque orationem quadraginta dierum. Cœpit enim IESVS facere, & docere. Humilitas autem maximè necessaria est, ne fiat quod Gregor. deflet: Ossa ieiuniis atterimus, & mente turgemus; corpus despectis vestibus tegimus, & elatione cordis purpuram superamus; iacemus in cinere, & excelsa suscipimus; doctores humilitatis, duces superbiæ; ouinâ facie, lupinos dentes abscondimus. Considera Secundò, quàm seuerum erit eorum iudicium in die nouissimò, qui tot, perperam viuentes, protulerunt sententias
contra

contra se, & toties ex ore suo iudicabuntur, quoties alios ad humilitatem & caritatem hortati fuerint. Propter quod, ait Apostolus, inexcusabilis es, ô homo omnis qui iudicas: in quo enim iudicas alterum, teipsum condemnas. Quare, inquiet, Dominus enarraſti iuſtitias meas, & aſſumpſiſti teſtamentum meum per os tuum: tu verò oderas diſciplinam, & cum adulteris portionem tuam ponebas? Hos enim adulterare verbum Dei dicit Apoſtolus, quia, vt Gregor. non Deo filios gignere, ſed ſuam ſcientiam deſiderant oſtentare; plurima cum Phariſæis onera aliis imponunt, quæ digito nolunt attingere. Conſidera Tertio, quantam gloriam verus verbi Dei prædicator conſecuturus ſit, iuxta illa Matth. 5. Qui fecerit, & docuerit, magnus vocabitur in regno cælorum: fulgebit certè vt ſplendor firmamenti, & qui ad iuſtitiam erudiunt multos, quaſi ſtellæ in perpetuas æternitates.

Rom. i.

Pſal 49.

2 Cor. 2.

Greg l. 8.

Monal. c. 25.

Daniel. 3.

Oratio ante concionem.

Domine Deus, in cuius manu ſunt omnes fines terre, in cuius conſpectu totus mundus, quaſi gutta roris antelucani; priuſquam me formares in vtero, noſti me. Sed, ah! priuſquam exirem de vtero, plurimis peccatis ſpreui infinitam Maiestatem tuam. Quis igitur ſum ego, vt enarrem iuſtitias tuas, cuius os & polluta ſunt labia; cuius peccatis plures in infernum deturbari potuerunt; qui vniuerſum orbem, quod B. Catharina Senenſis de ſe, ſanctiſſima, inquam, virgo fatebatur, meâ malitiâ potui, velut peſtis, inſicere. Quomodo aſſumam teſtamentum tuum per os meum? Quis ſum ego canis mortuus, vt reſpicias ad me, & loquaris mihi: Audio te per ſeruum tuum loquentem: Feci ego calum & terram; eâ conditionis facultate te dono, vt terram facias calum: accendi ego luminaria; accende & tu clariora illis: namque potes his, qui in errore ſunt, lumen veritatis accendere. maius iſtud beneficium eſt, quàm ſolem intueri. hominem facere non vales; at

H b b 3

iuſtum

Jerem. I.

iustum gratumq; mihi potes efficere: ego substantiam feci; tu ex-
 orna propositum. vide quàm te diligam, qui maiora tibi faciendi
 potestatem tribui. Video, Domine, sed, vt nouit diuina bonitas
 tua, nescio loqui; & scio certissimè, quodd nihil possim sine te, nul-
 lum verbum proferre, quia puer sum ego, & miser, & miserabilis
 absque te: & verè sine te peccator grauissimus, pestis certissima
 futurus, vt non sit, vnde me extollam. sine te enim verè nihil pos-
 sumus; & nemo potest venire ad te, etiam si omnia adhibeantur,
 nisi gratia tua traxerit illum. Mitte ergo, Domine, manum tuam,
 & tange labia mea, vt auferatur iniquitas mea; tange os meum,
 & pone verba tua, sicut gladium acutum, in eo. Sis tu, Domine, in
 ore meo; doce me quid loquar, vt euellam, destruam, disperdam,
 dissipem, ædificem & plantem, non asperè aut superbè, sed in vi-
 sceribus caritatis & amoris. Ecce bone pastor, Ies. dulcissime,
 mittis me ante faciem tuam, ad oues, quæ perierunt, domus Israël:
 concede mihi gratiam, coram populo isto, vt eundo fructum adfe-
 ram, & fructus maneat, & semen centuplum afferat in virtute
 tua. Pater sancte, sanctifica nos in nomine dilecti Filij tui, vt si-
 mus vnum, sicut & vos. Sanctifica nos in veritate, qui pro nobis
 Dominus Iesus sanctificauit semetipsum, vt simus & ipsi sancti-
 ficati in veritate. Zelus honoris tui comedat me, vt te conculcan-
 tes, vel ed properantes amouere studeam; carog, sanguine redem-
 ptas sponsas, tuosq; filios de hostium captiuitate educam in bra-
 chio tuo, qui sceleribus meis eos perdere, & exemplo potui & con-
 uersatione. Ecce video stantes in crepidine abyssi, & audio te, Do-
 mine, vocantem, vt succurram. hoc sitis, Domine Ies. pro hoc
 mortuus es, & ego eo sine vocatus. Da mihi Domine, in ijs tuum
 sanguinem intueri, tuam imaginem, non autem accipere perso-
 nam hominum, sed te, dulcissime Redemptor mi; te, qui vbique es,
 cui fieri scio, quod vni ex minimis factum fuerit. Da mihi gloriam
 tuam spectare, non meam querere. Absit, vt ego videri velim, vel
 laudari, & esse Luciferi mancipium, à curia caelesti, & ab ipsis
 hominibus in die iudicij cōdemnandus. Propter te igitur, & tuam
 solius gloriam, quia ita placitum est tibi per obedientiam iubere,
 clementissime, amantiissime, misericordissime, hoc aggredior, in
 con-

conspetu tuo: adiua me protector meus, & tu beatissima Virgo Maria, refugium meum, & vos Angeli Custodes, & sancti loci Patroni quotquot adestis, date veniam mihi peccatori enarranti iustitias Domini mei; benedicite mihi, & vestris orationibus succurrite. Amen. Ave Maria. Veni Creator. Benedictionem pete à Domino, & B. Virgine. Nos cum prole pia, &c. Angeli sancti Dei, &c.

Oratio post conçãoem.

Magnificat anima mea Dominum. Tua enim, bone IESU, Luc. 1.
 manus fecit omnia: neque enim verbum possumus sine te,
 neque sufficientes sumus aliquid ex nobis facere, tamquam ex nobis,
 sed sufficientia nostra à te est. In quo ergo infelix gloriabor?
 Dixi, fateor; sed si non habueris opera, dixit mihi seruus tuus
 Chrysost. non tantum loquens non profuisti, sed & potius laesisti. Chrys. ho. mil. 38. ad pop.
 melius est tacere. Quare? quoniam opus mihi reddis impossibile.
 cogito namque, quod si tu tanta differens non efficis, multò magis
 ego venià dignus. In quo ergo gloriabor infelix homo? an quod homuncioni placeam, quod incertissimum est; & tibi, ac curiæ tuæ
 & omnibus Sanctis displiceam in aeternum, & mercedem perdiderim sempiternam? Tibi gloria, Deus meus; tibi gratias ago,
 Domine, qui dignatus es me vti ad ministerium tuum, indignissimo seruo tuo, ore superbo, & impuris labijs, ad annuntiandum in
 populo veritatem tuam. Ecce enim hoc, N. & illud N. feci: vide defectus commissos, neque zelo tuo vnico satis me moueri sentio, neque huic ministerio dignè me parauì. O quot sententias in tremendo iudicio recitandas, hic contra me tuli! Etenim aliud facio, aliud dico, sepulchrum dealbatum. Impono grauià onera alijs, quæ digito nolo attingere. Hypocrita, trabem in meo oculo negligens, in alieno festucam eruere nitor: & quam alijs viam ostendo, ipse miser negligo. Quomodo ergo poterit, Domine, arbor hæc mala bonos fructus facere, non nisi per te, qui radix es, qui me portas, qui iussisti vt facerem? Obsecro te, ne pro-

pter me affligatur, aut impediatur in bono populus iste: sed errata
 mea emendet bonitas tua. si autem per eos stat, nec audiunt me,
 Matth. 10. scio quia non est seruus maior Domino suo, neque discipulus ma-
 ior illo qui misit illum: si te persecuti, demoniacum vocarunt;
 Matth. 3. quid querar ego? potens es tamen, Domine, de lapidibus his susci-
 tare filios Abrahae. Benedic igitur, Domine, & da benignitatem, vt
 terra afferat fructum suum; & suscipe obsequium meum mani-
 bus & meritis B. Virginis, & omnium Sanctorum, maximè An-
 gelorum Custodum huius loci, & Patronorum; & in vnione præ-
 dicationis & passionis, & laborum Christi IESV: & à tentatio-
 ne me libera protector meus, cui me totum, vsque ad extremam
 sanguinis guttam consecro & deuoueo, licet indignus nimis tuâ
 Maestate.

Oratio breuior ante concionem.

Dignus es, Domine, accipere omnem gloriam & honorem. v-
 tinam omnes ad te creatorem suum conuertam! Eia, Do-
 mine, en infiniti pereunt, tuo sanguine & laboribus empti; & ne-
 mo potest venire ad te, nisi tu traxeris eum: quid ergo pollus la-
 bijs & corde prestare potero sine te? da mihi gratiam ad hoc, ad
 quod vocasti; & adsint mihi Angeli tui, vt ad tuam vnus glo-
 riam fiant vniuersa.

Oratio breuior post concionem.

Lucæ 1. **M**agnificat anima mea Dominum. Tuum est, ô Deus, à quo
 omnis sufficientia nostra. Ignosce imperfectionibus meis, ne
 conuertendis obsint, & repetas eos de manu mea. Benedic, Domine,
 vt terra hac afferat fructum suum, & vos Angeli sancti Dei inter-
 cedite pro nobis. Amen.

Praxis ritè concionandi.

Prima. Numquam ambi locum, pulpitum, aut cathedram, sed humilissime admittre; minùs frequentes opta; ex humilitate, aliis maiores cede, quòd alios te meliores aestimes, ac proinde Dei instrumenta aptiora. Vehementissimè autem abhorret Dei seruus impedire, quo minùs gloria Dei per alium promoueat.

Secunda. Nullam vnquam concionem habere, quin priùs ipse imbibere affectum erga illam virtutem, quam aliis commendatam esse desideras. maximè zelum exacue, & caritatem excita erga proximum & humilitatem: vt dicere possis cum Apostolo, Testis mihi est Deus, quomodo cupiam vos omnes in vitceribus Iesu Christi. 2. Cor. 9.

Tertia. Pœnitentijs atque mortificatione Dei gratiam, ante concionem implora: grauissimam enim rem tractas, salutem plurimarum animarum, quam oratione multâ & lachrymis à Domino impetrare debes, non dictione tuâ. stulto itaque labore consumeris, si multum dictioni, parum orationi tribuas. Hinc videmus concionatores multos aliquando annos multos studere & concionari fructu paruo; qui si spiritum orationis haberent, magnum facerent. Qui, vt Gregorius, asserere soliti, quæ auditorum corda ad rependendas laudes excitent, non autem ad lachrymas accendant. Munus suum vt præstet, ait Augustinus, magis pietate orationum opus est, quàm oratoris facultate. Gregorius verò imitandum Christum Dominum proponit, qui nocte orabat, per diem docebat, vt quieti contemplantibus sorbeant, quod occupati erga proximos, loquentes refundant appositè: ipsi enim haurire assiduè debent de fontibus Saluatoris, quod in pectora auditorum transfundant. Accedit frustra concionatorein dicere, nisi Spiritus sanctus cor præparet, & in te loquatur, & ad illud. Proponere quidem potest, sed non aptè, neque quod expedit, nisi per gratiam illius, qui omnium corda videt, & omnium corda habet in manu sua. Ad hoc stas habeat preces; quotannis, vt minimum semel, in secessu, exercitijs vacet. Denique semper oret, & non deficiat; & maiorem sciat curam in oratione, quàm in præparatione ponendam. Etenim dicit Chrysostomus: Cum video quempiam non amantem orationis studium, neque huius rei feruidâ vehementique curâ teneri; continuò mihi palam est, cum nihil

Greg. l. 8. Moral. c. 26.

Aug. l. 4. de doct. Christ. c. 5.

Greg. lib. 6. Moral. c. 17.

Chrysost. l. 1. de orando Deo.

Serm. 18. in
Cant.

egregiæ dotis in anima possidere. Rursum: vbi quem conspexero infatigabiliter adhaerentem cultui diuino, idque in summis damnis numerantem, si non continenter orauerit, coniecto talem omnis virtutis esse meditatorem, ac Dei amicum. D. Bernardus septem requirit quasi gradus ad suggestum: Primus est, contritio; Secundus, deuotio; Tertius, pœnitentiæ labor; Quartus, pietatis opus; Quintus, orationis studium; Sextus, contemplationis otium; Septimus, plenitudo dilectionis.

Gregor. l. 3.
Moral. c. 12.

Quarta. Primò, oratione præmissâ, & intentione innouatâ, materiam diligenter conquire, & distribue scopo seu intentione destinata, ac deinde de illa meditationem institue. Obserua, eo pacto vtilem fore concionem, si formam meditandi suprâ positam secutus, ex aliquo loco stimulum petieris ad excitandos auditorum animos: certum enim est, si in præsentia Dei, & compositione loci factâ dixeris, ad Deum sæpè etiam inter dicendum oculos & animum attuleris, efficaciter te dicturum. Præparatione igitur præmissâ, cum tempus instat, ad orationem confuge: & Primò, considera Dei Maiestatem, & intentionem rectam. Secundò, peccata tua, & ineptitudinem tuam, & te humilia sub omni creatura, omnes te æstima meliores; tibi que prorsus diffide, Deo que confide. Habet, inquit Gregorius, doctrina arrogantiam, vt humiliter nequeat inferre quod docet; in verbis enim eorum proditur, quod cum doceat, quasi in quodam sibi videntur sanctitatis culmine residere. Tertiò, considera miseras hominum, & peccata plurima, & numerum innumerum propè pereuntium, & dolores ac labores Christi Iesv, & zelum excita. Consensurus suggestum, iterum te humilia; Secundò, intentionem ardentem renoua, dicendo: *Munda cor meum, ac labia mea*, &c. Tertiò, inuoca omnes Angelos præsentis auditorum. Inter dicendum, Dei præsentiam, quo ad potes, habe; ad eum sæpè animos attolle. Numquam concionem deferas, quia efficias, vt auditores aliqua proponant, & ipse pro iis, quasi Deo offeras; qui vnus est & perpetuus fructus concionis, sicut eleëmofyna, & oratio. Verbi gratiâ, dixisti de caritate inimicorum, offer Deo aliquos actus virtutis illius ex parte auditorij, quia legatione fungeris pro eo, obiectiones dilue coram Domino, per apostrophem, vel aliter. Post concionem, gratias age Deo, ei que totum tribue, & roga, vt dignetur benedicere opera manuum tuarum. Diligenter autem vita plausum, eiusque locum, & tempus. Ad omnem laudem cogita, *Non ego, sed gratia Dei mecum*; vel similem aliquam sententiam. Certè qui se laudat, ferè ex ignorantia Deo detrahit, & quasi

1. Cor. 15.

quasi calamo tribuit, quod scriptori debetur. Secundò, ad vituperia, si causam nō dederis, gaude: illud enim certum signū est profectus tui, & alieni. Numquam de tuis loquere. Tota Christianæ sapientiæ disciplina, non in abundantia verbi, non in astutia disputandi, neque in appetitu laudis & gloriæ, sed in vera & voluntaria humilitate, consistit. Superbum enim Deus & homines despiciunt. Huc pertinet, gratulationes non admittere, quoad licet. Terriò, paupertatem sic colas, vt particularia non admittas: Gratis accepistis, gratis date, ait Dominus: & sic libertatem serua Christianam, & contentus esto paucis, paucisque indigebis, viuesque nulli obnoxius, & omnibus carus. Nescio enim, ait Hieronymus, quomodo etiam ipse qui deprecatur vt tribuat, cum acceperis, viliozem te iudicat, & mirum in modum, si eum rogantem contempseris, plus te postea veneratur. Et sic faciendo omnino, plus opere, quàm verbo; tacendo, quàm loquendo proficies; sicut plus confert virtutis, quàm doctrinæ opinio. latronem de iustitia dicentem spernimus: ita quemuis ea patrantem, vel appetentem, quæ vitanda proclamat. conuiuia, spectacula, sæcularia negotia, per se patet quàm sint vitanda.

Matth. 19.

Hieron. epist.
2. ad Nepot.

Videre complura poteris in instructione R. P. Francisci Borgiæ; item in Oratore R. P. Caroli Regij.

IACVLATORIÆ.

Seruus, qui scit voluntatem domini sui, & non facit, plagis *Lucæ 12.*
vapulabit multis.

Ego non quero gloriam meam, sed eius qui misit me.

Ioan. 8.

Si ego gloriam meam quero, gloria mea nihil est.

Ibidem.

In verbo tuo Domine laxabo rete.

Lucæ 5.

Si quis loquitur, quasi sermones Dei: si quis ministrat, tamquam ex virtute quam administrat Deus.

1. Petri 4.

Non nobis Domine, non nobis, sed nomini tuo da gloriam.

Psalm 113.

Et si tentatio surrepat:

Vade retro Satana. Dominum Deum tuum adorabis, & illi soli seruias.

Matth. 4.

S E C T I O IV.

Exercitium de sancto Pœnitentia Sacramento.

PRÆLVDIVM I. Considera te coram Deo, vt vndique miserum & leprosum.

P RÆLVDIV . II. Gratiā pete, vt hoc Sacramentum non sit tibi in perniciem, quod institutum est omnibus ad salutem.

PVNCTVM I. Considera Deum, sapientissimum & optimum, cū haberet infinitas vias, quibus sibi reconciliare hominem posset, delegisse hoc medium, tamquam conuenientissimum & suauissimum. Quid enim facilius, quā reum fatendo, non vni, sed alicui ex innumeris propē sacerdotibus potestatem habenti, absolutionem impetrare? Quid autem magis conueniens, quā vt peccator, qui cor, linguam ac manus à Deo auertit, contritione, confessione & satisfactione se ad Deum conuertat? Gratias age Deo Patri, qui omne iudicium filio suo vnigenito dedit; & Deo Filio, quod illud Sacramentum instituerit; Spiritui sancto, quod tantā benignitate grauissima scelera confitenti condonet. Considera Secundò, quis in republica crimen condonet læsæ Maiestatis? ipse Princeps. & quanta sit Christi benignitas, qui potestatem à Patre acceptam cum hominibus communicarit. & rursus quanta dignitas, quod ad illam potestatem vocatus sis à Deo, dicente per Episcopum: Accipite Spiritum sanctum, quorum remisistis peccata, remittuntur eis; & quorum retinueritis, retenta sunt. Considera Tertiò, relapsis & naufragis post baptismum hanc secundam tabulam, & arcam alteram in diluuiū peccatorum superesse: & vide, precor, quantopere curandum tibi

Ioan. 5.

Ioan. 20.

tibi sit, ne auertas quemquam ab illa; vt idoneus sis, vt porrigas illam, & viam aperias: Primò, integritate vitæ; Secundò, doctrinâ; Tertiò, industriâ.

PVNCTVM II. Considera, tres esse partes Pœnitentiæ, videlicet, contritionem, confessionem & satisfactionem: quodque hisce iuuare neminem rectè poteris, nisi ipse verè contrito corde, & sincerè confitearis; (in multis enim offendimus omnes) atque pœnitentiæ operibus deditus sis. Non enim vsus est Deus superbis, auaris, luxuriosis; sed humilibus, pauperibus & castis discipulis, vt humilitatem, paupertatem ac castitatem doceret. Noluit enim dici seruis suis: Medice cura te ipsum. Secundò, quanta esset infidelitas aut malitia illius, qui à Rege missus, vt amicissimo pharmacum, etiam regio sanguine paratum ex infinito amore deferret, illud in venenum verteret? Hoc verò fit, quoties hoc Sacramentum perperam administratur; negligentiaque, aut etiam aliquando malitiâ Confessarij, aut in integritate illius, aut contritione aliquid deficit. Tertiò, vide quàm miserum sit, medicum animarum, dum alium curare vult, & ad vitam reuocare, se perimere, etiam malâ vitâ suâ alijs ad mortem ducatum præbere. Quartò, sicut qui in ciuitate puteum vnicum veneno inficit, grauissimi criminis reus est; sic qui Pœnitentiæ Sacramentum, aut asperitate videri facit horridum, aut prauitate suâ inficit, grauissimè peccat. Hic enim fons est & balneum factum ex sanguine Agni immaculati, qui dilexit nos, & lauit à peccatis nostris. Hic est, de quo scriptum: Fons patens domui Dauid, & omnibus habitantibus Ierusalem, in ablutionem peccatorum & menstruatæ. Et existimo, talem vix vmquam ferriò conuerti ad Dominum, qui tabulas pœnitentiæ excussit è naufragorum manibus; qui panem famelicis è manibus eripuit; qui paruulis & simplicibus tantum posuit offendiculum.

Luca 4.

Apoc. 1.

Zachar. 13.

PVNCTVM III. Cōsidera Primò, quomodo Confessarius

rius præterea in hoc Sacramento offendat. Primò, si indoctus sit, & cæcus cæco ducatum præstare velit, ita ut ambo in foueam cadant. O quantam Deo sui reddent rationem, qui studia negligunt, & medicinam animarum profitentur, cum illi vix studeant! An illi vellent tali corporis medico uti, in extremo discrimine mortalis vitæ? Idem de exercitatione & industria dicendum, quam omnes conquirere oportet. Secundò, si vitâ non verè sanctâ, neque circumspectus sit, maximè in verbis & oculis. Quomodo enim mundabit, qui sordidus ipse est? ad sanctitatem & perfectionem præbit, quam ipse nescit, & non amat? Vnde Gregor. Nazianzen. Mundari prius oportet, & sic alios mundare; sapientem prius fieri, & sic alios facere sapientes; lumen fieri, & sic alios illuminare; ad Deum accedere, & sic alios ad Deum inducere; sanctificari, & ita sanctificare. Ideò faciem mulieris non intuearis, quia, ut dicit Abacuc, facies eius, ventus vrens. Tertiò, considera, te sustinere Christi personam. Non itaque consideres personam pauperis, nec honores vultum potentis. Non accipias personam, nec munera; quia munera excæcant oculos sapientum, & mutant verba iustorum. Iudicis enim partibus fungeris, ac medici. Et verò, Domine IESU, nōne pauperes, præ alijs, iuuare voluisti? nōne elegisti pauperes in hoc mundo? Nōne dixisti, Spiritus Domini super me, propter quod euangelizare pauperibus misit me? Nōne hoc signum aduentus tui, & tuorum: Cæci vident, claudi ambulant, pauperes euangelizantur? Dixisti per Moysen, in iudicio dere quauis, Ita audietis paruum ac magnum; nō accipietis cuiusquam personam, quia Dei iudicium est. Sanè, qui pauperes negligit, Christum negligit, & despicit. Nōne enim & ipsum negligeret, si inter pauperes compareret, uti contigit D. Gregorio? videtur facere, ut chirurgi & medici corporis, qui lucrum spectant, non animas; aut quemadmodum is qui Regem nollet curare, eò quòd non se splen-

Abacuc 1.

Dent. 16.

Iacob. 2.

Luca 4.

Matth. 11.

Dent. 1.

splendidè induisset. Animæ enim omnes regale sacerdotium sunt. Immò verò Christus in pauperibus se offert, dicens: Quod vni ex his minimis meis fecistis, mihi fecistis. Quarto, considera, benignitatem, mansuetudinem & modestiam Christi induere te oportere, vt dicere possis eum eo, in persona illius: Venite ad me omnes, qui laboratis, & onerati estis, & ego reficiam vos. Tollite iugum meum super vos, & discite à me, qui mitis sum, & humilis corde, & inuenietis requiem animabus vestris: iugum enim meum suauè est, & onus meum leue. Ideò Dominus roganti Petro, quoties condonaret, respondit: *Matth. ix.* Non dico tibi vsque septies, sed vsque septuagies septies, id est, innumeris vicibus. Et certè cùm Deus adeò clemens sit, quid faciet vicarius eius, & reus ipse & debitor plurimorum talentorum? & verò, præstatne perire animam, & pretium sanguinis Christi; an eam in Purgatorio detineri? si benignitate ad crebram confessionem adducitur, salua est; si parum satisfaciatur Deo, salua est, sed per ignem.

Oratio ante confessionem audiendam.

O Domine IESV Christe, Pater amantissime, scio quantus sis zelator animarum nostrarum: sunt enim omnes, & sponse tue, & pretium sanguinis tui. Tu pro ijs natus & circumcissus es, sudasti, fleuisti; ligatus, flagellatus, damnatus, illusus, opprobrium hominum factus, crucifixus, & mortuus es. Sciebas vtique Sapientia aeterna, quanti essent tibi; videbas aeterna mala, quibus damnanda erant: quid igitur ego, ad hoc vocatus infinità miseratione tuà ad hanc vineam, facere debeo? Cupio igitur Domine, secundum voluntatem tuam, eis me totum impendere. sed, quia nihil mihi prodest, si vniuersum mundum lucrer, & anima patiar detrimentum: ecce protestor, quia non communico delictis eorum, sed ex puro tui amore & zelo me applico: neque erit mihi

mibi acceptio personarum, sed animas & pauperes (quas tu, Domine, elegisti) præ alijs quæram. verumtamen, quia sine te nihil possum, & nemo potest venire ad te, nisi tu traxeris eum; trabe nos post te, & doce nos. solus enim qui per te audiuit à Patre, venit ad te, neque potest homo à se facere quidquam, nisi ei datum fuerit de calo. Da ergo nobis spiritum & cor verè contritum & humiliatum; quia id despiciere non potes. Doleo, Domine, quòd illi & ego te Patrem offenderimus benignissimum, qui me & eos tot bonis præuenisti, tot alia præparaſti diligentibus te. Sed cuius erunt hæc, nisi miserearis nostri? Ecce omnes morimur, & velut aqua dilabimur in abyssum. Adiutor noster esto; ne despicias nos, opus manuum tuarum. O bonitas inexhausta, respice vulnera mea, & excita, quaeso, sepultos in medijs serpentibus, somniantes in crepide inferni. Quære errantes oves, Ihs. dulcissime: spiritum relictum innoua in cordibus nostris, collige reliquias populi tui. Suscipe, Pater sancte, illos in nomine dilecti filij, & da mihi, vt humiliter & amanter eos excipiam, vt tu me prodigum quotidie; & patienter feram, qui tam longanimiter nos expectas, & tot mala toleras; neque tantum iam, sed in futurum per me caueas illis, saluari poenitentia, feruore ignis caritatis tue, & gratia tuâ ad gloriam diuinæ Maiestatis tue. Amen.

*Praxis ad Pœnitentie Sacramentum rite
adminiſtrandum.*

Exod. 30.

PRima est, vitam integerrimam ducere; & numquam ad confessionale accedere, quin hæc tria faciat: Primum, saltem conteratur; si quid grauius sit, confiteatur de peccatis. quod Deus per Moysen indicat, statuens, vt ad tabernaculum laorum æneum faceret, in quo Sacerdotes abluerent manus suas & pedes, quando ingressuri erant tabernaculum. Secundò, gratiam postulare, & intentionem purissimam acutere satagat. Tertio, naturam consideret ac dispositionem, vt medicus peritus consuevit.

Secunda. Habere, vt decet medicum, in promptu malorum remedia, eaque inaurare: ita vt semper vinum & oleum in vul-

nera

nera infundatur, sed plus olei: cum eâ mensurâ, quâ mensi fuerimus, remetietur nobis. Cauenda autem tria: Primum, ne numero quis gaudeat potius, quàm fructu. Secundum, ne interrogatione, maximè in materia turpitudinis, laqueum tendat innocentibus. Certè graue iudicium subit, quisquis eiusmodi est. Tertium, ne personarum acceptor sit, sed omnibus paratus, utque possit dicere cum Christo Domino: Inuentus sum à non querentibus me, palàm apparui iis qui me non interrogabant. Vltro se maximè pauperibus & crebro offerat. *Isaia 65.*

Tertia. Videre in pœnitentiis imponendis, ut viles & faciles imponantur. Quales sunt varij modi orandi, ut habes cap. 9. l. 1. eleemosynæ, cilicia, ieiunia, silentium, solitudo, lectio libri pij, examen conscientie aliquando faciendum, Sacri auditio, eleemosyna certa, quoties in aliquod vitium pœnitens labetur, quam alicui fido (non expedit Sacerdoti) consignet, & supra omnia crebra confessio, & communio. Obserua autem, cum disciplinis aut ciliciis aliquid aduertitur puritati Angelicæ contrarium, iis abstinendum. Manifestas dæmonis præstigias nouisse potest, qui aliquâ experienciâ valet. Pro orationibus autem obserua, ut eas imponas (quemadmodum & opera) quibus Indulgentias pœnitens promereri queat, ratione numismatum.

Quarta. Aduerte diligenter, magis sollicitum esse oportere Confessarium de contritione, quàm vllâ aliâ re. Hic enim defectus, est fons recidiuæ. Hoc Beatus Franciscus Xauerus valdè cordi habebat; & ut semel confesso, vitæ normam daret perpetuam.

Quinta. Non tantum curandum, ut absoluator pœnitens, sed ut proficiat, ut induatur Dominum IESVM Christum, & vestes virtutum eius. Viuo ego, dicit Dominus, quia omnibus his, velut *Isaia 49.* ornamento, vestieris, & circumdabis tibi eos, quasi sponsa. Vestis præcipua est, caritatis, eaque nuptialis. *Matth. 22.*

Sexta. Inter confitendum, sapè humilia te, quodd deteriora fecisses, nisi Deus te seruasset. Secundò, eleua cor ad Deum, & conuerte te ad Sanctissimam Eucharistiam, si potes, & rōga ut det tibi prudentiam, & virtutem: etiam ad hoc Angelum pœnitentis inuoca. Tertiò, zelum excita, dum dicit *Confiteor*, consideratâ Christi iniuriâ, & animæ periculo. dimitte autem illam, quemadmodum si illius vltima foret confessio, à qua salus eius dependeret vniuersa.

*Faculatoria, quâ quis ad singulos pœnitentes
uti potest.*

O IESV, sola salus, sana, quaeso, hanc animam per me in omne peccatum lapsuram sine te. En præteritum sanguinis tui, sponsa tua, ab hoste vulnerata. Doce me, ut prudenter & humaniter cacum & egrum, pro tua unius gloria, ad te adducam. Et tu, ô Angele sancte, adiuua me. Amen.

Alia.

- Psal. 98.** Consteantur nomini tuo magno, quoniam terribile & sanctum est, & honor Regis iudicium diligit.
- Iob 14.** Quis potest facere mundum de immundo conceptum semine? Nonne tu qui solus es?
- Psal. 144.** Suavis Dominus uniuerfis, & miserationes eius super omnia opera eius.
- Psal. 24.** Deus noster, Deus saluos faciendi: propter hoc, legem dabit delinquentibus in via.
- Ibidem.** Vniuersa via Domini misericordia & veritas, requirentibus testamentum eius, & testimonia eius.
- Psal. 34.** Conuerte nos Deus salutaris noster, & auerte iram tuam à nobis.
- Psal. 35.** Respice in me, & miserere mei. Da imperium tuum puero tuo, & saluum fac filium ancilla tua.

SECTION V.

*Exercitium de Studiis, & præcipua hominum
occupatione.*

PRÆLVDIVM I. COMPOSITIO LOCI est, statuere se coram Deo patre luminum, velut cæcum & inopem, &c.

SECUNDVM. Orare vt Dominus illuminare & accendere te dignetur.

PUNCTVM I. Considera Primò, quanta sit in homine ignorantia: quod in pueris, & plerisque mortalium pater. Sed & sapientissimus Socrates hoc magnum putabat, quòd

quòd sciret se nihil scire : & vix quidquam in Philosophia, etsi maximè obuium, plenè cognoscitur, & multò plura ignoramus quàm scimus. quod si quis, vt debet, credit, se vilipendet, alios libenter audiet, non interpellabit; Dei gratiæ, si quid perceperit, animo & ore tribuet. Considera Secundò, in scientijs, artibus & opibus velut vilissimis rebus, Dominum Ethnicis principatum dedisse, adeò vt nullus ad eos ià accedat: omnes verò eos cum plerisque doctissimis damnatos, vt fidem etiam facere fortè Salomon sapientissimus, eheu! potest. ex quo vanitatem scientiæ agnosce. Tertiò, Deum cum simplicibus sermocinari, & contemptibilia mundi semper solere eligere; scribas & sapientes sæculi ferè proiecisse: & modo mulierculis familiarius (vt B. Tere sæ dixit) vti quàm doctis, ob superbiam illorum. quid ergo habet sapiens vnde gloriatur? Quartò, omnia creata esse ad Dei gloriam, & salutem nostram consequendam; vt quæ ex cognitione creaturarum, ad Creatoris perueniremus cognitionem & amorem. Derestare igitur studium, quo à Deo receditur, à vera sapientia, & insaniam istam, quâ, vt scientia vana habeatur, caritas destruitur; vt lumen tenue habeatur, sol excluditur Christus Iesus ab animis nostris.

PUNCTVM II. Attende curiam in scientia prouectiores, sæpè, eheu! arrogantiores sibi plus tribui velint, difficiliùs regantur, priuilegia vindicent: in disputando alacres, in regulari vita remissi: & videbis primam causam esse superbiam, & ambitionem tacitam. Sed attendite miseri: si linguis hominum loquamini & Angelorum, caritatem autem non habeatis, nihil vobis prodest. Et videte Secundò, quid profit homini, si vniuersum mundum non dico sciat, sed lucretur, & animæ suæ detrimentū patiatur, ac se ignoret? Quod in morte optabitis viaticum? quod in iudicio? an scientiâ, quàm virtute magis vos ornatos, vbi plagis multis seruus sciens voluntatem do-

I. Cor. 13.

Matth. 16.

mini vapulabit; & tanto grauius vapulabit, & damnabitur, quanto plus sciuerit. Facite ergo murænulas primò aureas, bonæ vitæ vobis; deinde vermiculatas argento doctrinæ.

PUNCTVM III. Considera homines eiusmodi vmbra, folia, & pictam pro vera sapientia colligere: hinc tales dum intellectum implent scientiâ, gratiam & Deum tandem eiiciunt, & vocationem sapè perdunt post orationes & vitam distractionibus plenam. Considera Secundò, insaniam huius, qui de Deo & virtutibus bene disserit, vt contra se sententiam pronuntiet mortis: alijs ostendit iter, & ipse deuiat: alios pascit, & ipse esurit: lucet alijs, & ipse in tenebris est. Tristatur, si de nugis, vel etiam virtute differendo alteri cedat; si virtute cedat, non curat; dum pecunias alteri numerat, ipse pauper solo sono recreatur. hinc clamoribus omnia complet, quibus, & impatientiæ signis dum studet, vt post aliquando, si viuat, homines ad Deum trahat, iam illos ab eo, vti & à doctrina sua (cùm ex patientia viri cognoscatur de doctrina eius) auertit; neque quisquam hortanti, vt bene faciat, credat, nisi ille sibi fidem habeat, & ipse met intelligat (secundùm Psalmistam) vt bene agat. Considera Tertiò, talem vti furem gloriam Dei sibi tribuere; & sicut iniuste eam acquirit, etiam verisimile, quòd ea sic vtetur.

COLLOQVIVM.

*Meditatio posterior de studio Christianè
instituendo.*

COMPOSITIO LOCI, vt suprà.

PUNCTVM I. Considera illum neglectum spiritus omni ex nimio affectu in studia; quòd putent se per ea postea Primò, gloriam Dei; & Secundò, salutem proximi promoturos, & quod ad ea plurimum iuuat, auctoritatem

tem se comparaturos. Et ad primum errorem, considera beatitudinem nostram hîc, & in cælo in Dei contemplatione consistere, etiam Philosophorum iudicio. Quàm ergo stultum, velle variarum rerum imagines cōtemplari, & sic studere, vt Dei imaginē recipere, & ei inhærere, & beatus esse nō possis. Deinde attende Spiritum Dei numquam sibi contrarium. Cùm ergo eos qui virtute & doctrinâ maximè claruerunt, vt D. Bonauenturam, & S. Thomam, & plurimos alios docuerit, vt scirent plus esse ab oratione, quàm studio, luminis & sapientiæ expectandum; certè qui Spiritu Dei agitur, idem sentiet. Considera Secundò, numquam Spiritum Dei esse inordinatum. Tertiò, eum qui priuato studio ex affectu nimio rapitur, vanitate aut delectatione trahi, plusquam oportet; neque verisimiliter postea malè partis bene vsurum. Quartò, studia omnia & opera ad orationem perfectam, vt scopum dirigi; ergo cauendum ne huic officiant. Quintò, Religionem non scholam litterarum esse, sed maximè, & ferè vnius virtutis. Sextò, quòd ea ob quæ Religiosi aptiores studijs habentur à P. Plato, sint oratio, & puritas animi: itaque primò hæc quærenda. Septimò, eum qui tanto affectu & impetu tanto tempore in propriam laudem, vel ex sui amore in studia fertur, ægerimè possit postea habitu iam contracto, Dei purè gloriam quærere, vel salutem proximi curare: quia qui à Deo remotior, id est causâ primâ, eo minùs operari potest; cùm Deus trahere debeat: imò talis verè furari videtur, vt dein holocaustum faciat. Quòd si spectes auctoritatem, pietas & virtus ad pietatem & virtutem commendandam magis tribuunt: Deusq; humilibus dat os & sapientiam, cui omnes aduersarij resistere nequeunt, qui si intus non trahat, frustra vox exterius sonat. Postremò, non est inter Christianos tam scientiæ, quàm bonæ voluntatis defectus; imò & Ethnicorum facilis ferè conuersio, nisi vicio alicui affecti sint: atque ita virtute magis, quàm

scientiâ conuertendi: & vide in vtra excellas, & magis excellere studeas.

PVNCTVM II. Considera Primò, quis ex omnibus in omnem æternitatem doctior sit futurus; nōne qui humilior? melius enim ille omnia in lumine videbit. itaque sic dirigenda studia, vt virtus non patiatur detrimentum. Ad hoc imprimis intentio recta habenda, & quidem super omnia in studijs, cū potissima parte vitæ nostræ tractentur. & sicut nemo prudens pergere incipit, nisi sit in via; ita nemo studere debet, nisi amore Dei & proximi se sentiat, id est purissimâ intentione, impelli. Secundò, puritas & tranquillitas animi quærenda; vt velut purum speculum, radios plenæ lucis melius percipiat: nam perturbatio oculos obfuscat, &c. Considera Secundò, signa, quibus cognoscere possis, an purâ intentione feraris ad studia: ea sunt, si non intempestiuè, non nimis feruidè, sed deuotè ea aggrediaris; nullâ orationem omittas, nullam regulam negligas; immò si inter studendum sæpè ad lumen æternum, fontem sapientiæ præsentem confugas: Deum, Angelum & Sanctos inuoces, & consulas; ad Deum à creatis ascendas. Tertiò, si post studia oratio & colloquia de Deo sapiant; si, quando Dei gloriam, & propriam salutem per hæc cognita promouere possis, attēdas, Deo gratias agas; humiliter de te loquaris; Deo totum tribuas: non te de ingenio, facilitate & plausu iactes. Considera Tertiò, eum qui contrà facit, & non impellitur solâ voluntate Dei ad studendum; Primò, præuaricari ei voluntati, & studere vt illi aduersetur: hic enim postea scientiâ aduersus Deum inflatur, & velut gladio suo se iugulat & interficit. Secundò, operam perdere, & scopum: cū Deus tunc non misericorditer, etsi naturaliter concurrat, & talem tendendo ad Deum, auerti ab eo, & vilissimæ rei cognitionem numquam perfectam, Deo, eiusq; cognitioni & amoris præponere.

PVNCTVM III. Considera Primò, quantâ diligentiam homo

homo Religiosus studere debeat. Primò, ex parte Dei, qui id postulat. Secundò, ex parte proximorum, qui eum alunt, vt se doceat, & præluceat factis & verbo. Tertiò, ex parte Ordinis: ne alioqui otiosus panem pauperum edat. Quartò, quia tantam commoditatem habet. Quintò, quia in Religionem ad hoc vocatus, vt bonitatem & disciplinam & scientiam discat. Sextò, quia plurimùm ad Dei gloriam promouendam pius ac doctus præstat, quia felicitas humana aliquo modo in scientia consistit. *Pre- Proverb. 3.* riosior enim est sapientia cunctis opibus; & omnia quæ desiderantur, huic non valent comparari. Ideoque Cyrillus ait, Semper oportet addiscere, & in extremis horis, fundum sapientiæ inuestigare. Considera Secundò, unde contingat id non fieri. Primò, quia dum vnum agere deberet, ad futura, quæ destinat animo, se stolidè (cùm ea fortè numquam sit consecuturus) præparat, contra Dei voluntatem; & sic numquam perfectè alicuius rei scientiam consequitur. Secundò, quia velox ad loquendum, curiosus, vagus, solitudinis non amans; sed in familiaritates & recreationes pronus, parum de scientiæ veræ magno thesauro augendo, est sollicitus. Denique otiiatur, vt puer; & cùm tot pro gloria, & vili nummo Iuriconsulti, litterati in Vniuersitatibus, & sæpè totos propè dies & noctes absument cum voluptate (quam P. Platus propriam in Religiosis, & eximiam voluptatem commendat) ipse miser hanc non percipit; sed ad recreationes anhelat. Statue igitur exemplo eorum, & omnium mercatorum, scientiæ secundùm Deum vacare, & videre per illam, quàm suavis sit Dominus.

O R A T I O.

Eccli 36.

Sap. 9.

Rom. I.

Iacob. I.

Sap. I.

Psal. 118.

O Sapientia aeterna, ô lux quæ illuminas omnem hominem venientem in hunc mundum, te quero, te desidero; respice in me, & ostende mihi lucem miserationum tuarum. Ecce enim in tenebris sumus, & difficile æstimamus, quæ in terra sunt; & quæ in prospectu sunt, inuenimus cum labore; quæ autem in calis sunt, quis inuestigabit? Nemo, Domine, nisi cui tu dederis, vt nouerit se, & nouerit te: nisi simplex & rectus, quocum est sermocinatio tua. Vtinam igitur sim cum multis seruis tuis potius sapienter indoctus, quàm cum sæculi filiis insipienter doctus! qui dicunt se esse sapientes, & stulti facti sunt; qui existimant se scire aliquid, non tamẽ cognoscunt, quomodo oporteat eos scire. Quid ergo gloriari poterit sapiens in astutia ac sapientia sua, nisi nouerit te; in quo cognoscet humilis & modestus sapẽ in aeternum eo plura, quo pauciora hĩc intellexerit? Sed quanta vanitas hĩc etiam nobis illudit! scire cupiunt, & te ac se ignorant: disputant de humilitate, caritate, patientia, & acerrimẽ pro iis digladiantur, & factis fortius oppugnant: sententias suas tuentur & tuas, ac præcepta tua despiciunt; damnant alios ignorantia, & se malitia. Quid prodest, quæso, si vniuersum mundum nouerint, & lucrentur, si cras, vel perendie inde grauius damnentur? Nõne omnis scientia ad virtutem accommodanda est? cur igitur nunc sapẽ seruit ad contentionem, ad emulationem? quæ de sursum est sapientia, primũ quidem pudica est, modesta, suadibilis, bonis consentiens; & qui per eam sapiens, ostendit ex bona conuersatione operationem suam, in mansuetudine sapientiæ. Quod si, ait Apostolus tuus, zelum animarum habetis, & contentiones sint in cordibus vestris; nolite gloriari, & mendaces esse aduersus veritatem. Non potest enim spiritus tuus dulcis & humilis, ô bone IESU, spiritus veritatis, simul esse cum spiritu vanitatis: neque in maleuolam animam introibis, ô Sapientia aeterna. Bonitatem itaque & disciplinam & scientiam doce me. Ostende mihi viam, quã ad te ambulem: quia hoc tantũ scire cupio, te Dominum

minum meum, IESVM crucifixum. Tolle à me Deus meus scientiam, quâ inflex; da mihi sapientiam, quâ mitis sim & humilis corde; vt non pigeat me, sicubi hesito, querere; nec pudeat, sicubi erro, discere. Da disputare de veritate, & factis ei non contradicere; concupiscere sapientiam, & iustitiam conseruare, & caritatem proximi, & tuam. Amen.

Praxis studendi.

PRima est, initio studiorum gratiam Dei inuocare, & intentionem renouare. Secunda, inter studendum sæpè, maximè in dubiis, cor ad Deum eleuare. Tertia, vt humilitate contra vanitatem scientiæ se muniat, sæpè alios consulere. Quarta, pauca legere, & bene intelligere, & euoluere auctorem (Fastidientis enim, ait Seneca, stomachi est, multa degustare) eiusque gnomas, velut gemmas colligere, & memoriæ commendare: tantum enim quisque scit, quantum memoriâ tenet. Quinta, post studium gratias Deo agere, & videre, quis vsus esse possit eorum, quæ didicit, Deoque offerre, & vt ait S. Bonauentura de iisdem quasi in orationem redactis (vt in psalmis factum videmus) cum Deo colloqui; vesperi autè aptè distributa omnia memoriæ commendare. Exemplum habes in Confessionibus S. Augustini lib. 2. c. 12. Sexta, interponere aliquando studiis lectionem librorum piorum ac simpliciorum, vti iam more habuit D. Thomas.

Oratio ante studia.

O Aeterna Sapientia, lumen mentis, loquere, quia audit seruus tuus, & paratum cor eius: inflamma illud; obscura explica. Propter te enim, & tecum, & coram te cupio legere, qua tua Maiestas inspirauit, & dedit: & qua agnouero, facere ad gloriam tuam, & salutem animarum; non vt doctus sim, vel habear, sed vt te amem. Quid enim scire & sciri in iudicio proderit. Suscipe hoc opus, in vniõne omnium operum tuorum, Deus cordis mei, & omnia. Deo Patri memoriam, Filio intellectum, Spiritui sancto voluntatem offer, † faciendo signum crucis.

Oratio post studium.

Scio, Domine, hanc esse voluntatem tuam N. & gratias ago. Da mihi gratiam, ut faciam illam: neque enim aliter possum. sed eâ freui propeno N. scienti enim, & non facienti, peccatum est illi. O uinam his omnibus N. ut ad gloriam tuam! Amen.

Secunda. Quodd si docendum tibi est: postquam benè paratus es, ingressurus scholam, Deum supplex roga, & intentionem renoua, ac statue captare occasionem pietatem insinuandi; eaquæ inter docendum utere. Cum autem discipuli, quorum affectum tibi conciliare debes, plurimum etiam præceptori debeant, & tribuere, si boni, soliti sint; vide, ut auctoritate & scientiâ utaris, ad eos magis in spiritu iuuandos, quos Dei obsequio iudicas esse uiliores. Plures industrias uinctio docebit.

Oratio, antequam ad scholam docturus eas.

O potentissime IESV, qui me ab æterno dilexisti, & de me ordinasti optimè, pro tua sapientia & bonitate: ecce mittis me ut doceam, eamq; scio esse voluntatem tuam & licet ob malitiam meam destruere, quam ædificare magis paratus sim uelut pestis; tamen quia iubes, ad tuam solius gloriam hoc aggredior, & offero hunc laborem in unione doctrinae tuæ in præsentia tua, & has animas, seminarium Ecclesie tuæ, sponas & filios tuos; fac ut zelo honoris tui ductus, rationis reddenda memor, ut oportet, eas instruam, pietateq; semper informem. Et vos Angeli sancti adeste, ut exemplo præeam, N. defectus hos uitem, hac ultimâ forsân horâ. & viscera caritatis impetrate, per Christum Dominum nostrum.

Postquam docuisti, lauda Dominum, roga ut semini det incrementum, & Angelis id commenda. *Laudate Dominum omnes gentes, &c.*

O R A T I O.

Gratias ago tibi, IESV Sapientia æterna, cui hac per me operari placuit. Da, Domine, incrementum; ignosce defectus illos meos N. & suscipe in unione ast orum tuarum, ad gloriam tuam. Et vos Angeli sancti, irrigare semen, fouete, ut fructum afferam, & fructus maneat; & Dominus noster glorificetur, & amatur, & deleatur in operibus manuum mearum. Amen.

Ter-

Tertia. Quòd si disputandum, præparatione præmissâ atque oratione, cogita te velut in theatro stare, & ab omnibus iudicandum, sed maximè à Deo primò de vita, deinde de doctrina. Secundò, cogita, vtrum præstet, alios contentione auertere, an caritate deuincere! Tertio, numquam censeas, arguas alios, aut interpelles. Hæc aut arrogantis, aut impudentis, aut fatui signa habentur, qui non potest in loquendo cohibere spiritum suum.

IACVLATORIE.

Confiteor tibi, Domine cali & terra, quia abscondisti tuam à sapientibus, & prudentibus, & reuelasti ea paruulis. Matth. II.

Ecce timor Domini, ipsa est sapientia, & recedere à malo, intelligentia. Prou. 3.

Mitte sapientiam de calis sanctis tuis, & à sede magnitudinis tue, ut mecum sit, & mecum laboret. Sap. 9.

Nonne stultam fecit Deus sapientiam mundi huius? I. Cor. I.



EPILOGVS OPERIS

E T

ORATIO AD B. VIRGINEM MARIAM.

E Mensus sum, ô stella maris, Beatiſſima Mater, hanc triplicem Viam, non meis viribus; ſed tuo vnus poſt Deum praſidio. te prælucente quaſi ad portum appuli, ſed ſtylo, non vitâ, non facti ſpatio, ſed voto ac deſiderio. Hoc verò ne inanè ſit, ne, cùm alijs prædicauero, ac viam oſtendero, ipſe reprobus efficiar, obſecro te, vt efficiat per te Chriſtus IESVS, via vita, & veritas, & vita: non ſolùm autem in me, ſed in omnibus qui hæc legerint, & oculos ad te ſuos exules filij Euæ leuarint. Et verò quò eos leuare, quò ſe poſſunt conuertere tempeſtate iactati niſi ad te, quæ es portus omnium in te ſperantium? quò luctantes cum contrarijs tentationum ventis in nocte triftitiæ, niſi ad te, quæ es ſtella matutina, & aurora conſurgens? quò peregrini & aduena, niſi ad te, ô ianua cæli? vt per te in terram promiſſionis, in patriam, ad quam vocati ſumus, cæleſtem perueniant, & hauriant ſalutem à Domino. Accipe, precor, hæc vota mea, & omnium qui ad te ſuſpirant, accipe quod Dominus hîc per me operari dignatus eſt: tibi enim ea accepta fero atque offero, vt per viam iſtam & veritatem quotquot ambulamus, perueniamus ad vitam æternam, IESVM Chriſtum filium tuum. Amen.

F I N I S.

E L E N C H V S.

Eorum quæ tribus hisce libris continentur.

LIBER PRIMVS.

PRIMÆ IMAGINIS ANNOTATIO. 2 CAPVT I.

| | |
|---|----|
| Consideratio de fine hominis. | 3 |
| Oratio preparatoria cuius orationi longiori vel meditationi communis. | 4 |
| Meditatio de fine, ob quem homo creatus est. | 5 |
| Oratio. | 9 |
| Praxis de fine sibi præstituendo. | 10 |
| Iaculatoria ad affectum excitatum in meditatione per diem fouendum. | 11 |

CAPVT II.

| | |
|--|----|
| Deliberatio de primo ac præcipuo ad finem medio, fide. | 12 |
| Oratio. | 18 |
| Praxis pro animabus conuertendis. | 19 |
| Praxis disputandi cum hæreticis. | 21 |
| Iaculatoria, quibus affectus deliberationis per diem foueatur. ibid. | |

CAPVT III.

| | |
|--|-------|
| Deliberatio de secundo medio, seu de statu vitæ eligendo vt finem consequamur. | 22 |
| Oratio. | 27 |
| Praxis in vitæ statu eligendo. | ibid. |
| Iaculatoria, quibus deliberans se per diem excitare poterit. | 29 |

SECUNDÆ IMAGINIS ANNOTATIO. 30

CAPVT IV.

| | |
|---|-------|
| Deliberatio de matura conuersione ad Deum, & finem nostrum, postquam deusauimus. | 31 |
| Oratio conuertentis se ad Deum ex S. Augustino. | 35 |
| Praxis ad maturam conuersionem. | 38 |
| Considerationes breues pro conuersione. & vita bona, sapè & maxime sub noctem, breuiter expendenda. | ibid. |
| Iaculatoria. | 40 |

CA-

INDEX CAPITVM.

C A P V T V.

| | |
|--|-------|
| De pœnitentia vera salutis semita, quâ homo ad Deum, & salutis viam reuertitur, eiusq; parte prima contritione. | 41 |
| Colloquium Christi IESV cum anima peccatrice pro contritione excitanda. | 42 |
| Oratio seu actus contritionis. | 47 |
| Praxis de contritionis frequentioris vsu. | ibid. |
| Iaculatoria. | 48 |

C A P V T VI.

| | |
|---|----|
| De confessione secunda parte pœnitentia, ac primo de generali, eiusq; vtilitate. | 48 |
| Oratio ante confessionem. | 51 |
| Praxis seu methodus examinandi conscientiam. | 53 |
| Oratio post confessionem. | 61 |
| Qua agenda post confessionem generalem peractam. | 62 |
| Exemplum propositorum post confessionem generalem ad vite e- mendationem. | 63 |
| Oratio pro perseuerantia in bonis propositis. | 65 |
| Iaculatoria. | 66 |

C A P V T VII.

| | |
|--|-------|
| De satisfactione tertia parte pœnitentia. | ibid. |
| Meditatio de ieiunio primo opere satisfactorio. | 67 |
| Oratio pro pœnitentia, & ieiunij virtute impetranda. | 70 |
| Praxis ad ieiunium seruandum. | 72 |
| Iaculatoria. | 74 |

C A P V T VIII.

| | |
|---|-------|
| Meditatio de eleëmofyna, secundo opere satisfactorio. | ibid. |
| Oratio. | 78 |
| Praxis in eleëmofynis erogandis. | 79 |
| Iaculatoria. | 81 |

C A P V T IX.

| | |
|---|-------|
| De oratione tertio opere satisfactorio, & illius vsu ac fructu. | ibid. |
| TERTIÆ IMAGINIS ANNOTATIO. | 86 |
| De preparatione ad orationem, maximè ad meditationem. | 87 |
| Meditatio de oratione ritè ac reuerenter instituenda. | 90 |
| Oratio pro reuerentia in oratione habenda. | 93 |
| Pra- | |

INDEX CAPITVLM.

| | |
|--|----|
| <i>Praxis preparationis ad orationem, & recollectionis post eam.</i> | 94 |
| <i>Oratio post orationem longiore in aut meditationem.</i> | 95 |
| <i>Iaculatoria, quibus orationis facta pia desideria per diem renouentur, & ad eam anima praparetur.</i> | 96 |

LIBER SECVNDVS.

| | |
|---|----|
| Q UARTA IMAGINIS ANNOTATIO. | 98 |
| <i>Praefatio in librum secundum de progressu, eiusq; impedimenti, siue tentationibus.</i> | 99 |

CAPVT I.

| | |
|---|-------|
| <i>De modo deliberandi.</i> | 100 |
| <i>Consideratio, seu meditatio prima de notis spirituum.</i> | 103 |
| <i>Consideratio seu meditatio secunda de notis ac discretionis spirituum.</i> | 104 |
| <i>Oratio seu protestatio sequendi bonum spiritum.</i> | 106 |
| <i>Praxis in deliberatione adhibenda.</i> | 107 |
| <i>Iaculatoria, quibus directio S. Spiritus exquiritur.</i> | ibid. |

CAPVT II.

| | |
|--|-------|
| <i>Deliberatio de perfectionis seu quotidiani progressus studio, postquam quis in viam reuersus est.</i> | 108 |
| <i>Capita nonnulla exempli gratia allata, in quibus deliberationis modus vsui esse potest.</i> | 113 |
| <i>Pro principibus viris in republica.</i> | ibid. |
| <i>Pro ijs qui in secundis consistunt, ac media fortuna.</i> | ibid. |
| <i>Pro alijs.</i> | 114 |
| <i>Oratio pro perfectionis studio.</i> | ibid. |
| <i>Praxis perfectionis acquirenda.</i> | 116 |
| <i>Iaculatoria.</i> | ibid. |

CAPVT III.

| | |
|---|-------|
| <i>De impedimentis progressus in via Dei, peccato veniali, & tentationibus.</i> | 117 |
| <i>Meditatio de peccato veniali.</i> | ibid. |
| <i>Dialogus in tentatione legendus, ex locis Scriptura concinnatus.</i> | 120 |
| <i>Oratio contra tentationem.</i> | 126 |
| <i>Pra-</i> | |

INDEX CAPITVM.

| | |
|--|-------|
| <i>Praxis. Regula 12. Ioannis Pici Mirandula, partim excitantes, partim dirigentes hominem in pugna spiritali.</i> | 128 |
| <i>Alia praxes ac remedia.</i> | 129 |
| <i>Alia praxes seu remedia contra vitia capitalia.</i> | 131 |
| <i>In omni tentatione hac oratiunculâ vti potes.</i> | 132 |
| <i>Alia remedia.</i> | ibid. |
| <i>Iaculatorie.</i> | 133 |
| <i>Alia remedia per modum dialogismi proposita.</i> | 134 |

C A P V T I V.

| | |
|--|-----|
| <i>De ardenti profectus & orationis desiderio, per septem considerationes seu stimulos excitando, quorum primus est consideratio finis, & presentia Dei.</i> | 145 |
| <i>Oratio supra dicta motiua complectens.</i> | 147 |
| <i>Meditatio de tepiditate & acedia.</i> | 148 |
| <i>Praxis ad teporem abijciendum.</i> | 150 |
| <i>Iaculatorie.</i> | 151 |

QVINTÆ IMAGINIS ANNOTATIO.

C A P V T V.

| | |
|---|-----|
| <i>De secundo stimulo perfectionis, qui est de morte, ac fugacitate vite meditatio.</i> | 153 |
| <i>Oratio pro actionibus pie ac rectè perficiendis.</i> | 155 |
| <i>Praxis ordinandarum actionum.</i> | 156 |
| <i>Iaculatorie.</i> | 157 |

SEXTÆ IMAGINIS ANNOTATIO.

C A P V T VI.

| | |
|---|-------|
| <i>De tertio stimulo timoris Domini, qui est meditatio de periculis huius vite.</i> | 159 |
| <i>Oratio vt à multis vite huius periculis liberemur.</i> | 160 |
| <i>Praxis considerandi pericula.</i> | 161 |
| <i>Iaculatorie.</i> | ibid. |

SEPTIMÆ IMAGINIS ANNOTATIO.

C A P V T VII.

| | |
|--|-----|
| <i>Meditatio de quarto stimulo sanctæ emulationis, qui est feruor Sanctorum.</i> | 163 |
| <i>Oratio ad feruorem Sanctorum impetrandum.</i> | 156 |
| <i>Præ-</i> | |

INDEX CAPITVLM.

Praxis ad feruorem Sanctorum consequendum. 166

Iaculatorie. 167

OCTAVÆ IMAGINIS ANNOTATIO. 168

C A P V T VIII.

De quinto stimulo caritatis erga Ecclesiam matrem, qui est meditatio de Ecclesie afflictione. 169

Oratio pro Ecclesia. 172

Praxis iuuandi Ecclesiam laborantem. 173

Iaculatorie. *ibid.*

NONÆ IMAGINIS ANNOTATIO. 174

C A P V T IX.

De sexto stimulo caritatis erga animas in Purgatorio existentes, seu meditatio de Purgatorio. 175

Oratio pro animabus Purgatorij. 176

Praxis iuuandi animas in Purgatorio. 177

Iaculatorie. *ibid.*

DECIMÆ IMAGINIS ANNOTATIO. 178

C A P V T X.

Meditatio de septimo stimulo, zelo animarum. 179

Oratio pro zelo animarum impetrando. 180

Praxis exercendi zelum animarum. 181

Iaculatorie. 183

C A P V T XI.

De exercitijs ad quæ proficientes stimulantur, quorum primum est mortificatio. 184

Meditatio de mortificatione. 188

Oratio pro spiritu mortificationis impetrando. 191

Praxis mortificationis. 192

Iaculatorie. *ibid.*

C A P V T XII.

De passionibus edomandis. 193

Meditatio prior de passionibus edomandis. 197

Meditatio posterior de ijsdem. 199

Meditatio prima de odio sui. 201

Meditatio secunda de odio sui. 203

Meditatio tertia de odio sui. 204

Kkk

Me-

INDEX CAPITVM.

| | |
|--|-----|
| <i>Meditatio prior de curiositate, insigni progressus in via Domini impedimento.</i> | 205 |
| <i>Meditatio posterior de eadem.</i> | 206 |
| <i>Alia oratio.</i> | 208 |

C A P V T XIII.

| | |
|--|-----|
| <i>Deliberatio de mediocritate tenēda, auxilio primo in via Dei.</i> | 209 |
| <i>Oratio</i> | 215 |

C A P V T XIV.

| | |
|---|-------|
| <i>Meditatio de superbia.</i> | 216 |
| <i>Meditatio de humilitate.</i> | 219 |
| <i>Secunda pars.</i> | 221 |
| <i>Oratio.</i> | 223 |
| <i>Praxis humilitatis exercenda.</i> | 225 |
| <i>Gradus humilitatis.</i> | 228 |
| <i>Alij, quos S. Benedictus assignat.</i> | ibid. |
| <i>Signa humilitatis ex Casiano.</i> | ibid. |
| <i>Praxis pro sui cognitione R. P. Roberti Sotoy velli.</i> | 229 |
| <i>Iaculatoria.</i> | ibid. |

C A P V T XV.

| | |
|---|-------|
| <i>Meditatio prima de obedientia humilitatis filia.</i> | 230 |
| <i>Meditatio secunda de obedientia.</i> | 232 |
| <i>Oratio.</i> | 235 |
| <i>Praxis obedientia exercenda.</i> | 237 |
| <i>Iaculatoria.</i> | ibid. |

C A P V T XVI.

| | |
|--|-------|
| <i>Deliberatio de moderanda cupiditate bonorum, secundo in via perfectionis auxilio.</i> | 238 |
| <i>Meditatio de auaritia.</i> | 246 |
| <i>Meditatio de paupertate.</i> | 248 |
| <i>Oratio.</i> | 251 |
| <i>Praxis ad paupertatem colendam.</i> | 252 |
| <i>Examen quo defectus paupertatis noscuntur.</i> | 253 |
| <i>Iaculatoria.</i> | 254 |
| <i>Exercitium seu consideratio de bonorum vsu.</i> | ibid. |
| <i>Exercitium primum de bonorum dispositione.</i> | 258 |
| <i>Exer-</i> | |

INDEX CAPITVLM.

Exercitium secundum de eadem. 260

C A P V T XVII.

Deliberatio de delectationum appetitu moderando, tertio auxilio in via Dei. 265

Meditatio prima de castitate. 268

Meditatio secunda de castitate. 270

Oratio. 271

Praxis castitatis conseruanda. 273

Iaculatoria. 275

C A P V T XVIII.

Meditatio de modestia. 276

Consideratio de ratione conuersandi cum proximo. 279

Monita quadam B. P. Ignatii circa conuersationem. 281

Oratio pro modestia, & sancta conuersatione impetranda. 283

Praxis ad modestiam morum comparandam. 284

Iaculatoria. *ibid.*

C A P V T XIX.

Meditatio de temporis ratione habenda. *ibid.*

Oratio pro temporis habenda ratione. 287

Praxis pro temporis ratione habenda. 288

Iaculatoria. *ibid.*

C A P V T XX.

Meditatio de monitore aliquo eligendo, auxilio magno in via Dei.

289

Oratio pro monitore, & correptione libenter suscipienda. 294

Praxis in monitore adhibendo. 296

Iaculatoria. 297

C A P V T XXI.

Meditatio de amicorum delectu. 298

Oratio pro amicitia fideli & vera consequenda. 302

Praxis in sinceris amicis diligendis. 303

Iaculatoria. 305

C A P V T XXII.

Meditatio de familia delectu, atque eius gubernatione, magno in via Dei presidio. 306

Oratio ad Deum pro se & familia. 309

Kkk 2

Pra-

INDEX CAPITVM.

| | |
|--|-----|
| <i>Praxis ad familiam ritè ordinandam.</i> | 311 |
| <i>Iaculatoria.</i> | 314 |

C A P V T XXIII.

| | |
|---|-----|
| <i>Meditatio de solitudinis bono.</i> | 315 |
| <i>Oratio pro solitudinis ac silentij virtute impetranda.</i> | 320 |
| <i>Praxis ad solitudinis amorem ingenerandum.</i> | 321 |
| <i>Iaculatoria.</i> | 326 |

C A P V T XXIV.

| | |
|---|-----|
| <i>Meditatio de perseuerantia, singulari auxilio in via virtutis.</i> | 326 |
| <i>Pars secunda.</i> | 328 |
| <i>Pars tertia.</i> | 330 |
| <i>Oratio pro perseuerantia in via virtutis.</i> | 332 |
| <i>Praxis ad perseuerandum in bene cœptis.</i> | 334 |
| <i>Iaculatoria.</i> | 335 |

C A P V T XXV.

| | |
|--|-------|
| <i>Meditatio de lectione pia magno ad meditationem & perfectionem auxilio.</i> | 336 |
| <i>Oratio post lectionem.</i> | 341 |
| <i>Praxis ad librum spiritualem legendum.</i> | ibid. |
| <i>Iaculatoria.</i> | 343 |

C A P V T XXVI.

| | |
|--|-----|
| <i>De meditandi methodo, quâ anima à terrenis eleuatur in Deū.</i> | 344 |
| <i>De modo meditandi.</i> | 346 |
| <i>VNDECIMÆ IMAGINIS ANNOTATIO.</i> | 358 |

C A P V T XXVII.

| | |
|---|-----|
| <i>Meditatio de natiuitate Christi, quâ praxis methodi suprâ dictæ ostenditur, & ad caritatem accendimur.</i> | 359 |
|---|-----|

C A P V T XXVIII.

| | |
|--|-----|
| <i>De modo meditandi per fidei, spei & caritatis actus.</i> | 365 |
| <i>Exercitium spei.</i> | 368 |
| <i>Exercitium caritatis.</i> | 369 |
| <i>Compendium horum.</i> | 371 |
| <i>Sententia, in quibus exerceri hic modus vtiliter poterit.</i> | 372 |
| <i>Meditatio de verbis illis: Omnis qui se exaltat, humiliabitur, &c. complectens exercitium fidei, spei, caritatis, & modum meditandi</i> | |

INDEX CAPITV M.

| | |
|--|-----|
| <i>tandi per tres virtutes Theologicas.</i> | 373 |
| DUODECIMÆ IMAGINIS ANNOTATIO. | 384 |
| CAPVT XXIX. | |
| <i>Meditatio de confidentia in Deo, & diffidentia sui in omni oratione exercenda.</i> | 385 |
| <i>Oratio.</i> | 387 |
| <i>Praxis ad fiduciam in Deum, & diffidentiam sui in quacung; oratione & re concipiendam.</i> | 390 |
| <i>Iaculatoria.</i> | 391 |
| DECIMÆ TERTIÆ IMAGINIS ANNOTATIO. | 392 |
| CAPVT XXX. | |
| <i>De primo medio meditationem atque affectus eius ampliandi: siue meditatio de ponderatione virtutis ac vitij, & illius electione.</i> | 393 |
| <i>Oratio ad aternam Sapientiam, ne cum mundo in virtutis pretio erremus.</i> | 397 |
| <i>Praxis ad virtutem ac vitium ex merito ponderandum.</i> | 398 |
| <i>Iaculatoria.</i> | 399 |
| DECIMÆ QVARTÆ IMAGINIS ANNOTATIO. | 400 |
| CAPVT XXXI. | |
| <i>De secundo medio meditationem atque affectus eius ampliandi, siue de prudentia filiorum saculi imitanda in electione virtutis.</i> | 401 |
| <i>Oratio.</i> | 404 |
| <i>Praxes de prudentia saculi.</i> | 406 |
| <i>Iaculatoria.</i> | 407 |
| DECIMÆ QVINTÆ IMAGINIS ANNOTATIO. | 408 |
| CAPVT XXXII. | |
| <i>De tertio medio meditationem atque affectus eius ampliandi: siue de morte, & consideratione eius, quod tunc nos elegisse optabimus.</i> | 409 |
| <i>Oratio de morte.</i> | 411 |
| <i>Praxis pro memoria mortis.</i> | 412 |
| <i>Iaculatoria.</i> | 413 |
| DECIMÆ SEXTÆ IMAGINIS ANNOTATIO. | 414 |

I N D E X C A P I T V M.

C A P V T XXXIII.

*De quarto medio meditationem atque affectus eius ampliandi,
sive de extremo iudicio.* 415

Oratio. 419

Praxis ad iudicij memoriam recolendam. 420

Iaculatoria. 421

DECIMÆ SEPTIMÆ IMAGINIS ANNOTATIO. 422

C A P V T XXXIV.

*De quinto medio meditationem atque affectus eius ampliandi, si-
ne de aternitate.* 423

Oratio. 425

Praxis ut aternitatis memoria altè menti insigatur. 426

Iaculatoria. 427

DECIMÆ OCTAVÆ IMAGINIS ANNOTATIO. 428

C A P V T XXXV.

*De sexto medio meditationem atque affectus eius ampliandi, siue
de imitatione Sanctorum.* 429

Oratio pro impetranda imitatione Sanctorum. 432

Praxis pro cultu Sanctorum. 434

Iaculatoria. 435

DECIMÆ NONÆ IMAGINIS ANNOTATIO. 436

C A P V T XXXVI.

*De septimo medio meditationem atque affectus eius ampliandi,
sive de pace & securitate animæ, quæ ex virtute promanat.* 437

Oratio. 441

Praxis ad securitatem animæ comparandam. 443

Iaculatoria. ibid.

VIGESIMÆ IMAGINIS ANNOTATIO. 444

C A P V T XXXVII.

*De octavo medio meditationem atque affectus eius ampliandi, si-
ue de gaudio, ob quod virtutem sequi oporteat.* 445

Oratio. 449

Praxis ad gaudium è virtute captandum. 450

Iaculatoria. 451

VIGESIMÆ PRIMÆ IMAGINIS ANNOTATIO. 452

CA-

INDEX CAPITVM.

C A P V T XXXVIII.

| | |
|--|-----|
| <i>De nono medio meditationem atque affectus eius ampliandi, siue de imitatione Christi.</i> | 453 |
| <i>Oratio.</i> | 456 |
| <i>Praxis ad Christi imitationem dirigens.</i> | 458 |
| <i>Iaculatoria.</i> | 459 |
| VIGESIMÆ SECUNDÆ IMAGINIS ANNOTATIO. | 460 |

C A P V T XXXIX.

| | |
|---|-----|
| <i>De decimo medio meditationem atque affectus eius ampliandi, siue de beneficijs Dei quibus ad perfectionem nos inuitat.</i> | 461 |
| <i>Oratio pro beneficijs.</i> | 464 |
| <i>Praxis agendi Deo gratias ob beneficia.</i> | 466 |
| <i>Iaculatoria.</i> | 467 |
| VIGESIMÆ TERTIÆ IMAGINIS ANNOTATIO. | 468 |

C A P V T XL.

| | |
|---|-------|
| <i>De vndecimo medio meditationem atque affectus ampliandi, siue de perfectionibus Dei, quibus merito prouocamur, vt ei per virtutem seruiamus.</i> | 469 |
| <i>Oratio.</i> | 473 |
| <i>Praxis exercendi se circa perfectiones diuinas.</i> | 475 |
| <i>Iaculatoria.</i> | ibid. |
| VIGESIMÆ QUARTÆ IMAGINIS ANNOTATIO. | 476 |

C A P V T XLI.

| | |
|---|-----|
| <i>Exercitium petitionis.</i> | 477 |
| <i>Praxis ad petitionem in oratione exercendam.</i> | 478 |

C A P V T XLII.

| | |
|---|-------|
| <i>Exercitium post meditationem.</i> | 481 |
| <i>Oratio post meditationem.</i> | 482 |
| <i>Alia oratio post meditationem.</i> | ibid. |
| <i>Praxis eorum quæ post meditationem facienda sunt, ac primò de distractionibus. & eorum remedijs.</i> | 484 |
| <i>Iaculatoria, quibus cuiusvis meditationis fructus ruminare a sceta per diem poterit.</i> | 488 |

LIBER TERTIVS.

VIGESIMÆQVINTÆ IMAGINIS ANNOTATIO. 490
Præfatio. 491

C A P V T I.

| | |
|--|-------|
| <i>De perfectione: in quo ea consistat.</i> | 493 |
| <i>Praxis perfectionis assequenda.</i> | 499 |
| <i>Regula brevis, seu via ad perfectionem, respondens petitionibus orationis Dominica.</i> | ibid. |
| <i>Dialogus brevis sanctæ Catharinae Serensis consummatam continens perfectionem.</i> | 500 |
| <i>Documenta, seu consilia saluberrima, in quibus se exercere debet qui vult euadere laqueos diaboli, ex tractatu sancti Vincentij de vita spirituali deprompta.</i> | 508 |
| <i>Documenta ad perfectionem ex D. Bernardi formula honestæ vitæ.</i> | 511 |
| <i>Epistola cohortatoria S. Thomæ ad quemdam, in qua ponitur idoneum modum salubriter acquirendi scientiam, siue humanam, siue diuinam.</i> | 513 |
| <i>Brevis regula B. P. Ignatij pro perfectione consequenda.</i> | 514 |
| <i>Descriptio viri spiritualis.</i> | 515 |

C A P V T II.

| | |
|--|-----|
| <i>Exercitium de magno perfectionis desiderio excitando.</i> | 516 |
| <i>Oratio pro perfectionis desiderio augendo.</i> | 519 |
| <i>Praxis pro perfectionis desiderio augendo.</i> | 520 |
| <i>Iaculatoria.</i> | 521 |

C A P V T III.

| | |
|--|-------|
| <i>Exercitium pro sui renouatione quot hebdomadis faciendum.</i> | 522 |
| <i>Oratio pro profectu.</i> | 525 |
| <i>Oratio D. Thomæ Aquinatis.</i> | 526 |
| <i>Praxis ad mentis renouationem instituendam.</i> | 527 |
| <i>Alia methodus colligendi sese, & praxis.</i> | ibid. |
| <i>Signa profectus.</i> | 528 |
| <i>Iaculatoria.</i> | 531 |

VIGESIMÆSEXTÆ IMAGINIS ANNOTATIO. 532
 CA-

INDEX CAPITVM.

C A P V T IV.

| | |
|---------------------------------------|-----|
| Exercitium de gratiarum actione. | 533 |
| Canticum Iesu filij Sirach. | 535 |
| Praxis ad gratias Deo datori agendas. | 536 |
| Iaculatoria. | 537 |
| VIGESIMÆ SEPTIMÆ IMAGINIS ANNOTATIO. | 538 |

C A P V T V.

| | |
|--|-------|
| De examine generali. | 539 |
| Exercitium de examine generali. | ibid. |
| Oratio pro examine, complectens præcepta decalogi. | 543 |
| Praxis peragendi examinis generalis. | 545 |
| Praxis examinis particularis. | ibid. |
| Iaculatoria, quæ cuius virtuti applicari potest. | 551 |
| Meditatio pro vitio in genere. | 552 |
| Meditatio pro virtute acquirenda. | 553 |
| Iaculatoria. | 555 |
| VIGESIMÆ OCTAVÆ IMAGINIS ANNOTATIO. | 556 |

C A P V T VI.

| | |
|---|-----|
| Exercitium de consideratione rerum agendarum. | 557 |
| Oratio quâ quis actiones suas Deo offert. | 559 |
| Praxis ad rerum agendarum considerationem. | 561 |
| Iaculatoria pro oblatione actionum suarum. | 563 |
| S. Bonaventura exercitia quædam spiritalia. | 564 |
| Diarium breue conflatum ex sacris Literis. | 566 |
| VIGESIMÆ NONÆ IMAGINIS ANNOTATIO. | 570 |

C A P V T VII.

| | |
|--|-------|
| Exercitium de consideratione malorum quæ nobis accidere possunt, ac primò de tolerantia alienorum defectuum. | 571 |
| Exercitium primum de eodem. | 572 |
| Exercitium secundum. | 573 |
| Oratio. | 577 |
| Praxis ad tolerantiam exercendam. | ibid. |

C A P V T VIII.

| | |
|---|-----|
| Exercitium de patientia in proprijs malis, & meditatio. | 578 |
| Oratio. | 582 |

INDEX CAPITVM.

| | |
|---|-------|
| <i>Praxis ad malorum propriorum exercendam tolerantiam.</i> | 585 |
| <i>Iaculatoria.</i> | ibid. |

C A P V T IX.

| | |
|--|-----|
| <i>Exercitium seu deliberatio de contemnendis hominū iudicijs.</i> | 586 |
| <i>Oratio.</i> | 594 |
| <i>Praxis ad iudicia hominum contemnenda.</i> | 595 |
| <i>Iaculatoria.</i> | 596 |

C A P V T X.

| | |
|--|-------|
| <i>Exercitium seu deliberatio de sincera ac frequenti confessione.</i> | ibid. |
| <i>Oratio pro confessione ritè instituenda.</i> | 600 |
| <i>Praxis ad peccatorum confessionem peragendam.</i> | 602 |
| <i>Iaculatoria.</i> | 604 |

C A P V T XI.

| | |
|---|-----|
| <i>Exercitium seu deliberatio de pia ac frequenti communione.</i> | 605 |
| <i>Oratio pro communione.</i> | 611 |
| <i>Praxis ad piè communicandum.</i> | 612 |
| <i>Iaculatoria.</i> | 614 |

C A P V T XII.

| | |
|--|-------|
| <i>Exercitium pro sacra communione religiosi, & deuoti minus occupatis accommodatum.</i> | 615 |
| <i>Oratio manè recitanda.</i> | 618 |
| <i>Aliud exercitium ante sacrosanctam communionem.</i> | 619 |
| <i>In communionem.</i> | 620 |
| <i>Post communionem.</i> | ibid. |
| <i>Oratio ante & post communionem.</i> | ibid. |
| <i>Alia oratio post communionem.</i> | 622 |
| <i>Praxis pro pia deuotaq; communionem.</i> | 623 |
| <i>Iaculatoria.</i> | ibid. |

C A P V T XIII.

| | |
|--|------|
| <i>Aliud exercitium pro communionem, quo anima à Christo, & vicissim Christus ab anima inuitatur, cum commemoratione variorum beneficiorum, titularum & miraculorum in Ven. Eucharistia, & contritione, & gratiarum actione, resignatione, fidei, spei & caritatis actu.</i> | 626 |
| <i>Oratio corā Ven. Sacramento, pro sui renouatione, & vitæ emendatione, quæ etiā ante & post cōmunionem vsurpari potest.</i> | 632 |
| | Col. |

INDEX CAPITV M.

| | |
|--|-----|
| Colloquium animæ cum Christo pro Sacro audiendo, & communione, maxime pro ijs qui lecta non intelligunt, & distractis. | 635 |
| Alia oratio Christiani hominis officia, & omnium propè virtutum actus complectens. | 641 |
| Praxis audiendi Sacrum. | 644 |
| Oratio pro communione spirituali. | 645 |
| Iaculatoria. | 647 |

C A P V T XIV.

| | |
|--|-----|
| Peregrinatio cum Christo patiente, siue exercitium de passione Domini, quo ad amoris affectum homo disponitur. | 648 |
| De institutione Ven. Sacramenti. | 649 |
| De oratione Christi in horto. | 652 |
| De Christi ad Annam deductione. | 654 |
| De Christi apud Caipham accusatione, & illusione. | 655 |
| De Christi apud Pilatum, & Herodem accusatione. | 656 |
| De reditu Christi ad Pilatū, & flagellatione, & coronatione. | 657 |
| De baiulatione crucis & crucifixione. | 659 |
| Praxis in passione Domini sese exercendi. | 663 |
| Iaculatoria. | 665 |
| TRIGESIMÆ IMAGINIS ANNOTATIO. | 666 |

C A P V T XV.

| | |
|--|--------------------|
| Exercitium de pura intentione. | 667 |
| Meditationes quatuor de pura intentione, & maiori Dei gloria querenda. | 671. 672. 674. 675 |
| Oratio ad puram intentionem impetrandam. | 677 |
| Praxis pro pura intentione. | 678 |
| Iaculatoria. | 679 |
| TRIGESIMÆ PRIMÆ IMAGINIS ANNOTATIO. | 680 |

C A P V T XVI.

| | |
|--------------------------------------|-----|
| Exercitium de presentia Dei. | 681 |
| Oratio pro presentia Dei impetranda. | 684 |
| Modi presentia Dei, & Praxes. | 687 |
| Iaculatoria. | 690 |
| CA- | |

INDEX CAPITVM.
CAPVT XVII.

| | |
|---|-------|
| <i>Exercitium de amore Dei.</i> | 691 |
| <i>Meditatio de amore Dei.</i> | ibid. |
| <i>Oratio.</i> | 698 |
| <i>Praxis ad amorem Dei excitandum.</i> | 700 |
| <i>Iaculatoria.</i> | 701 |

CAPVT XVIII.

| | |
|---|-----|
| <i>Exercitium, & meditatio de caritate proximi.</i> | 702 |
| <i>Oratio.</i> | 707 |
| <i>Praxis de caritate erga proximos seruanda.</i> | 708 |
| <i>Iaculatoria.</i> | 709 |

CAPVT XIX.

| | |
|---|-------|
| <i>Exercitium seu deliberatio de inimicis, & ijs qui nobis aduersantur, diligendis.</i> | ibid. |
| <i>Praxis ad inimicos diligendos.</i> | 717 |
| <i>Iaculatoria.</i> | 718 |

CAPVT XX.

| | |
|--|-------|
| <i>Dialogus de contemplatione.</i> | ibid. |
| <i>Oratio complectens omnes amoris affectus.</i> | 731 |
| <i>Exercitium aspirationum decurrendo per omnia creata secundum tres vias.</i> | 732 |
| <i>Aspirationes ex Ludouico Bloſſo pro ardenti amore excitado.</i> | 735 |

CAPVT XXI.

| | |
|---|-----|
| <i>Exercitium de conformitate voluntatis noſtræ cum diuina, & pace vera animi, ad quam omnis exercitatio ſpiritalis dirigitur, quâ celeſtis vitæ dulcedo delibatur.</i> | 739 |
| <i>Meditatio de pace animi, ſeu conformitate voluntatis noſtræ cum diuina diuiſa in partes decem.</i> | 740 |
| <i>Oratio.</i> | 756 |
| <i>Alia breuior.</i> | 759 |
| <i>Praxis ad acquirendam conformitatem voluntatis noſtræ cum diuina, & pacem.</i> | 760 |
| <i>Iaculatoria.</i> | 763 |

CAPVT XXII.

| | |
|---|-------|
| <i>De notis ſalutis, quibus in tanta incertitudine cognoscere quis poſteſt in vitæ ac viæ termino an rectam tenuerit.</i> | ibid. |
|---|-------|

I N D E X C A P I T V M.

TRIGESIMÆ SECUNDÆ IMAGINIS ANNOTATIO. 768
C A P V T XXIII.

| | |
|--|-----|
| Meditatio de B. Virginis imitatione. | 769 |
| Oratio ad B. Virginem. | 773 |
| Præses colendi B. Virginem. | 776 |
| Ludouici Blofij Rosarium, seu sertum B. Virginis Mariæ quinque- partitum, vitæ & gestis Iesu Christi pulchrè exornatum. | 779 |

C A P V T XXIV.

| | |
|--|-----|
| Diarium, siue actionum per diem distributio. | 786 |
|--|-----|

C A P V T XXV.

| | |
|--|-------|
| Exercitium seu praxis preparandi sese ad mortem. | 799 |
| Propinqua ad eandem preparatio. | 802 |
| Oratiuncula initio morbi. | 803 |
| Alia de hac re longior pro opportunitate. | ibid. |
| De tentationibus in morbo occurrere solitis, & remedijs. | 809 |
| Protestatio moribundi. | 810 |
| Sententiæ, quibus fidei, spei & caritatis actus exercere potest in- firmus. | 812 |

C A P V T XXVI.

| | |
|--|-----|
| Contemplatio de vita æterna, sine ac termino via nostra. | 815 |
| Oratio. | 819 |
| Praxis ad amorem celestis patriæ concipiendum. | 821 |
| Iaculatoriæ. | 822 |

C A P V T XXVII.

| | |
|---|-------|
| De officio sacerdotis. | ibid. |
| S E C T I O I. Exercitium sacerdotis in partes septem, pro septem diebus hebdomadæ diuisum. | |
| Oratio. | 823 |
| Praxis preparandi se ad Sacrum, seu octo gradus, quibus ani- ma ascendat ad tabernaculum Dei cum hominibus Sanctissi- mam Eucharistiam. | 832 |
| Oratio, quæ superiora ferè complectitur. | 833 |
| Motiuu varia pro affectu vario ac tempore. | 835 |
| Praxis colligendi se in Missæ sacrificio. | 836 |
| Et post Sacrificium. | 840 |
| Distributio communionis. | 841 |

S E-

INDEX CAPITVM.

| | |
|---|---------|
| SECTIO II. Exercitium de lectione Horarum. | 841 |
| Oratio ante Horas Canonicas. | 845 |
| Praxis ad benerecitandas Horas. | ibid. |
| Oratio post Horas. | 849 |
| SECTIO III. Exercitium de officio concionatoris. | 850 |
| Orationes ante & post concionem. | 853.855 |
| Alia breuiores ante & post concionem. | 856 |
| Praxis rite concionandi. | 857 |
| Iaculatoria. | 859 |
| SECTIO IV. Exercitium de sancto Pœnitentia Sacramento. | 860 |
| Oratio ante confessionem audiendam. | 863 |
| Praxis ad hoc Sacramentum rite administrandum. | 864 |
| Iaculatoria. | 866 |
| SECTIO V. Exercitium de studiis & præcipua hominum occupatione. | ibid. |
| Meditatio posterior de studio Christiano. | 868 |
| Oratio. | 872 |
| Praxis studendi, & oratio ante studia. | 873 |
| Oratio post studium, & antequam ludum adeas docturus. | 874 |
| Alia oratio. | ibid. |
| Iaculatoria. | 875 |
| Epilogus operis, & oratio ad B. Virginem. | 876 |

ERRATA SIC LECTOR CORRIGAT.

- Pag. 4. v. 9. *se excitari sentiat* : leg. *te excitari sentias*.
 pag. 81. in margine *Luc. 6. Eccli. 17.* leg. *Luc. 17. Eccli. 6.*
 pag. 89. v. 4. à fine *decies* add. *millies*.
 pag. 144. v. vlt. *amicis* leg. *inimicis*.
 pag. 167. v. vlt. *Psal. 19.* leg. *91.*
 pag. 229. in margine *Psal. 8.* leg. *Iob 7.*
 pag. 233. in margine *Matth. 12.* leg. *Ioan. 4.*
 pag. 283. in margine *Coloss. 3.* leg. *Phil. 2.*
 ibid. in margine *Luc. 16.* leg. *Matth. 6.*
 pag. 284. in margine *Luc. 11.* leg. *Matth. 6.*
 pag. 395. v. 7. à fine *haber; e* leg. *habere;*
 pag. 478. v. 8. à fine *Filio*, add. *& Spiritu sancto.*
 pag. 601. v. 6. à fine *consilium*, add. *nisi.*
 ibid. v. vlt. *omnibus* add. *diebus.*

SVMMA PRIVILEGII CÆSAREI.

FERDINANDVS, diuina fauente clementia, electus Rom. Imperator, semper Augustus diplomate suo fanxit, ne quis librum cui nomen VIA VITÆ ÆTERNÆ, auctore R. P. Antonio Sucquet, Soc. IESV sacerdote, per totum Romanū Imperium, aut regna ac prouincias Imperio subiectas præter Typographi, quem ad hoc ipse deligere voluerit, voluntatem, intra decennium imprimat, vel imprimi curet. Qui secùs faxit, præter exemplarium confiscationem, decem marcharum auri puri fisco Cæsareo inferendarum pœna multabitur, vt latiùs patet in litteris datis Viennæ, die VI. Martij, anno M. DC. XX.

Signat

FERDINANDVS.

Ad mandatum S. Cæsar. Maiestatis proprium

Vt. I. L. Von Vlm.

R. Questenberg.

SVMMA PRIVILEGII PRINCIPVM BELGARVM.

ALBERTVS & ISABELLA CLARA EVGENIA, Archiduces Austriæ, Duces Burgundiæ, Brabantie, &c. Serenissimi Belgarum Principes, diplomate suo fanxerunt, ne quis librum cui titulus VIA VITÆ ÆTERNÆ, à R. P. Antonio Sucquet, Soc. IESV, in Prouincia Flandro-Belgica Prouinciali compositum, præter eiusdem voluntatem vllomodo in Belgio intra decennium imprimat, aut alibi terrarum impressum in has inferioris Germaniæ ditiones importet, venalemve habeat. Qui secùs faxit, confiscatione librorum, & alia graui pœna multabitur, vt latiùs patet in litteris datis Bruxellæ XIII. Decembris, anno M. DC. XIX.

Signat

Steenhuyse.



